




Ex Bibliotheca
Majori Coll. Rom.
Societ. Jesu





6-11-F-1

IO. GEORGII WALCHII

P. P. O.

I

PARERGA ACADEMICA

EX

HISTORIARVM ATQVE
ANTIQVITATVM MONIMENTIS

COLLECTA.

Bibliotheca Sacra Coll. Mon. Soc. Jesu



L I P S I A E

SVMTV IO. FRIEDER. GLEDITSCHII
B. F I L I I.

M D C C X X I

THE UNITED STATES OF AMERICA

DEPARTMENT OF THE ARMY

OFFICE OF THE ADJUTANT GENERAL

WASHINGTON, D. C.

ADJUTANT GENERAL

OFFICE OF THE ADJUTANT GENERAL

WASHINGTON, D. C.

ADJUTANT GENERAL



ADJUTANT GENERAL

WASHINGTON, D. C.

ADJUTANT GENERAL

WASHINGTON, D. C.

PERILLVSTRI ATQVE
EXCELLENTISSIMO DOMINO,

DOMINO

FRIDERICO
GOTTHILF
MARSCHALL

DICTO GREIFF,

EX

EQVITIBVS FRANCONIAE,
QVI PROXIME IMPERIO ROMANO
GERMANICO SVBIECTI SVNT,
DOMINO IN EINOED, ERLEBACH,
ET OSSMANSTADIO,

A CONSILIIIS SANCTIORIBVS
SERENISSIMORVM DVCVM SAXO-
VINARIENSIVM, ET SVPREMO AVLAE
MARESCHALLO,

NEC NON

CVRIAE PROVINCIALIS IENENSIS
ASSESSORI, AC PRAEFECTVRARVM ROSLENSIS
ET GEBSTADIENSIS DIRECTORI
GRAVISSIMO.

DOMINO SVO GRATIOSISSIMO

S. P. D.

IO. GEORGIVS WALCHIVS.



IN PERILLVSTRIS ATQVE
EXCELLENTISSIME

OR VIR,



Pus hoc musarum mearum, quibus colendis tradendisque consecraui animum, non potui non TIBI sacrare, hacque deuota inscriptione mea in TE obseruantia ac singularis pietatis statuere monumentum. ea enim sunt TVA in publicam, ea in litterariam rem merita, ut, quamuis ceteros in tanto fastigio, quo IPSE es, constitutos negotiorum publicorum copia & magnitudo alienos efficiat ab humanioribus musis; TV non solum ad Principum res explicandas valeas; sed litteras quoque mira felicitate earumque auctoritatem tuearis, TVoque praesidio spem ceteris eruditi semper conserues. qua publica praedicatione nullam adulationis notam metuo. satis me ab hac suspitione absoluunt tot praestantissima

in cre-

incredibilis TVI adfectus erga musas earum-
 que cultores argumenta, quum in tanta cura
 ac sollicitudine, qua dies noctesque a salutis
 publicæ custodia oculos haud desectis, doctrina
 liberalioris studiis semper pectus TVVM deuo-
 ueas, ac summa TVA auctoritate eorum pre-
 tia defendas, omnesque, qui ex litteris utilita-
 tem ac suauitatis fructum colligere instituunt,
 pro celsa animi virtute, pro constantia singulari
 suscipias libenter, susceptos foveas, & dato
 ornandi loco, ornes cumulate. sic multi intel-
 ligunt & ultro fatentur, se TVIS vinci benefi-
 ciis, quorum quum memores sint musæ, id TI-
 BI omnino præstabunt, ut gloria TVA vires ab
 æuo, atque incrementum ab annis capiat. in
 quorum numero & ego sum, meque magnam
 fortunarum mearum partem Tibi debere, pie
 agnosco, ac merita TVA in me, ac musarum
 mearum felicitatem, quæ maxima & plane
 singularia sunt, deuote semper veneror, suspi-
 cione ingrati hominis me liberaturus. recorda-
 tio temporis illius, quo Lipsiæ primus aditus ad
 TE mihi patebat, quo suaue & humanitatis ple-
 nissimum alloquium TVVM, sermoque omni
 doctrina refertus deducebat me in admiratio-
 nem pietatemque, delectationem habet haud
 mediocrem, atque animum meum ad cultum

gratæ ac piæ memoriæ incitat. nam quum paullo post supremus mundi arbiter atque imperator me ex Lipsia exire & ab musis loci illius iucundissimis discessionem facere iuberet, ac miranda sua prouidentia curaret, ut serenissimi Principes ac Domini academici huius conservatores me ad munus litteras humaniores profitendi publice euocarent; hac in causa fortunarum mearum TE benignissimum expertus sum patronum. ex quo diuinam vocem secutus, res meas meaue studia in hanc urbem transtuli, ut ad clementissimam Principum meorum voluntatem totum me fingerem atque accommodarem, tanta TVORVM in me beneficiorum facta est accessio, ut non possim non pie agnoscere, TE ad salutem meam tuendam, augendam, amplificandamque summa eaque benignissima contulisse studia. quapropter animus meus ad gratæ memoriæ ac pietatis significandæ cultum procliuis, in id curas & cogitationes semper direxit, quomodo publice declararem, quantum TIBI debeam, ac beneuolentiæ TVÆ, qua me ornasti, luculentissima documenta prædicarem, etiam præsidio TVO fortunas meas sartas & textas seruandas iterum commendarem. soluo igitur, quod debeo, neque vero, dum soluo, TIBI me debere

*debere desino. accipies hoc opusculum, quod,
ut vides, auspicio illustris nominis TVI emitto,
ea, qua solitus es, benevolentia, & agnosces,
spero, magis pium rectumque animum, quam
doni modum & pretium. quamvis enim TE
esse principem virorum egregiorum, qui hac
politiora studia atque elegantiorē doctrinam
ex aequo & vero aestiment, letari possim; fa-
teor tamen, ipsum munus hoc, quod musæ meæ
TIBI offerre sustinuerunt, esse tenue atque exi-
le. id tantum velim, TIBI sit persuasissimum,
nullam curam mihi esse antiquiorem, quam ut
perpetua observantia ac pietate, quam diu fue-
ro superstes, animum submissi erga TE cultus
plenissimum significem. deum veneror, ut
TV diutissime viuas, valeas, ac litterarum
incrementis felicissime, ut facis, prospicias.*

Ienæ d. i. aug. anno reparata salutis

MDCCXXI.

BENEVOLO LECTORI

S.

Vides hic parerga academica, de quibus pauca monebo, quamuis de argumentis, quæ illis explicantur, adhuc disputandi materia non deesset, si & temporis & aliarum occupationum ferret ratio. animum quippe induxi, parergis hisce varia momenta elegantioris doctrinæ ac philosophiæ, quæ & utilitate & suauitate illustriora sunt, diligentius explanare, ac illorum studiis, quorum animi harum pulcerrimarum rerum pascuntur, consulere. primo loco deprehendis dissertationem *de fabulosa historia Semiramidis*, qua præcipue disputauit aduersus CTE-
SIAM CNIDIVM, qui captus bello, quod Cyrus minor cum fratre Artaxerxe gessit, & in Persidem delatus ibi per xvii annos exercuit medicinam. ex ipsius monimentis præter pauca fragmenta & excerpta, quæ HENRICVS STEPHANVS, ANDREAS SCHOTTVS, GOTHOFREDVS IVNGERMANNVS collegerunt, nihil ad nos peruenit, quamuis luculenta lubricæ ac malæ fidei documenta dederit, id quod non solum antiqui, ARISTOTELES, STRABO, PLVTARCHVS; sed ex recentioribus quoque IOSEPHVS, SCALIGER, HERMANNVS

CON-

CONRINGIVS, BERNH. de MONTFAVCON, CHRISTOPHORVS CELLARIVS aliique obseruarunt. cuiusmodi errores & fabulas tradidit quoque in historia Semiramidis, quippe quam primum ea, qua decet, fide ex vetustis monumentis commemoravi, ac deinde regulas probabilitatis historicæ secutus exposui, quod illius sit pretium, quamue mereatur auctoritatem. equidem dissertatio hæc iam anno MDCCXIII. Lipsiæ prodiit; heic autem istam emendatam & accessionibus non leuioris momenti auctam deprehendes, cuius rei ea tantum documento sunt, quæ de ipso CTESIA CNIDIO, de matre Semiramidis, quam fabulosa prodidit ætas, item de *Ἰνγιορρόφους*, de origine Babylonis, de Belis disputaui copiose.

Dissertationem hanc excipit *diatribe de variis modis litteras colendi apud veteres romanos*, quæ quum non mediocris antiquitatum rei litterariæ sit dignitas, cultoribus atque alumniis illarum fructum queindam, spero, adferet, vt adeo operam meam in hoc non male collocasse videar. nam quamuis fuerint, qui ingenia sua in hoc litterarum genere exercuerunt diligenter, atque in his rerum antiquarum studiis magna elaborarunt cura, quorum notitiam præcipue IO. ALBERTO FABRICIO & IACOBO FRIDERICO REIMMANNO debe-

mus; nemo tamen argumentum hoc a me expositum, iusto ordine, & ea, qua decet industria, est persecutus. veteres romani nominis sui magnitudinem impleverunt non solum armorum peritia, sed litterarum quoque studiis, quibus a prima ætate animum tradiderunt, ex quorum discendi modo, nec non educationis atque institutionis ratione, & iucunda & utilia exempla capere nostramque doctrinæ culturam ad ista fingere possumus.

Tertio loco videbis dissertationem *de præmiis veterum sophistarum, rhetorum & oratorum*, quod argumentum, quum LVDOVICVS CRESOLLIVS, cui debemus *theatrum rhetorum, oratorum & sophistarum*, leuiore attigisset industria, vberius ex antiquæ ætatis monimentis illustrandum eligi, & ad id præcipue studium meum contuli, vt varia præmiorum genera, quibus veteres sophistæ adfecti sunt atque ornati, distincte exponerem, cuiusmodi sunt salaria, tituli honoris, adclamationes, coronæ, statuæ, legationes, magistratus, victus publicus. nec non varias adieci observationes ex elegantiori disciplina, quæ loca obscuriora scriptorum diuinorum illustrent, multisque demonstraui exemplis, litteras humaniores, præcipue studia antiquitatum veterum gentium interpreti oraculorum sacrorum operam præstare utilem,

utilem, siue res ipsas, siue dicendi genera ac formulas respiciamus. extiterunt viri grauiissimi, qui in eo collocarunt studia sua, vt doctrinam græcæ litteraturæ, quam ex lectione scriptorum profanorum hauerant, ad codicem noui fœderis enarrandum illustrandumque adferrent, quam gloriam propriam sibi fecere ætate paulo superiore STEPHANVS, BEZA, CASSAVBONVS, HEINSIVS, PRICÆVS, GROTIVS, ERASMVVS SCHMIDIVS, STOLBERGIVS, & nostra memoria HENRICVS HAMMONDVVS, IO. CLERICVS, LAMBERTVS BOS, GOTTFRIED OLEARIVS alii-que. nec ipsis horum studiorum felix defuit euentus, quum non solum multarum vocum ac formularum, quas scriptores fœderis posterioris vsurparunt, auctoritas firma; sed & vis significandi ex profanis græciæ libris vindicari atque ostendi, adeoque suspicio loquendi generis barbari remoueri ac via ad rectam sententiam parari possint, si modo tale studium cum cautione quadam instituat.

Sequitur diatribe de *amœnitatibus historicis ex Ciceronis peregrinatione collectis*, qua verba CICERONIS, quibus ipse iter suum litterarium commemorat, illustraui, multaque collegi de Athenis, scholis Atheniensibus litterariis, præceptoribus Ciceronis, de Asia, eiusdemque litterarum

rum domiciliis atque eloquentia Asiaticorum oratorum, deque re litteraria Rhodiorum, quæ cultoribus antiquitatum grata fore, confido. hæc dissertatio quidem anno M D C C X V Lipsiæ prodiit; aliam autem iam faciem præ se fert, quum & multæ factæ sint accessiones, eaque, quæ breuiter erant dicta, copiosius tradita, & varia momenta meliori studio emendata fuerint. habes deinde exercitationem historico-philosophicam de *atheismo Aristotelis*. primum generatim disputavi de varia existimationis Aristotelis fortuna, quæ omnino fuit dubia; quum alii doctrinæ illius cum scripturis sacris voluerint conciliare; alii vero ipsum in atheorum ordinem adscripserint. quibus expositis ad opus atque argumentum dissertationi huic propositum sum aggressus, atque obseruavi, quod partim doctrina philosophiæ Aristotelis, siue ad speculationem, siue ad mores humanos spectet, ad atheismum viam possit munire; partim ipse philosophus sua mente nullum de deo ac diuino cultu sensum & studium habuerit, id quod posterius probabili ratione adfirmaui. atqui hoc discrimen inter atheismum doctrinæ & ipsius auctoris, quod fatis est apertum ac firmum, diligenter ante oculos proposui, quum hoc neglecto, non possint non ea, quæ distincte tractanda

da sunt, perturbari, ac sæpe sine causis philosophi adcusentur atheismi, a quo animus cuiusdam interdum alienus est, quamvis ipsius doctrina ac præcepta ad istum quemdam perducere queant. quid præstiterim, quisque ad æquitatis rationem iudicet, nullo prauorum affectuum studio captus, qui rationi inimici mentis oculos aciemque perstringunt atque impediunt, quo minus quid in quaque re verum ac falsum sit positum, videamus. in eam sententiam, quod Aristoteles male senserit de deo rebusque diuinis, iam alii quidem sunt ingressi, quorum in ipsa dissertatione a me facta est mentio; nemo tamen argumentum hoc ea ratione atque industria, qua id copiose persecutus sum, exposuit atque accurate principia, quibus Aristotelis doctrina & rerum naturalium & moralium nititur, examinauit. ex quibus omnibus non obscure colligi potest, quam misera philosophiæ fuerit conditio superiori ætate, quum & in scholis christianis Aristotelem vnice sequerentur, ipsum pie colerent veluti oraculum philosophicum, effata eius sancte ac religiose haberent, de quo acerbissimo seruitutis iugo diuino numine repulso, nobis gratulamur merito.

His accedit diatribe *de entusiasmo veterum sophistarum & oratorum*, de qua scribenda

P R A E F A T I O.

benda cogitandi materiam mihi dedit PHILOSTRATUS, cuius opus memoriis veterum sophistarum celebrandis consecratum; quum studiose perlegerem, observavi oratorum exempla, qui diuino afflatu se incitari crediderunt. quam in causam partim CRESOLLII *theatrum rhetorum*, partim scriptores de enthusiasmo, MERICVM CASAVBONVM, HENRICVM MORVM, HENNINGIVM, IO. GERDESIVM & alios adii, vt quid lucis ex illis peti possit, viderem, qui quum multa momenta industriæ meæ relictæ esse deprehenderem, mentem meam eiusque consilium confirmarunt. quapropter hac dissertatione id egi, vt varia enthusiasmi huius genera ex antiquis monumentis distincte exponerem, etiam in causas illius curatius inquirerem, id quod copiam mihi fecit, veterum doctrinam de dæmonibus atque hominum cum illis congressu tradendi, etiam historiam sophistarum illustrandi, in qua quamuis CRESOLLIVS insignem posuerit laborem, multa tamen, quæ diligentius ac maiori cura exponenda sunt, reliquit, vt dissertatio, quam meditor ac paro *de imitatione oratoria veterum sophistarum* testari debet. subiicitur huic *historia logica*, de qua bene meriti sunt PETRVS RAMVS, BARTHOLOMAEVS KECKERMANN, GERH. IO. VOSSIUS, PETRVS GASSENDVS, IACOBVS

COBVS FRIDERICVS REIMMANNVS & alii, quos copiose prolegomena historiae huius recensent. quorum studia quum animo meo cogitarem, fateor me facile a proposito de historia logicae scribenda fuisse abductum, ne post clarissimorum virorum labores Iliadem post Homerum in lucem producerem. contra quum animo pensitarem, aliorum historias neque ad nostram vsque ætatem esse perductas, neque fata ipsarum doctrinarum attigisse, neque ad id perfectionis fastigium peruenisse, vt nullæ accessiones fieri possent; non frustra operam consumpturus videbar, si historiam logicæ hac forma rationeque adornarem, vt & notitiam scriptorum logicæ, qui hanc disciplinam commentationibus suis ætate & antiqua & media & recentiori illustrarunt; & fata ipsarum doctrinarum traderet. quibus de causis tres libros constitui, quorum primus *de origine artis logicæ*; secundus *de progressu ac fati logicæ*, tertius *de varia existimationis logicæ fortuna* differit, ex quibus secundus recenset varios logicarum scriptores, atque exponit originem, progressum & fata doctrinarum logicæ, nec non varios modos istam tradendi. atqui hac ratione, si deus velit, historiam aliarum doctrinarum philosophiæ *metaphysicæ, physicæ, ethicæ, iuriprudentiæ ac theologiæ naturalis*

naturalis & politica adornare animum induxi, atque efficere, vt parerga nostra academica cultoribus philosophiæ & historiarum vtilitatem quamdam adferant. illi enim, qui adhuc sibi persuaferunt, historiam litterariam absolui sola scriptorum & librorum notitia, a vera illius indole cognoscenda discesserunt, quum fata & scriptorum & librorum & doctrinarum explananda sint, quod postremum momentum a multis, qui huic historiarum generi operam dederunt, aut plane prætermisum, aut leuiore industria fuit expositum. tandem videbis hic diatriben de *orationibus panegyricis veterum* cum græcorum, tum romanorum, qua diuerfas harum orationum species recensui, ac veram illarum originem demonstravi, principes oratores, quibus sermones panegyricos debemus, commemorans.

Hæc igitur sunt momenta, quæ hæc parerga academica complectuntur, ex historiarum atque antiquitatum litteris collecta. cuiusmodi studia qui haud abiiciunt, illis operam non plane inutilem aut ingratam me præstitisse, confido, in eo posthac elaboraturus, si aliarum occupationum ratio sic ferat, vt opus hoc feliciori continuatum euentu in lucem prodeat publicam. Ienæ d. 1 aug. anno reparatæ salutis M D C C X X I.

EXERCITATIO
HISTORICA
DE
FABVLOSA
HISTORIA
SEMIRAMIDIS
ADVERSUS
CTESIAM CNIDIVM.



ΣΤΝΟΨΙΣ.

Quam incerta omnia sunt in historia de rebus Assyriorum, demonstratur §. I. de genere Semiramidis §. II. de ipsius educatione, maturiore atate ac matrimonio §. III. quo modo Semiramis ad regiam dignitatem pervenerit §. IIII. de operibus Semiramidis §. V. VI. de ipsius expeditionibus §. VII. indole corporis atque animi §. VIII. de extremis fati §. VIII. sepulcri monumento §. X. de fide historica generatim disputatur §. XI. num fuerit Semiramis? §. XII. contra auctoritatem Ctesiae Cnidii copiose disseritur §. XIII--XXI. pluribus ostenditur, quam fabulosa sit Semiramidis origo §. XXII--XXVI. & educatio §. XXVII--XXVIII. num Semiramis Babylonem condiderit aut ornaverit? §. XXX--XXXIII. historia de Semiramidis expeditione Indica reuocatur §. XXXIII. num fortitudinis laudem mereatur Semiramis? §. XXXV.

Qui historiae monimenta vel leuiore industria perlustrauit, quibus ea, quae in Assyriorum imperio inlustria sunt, vel breui summa, vel iusto elaboratoque opere traduntur, is facile historicorum modo negligentiam, modo prauitatem ingenii ac animi poterit adcusare. siue enim ad regni illius primordia; siue ad ipsius amplitudinem & diuturnitatem; siue ad regum administrationem; siue denique ad finem eius atque interitum aduertamus animum, vbique quod dubium est, inuenimus. ita quae tradita sunt de initiis regni Assyriorum, auctorum sententiis discrepant maxime. namque sunt, qui *Ninum* regni illius auctorem produnt, uti non solum *IUSTINVS*,¹ qui sub *Antonino Pio* *TROGV* in

summam contraxit; sed & DIODORVS SICVLVS, ¹ quum ait: πρώτος δὲ τῶν εἰς ἱστορίαν καὶ μνήμην παραδεδομένων, Νίνος ὁ βασιλεὺς τῶν Ἀσσυρίων μεγάλας πράξεις ἐπετελέσατο, *primus inter eos, quorum historiae memoriam propagarunt, Ninus Assyriorum rex res magnas per-egit*; & ROSIVS ² testatur, omnes historia-
rum veterum auctores incipere a Nino. alii, ex quorum numero GEORGIVS SYNCEL-
LVs est, qui IVLII AFRICANI EVSEBII-
que chronographorum fragmenta seruauit, ³ *Belum* primum Assyriorum regem ponunt, a qua sententia alii discedunt, quum plura Babylone, quam in Assyriis vestigia Beli, reli-
gio, templum, monimentum fuerint, nec, ipse, neque successores vtrumque coniunxerint regnum. clantur quoque, qui *Nimrodum* id condidisse adfirmant, quæ opinio multorum seculorum consensionem habet: quo nomi-
ne vt fidem hanc dissimilem conciliarent, ope-
ra adlaborarunt non vulgari grauisissimi achi-
storiarum litteris clarissimi, qua de re consulas PETRVM IOSEPHVM CANTELIVM ⁴ C. S. SCHVRZFLEISCHIVM ⁵ VLRICVM HVBERVM. ⁶ nec imperii Assyriorum diu-
turnitatem genuina & indubitata fide litte-
ris consignatam tenemus, quum alii annorum numerum nimis amplificant; alii corruptum illum tradunt. regnum illud ultra annos cIo cccc stetisse ex CTESIA CNIDIO commemorat DIODORVS SICVLVS, ⁷ quamuis paullo ante in ea fuerit sententia, quod regnum hoc ad Sardanapali ætatem flo-

¹ lib. II sub init. ² lib. II. cap. 2. ³ p. 96. 206. edit. Pa-
ris. ⁴ obseru. in Iustinum. ⁵ oper. hist. polit. p. 5. ⁶ ca-
nil. hist. lib. I. Sest. 2. cap. 2. p. 11. ⁷ lib. II. c. 21.

ruerit per annos πλείω τῶν χιλίων καὶ τριακο-
 σίων ἔτιδ' ἐξήκοντα, *plus quam 1360* qua CTE-
 SIAE auctoritate permoti multi pro huius-
 modi antiquitate Assyriorum regni propu-
 gnarunt, prout illud durasse per annos
 cĭo ccc TROGVs apud IVSTINVM ¹ scri-
 bit: AVGVSTINVS vero ² habet annos
 cĭo cccv. VELLEIVS PATERCVLVs ³
 cĭolxx. EVSEBIVs ⁴ cĭo ccxl. SYNCEL-
 LVs cĭo cccclx. verum HERODOTVS ⁵
 arctioribus regnum hoc terminis includit
 & annos dxx. ponit: Ἀσσυρίων ἀρχόντων τῆς
 ἀνω Ἀσίας ἐπ' ἑταρ ἑικοσι καὶ πεντακόσια, πρῶτοι
 ἀπ' αὐτῶν Μῆδοι ἤρξαντο ἀπέσασθαι, *quum Assy-*
rii superiori Asiae imperassent annis DXX.
Medi primi ab ipsis deficere ceperunt; quem
 numerum multi recentioris ævi CONRIN-
 GIVs ⁶ CELLARIVS ⁷ GRAEVIVS ⁸ MARS-
 HAMVS ⁹ BVDDEVs ¹⁰ aliique maioris ef-
 fe fidei adfirmarunt. de ipsis regibus eorum-
 que ordine ac numero nihil habemus certi,
 nisi quæ oraculis diuinis legimus inserta, sed
 quum ista tantum regum nomina declarant. pa-
 rum ad accuratiorem pertinent notitiam. mis-
 sis iam ceteris, quæ sunt malæ fidei, unam *Se-*
miramidem ex aliis, cuius opera stupenda sa-
 ne multi vetustioris ætatis prædicant, in præ-
 sentia examinabimus, quod curatius nobis
 peregrisse videbimur, si feminæ huius virilis
 animi, vt traditur, originem, res gestas, præ-
 clara alia facinora & fata demum extrema per-

¹ lib. I. cap. 2. §. 13. ² de C. D. lib. XVIII. c. 21. ³ lib.
 I. c. 6. §. 1. ⁴ chron. n. 1197. ⁵ lib. I. c. 95. ⁶ ad-
 uers. chronolog. de Asia & Aegyptior. antiqu. dynast. ⁷ disserto
 acad. p. 61. ⁸ ad Iustin. lib. I cap. 2. p. 9. ⁹ canon chronol.
 p. 521. ¹⁰ hist. eccl. V. T. 1. 1. p. 229. 467. 970.

quemdam locum ac desertum exposuisse. LVCIANVS ¹ vero ait: ἄλλοι δὲ Σεμίραμιν τὴν Βαβυλωνίην, τῆς δὲ πολλὰ ἔργα ἐν τῇ Ἀσίῃ εἶσι, ταύτην καὶ τόδε τὸ ἔδος εἰσαοῦσαι νομίζουσι. ἢ ἤρη δὲ εἰσαοῦσαι, αἰτὰ μὲν ἐαυτῆς. τῆς Δερκετῶ ὄνομα. Δερκετῆς δὲ εἶδος ἐν Φοινίκῃ Ἰδησσάμην, δῆμα ξένον. ἡμισὴ μὲν γυνή. τὸ δὲ ὁκόσον ἐκ μηρῶν ἐς ἄκρας πόδας, ἰχθύος ἕρῃ ἀποτείνεσθαι, alii autem Babyloniam illam Semiramidem, cuius multa per Asiam extant opera, hoc templum consecrassse putant, non Iunoni, sed matri suæ, cui Derceto fuit nomen. Dercetus autem imaginem in Phœnicia vidi, spectaculum insolitum. erat dimidia parte mulier: & quantum a femoribus ad pedes imos protenditur, in piscis caudam definebat: & HYGIVS ² dicit: murus in Babylonia, quem fecit Semiramis Dercetis filia; item ³ Semiramis Dercetis filia Babylonem (condidit.) quæ Semiramidis mater Derceto dicta, Atargatis quoque fuit adpellata, quamvis ipsum nomen scribatur varie, Atergatis quippe, Adergatis, Adargatis, Atargata, Adargadis. quæ omnia vocabula corrupta esse ab Adirdaga ebraice אֲדִירְדָּגָא id est piscis potens, SELDENVS ⁴ pronunciat. namque vti ex superioribus cum DIODORI SICVLII, tum LVCIANI verbis adparet, Derceto facie speciem mulieris, reliquis vero corporis partibus piscis figuram præ se habere fingitur, quamobrem a PLINIO ⁵ prodigiosa Atargatis adpellatur. quumque Derceto huic Syri diuinum cultum retulisse dicantur, teste STRABONE ⁶ ὑπέρχειν δὲ ποταμῷ χοίνοισι

¹ de Syria dea p. 662. tom. II. opp. ² fab. CCXXIII ³ fab. CCLXXV. ⁴ Syn. II. de diis Syr. cap. 3. ⁵ lib. V. c. 23. H. N. ⁶ lib. XVI. p. 748.

τέτταρας διέχουσα ἡ βαμβύκη, ἣν καὶ Ἐδεσσαν καὶ
 ἱερὰν πόλιν καλεῖσιν, ἐν ἣ τιμῶσι τὴν Συρίαν θεὸν τὴν
 Αταργάτιν, *quatuor scæporum spatium transflu-*
men est Bablyca, quam Edessam & Hierapolim
quoque, id est sacram urbem vocant. in ea Atar-
gatum Syriam Deam colunt; factum est. ut pi-
scibus abstinerint, quæ res est plurimum ex
antiqua ætate testimoniis confirmata. LV-
 CIANVS ¹ ἰχθύας χρῆμα ἱερὸν νομίζουσι καὶ ἔπο-
 τε ἰχθύων ψαύουσι, *pisces sacros putant, nec pi-*
sces attingunt unquam; & paucis interiectis:
 ὅτι Δερκετὼ μορφὴν ἰχθύος ἔχει, *quia Derceto pi-*
scis formam habet: XENOPHON ² μετὰ δὲ
 ταῦτα κῦρος ἐξελαύνει σαθρὰς τέσσαρας παρα-
 σάγγας ἑκοσιν ἐπὶ τὸν χάλον ποταμὸν ὄντα τὸ
 ἔσρος πλήθον, πλήρη δ' ἰχθύων μεγάλων καὶ πρᾶϊων,
 ὥς αἱ Σύροι θεὰς ἐνόμιζον, καὶ αἰδοῦναι ἔκ ἐϊων, ὕδὲ
 τὰς περιτεράς, *postea Cyrus castris quartis pa-*
rasangas XX ad Chalum fluvium progreditur,
cuius latitudo erat unius plethri: erat is refertus
piscibus magnis & mansuetis, quos Syri præ diis
habent, uti & columbas nec ledi patiuntur.
 CLEMENS ALEXANDRINVS ³ τῶν τὴν Φοι-
 νίκην Σύρων κατοικούντων, ὧν οἱ μὲν τὰς περιτεράς,
 οἱ δὲ τὰς ἰχθύας ἔτιω σέβουσι περιττῶς ὡς Ἡλεῖοι τὸν
 Δία, *Syrorum Phœnicen incolentium, quorum*
alii quidem columbas, alii pisces tam impense
colunt quam Elei Iovem: confer. MACRO-
 BIVM ⁴ RHODIGINVM ⁵ VOSSIVM ⁶
 RELANDVM ⁷. ab hac sententia, quod Semi-
 ramis nacta fuerit matrem Derceto, discedunt
 alii, qui istam ex Nino genitam esse adfirmant,

¹ c. l ² ἀναβ. σίπη lib. I. p. 256. ³ admon. ad gentes p. 29.

⁴ Saturn. lib. I. c. 23. ⁵ lection. antiqu. lib. XVIII. c. 34 p. 1028.

⁶ de orig. & prog. idolol. lib. I. c. 28. p. 175. ⁷ Palaß. lib. III. p. 591.

adeoque matrimonii cum illa societatem ipsi abiudicant. etenim CONON ¹ tradit, Σεμίραμιν ἔχει γυναῖκα κατὰ τὴν ἄλυσιν φησι Νινὺς γενέσθαι, ἀλλὰ θυγατέρα, *Semiramidem non uxorem, ut alii prodiderunt, sed filiam fuisse Nini;* & MACROBIUS ² *Nam supra Ninum, a quo Semiramis secundum quosdam creditur procreata, nihil præclarum in libros relatum est.*

§. III. Ex quo in vitam hanc ingressa est Semiramis, corpus ipsius per columbas conseruatum, ad robur maius atque incrementum peruenisse, dicit DIODORVS ³ περὶ τὸν τόπον, ὅτι τὸ βρέφος ἐξετέθη, πλήθους περιεργῶν ἐννοσσεύοντος, παρὰδόξως καὶ δαιμονίως ὑπὸ τῶν τὸ παιδίον διαλείφεσθαι, *quum vero ad expositæ infantis locum magna columbarum vis nidularetur, miro quodam fato & nutritio & salus ei contigit:* quo fato partim Semiramidis nomen illi inditum, partim diuinæ venerationis columbarum, quas Syri colebant, morem ortum fuisse, auctores scriptum reliquerunt, prout TIBVLVS ⁴ dicit:

*Quid referam, ut volitet crebras intacta per
urbes*

Alba Palastino sancta columba Syro?
quod momentum & testimonia illa, quæ paulo ante collegimus, corroborant satis. * Verum quum Semiramis ad eam ætatis partem peruenerit, quæ ad labores & officia aliis præstanda satis matura, necessitati temporis sese accommodans, seruitutem perpessa fuit, nec libertatis fructus potuit percipere, quapropter PLVTARCHVS ⁵ dicit: ἡ δὲ Σύρα Σεμίραμις

¹ apud Photium narr. IX. p. 427. ² in somn. Scipion. lib. II. cap. 20. ³ lib. II. ⁴ lib. I. eleg. 8. ⁵ amator. tom. II. pp. p. 753.

οἰκοτρίβη μὲν ἦν βασιλικὴ θεράπεινα παλλακισ-
μένη, *Semiramis Syra ancilla fuit famuli regii*
regisque pelleret, & PLINIVS ¹ *Echionis sunt*
nobiles picture. Liber pater, item tragædia &
comædia. Semiramis ex ancilla adipiscens re-
gnum anus lampadas preferens. matrimo-
nii fœdus cum Menone iniit, de quo DIO DO-
RVS SICVLVS ² refert, quod fuerit πρώτος
τῶν ἐκ τῆ βασιλικῆ συνεδρίᾳ καὶ τῆς Συρίας ἀπά-
σης ἀποδεδεγμένος ἑπαρχος *senatus regii prin-*
ceps & Syriae totius administrator: qui quum
expeditionem aduersus Bactra cum Nino sus-
cepisset, Semiramidem militiæ illius comi-
tem secum habuit. at Ninus expertus ipsius
ingenii singulares dotes mirificasque animi
virtutes, nec tardius elegantissima faciei for-
ma captus, amorē in illam accensus est, quo
nomine insidiatus est arti, qua Semiramidem
illam sibi posset adiungere, & quamuis Me-
non Nini voluntatis esset aduersarius, vi ta-
men acerbiorē ipsum adduxit, vt vxorem per-
ditæ eius libidini traderet, quæ omnia sæpe-
numero dicto loco persequitur DIO DORVS
ac plurium quidem, qui DIO DORVM ducem
sunt secuti, sententia est, Semiramidem Nini
fuisse vxorem; dantur tamen, qui id nega-
tum iuerunt, prout supra iam obseruauimus.
via igitur hac ratione ad regium fastigium Se-
miramidi munita est.

* Tanta enim superstitio per paganos fusa erat,
oppresseratque illorum animos, vt & ani-
mantia, quæ rationis vsu destituta sunt, cultu
diuino ac religioso prosequerentur, prout
coruum, miluum, vulturem, bouem, bufq-
nes, canem, caprum, feles, serpentem, vaccas,

¹ H. N. lib. XXXV. cap. 10. ² lib. II.

AEgyptii; accipitrem Tentyritæ, ciconias & mustelam Thebani; picum Latini; vespertilionem Mexicani; capram Mendesi; ouem Saitæ, ut de aliis taceamus, in deorum receperunt numerum, vide ALBERTI disput. histor. de cultu idololatriæ. bestiarum Lips. 1669. & IO. SCHMIDII diss. histor. mor. de honore brutis non competente Lips. 1686.

§. III. Quo modo & iure Semiramis Assyriorum regnum ceperit tenueritque, in quo nulla nisi virilis sexus ratio gentilisque & successio hereditaria obseruata est? hoc inter auctores fuit controuersum. sunt, qui callido fane fraudisque pleno consilio Semiramidem regem Ninum interficiendum curasse, adeoque obtruncato Nino viam sibi ad maiestatem regiam parasse, tradunt, cuius rei testes habemus DIONEM apud AELIANVM¹ & PLUTARCHVM². verum siue Ninus fato naturali, siue violento fuerit defunctus, princeps quæstionis momentum in eo positum est, quomodo iure Semiramis ad regium fastigium Assyriorum peruenerit? quoniam constat, quod nationes hæ imperia feminarum non ferant, ac ipsarum infirmitatem, ingeniique rudiores indolem maiestati aduersam esse, obstinate sibi persuadeant. quapropter CEPHALIO apud SYNCCELLVM³ commemorat, quod Assyriorum reges prioribus ita successerint, ut παῖς παρὰ πατρός ἐκδεχόμενος τὴν ἀρχὴν καὶ ἔχων ἤτιαν ὑδὲὶ αὐτῶν ἐτελεύτησεν, *filius a patre excipiens regnum, & nemo illorum cladem passus fuerit mortuus*: imo VELLEIVS PA-

¹ lib. VII. cap. I. V. H. ² amator. tom. II. opp. p. 753.
³ p. 167.

TERCVLVVS ¹ clarissime dicit: *in sequenti tempore, imperium Asiaticum ab Assyriis, qui id obtinuerant annis MLXX. translatum est ad Medes, abhinc annos ferme DCC LXX. quippe Sardanapalum eorum regem, mollitiis fluentem & nimium felicem malo suo, tertio & tricesimo loco ab Nino & Semiramide, qui Babylonem condiderant, natum; ita ut semper successor regni paterni foret filius. Pharnaces Medus imperio vitæque priuavit.* quibus de causis vero simile esse putamus, quod Semiramis regni tantum administrationem filio ad regnandum immaturo præripuerit, ac pro illorum temporum ratione sibi vindicauerit, quod non obscure ex hisce IUSTINI ² verbis colligi potest: *hæc (vidua Semiramis) nec immaturo (filio Ninyæ) ausa tradere imperium (id est, administrationem, quam velut tutelæ nomine susceperat Semiramis: quoniam ius imperandi iam penes Ninyam erat) nec ipsa palam tractare, tot ac tantis gentibus vix patienter uni viro, nedum femina parituris, simulat se pro uxore Nini filium, pro femina puerum; & DIODORVS SICVLVS ³ adfirmat, quod Ninus γενήσας ἐκ Σεμιράμιδος υἱὸν Νινύαν ἐτελεύτησε, τὴν γυναῖκα ἀπολιπὼν βασιλεύσαν, quæ posteriora verba notant, quod Semiramidi non successionem, sed eam duntaxat reginam reliquerit, confer C. S. SCHVZFLEISCHIVM. ⁴ quo igitur fundamentò HVGGO GROTIVS ⁵ & MARSHAMVS ⁶ ad exemplum Semiramidis prouocent, quum de*

¹ lib. I. cap. 6. n. 1. 2. ² lib. I. cap. 2. n. 1. ³ lib. II. cap. 7. ⁴ operib. historic. polit. p. 17. ⁵ de I. B. & P. lib. II. c. 7. §. 12. ⁶ canen. chron. sec. IV. p. 69.

iure mulierum differunt, exinde facile iudicari potest.

§. V. Magna sunt merita atque opera, quæ Semiramis præstitisse, adeoque fama nominis sui terrarum orbem impleuisse dicitur, quippe quæ nacta sunt multorum seculorum memoriam & in quotidiano hominum sermone & ore fuerunt, prout IULIANVS ¹ de Semiramide pronunciat, quod ὑπὲρ ταύτης πολὺς μὲν λόγος, ὡς ἱναυμάχει ναυσὺ τρεσχιλίαις καὶ περὶ παρτάττετα, μυριάδας ὀπλιτῶν τριακοσίας ἀγασα, τότε ἐν Βαβυλῶνι τείχος ἀποδόμει πεντακοσίων σαδίων μικρὸν ἀποδείον, καὶ τὰ περὶ τὴν πόλιν ὀρύγματα, καὶ αἶψα πολυτελῆ καὶ δαπανηρὰ καλασκευάσματ' αὐτῆς ἔργα γενέσθαι λέγεται, *de ea frequens extet apud scriptores mentio, quod classem ter mille numero navium instrueret, peditum vero tricenis centena millia in aciem educeret: tum quod Babylone murum excitavit quingentorum fere stadiorum & quæ circa hanc urbem fossiones aut cetera id genus magnificæ ac sumptuosæ structuræ sunt, ob ea omnia perfecta dicuntur.* sed distinctius accuratiusque opera ipsa recensere, operæ pretium est. Semiramidem Babylonem, urbem illam maximam & Chaldaicarum gentium lumen condidisse, tradunt CTESIUS, DIODORVS, HERODOTVS, STRABO, MELA, IUSTINVS, VELLEIVS PATERCVLVVS aliique quam plurimi, quæ vrbs quum magnitudinis, splendoris, miræ structuræ aliorumque ornamentorum laude ab antiquis historiarum auctoribus prædicatur, ea omnia quoque Semiramidi vindicarunt. inter alia enim laudantur *muri*

¹ orat. III. in laudem imperatric. Eusebia p. 127.

Babylonici, de quibus, quod ad ipsorum altitudinem inprimis adtinet, variae & inter se discrepantes sententiae extant. PHILO BYZANTIVS ¹ ita dicit: τὸ μὲν ὕψος ἐστὶ τῆ τέχνης πλέον ἢ πεντήκοντα πήχεων τὰ δὲ πλάτη τῶν παραδρομίδων ὄρματα τέτρωρα τέσσαρα καὶ τὸν αὐτὸν καιρὸν διππεύει, *muri altitudo quinquaginta cubitorum mensuram excedit: at deambulationum altitudines quadrigas quatuor eodem tempore in equestre certamen admittunt; quem cubitorum numerum praeter* CTESIAM apud DIODORVM STRABO ² quoque posuit, nec non CVRTIVS, ³ si quorundam scripturae habeamus fidem, qui legunt: *altitudo muri quinquaginta cubitorum eminet spatio*, quamvis alii pro *quinquaginta* scribant *centum*, at vero HERODOTVS ⁴ muris hisce altitudinem CC. cubitorum regionum adtribuit, quem quidem regium cubitum fuisse tribus digitis vulgari cubito ampliorem, confirmat: quotae cubitos ponit HERODOTVS, tot pedibus altitudinem horum murorum definiunt PLINIVS ⁵ ac SOLINVS: ⁶ quorum ille dicit: *Babylon-Chaldaicarum gentium caput diu summam claritatem obtinuit in toto orbe, propter quam reliqua pars Mesopotamiae Assyriaeque Babylonia adpellata est, sexaginta milia passuum amplexa, muris ducenos pedes altis, quinquagenos latis, in singulos pedes ternis digitis mensura ampliore, quam nostra, inter fluo Euphrate, mirabili opere utroque; hic vero Babylonia urbs.*

¹ de septem orbis mirac. t. VIII. p. 2674. thesaur. antiquitat. graecar. GRONOVII. ² lib. XVI. ³ lib. V. cap. I. ⁴ L. 178. ⁵ lib. VI. cap. 26. H. N. ⁶ cap. 85.

est sexaginta millia passuum circuitu patens, muris circumdata, quorum altitudo ducentos pedes detinet, latitudo quinquaginta in singulos pedes ternis digitis ultra quam mensura nostra est altioribus; qui pedum numerus ex HYGINI ¹ *sententia adhuc minor fuit, quoniam murum Semiramidis altum pedes LX. fuisse dicit, in quo auctorum discrepantia certi quid definire, omnino est difficile, confer* BRISSEONIVM ² FREINSHEMIVM ³ KIRCHERVM. ⁴ *nec minus scriptorum sententiæ sunt diuersæ, quod ad ipsius vrbis ambitum adtinet, quem CTESIAS stadia CCCLX. CLITARCHVS CCCLXV. vterque apud DIODORVM; HYGINVS CCC. STRABO CCCLXXXV. DIO CASSIVS CCCC. HERODOTVS CCCCLXXX. scribunt, item si respiciamus materiam, ex qua muri hi fuerunt constructi, quamuis plures tradant, illos laterculo coctili & bitumine fuisse structos, vti HERODOTVS, DIODORVS, CURTIVS, IVSTINVS, PLINIVS, IVVENALIS, MARTIALIS, PROPERTIVS, AMMIANVS MARCELLINVS; sed HYGINVS dicto loco scribit, fuisse latere cocto & sulphure, ferro victos, ea fortasse caussa, quod teste PLINIO ⁵ sulphuris & bituminis vicina est natura, vti FREINSHEMIVS ⁶ & MVNCKERVS ⁷ observant.*

§. VI. Vt silentio dimittamus pontem Babylonium, cuius primordia Semiramidis opera & studio vindicantur, & de quo DIODO-

¹ *fab. CCXXIII.* ² *de regio Persar. principat. lib. 1. §. 81. p. 117.* ³ *ad Curtium lib. V. cap. 1. n. 26.* ⁴ *surr. Babel. lib. II. cap. 4. p. 53.* ⁵ *lib. XXXV. cap. 15.* ⁶ *dicto loco.* ⁷ *ad Hygin. p. 290.*

RVS¹ pluribus differit, cuiusue figuram exhibet KIRCHERVS, ² cogitationes nostras conuertimus ad hortos pensiles, qui ipse septem mundi miracula narrantur, auctore LACTANTIO, ³ multarum arborum umbra & proceritate amœni, quorum ornatum & splendorem commemorant STRABO ⁴ CVRTIVS ⁵ PHILOBYZANTIVS ⁶. ⁴ quamuis CVRTIVS dicat, hortos hosce esse miraculum vulgatum græcorum fabulis. at vero quum illi horti pensiles à tot scriptoribus sint laudati, non plane in censu fabularum haberi possunt, licet poetæ, ut id, quod per se magnum est, veluti incredibile & humanis viribus maius prædicare solent, multa addiderint ficta. imprimis vero de eo inter scriptores disputatur, quis hoc hortorum opus fuerit molitus? EVSTATHIUS ⁷ istos acceptos fert Semiramidi, quum de ista dicit: ἐκτίσσε δὲ καὶ διέσμενῃν μεγάλην ἢ κήπον ἐπήγειρε θαυμαστὸν, ἐπιλεγόμενον κρεμαστὸν, ὃς τετραπλευρὸς μὲν ἦν, ἐκάστην δὲ πλευρὰν ἔχε τετραπλευρὸν, extruxitque ingentem cisternam, in qua hortum stupendum erexit, qui pensilis vocabatur, & quatuor habebat latera, quorum vnum quodque quatuor plethrorum erat, cui opinioni addictus quoque est KIRCHERUS. ⁸ sed discedit ab ista DIODORVS ⁹ qui dicit: ὑπῆρχε δὲ καὶ ὁ κρεμαστὸς καλέμενος κήπος παρὰ τὴν ἀκρόπολιν, ἢ Σεμιράμιδος, ἀλλὰ τινὸς ὕπερον Σύρου βασιλέως κατασκευάσαντος, erat etiam pensilis, ut vocatur, hortus iuxta arcem, non a Semiramide, sed Syre

¹ II. 8. ² turr. Babel. lib. II. cap. 5. p. 56. ³ lib. III. cap. 24. insit. diminut. ⁴ lib. XVI. p. 738. ⁵ lib. V. cap. 1. n. 31. seqq. ⁶ apud Gresson. disto loco p. 2650. ⁷ ad Dionysium de Sib. Orb. v. 1010. ⁸ turr. Babel. II. 6. 2. ⁹ II. 10.

quodam rege posteris temporibus adificatus, quem sequitur CVRTIVS ¹ Syria regem Babylonem regnantem hoc opus esse molitum, memoria proditum est, amore coniugis victum, quæ desiderio nemorum silvarumque in campestribus locis, virum compulit amantitatem natura genere huius operis imitari; in qua sententiarum diuersitate PLINIVS ² nullam ex illis suam sibi fecit, ipsamque rem veluti dubiam reliquit in medio, quando scribit: *itemque pensiles* (hortos) *sive illos Semiramis, sive Assyria rex Cyrus fecit, de quorum opere alio volumine dicemus.* sola sane auctoritas EVSTATHII, qui hortos hosce vindicat Semiramidi, non firma est, cui opus hoc omnino denegari potest, præcipue quum DIODORVS, & qui istum sequitur CVRTIVS, scriptores in rebus Semiramidis commemorandis diligentes accopiosi, huic opinioni refragentur. equidem vterque regem quemdam Syriae commemorat, veluti auctorem operis huius admiratione digni; sed nomen ipsius prætermittit silentio, qua in re ex IOSEPHO ³ petere possumus lucem. namque ex BEROSO, antiquissimo rerum Chaldaicarum scriptore in Nebuchodonosori, Assyriae regis, quidquid magnifice de conditore moenium hortorumque Babylonis prædicatur, operibus numerat; & quamvis DIODORVS ac CVRTIVS mentionem faciant regis cuiusdam Syriae, voluerunt tamen dicere Assyriae, quas gentes sæpe confundunt veteres nouique scriptores, confer BRISSONIUM ⁴ FREINS-

¹ cit. loc. ² histor. nat. lib. XVIII. cap. 4. ³ antiq. Indae. extr. X, II. & contra Apian. lib. 1. ⁴ de regno Persarum princip. lib. 1. §. 80.

HEMIVM¹ PITISCVM² CELLARIVM.³ **

* Hortus hic græce dicitur κήπος κρεματός, DIO-
DOR. II, 10. κρεματός παράδεισος, IOSEPH.
contra Apion. lib. i. p. 1045. latine *penfilis*. *pen-*
file autem significat, quod suspensum est & in
aëre pendet.

** Imago hujus modi hortorum extat in KIR-
CHERI turr. Babel. p. 58. & CVRTIO edito
cura PITISCI p. 273. de mole illa lapidea,
quam adpellant *obeliscum* & Semiramidi ad-
tribuunt, disserit quoque DIODORVS. hic
quoque legi potest SERVILIUS de mirandis
antiquorum operibus lib. i. cap. 47. 51. 52.
tom. i. thesauri antiqui roman. SALLENGRE.

§. VII. De expeditionibus, quas Semira-
mis contra hostes suscepisse traditur, nunc dis-
quirendum est. duæ ex illis illustres celebra-
ntur, quarum altera *Aethiopica*; altera vero *In-*
dica adpellatur. de priorē testatur DIODO-
RVS, quod Libyam magna ex parte redege-
rit in ditionem, & hisce peractis plurima Aethi-
opiæ loca subegerit, cuius rei testis quoque est
PLVTARCHVS, 4 quando scribit: τῆς αὐτῆς
δυναμείας υποκειμένης καὶ ἡγεμονίας, Σεμίραμις
μὲν ἔσχατον γῆν, εὐλὴν ἐπλήρη, καὶ Φάλαγγας ὥπλιζε,
καὶ βαθυλῶνας ἐκτίζε, καὶ περιέπλει τὴν Εὐθεράν
θάλασσαν, Αἰθίοπας καὶ αἰσχυρομένη καὶ Αραβας,
eadem potentia, eodem regno proposito, Semi-
ramis quum esset mulier, classes instruebat, le-
giones armabat, Babylonas condebat, rubrum
mare circumuecta Aethiopes & Arabes subige-
bat; item IVSTINVS, 5 quod mulier hæc
non contenta acquisitos viro regni terminos

1 observ. ad Curtium c. l. 2 ad Curtium p. 274. 275. 3 histor.
antiqu. p. 7. 4 ad Curtium p. 205. 5 p. 336. tom. 2. opp.
5 lib. 1. cap. 2. n. 8.

tueri. Aethiopiam quoque imperio adiecerit. sic rebus ex sententia D I O D O R I Aethiopiae atque Aegypti compositis, bellum Indiae intulit, qua tempestate *Stakrobates* regnum administrabat, militum atque elephantorum, quorum India ferax est, copia maxime abundans. quapropter Semiramis immensam magnitudinem copiarum conscripsit, prouinciis suis trecenta bouum millia imperauit; & quamuis legati ad ipsam missi, istam crudelitatis adcusarent, quod nulla causa commota bello Indiam premere sibi sumeret; regio tamen spiritu litteras illas contemnebat, nec a crudeli consilio, quod animo conceperat, ad humanitatem mentis poterat reuocari, adeo ut vtrinque pugnarum sit crudeli Marte & victoria demum licet cruenta Semiramidem secuta gloriosissime. ita enim scribit D I O D O R V S: *ἐπὶ πολὴν δὲ χρόνον τῷ κινδύνῳ παρατείνοντος καὶ προθύμως ἐκαστῶν ἀγωνισαμένων, τὸ τελευτᾶν ἡ Σημίραμις ἐνίκησε, καὶ διέφθειρε τῶν πλοίων περὶ χίλια. συνέλαβε δ' αἰχμαλώτους ἐκ ὀλίγης, postquam certamine ad longum tempus extracto acriter pugnatum esset utrinque, victoria tandem penes Semiramidem stetit, quae ad cisnares submersit, nec exiguo captiuorum numero potita fuit.*

§. VIII. Et tantum de operibus, quae narrantur, Semiramidis. nunc ad indolem corporis pariter ac animi adgrediamur. corporis ac faciei ipsius elegantiam pulcritudinemque vehementer praedicant scriptores, adeo ut auctore AELIANO ¹ fuerit *ωραιότατη γυναικῶν speciosissima inter omnes feminas*, qui vero ad-

¹ lib. VII. cap. I. var. hist.

dit: *εἰ καὶ ἀφελέστερον ἔχρητο τῷ κάλλει, tametsi remissius & negligentius formam curabat.* etenim libidinis mollitie plane fuisse corruptam, multi auctores confirmant, & ipse DIODORVS testatur, quod rex Indorum Semiramidis perditas Veneris voluptates litteris perstrinxerit acriter, quippe quæ adeo libidini indulserit, ut milites, qui speciosa forma fuerint, ad scorta sibi ipsi inferenda impulerit: quin immo tradit PLINIVS ¹ Iubam esse auctorem, equum adamatum a Semiramide vsque coitum, per huiusmodi sane dedecus, quod nulla virtutis species, nulla imperii magnitudo, nulla bellorum felicitas redimere potest. sic & refert AMMIANVS, ² quod Semiramis omnium prima teneros mares castrauerit, ita ut inde mos hic ad Persarum gentem sit translatus. * in tanta vi libidinis nihilominus Semiramis singulari animi fortitudine prædita celebratur, quamobrem IUSTINVS ³ dicit: *nec hoc illi dignitatem regni ademit, sed admirationem auxit, quod mulier non feminas modo virtute, sed & viros anteiret;* & apud AELIANVM ⁴ legimus, quod memoriæ sit proditum, Semiramidem cepisse, etiam interfecisse leonem, pardalim, leonam & alias huiusmodi feras; & iræ, cuius adfectui animus ipsius succubuerit, argumentum exhibet VALERIVS MAXIMVS, ⁵ quando dicit: *in puerili pectore non tantum vis odii potuit, sed in muliebri quoque æque multum valuit. namque Semiramis Assyriorum regina, quum ei circa cultum capitis sui occupata nunciatum esset,*

¹ hist. nat. lib. VIII. cap. 42.² lib. XIII. cap. 17.³ lib. I. cap. 2. §. 6.⁴ lib. XII. cap. 39. var. hister.⁵ lib.

IX. cap. 3.

*Babylonem defecisse; altera parte crinium ad-
buc soluta protinus ad eam expugnandam cu-
currit; nec prius decorem capillorum in ordi-
nem, quam tantam urbem in potestatem suam
redegit.*

* Quod Persæ pueris testiculos amputauerint, ac forma præstantissimos quoque mares castrauerint, testatur HERODOTVS & DIO CHRYSOSTOMVS ORAT. XXI. quæ de pulcritudine inscribitur, Persas pulcritudinis fuisse studiosos hoc probat argumento, quod pulcros facerent eunuchos. STEPHANVS de urbibus existimat, morem castrationis cepisse Spade, quæ urbs est Persidis, unde & nomen Spadonis sit deductum, quamuis alii obseruent, vocem hanc a verbo græco *exade*, esse deriuandam. BRISSONIVS de regio Persarum principatu lib. II. §. 164. monet, ab Assyriis & Medis luxum hunc manasse, & Babyloniorum regem Nebuchodonosorum ex Iudaica iuuentute quosdam, nec non ex aliis gentibus bello captos ipso ætatis flore castrandos curasse. adde DEMPSTERVM ad Claudianum p. 376. 377. cum notis varior.

§. VIII. Tandem ad extrema Semiramidis fata perueniamus. IVSTINVS¹ tradit, quod quum concubitum filii petiisset, ab eodem fuerit interfecta, XLII. annos post Ninum regno potita, in quibus annis IVSTINVS, aut potius TROGVS ab aliis discedit, qui Semiramidem imperium per XXXII. annos tenuisse adfirmant, quæ discrepantia nulla admiratione digna est, quum quidquid de Nino & Semiramide traditur, incertum est & dubiæ fidei. quod autem incestum fecerit cum filio,

¹ lib. I. cap. 2. n. 10.

idem testatum facit CONON ¹ οὗτος ἡ Σεμίρα-
 mis αὐτὴ τῷ υἱῷ λάθρα καὶ ἀγνοῶσα, μιγῆσαι, εἶτα
 γνῶσα, ἀνδρα ἐν τῷ Φανεραῖ ἔχε. καὶ ἐξ ἐκείνου, πρό-
 τερον βδελυκτὸν ὄν, Μήδοις καὶ Πέρσαις καλὸν καὶ
 νόμιμον ἔδοξε μητράσι μίγνυσθαι, *Semiramidem
 elant primum & ignaram cum filio suo concu-
 buisse, sed deinde cognita re, viri etiam loco
 publice habuisse. ex eo itaque tempore quod
 prius execrandum habebatur, Medis ac Persis
 jus fasque visum, matribus commisceri. non
 ignotum enim est, Persarum gentem fuisset li-
 bidinofissimam, & si non in tota, tamen in par-
 te barbariore nefanda illa consuetudo inua-
 luisse videbatur. hinc MINVCIVS FELIX ²
 ius est apud Persas misceri cum matribus; &
 HIERONYMVS ³ Persæ, Medi, Indi & Aethio-
 pes cum matribus & quibus, cum filiabus & ne-
 ptibus copulantur. Verum enim vero DIO-
 DORVS refert, quod Semiramis, minus ab in-
 fidiis filii tuta, regnum ipsi tradiderit, quoue
 facto confestim ex hominum conspectu, ad
 Deos migratura sese subduxerit, prout fabu-
 losis poetarum carminibus in columbam
 transmutata traditur: * hinc NASO ⁴ de Se-
 miramidis, quæ credita est, matre differit &
 addit:*

*an magis ut sumtis illius filia pennis
 extremos albis in turribus egerit annos.*

* GEORGIUS SABINVS interpret. fabular.

Ouidii p. 60. dicit: *Semiramis Assyriorum re-
 gina fertur nutrita a columbis, unde & Syriacæ
 lingua nomen Semiramidis hoc est columbæ ei in-
 dictum fuit. nam quum esset a matre exposita in
 loco deserto. columbæ infantem alis confoue-*

¹ Narrat. IX. apud Photium biblioth. p. 427. ² Oritan. cap. 31. § 2.

³ lib. II. adu. Ioniannum cap. 6. ⁴ metam. lib. IIII. v. 47.



runt: & coagulato lacte ex pastorum mapaliis surrepto, nutriuērunt: in cuius rei memoriam Babylonii columba, ut romani aquila, vsi sunt: hæc igitur occasione conficta est fabula de Semiramidis transformatione in columbam.

§ X. De sepulcri monumento, quod ipsa Semiramis sibi condidisse dicitur, ita dislerit

PLVTARCHVS ¹ Σεμίραμις δὲ ἐαυτῇ κατασκευάσασα λάφον, ἐπέγραψεν, ὅσις ἂν χρημάτων δευθῇ βασιλεὺς, διελόντα τὸ μνημεῖον, ὅσα βδέται λαβεῖν. Δαρείος ἔν διελών, χρημάτων μὲν ἔχε εὖρε, γράμμασι δὲ ἑτέροις ἐνέτυχε ταῦτα φράζουσαν: εἰ μὴ κακὸς ἦδ' ἀνὴρ καὶ χρημάτων ἀπληστος, ἔκ ἂν νεκρῶν θήκας ἐκείνας, Semiramis quum ipsa sepulcrum condidisset, inscripsit hæc: si quis rex pecunia indiguerit is recluso hoc monumento, sumat quantum valet. Darius aperto eo, nullam inuenit pecuniam, sed in aliam incidit inscriptionem, cuius hic erat sensus: nisi malus fuisses homo & pecunia insatiabilis, nunquam sane loculos mortuorum inuasisses. sic & POLYÆNVS ² statuat, in memoriam Semiramidis positæ mentionem facit, cui hæc fuerint inscripta: me natura quidem mulicrem sinxit: at ego rebus gestis nullo fortissimorum virorum inferior extiti. ego Nini regnum tenui, ad orientem terminans fluuium Hinamaniem: ad meridiem eam terram, quæ thure ac myrrha abundat: ab hyeme Saccas & Sogdas. mare antea nemo Assyriorum vidit: ego vero quatuor, quibus propter longinquitatem appropinquare nemo potest. quis enim ea impetu continet? fluuios coëgi fluere, quocunque vellem. volui autem, quo conduceret. terram sterilem factam

¹ apophth. tom. 2. opp. p. 173.

² lib. VIII. strategem. cap.

36. p. 761.

reddidi. fluuiis enim meis eam temperaui. munitiones inuictas constitui. inuias petras ferro domui. vias meis pecuniis stravi, quas ne fera quidem prius ambulauerant & a rebus gerendis satis mihi supersuit temporis, quod mihi & amicis impertiui. sufficiat, hæc de Semiramide eiusdemque præclaris operibus nos collegisse, quæ a nobis nunc adcuratius sunt examinanda, vt adpareat, quæ eorum sit veritas.

§. XI. Inquiramus igitur in veritatem dignitatemque historiarum, quas de Semiramide iam protulimus, quod vt feliciori fiat successu, non ab re esse ducimus, quædam de historica fide eiusdemque fundamento præfari. duo quippe sunt momenta, quibus rerum gestarum. quæ a scriptoribus humanis commemorantur, nititur veritas, quibusue adduci possumus, vt illis nostram adhibeamus fidem: alterum est testimonium, alterum vero ipsius facti, quod describit historia, conditio. quod ad testimonium pertinet, illius varia sunt genera, siquidem modo ab illis, qui interfuerunt & præsentibus id, quod accidit, viderunt, modo vero ab illis, qui per alios ad cognitionem huius vel illius facti peruenerunt, exhibetur: quale posterius testimonium iterum duplicis est generis, quoniam primum alii historiarum auctorum iisdem temporibus floruerunt; alii vero ab illis absuerunt, quibus res, quas narrant, euenerunt; deinde ipsum testimonium modo litteris est consignatum, modo vero fama traditum. quod si autem ope testimoniorum veritatem historiarum diiudicare adeoque vera a falsis distinguere sustineamus, necesse est, non solum ad ipsorum copiam multitudinem

B 4

que,

que, sed & dignitatem animaduvertere animum, quippe quam dignitatem ipsius scriptoris auctoritas intuitu cum ingenii, tum animi, num & possit & velit vera dicere, efficit. etenim prima est historiæ lex, ne quid falsi dicere audeat; ne quid vere non audeat, ne qua suspicio gratiæ sit in scribendo, neque simultatis, vt CICERO ¹ dicit. neque minus in hac veritate cognoscenda intueamur adcurate omnia momenta facti ipsius, quod commemorant, num quædam sint, quæ speciem præ se habeant miraculi, aut saltem adpareant mirabilia; numue omnia inter se ita cohæreant, vt alterum alteri respondeat, de quo argumento pluribus differunt RECHENBERGIUS ² EISENHART ³ PERIZONIUS ⁴ IANVS ⁵ & alii. quibus positis, non est difficile historiam Semiramidis plane suspectam reddere, quoniam non solum consignata est litteris ab eiusmodi scriptore, cuius auctoritas nullius est momenti, sed & tales descriptiones complectitur, quæ omnem fidem humanam excedunt, sibi ipsis sunt contrariæ & aperte produnt fabulas.

§. XII. Num Semiramis vnquam fuerit? de eo dubitat VOSSIVS, ⁶ & CASPAR ABELVS ⁷ summa ope nititur demonstrare, quod femina hæc rex ille fuerit, qui oraculis diuinis modo *Salmanasar*, modo *Sennacherim* vocetur, quæ nomina essent vnus personæ. vtque opinionem, in quam ingressus est, stabiliat ac confirmet, primum ad ipsorum nomi-

¹ de orat. lib. II. c. 15. ² disput. historic. politic. part. 2. n. 23.

³ comment. de fide historica. ⁴ orat. de fide historica.

⁵ de veritate histor. apud histor. æra christian. ⁶ de idololatr. lib. 1. cap. 33. ⁷ histor. monarch. orb. antiqu. lib. I. cap. 7. p. 376. sqq.

num similitudinem prouocat, quum regem illum, qui hebraico codice adpelletur *Sancherib*, græci *Sennacherimem* vocent; ex *Sennacherim* vero addita feminea flexione *is* sublataque adspiratione & *n* in *m* mutato facile potuerit fieri *Semarimis* & tandem *i* quoque & *a* transpositis *Semiramis*. deinde sententiæ huic robur quoque adferat temporis ratio, quoniam *HERODOTVS* testetur, *Semiramidem* vix quinque generationes ante *Nitoerin* chaldæorum reginam floruisse, quum generatio apud græcos teste *DIODORO* & *STRABONE* triginta tantum annos complectatur, adeoque *Semiramis* ex *HERODOTI* opinione *Nitocrin* c. l. annis ætate superauerit, id sane cum *Senacherimis* æuo non male cohæreat, quem tot circiter annos regina hæc *Nabonidi* vltimi chaldæorum regis matre vetustiore fuisse, ex chronologia sit manifestum. ad hæc *ABELVS* comparat facta *Semiramidis* cum factis *Senacherimis*, quibus inter ipsos magna sit similitudo, quæue *Senacherimi* non conuenire videantur, ea quoque intuitu *Semiramidis* falsa & commentitia esse, obseruat. nolumus in præsens in opinionem hanc inquirere, quin etiam opinamur, coniecturam hanc præ se habere multum ingenii, præsertim quum nobis tantum sit in animo, *Semiramidis* historiam fabulosam esse quam maxime probare.

§. XIII. Primum dispiciamus de auctoritate ac testimoniis, quibus historia hæc nititur; deinde speciatim omnia momenta, quæ de *Semiramide* produnt scriptores, paullo accuratius sub censuram reuocemus. quod ad te-



timonia pertinet, plures quidem sunt aucto-
 res, apud quos de femina hac multa legimus
 relata, HERODOTVS, DIODORVS, PLYTAR-
 CHVS, TROGVS AC IVSTINVS, AELIA-
 NVS, CVRTIVS, POLYAENVS, HYGIVS
 aliique; sed vt illis iustum statuamus pretium,
 obseruandum esse existimamus, quod partim
 scriptores hi non solum descriptionibus suis,
 sed & ætate; qua floruerunt, discrepent; par-
 tim princeps rei huius momentum ad fidem
 atque auctoritatem CTESIAE CNIDII re-
 deat, quem DIODORVS & hunc alii sunt se-
 cuti, adeo vt integra fere Semiramidis histo-
 ria vnius CTESIAE testimonio nitatur, cuius
 fides si fuerit labefactata, ista dignitatem suam,
 qua verior historia digna est, minus poterit su-
 stinere. CTESIAS autem ille fuit *Ctesiochê*
 filius, patria Cnido Cariæ vrbe, & captus bello,
 quod Cyrus minor cum fratre Artaxerxe ges-
 sit, & in Persidem delatus medicinam ibi per
 XVII. annos exercuit. hic inter alia, vt apud
 PHOTIVM¹ est, viginti tres libros de rebus
 Persicis scripsit, in quorum sex prioribus τα-
 τε Ἀσσυρίων διαλαμβάνει, *res Assyriorum pertra-*
ctauit; a septimo autem libro ad postremum
 vsque historiam Persicam a Cyro & Cambyse
 regibus ad annum tertium Olympiad. XCIII.
 siue annum Artaxerxis Mneimonis octauum
 persecutus est, quos posteriores libros patriarcha
 PHOTIVS excerptis satis verbose, prio-
 res vero de Assyriorum rebus non attigit,
 quorum tamen summam DIODORVS & EV-
 SEBIVS non plane nos sinunt ignorare, vt de
 aliis operibus, quæ reliquerat CTESIAS, ta-

¹ codic. LXXII.

ceamus, de quibus MEVSIVS ¹ & FABRICIVS ² legipossunt.

§. XIII. Quod CTESIAS hic nulla fuerit fide dignus, iam varii ex antiqua ætate prodiderunt. Scripsit auctor hic librum quemdam de rebus Indicis, quibus allegatis ARISTOTELI ³ visus est indignus, cui crederetur, ὡς Φησι Κτησίας ἐκ ὧν ἀξιόπιστος, & ANTIGONVS Carystius ⁴ negat se ex CTESIA quidquam prolaturum, διὰ τὸ πολλὰ ψεύδεσθαι αὐτὸν & PLVTARCHO ⁵ πρὸς τὸ μυθῶδες καὶ δραματικὸν ἐπιτρεπόμενος τῆς ἀληθείας, a veritate ad fabulas conversus dicitur, cui etiam ibidem ⁶ λαμπρὸν ψεῦδος manifestum mendacium imputavit. e recentioribus idem in eo vitium notarunt IOSEPHVS SCALIGER ⁷ HERMANNVS CONRINGIVS, ⁸ qui in Perficis quoque parum fidei eum mereri disputat, quod & faciunt DOUNÆVS ⁹ & MONTFAUCÓN; ¹⁰ inter paucos tamen auctoritatem ipsius tueri adnissus est VLRICVS HVBERVS. ¹¹ qui igitur in aliis fuit sublestæ fidei, illud certe in antiquissimis momentiis tuto sequi non possumus, præsertim quum in illis rebus, quas vidit, & quibus interfuit, antiquis scriptoribus fidem atque auctoritatem suam neutiquam potuerit probare. quod ut eo clarius adpareat, notamus in ipso animum affectibus ac in primis invidiæ deditum, cuius mo-

¹ Eyr. II. c. 29. ² biblioth. græc. lib. II. cap. 25 §. 16.

³ lib. II X. hist. anim. cap. 28. ⁴ in historiis admirand.

⁵ vit. Artaxerxi p. 1014. ⁶ p. 1017. ⁷ p. 39. notar. in

fragm. subi. operi de emendat. tempor. ⁸ advers. chronol. de

Asia & Egypt. antiqu. dynast. ⁹ not. ad Demosthenem p. 171.

¹⁰ de veritate hist. Iudith. p. 120. ¹¹ diffinatio. de temporib.

ante Cyrum apud hist. eius simil.

tu atque impulsu non potuit non de veritatis via deflectere.

§. XIX. Namque primum, quod invidia flagraret aduersus HERODOTVM *Halicarnassensem*, historiam scripsit in plerisque illi, quam HERODOTVS ediderat, contrariam, de quo PHOTIVS ¹ testatur: *σχεδὸν ἐν ᾧ πᾶσι ἀντικείμενα Ἡροδότῳ ἰσορῶν. ἀλλὰ καὶ ψεύστην αὐτὸν αἶπο καλῶν ἐν πολλοῖς*, narrat fere in omnibus repugnantia Herodoto, imo illum in multis mendacem adpellat. equidem me non fugit, quod fuerint quoque utriusque ætatis, STRABO, DIODORVS, GELLIVS, PLVTARCHVS, AELIVS HARPOCRATION, LVD. VIVES, IO. BODINVS & alii, qui de HERODOTI fabulis disputarunt, vt videre possumus apud FABRICIVM. ² verum vt taceamus de eo, quod HERODOTVS antiquior fuerit CTESIA, quia SALMASIO ³ perperam traditur æqualis HERODOTI, quum iuniorem fuisse, clarissimis constat argumentis; longissime sane abest a fingendi studio, & ipse ingenue profiteretur, se quædam, quæ fabulosa ætas protulit, notare; minus vero asserere, verbi gratia, quum de monstris Lybiæ dixisset, ⁴ ταῦτα εἰ μὲν ἐστὶ ἀληθῆς, ἐκ οἶδα, τὰ δὲ λέγεται, γράφω. indoles vero animi CTESIAE plane alia fuit, qui quum famæ nominis amplissimæ sibi conficiendæ non mediocrem daret operam, reliquorum scriptorum gloriam & merita fugillare & penitus infringere, sibi sumsit. id quod etiam ex eo adparet, quod & XENOPHONTI, qui Cyro minori militauit, contradixerit,

¹ *cit. loc.* ² *bibl. græc. lib. II. cap. 20. §. 3.* ³ *ad Solim. p. 871.* ⁴ *lib. I V.*

ut a PHOTIO obseruatum fuit: ἔτι. Herodotῶν δὲ μόνῳ τῶν πάντων ἰσορεῖ ἀλλὰ καὶ πρὸς ξενοφῶντα τὸν Γρύλλῃ ἐπ' ἐνίων διαφωνεῖ, non Herodoto soli contradidit, verum etiam in aliquibus a Xenophonte discordat, quem vero ut peritissimum rerum Persicarum omnes semper laudauerunt.

§. XX. Ut quædam breuiter attingamus, quæ contra fidem & probabilitatem in rebus Assyriorum scripsit, primum est, ditioni Nini tam vastum imperium subiectum fuisse, ut fines ipsius ab Indo ad Hellespontum & a Nilo ad flumen Tanaim prolati fuerint: deinde suspexit quoque fidei est diuturnitas imperii Assyriorum, quod ultra cis cccc annos stetit DIODORVS EX CTESIA tradit, quam in re alii potius cum HERODOTO & APPIANO Alexandrino faciunt, quorum ille 1 scribit Assyrios regnasse vsque ad Medorum defectionem per annos quingentos & viginti; hic vero 2 ait, Assyriorum & Medorum & Persarum tria maxima imperia nondum tempus dcccc annorum compleuisse, quæ sententiæ, quod nihil habeat sacris scripturis repugnans, omnino præferenda est Etesianæ & vulgari. nec maior illius fides est in locorum descriptione. Ninum, urbem omnium quondam circuitu amplissimam, ciuium numero maximam, quamue PLINIVS 3 & HERODOTVS 4 Tigri impositam fuisse tradunt, CTESIAS, qui tot annos in Persia versatus est, Euphrati adpositam fuisse dixit, auctore, DIODORO, 5 ut alia silentio dimittamus, quæ CELLARIVS 6 docte & solide examinauit, quamue sint erronea, demonstrauit.

1 lib. I. cap. 95.

2 præf. oper.

3 lib. VII. cap. 13.

4 lib. I. c. 19.

5 lib. II. cap. 3.

6 dissert. acad. p. 54. seqq.

§. XXI. At magnam CTESIAE auctoritatem apud græcos fuisse, multi obiciunt, id quod minime negamus, causam, cur historia ipsius eo cupidius a pluribus fuerit recepta, facile cognoscentes, quod ipse, teste DIODORO, dixit, *se ἐκ τῶν βασιλικῶν διαφεῶν, ex regis membranis* sua omnia edidisse; confer vossium. ¹ quamvis & experientia doceat, quod etiam errores & fabulæ suos inueniant patronos, quæ sapius adprehendantur tenacius, quam ipsa simplex veritas. sicque adparet, lubricam esse fidem, quam præ se habet CTESIAS, quumque id, quod in DIODORO TROGO extat, ex ipsius rivulis sit derivatum, facile ex inde colligere possumus, quam dignitatem illorum narrationibus habere debeamus. accedit, quod CTESIAE ingenium Semiramidis ætate minus inluxerit, vnde probabilitas historica alias vim quandam accipere potuisset; & quamvis DIODORUS prodat, quod libris annalibus iisque arcanis fuerit usus; nemo tamen a se poterit impetrare, ve persuadeat sibi, veteres tantos errores & fabulas annalibus conseruasse, quorum curæ viri cordatiores præerant. multo minus causam deprehendimus, cur Nini, inprimis Semiramidis merita litteris tueri iisque seculorum laudes comparare voluerint: quoniam in ceteris regibus res non tam expedita est, quam in Semiramide; & constat, quam difficile sit eorum ætates atque opera dilucide exponere, & quantum auctores in descriptionibus suis inter se discrepent, ex superioribus prolatis quisque colligere potest; attamen vis probabilita-

¹ de historicis græc. lib. I. cap. 3.

ſtoribus carminum fabularumque fingitur, quando VIRGILIUS¹ dicit:

*hunc veſit immanis Triton. & cerula concha
exterrens freta: cui laterum tenuis hiſpida*

*frons hominum præfert, in priſtim deſinit
alius*

item Nereides, maris nymphæ. quapropter putant nonnulli; ARIAS quippe, TREMELIVS, per Dagonem ſignificari *Tritonem*; alii vero quum Triton minoris fuerit gloriæ, in eam ingreſſi ſunt ſententiam, quod commentitiuſ & fictuſ Deuſ Dagon idem ſit, ac *Neptunus*, præſes ille maris, cui ſententiæ ſeſe addixerunt STYCKIUS² & KIPPINGIUS.³

PHILO Bilſius apud EVSEBIUM lib. I. præp. euang. cap. 7. GYRALDVſ hiſtor. deor. ſyn. tagm. II. p. 109. DRVſIUS quæſt. Ebr. lib. I. quæſt. 82. DICKINSON delph. Phœn. cap. 7. deriuant nomen *Dagonis* ab Ebræorum voce *in frumentum* quali fuerit præſes, Deuſ frumenti, yt apud latinos *Saturnuſ*, quem fabuloſa ætaſ credidit, præſidere agriculturæ, hortis. ſed PFEIFFERVſ dub. vexat. cent. II. loc. 67. p. 363. nominis *Dagon* originem a voce *in piſcuſ* veriorem eſſe putat, quoniam conſtet, quod Philiſtæi fuerint maris accollæ, piſcatuſ, adeoque numinum maris cultoreſ, etiam antiquiſſimi ſcriptoreſ teſtentur, Syrophœnicæ & Philiſtinoſ piſcibuſ præſtitiffe cultum. at vero IO. HEINRICVſ REITZIVſ not. ad GOODWIN. Moſ. & Aaron lib. IV. cap. 4. p. 376. exiſtimat, quod Phœnicæ in vno idolo Deum ſuum & maris & terræ venerati ſint, quoniam ex vtraque parte ipſiſ

¹ Aen. X. v. 209.

² de ſacriſ & ſacrific. gentil. pag. 25.

³ antiq. rem. lib. I. cap. 6.

fuerint

fuerint diuitiæ, prout maiores nostri *Crodon* suum Deum coluerint: qua coniectura vox *Dagon*, respiciat cum terram ac frumenta, tum mare ac pisces, & significet *Saturnum* & *Venerem*, quæ ex mari nata sit, aut *Opem*, quæ multos Deos maris genuerit marito Saturno.

§. XXIII. Plurimum est opinio, quod *Derceto* siue *Adergatis* Venus sit Syrorum, quippe quæ apud fabularum auctores in piscem mutata fingitur, quamuis ipsa fabula miris modis turbata ad nos peruenerit. etenim *MANILIVS*¹ dicit, immersam fuisse lacui *Babylonico*:

*scilicet in piscem sese Cytherea nauavit
quum Babyloniacas submersa, profugit in
vndas
anguipedem alatis humeris Typhona feren-
tem*

inseruitque suos squamosis piscibus ignes.
*OVIDIVS*² tradit, *Venerem* insiluisse in *Euphratem* & aquam illam, in quam insiluerit, *Palæstinam* vocat, ut adeo non sit dubium, lacum *Palæstinum* aut *Palæstinæ* proximum cum *Euphrate* aut aquis *Babylonicis* confusum esse. quæ *Venus* quum quoque intelligenda sit per *Dagonem*, quæ sententia est *SCALIGERI*³ *SERARII*⁴ *SANCTII*⁵ *SELDENI*⁶ quæstio oritur: quo pacto *Dagon* & *Venus* intuitu generis possint conciliari, quum ille Deus virilis, hæc vero dea feminei generis fuerit? ea de causa momentum illud ex antiquitarum historiis attingunt, quod veteres deos αἰρετοθήεις, mares simul feminasque,

¹ lib. IV. astron. ² fastor. lib. II. v. 460. ³ ad Varron.
p. 25. ⁴ comm. ad Iud. 16. qn. 23. ⁵ ad Samuel. I. cap. 5.
⁶ de diis Syr. Syn. II. c. 3.

hoc est, qui soli ad rerum generationem conferrent hoc, quod in hominibus & ceteris animantibus mas & femina, coluerint, adeo ut hac opinione Venus sit Deus & dea. sic enim *Saturno* respondeant *Rhea*, mater Deum, *Idæa* mater, *Latia*: *Ioui* *Iuno*, *Diana* *Pallas*, Ἀθήνη siue *Minerua*: *Vulcano* *Maia* & *Proserpina*: *Marti* *Venus*, *Mola* & *Nerie*; etiam in nummis non modo *Liber* *Bacchus* sit, sed & *Libera*, nec modo *Venus* *Dea*, sed *Deus* quoque *Venusque* mascula: sicque sit *Luna* *dea* & *Deus Lunus*, de quo argumento plures auctores collegit *FABRICIUS* ¹. alii autem contendunt, quod *Derceto* plane diuersa sit a *Dagone* & ex simili utriusque figura potius adpareat, huiusmodi idolorum species, quæ partim hominem, partim piscem referrent, apud *Phœnices* non fuisse inusitatas. sunt quoque, qui adfirmant, quod *Derceto* sit *Iuno*, qua de re adhuc conferri possunt *DIETRICVS* ² *LEVSDENIUS* ³ *BAYERVS* ⁴.

§. XXIII. Quamuis sit difficile, hanc fabulosam controuersiam componere, nec instituti nostri ratio permittat, de ista copiose differere; paucis tamen dicamus, quid ea de re venerit in mentem nostram. constat quippe, quod deorum dearumque nomina ab antiquis scriptoribus sæpe confundantur ac perturbentur, adeo ut sicut *Iupiter*, *Saturnus*, *Titan* sit vnusidemque deus & significet solem; ita quoque *Venus*, *Iuno*, *Dagon*, *Isis*, *Lucina*, *Diana*, *Derceto*, *Atergatis* communis sit *Venus* seu *dea*, notetque *lunam*. namque *Derceto*

¹ *bibliograph. antiqu. c. VIII. §. 7.*

² *antiquit. V. T. p. 348.*

³ *philol. Hebr. mixt. dissert. 45. p. 315.*

⁴ *observ. ad Seldem.*

p. 285.

dicitur

dicatur quoque *Astarte*, qua voce profani auctores vtuntur, nec dubium est, quin *Astarte* eadem sit ac *Astaroth* seu *Astoreth*, cuius mentio fit in sacris scripturis, ¹ verum plerique eruditorum in eo conueniunt, *Astarten* seu *Astaroth* esse lunam, cuius rei præter alios testis est *LVCIANVS* ² ἐνὶ δὲ καὶ ἄλλο ἱερὸν ἐν Φοινίῃ μέγα, τὸ Σιδωνίῳ ἔχουσι. ὥς μὲν αὐτοὶ λέγουσιν, Ἀσάρετις ἐστὶ. Ἀσάρετιν δ' ἐγὼ δοκέω Σεληνιαὴν ἱμεναι, est & aliud templum in Phœnicia, quod Sidonii tenent, *Astarte* ut ipsi quidem dicunt: *Astarten* autem Lunam esse putō. idem confirmat *HERODIANVS* ³ λίβυες μὲν ἂν αὐτὴν Ουρανίαν καλεῖσι, Φοίνικες δὲ Αστροάρεχην ὀνομάζουσι, σελήνην εἶναι δέοντες, hanc *Afri Vraniam* vocant, Phœnices *Astroarchen*, lunam esse affirmantes; sed tamen in eo auctor hic a veritate discedit, quod apud Afros lunam adpellatam fuisse *Vraniam* existimet, quum isti nomen quoque *Astarte* vsurpauerint, si *AVGVSTINI* ⁴ auctoritas mereatur fidem; prout & perperam dicit pro *Astarte* *Αστροάρεχην*, nomen Phœnicium mutans in græcum. de cultu autem, quo etiam orientis gentes prosecutæ sunt lunam, testatur *HERODOTVS* ⁵.

* de origine vocis *Astaroth* diuersæ sunt auctorum sententiæ, quas collegit *BVDDVS* histor. eccles. V. T. tom. I. p. 952. qui & de ipsa re disserit solide: confer *VOSSIVM* de idololatr. gent. lib. I. cap. 21. *SALMASIVM* ad Solin. p. 574. *REINESIVM* de deo Endouelico p. 15. *PFEIFFERV*M dub. vexat. cent. II. loc. 55. p. 339. extat quoque *AVGVSTINI*

¹ Iud. II, 13. X, 6. 1. Sam. VII, 3. 4. XII. v. 10. XXXI, v. 10.
² de Syria dea 1. II. opp. p. 657: ³ hist. lib. V. cap. 6. ⁴ lib. VII, quæst. in libr. Iud. c. 16. ⁵ lib. I. cap. 130.

CALMET differt. de Philistinis eorumque diis Dagone, Beelsebub, Asarothe, Marna & Baal Berith, inserta commentario ipsius ad libros regum Paris 1711. 4.

§. XXV. Sic Derceto, quæ mater fingitur Semiramidis, Venus fuit. sub cuius specie coluerunt lunam, quapropter etiam dicta est *Astarte*, quippe quæ fabulosam ipsius originem satis superque significant. nec est, quod rei huius nos subeat admiratio. etenim, ut originis crederetur summa antiquitas nobilitasque, veteres, inprimis poetæ pro fingendi libidine genus familiarum interdum a diis aut heroibus, ac præcipue a Venere deduxerunt, cuius rei exemplum est Aeneas, qui traditur Veneris & Anchisæ filius, hinc & de Cæsare dicit VELLEIVS ¹ *Cæsar nobilissima Iuliorum genitus familia & quod inter omnes antiquissimos constabat, ab Anchisæ & Venere deducens genus.* sic Alexander magnus sibi videbatur obscurus, nisi abdicato mortali patre Philippo Amyntæ filio, ab Ione genitus crederetur, addita insolentiæ fabula, draconem * in cubuli matris visum, quem Iupiter induerit, uti PLVTARCHVS ² IVSTINVS ³ alique referunt, idem de P. Scipionis quoque matre memoriæ traditum est, auctore A. GELLIO ⁴ & de Atia, Augusti matre apud SVETONIVM ⁵ hæc legimus: *in Asclepiadis Mendetis Θεολογμίων libris lego, Ariam quum ad solenne Apollinis sacrum media nocte venisset, posita in templo lectica, dum ceteræ matronæ dormirent, obdormivisse; Draconem repente irrepssisse ad eam, paulloque post egressum: illamque expergesca-*

¹ lib. II. cap. 41. ² vita Alexand. pr. ³ lib. XI. cap. II. §. 3. ⁴ lib. VII. cap. I. N. A. ⁵ vit. Aug. cap. 94.

Etiam,

Etam, quasi a concubitu mariti, purificasse se, & statim in corpore eius exstitisse maculam, velut depicti draconis: nec potuisse unquam eximi: adeo ut mox publicis balneis perpetuo abstineret: Augustum natum mense decimo & ob hoc Apollinis filium existimatum. tanta fuit fingendi licentia, tanta ambitio mortales ad diuinitatis studium duxit & tam creduli homines esse coeperunt, ut huiusmodi commentitiis rebus fidem suam adiunxerint.

* Serpens enim plurium deorum signum erat propter animalis huius felicitatem, vigilantiam, salutem, potentiam, singulari autem & proprio modo Aesculapii, Apollinis filii, crediderunt quidam, quod ab æneo serpente, salutis causa in solitudine erecto manuerit ad gentes, unde serpentem Aesculapio suo adfingerent, vide HVBETIVM demonstrat. euangel. prop. IV. cap. 8. CELLARIUM antiqu. med. cap. 2. §. 6. 7.

§. XXVI. Equidem sententiæ huic, quod Derceto sit Venus, quæve significet lunam, varia obici possunt. namque primum DIODORVS deam, quæ Derceto vocata est, plane distinguat a Venere, cuius motu quippe ac impulsu dea hæc amore erga iuuenem quemdam fuerit accensa; de inde autem ipsa forma, quæ deæ huic affingatur, cum luna nequaquam conueniat, quin etiam, quum superiori parte præ se tulerit figuram hominis, inferiori piscis, respiciat mare deumque quemdam marinum. at verò si hæc penitus inspiciamus, leuiora sane sunt, quam ut nos de iam proposita sententia dimoueant. ita est, quod DIODORVS deam Syriam aut ex nostra sententiâ Venerem a Venere distinguat, nec sine grauiori

caussa pro gentiliū religione, quoniam plures erant Veneres, de quibus CICERO¹ loquitur: *Venus prima cælo & die nata: cuius Elide delubrum videmus: altera spuma procreata; ex qua & Mercurio Cupidinem secundum natum accepimus: tertia Ioue nata & Diana, quæ nupsit Vulcano; sed ex ea, & Marte natus Anteros dicitur: quarta Syria Tyroque concepta, quæ Astarte vocatur, quam Adonidæ nupsisse proditum est.* quod autem Veneri duplicem formam commentitiam adiunxerint, partim piscis, partim hominis, quæ nihilominus denotet lunam, huius rei occasio fuit fabula illa, quod Venus mutata sit in piscem, cuiusmodi fabulas veteres inter se confuderunt perturbaruntque, ita ut altera nata sit ex altera.

§. XXVII. Sed satis diximus de fabulosa Semiramidis origine. nec maior fides erit in educatione ipsius, quod a columbis prima acceperit nutrimenta. produnt cum sacræ tum profanæ literæ exempla eorum, qui ab animalibus, quæ intelligendi vi carent, nutriti & ab interitu per providam ipsorum curam sint conseruati. namque ex oraculis diuinis² cognoscimus, quod singulari summi numinis providentia corui³ in extrema annonæ caritate prophetæ Eliæ carnem panemque adtulerint ipsumque adeo ad torrentem *Crith* aluerint benigne. inprimis autem plurima exempla de *Σπιοτεόφοις* apud paganos scriptores reperimus. sic apud IUSTINVM³ legimus, Cytum a cane, Habidem a cerua, Hieronem

¹ de N. D. lib. III. cap. 23. ² 1. Reg. XVII. v. 1. seq. ³ lib. I. cap. 4. lib. XLIII. cap. 4. lib. XXIII. c. 4.

ab apibus; apud AELIANVM ¹ Telephum Agaues & Herculis filium a cerua, Peliam Neptuni & Tyrus filiam ab equa, Alopes Priami-que filium ab vrsa, & Aegisthum Thyestæ & Pelopiæ filium a capra; apud DIONYSIVM ² FLORVM ³ IVSTINVM ⁴ Romulum & Remum a lupa educatos fuisse atque enutritos, ut de aliis taceamus exemplis.

- * dicuntur עֲרָבִים quæ vox his punctis vocalibus munita semper significat *coruos* Gen. VIII. v. 7. Leu. XI. v. 15. Deut. XIII. v. 14. Psal. CXLVII. v. 9. Prou. XXX. v. 17. Cantic. V. v. 11. Eccl. XXXIII. v. 11. Iob. XXXVIII. v. 41. hinc & LXX interpr. habent *κόρακες* eandemque interpretationem adprobant R. DAVID KIMCHI, R. LEVI ben GERSOM, R. ABARBANEL quæ & cum integra oratione contexta, miraculique excellentia maxime conuenit sunt qui per עֲרָבִים intelligunt *mercatores*; item incolas a loco vel petra עֵרֶב *Oreb* *Orebin* seu *Orefim* adpellatos, prout HERM. van der HARDT de *coruis Eliæ* existimat, incolas huius vrbs aluisse Eliam; sed nunquam vrbs *Oreb* aut in *Oreb* sita, verum rupis, cui nomen fuit *Oreb*, mentio fit: & si fuissent homines, qui cibum præbuerunt Eliæ, cur iidem non & potum suppeditarunt? nec intelligi possunt *Arabes*, qui ab hebræis dicuntur עֲרָבִים *Asim* 2. Chron. XXI. v. 16. non עֲרָבִים *Orefim*. CLERICVS in h. l. procliuor est in eam sententiam, qua coruos fuisse negatur, quapropter BOCHARTI argumenta tom. II. lib. II. cap. 13. hieroz. quibus

¹ lib. XII. cap. 42. var. *hiflor*.
cap. 1.

⁴ lib. XLIII. cap. 4.

³ antiq. roman. lib. I. ³ lib. I.

interpretatio de coruis munitur destruere,
ope adnuitur.

§. XXVIII. De auctoritate horum exemplorum disputatur in vtramque partem & quidem quod ad illa attinet, quæ a scriptoribus paganis sunt tradita, quoniam historiæ de Elia quisque fidem habet, qui partim diuinam excellentiam atque auctoritatem sacri codicis tuetur, partim veram ac genuinam interpretandi rationem sequitur. sunt itaque, qui durius esse censent, omnia huiusmodi exempla reddere suspecta, aut ad nugas referre fabularum, ita vt qui huius sit opinionis, maximam vim dignitati ac fidei historicæ inferat, præsertim quum & recentioris æui auctores prodant testimonia, quod a feris homines sint nutriti. summi enim numinis prouidentia sit maxime larga, & prout totum hoc, quod videmus & quidquid non videmus effecerit, ita rector quoque sit & custos huius uniuersi omniaque sustineat vi sua, speciatim autem per incredibilem benignitatem consulat rebus humanis, hancque prouidentiam per miracula confirmet nec solum inter illos, qui voluntati ipsius morem gerunt, sed & inter nationes a veris sacris maxime alienas, confer FLEETWOOD¹ in cuius curæ diuinæ erga gentes, eiusque per miracula manifestæ ac testatæ factæ documenta adseruntur præter exempla de *Ἐπιτομή*, mutatio illa, quæ in filio Croesi subito accidit apud A. GELLIVM² VALE-
RIVM MAXIMVM³ SOLINVM⁴ prodigium illud, quod Xerxi inter cœnam euenerit, quum consilium Lacedæmonios bello op-

¹ de miraculis dial. II. p. 230. sqq.

² lib. V. cap. 9. N. A.

³ lib. V. cap. 4. ⁴ cap. 7.

primendi

primendi animo concepisset, auctore VALE-
RIO MAXIMO; ¹ item quod caput arserit
Servio Tullio dormienti multorum in conspe-
ctu, hæcque flamma visu euentuque mirabi-
lis futuram regiæ maiestatis dignitatem, ad
quam Servius Tullius posthoc peruenit, præ-
dixerit, cuius historiæ testes habemus LI-
VIVM ² FLORVM ³ VALER. MAXIMUM ⁴
& CICERO ⁵ dicit: *caput arsisse Servio Tullio
dormienti, quæ historia non prodidit?* nec non
somnia, quibus summum tenentibus impe-
rium fata futura prædicta sint, cuiusmodi plu-
ra VALERIUS, CICERO aliique commemo-
rant. at vero alii nec auctoritatem nec fidem
exemplis ac paganorum testimoniis de *ἑνεσ-
τρόφους* adiungunt, eaque, digna esse pronun-
tiant, quæ pari censu cum commentitiis rebus
habeantur.

§. XXVIII. Neutiquam negamus, quod
Deus quoque per indulgentiam suam & pro-
videntiam rebus paganorum consuluerit; sed
num exempla ista de *ἑνεστρόφους*, veritate hi-
storica ita sint munita, ut vi sua hanc rem
corroborare ac confirmare possint; id adhuc
dubium nobis videtur. etenim observamus
exempla, quæ aperte sapiunt fabulas, quando
Iouem & Aesculapium per capram educatos
fuisse legimus; & quamuis alia quandam ve-
ritatis speciem præ se ferant, facile tamen, si
omnia perspiciamus penitus, veriora depre-
hendere possumus, quæ pro perdita fingendi
licentia mutata fuerunt in commentitia. sic
Cyrus per canem nutritus ac servatus dicitur,
cuius fabulæ autem ea fuit occasio, quod vxor

¹ lib. I. cap. 6. ² lib. I. cap. 39. ³ lib. I. cap. 6. ⁴ lib. I.
cap. 6. ⁵ lib. I. de divin.

Mithridatis, quæ Cyro præbuit alimenta, nomen habuerit *Spaco*, quo Medi vocarunt canem, hinc & HERODOTVS ¹ τὴν γὰρ κύνα καλεῖται Σπάκα Μηδοί, IUSTINVS ² autem: *nutrici Spaco postea nomen fuit, quia canem Persæ sic vocant*, vid. GVIL. BVRTONVM ³ Romuli nutrix traditur lupa, quæ fuit Faustuli vxor propter vulgati corporis vilitatem *lupa* *. inter pastores, id est meretrix nuncupata, vti præter alios obseruat LACTANTIVS; † nec ab re esse videtur, si adfirmemus, quod doctes corporis æque ac animi fictionibus locum dederint sæpe, quo factum est, vt poetæ virum eloquentem ab apibus, celerem ab equa, crudelem a tigride nutritum esse, fictis fabulis memoriæ prodiderint. qua ratione facile intelligi possunt versus VIRGILII ⁵ de Metabo, Priuernatium tyranno, Camillæ patre:

*hic natam in dumis interque horrentia
lustra,*

*armentalis equæ mammis & lacte ferino
nutribat, teneris immulgens ubera labris:*

quod si ita est, sicuti est, satis subinde adparet, quid de educatione Semiramidis eiusque nutricibus columbis sentire debeamus. VOSSIVS ⁶ quippe existimat, quod fabula hæc ex voce *Semiramidis*, quæ Syrorum lingua significet columbam, ortum suum traxerit, quamvis alii nomen hoc ipsi adtributum fuisse propter educationem ope columbarum adfirmant. sic quoque PIERIVS ⁷ putat, quod columbæ, quarum indoles ad libidinem maxime sit procliuvis, propter hanc Veneris voluptatem, cui

¹ lib. I. cap. 110. ² lib. I. cap. 4. ³ *herodot. veter. lingua. Persæ cap. 85.* ⁴ lib. I. cap. 20. *infirma diuinar.* ⁵ *Aen. lib. XI. v. 570.* ⁶ *de idololat. lib. I. cap. 23.* ⁷ *hierogl. lib. XXII. cap. 8.*

Semiramis quoque indulserit æstuante animi ardore, occasionem fabulæ huius proferendæ dederint, quæ utraque sententia multum præ se habet probabilitatis, vt in cuiusque positum sit arbitrio, quam ex illis, veluti probatam atque expeditam sibi eligat.

* meretrices *lupæ* dicebantur, ob rapacitatem
 PLAVTVS *Epidic.* act. 3. scæn. 3. v. 22. *diuertunt mores virgini longe ac lupæ.* CATVLVS *carm.* 97. *tanquam commincta spurca salua lupæ.* vnde *lupanar* & *lupanarium*, id est domus inhonesta, vbi impune permittebatur libido. Faustuli autem vxor dicitur *Laurentia* & *Larentia*, quam MACROBIVS *saturn.* lib. 1. cap. 10. vocat *Aciam Larentiam*.

§. XXX. Quum iam perspiciamus modum, quo Semiramis peruenerit ad regiam maiestatem tenueritque Assyriorum imperium, in mentem nostram veniunt ea, quæ ABELVS hac de re monet. scilicet obseruat, quod omnia, quæ de momento hoc a scriptoribus literis sint consignata, Semiramidem maritum Ninum interficiendum curasse, seque pro vxore Nini filium, pro femina puerum simulasse, fidei historicæ atque omni rationi repugnent, nec facile quis sibi persuadeat, quod vxor hæc Assyriis, qui omnia tam perspecta tamque cognita habuerint, fraudem hanc facere potuerit. sed tamen sunt quædam, quæ auctores veteres a suspitione fabularum liberare, ipsorumque fidem tueri possint, si dicamus, quod Semiramis regni tantum administrationem filio præripuerit, adeoque veluti sub persona filii tenuerit imperium, vt superioribus a nobis est obseruatum. de cetero grauiora adhuc re-

1 *hystor. monarchiar. orbis antiqui lib. 1. cap. 7. p. 388.*

stant,

stant, quæ merentur censuram. etenim quæ de *Babylone* traduntur, partim MOSES¹ partim BEROSVS apud IOSEPHVM² feliciter confutant. namque ille de Nimrodo per anticipationem dicit: *הָאֵלֶּה הָיוּ מַלְכוּתוֹ בְּבָבֶל* hic vero μέμμεται ἰσχυρῶς συγγραφεῖται reprehendit *græcos historicos*, qui credidissent perperam & *Babylonem* & eius ornamenta a *Semiramide* *Assyriorum regina* oriri. imo nonnulli ex ipsis *græcis* originem vrbis huius retulerunt ad *Belum*, vt testantur excerpta EVSEBII³ ex variis autoribus de *Babylone* a gigantibus & *Belo* condita; hinc & CVRTIVS⁴ *Semiramidem* eam condidit, vel vt plerique credere, *Belus*, cuius regia ostenditur, & PHILO Byblius apud STEPHANVM⁵ tradidit, esse hanc urbem opus *Babylonis*, viri sapientis, qui filius fuerit sapientissimi *Medi* (pro quo alii legendum esse *Beli* existimant, non vero, sicut *Herodotus*, a *Semiramide* conditam; ea enim antiquiorem esse urbem *Babylon*, duobus annorum millibus; * quod etiam refert EVSTATHIVS⁶ nisi quod urbem *Semiramide* antiquiorem dicat mille & octingentis annis.

* PERIZONIVS orig. *Babylonic* cap. 7. p. 90. cum VOSSIO de idololatr. lib. 1. cap. 24. coniecturæ fauet, quod *Belus* potius nominaverit filium sibi natum ab urbe, quæ *Babel* vel *græca* pronuntiatione *Babylon* dicebatur, prout *Ninus*, aut saltem *Ninyas* nomen suum accepisse videatur ab urbe *Nino* vel *Niniite*, quæ dudum ab *Assure* fuisset iam condita.

§. XXXI. At vero plures in veterum mo-

¹ Gen. X. v. 10. ² lib. 1. contr. Apion, p. 1045. ³ præpar. evangel. lib. IX. cap. 14. 15. 17. 18. 41. ⁴ lib. V. cap. 1. ⁵ voc. Babylony. ⁶ ad Dionysii perieg. v. 1005.

nimentis

nimentis commemorantur *Beli, Tyrius* quippe & Phœnicus, de quo VIRGILIUS ¹

*hic regina grauem gemmis auroque poposcit
impleuitque mero pateram, quam Belus &
omnes*

a Belo soliti

item *Aegyptius*, Neptuni & Libyes filius *Assyrius*, qui pater fuisse Nini dicitur, & *Babylonius*, quippe qui Babylonem condidit, & prioribus multo antiquior, quapropter AELIANUS ² dicit istum *τὸν βῆλον τὸν ἀρχαῖον, Belum illum antiquum*. nec difficilis est cognitio causæ, cur tot reperiamus Belos in historiis diuersarum gentium. etenim quæque natio in oriente suum progenitorem in deorum numerum retulit, ipsamque diuinis adfecit honoribus; *Beli* autem vox significat *deum* seu *dominum*. chaldæis quippe *בעל* est *dominus*, item *præses*, quæ vox hebræorum nomen *בעל* & significatione & origine præ se habet, quod græci ad chaldæorum pronuntiationem paullo propius accedentes, scripserunt *βῆλ* vel *βῆλος*; sic & *Baal* est vocabulum Punicum, domum vel dominantem significans, vnde etiam duces ipsorum id cognomenti loco sibi assumerunt, vt *Hanni-bal*, *Hasdru-bal*, confer SELDENVM ³ & THOMAM REINESIVM ⁴.

§. XXXII. Nimrod igitur, quem tradunt sacræ littæ, idem est ac Belus, quem profani commemorant auctores. quod haud obscure confirmant ea, quæ legimus apud EVSEBIUM, ⁵ vbi Belus dicitur *πρώτος* Nebucad-

¹ *Aen.* I. v. 732. ² *lib.* XIII. cap. 3. ³ *de diu. Syri. Syn.* II. cap. 1. ⁴ *de lingu. Punic.* cap. 6. §. 4. ⁵ *Præpar. euangel.* lib. IX. c. 41.

nezaris:

NEZARIS: & ALEXANDER *polyhistor.* apud eundem EVSEBIUM ¹ de Belo hoc eadem magna ex parte narrat, quæ liber diuinæ generationis tradit de Nimrodo. namque dicit: *gigantes, quum Babyloniam incolerent, a diis propter impietatem extinctos fuisse, quorum vnum Belum subductum Babylone habitasse, turrimque exstruxisse, & in ea vitam egisse, eamque a Belo, qui eam exstruxerat, Belum nominatam.* ex quibus verbis adparet, turrim, quam diuina scriptura commemorat, tribui Belo, cuius auctor Ebræis est Nimrod, IOSEPHO ² & Rabbi SALOMONI ³ aliisque, quamuis BOCHARTVS ⁴ dicat, *Nimrod tum vix natus erat.* adhæc Belus refertur inter gigantes, qui tenuerint Babyloniam, & omni religioni vim inferentes, acerbissimam dei iram experti, ita vt penitus fuerint deleti; plane sicuti Nimrodus in diuinis oraculis a LXX. interpretibus *gigas* fuisse dicitur, & turbarum seditionisque auctor duxque eorum fuit, qui aduersus dei voluntatem turrim ædificare cœperunt, & iis de causis non quidem extincti, sed ex eo loco per terrarum orbem sunt dispersi. quapropter fixum statutumque nobis est, eundem fuisse Belum, qui aliter Nimrodus dicitur, atque a profanis scriptoribus adpellatur *Belus*, id est deus seu dominus, quoniam ordinis deorum pro gentium consuetudine est adscriptus, confer BOCHARTVM ⁵ SCHVVRZFLEISCHIVM ⁶ PERIZONIVM ⁷ CHRISTIAN SCHOTANVM ⁸. *

¹ lib. IX. cap. 18. ² lib. I. cap. 5. antiqu. ³ in Gen. XI
⁴ Phaleg. lib. I. cap. 14. ⁵ Phaleg. lib. IV. cap. 14. ⁶ oper. hieric. polit. dissert. I. §. 18. sqq. ⁷ orig. Babyl. cap. 1. & 7.
⁸ bibloth. hist. sacr. de ciuitate secunda mundi p. 48. sqq.

* aliorum sententias de *Nimrodo, Belo, & Nino*, silentio præterimus. sunt quippe, quibus vel idem Nimrod ac Belus; vel Nimrod & Ninus idem; aliis singuli diuerſi Nimrod, Belus, Ninus, quas diuerſas opiniones collegit IO. GODOFR. HARTVNGIVS *ſpecim. hiftoric. contin. monarchiam* l. §. 15. p. 32. adde CELLARIVM *diſſertationibus academ.* p. 56. ſeqq.

§. XXXIII. Sunt quoque, qui diuerſas ſententias de Belo & Semiramide, quod ad Babylonem adinet, ita conciliant, vt originem vrbis huius Belo; ornamenta vero Semiramidi vindicent, quapropter AMMIANVS MARCELLINVS ¹ dicit: *Babylon, cuius mœnia bitumine Semiramis ſtruxit, arcem enim antiquiſſimus rex condidit Belus; & HERODOTVS ² refert, molem ἀξιοθέητον id eſt ſpectabilem Euphrati coërcendo a Semiramide eſſe conſtructam; ſed quum addit ſimilis ingenii Nitocris, πέντε γενῆσι, quinque generationibus Semiramide poſteriore, ipſe teſtimonium ſuum reddit ſuſpectum fidemque facit obſcuriorem. et enim ſi Nitocris a Semiramide per quinque ætates id eſt per CLX annos fuerit ſeparata, Semiramis ſane eſſet multo recentior, quam traditur vulgo. quam ob rem neceſſe eſt, aut adfirmare duas fuiſſe Semiramides, alteram priorem, alteram poſteriore, quæ molem hanc ſtruxerit, cuiusue fecerit mentionem HERODOTVS, prout SCALIGER ³ ſententiam hanc de duabus Semiramidibus tenet; aut pronunciare, ipſa HERODOTI verba πέντε γενῆσι male eſſe ſana, ita vt pro πέντε ſcribere debeamus δεκάπέντε, quindecim. id exploratum ac diuina humanaque fide confirmatum eſt, quod*

¹ lib. XXIII. ² lib. I. c. 184. ³ ad *Euſeb. m. D.* l. XXXIII. p. 37.

Nebucadnezar notissimus monarcha, Tyro, Aegypto & Hierosolymis captis Iudæisque in captiuitatem abductis, Babylonem ornauerit operibus, in quibus BEROSVS ¹ etiam muros & hortos pensiles numerat, græcos reprehendens, qui Semiramidi adtribuant. quamobrem Nebucadnezar ingenti elatus superbia dixit: *הלא דא-דיא בבל רחמא דר-אנה בניה לביא טלכו* *nonne hac est Babel magna, quam ego edificauit*, id est ornaui, ampliore ac splendidiorem feci, *in domum*, hoc est sedem regni apud DANIELEM. ² de cetero auctoritate HERODOTI nonnulli adducti sunt, vt ornamenta quædam Babylonis Semiramidi adtribui posse; existimauerint, qua de re videas PERIZONIVM ³ & VITRINGAM. ⁴

§. XXXXIII. Superioribus mentionem quoque iniecimus expeditionum, quas Semiramis suscepisse traditur, quo in momento multa quoque deprehendimus, quæ sunt contra fidem. primum enim MEGASTHENES, auctor indicarum, scribit apud ARRIANVM ⁵ neque Indos cum hominibus bellum gessisse, neque vllos Indis bellum intulisse, quamuis addat, Semiramidem quidem Assyriam tentasse exercitum in Indos ducere, sed mortem ipsius consilia conatusque fregisse, vt adeo expeditionem quamdam Indicam Semiramidi adscribendam esse neget, adde STRABONEM. ⁶ at verò MEGASTHENES, quum Indica consignauerit litteris, apud Indorum reges commoratus est, atque ipsi commoda fuit occasio, omnia genuina bonaque fide tra-

¹ apud Ioseph. contra Apion. lib. 1. ² cap. IV. v. 27. ³ orig. Babylon. cap. 7. p. 91. ⁴ comm. in Esaiam cap. XIII. p. 495. ⁵ histor. Indic. p. 92. ⁶ lib. XV. p. 686.

dendi,

dendi, testibus PLINIO ¹ & SOLINO ² deinde si quis apud animum expendit, quantum exercitum Nino adscribat DIODORVS ³ quantumue multitudinem militum collegisse Semiramis tradatur, obstupescendum sane est & maxime demirandum, vnde primo post diluuium æuo, in quo ea, quæ de Nino & Semiramide narrant, non possunt non incidere, tam paucis ex aqua seruatis, infinita hominum multitudo enata fuerit, vt tot bellis ac exercitibus vel mediocriter suffecerint. facile omnino ignosci potest paganis scriptoribus, ignorantibus quippe, quæ cum humano genere diuinitus fuerant acta: sed christianos imitari illos, id est, quod animum in admirationem deducere potest.

§. XXXV. Multi effunduntur in laudes Semiramidis, quæ virtutibus magna fuerit ac conspicua, vt IUSTINVS admirator ipsius extitit, quippe qui dicit *ne hoc illi dignitatem regni ademit, sed admirationem auxit, quod mulier non feminas modo virtute, sed etiam viros anteiret.* sed qualis est virtus, quæ in Semiramide elucet? laudant admiranturque fortitudinem bellicamque virtutem, cuius tam præclara omnique memoria digna dederit documenta. at vero tantum abest, vt animus ipsius vera fortitudinis virtute munitus fuerit, quippe quæ caute & circumspecte agit omnia, vt temeritati atque imprudentiæ succubuerit. sic multis nemo fortior Alexandro magno adparuit; SENECA tamen rationibus subnixus nequaquam contemnendis, ipsi omnem fere virtutis laudem ademit, ac belli-

¹ lib. 17. cap. 17. H N.

² cap. 49.

³ lib. 11. cap. 5.

⁴ lib. 1. cap. 2. §. 6.

cam virtutem adeo denegavit, vt *felicem temeritatem*¹ adpellèt, sequutus forte Darium apud CVRTIVM² dicentem: *temeritas est, quam adhuc pro virtute timuistis.* & si quis sua cupiditate, non communi vtilitate impellitur ad subeunda pericula, is sane officium vere fortis ducis ac militis minime potest implere. indoles sane Semiramidis, quæ molliæ & luxu difflebat, quæ castitati bellum quasi indicebat, quæ pudicitiam habebat in propatulo, plane ab heroica virtute ac magnitudine animi aliena fuit. ratio denique, qua diem supremum obiisse traditur, fabulam quoque sapit, quum nobile fuerit scortum, nemo sibi persuadeat, quod ingrauescente demum ætate cupiditate flagrauerit, cum filio muliebria exercendi. hinc VSSERIVS³ dicit: *Semiramis, quum concubitu cum filio petiisset, ab eodem interfecta est. duos & XL. annos post Ninum regno potita, quanquam 62. annorum animum de ejusmodi incestu cogitavisse, vix videatur esse credibile.* de eo, quod Semiramis transmutata sit in autem, nihil dicamus, quoniam indubitata est fabula.

¹ de benef. I, 13. VII, 3.
V. T. p. 26.

² lib. IV. cap. 14. §. 11.

³ annals.

DIATRIBE
DE
VARIIS MODIS
LITTERAS COLENDI
APUD
VETERES ROMANOS

Σ Τ Ν Ο Ψ Ι Σ.

Ratio instituti §. I. de præceptoribus veterum romanorum §. II. de scholis publicis & priuatis veterum romanorum §. III. de ipsorum peregrinationibus litterariis §. IIII de libris illorum ac de modo istos legendi §. V. de ipsorum anagnostis §. VI. de meditatione litteraria veterum romanorum §. VII. de ipsorum recitationibus §. VIIII. de disputationibus veterum romanorum §. VIIII. de lucubrationibus ipsorum §. X. ac secessibus §. XI.

QUum mihi in animo est, breuibus declarare, quæ fuerit ratio colendi litteras apud veteres romanos, non in varia doctrinarum genera illorum, in quibus exponendis alii sese exercuerunt, inquiram, sed in rationes quasdam, quibus litterarum cultura se tradiderint. primum disputabo de institutione litteraria, quum romani aliorum auxilio adiuti, ad musarum peruenerint scientiam, ratione habita partim ipsarum litterarum in primis humaniorum, partim locorum, quæ earum fuerunt officinæ. magnæ curæ romanis fuit educatio, quorum disciplina eo spectabat, vt sincera puerorum natura, nullis detorta prauitatibus, toto statim pectore in virtutem & honestas artes incumbendi locum haberet, id quod pulcre docet auctor de causis corruptæ eloquentiæ: ¹ iam primum suus cuique filius ex casta parente natus, non in cella emæ nutritis, sed gremio ac sinu matris educabatur, cuius præcipua laus erat, tueri domum & inservire libris. eligebatur autem aliqua maior natu propinqua, cuius probatis spectatisque mo-

¹ cap. XXVIII.

ribus omnis cuiuspiam familiae soboles committeretur. coram qua neque dicere fas erat, quod turpe dictu, neque facere, quod inhonestum factu videretur. ac non studia modo curasque, sed remissiones etiam lususque puerorum, sanctitate quadam ac verecundia temperabat. constat quoque, romanos ex studiis eos percepisse fructus, ut ad tantum fastigium romana maiestas eueheretur, & per tot secula in eodem immota & inconcussa perstaret, ac ipsi a barbarie ad vitam cultiorem, & ab inscitia ad humanitatem & variam doctrinam traducti essent. quod si ita est, sicuti est, operæ pretium facturus mihi videor, si in hoc argumento disputando curatius verfer, ut æmulatione incitati, quod salubre nobis sit & musis nostris, tanquam ab exemplo. ad imitandum proposito capiamus.

§. II. Pro diuersa ætatis ingeniiue indole necesse fuit, diuersa quoque ratione litteras excolere. plerumque domi & in contubernio matris discebantur elementa, & ipsi parentes liberos suos institutis & præceptis erudiebant. CICERO¹ dicit, se legisse epistolas Corneliæ matris Gracchorum & apparere, filios non tam in gremio educatos, quam in sermone matris; & alio loco² mallem Cicerones nostros meo potius labore subdoceri, quam me alium eorum magistrum querere: item ad Quintum fratrem: ³ *maximæ mihi curæ erit, ut Ciceronem tuum nostrumque videam, scilicet quotidie: sed inspiciam quid discat, quam sæpissime: & nisi ille contemnet, etiam magi-*

¹ de clar. orator. cap. LVIII. addo cap. XXVII. ² lib. VII.
³ ep. 4. ad Marc. ³ lib. II. ep. 14.

strum me ei profitebor: cuius rei nonnullam consuetudinem nactus sum in hoc horum dierum otio, Cicerone nostro minore perdocendo, quamvis alii scribant producendo. NEPOS de Attico refert, ¹ quod patre usus sit diligenti, indulgente & tum ut erant, diti, inprimisque studioso litterarum, qui omnibus doctrinis, quibus puerilis ætas impertiri debeat, filium erudiuerit. Iulius Agricola in sinu indulgentiaque matris Iuliæ Procillæ educatus per omnem honestarum artium cultum pueritiam adolescentiamque transegit, teste TACITO; ² id quod etiam Marcus Aurelius Antoninus, imperator de se ipso fatetur, ³ ut de aliis taceam. verum ad litterarum elementa ope præceptorum quoque adducti sunt, quod non solum priuatim, sed & multorum conuentu factum est. LIVIUS ⁴ de Camilli ingressu ad Tusculanos: *intentos opifices suo quemque operi, & ludos litterarum strepere discantium vocibus vidit, & alio loco: ⁵ mos erat Faliscis, eodem magistro liberorum & comite uti; simulque plures pueri, quod hodie in græcia manet, unius curæ demandabantur.* idem de Virginii filia ⁶ *virgini venienti in forum (ibi namque in tabernis litterarum ludi erant) minister decem viri manum iniecit.* de eadem Virginii filia DIONYSIVS HALICARNASSEVS ⁷ ταύτην τὴν κόρην ἐπίγαμον ἔσαν ἤδη θεασάμενος Ἀππίος Κλαύδιος ὁ τῆς δεκαεχίας ἡγεμῶν, ἀναγινώσκουσιν ἐν γραμματικῇ. ἦν δὲ τὰ διδασκαλεῖα τῶν παιδῶν τότε περὶ τὴν ἀγορὰν· εὐθύς τε ὑπὸ τῇ κἀκῇ

¹ vit. Attic. I, 2. ² vit. Agricol. cap. 4. n. 3. ³ lib. I. p. τῶν ὧς ἐκιντοῦν adde GATAKER not. p. 2. & BVDDE de stud. liber. veter. roman. p. 8. 9. ⁴ lib. VI, 25. ⁵ lib. V, 27. ⁶ lib. III, 44. ⁷ lib. XI. antiq. rom. p. 709.

τῆς παιδὸς εἶλω, καὶ ἐτι μᾶλλον ἔξω τῶν φρενῶν
 ἐγένετο, πολλὰκις ἀναγκαζόμενος περιέναι τὸ διδα-
 σκαλεῖον, ἥδη κρατούμενος ὑπὸ τῷ πάθους, *sam puel-
 lam iam nubilem Appius Claudius decemviro-
 rum princeps in ludo litterario legentem con-
 spicatus (erat autem tunc ludus litterarius in
 foro) & tunc statim puellæ forma captus est, &
 magis indies extra se abripiebatur, dum amo-
 re iam correptus, ludum multoties obire coge-
 retur; quibus patet, quod hic prima elemen-
 ta sint tradita, quodue pueri & puellæ institu-
 tionem habuerint communem. huiuscemodi
 præceptores dicti sunt ludimagistri, quoniam
 romani scholam dicere solebant ludam, item
 litteratores, magistri litterarii, magistri ad pri-
 ma elementa, quos cum grammaticis haud
 confundas, qui maiori erant dignitate, ingenio
 præstanti & eruditione excellentiore, quod
 WOWERVS ¹ fuisse tradit. quamuis in cœtu
 erroribus non modica, sed largissima sit mate-
 ria, & integritas morum facilius possit corrup-
 pi, malebant tamen in scholis & multorum
 conuentu suos, quam priuatim & singulares in-
 stitui, vt æmulatione ingenium accenderetur
 & certatim promouendo maiores facerent
 progressus. namque alit æmulatio ingenium,
 & nunc inuidia, nunc admiratio incitationem
 accendit. ² attamen fuerunt, qui liberis suis a
 primis pueritiæ annis magistros priuatos ad
 ingrediendam studiorum rationem elegerunt.
 elementis adreptis, grammaticos græcos audi-
 uerunt, modo priuatim & domi, modo in scho-
 lis & conuentu plurium, quia prima cura litte-
 rarum græcarum fuit, quod testantur plura*

¹ de polyt. cap. IV. p. 1017. tom. X. 7h. A. G. GRONOVII.

² conf. CELLARIUM diffusæ academiæ. p. 351.

exempla, ex quibus mentionem faciamus M. Antonini philosophi, qui usus est magistro ad prima elementa Euphorione litteratore; grammaticis græco Alexandro, quotidianis latinis Trosio Apro & Pollione & Eutychio Proculo Siccensi, ut tradit IULIUS CAPITOLINVS.¹ auspiciū fiebat a poetis, inter quos Homerum maxime diligebant, quippe qui princeps magister, vitæ hominum informator, tuba virtutis, inprimis eloquentiæ pater habebatur, quem & Hippodromus apud PHILOSTRATUM² πατέρα καὶ φωνὴν σοφιστῶν, *patriem & vocem sophistarum* adpellat. coniungebant cum Homero Menandrum, Euripidem, Sophoclem & pergebant ad historicos Thucydidem, Polybium, Herodotum, Xenophontem, reliquos, quæ eloquentiæ & philosophiæ præmittenda esse arbitrabantur. litterarum harum doctores erant grammatici, quorum alii quum fuerint τεχνικοί, alii ἰσορικοί, seu ἱεργητικοί, alii κριτικοί, illi qui secundi ordinis sunt, præcipue huc pertinent, quippe qui litterarum alumnos ad interiora veterum scriptorum, poetarum inprimis sententiam perducebant, id quod VOSSIVS³ WOWERVS⁴ PERIZONIVS⁵ PITISCVS⁶ SCIOPIIVS⁷ MASSONVS⁸ & alii vberius produnt. horum ductu legebant polita græcorum monimenta, quod fiebat studiose & diligenter: hinc PLINIVS⁹ *non enim dixi, quæ legenda arbitrarer:*

¹ vit. Anton. philos. cap. II. adde FABRICII biblioth. græc. lib. IV. c. 23. p. 21. ² lib. II. de vit. soph. adde CYPERVUM de

apotheof. Homeri p. 119. ³ de arte grammatic. lib. I. p. 12. 20. 21. 23.

⁴ cap. IX. p. 1033. d. I. ⁵ obseru. ad Sanctii minervam p. 12. 13.

⁶ adnot. ad Sueton. de illust. grammat. p. 1079. 1090. & lexic. antiquit. rom. tom. I. p. 882. ⁷ de arte critica p. 2. ⁸ vna Horatii p. 20. ⁹ lib. V. ep. 9. n. 15.

quanquam dixi, quum dicerem, quæ scribenda. tu meminervis, sui cuiusque generis auctores diligenter eligere. aiunt enim, MVLTVM LEGENDVM ESSE, NON MVLTA. quæue erant salubria & vtilia, obseruabant, & per memoriam non solum repetebant, sed ad imitationem quoque trahebant diligenti opera. QVINCTILIANVS ¹ *vertere græca in latinum veteres nostri oratores optimum iudicabant.* & paullo post: *sed & illa ex latinis conuersio multum & ipsa contulerit.* PLINIVS ² *utile in primis & multi præcipiunt, vel ex græco in latinum, vel ex latino vertere in græcum: quo genere exercitationis proprietas splendorque verborum, copia figurarum, vis explicandi, præterea imitatione optimorum similia inveniendi facultas paratur. simul quæ legentem fefellissent, transferentem fugere non possunt, qua de re conferatur* SCHEFFERVVS. ³ *imitati sunt modo scribendi indolem, quod ad elegantiam, formam, ac vim orationis adtinet, modo res & modum rerum tractandarum, quæ ex aliis subinde petierunt tam veteres, quam recentiores. sic Cicero imitatus est Demosthenem; Terentius Menandrum, Sallustius Thucydidem, Virgilius Theocritum, Hesiodum, Homerum, Tacitus Polybium & Thucydidem, Liuius Polybium. neque vero solum græcos scriptores vsurparunt, sed ex latinis quoque, quæ ad rem pertinebant, vtiliter & adposite transtulerunt, prout Terentius imitatus est Plautum, quod probat* PAREVS ⁴ *Cornelius Seuerus Manilium, obseruante* GORALLO *sive* CLERICO ⁵ *Silius Italicus Virgilium,*

¹ X. 5. pr. ² d. L. n. 2. ³ de stilo illiusque exercitii cap. IV. fgg. ⁴ de imitatione Terentii Plantina. ⁵ ad Astinam p. 90. 91.

quem cum isto contulit ALEXANDER ROS-
 SAEVS. ¹ hoc decurso stadio, romani se phi-
 losopho dabant & rhetori, vt in illius schola
 artem differendi, in huius declamandi exer-
 cerent, & vtramque græce magis, quam roma-
 ne. minus fuerunt sine philosophia, quia
 non fuerunt sine arte oratoria, ad quam exco-
 lendam illa præsertim, quæ de moribus & of-
 ficio animique characteribus agit, opus erat,
 quanquam iacuit vsque ad Ciceronis ætatem,
 nec vllum habuit lumen litterarum latinarum,
 consulas PAGAN. GAUDENTIVM ² & BVCH-
 NERVVM ³ princeps romanis studium fuit elo-
 quentia, ad quam colendam multum tempus
 sibi sumserunt, ita vt imagines grauissimorum
 oratorum in cultura artis huius sibi proponen-
 tes, ingenium & dicendi facultatem confor-
 marent & post hac ex penu eloquentissimo,
 semper aliquid ad communem adterrent fru-
 ctum atque in aspectum lucemque profer-
 rent. in tradendæ eloquentiæ fontibus &
 præceptis sedulo operabantur primum gram-
 matici, deinde rhetores: adhæc instituebant
 exercitationes varias, in quibus declamatio-
 nes erant præcipuæ. adiungebant se elarissi-
 mi oratori nominis, quo vtorentur paullo fa-
 miliarius. & a quo discerent facultatem lo-
 quendi, vti dicit auctor dialogi de causis cor-
 ruptæ eloquentiæ ⁴ *ergo apud maiores nostros
 iuuenis ille, qui foro & eloquentiæ parabatur,
 inbutus iam domestica disciplina, refertus ho-
 nestis studiis, deducebatur a patre, vel a pro-
 pinquis ad eum oratorem, qui principem locum.*

¹ lib. I. Virgili triumphantis. ² de philos. apud roman. orig. & progress. Pis. 1643. ³ in Agricola. c. IV. p. 118, 124, 125.
⁴ XXXIV, 1, 2.

in ciuitate tenebat. hunc sectari, hunc prosequi, huius omnibus dictionibus interesse, siue in iudiciis, siue in concionibus assuescebat, ita vt altercationes quoque excipere & iurgiis interesse, vtque sic dixerim, pugnare in praelio disceret: addatur GRONOVIVS. ¹ in eloquentiæ studio ingenia sua exercuerunt varia ratione. aut tradebant ficta, vt progymnasmata & declamationes, aut vera, vt orationes. iuuenum minora exercitia *προγυμνάσματα*, quæ latini vocant dicendi primordia, dicendi elementa; maiorum ac prouectiorum erant declamationes. declamandi genera tria fuerunt apud veteres pro tribus causarum generibus: vel enim panegyricæ erant declamationes, quæ in demonstratiuo, vel suasoriæ, quæ in deliberatiuo, vel controuersiv, quæ in iurisdicali genere versabantur. a declamationibus suasoriis faciebant auspicium, quia huiusmodi argumenta habentur facilia, sed controuersiv dignæ erant maturo iudicio, in quibus & sententiarum acumen; & exquisitus quidam ornatus adhibebatur. rhetor aut sophista exedram conscendebat, vt sedens ad delectationis aucupium haberet præfationem, qua auditorum sibi conciliaret animos. postea poscebant controuersiam & proposita materia vel arbitrio proprio delecta, causiv genus exponebat rhetor, quumque totius quæstionis statum prodidissent, diuidebant illam in partes, & explicabant breuiter & dilucide, quo facto, ipsam adgrediebantur controuersiam, quum aliquid spatii ad excogitandum sibi sumssissent. verum non omni tempore eadem fuit eloquentiæ facies, nec eadem institutionis oratoriæ ratio.

¹ *Observat. lib. III. cap. 23. p. 654. seqq.*

ante Ciceronem tractabant locos communes: ætate eius petebant argumentum ex veritate, quum modo in virtute prædicanda & vitio reprehendendo versarentur, modo ex historiarum monumentis, aut ex re, si qua forte recens accidisset, copiam sibi facerent dicendi laudando, vituperando, suadendo, dissuadendo. quæ exercitationes Ciceronis tempore dictæ sunt causæ. sed quum Seneca rhetor ingenio niteret, fictas lites sumebant, ea denique, quæ nec facta fuissent, nec fieri commode potuissent, excogitabant. in foro frequentes ac in iudiciis vsum ipsum eloquentiæ perdiscebant: ipsimet faciebant periculum & aliqua actione nobili edebant specimen eloquentiæ. plerumque vero iuvenes, qui eloquentiæ & iuri civili dabant operam, causarum patrociniū apud centumuiros auspicabantur. *PLINIVS* ¹ *ad hoc perpauci, cum quibus iuuet dicere: ceteri, audaces atque etiam magna ex parte adolescentuli obscuro a declamando huc transeunt. tam irreuerenter & temere, ut mihi Attilius noster expresse dixisse videatur, sic in foro pueros a centumviralibus causis auspicari, ut ab Homero in scholis.* atque quum paucis tam clarum sit ingenium, ut possit emergere, nisi illi fautor commendatorque contingat, olim moris erat, ut magnæ auctoritatis viro, vel duce vel comite adolescens forum iniret, primamque susciperet causam: saltem auspicio & consiliis talis viri cœpit ostendi in publico. adolescentes nobiles accusarunt viros, quod rudimentum forensis operæ non solum laudis gratia subibant, sed & accusanti & damnanti pecuniæ, honores aut magistratus dabantur, quæ ha-

¹ lib. II. epist. 14. n. 2.

buiisset

buisset reus. hic modus ætate CIGERONIS fuit sollemnissimus, qui ait ¹ *sed quum sint plura caussarum genera, quæ eloquentiam desiderant, multique in nostra republica adolescentes & apud iudices & apud senatum; dicendo laudem adsecuti sint, maxima admiratio est in iudiciis; quorum ratio duplex est. nam & ex accusatione & defensione constat: quarum etsi laudabilior est defensio, tamen etiam accusatio probata persæpe est.* sic ex accusatione sibi peperit laudem Lucius Crassus, qui accusauerat C. Carbonem, eloquentissimum hominem; M. Antonius adolescens accusauit Cn. Papium Carbonem, qui & M. Aquillium defendit, nec minus P. Sulpicii eloquentiam inluminauit accusatio, dum inutilem ciuem C. Norbanum vocauit in iudicium. Inlustrior & splendidior erat accusatio, quæ rei publicæ caussa, aut patrocini gratia, aut paternarum inimicitiarum suscipiebatur. in huiusmodi caussis sæpe tractabant res suas diuinitus, & magna vis animi, magnus impetus, magnus dolor vultu, gestu, digito significabatur. magnum erat flumen grauiissimorum optimorumque verborum, erant integræ sententiæ, veræ, nouæ, sine pigmentis fucoque puerili, vt quibusdam non solum incendere iudicem, sed ipsi ardere viderentur: argumentum hoc pluribus persecuti sunt. QUINTILIANVS ² SVETONIVS ³ MANVTIVS ⁴ SIGONIVS ⁵ BARTHIUS ⁶ CRESOLLIVS ⁷ RVPERTVS ⁸

¹ de officiis II. 14. ² insigne. erat. Variu locu. ³ de claris rhetorib. cum eiusd. interpp. ⁴ de leg. romanu c. XXI: sqq. p. 1094. tom. II. thesaur. antiq. rom. GRAEVII. ⁵ de iudiciu lib. II. cap. 9. p. 1748. ib. ⁶ ad Claudianum p. 76. ⁷ theatr. rhetor. lib. III. IV. tom. X. thes. antiq. grac. GRONOVII. ⁸ obscuras. ad Vellei. Patercul. II. 43. p. 191.

VOSSIUS ¹ PROVSTIVS ² MORHOFIVS ³
FRANCIUS ⁴ CLERICVS ⁵ KRIEGKIVS, ⁶
quos adire possunt, qui rerum harum cupidi
plura desiderant.

§. III. Non ab re erit, si locorum quoque,
in quibus litterarum perceperunt cognitio-
nem, vberiore habeamus mentionem. ro-
manæ scholæ fuerunt partim priuatæ, partim
publicæ. illas quisque priuatim pro volunta-
te & sententia sua eligeant, quarum magnum
fuisse numerum, ex antiquitatis eruditæ mo-
nimentis patet. namque SVETONIVS ⁷ de
grammatica: *post hac magis ac magis & gratia
& cura artis increvit: ut ne clarissimi quidem
viri abstinerent, quominus & ipsa aliquid de
ea scriberent: utque temporibus quibusdam
super viginti celebres scholæ fuisse in urbe tra-
dantur.* postea rhetores & philosophi priua-
tas instituerunt scholas, quod publica factum
esse auctoritate, tibi haud persuadeas. immo
Caio Fannio Strabone, Marco Valerio Messala
consulibus de philosophis & rhetoribus SC fa-
ctum, VTI ROMÆ NE ESSENT, de quibus
interposito tempore Cnæus Domitius Aeno-
barbus & Lucius Licinius Crassus censes
idem edixerunt, quod SVETONIVS ⁸ adno-
tauit. priuatæ erant plerumque domesticæ
ædes, theatra interdum, templa, nonnun-
quam basilicæ, curia aliquando, sæpe condu-
ctæ diuitum aulæ. conf. PANCIROLL. ⁹ &

¹ de rhetorices natura & consuet. præcipue c. XVI. p. 109.

² obseruat. in Ciceron. libr. orat. in usum. Delfini Par. 1687.

³ polyhist. litter. lib. VI. c. 1. 2. 4. de ratione declam. p. 6. sqq.

⁵ arte critic. vol. I. part. 2. f. 1. c. 17. p. 344. 6. de sophistarum

eloquentia p. 83. de inclaresc. mod. apud rom. p. 6. sqq. 7. de in-

dustris grammaticis c. III. n. 3. 8. de claris rhetor. cap. 1. 9. de

script. verb. rom. thes. antiqu. roman. G. & AE. VII. tom. III. p. 334.

FERRARIUM. ¹ sic Marcus Antonius Gniphodocuit in Diui Iulii domo, pueri adhuc, deinde in sua privata, teste SVETONIO. ² templa quoque emporia fuisse musarum, in quibus iuvenes bonis artibus instituerint, adparet ex antiquitatum historiis, quod & post alios OLEARIVS de philosophis & sophistis obseruat. ³ basilicæ ædes erant ad negotiationes & iudicia porticibus & ambulationibus magnifice exstructæ, de quarum ratione BERGIERIVS. ⁴ in his habebant etiam olim orationes & alias honestissimas exercitationes, quod ex PLINIO ⁵ clarum est. publicæ scholæ constitutæ sunt publica auctoritate. EVSEBIUS ⁶ adnotat, quod Quintilianus primus talem scholam acceperit, quippe qui iuventutem per viginti annos docuit artem rhetoricam, ⁷ quamvis SVETONIUS & de Tiro Flauio Vespasiano ⁸ dicat: *primus & fisco latinis græcisque rhetoribus annuus centena constituit, præstantes poetas, nec non & artifices coemit.* namque grauissimus fuit litterarum patronus, & Bassus ingenio suo tanti principis miram & eximiam liberalitatem indulgentiamque adeo percepit, vt ei quingentâ sestertia donauerit. ⁹ multis post annis Antonius pius philosophis quoque stipendia & honores largitus est, quod tradit IVLIVS CAPITOLINVS, ¹⁰ dicens: *rhetoribus & philosophis per omnes prouincias & honores & salaria de-*

¹ de acclam. & plaus. III. 1. thes. disti VI p. 90. ² de instit. gramm. c. VII. n. 2. ³ ad Philostr. p. 479. 618. ⁴ lib. V s. 8.

de viis imperii rom. tom. X. thes. ant. rom. GRAEVIUS p. 562.

⁵ lib. II. ep. 14. ⁶ in Chronic. p. 164. ⁷ proem. libr. I.

init. institut. orator. ⁸ vita eius cap. XVII. n. 1. adde PATTI-
A CVM ad Suet. Caesar. XLII. n. 2. p. 118. ⁹ dialog. de causis

corrupt. elegu. LX, 8. ¹⁰ cap. XI.

tulit. EVMENIVS rhetor de se ipſo adfirmat: ¹ *salarium me liberaliſſimi principes ex huius rei publicæ viribus in ſexcentis millibus nummum accipere iuſſerunt: non quoniam non amplius tribuere commodis meis vellent, in quem multo maiora & prius & poſtea præmia contulerunt; ſed ut tercena illa ſeſtertia, quæ ſacræ memoriæ magiſter acceperam, in honore priuati huius magiſterii addita pari ſorte germinarent.* & quamuis CASAUBONO ² videatur nimium hoc profeſſoris ſalarium, ideoque ſexagenis legendum cenſeat: tamen quum ſic dimidium eius minus erit, quam pro dignitate magiſtri ſacræ memoriæ, iudicant GRONOVIVS ³ & CELLARIUS, ⁴ utique retinendum eſſe ſexcentis. adde CONRINGIVM. ⁵ ipſæ publicæ ſcholæ erant athenæum, capitolium, & pergulæ magiſtrales. athenæum ſchola fuit artium liberalium ab Hadriano conſtituta, AVREL. VICTOR. ⁶ *græcorum more ſeu Pompilii Numæ ceremonias, leges, gymnafia, doctoresque curare occæpit: adeo quidem ut etiam ludum litterarium ingenuorum artium, quod Athenæum vocant, conſtitueret.* erant in capitolio & tempore Theodoſii II. oratores tres, grammatici decem, ſophiſtæ quinque, philoſophus vnus, iuris conſulti duo ibi docebant, confer PITIſCVM. ⁷ namque illo temporum tractu, & antea romæ quoque cathedra fuit ſophiſtica rhetorum græcorum, obſeruante FABRICIO. ⁸ pergula erat pars

¹ orat. pro reſtaur. ſchol. c. XI. n. 2. ² in Sueton. Oth. c. 4.
³ de pecun. veter. lib. IV. cap. II. p. 330. ⁴ obſeru. ad Eumen. orat. p. 70.
⁵ antiquit. academic. diſſ. I. p. 15. & ſupplem. XII. p. 227. item de ſtudiis liber. urb. rom. & conſtantinop.
⁶ de Cæſar. c. XIV. ⁷ lex. antiq. roman. tom. I. p. 296.
⁸ bibl. græc. lib. IV. c. 24. p. 45.

domus exporrecta & propendens, quumque romæ magistri artium in huiusmodi pergulis docerent, dictæ sunt *pergulae magistrales*. VO-
PISCVS ¹ de Saturnino: *in Africa rhetoricæ operam dederat, romæ frequentaucrât pergulas magistrales*. adpellantur codic. Theodosian. ² *publica magistrationes & publica cellula*, his verbis: *vmuersos, qui usurpantes sibi nomina magistrorum, in publicis magistrationibus cellulisque collectos vndicunque discipulos circumferre consueuerunt, ab ostentatione vulgari præcipimus amoueri*; quibus patet, ibi grammaticos & artium aliarum ingenuarum professores docuisse publice. ludos litterarios habuerunt quoque in castris, prout SVETONIVS ³ commemorat *obsides abductos e litterario ludo*. gymnasiū nomen & ad romanos transiit, quo CICERO ⁴ pro scholis philosophorum vitur, item PLINIVS, ⁵ quibus addas FIGRELIVM. ⁶ huiusmodi locis frequenti populo celebratis philosophi ostentandæ doctrinæ causâ se immitebant, alioqui gymnasia non litterarum studiis, sed exercitationibus corporis erant destinata. sella docentium dicebatur cathedra, quæ genus erat sellæ altioris & honoratioris operosius structæ cum suppedaneo, aliquando & cum vmbella, IUVENALIS de rhetorum scholis. ⁷

*Pænuit multos vana, sterilisque cathedræ,
Sicut Thrasy Machi probat exitus atque secundi*

Carrinatis.

ratione discitentium certi erant ordines, seu vt

¹ cap. X. ² l. 3. de stud. libert. urb. Constant. ³ vit. Cæligul. c. XLV. n. 3. ⁴ de orat. I. 13. ⁵ lib. I. ep. 21. n. 6.
⁶ de stat. iknss. rom. c. XXIV. p. 205. ⁷ satyr. VII. v. 103.

QUINCTILIANVS ¹ adpellat, *classes*, cum pro scientiæ & cognitionis modo, tum pro ætatis varietate, adde CRESOLLIVM. ² ab alumniis artium magistro interdum magnus honos habitus est, quem omni cultu & vario munerum præmiorumque genere adficiebant, videatur ALCIATVS ³ & LAURENTIVS. ⁴ nonnulli e doctrinarum doctoribus iterum ea præditi fuerunt honestate, vt non semper suo commodo, quam discipulorum potius confu- luerint, prout tradunt quidam, quod Laberius Hiera, grammaticus proscriptorum liberos gratis & sine mercede vlla in disciplinam rece- perit, teste SVETONIO. ⁵ mortalium natura in præcipitia conuertitur, miraque est prauis- tate, adeo vt institutio parentum ac præcepto- rum destituta sæpius sit feliciori successu, nisi præceptis & exemplorum demonstrationi ad- iungatur pœna. quam ob rem veteres frena disciplinæ haud laxarunt, sed in id contulerunt studium, vt pueri temeritatis, desidii suæ & aliorum scelerum dederint pœnas, quod PE- TAVIVS ⁶ adnotat: quamquam nonnulli tam rustico & duro erant animo, vt & leuioris culpæ acerbissimas sæpius repeterent pœnas, vide CRESOLLIVM. ⁷ frequens vsus erat *ferularum* ad castigandos pueros, quæ quam- uis fuerint leuissimæ, acerbiores tamen do- loris sensum excitarunt, hinc a MARTIALE ⁸ dicuntur *tristes ferule*: PRVDENTIVS. ⁹

Aetas prima crepantibus

Fleuit sub ferulis.

¹ instit. Orat. I. 2. ² theatr. rhet. lib. IV. c. X. p. 126. dist. 1. tom. thes. GRONOVII ³ Pæreg lib. V. cap. 27. tom. IV. opp. p. 434. ⁴ de professor. orator. nomenclat. & litter. c. I. ⁵ de illust. grammat. c. XIII. ⁶ ad Themistii orat. XXI. p. 511. ⁷ dist. libro lib. V. c. 6. seqq. ⁸ X, 62. 10. ⁹ Cathem. prol. v. 7. adpel-

adpellatæ sunt *sceptra* docentium, AVSONIVS. ¹

*Quod sceptrum vibrat ferula, quod multa
supellex*

Virgea: quod fallax scuticam prætexit aluta.
& proverbiū: *manum ferula subduxisse*, de
illis dictum est, qui magistrorum disciplinæ di-
xerunt vale, vid. IVVENALEM ² MACRO-
BIUM ³ cum ERASMO ⁴ & PITISCO. ⁵ præ-
ter ferulas inter pædagogorum arma *scutica*
recensetur, quæ fiebat ex corio, durissimo
vero, siquidem ad hanc rem canina pellis, co-
rium bubulum, corium anguillæ adhibebatur,
confer FABRVM. ⁶ vt adeo facile ex hoc pos-
simus conligere, huiusmodi pœnam haud
fuisse leuiorem. attamen scuticam mitius fla-
grum, quam flagellum fuisse, cognoscimus ex
HORATIO ⁷

ad sit

*regula, peccatis quæ pœnas irroget aquas,
nec scutica dignum horribili sectere flagello.*

cuiusmodi caput, plagas discipulis sæpe eas-
que acerbæ inferens fuit Orbilius, de quo
SVETONIVS ⁸ fuit natura acerbæ, non modo
in antisophistas, quos omni sermone laceravit,
sed etiam in discipulos, vt HORATIVS ⁹ si-
gnificat, plagosum eum appellans. messis &
vindemiarum tempore lites forenses & mulsæ
cessabant, quod & saturnalibus factum est.
namque PLINIVS ¹⁰ neque vt magistro magi-
ster, neque vt discipulo discipulus, sic enim scri-

¹ Edy. l. IV. 29.

² Satyr. I. v. 15. cum obseru. GRANGÆI

p. 3. ³ Sat. III. 10. cum not. in edit. GRONOVII p. 407.

⁴ Adag. p. 430.

⁵ ad Suet. Calig. c. XX. n. 4. p. 811.

⁶ Si-

mastr. lib. II. c. 6. p. 67.

⁷ lib. I. sat. 3. v. 117.

⁸ de intell.

gramm. LX. n. 4.

⁹ epist. II. 1. 70.

¹⁰ lib. VIII. ep. 7. n. 1.

bis, sed ut discipulo magister. nam tu magister, ego contra: atque ideo tu in scholam reuocas, ego adhuc saturnalia extendo, librum misisti: & MARTIALIS¹

*Iam tristis nucibus puer relictis
Clamose reuocatur a magistro:
saturnalia transiere tota.*

adde HOFMANNVM² & generatim de hoc argumento SPANHEMIUM.³

§. IV. Nec veteres romani solum, in patriis scholis coluerunt litteras, sed in alias quoque regiones, quæ bonis artibus feraces erant & habebant sapientiæ & honestarum musarum emporia, profecti sunt, ut bene cœpta doctrinarum studia magis perficerent exornarentque. ita ab omni litterarum memoria in more fuit, ut discendi studio in longinquas regiones demigrarent. num ad Phœnices, musarum usu gentem excultissimam, Aegyptii doctrinæ caussa sint profecti, id accuratius haud definiamus, quum Chaldæorum, Phœnicum & Aegyptiorum monumenta ætas iam dudum consumserit. ad Aegyptios vero, qui sapientiæ sacrae & profanae operam adeo consecrabant amplissimam, ut doctrinæ suæ gloriam spargerent & disseminarent in orbis terræ memoriam sempiternam, philosophi græci se contulerunt, quod exempla Musæi, Orphei, Thaletis, Solonis, Pherecidis, Pythagoræ, Lycurgi, Anaxagoræ, Democriti, Eudoxi, Archimedis & aliorum satis & abunde produnt. perceptis Aegyptiorum sapientiæ doctrinis, adhuc alias perlustrarunt regiones, prout Pythagoras Phœnices, Plato Italiam, Democri-

¹ lib. V. epigr. ult. ² lex. universal. voce: schola tom. IV. p. 95. ³ not. de auditor. veter. tom. II. opp. p. 1367.

tus Abderita Chaldaeos & Athenarum doctores adiit, id quod pluribus FRANCIVS¹ RVDDEVS² IACOBS³ & IOECHERVS⁴ exponunt. hunc modum colendi litteras felicioribus auspiciis romani quoque secuti sunt, qui vel post ingressum in forum, vel antea etiam, vel quodocunque occasio in bello, in prouinciis vel alia se ostendit, in exterorum litterarum sedes profecti. namque romanorum liberi, toga virili sumta, castra secuti stipendia merebant, etiam quibus animus non esset, ad fastigium ducis aliasque militiae dignitates perueniendi, ne postea senatores aut proconsules ignari essent rerum bello gerendarum. nec in castris intermissa sunt studia litterarum; quum nec ipsi summi duces sibi temperarent, quin noctis saltem partem quandam litteris vindicarent; & sic fortitudinem ac bellandi peritiam cum humanitatis studiis & artium disciplinis tanto vinculo coniunxerunt, vt nemo in gente illa vel mediocriter clarus fuerit, quin vtroque praeferre studio sibi curae cordique haberet, si Caium Marium, faciem illam civilis belli exceperis, cuius vox barbara apud SALLVSTIVM⁵ legitur: GRAECAS LITTERAS NON DIDICI. quod commercium praestantissimarum virtutum religione confirmarunt, vno dehubro & Herculis & Musarum sacra adeo arctissime complexi, vt LIPSIVS opere suo⁶ nihil prodiderit, quod in admirationem aequae rapiat, quam haec diuersissimi ingenii deorum consociatio,

¹ de peregrin. veter. sapient. erud. erga suscept. ² analect. hist. philos. p. 4. ³ diatr. de peregrin. erud. or. progress. & sine.

⁴ analect. de philos. stud. mod. p. l. p. 15. sqq. ⁵ B. l. c. LXXXIX.

⁶ in admirand. veter. roma.

quam armorum & litterarum concordiam plures exposuerunt, eamque ex historiarum monumentis protulerunt inlustratam, vide AVG. NIPHVM¹ IO. ROSAM² FREINSHEMIVM³ BORRICHVM⁴ CELLARIVM⁵ MENCKENIVM⁶ VON SEELEN⁷ CRENIVM⁸ & alios, quos conlegit LINTROPVS.⁹ qui ex romanis non semper militare sibi proposuerant, aut post certum temporis spatium reuersi, se oratori tradebant, quo vterentur, aut expeditionibus belli peractis frequentabant alias litterarum scholas, quod modo ante, modo post ingressum in forum factum est. romani filios ablegabant præcipue in græciam, quæ eloquentiæ & bonæ doctrinæ omnis nutritrix existimata. dicendi disciplina posteaquam sedem sibi ac templum delegerat *Athenas*, præcipue cœperunt eo se conuertere, quamuis illud incommodi præ aliis ciuitatibus haberent, quod innata gentis vanitate studia magis ad ostentationem, aut quæstum, quam ad vsum vitæ & reipublicæ referebant: de cetero autem linguæ purioris Athenienses semper fuere custodes. *Apollonia* eloquentiæ & politices studiis floruit, cuius officinas romani frequentarunt, in primis quum ei nihil defuit, ex quo eos, qui litterarum studiis consecrati, locorum natura & opportunitas adlucit. nec minus Asia musarum doctrinis abundauit, quarum saluti atque incremento in variis locis templa & domicilia erant sacrata, quo perti-

¹ de armor. litterarumque comparatione. ² de Martii & Musarum nuptiis. ³ in orat. n. XVII. p. 309. ⁴ differt. acad. n. XVI. p. 248. tom. II. ⁵ orat. acad. n. I. p. 8. diff. acad. p. I. n. XV. p. 353. ⁶ de viri milit. æque ac script. claris. ⁷ de præcoc. trad. p. 33. not. ⁸ in method. studior. 1699. p. 533. ⁹ præf. ad Borrich. orat.

ent *Mitylene* vrbs clarissima in Lesbo insula; *Tarsus* nobilissima vrbs Ciliciæ, quam multi redunt esse, quæ toties in sacris ~~vrbs~~ Thar- is laudatur, quam peruulgarem opinionem uisse, HIERONYMVS ¹ docet; *Cnidus* vrbs Cariae; *Magnesia* Lydiæ, celebris propter studia, quibus romani ibi addicti fuerunt, *Antiochia* Syriae, & *Rhodus* præcipue, insula Asiatica clarissima post Cnidi promontorium versus orientem sita. sunt adhuc alii loci, quos petiisse romanos constat doctrinæ & culturæ ingenii causa: prædicatur *Massilia* Phocæensem ex Ionia colonia, portu, commercii, munimentis, morum humanitate & litterarum studiis celeberrima; *Neapolis*, cuius academia ob loci salubritatem opportunitatemque ita florebat, vt quasuis suo tempore alias superaret; *Alexandria* totius Aegypti vrbs princeps & sedes regum Lagidarum, omniumque græcarum artium & disciplinarum, nec non mercaturæ opulentissimæ; *Croton* in magna græcia, vbi cœtus iuuenum æmulantium liberalioris doctrinæ studia; *Sybaris* ab Achæis condita, quæ mira rerum prosperitate excelluit; *Locri* Epizephyrii; *Metapontus* clarissima Pythagoræ obitu & templo. plures sunt aliæ vrbes inprimis Italiæ, magnæ græciæ, quarum fama ad omnem memoriam propagata est, de quo momento pluribus possunt conferri CELLARIUS ² & KRIEGKIVS. ³ eum in finem hæc loca docta abierunt potissimum, vt philosophia, historia, eloquentia, quæ conueniret in vsu & luce forensium

¹ in *Daniel*. X, 6. p. 1118. tom. III. opp. edit. MARTIAN.
² in *programm.* II. p. 6. sqq. ³ *diatrib.* de peregrin. roman. academo.

rerum versaturis, ornarent animum. quem admodum hæ fuerunt peregrinationes academicae seu litterariae, sic & alias susceperunt perfectiones in regiones salubriores, ad tuendam valetudinem & firmum corporis habitum, ut præter alios SALOM. CELLARIUS: ¹ adnotat. spatium, per quod in his exterorum sapientiae scholis, sese exercuerunt & scientiae ornamentis sua decorarunt ingenia, definiri non potest, quum id cuiusvis arbitrio, iudicio & voluntati erat relictum. sed tamen non defuerunt ex antiquiori ætate, qui de litterarum peregrinationibus haud benignius iudicarunt, quorum in numero censeri debet SENECA: ² qui ait: *Ex his, quæ mihi scribis, & ex his, quæ audio, bonam spem de te concipio. non discurre, nec locorum mutationibus inquietaris. ægri animi ista iactantia est.* hæc tamen de institutione litteraria.

§. V. Nunc rationes quasdam considerabo, quibus adultiores sua industria suaque opera variarum litterarum cognitionem duxerunt, quatuor etiam momenta debent notari: *lectio, meditatio, scriptio & disputatio.* libri, quilegebantur, varii erant generis pro diuersa multifarum ratione. id, quod vel compaginari vel in volumen conuolui poterat, erat liber, quæ cura fuit librariorum. CICERO: ³ *etiam vellem, mihi mittas de tuis librariolis duos aliquos, quibus Tyrannio utatur glutinatoribus, ad cetera administris,isque imperes, ut sumant membranulam,* adde CARPZOVIVM: ⁴ VOS-

¹ de antiquit. medic. cap. V.

² ep. 2. ad Lucil. adde ep. 28.

³ ad Attic. IV, 4.

⁴ ad Schickardum de mir. reg. Hebr. p. 92.

² ep. 2. ad Lucil. adde ep. 28.

⁴ ad Schickardum de mir. reg.

SIVM¹ SALMASIVM² PIGNORIVM³ LEON. ALLATIVM⁴ MANVTIVM⁵ BARTHOLINVM⁶ SAALBACHIVM⁷ SCHWARTZIVM⁸ PITISCVM⁹ DOVGTAEVVM¹⁰ librarii dominis quoque exscribebant libros. CIGERO¹¹ *peto a te, vt quam celerrime mihi librarius mittatur, maxime quidem græcus: multum mihi enim eripitur operæ in exscribendis hypomnematis.* CONFER PIGNORIVM¹² VRSATVM¹³ BARTHIVM¹⁴ WOWERVM¹⁵ LONGVM¹⁶ MASSON¹⁷ CLERICVM¹⁸ libraria dominæ exscribebat libros. lapis antiquus:

SEXTIA XANTA

SCR. LIBRARIA

EM. OL. II.

quod veterum quisque manu sua scripserat, αὐτοῦ γραφον, transcriptum vero subinde ἀνὰ γραφον dicebatur, & quantum pretii & dignitatis habuerint αὐτοῦ γραφῶσι, solius Ptolomæi Philadelphi exemplum testatur, qui Atheniensibus annonæ penuria pressis, non prius concessit alimenta, quam sibi tragœdiarum Sophoclis, Euripidis, Aeschyli autographorum fecissent potestatem. namque librarii sæpe negligentes mendose scripserunt codices, Vt MARTIALIS¹⁹ dicit:

¹ *lexic. etymolog.* p. 287. 367. ² *de modo usurar.* c. X. *et ad olivum* p. 278. 706. ³ *de seruis* p. 115. edit. Patav. 1656. *proleg. libr. de patria Homeri* p. 20. ⁵ *in Ciceron. famul.* III. 7. 329. ⁶ *de legendis libris* diff. IV. p. 125 sqq. ⁷ *schædiasm.* *libris veterum.* ⁸ *differt. tribus de ornament. lib. veter. stent. de nam. codicum.* ⁹ *lexic. ant. rom. tom. II. p. 1104. vocæ volumen.* *analect.* *factis ad Esai. XXXIV. 4.* p. 256. ¹¹ *XVI. 21. ad tierf.* ¹² *de seruis* p. 115. ¹³ *de not. rom. thes. ant. rom. GRÆC.* *1 tom. XI. p. 328.* ¹⁴ *Aduers. L. 1. p. 2324.* ¹⁵ *de polymath.* *XVIII.* ¹⁶ *de annul. c. 8. p. 49.* ¹⁷ *vis. Horat. p. 76. 77.* *art. critic. p. 3. s. 1. c. 2. p. 24. vol. 2.* ¹⁹ *II. eptigr. 8.*

*Si qua videbuntur chartis tibi, lector in istis
 siue obscura nimis, siue latina parum,
 non meus est error, nocuit librarius illis,
 dum properat versus adnumerare tibi:*
 quibus de causis libros probæ fidei singulari
 studio vel vnius vocis gratia conquisiuerunt.
 Iulianus rhetor apud GELLIVM ¹ *sed enim
 contentus, inquit, ego his non fui: Et ut non
 turbida fidei, nec ambigua, sed ut pura liquen-
 tisque esset equus ne, an eques Ennius scri-
 ptum reliquisset: librum summa atque reue-
 rentia vetustatis, quem fere constabat Lampa-
 dionis manu emendatum, studio precioque mul-
 to vnius versus inspiciendi gratia conduxì: Et
 eques, non equus, scriptum in eo versu inueni-
 vtque certiores essent emendatæ & probæ scri-
 pturæ Codicum, vñ fuerunt grammaticorum
 sententiis, quod idem auctor ² adnotat. hi
 libri manu exarati maiori olim sumtu paraban-
 tur, quam nostra ætate. MARTIALIS scri-
 bit, ³ *primum librum suum quinque denariis
 vendi solitum: de Platone & Aristotele GEL-
 LIVS ⁴ memoria mandatum est, Platonem phi-
 losophum tenui admodum pecunia familiari
 fuisse, atque eum tamen tres Philolai Pythago-
 rici libros decem millibus denarium mercatum.
 id ei pretium donasse quidam scripserunt ami-
 cum eius Dionem Syracusanum. Aristotelem
 quoque traditum libros pauculos Spenfippi phi-
 losophi, post mortem eius, emisse talentis Atti-
 cis tribus. ea summa sit numi nostri HS. dua
 & septuaginta: adde DIOGENEM LAER-
 TIVM. ⁵ sed tamen non defuerunt integræ bi-**

¹ N. A. XVIII, 5. ² lib. V c. 4. ³ lib. I. ep. 118. v. 17.
⁴ III, 17. ⁵ lib. III, segm. 9. lib. VIII, segm. 15 p. 169. 500.

bliothecæ cum publicæ, quæ vt publici iuris essent, sero institutæ sunt, tum priuatæ, quæ pæne multæ & inlustres instar publicarum eruditorum vsui sine inuidia patebant, ¹ ad modum libros legendi pertinet consuetudo excerptendi, quæ erant obseruatione digna. PLINIVS ² de se ipso: *pasco librum Titi Liuii, & quasi per otium lego, atque etiam vt cæperam, excerpo.* idem de auunculo suo ³ *estate, si quid otii, iacebat in sole; liber legebatur: adnotabat excerpebatque.* adde GELLIVM. ⁴ quisque obseruabat, quæ conditioni litterarum suarum conueniebant, quod SENECA ⁵ eleganter tradit: *cum Ciceronis libros de re publica prebendit hinc philologus aliquis, hinc grammaticus, hinc philosophia deditus: alius alio curam suam mittit. philosophus admiratur, contra iustitiam dici tam multa potuisse. cum ad hanc eandem lectionem philologus accessit, hoc subnotat, duos romanos reges esse, quorum alter patrem non habet, alter matrem. nam de Serui matre dubitatur? Anci pater nullus; numæ nepos dicitur. præterea notat, eum quem nos dictatorem dicimus, & in historiis ita nominari legimus, apud antiquos magistrum populi vocatum. æque notat, Romulum periisse solis defectione. prouocationem ad populum etiam a regibus fuisse. eosdem libros cum grammaticus explicuit, primum REAPSE dici a Cicerone, id est re ipsa, in commentarium referet; nec minus SEPSE, id est se ipse. deinde transit ad ea, quæ consuetudo sæculi mutauit, reliqua libri excer-*

¹ vid. scripta, apud FABRICIVM bibliograph. antiq. c. XXI. n. VII. ² lib. VI. ep. 20. n. 5. ³ lib. III. ep. 5. n. 13. ⁴ lib. IX. cap. 4. N. A. ⁵ ep. CVIII.

ptorum dicti sunt *commentarii*, *commentaria*, a græcis *ὑπομνήματα*, vide BVDÆVVM¹ & PITISCVM;² *breuiaria*, & olim magis latine *summaria*.³ SENECA⁴ vide ne plus profectura sit oratio ordinaria, quam hac, quæ nunc vulgo BREVIARIVM dicitur, olim cum latine loqueremur, SVMMARIVM vocabatur, adde BERNEGGERVM⁵ BOECLERVM⁶ VOSIVM⁷ BORRICHIVM⁸ PITISCVM.⁹ ad hæc appellati sunt *memoriales*, *conlectanea*; *aduersariorum* vero nomen magis ad forum refertur, vide SALMVTHVM¹⁰ COEL. RHODIGINVM¹¹ & SCHEFFERVVM.¹² quum obseruarent quædam digna memoria, illa certis signis subnotarunt, ex quibus etiam in more fuit simplex L. & geminatum LL. quo indicabant locum laudabilem, & alibi etiam est L. SENT. *laudabilis sententia*; græci autem habebant notam X. quæ significabat *χρησὶς* siue *χρησιμὸν*. vide WOWERVM.¹³ SCALIGERVVM¹⁴ REINESIVM¹⁵ MENAGIVM.¹⁶ & plures alios scriptores de notis & siglis veterum, quorum multos conlegit FABRICIVS¹⁷ & SCHMIDIVS.¹⁸

§. VI. Nec solum ipsi libros legebant, sed id quoque in more habebant, vt pueris littera-

¹ Pand. p. 104. ² ad Suet. Tul. LVI. n. 1. p. 150.
³ ep. XXXIX. pr. ⁴ ad Sueton. Aug. cap. XXVIII. p. 144.
⁵ ad Tacit. lib. Ann. I. c. 11. p. 236. ⁶ de vitæ sermonis I. 26. p. 114.
⁷ Cogit. de lat. lingua etat. p. 52. ⁸ ad Sueton. Aug. c. CII. n. 7. p. 560.
⁹ ad PANGIROLI proam. p. 3. de reb. memorab. f. deperd.
¹⁰ lect. antiq. lib. XII. c. 21. p. 653. ¹¹ de flo. cap. XII. p. 135. 136.
¹² de polymath. c. XVII. ¹³ not. ad lib. I. Varronis de re rustica. ¹⁴ var. lectiss. III. 7. p. 471. 472. add. lib. I. c. 7. p. 19.
¹⁵ ad Diog. Laert. III. 66. p. 161. tom. II. ¹⁶ biblioth. latin. lib. II. c. 9. p. 363; not. & supplen. p. 156 item lib. IV. c. 6.
¹⁷ de natat. eccles. c. 2. addo cohortem musarum sub nomine GRAEVLII p. 249.

tissimis vterentur in studiis suis, quorum munus erat, tam in feriis musarum negotiis, quam inter epulas domino prælegere, quos græco vocabulo *anagnostas* & ex re ipsa *lectores* appellabant. quapropter dicit NEPOS ¹ namque in ea erant pueri. *litteratissimi, anagnostæ optimi, & plurimi librarii, ut ne pedisequus quidem quisquam esset, qui non utrumque horum pulcre facere posset.* qua græca voce etiam CICERO ² & VATINIVS ³ ad Cicero- nem vtuntur; PLINIVS autem ⁴ & SVETONIVS ⁵ *lectores* habent. in domo Cæsarum erant liberti *a studiis*, quorum opera in studiis litterarum utebantur imperatores, prout munere hoc functus est apud Claudium Polybius, quem Seneca consolatur in morte fratris; ⁶ & Lemnus quidam, cuius mentio exstat in veteri inscriptione:

TI CLAVDIVS
LEMNVS
DIVI CLAVDII
AVGVSTILIB.
A. STVDIIS.

sed & in priuatis familiis, quæ paullo elegantio- rem viuendi rationem instituebant, eius- modi fuisse seruos, constat. quin etiam SER- VIVS ⁷ mentionem facit *lectricis*; immo do- minus ipse non nunquam legebat: MARTIALIS. ⁸

*Parua est cœnula, quis potest negare
sed finges nihil, audiesue fictum*

¹ vit. Artic. XIII, 3. ² lib. I. ad. Attic. ep. 12. ³ lib. V. ep. 9. n. 6. ad divers. ⁴ lib. I. ep. 15. n. 2. ⁵ vit. August. cap. LXXVIII. n. 3. ⁶ SVETON. vit. Claud. c. XXVIII. n. 4. ⁷ ad Virgil. XII. Æm. v. 159. p. 362. rom. lib. edit. KAMENESS. ⁸ V, 79. 22.

*Et vultu placido tuo recumbes,
nec crassum dominus leget volumen.*

legebant monimenta poetarum, historicorum & oratorum, idque fiebat clare, expedite & sine praua pronuntiatione. PLINIVS ¹ *memini quendam ex amicis, quum lector quendam perperam pronuntiasset, reuocasse Et repeti coëgis-* se: quibus de causis a magistris docebantur, quos *praelectores* adpellant. GELLIVS ² *ec-* quid putatis, si magistrum *praelectorem*que habuisset alicuius *eris*, quadrupes equus dicturum fuisse, ac non quadrupes eques? PLINIVS de Zosimo ³ *idem tam commode orationes Et historias Et carmina legit, ut hoc solum didicisse videatur.* id quod fiebat praecipue inter coenam, vt EXPLINIO ⁴ NEPOTE ⁵ GELLIO ⁶ clarum est: item si quid erat otii & a scribendo legendoque quiescebant, etiam noctu, quum expergefactis somnus recuperari statim non posset. SVETONIVS de Augusto ⁷ *si interruptum somnum recuperare, ut euenit, non posset, lectoribus aut fabulatoribus arcessitis, resumebat, producebat ultra primam saepe lucem.* nec priuatim solum, sed & publice in concione populi legebantur libri, cuius rei exempla PLINIVS ⁸ & GELLIVS ⁹ habent. plura de anagnostis reperies apud ALEXANDR. ab ALEXANDRO ¹⁰ SCHOT- TVM ¹¹ SCHEFFERVUM ¹² PVTEANVM ¹³

¹ lib. III. ep. 5. n. 12. ² lib. XVIII. c. 5. ³ l. V. ep. 19. n. 3.
⁴ III. ep. 5. n. 11. l. ep. 15. IX. ep. 36. n. 4. ⁵ vit. Attic. XIV, 1.
⁶ II, 22, III, 19. XIX, 7. N. A. ⁷ vit. aui. c. LXXVIII. n. 4.
⁸ lib. IV. ep. 7. n. 2. ⁹ lib. XVIII. c. 5. ¹⁰ II. c. 30. *genial.*
dier. ¹¹ *observ.* V, 29. p. 241. ¹² *de stil. illiusque exercit.* c. VII.
p. 72. sqq. ¹³ *reliq. conu. prisca tom.* XII. p. 258. *thes. ant. rom.*
GRAEVII.

PIGNORIVM ¹ MEVRIVM ² HOFMAN-
NVM ³ PITISCVM ⁴ FABRICIVM. ⁵ de
ecclesiæ primorum seculorum anagnostis siue
lectoribus varia produnt scriptores antiquita-
tum rerum sacrarum, quæ huius loci non sunt,
vide RECHENBERGIVM ⁶

§. VII. Grauiſſimum medium proficiendi
in litteris & ingenium excolendi rite, medita-
tio eſt, ſine qua verum uſum & fructum muſa-
rum ne ſenſu quidem guſtare poſſumus, vi
EDMVNDVS RICHERIVS ⁷ & BVDDVS ⁸
cum aliis adnotarunt. hinc & Perian-
dri ora-
culum fuit: μελέτη τὸ πᾶν, teſte DIOGENE
LAERTIO ⁹ adde GATAKERV. ¹⁰ vete-
res romani & exemplis ſuis & monimentis,
quæ poſteritati tradiderunt, declararunt ſatis,
quid meditationi exercitationique tribuerint.
SENECA ait: ¹¹ *apes debemus imitari & quæ
cumque ex diuerſa lectione congeſſimus, ſepa-
rare. melius enim diſtincta ſervantur. deinde
adhibita ingenii noſtri cura & facultate, in
vnum ſaporem varia illa libamenta confun-
dere: ut etiam ſi apparuerit, vnde ſumtum ſit,
aliud tamen eſſe, quam vnde ſumtum eſt, ap-
pareat. quod in corpore noſtro videmus, ſine vl-
la opera noſtra, facere naturam. quum doctri-
næ ſtudiis plane ſe darent, cogitationibus variis
impleuerunt pectora ſua, paria paribus, con-
traria contrariis, præterita præſentibus oppo-*

¹ de ſeruis p. 109. ² glosſar. p. 251. ³ lexic. vniuerſ. voce
anagnost. tom. I. p. 194. ⁴ lexic. antiq. rom. voce anagnost.
tom. I. p. 91. & lectores tom. II. p. 28. ⁵ bibliogr. antiq. cap.
XIX. §. VI. ⁶ Hierolexic. p. 60. adde VITRINGAM de ſy-
nagog. veter. variis locis. ⁷ obſetric. animar. c. IX. p. 248.
⁸ de cultura ingenii c. III. §. 10. p. 429. ſelect. iur. nat. & gent. ⁹ lib.
I. ſegm. 99. adde MENAGII obſeru. p. 57. tom. II. ¹⁰ diſſ. de
ſilo N. T. cap. I. p. 3. opp. ¹¹ epiſt. LXXXIV.

nendo,

nendo, rerumque omnium causas & varios euentus adcurate explorando. qua ope meditationis CICERO felices progressus in philosophia fecit, prout ipse dicit, ¹ *sed defendat quod quisque sentit: sunt enim iudicia libera: nos institutum tenebimus, nullisque vnus discipline legibus adstricti, quibus in philosophia necessario parcamus, quid sit in quaque re maxime probabile, semper requiremus*; etiam ² e Catone refert, Publium Scipionem, cum qui primus Africanus adpellatus est, dicere solitum, nunquam se minus otiosum esse, quam cum otiosus, nec minus solum, quam cum solus esset: & addit, hanc vocem esse magnificam & magno viro dignam, quæ declaret, illum & in otio de negotiis cogitare & in solitudine secum loqui solitum, vt neque cessaret vnquam, & interdum colloquio alterius non egeret. meditationes autem instituerunt separati ab aliorum societate, animo aliis rerum negotiis & curis vacuo, locis amœnis, quod etiam ex lucubrationibus & secessibus romanorum conligere possumus. tempore balnei nonnunquam solebant meditari: SVETONIVS ³ *exstat alter æque modicus Epigrammatum, quæ fere tempore balnei meditabatur*: PLINIVS de auunculo suo ⁴ *surgebat æstate a cœna, luce: hieme intra primam noctis, & tanquam aliqua lege cogente, hac inter medios labores urbisque fremitum. in secessu solum balinei tempus studiis eximebatur. quum dico balinei, de interioribus loquor. nam dum destringitur tergiturque, audiebat aliquid aut dictabat. idem ⁵ accipies cum hac epistola*

¹ IV, 4. Tusc. qu. ² de offic. III. 1. ³ vit. Aug. LXXXV. n. 5.
⁴ lib. III. ep. 5. n. 13. 14. ⁵ lib. IV. ep. 24. n. 2.

hendecasyllabos nostros: quibus nos in vehiculo, in balineo, inter cœnam oblectamus otium temporis.

§. VIII. Pergamus ad ea, quæ ingenio elaborarunt, & *recitationem*, quæ facile princeps pars in studiis romanorum erat, attingamus. in usu habebant poetæ aliiquæ eruditi, vt si quem librum composuerant, antequam edebatur, vel amicis conuocatis, vel publice promiscuis auditoribus prælegerent, eorumque censura saltem vt ex signis vultuque obseruata vterentur; CELLARIUS obseruat. ¹ recitatio non pertinebat præcipue ad adolescentes, sed ad adultiores, viros, & ipsos principes: hinc Domitianus recitauit publice, ² & Claudius imperator *historiam in adolescentia, hortante T. Livio scribere aggressus, frequenti auditorio commisit.* ³ præcipue autem exercitationem hanc poetæ, historici, etiam oratores instituerunt. poetæ carmina amoris & rei venereæ plena legerunt, vt auditorum beneuolentiam sibi facilius conciliarent, quamuis & tragoedias & virtutum præcepta recitando tradiderint. nec minus historiarum recitatio usu recepta fuit; quæ non ostentationi, sed fidei veritatique compositæ erant. orationes non ita frequentes lectæ videntur, vti carmina & historiæ, quandoquidem PLINIVS ⁴ *quo magis miror, quod scribis, fuisse quosdam, qui reprehenderent, quod orationes omnino recitarem: nisi vero has solas non putant emendandas. à quibus libenter requisierim, cur concedant, si concedant tamen, historiam debere recitari, quæ non ostentationi, sed fidei veritatique componi-*

¹ ad Plin. ep. I, 13. 1. p. 31. ² SVETON. II. 4. ³ idem XLII, 2. ⁴ VII. ep. 17. n. 2. 3.

tur: cur tragædiam, quæ non auditorium, sed scenam & actores: cur lyrica, quæ non lectorem, sed chorum & lyram poscunt. SVETON. ¹ *recitantes & benigne & patienter audiuit, nec tantum carmina & historias, sed & orationes & dialogos.* sed tamen orationes recitasse, etiam forenses & accusationes, item funebres, ex veterum monumentis facile potest demonstrari. verum nec hæc res separata fuit ab abusu, quum nonnulli aliorum famam & bonam estimationem, quam ex meritis ingenii virtutumque conlegerant, recitandi specie deprimere sibi tuerint. sic Marcus Regulus, ingeniosissimus nequam librum recitavit publicavitque, in quo Rusticum Arulenum, integerrimum virum, Stoicæ philosophiæ addictum, quemue Domitianus interfecerat, quod Parum Thraseam a Nerone occisum laudauerat, insectabatur atque etiam Stoicorum similiam adpellabat. ² ornamenta recitantium, eaque vera erant ingenium magnum & suauissima vox, quoniam magnæ fuit laudi, pronuntiassse sapienter, apte, decenter etiam. multi in eo adfectabant ornatissimam laudationem, ut loti prodirent, pexa coma, atque barba & candidati, quem morem ridet PERSIVS: ³

Scilicet hæc populo, pexusque togaque recenti,

& natalitia tandem cum sardoniche albus, sede legens celsa.

adde CASAUBONVM. ⁴ recitatio erat vel publica vel priuata. illius auditores fuerunt populus, qui tabula suspensa inuitatus est: priuata fiebat modo coram paucis amicis, quæ & ab

¹ VII. Ang. c. LXXXIX, 7. ² PLIN. lib. I. ep. 5. n. 1. 2.
³ SATUR. I, 15. ⁴ ad b. l. p. 505. edit. SCHREY.

aliis dicitur communicatio, modo coram pluribus & maiori adparatu, iisque tamen certis electisque. HORATIVS. ¹

Non recito cuiquam, nisi amicis idque coactus non ubiuis, coramue quibus libet.

amicos ad has recitationes audiendas aduocabant per codicillos, per libellos, & cui ritus hic videbatur ambitiosus, ille vsus est leuiori modo & amicos tantum admonuit, se recitare vel le librum: formula inuitationis erat; *hodie vel cras meus esto auditor in domo mea.* e claris feminis nonnullæ quoque recitantibus adfuerunt, sed ab aliis auditoribus seclusæ, ne ab illis viderentur. Hispulla Plinii habebat libellos eius, lectitabat, magna sollicitudine, quum videretur acturus, magno quum ageret, gaudio adiciebatur; disposuit, qui nuntiarent tibi, quem adfensum, quos clamores excitauerit, quem euentum iudicii tulerit Plinius: eadem, si quando recitauit, in proximo discreta velo, sedebat laudesque Plinii audissimis excipiebat auribus. ² recitabant vero sedentes, urdicebant stantes. in foro sedebant tantum iudices, dicentes stabant, hoc videlicet moris erat apud romanos, vt iustitiæ antistites certam in iudiciis sedem caperent, quumque duplex existeret genus iudicum, maiorum & minorum, illi in sella curuli, hi in subselliis iudicarent. quibus de causis inter varia antiquitatis reconditæ monumenta, quæ ius Iustinianicum passim complectitur, hoc quoque est, quod quoties fere mentio fit eorum, qui præsunt iudiciis administrandis, non ambulantes illi aut stantes, sed tanquam proprium hoc iudicibus ac pe-

¹ lib. 1. sat. 4. ² lib. IV. ep. 19. PLINII. J

culiare foret, sedentes repræsententur. alii recitarunt ex scripto, alii vero memoriter, qui excellebant singulari & tenaci memoria. ad loca quod attinet, in quibus peragebant recitationes, illa modo publica, modo priuata pro diuersa recitationis & publicæ & priuatae indole fuerunt. publice recitarunt in theatro, amphitheatro, odeo, basilicarum aliqua, atrio libertatis, athenæo, æde Apollinis Palatini, luco Martis, via Appia, immo qui gloriæ stimulis excitati, in ipso foro sua prorulerunt. priuatim recitarunt in ædibus suis, quibus autem locus non erat auditoribus capiendis, domum mutuabantur, subsellia conducebant, nec mercatores deerant & studiorum fautores, qui ædes suas honestissimis exercitationibus præberent: auctor dialog. de caus. corruptæ eloquentiæ ¹ domum mutuatur & auditorium exstruit & subsellia conducit & libellos dispergit. IUVENALIS ².

si dulcedine fama

¹ succensus recites, Maculonus commodat ædes. adde CASAVBONVM ³ vsi quoque sunt ædium porticibus, item balneis. PETRONIVS ⁴ relicto Eumolpo: nam in balneo carmen recitabat. HORATIVS ⁵.

in medio qui

scripta foro recitent, sunt multi, quique lan-
nantes

ita insectatur poetam MARTIALIS ⁶.

Et stanti legis & legis sedenti:

in thermas fugio, sonas ad aurem.

quod ad tempus adtinet, recitationibus præsertim poetarum mensis Iulius & Augustus di-

¹ c. IX. n. 6.

² VII. 39.

³ ad Theophrast. p. 170.

⁴ satiræ. XCI.

⁵ d. l.

⁶ III. 44. 10.

cati erant. PLINIVS¹ *utque iam nunc adsue-*
scerent, & ab otiosis & in triclinio audiri, Iulio
menſe, quo maxime lites interquieſcunt, poſitis
ante lectos cathedris, amicos conlocavi. namque
tempore meſſis ceſſabant lites & iudicia. ut iam
ſupra monui. STATIVS²

certe iam Latia non miſcent iurgia leges
& pacem piger annus habet, meſſesque re-
uerſæ.

dimiſere forum.

menſis auguſti mentionem facit IVVENALIS³

& auguſto recitanteis menſe poetas
 immo aprilis meminit PLINIVS⁴ *toto menſe*
aprili nullus fere dies, quo non rectaret aliquis:
 recitationes durarunt ad tempus modo duo-
 rum, modo trium dierum, & heic maxime re-
 citantis dignitas & facultas, rei, quam recita-
 runt, grata perceptio eiſdemque elegans elab-
 oratio conſiderandæ erant. nimis diuturna
 recitatio, præcipue quum plena fuerit rerum
 fabuloſarum, ſecum vitioſam offenſionem, fa-
 ſtidium & ſatietatem audiendi habuit, de cu-
 iusmodi recitatione agit HORATIVS⁵:

Indoctrum doctumque fugat recitator acerbus,
quem vero arripuit, tenet, occiditque legendo,
non miſſura cutem, niſi plena cruoris hirudo.
 finis recitationum varius fuit: alii, qui laudis
 ſtudio trahebantur, non aliam mercedem la-
 borum ſuorum deſiderabant, præter fructum
 laudis & gloriæ, & in id omnes conferebant co-
 gitationes, ne cum vitæ tempore, quod exiguis
 circumſcriptum regionibus, commemoratio
 nominis dimitteretur, ſed comes eſſet poſteri-

¹ lib. VIII. ep. 21. n. 2. ² lib. IV. ſilu. 4. v. 39. adde BAR-
 THII not. tom. I. p. 383 ſqq. ³ ſat. III. v. 9. ⁴ lib. I. ep.
 13. n. 1. ⁵ de art. poet. extr.

tatis omnis. sequebantur enim adclamationes & plausus auditorum, ex quibus recitantes magnum gaudium & singularem opinionem exultationis suæ trahebant. alii, qui paupertatem ferebant, recitando alios laudarent, ut sportulas & cœnas acciperent. MARTIALIS; ¹

*Laudantem Selium, cœna quum retia tendit,
accipe, siue legas, siue patronus agas.*

*effate, grauitè, cito, nequiter, euge, beate!
hoc volui, facta est iam tibi cœna, tace.*

adde ERNESTI. ² alii iique sapientiores emendationi viam aperuerunt. PLINIVS. ³ recitaturus oratiunculam, quam publicare cogito, aduocaui aliquos, ut vereretur paucos, ut verum audirem. nam mihi duplex ratio recitandi: una, ut sollicitudine incendar, altera, ut admonear, si quid forte me, ut meum fallat. tuli quod petebam: inueni, qui mihi copiam consilii sui facerent. ipse præterea quedam emendanda annotaui. emendaui librum, quem misisti tibi. quo etiam spectat illud Theophrasti apud DIOGEN. LAERTIVM ⁴ αἱ ἀναρρώσεις ποιῶσιν ἐπανορθώσεις, recitationes emendationis auctores sunt. hic mos sane saluberrimus, quo factum fuit, ut primum ipsi eruditi cognitionem suam redderent pleniorè, deinde nihil exiret in publicum, nisi cura limatum, & de consilio eruditorum emendatum. atque ita in more habuerunt ea, quæ ingenio elaborauerant, emendare: QVINCTILIANVS ⁵ emendatio, pars studiorum longe vtilissima. neque enim sine causa creditum est, stilum non minus agere, cum debet. duplex erat emendationis

¹ lib. II. ep. 27. ² de sportul. rom. quotid. p. 19. ³ lib. IV. ep. 13. adde ep. 3. ⁴ lib. V. segm. 37. ⁵ X. 4.

officium: vnum fuit, scripta diligenter relegere ac recognoscere. CICERO ¹ *codicem legisse dicebatur. defendebatur, testibus collegis suis, non recitandi causa legisse, sed recognoscendi.* PLINIVS ² *petis, ut libellos meos recognoscendos emendandosque curem.* alterum fuit retractare. idem ³ *expectabis orationem plenam onustamque & expectabis diu: neque enim leuiter & cursim, ut de re tanta, retractanda est.* GELLIVS ⁴ *in his, quæ (a Virgilio) videntur retractari & corrigi debuisse, is maxime locus est, qui de monte Aetna factus est.* ipsum negotium officii huius vtriusque in eo consistit, ut addamus, detrahamus, immutemus, quod laboriosum quidem & tædio plenum, sed difficultate ipsa fructuosum. sed tamen aliquis modus obseruandus est, ne nimia cura deterat magis, quam emendet, neue nos a recentioribus revocet, quod QVINCTILIANVS ⁵ & PLINIVS ⁶ testantur. ad hæc non tam vocis causa, quam stomachi interdum recitarunt, prout CORNELIVS GELVS ⁷ *si quis stomacho laborat, legere clare debet; post lectionem ambulare.* plura de recitandi ritu vide apud PANGIROLLVM ⁸ SALMVTHVM ⁹ VOSSIVM ¹⁰ FERRARIVM ¹¹ LIPSIVM ¹² DEMPSTERVM ¹³ SCHEFFERVVM ¹⁴ CASAVBONVM ¹⁵ IAC. THOMA-

¹ orat. in Vat. c. 2. ² lib. IV. ep. 26. add. lib. VIII. ep. 17.
 HORAT. lib. I. sat. 10. ³ lib. IV. ep. 9. n. 23. add. lib. VIII.
 ep. 21. n. 6. ⁴ XVII. 10. add. III. 3. ⁵ d. l. ⁶ lib.
 VIII. ep. 21. lib. IX. ep. 35. ⁷ lib. I. c. 8. pr. ⁸ rerum de-
 perdit. lib. 1. tit. 42. ⁹ ad Panciroll. d. l. p. 147. ¹⁰ de reci-
 tat. veterum cap. VII. seq. de imitation. ¹¹ de acclam. III. 3. p. 93.
 thes. ant. rom. GRAEVI tom. VI. ¹² centur. 2. ep. 48. ad
 Belgas. ¹³ paralip. ad Rosin antiqu. rom. I. 14. p. 64. ¹⁴ de
 filo c. IX. p. 98. it. c. IIX. p. 80. ¹⁵ ad Sueton. Aug. c. 89. p.
 278. ed. GRAEVI 1672.

SIVM ¹ SIRMONDVM ² OMEISIVM ³
 HOFMANNVM ⁴ CELLARIVM ⁵ MASSO-
 NVM ⁶ KRIEGKIVM ⁷ PITISCVM ⁸ FA-
 BRICIVM ⁹ præter hæc dignum est obserua-
 tione, quod femina interdum maritos suos ad-
 iuuerint, quarum a SIDONIO ¹⁰ plures cele-
 brantur, Marcia Hortensii, Terentia Tullii,
 Calpurnia Plinii, Rusticiana Symmachi, quæ
 candelas & candelabra tenuerint, item quod
 sæpe versum Corinna cum suo Nasone com-
 pleuerit, Lesbia cum Catullo, Argentaria
 cum Lucano, Cynthia cum Propertio, Delia
 cum Tibullo,

§. IX. Ad modos, quibus se veteres roma-
 ni in litterarum doctrinis exercuerunt, *dispu-*
tationes quoque referre, non ab re erit. fru-
 ctuosum est, si consuetudine litteratissimorum
 hominum utamur, & cum istis colloquutionem
 & sermonem de rebus musarum conferamus.
 ex quo id conflatur efficiturque, ut ea quæ ipsi
 legimus, ad vitæ usum conformentur, & largior
 occasio ad veri inquisitionem atque inuestiga-
 tionem offeratur. quum disputauerint vete-
 res, modo ad certas disputandi regulas accom-
 modarunt sermonem suum, modo continuam
 orationem exercitiis suis aptissimam esse iudi-
 carunt. illa ratio philosophorum præcipue
 propria fuit, & e græcia suam deriuat origi-
 nem. namque veteres philosophi disputarunt
 modo per dialogos, modo per inductionem,
 modo per soriten, modo methodo Megarica,

¹ ad Plinii epistol. var. locis. ² ad Sidon. ep. 9. lib. 2. tom. I. p.
 894. opp. & ad l. 16. ep. 8. p. 939. ³ disp. de recit. veter.
⁴ lexic. univers. tom. IV. voce recitatio. ⁵ diff. acad. p. 364.
⁶ vita Horat. p. 171. sqq. ⁷ de mod. inclar. roman. p. 15.
⁸ lexic. antiq. rom. tom. II. p. 599. 600. ⁹ bibl. antiq. c. XIX.
 n. 6. ¹⁰ lib. II ep. 10.

Cynica, syllogistica, & quæ aliæ fuerunt disputandi rationes. ante Platonem dialogi rudes atque impoliti erant, quibus Plato elegantiam & perfectionem addidit. inductio fuit oratio, quæ rebus non dubiis captat assensionem eius, qui cum instituta est: quibus assensionibus facit, ut illi dubia quædam res propter similitudinem earum rerum, quibus assensit, probetur, uti CICERO ¹ loquitur. sorites erat genus disputandi Stoicorum, quum aliquid minuatim & gradatim additur aut demitur, quod CICERO ² captiosissimum, lubricum, periculosum, vitiosum, tortuosum adpellat. philosophi Megarici ob argumentationes captiosas dicti sunt eristici & dialectici: syllogismus autem fuit peripateticorum. quod ad Romanos pertinet, vti quidem sunt variis disputandi modis, quos & in scriptis suis sequebantur pro diuerso sectarum genere, quibus sese addicebant, quamuis ipsum philosophiæ lumen, etiam logices sero exoriri cœperit. Cicero diligens auctor philosophiæ, quam cum eloquentiæ & iuris scientia adeo coniunctam esse cognoscebat, ut sine vtriusque detrimento nequeant separari, in id contulit cogitationes animi meditationesque, ut hæc princeps literarum pars acciperet alimenta sua, & ipse egregium opus Trebatio inscriptum protulit in lucem. verum quum disputationis romanorum fecimus mentionem, intelligimus præcipue illos sermones, quos cum familiaribus & aliis litteratissimis ingeniis instituerunt, ita ut duo, tres aut plures coniuncti in varias res explicando atque inlustrando inquisuerint. eruditi itaque

¹ de inuent. I. 31.² lib. IV. c. 16. 28. 31. academ. quest.

doctrinæ caussa in varia loca conuenerunt, & in ambulationibus, bibliothecis, museis alter alterum ingenio reddidit pleniorē. sic GELLIVS sub gratissima veris initia apud balneas Sitas in area sub calido sole cum Fauorino philosopho ambulabat, atque ibi inter ambulandum legebatur Catilina Sallustii; ¹ sic ambulauit in lycei atriis vespera cum sodalibus, Catulli carmina examinans; ² in Agrippæ campo cum duobus grammaticis de analogia linguæ latinæ differens, ³ cum duobus philosophis celeberrimis & Fauorino suo in littore, quum iam aduesperasceret, ætate noui anni, de summa felicitate disputans; ⁴ in libraria sedens contra quendam inepte ambitiosum, de loco quodam ex ὑδροκεύων M. Varronis disseruit: ⁵ in bibliotheca templi Traiani vna cum aliis edicta veterum prætorum explicauit; ⁶ in bibliotheca Tiberianæ domus cum Sulpicio Apollinari aliisque de titulo libri cuiusdam M. Catonis Nepotis verba fecit, ⁷ vt de aliis locis taceam, quæ iam conlegit ESCHENBACHIVS: ⁸ nec minus in conuiujs se sermonibus doctis & iocosis delectabant, & eruditi doctas cœnas vel domi, vel in fundis instituebant; qualem Iulij laudat GELLIVS ⁹ *in agro Vaticano Iulius Paulus poëta, vir bonus & rerum litterarumque veterum impensè doctus, hereditolum tenue possidebat. eo sæpe nos ad sese vocabat & olusculis pomisque satis comiter copioseque inuitabat.* Annianus poeta in fundo suo, quem in agro Falisco possidebat, agitare erat solitus vindemiam hilare cum familiaribus suis

¹ lib. III. c. 1. N. A. ² VI. 16. ³ XIV. 5. ⁴ XVIII. 1.
⁵ XIII. 20. ⁶ XI. 17. ⁷ XIII. 19. ⁸ dissert. acad. p. 281. § 1.
⁹ XIX. 7.

inter pocula & sermones eruditos, teste eodem auctore: ¹ Laurentius, cinis romanus & omnibus fortunæ opibus præditus, eruditos disciplinis & honestis artibus conuiuas ad se vocauit, & ex eorum colloquutionibus singularem coepit amœnitatem, vt tradit ATHENÆVS. ² vsus conuiuiorum & congressus philosophorum in græcia frequens fuit, quorum symposia eandem faciem cum societatibus litterarum habuerunt, vt ex actis patet, quæ nobis a XENOPHONTE ³ PLVTARCHO ⁴ ATHENÆO ⁵ CLEM. ALEXANDRINO ⁶ GELLIO ⁷ & aliis, quos conlegerunt ESCHENBACHIVS ⁸ & VOCKERODT, ⁹ conseruata sunt: adde STVOKIVM. ¹⁰ quæ ex eruditorum virorum familiari sermone didicerunt, ea veteres Romani in vsum suum aliorumque notarunt, & vestigia omnino eorum librorum, qui nostra ætate in ANA prodierunt, in antiquitatis monumentis suis reliquerunt. inlustre exemplum QVINOTILIANVS ¹¹ præbet, quum eos, qui libros tres de iocis Ciceronis maiori industria, quam iudicio conscripserunt, reprehendit, ipsum autem institutum laude indignum minus iudicat: *utinam, inquit Quintus & libertus eius Tiro, aut alius quisquis fuit, qui tres hac de re libros edidit, parcius dictorum numero indulsissent, & plus iudicii in eligendis, quam in congerendis studii adhibuissent: minus obiectus calumniantibus foret.* nec est, quod miremur, varia iocose & eleganter di-

¹ XX, 8.² L. 2. Deipnosoph.³ Sympos. philos.⁴ conuiu sapient.⁵ Δειπνοσοφιστής Λαγύρις.⁶ Stromat. lib. 1.⁷ Noctib. Attic.⁸ d. l. p. 289.⁹ introd. in nat. societ. p.

II. c. 3. §. 3. p. 109.

¹⁰ antiquit. conuivial. III, 17, 18, 19.¹¹ VL 4. inquit. erat.

Qua relata esse ad Ciceronem mortuum veluti autorem, quum ipsi adhuc viuo aliorum ioca, dictoria, in his etiam aliena ab ingenio eius tanquam parenti tribuerunt, de qua re conqueritur ¹ *ais, ut ego discesserim, omnia omnium dicta, in his etiam Sestiana, in me conferri. quid? tu id pateris? nonne defendis? non resistis? equidem sperabam ita notata me reliquisse genera dictorum maiorum, ut cognosci sua sponte possent.* confer VOSSIVM ² & IONSIUM. ³ qui mos e græcia sane ad romanos transmigravit, quoniam græci aliorum præcepta atque instituta, etiam iocose dicta eadem ratione conlecta conseruarunt, quod pluribus exponit WOLFIVS. ⁴ quum romani in villas suas scederent, ibi alii litterarum doctores conuenerunt, & erudito sermone ingenio animoque suaue pararunt alimentum, quod de Cicerone constat. in Tusculano duo habuit gymnasia, alteri Lyceo nomen fuit, alteri academia. hinc dicit: *quibus de rebus & alias sæpe & paullo accuratius nuper quum essem cum Q. fratre in Tusculano, disputatum est. nam cum ambulandi caussa in Lyceum venissemus: (id enim superiori gymnasio nomen est) perlegi, ille inquit, tuum paullo ante tertium de natura deorum, cetera: & alio loco ⁶ his autem libris exposita sunt ea, quæ a nobis cum familiaribus nostris in Tusculano erant disputata.* de villa agri Puteolani agit PLINIVS ⁷ adde CELLARIVM ⁸ & STRUVIVM. ⁹ disputationes, quas

¹ VII. ep. 32. n. 2. 3 ad dinosc. ² de histor. lat. lib. I. c. 17. p. 84.

³ de script. histor. philos III. 17. ⁴ præfat. ad Casaubon.

⁵ lib. I. c. 5. pr. diuin. ⁶ lib. III. c. 3. Tusc. quæst. ⁷ lib.

XXXI. c. 2. H. N. ⁸ notis. orb. antiq. lib. II. c. 9. p. 843

⁹ introduct. ad rem litter. c. X. §. 3.

grammatici instituebant, interdum nullius fuerunt momenti: de Tiberio scribit SVETONIVS ¹ nam & grammaticos, quod genus hominum præcipue, vt diximus, appetebat, eiusmodi fere quæstionibus experiebatur: quæ mater Hecubæ: quod Achilli nomen inter virgines fuisset: quid Sirenes cantare sint solitæ? verum SENECA ² tales quæstiones deridet: *hæc quidem me querere vtrum maior ætate fuerit Homerus, an Hesiodus, non magis ad rem pertinet, quam scire, an minor Hecuba fuerit, quam Helena, & quare tam male tulerit ætatem. quid, inquam, annos Patrocli & Achillis inquirere, ad rem existimas pertinere? quæris, Vlysses ubi errauerit, potius, quam efficias, ne nos semper erremus?* adde MENCENIVM. ³

§. X. Ex superioribus iam conligi potest, quod veteres singularem curam & diligentiam ad colendas litteras contulerint. Eudoxus in cacuminibus excelsissimi montis ad senectutem usque vixit, vt astrorum cœlique motus obseruaret & de istis posset explicare. Chrysippus multos conflabat libros, omneque quod incideret, mandabat litteris, ac sæpe emendabat, magnaue testimoniorum copia utebatur. Lysippum statux vnus lineamentis inhærentem exstinxit inopia, & Euclides Socraticus tempore noctis ad Socratem se Athenas contulit, vt præceptis eius vteretur, quum decreto grauissimo Athenienses cauissent, vt si quis Megarensium intulisse pedem Athenas esset deprehensus, ei id esset capitale, GELLIVS. ⁴ de Cleanthe refert DIOGENES LAERTIVS ⁵

¹ cap. LXX. n. 6. ² epist. LXXXVIII. ³ declam. de charlat. p. 108. edit. III. ⁴ lib. VI. c. 10. N. A. ⁵ lib. VII. segm. 168. add. VAL. MAX. VIII. 7.

διεβοήθη δὲ ἐπὶ φιλοπονία, ὥς γε πένης ὦν ἄγαν ὥρ-
 μισε μισθοφορεῖν· καὶ νύκτωρ μὲν ἐν τοῖς κήποις ἡν-
 τλει, μετ' ἡμέραν δὲ ἐν τοῖς λόγοις ἐγυμνάζετο, *me-
 moria proditum est, ipsum laboriosissimum fuisse*, adeo, ut inopia cogente mercenariam face-
 ret, ac noctu quidem in hōrtis hauriret aquas,
interdū autem operam studiis liberalibus da-
ret. omnino multi fuerunt, qui ex sapientia
 & philosophia non retinuerunt modum, adi-
 GAVDENTIVM¹ & id, quod naturæ debe-
 mus & valetudini necessarium, subtraxerunt.
 egregia de his est QVINCTILIANI² senten-
 tia: *in omni studiorum genere bona valetudo,*
quæque eam maxime præstat, frugalitas neces-
saria est, quum tempora ab ipsa rerum natu-
ra ad quietem refectiōemque nobis data, in
acerrimam laborem conuertimus, cui tamen
non plus irrogandum est, quam quod somno su-
pererit, haud deerit. quid iuvat, Epicteti lu-
 cernam fidilem pretio quam maximo sibi
 comparare, LVCIANVS.³ quod veteres ro-
 mani studiosa cura ac diligentia in cultura at-
 que vsu musarum versati sint, in hanc rem eo-
 rum lucubrationes testantur perspicue. SE-
 NEGA dixit⁴ *generosus animos labor nutrit,*
 ex quo est, quod nec illis dies aliquis tam
 longus fuit, quin de nocte adiungendum esse
 aliquid existimauerint. quamuis duplex sit
 lucubratio, alia vespertina, quæ protrahitur
 in seram noctem, alia matutina, quæ ante lu-
 cem operamur: antelucana tamen studia græ-
 ci & romani plerumque prætulerunt. lucu-
 brationes post cœnam nocent valetudini, ma-
 tutinæ vero tam animo, quam corpori sunt fa-

¹ *praef. I. in vit. Agricol.* ² *lib. XI. c. 3.* ³ *tom. II.*
oper. p. 386. edit. GRAEVII. ⁴ *ep. XXXI.*

lubriores, quia tum peracta est concoctio & detritas vires reparavit quies. hinc CORNEL. CELSVS ¹ *sin lucubrandum est, non post cibum id facere, sed post concoctionem: & SENECA* ² de Latrone Porcio: *post cœnam fere lucubrabat, nec patiebatur alimenta per somnum quietemque aqualiter digeri, sed perturbata & dissipata in caput agebat. itaque & oculorum aciem contuderat & colorem mutauerat.* exempla romanarum lucubrationum, quæ maxime ad litterarum colenda studia sustinebantur, varia deprehendimus. CIGERO æque contractionibus, hoc est æstiuis noctibus aliquid lucubrauit, ac maioribus & hibernis vigiliis solitus erat agere. ³ SENECA de se ipso scribit ⁴ *nullus mihi per otium dies exit: partes noctium studiis vindico: non vaco somno, sed succumbo, & oculos vigilia fatigatos, cadentesque in opere detineo.* MARTIALIS. ⁵

*Inde lego Phœbumque cio, musamque laceſſo.
dum paruus lychnus modicum consumat oliui.
hec dat nocturnis nox lucubrata Camœnis.*

in primis inlustre C. Plinii secundi, a sororis filio ⁶ descriptum exemplum est. postquam rogatus Marco libros auunculi, quos composuerat, fecerat notos, de causa etiam tot voluminum, hoc est miranda industria perſcribit: *erat, inquit, acre ingenium, incredibile studium, summa vigilantia. lucubrare vulcanalibus incipiebat, non aſſpicandi causa, sed studendi, statim nocte multa: hieme vero, ab hora septima, vel quum tardissime, octaua, saepe sexta. erat sane somni parcissimi: nonnunquam*

¹ lib. I. c. 2. ² pref. lib. 1. controners. ³ Paradox proœm.
⁴ ep. VIII. ⁵ IV., 90., 4. 8. 9. ⁶ lib. III. ep. 5. m. 8. 9.
etiam

etiam inter studia instantis & deferentis. LV-
CRETIVS¹ Memmium, cuius gratia labora-
bat assidue; ita alloquitur:

*Sed tua me virtus tamen, & sperata voluptas
suavis amicitia quemvis efferre laborem
suadet, & inducit noctes vigilare serenas.*

habebant veteres lectriculas lucubratorias, eo-
dem fixas loco, in quibus recumbentes lectio-
ni, meditationi, scriptioni operam dabant,
quumque ab aliis lectis non differrent, dice-
bantur lecti. PLINIVS² Caius quidem Fan-
nius quod accidit, multo ante praesensit. visus
est sibi per nocturnam quietem iacere in lectulo
suo compositus in habitum studentis, habere an-
te se scrinium ita, ut solebat. mox imaginatus
est, venisse Nervum, in toro resedisse: prom-
pse primum librum, quem de sceleribus eius
ediderat, eumque ad extremum reuoluisse, idem
in secundo ac tertio fecisse, tunc abiisse. de
Augusto tradit SVETONIUS³ quod a cena se
in lectriculam lucubratoriam receperit. NASO⁴

*Non hac in nostris, ut quondam scribimus
hortis,*

nec consueve meum lectule corpus habes.

confer SCHEFFERV⁵ THOMASIVM.⁶
græcis ante lucano studio Demosthenes præ-
luxit, de quo probatus eius æmulator CICE-
RO⁷ refert, cui non sunt audita Demosthenis
vigiliae? qui dolere se aiebat, si quando opifi-
cum antehicana victus esset industria; cuius lu-
cerna abiit quoque in proverbium ex his lu-
cubrationum antiquitatibus causa facile pot-
est cognosci, cur græci & romani noctuam pro-

¹ lib. I. v. 141.

² lib. V. ep. 5. n. 5.

³ cap. LXXVIII. n. 2.

⁴ lib. I. trist. eleg. 10. v. 37.

⁵ de re vehicul. II, 5. p. 113.

⁶ ad dictam Plin. epist. p. 327.

⁷ Tusc. quæst. IV, 19.

symbolo sapientiæ & prudentiæ habuerint, vid. SPANHEMIVM. ¹ de ipso autem lucubrandi ritu confer MVRETVM ² GAROLI ³ CELLARIVM. ⁴ num vigiliæ vespertinæ, an matutinæ conducant, de eo disputat GABRIEL NAVDAEVS. ⁵ vsus vigiliarum a christianis quoque primorum seculorum receptus erat, quorum antelucana sacra ab hostibus æque ac propriis scriptoribus sunt laudata, nec incognita sacra vespertina in tempore victus, id est cœnæ, quæ αὔρα dicebatur, adi BOEHMERVM. ⁶

§. XI. In more positum romanis erat, vt e vrbe in villas secederent. *secessus* dicebantur ipsa loca in litoribus & rure solitaria, ipsæ villæ: & significabant quoque ipsam vitam, quæ priuata atque in studiis maxime agebatur. villa olim vna domus fuit virorum nobilium, vnde nominantur Luculli, Metelli, Ciceronis. erat vel vrba, ea quippe pars, quam sibi recepit dominus, quæ amœnior fuit atque elegantior; vel rustica, quam villicus colonus sibi habitandam obtinet. adhæc erat aut hiberna, aut æstiuæ: in illa pater familias per hiemem, in hac per æstatem fuit, cuius membra cubicula, cœnationes, balnearia, ambulationes, reliqua: maxime ad mare sitæ emebantur, & omnibus, quæ ad magnificentiam atque amœnitatem spectant, ornabantur. habebant arbores, xylos, statuas, porticus, marmora, silvas, fontes, aquarum ductus, vid. PIRISCVM. ⁷ atque in has villas secedebant

¹ dissert. de numism. præf. III. p. 167. ed. 1706. fol. ² var. lect. XVIII. c. 33. ³ obseruat. in Gell. I. 1. animaduers. 2. ⁴ dissertat. acad. p. 399. ⁵ quæstion. III. iatrophilologica. ⁶ diss. iur. ecclæs. antiq. diss. II. p. 35 sqq. ⁷ lexicon antiq. rom. tom. II. p. 1086.

procures & alii eruditi, ut ibi negotiis publicis & curis animus esset vacuus, maiori suauitate colerentur litteræ, & prosperitati corporis ac robori consuleretur. de Augusto dicit SVETONIVS ¹ ex secessibus præcipue frequentavit maritima insulasque Campaniæ aut proxima urbi oppida, Lannuium, Præneste, Tibur, ubi etiam in porticibus Herculis templi persæpe ius dixit. - & de Caligula ² inter hæc absentem senatum, populumque gravissimo obiturgauit edicto, quod Cesare præliante & tantis discriminibus obiecto, tempestiua conuiuia, circum & theatra, & amænos secessus celebrarent. varios secessus commemorat STATIVS ³

Iam terras, volucremque polum, fuga veris

aquosi

laxat, & Icariis cælum latratibus vrit.

ardua iam densæ rarefcunt mænia romæ:

hos prænestæ sacrum, nemus hoc glaciæ
Dianæ,

algidus aut horrens, aut Tuscula protegit
umbra:

Tiburis bi lucos, Aniena que frigora captant.
te quoque clamosa quæ nam plaga mitior urbi
subtrahit? æstiuos quo decipis aëre soles?

per tempus, quo vitam agebant in villis variis modis animum curamque a grauioribus negotiis laxare laborarunt. Augustus animi laxandi causa, modo piscabatur hamo, modo talis, aut ocellatis, seu globulis calculis in formam ocellorum factis, nucibusque ludebat cum pueris minutis, ut dicit SVETONIVS. ⁴ sæpe CICERO ⁵ audiuit, Lælium semper fere cum Scipione solitum rusticari, eosque incre-

¹ LXXII, 5.

² XLV, n. 6.

³ M. IV, 4, 12.

⁴ c. LXXXIII, 2.

⁵ de orat. II, 6.

dibiliter repuerascere esse solitos, cum rus ex vrbe tanquam e vinculis euolauissent. addit, quod non audeat dicere de talibus viris, sed tamen ita soleat narrare Scæuola, conchas eos & vmbilicos ad Caietam & ad Laurentum legere consuesse, & ad omnem animi remissionem ludumque descendere. & de Scæuola dicit VAL. MAXIMVS ¹ *Scæuola quieta remissionis eorum certissimus testis, optima pila luisse traditur: quia videlicet ad hoc diuerticulum animum suum forensibus ministeriis fatigatum transferre solebat. alueo quoque & calculis vacasse interdum dicitur, cum bene ac diu iura ciuium & ceremonias Deorum ordinasset. ut enim in rebus seriis Scæuolam, ita & in scurrilibus lusibus hominem agebat, quem rerum natura continui laboris patientem esse non finit.* CICERO sic complexus est otium, ut ab eo diuelli non potuerit: aut libris se delectauit, quorum habebat Antii festiuam copiam, aut fluctus numerauit. ² quod ad eruditos secessus attinet, illorum exempla antiquitas supeditat multa. PLINIVS ³ *possum iam repetere secessum & scribere aliquid, quod non recitem, ne videar, quorum recitationibus adfui, non auditor fuisse, sed creditor.* & alio loco ⁴ laudat prædium in agro iuxta oppidum Laurentum ob gratiam villæ, opportunitatem loci, litoris spatium, & addit: *iustisne de causis eum tibi videor incolere, inhabitare, diligere secessum.* Terentius iunior equestribus militiis atque etiam procuratione Narbonensis provincie integerrime functus, recipiebat se in agros suos, paratis honoribus tranquillissimum

¹ lib. VIII. c. 8.² lib. II. ep. 6. ad Attic.³ l. ep. 13, 7.⁴ lib. II. ep. 17.

otium præferebat. hunc admiratur PLINIVS¹ & dicit: *quam tersa omnia? quam latina? quam græca? nam tantum utraque lingua valet, ut ea magis videatur excellere, quam cum maxime loquitur. quantum ille legit? quantum tenet? Athenis vivere hominem, non in villa putes. quid multa? auxit sollicitudinem meam, effecitque, ut illis, quos doctissimos noui, non minus nos seductos & quasi rusticos verear.* præcipue id moris erat, ut si senectutem attigissent, e republica in honestum otium secederent. hanc quietem Silius Italicus in Campania inuenit, ubi plures villas possidebat, quæ eos dominos quondam habuerant, quos ipse imitatus est plurimum, Ciceronis puta atque Virgilii, illius nempe academiam, huius, quæ sepulcrum domini continebat: de utraque cum laude ita canit MARTIALIS.²

*Silius hac magni celebrat monumenta Maronis,
iugera facundi qui Ciceronis habet.*

*heredem dominumque sui tumulique larisque
non alium mallet nec Maro nec Cicero.*

PLINIVS³ de Pomponio: *ita senescere oportet virum, qui magistratus amplissimos gesserit, exercitus rexerit, totumque se reipublica, quam diu decebat, obtulerit. nam & prima vitæ tempora & media patria, extremâ nobis impertire debemus, ut ipsæ leges monent, quæ maiorem annis LX otio reddunt. quando mihi licebit? quando per ætatem honestum erit imitari istud pulcherrimæ quietis exemplum? quando secessus mei non desidiæ nomen, sed tranquillitatis accipient? in hisce secessibus solebant multum disputare, multum audire, multum scribere,*

¹ lib. VII. ep. 25. ² lib. XI. epigr. 49. ³ IV. ep. 23. n. 2.
add. 117. 1, 12.

multum

multum lectitare. MINVTIVS FELIX quum Ostiam amoenissimam ciuitatem peteret, & diluculo ad mare in ambulando pergeret, vt & aura adspirans leniter membra vegetaret, & cum eximia voluptate molli vestigio cedens arena subsideret, Cæcilius dedit occasionem, de religione disputandi, quod ex dialogo patet, quem a principe conloquentium persona Octauium inscripsit. ludorum romanorum diebus L. Crassus quasi colligendi sui causa, se in Tusculanum contulit. venerunt eodem Quintus Mucius, M. Antonius, homo & consiliorum in republica socius, & summa cum Crasso familiaritate coniunctus. exierant cum ipso Crasso adolescentes & Drusi maxime familiares, & in quibus magnam tum spem maiores natu dignitatis suæ conlocarant, C. Cotta, qui tum tribunatum plebis perebat, & P. Sulpicius, qui deinceps eum magistratum petiturus putabatur. hi primo die de temporibus illis, deque vniuersa republica, quam ob causam venerant, multum inter se vsque ad extremum tempus diei conlocuti sunt. quo quidem in sermone multa diuinitus a tribus illis consularibus Cotta deplorata, & commemorata narrabat, vt nihil incidisset postea ciuitati mali, quod non impendere illi tanto ante vidissent, vt CICERO¹ loquitur. generosissimus quisque romanus in singulis villis suis bibliothecam constituit, vt quoties in illas secessissent, ibi liberius darent operam optimis litteris. CICERO² *in Tusculano quum essem, vellemque e bibliotheca pueri Luculli quibusdam libris uti, veni in eius villam, vt eos ipse*

¹ de Orat. I, 7. ² de finib. III, 2.

otium præferbat. hunc admiratur PLINIVS¹ & dicit: *quam tersa omnia? quam latina? quam græca? nam tantum utraque lingua valet, ut ea magis videatur excellere, quam cum maxime loquitur. quantum ille legit? quantum tenet? Athenis vivere hominem, non in villa putes. quid multa? auxit sollicitudinem meam, effecitque, ut illis, quos doctissimos novi, non minus nos seductos & quasi rusticos verear.* præcipue id moris erat, ut si senectutem attigissent, e republica in honestum otium secederent. hanc quietem Silius Italicus in Campania inuenit, ubi plures villas possidebat, quæ eos dominos quondam habuerant, quos ipse imitatus est plurimum, Ciceronis puta atque Virgilii, illius nempe academiam, huius, quæ sepulcrum domini continebat: de utraque cum laude ita canit MARTIALIS.²

*Silius hæc magni celebrat monimenta Maronis,
iugera facundi qui Ciceronis habet.
heredem dominumque sui tumulique larisque
non alium mallet nec Maro nec Cicero.*

PLINIVS³ de Pomponio: *ita senescere oportet virum, qui magistratus amplissimos gesserit, exercitus rexerit, totumque se reipublicæ, quam diu decebat, obtulerit. nam & prima vitæ tempora & media patriæ, extremâ nobis impertire debemus, ut ipsæ leges monent, quæ maiorem annis LX otio reddunt. quando mihi licebit? quando per ætatem honestum erit imitari istud pulcherrimæ quietis exemplum? quando secessus mei non desidiæ nomen, sed tranquillitatis accipiant? in hisce secessibus solebant multum disputare, multum audire, multum scribere,*

¹ lib. VII. ep. 25. ² lib. XI. epigr. 49. ³ IV. ep. 23. n. 2.
add. 117, 1, 12.

multum lectitare. MINVTIVS FELIX quum Ostiam amoenissimam ciuitatem peteret, & diluculo ad mare in ambulando pergeret, vt & aura adspirans leniter membra vegetaret, & cum eximia voluptate molli vestigio cedens arena subsideret, Cæcilius dedit occasionem, de religione disputandi, quod ex dialogo patet, quem a principe conloquentium persona Octauium inscripsit. ludorum romanorum diebus L. Crassus quasi colligendi sui causa, se in Tusculanum contulit. venerunt eodem Quintus Mucius, M. Antonius, homo & consiliorum in republica socius, & summa cum Crasso familiaritate coniunctus. exierant cum ipso Crasso adolescentes & Drusi maxime familiares, & in quibus magnam tum spem maiores natu dignitatis suæ conlocarant, C. Cotta, qui tum tribunatum plebis petebat, & P. Sulpicius, qui deinceps eum magistratum petiturus putabatur. hi primo die de temporibus illis, deque vniuersa republica, quam ob causam venerant, multum inter se vsque ad extremum tempus diei conlocuti sunt. quo quidem in sermone multa diuinitus a tribus illis consularibus Cotta deplorata, & commemorata narrabat, vt nihil incidisset postea ciuitati mali, quod non impendere illi tanto ante vidissent, vt CICERO¹ loquitur. generosissimus quisque romanus in singulis villis suis bibliothecam constituit, vt quoties in illas secessissent, ibi liberius darent operam optimis litteris. CICERO² *in Tusculano quum essem, vellemque e bibliotheca pueri Luculli quibusdam libris uti, veni in eius villam, vt eos ipse*

¹ de Orat. I, 7. ² de senib. III, 2.

(*ut solebam*) inde promerem. quo quum venissem, M. Catonem, quem ibi esse nescieram, vidi in bibliotheca sedentem multis circumfusus stoicorum libris. PLINIVS¹ de Silio Italico: plures villas possidebat: multum ubique librorum, multum statuarum, multum imaginum, quas non habebat modo, verum etiam venerabatur: nam & hæc ornamenta in bibliothecis ponebantur. SVETONIVS² scripta eorum & imagines publicis bibliothecis inter veteres & præcipuos auctores dedicavit. CICERO³ litteris sustentor & recreor, maloque in illa tua sedecula, quam habes sub imagine Aristotelis sedere, quam in aliorum sella curuli. adde LIPSIVM⁴ LOMEIERVM⁵ FIGRELIVM.⁶ MARTIALI⁷ est huius generis rursus bibliotheca delicati. nec minorem litteris colendis suavitatem adtulit cultus hortorum. OVIDIVS in hortis operam nauabat carminibus, quum ait⁸

*non hæc in nostris, ut quondam scribimus,
hortis.*

& hæc de modis variis, non de omnibus, nec de illis, qui nonnullis fuerint proprii, litteras colendi veterum romanorum sufficiant. argumentum hoc ad vsum nostrum potest conformari, si illud doctrinæ de prudentia litteraria adplicemus, quæ subinde multum inluminari potest.

¹ l. III. ep. 7. n. 8. ² LXX, 5. Tib. ³ Attic. IV, 10.
⁴ de biblioth. c. 10. ⁵ de bibl. c. 14. ⁶ de stat. rom. c. 24.
⁷ lib. VII. ep. 17. ⁸ Trist. l. 10, 37. adde IV, 8, 27. & MASSON. vita Ovid. p. 83.

DIATRIBE
DE
PRAEMIIS
VETERVM SOPHI-
STARVM, RHETORVM
ATQVE ORATORVM.

Σ Τ Ν Ο Ψ Ι Σ.

*De duplici orationis genere §. I. de studio veterum
græcorum & romanorum eloquentiæ §. II. de
adpellatione sophistarum apud græcos §. III. de
adpellatione rhetorum, oratorum, sophistarum
apud romanos §. IIII. de aduersis sophistarum &
rhetorum fatis §. V. de magna eloquentiæ digni-
tate apud veteres generatim §. VI. VII. de sala-
riis veterum sophistarum & rhetorum §. VIII.
VIII. X. ipsorum honoris titulis XI. adclama-
tionibus XII. XIII. coronis XIII. XV. sta-
tuis XVI. XVII. XVIII. legationibus
XVIII. magistratibus XX. XXI. victu pu-
blico XXII. XXIII.*

MAgnum Dei munus est, quod morta-
les, qui rationis participes sunt, be-
neficio linguæ animi cogitationes
adfectusque aliis exprimere, vitæ
societatem alere ac conseruare, omniaque
quæcunque ad viuendum necessaria sunt &
commoda, parare possunt. * quæ dicendi fa-
cultas, a summo numine mortalibus adtributa
quum egregie humano generi prospiciat; di-
gna omnino est, quæ magis & magis colatur, &
in tanta humanarum propensionum varietate,
ad artis elegantiaque leges componatur, vt
huiusmodi sermonis vi eo facilius in affectus
hominum nos insinuare possimus. quapro-
pter duo inprimis sunt orationis genera, quo-
rum alterum græci λέξιν εἰρομένην, item διαλελυ-
μένην, latini orationem iugem, pendentem, tra-
ctam, quæue naturali fuit cursu; alterum ve-
ρο κατεστραμμένην, nec non διηρημένην, latini ver-
sam, contortam, quæ ad artem atque præcepta
reuo-

reuocatur, adpellarunt. quam in rem testatur
ARISTOTELES τὴν δὲ λέξιν ἀνάγκη εἶναι ἢ
 εἰρομένην καὶ τῷ συνδέσμῳ μίαν, ὥσπερ αἱ ἐν τοῖς δι-
 θυράμβοις ἀναβολαὶ ἢ κατετραμμένην καὶ ὁμοίαν τῆς
 τῶν ἀρχαίων ποιητῶν ἀντιτροφοῖς, *elocutionem*
autem necesse est, esse aut pendentem & vinculo
vnam vt in dithyrambis dilationes: aut versam
& similem veterum poetarum conuersionibus. **

* **CICERO** de oratore lib. I. cap. 8. *hoc enim vno*
præstamus vel maxime feris, quod colloquimur in-
ter nos, & quod exprimere dicendo sensa possumus.
PLINIVS histor. natur. lib. XI. cap. 51. *sed ante*
omnia explanatio animi, quæ nos distinxit a feris,
inter ipsos quoque homines discrimen alterum a que
grande, quam a belluis fecit. quapropter & lin-
guæ Mercurio apud græcos sacræ fuerunt, vt
ex HOMERO Odyss. γ. v. 334. seqq. atque aliis
scriptoribus adparet: ac veteres persuaferunt
sibi, linguis eiusmodi inditam esse vim, qua
homines tutos a morbis se conseruare possent,
LAMPRIDIVS de Heliogabalo in vita ipsius
 cap. 20. *comedit sæpius ad imitationem Apicii cal-*
canea camelorum & cristas vinis gallinaceis dem-
tas, linguas pauonum & lusciniarum, quia dote
tali pestilentia tutus diceretur. adde COEL.
RHODIGINVM lection. antiquar. lib. III. c.
 32. p. 160.

* **hinc CICERO** de oratore ad BRVTVM cap.
 20 *huic generi historia finitima est, in qua & nar-*
ratur oruate, & regio sæpe aut pugna describitur:
interponuntur etiam conciones & hortationes: sed
in his tracta quædam & fluens expetitur, non hæc
contorta & acris oratio.

§. II. Apud veteres græcos romanosque
 dicendi ars in magno fuit pretio. equidem
 græci alias artes habuerunt vetustiores & mul-

* rhetoric. lib. III. cap. 9.

to ante cultas & perpolitas, quam hæc est ab ipsis elaborata differendi vis atque copia; ex quo tamen eloquentiæ studio fuerunt incensi, sensim & sensim hæc dicendi disciplina cepit incrementa. multique exstiterunt, qui harum litterarum culturæ atque exercitiis se tradebant studiosè. PERICLES. auctore CICERONE¹ primus adhibuit doctrinam, quem complures secuti sunt, ut intellectum est, quantam vim haberet adcurata atque elegans oratio, GORGIAS *Leontinus* quippe, THRASYMACHVS *Chalcedonius*, PROTAGORAS *Abderites*, PRODICVS *Cei*, HIPPIAS *Eleus*; quibus iam senibus exorti sunt ISOCRATES, qui primus cognouit, etiam in soluto sermone modum & numerum quemdam oportere seruari; item LYSIAS, egregie subtilis scriptor atque elegans. MOX subsecuti sunt HYPERIDES, AESCHINES, LYCVRGVS, DINARCHVS, DEMADES, & qui aliorum exstitit princeps DEMOSTHENES, post quos adhuc multi alii floruerunt. Athenis præsertim, quas dicendi vis sedem sibi ac templum delegerat, sed quum eloquentia videretur perfectissima, a pristina grauitate ac pulcritudine recedere paullatim & declinare cœpit & relictis Athenis elegantiam suam cum vrbe amisit. deinde satis longo interuallo nauigauit in Italiam, ac Romæ inprimis inuenit, quibus ista grata fuit atque accepta. ante tempora Punica non fuerunt, quos in numero ponamus eloquentium oratorum; primus autem, de quo constat, eloquentem fuisse, M. CORNELIVS CETHEGVS est, quem ætate M. CATO consecutus. processu

¹ de clar. orat. cap. 7.

temporis maior prouentus ingeniorum exstitit, C. LAELII & P. SCIPIONIS *Aemiliani*, vtriusque GRACCHI, *Tiberii & Caii*, SERVII GALBAE, C. CARBONIS aliorumque, quos omnes fere ingenio & artificio dicendi superarunt L. CRASSVS & M. ANTONIVS: sic in vrbe eloquentia in dies facta ornatio, ad illud adspirauit tempus, quo ipsi expoliendæ CICERO supremam adhiberet limam, quippe qui miris modis illam iuuit, purgauit, auxit: quæ græcæ ac romanæ eloquentiæ fata illustrare possunt ex vetustiori ætate CICERO ¹ SVETONIVS ² QVINCTILIANVS ³ excellentiori vero LVD. CRESOLLIVS ⁴ G. I. VOSSIUS ⁵ MORHOFIVS ⁶ CHRISTOPH. CELLARIUS ⁷ I. A. FABRICIVS ⁸ PETRVS FRANCIVS ⁹ IO. CLERICVS ¹⁰ G. N. KRIEGL. ¹¹

§. III. Sed quum de præmiis veterum sophistarum, rhetorum ac oratorum cum græcorum, tum latinorum in præsens edisserere instituumus, a proposito dissertationis argumento minus erit alienum, si quædam de ipsis, quæ præ se habuerunt, nominibus præmittamus: apud græcos tenuerunt disertique eloquentiæ auctores nomen *sophistarum* ac *rhetorum*. antiquissimis temporibus significatio vocis *sophistæ* perampla fuit, adeo, vt omnes, qui litterarum doctrinis atque animi ornamentis operam dabant, dicerentur sophistæ, vetustis-

1 de claris orator. 2 de claris rhetor. 3 institus. orator. varius locis. 4 theatr. veter. rhetor. orator. declamator. tom. X. pag. 18. antiquit. græcar. GRONOVII. 5 de rhetoric. natur. ac constitution. cap. 10. seqq. 6 polyhist. litterar. lib. VI. cap. 1. 2. 7 dissertat. acad. p. 346. sq. 8 bibl. græc. bb. II. cap. 26. lib. IV. cap. 32. 9 oration. p. 4. seqq. 10 arte critic. vol. I. part. 2. sect. 1. cap. 17. 11 de sophistarum eloquentia len. 1703.

simi quippe musici, poetæ, philosophi, theologi, medendi arte excellentes, somniorum interpretes. * præcipue vero adpellatio fuit philosophorum, eaque plena dignitatis & perhonorifica, qui quum eloquentiæ & philosophiæ studium coniungerent, factum est, ut sophistarum nomen & philosophiæ & artis oratoriæ magistris fuerit commune, & illi quoque, qui tantum eloquentiæ instituebant exercitia, adpellati sint sophistæ, verum quum philosophiæ atque eloquentiæ verioris laus consenesceret; nec solum philosophi detricto & pannoso pallio maiestateque opacæ barbæ sapientiam metiri vellent; ipsi seruirent animi libidinibus & flagitiis, omniaque referrent ad quæstum & ostentationem; sed & oratores rerum, quæ ad vitam moresque hominum & ad rempublicam pertinebant, cognitionem & scientiam a dicendi ratione disiungerent; de quocumque argumento proposito inuictis rationibus & oratione vberissima disserere sumerent sibi, ac tumore quodam sermonis, qui nihil in se habebat solidi, aliorum caperent animos; ** adpellatio sophistæ odiosa reddita est æque rectis sapientiæ æstimatoribus atque promiscue multitudini: qua de re LUDOVICVS CRESOL-
LIVS¹ & G. I. VOSSIVS² copiose disseruerunt. quoad nomen *rhetoris* adtinet, existit hoc loco quæstio: quænam inter sophistam ac rhetorem fuerit differentia? CHRYSOSTOMVS³ quum ostendere instituat, omnes ex antiqua ætate sapientiæ cultores a veritatis via aberrasse, dicit: καὶ σοφισταὶ, καὶ ῥήτορες, καὶ φι-

¹ cit libr.² de rhetor. nat. & constitut. cap. I. adde AV-

CTOREM æter. philos. p. I. p. 81. seqq.

³ in epist. I. ad Co-

rinth. c. II.

λόσοφοι, καὶ συγγράφεις, & alio loco ¹ tradit, quod veterum calamitates commemorent καὶ ποιηταὶ, καὶ ῥήτορες, καὶ σοφισταὶ, καὶ λογιγράφοι πάντες. item APOLLONIVS TYANENSIS apud PHILOSTRATVM ² καλῶ δὲ σοφῆς μὲν ποιητικὴν, μουσικὴν, ἀστρονομίαν, σοφιστὰς, καὶ τῶν ῥητόρων τὰς μὴ ἀγοραίους, liberales autem artes adpello poësin, musicam, astronomiam, sophistarum item artem ἔσ' rhetorum, qui in foro caussas dicunt; ex quibus locis adparet satis, quod inter sophistas & rhetores positum fuerit discrimen. etenim sophistæ eloquentiæ artem docebant, ac variis exercitationum generibus ad hanc perducere nobiliores mentes, laudi sibi ducebant amplissimæ; rhetores vero in caussis priuatis & publicis sua utebantur eloquentia & declamando gloriam sibi ac fauorem conciliare laborabant maxime. ***

* at vero vox σοφιστῶν non solum ad litterarum cultores, sed & ad omnes, qui arti cuidam sese tradebant, eamque profitebantur, fuit accommodata. hinc SVIDAS: Σοφιστῆς πᾶς τεχνίτης, & LVCIANVS in dialogo, qui dicitur vitæ auctio p. 377 edit. GRAEVI, hominem qui conuiuia ac compotationes sectatur, adpellat σοφιστὴν ἡδοναδίαν. confer. GIBERT. CUPERVM de apothecis. Homer. p. 115. vbi agit de voce σοφῶν apud græcos.

** sophistæ enim primum vsurpabant verba aliena, inusitata, poetica, ad rumorem sine omni vi atque elegantia composita, adeoque vitium illud orationis, quod antiqui ψυχρὸν in rhetoricis dicunt, admittebant vide QVINCTILIANVM lib. II. c. 3. lib. VIII. c. 3. & CAUSSINVM de eloquentia lib. II. c. 4. & 5.

¹ in epist. II. ad Theiss. c. 1. ² lib. VIII. cap. 7. sect. 3.

deinde

deinde eiusmodi argumenta orationum eligant, quibus tantum vim ingenii atque copiam sermonis ostentare poterant, nulla veteris utilitatis habita ratione. siquidem quum declamandi genera tria fuerint apud veteres, in demonstratio tam frequentes versabantur, ac usque eo procedebant, ut leuissimas quoque res praedicarent, & de malis ac perniciosis argumentis differerent.

*** verum discrimen hoc ratione adpellationis *rhetoris* & *sophistae* non semper adcuratius obseruatum fuit, adeo, ut & *sophistae* dicti sint *rhethores*, quod ex exemplo GORGIAE apud DIODORVM SICVLVM lib. XII. patet.

§. IIII. Apud veteres romanos adpellatio *rhetorum*, *oratorum*, etiam *sophistarum* in vsu fuit. inter *rhetorem* atque *oratorem* multi auctores hanc constituunt differentiam, quod *rhetor* sit, qui praecipua dicendi tradat; *orator* vero, qui modo ex arte disserat, modo declamandi exercitia instituat adeoque *rhethorices* praecipua ac regulas ad declamandi usum transferat atque adcommodet: quocirca CICERO ¹ *Carneades vero multo uberius iisdem de rebus loquebatur: non quo aperiret sententiam suam, sed tum maxime tamen hoc significabat, eos, qui rhethores nominarentur, & qui dicendi praecipua traderent, nihil plane tenere, neque posse quemquam facultatem adsequi dicendi, nisi qui philosophorum inuenta didicisset.* ex qua posita sententia id consequitur, ut apud latinos *rhetor* fere idem fuerit, ac apud graecos *sophista*, prout & CICERO ² dicit: *hinc rhetorum campus de Marathone, Salamine, Plataeis, Thermopylis, Leuctris*, quo loco per *rhethores* intelligit

¹ de orat. lib. I. cap. 18.

² de offic. lib. I. cap. 18.

sophistas, quippe qui de nulla re tam libenter & cupide disseruerunt, quam de Marathone, Salamine, Plataeis, quæ loca campi erant, ubi omnia eloquentiæ lumina ostendere connitebantur. * verum enim vero quum & in Italia exstiterint sophistæ, de differentia quoque inter rhetorem & sophistam apud latinos fuit disputatum. sunt, qui existimant, quod sophista ille habitus, qui præcepta eloquentiæ græce; rhetor vero, qui latine proponeret dissereretque: cui sententiæ fauet CRESOLLIVS,¹ qui ad sanctionem imperatorum ² prouocat: *habeat igitur auditorium specialiter nostrum, in his primum, quos romana eloquentiæ doctrina commendat, oratores quidem tres numero, grammaticos vero decem: in his etiam, qui facundia græcitat³ pollere noscuntur, quinque numero sint sophistæ & grammatici æque detem;* cuius edicti sententia satis sit clara, quod duo genera professorum eloquentiæ constituentur: alterum oratorum, quos romanæ eloquentiæ doctrina commendat, id est rhetorum, qui latine doceant: alterum sophistarum, qui facundia græca pollentes, græce nimirum instituunt. alii vero sic statuunt discrimen, quod rhetor sit, qui doceat litteras artis disserendi: sophista contra, apud quem discatur dicendi exercitium; ita vt rhetor prior sit sophista, eique paret viam, prout grammaticus prior fuerit rhetore. quem ordinem obseruat TERTVLLIANVS,⁴ quando ait: *de meo vestiantur primus informator litterarum (id est grammatista) & grammaticus & rhetor & so-*

¹ in theat. vettr. rhetorum lib. 1. cap. 1. ² in constit. de stud. liberalib. urb. Rom. ³ de pallio cap. ultim. p. 230.

phista. G. 1. VOSSIVS ¹ hunc in modum distinguit, quod sophista ille sit, qui in dicendi studio exerceat alios; rhetor vero, qui ipse quidem dicat, haud tamen alios doceat, qua opinione græcos tantum respicere videtur VOSSIVS. at inuenimus, quod hæc diuersa nomina non omni tempore tam solcite fuerint obseruata. quamuis enim a prima litterarum ætate aliud egerit rhetor; aliud vero orator: tractu tamen temporum exstiterunt quoque, qui non solum docebant; sed & in concione perorabant declamabantque. nec negamus, quod in monumentis cum iuris romani, tum aliorum auctorum rhetor & sophista distinguantur; sed tamen ipsis sæpe numero communis fuit adpellatio, vti SVETONIVS ² ait: *qui primus e fisco latinis græcisque rhetoribus annua centena constituit: ex quibus verbis id quidem elucet, quod & græci & latini eloquentiæ tradendæ dederint operam; at nec obscure subinde potest intelligi, quod & latini & græci adpellati sint rhetores. sic & notissimus latinus sophista PHOSPHORVS vocatur a TERTVLLIANO* ³ *rhetor latinus, quando ait: in scholis Carthaginiensibus fuit quidam frigidissimus rhetor latinus, Phosphorus nomine. immo deprehendimus, quod rhetores & oratores & omnes, qui ornate & copiose perorarent, dicti sint sophistæ, auctore AVGVSTINO: ⁴ sophista adpellantur latinarum litterarum eloquentissimi auctores.* **

* ERASMVVS SCHMIDIVS obseruat. ad PINDARVM Pyth. 2.9. p. 191. existimat, voces

1 de natura & constitut. rhetoric. cap. 1. 2 Vita Vespas. cap. 18. 3 aduersus Valentian. cap. 8. pag. 253. 4 quæstion. in mod. p. 256. tom. III. oper.

rbetoris & oratoris idem significare, adeo, vt ista sit græca, hæc vero romana, nullaque inter rhetorem atque oratorem debeat admitti differentia, quæ sententia, quodsi græcos rhetores cum latinis oratoribus comparemus, satis est probata; at vero num apud romanos quoque rhetores & oratores omni ætate eiusdem fuerint conditionis, id est, quod salua veterum scriptorum auctoritate minime potest affirmari.

** sic legitur in codice Theodosiano, quam scripturam viri eruditissimi adprobarunt. vulgaris lectio est: *facundia grauitatis*, quam quidam glossarum auctores emendandam existimarunt: *garrulitatis*, cuiusmodi verò scripturæ cum ipsa re, de qua hoc loco agitur, minime conueniunt.

*** sunt adhuc alia nomina, quibus adpellati sunt homines disertis atque eloquentiæ præceptores: quo pertinet adpellatio *scholastici*. AVCTOR dialogi de causis corruptæ eloquentiæ cap. 35. *at nunc adolescentuli nostri deducuntur in scenas* (id est in locum, vbi orationes recitantur) *scholasticorum, qui rhetores vocantur*. PETRONIVS satiric. cap. 6. *ingens scholasticorum turba in porticum venit*, vt de aliis taceamus exemplis, quæ collegerunt WOWERIVS ad Petronium dicto loco p. 27. edit. BYRMANNI, G. I. VOSSIVS de natura & constitut. rhetor. cap. I. ADAMVS TRIBBECHOVIUS de doctoribus scholasticis cap. I. n. 7. p. 18. *declamatores* autem erant, qui tantum exercitii causa in ymbra & ludo declamabant. declamatio enim illud genus est orationis, quod viam quamdam sternit ad augustam illam oratoriam facultatem. veteres in eloquentiæ studio a prima adolescentia sese exercebant, & duplici quidem ratione: aut

H

enim

enim ficta argumenta, vt progymnasmatâ & declamationes: aut vera, vt orationes tractabant. vide PETRI FRANCHII orationes de ratione declamandi. quum autem AVCTOR dialogi de causis corruptæ eloqui cap. I. dicit: *horum vitam temporum disertis, causidici, & aduocati & patroni & quidvis potius quam oratores vocantur*, illos præcipue respicit, qui in foro versabantur & declamando causas agebant publicas.

§. V. Magna præmia sæpenumero consecuti sunt sophistæ, rhetores & oratores, ipsorumque eloquentiæ singularis habita est dignitas, quando sincera, nec fraudulenta aut captiosa esset, quæ animis hominum capiendis tantum insidiatur, ac forensẽ peruertit vsum. equidem de aduersis sophistarum facis multa in antiquis monumentis relata legimus. namque istos DEMETRIVS e regno, Athenienses ex Attica lege & edicto pepulerunt: quo instituto & Cretenses utebantur, nec minus aditu ad Laconicam erant prohibiti, vt hæc per testimonia confirmat CRESOLLIVS. ¹ sic & PANNIO STRABONE & VALERIO MESSALA consulibus * de philosophis & rhetoribus s. c. factum, vt i romæ ne essent, quod SVETONIVS ² adnotauit, etiam A. GELLIVS ³ repetiit. idem sancitum quoque est a Cn. DOMITIO AENOBARBO & L. LICINIO CRASSO ** censoribus, & latini rhetores vrbe sunt expulsi, eodem teste SVETONIO, ⁴ qui dicit: *de iisdem interiecto tempore, Gnaeus Domitius Aenobarbus, & Lucius Licinius Crassus censes, ita edixerunt; renuntiatum est nobis, esse*

¹ in theatr. rhetor. lib. I. cap. 12.

² de claris rhetoribus c. I.

³ in nos lib. Attic. lib. XV. cap. II.

⁴ dist. Iec.

homines, qui nouum genus disciplina instituerunt: ad quos iuuentus in ludos conueniat: eos sibi nomen imposuisse latinos rhetores: ibi homines adulescentulos totos dies desiderare. maiores nostri, quæ liberos suos discere, & quos in ludos itare vellent, instituerunt. hæc noua, quæ præter consuetudinem ac morem maiorum sunt, neque placent, neque recta videntur. quapropter & iis qui eos ludos habent, & iis, qui eo venire consueuerunt, videtur faciendum, ut ostendamus nostram sententiam, nobis non placere. sed nulla causa est, cur huius senatus consulti & edicti censorii aduersus rhetores nos admiratio subeat. nam oratoriae disciplinæ tum multiplex & turpiserat deprauatio, quumque adhuc virtus atque integritas romanis curæ essent, fieri non potuit, ut rhetorum & sophistarum argutiæ fictæque ad ius peruertendum controuersiae ac declamationes placerent, ut CHR. CELLARIUS¹ obseruat.***

* quorum consulatum in annum V. C. 10 XCIII. incidisse, iudicat THEOD. IANS. ab ALMELOVEEN in fastis roman. consul. lib. II. p. 99. meminit & ATHENAEVS lib. XIII. huius edicti, ubi *σοφιστας* vna voce adpellat, qui in senatus consulto nominantur *philosophi & rhetores* confer CASAREONVM ad C. SVETONII p. 724. edit. GRAEVI.

** hic est CRASSVS ipsemet orator, quem cum M. ANTONIO comparauit CICERO de claris orator. cap. 37. adde IACOBVM PROVST obseruat. ad CICERONEM de orat. lib. I. n. 24. p. II.

*** dantur adhuc exempla quorundam oratorum, quorum fortuna fuit durior; sed ut ca-

¹ differat. academ. p. 348.

sus sunt, qui euenerunt speciatim; ita & caussæ illorum fuerunt singulares. sic AN-
 DOCIDES Atheniensis in exilio defunctus,
 vt e PLVTARCHO in ipsius vita coniecere
 licet; LYSIAS a triginta tyrannis Athenis
 expulsus, concessit Megaram, ac reliquam
 vitam exegit priuatus, vide I. A. FABRICIVM
 biblioth. græc. lib. II. cap. 26. p. 892. AESCHI-
 NES exsul Rhodi scholam aperuit ibique do-
 cuit, vt de alijs taceamus. ceterum argumen-
 to rhetorices ex ciuitatibus proscriptæ in
 odium artis huius vitur post CRITOLAVM,
 CLITOMACHVM & CHARMIDAM SEX-
 TVS EMPIRICVS adu. rhetor. p. 68.

§. VI. Ita quamdiu eloquentiæ auctores ac
 magistri veram artis oratoriæ virtutem vera-
 que incrementa habuerunt in oculis, omni
 præmio digni sunt existimati. quam in rem
 testatur CICERO: *erant autem huic studio
 maxima, quæ nunc quoque sunt, exposita præ-
 mia, vel ad gratiam, vel ad opes, vel ad digni-
 tatem.* non est quod dignitatem hanc, quam
 veteres eloquentiæ eiusdemque cultoribus
 statuerunt, ab ipsius antiquitate & prima ori-
 gine, quæ HERMETI vindicata est, repeta-
 mus. apud paganos quippe HERMES auctor
 & præses eloquentiæ habebatur, teste DIO DO-
 RO SICVLO² & TZETZA³ vnde passim au-
 dit Ερμῆς λόγιος, λόγος præses, quo & spectat,
 quod viri eloquentes dicantur Ερμῶν σέβας.⁴
 confer G. I. VOSSIVM⁵ & I. A. FABRI-
 CIVM.⁶ namque nugæ sunt fabularum, qui-
 bus litterarum disciplinis nimiam vetustatem

¹ de oratore lib. I. cap. 4. ² l. I cap. 16. ³ chiliad. 6. hist. 89.
⁴ de naturâ & consuetudine rhetor. cap. 9. ⁵ biblioth. græc. lib. I.
 cap. 12. p. 81.

adtribuere laborarunt, præsertim quum maxime sit subobscurum, quis HERMES ille siue MERCVRIVS, cui ob multarum rerum & artium scientiam TRISMEGISTI cognomen imposuerunt, fuerit. quibus de causis verius dignitatem, quam veteres disertis homines compararunt sibi, partim ex ipsa, quæ eloquentiæ inest, vi & præstantia; partim ex singulari oratorum virtute, qua auditorum animos commouere seque in adfectus ipsorum insinuare poterant, deriuamus, præsertim quum & ea ætate, qua dicendi ars & disciplina vigeat, eiusmodi rerum publicarum fuerit facies & conditio, vt facili negotio oratores multum auctoritatis haberent. quam eloquentiæ potentiam respexerunt sine dubio Celtæ veteres, qui HERCVLEM, sub cuius nomine præsidem facundiæ deum colebant, senem pingebant, leonis indutum exuuiis, & dextra quidem clauam, sinistra autem tenentem arcum ac hominum multitudinem catena aurea ex lingua ipsius dependente atque ad aures circumstantium pertingente ducentem, ita vt adligarentur ac sponte sua Herculis ductum sequerentur, auctore LVCIANO. ¹

* LVCAS historia de rebus ab apostolis gestis cap.

XIII v. 12. de PAULO commemorat, quod a Lystrensibus HERMES sit habitus, ἡμεῖς δὲ αὐτὸς ἢ ὁ ἀγούμενος τῷ λόγῳ, quæ verba interpretes quidam ita intelligunt, quod PAVLVS in dicendo primas habuerit partes, adeoque Lystrensiū opinione MERCVRIVS fuerit, non tam ob eloquentiam, cuius præses MER-

¹ in *προλεγ.* p. 365. adde PETR. LAMBECIUM in *pro-grammat.* vol. III. nem. *Hamburgens.* FABRICII p. 13. seqq.

CVRIVS erat; quam quod ipse BARNABA silente non solum ad populum orationes recitasset; sed & iussisset, claudum surgere. nec enim solum facile Iupiter descendere consueverat; sed comitem secum ducere solebat MERCVRIVM, quierat Ἐγμωναὺς καὶ προφήτης τοῦ θεοῦ, *interpres atque internuncius deorum.* quum itaque PAVLVM esse MERCVRIVM existimarent Lystrenses, necesse erat, vt BARNABAM adstantem PAVLO pro loue agnoscerent. vide C. F. BOERNERVM de actis Barnabæ & Pauli Lycaonicis §. 10. p. 40.

§. VII. Vt autem varia præmiorum, quibus adfecti fuerunt eloquentiæ auctores, genera tradamus; obseruandum id maxime est, quod alia in primis ad artis oratoriæ præceptores; alia vero ad oratores præcipue spectarent; alia ad opes; alia vero ad laudes & honorum dignitates augendas publicas pertinerent, prout sunt salaria, adpellationes honorificæ, adclamationes & plausus, coronæ, statuæ aliaque. ad hæc id monemus, quod & grammatici apud veteres romanos interdum docuerint rhetoricam, quippe qui & in illorum censu esse debent, quibus eloquentiæ præmia proposita fuerunt. namque SVETONIVS¹ dicit: *veteres grammatici & rhetoricam docebant: ac multorum de utraque arte commentarii feruntur, secundum quam consuetudinem posteriores quoque existimo, quamquam iam discretis professionibus, nihilominus vel retinuisse, vel instituisse & ipsos quadam genera institutionum ad eloquentiam præparandam, vt problemata, periphrases, elocutiones, ethologias (id*

¹ de illustr. grammatic. cap. 6.

est morum descriptiones,) *atque alia hoc genus; ne scilicet sicci omnino atque aridi pueri rhetoribus traderentur*; qui & quorundam grammaticorum habet mentionem, a quibus tradita sunt præcepta eloquentiæ, M. ANTONII GNIPHONIS, ¹ quippe quem alii scribunt GNIFONEM, quiue & græce & latine doctus fuit, ac cuius scholam CICERO quoque post operam forensis frequentasse dicitur, teste MACROBIO: ² *Antonius Gniphon vir doctus, cuius scholam Cicero post laborem fori frequentabat*; item ATTEII philologi, de quo CAPITO ATTEIVS dixit ipsum, inter grammaticos rhetorem & inter rhetores grammaticum fuisse. ³ veterum enim grammaticorum diuersa erant genera, quorum alii *τεχνικοί*, alii *ισορικοί* seu *ἐξηγητικοί*, alii *κρίτικοί* fuerunt, vide WOWERIVM ⁴ & PITISCVM. ⁵ ex quibus illi, qui primi ordinis sunt, interdum cum præceptis grammaticæ disciplinam rhetoricam coniunxerunt, vt eloquentiæ candidati maiori fructu rhetorum operâ atque institutione frui possent.

§. VIII. De primo igitur præmiorum genere, quod posuimus, id est de salariis * veterum sophistarum ac rhetorum differere instituamus. primum stipendium eloquentiæ auctoribus ac magistris decretum est vi munificentiae atque auctoritatis TITI FLAVII VESPASIANI, teste SVETONIO, ⁶ qui dicit:

¹ cap. 7. de illustr. grammat. ² lib. III. cap. 12. saturnal.

³ cap. 10. de illustr. grammat. ⁴ de polymath. cap. 9. p. 1033. tom. X. thes. A. G. GRONOVII. ⁵ obseru. ad SVETON. de illustr. gramm. p. 1079. 1090. & lexie. antiquit. roman. tom. I. p. 382. ⁶ vit. cap. XVIII. n. 1. adde PITISCVM ad SVETON. Caesar. cap. XLII. n. 2. p. 118.

primus e fisco latinis græcisque rhetoribus annua centena constituit. præstantes poëtas nec non & artifices coëmit. VTI VESPASIANVS imperator ipse litteras coluit atque amauit, quippe qui in græcorum monumentis non leuiter fuit versatus; sic in artium professores insigniter existit liberalis, cuius rei & documentum est SALEIVS BASSVS egregius poëta, ¹ qui principis huius indulgentiam ingenio suo meritus, quingenta sestertia ab ipso dono accepit. ² sed num VESPASIANVS fuerit primus, qui salarium hoc constituerit rhetoribus, ea de re nonnullam in dubitationem adduci possumus, quum apud SVETONIUM ³ quoque legamus, quod VERRIVS FLACCVS sub AVGVSTO sestertia centena acceperit in annum. verum proposita sententia satis est firma. namque FLACCVS ille grammaticus fuit, non rhetor, & adhæc stipendio hoc literario propter auctoritatem, qua valebat, ac clementiam in illum AVGVSTI, qui ipsum nepotibus suis in præceptorem legerat, extraordinem adfectus est; qua de re SVETONIUS ⁴ disserit: VERRIVS FLACCVS ab Augusto quoque nepotibus eius præceptor electus, transit in Palatium cum tota schola; verum ut ne quem amplius post hac discipulum reciperet: docuitque in atrio Catilinæ domus, quæ pars Palatii tunc erat: & sestertia centena in annum accepit. illi autem, quibus a VESPASIANO salarium hoc decretum est, dicuntur latini græcique rhetores, quorum illi latine; hi vero

¹ G. L. VOSSIVS de poetis latinis cap. 3. p. 48. & de historicis latinis lib. 1. cap. 22. p. 113. ² AVCTOR dialog. de causis corruptæ eloquent. cap. 9. ³ de illustrib. grammaticis. cap. 17. ⁴ de ill. loc.

græce proposuerunt eloquentiæ præcepta, prout factum est, vt in Italia & græce & romane docerent perorarentque, & CICERO ad præturam vsque græce declamauit. ¹ quod si tamen romanos respiciamus, deprehendimus, quod hi græcos pluris fecerint, quam latinos, quoniam illis in educatione litteraria prima cura litterarum græcarum fuit. hisce artis oratoriæ doctoribus constituit VESPASIANVS *annua centena*, vbi subintelligas vocem *sestertia*; at vero quum *sestertium*, genere neutro idem sit, quod mille sestertium seu sestertiorum, id est xxv. coronati, *centena sestertia* duo millia coronatorum & præter hæc quingentos efficiunt, vt iam CASAVBONVS ² obseruauit. quibus de causis GRESOLLIVS ³ minus adcurate annua centena, quod ad ipsorum pretium attinet, ad pecuniæ nostræ rationum adcommodauit, quod ista aureorum coronatorum duo millia & adhæc fere centum efficiant.

* *salarium* distinguendum est a mercede illa, quæ dicebatur *mineral* seu *mineruale* (scil. 25) munus illud, quod præceptoribus a discipulis in scholam primum receptis dabatur. sint, qui *mineral* & *didaxteor* idem esse contendunt, vti IOSEPHVS LAURENTIVS collect. de professoribus, oratoribus, nomendatoribus & litteris tom. X. thes. A. G. GRONOVII p. 1170. qui dicit: *præter mercedem mensuram dabant etiam mercedulam priuatam, mineral dictum, didaxteor, quod erat munusculum & veluti authoramentum primo ad magistrum*

¹ SVETON. de claris rhet. cap. I.
Vespas. cap. 18. p. 640. edit. GRAEVII.
IV. cap. 3.

² ad SVETON. vs.
³ theatr. rhetor. lib.

ingressu, quod scilicet essent parati ad parandum & discendum. sed G. I. VOSSIVS de vitiis sermonis lib I. cap. 33 p. 148. observat quod minerual & τὸ διδάκτεον non sint eiusdem significationis, quoniam διδάκτεον magistri vulgari consuetudine singulis mensibus, etiam interdum non nisi anno finito accipiebant, vide SALMASIVM de mod. vsurar. c. 2. p. 65.

§. VIII. Aliud adhuc exemplum mercedis publicæ, qua professores artis oratoricæ ornatissimi sunt, deprehendimus in veterum monumentis, cuius auctor num sit ANTONINVS *prius*, an ANTONINVS *philosophus*, de eo disputandum est. IVLIVS CAPITOLINVS ² discrete de priore dicit: *rhetoribus & philosophis per omnes prouincias & honores & salaria detulit.* XIPHILINVS ³ vero de posteriore ait: ἔδωκε δὲ καὶ πᾶσιν ἀνθρώποις διδασκαλίας ἐν ταῖς Ἀθήναις, ἐπὶ πάσης λόγων παιδείας, μισθὸν ἐτήσιον φέροντας. quæ testimonia aut agunt de diuersis rebus, ita, vt aliud salarium ANTONINVS *prius*; aliud ANTONINVS *philosophus* & quidem doctrinarum professoribus Atheniensibus constituerit; aut vnum idemque respiciunt momentum. qua posteriore sententia necesse est, aut discrepantiam hanc salua vtriusque auctoritate remouere, quod qua ratione fieri possit, haud cognoscimus; aut fidem IULII CAPITOLINI labefactare, eique præferre XIPHILINVM, in primis cum testimonio ipsius alia veterum monumenta, quæ ei fauent, robur ac dignitatem adferunt. namque triplex erat Athenis θρόνος, πολιτικός quippe, φιλοσοφικός & σοφιστικός, vide MEYRSIVM ³ & CRESOL-

¹ vita Anton. *prius* cap. V.

² Epitom. *Dianis* p. 280.

³ *sermon. Attic.* cap. 8.

LIVM, ¹ cui ultimo primus præfuit LOLLIANVS *Ephesius*, de quo PHILOSTRATVS ² dicit: *πρῶτη μὲν τῇ Ἀθήνῃσι θρόνῳ πρῶτος*, sed ea ætate professoribus stipendio nondum ornatis, quod aliquanto post ab imperatore ANTONINO philosopho factum est, idque primus meruisse dicitur THEODOTVS, discipulus LOLLIANI, de quo idem PHILOSTRATVS: ³ *πρῶτη δὲ καὶ τῆς Ἀθηναίων νεότητος πρῶτος ἐπὶ ταῖς ἐκ βασιλείας μυρίαῖς*, quibus verbis id obseruamus, quod THEODOTVS fuerit sophista & quidem Atheniensis; quod primus acceperit stipendium, idque ex auctoritate & liberalitate imperatoris, per quem quod M. ANTONINVS philosophus sit intelligendus, ex verbis PHILOSTRATI, quæ sublequuntur, patet clarissime, qui dicit, quod MARCVS, id est MARCVS AVRELIVS ANTONINVS, cui adtribuerunt cognomen *philosophi*, Herodis iudicio ac censuræ Platonicos, Stoicos, Peripateticos philosophos & ipsum Epicurum permiserit, vt harum scholarum philosophiæ constitueret professores; sed THEODOTVM ἀπὸ τῆς περὶ αὐτὸν δόξης, αὐτὸς ἐπέκειντο τοῖς νέοις, αἰγυνιστὴν τῶν πολιτικῶν προσεπικῶν λόγων καὶ ῥητορικῆς ὄφελος, *ob eam, quæm habebat celebritatem, ipse iuuenibus præfecerit, athletam ciuiliū sermonum, decorisq̃ oratoricæ artis titulis eum ornans.* acceperunt igitur sophistæ Athenienses stipendium: quorū autem fuerit nummorum? id iam penitus inspicimus. de THEODOTO sophista commemorauit PHILOSTRATVS superiori loco,

¹ *theatr. rhetor. lib. III. cap. 13.* ² *de vitis sophistar. lib. I. n. 23. p. 526.* ³ *de vit. sophist. lib. II. n. 2. p. 366.*

quod

quod iuventuti Atheniensium instituendæ præfuerit ἐπὶ ταῖς μυρίαῖς, vbi vox δραχμαῖς subintelligenda est, vt adeo viri quidam sine caussa heic emendationem adhibere ac μυρίαῖς in κυρίαῖς permutare sibi sumserint. alio autem loco¹ eiusdem stipendii mentionem facit, quo tradit, quod Adriano sophista² romam translato, Athenienses consilium de legato ad imperatorem mittendo ceperint, vt θεόφωτος sophisticus traderetur CHRESTO, qui autem in concionem ipsorum prodians, non solum propositum hoc reddiderit irritum; sed & habitæ orationis extremo dixerit: ἔχαι μύριας τὸν ἄνδρα, non facit virum decem millium stipendium. sic G. OLEARIVS legit & verba hæc in latinam transtulit linguam; I. F. GRONOVIVS³ vero existimat, quod ista per signum interrogationis: ἔχαι μύριας τὸν ἄνδρα; distinguere ac subintelligere debeamus αὐτοῖς vel ζητοῖς, ita vt verba hæc dubiæ sint significationis, ac sophistæ CHRESTI cum modestiam præ se habeant, quasi diceret: nonne αἱ μύριας virum quærant; tum arrogantiam ipsius declarent, quod non CHRESTVS τὰς μυρίας, sed αἱ μύριας ipsum quærant. quæ coniectura critica GRONOVII satis quidem est ingeniosa; sed quum ex PHILOSTRATO pateat, quod CHRESTVS Atheniensium consilia minime adprobans, munus professoris artis oratoriæ recusauerit, scripturam, quam apud OLEARIVM deprehendimus, præferre minus dubitamus. idem salarium acceperunt quoque philosophi, de quibus LVCIANVS⁴

¹ de vit. sophist. lib. II. n. 11. p. 591. ² SVID. Αἰσώρ. VOSSIVS de historic. grac. lib. IV. cap. 17. p. 481. ³ de sebestii lib. IV. cap. II. p. 329. ⁴ cunuch. p. 841.

testatur

testatur, quod singulis ipsorum generibus constitutum fuerit stipendium; sed ἡ βρομὴ τῆς ἡν κατὰ τὸν ποιητὴν, καὶ ἱερῶν, ἀλλὰ μύρια κατὰ τὸν ἐνιαυτὸν, ἐφ' ὅτῳ συνέβαιναι τοῖς νέοις, non erat *pellis bubula iuxta poetam, nec porcellus: verum singulos in annos decem millia nummorum, quos accipiunt, uti doceant iuuentutem.* de cetero *drachma* notissimus erat Atheniensium argenteus nummus pondere drachinali, hoc est octauæ partis vnciæ, cuius pretium idem habetur cum pretio denarii nummi; ¹ ex qua pretii huius ratione facile colligere possumus, quid veterum philosophorum ac sophistarum Atheniensium salarium, seu μύρια δραχμαὶ effecerint. CRESOLLIVS ² existimat, quod valeant aureos gallicos 10 CCCXXXIII. cum assibus aliquot Turonensibus; & I. F. GRO-NOVIUS ³ dicit: μύρια δραχμαὶ efficiunt romanæ monetæ sester tia quadraginta, aureos quadringentos; at nostræ coronatos mille.

§. X. Ex hisce a nobis adductis ac illustratis exemplis cognoscimus haud obscure, quod eloquentiæ studia habuerint patronos & fautores suos, qui erga illorum doctores ac magistros liberalitatem ac benignitatem declararunt, ac quorum deliciae atque voluptas fuerunt, musis oratorii dignitatem, quæ ipsis iure ac merito debetur, tueri & in maius meliusque prouehere. quam benevolentiam nonnulli extra ordinem quoque experti sunt, atque amplissimos artis suæ ceperunt fructus. sic SEXTO CLODIO, quia SVETONIO ⁴ latinæ simul græcæque eloquentia professor dicitur, magna merces

¹ vide EYDÆVM de assē lib. V. BEVERINVM Syntagm. de ponderib. & mensur. p. 33. aborquet. ² theatro rhetor. lib. IV. c. 3. ³ dict. lac. ⁴ de clar. rhetor. cap. 5.

data est ab ANTONIO, cuius mentionem habet CICERO ¹ *at quanta merces*, ait, *rhetorē data est? audite, audite, patres conscripti & cognoscite reipublicae vulnera. duo millia iugerum campi Leontini Sexto Clodio rhetori adsignasti, & quidem immunia, ut pro tanta mercede nihil sapere disceres.* SEXT. CLODIVS quippe gratus erat ANTONIO, qui quamvis ipse dicendi arte fuerit destitutus, ideo tamen rhetorem hunc singulari profectus est favore, quod excellebat in iocis. accepit autem duo millia iugerum campi Leontini, sic dicti a Leontinis, vrbe in Sicilia, ² qui ager cultissimus & caput fuit rei frumentariae, ³ ob quum causam ANTONIVS largitione sua magnum vulnus reipublicae inflixit, cuius horreum Sicilia ob ingentem suam fertilitatem quondam habita est. * prodit quoque PLINIVS ⁴ vnam orationem vendidisse ISOCRATEM viginti talentis, ** quae efficiunt XII. millia coronatorum: quænam autem fuerit oratio, pro qua acceperit hæc viginti talenta, id non adeo expeditum ac clarum est. credibile esse videtur, ipsi pretium hoc datum fuisse aut pro oratione, quæ inscribitur Νίκοκλῆς, sub persona eiusmodi regis Cyprii scripta de officio civium erga imperantes; *** aut pro sermone funebri in laudem EVAGORAE filii ΝΙΟΚΚΛΙΣ, qui interemtus est a ΘΡΑΣΥΔΑΕΟ eunuchō olymp. ci. 3. ac ne hoc quidem nobis videtur silentio prætereundum, quod POMPEIVS magnus, quum RHODVM, nobilissimum sane eloquentiae templum profectus, ac sophistas

¹ *oration. Philippica II. cap. 17.*

antiqui lib. II. cap. 12. p. 978.

⁴ *histor. natural. lib. VII. cap. 30.*

² CELLARIVS notis. orbis

³ CICERO *frumentar. cap. 18.*

omnes audiuiſſet, ſingulis donauerit talentum, *ἐκάσω τάλαντον ἔδωκε*, vt habet P. L. V T A R C H V S, ¹ quod docentium præmium minime fuit contemnendum. namque talentum, Atticum quippe, quod ab historicis inprimis celebratur, valuit ſexaginta libras ſeu minas, hoc eſt ſex millia denarium vel drachmarum, quæ valent ſexagies denos coronatos, confer I. F. G R O N O V I V M. ² at vero quo minus & huc exemplum E V M E N I I rhetoris transferamus, impediunt cauſæ iuſtæ & grauiores. etenim de ſe ipſo dicit: ³ *ſalarium me liberaliſſimi principes, ex huius rei publicæ viribus in ſexcenis millibus nummum accipere iuſſerunt: non quoniam non amplius tribuere commodis meis vellent, in quem multo maiora & prius & poſtea præmia contulerunt; ſed vt tercena illa ſeſtertia, quæ ſacræ memoriæ magiſter acceperam, in honore priuati huius magiſterii addita pari forte geminarent.* ex quibus verbis haud obſcure colligere poſſumus, quod ſalarium hoc E V M E N I O non veluti rhetori, ſed ſacræ memoriæ magiſtro adtributum fuerit, cuius munus erat, adnotationes omnes dictare & emittere, & precibus reſpondere, ⁴ quo functum eſſe E V M E N I V M, ipſe prodit alio loco. ⁵ prout autem E V M E N I V S ſingularis & extra communia ponendus vir fuit, ſic & ampliſſimo uſus eſt ſtipendio, ſexcenis quippe millibus nummum. equidem C A S A V B O N O ⁶ hoc ſalarium nimium videtur, ideoque pro ſexcenis

¹ vit. p. 641. ² de ſeſtertius lib. III. cap. 3. p. 130. addit G. N. K R I E G E diatr. de peregrin. roman. acad. §. XLIII. p. 44. ³ orat. pro reſtaur. ſcholar. cap. XI. n. 2. ⁴ G U T H E R. de off. dom. Aug. III. 3. ⁵ panegy. Conſtantio Caſari dicto. ⁶ ad E V E R T O N I V M viſ. Oſhon. cap. 4. pag. 590. edit. G R A E V I I.

legendum censet *sexagenis*, quasi id EVMENIO veluti rhetori sit datum, adeoque pretium communis rhetorum stipendii nimis excedat. sed CASAVBONVS passus est aliquid humani. namque primum ipsa EVMENII verba clare testantur, quod salarium hoc ex honore magistri sacrae memoriae ipsi decretum fuerit; deinde pro scriptura CASAVBONI, qua *sexcenis* mutatur in *sexagenis*, dimidium salarii esset minus, quam pro dignitate ac munere hoc acceperit, siquidem aperte dicit: *sed ut tercena illa sestertia, quae sacrae memoriae magister acceperam, in honore priuati huius magisterii addita pari sorte geminarent.* quibus de causis utique retinendum est *sexcenis*, confer I. F. GRONOVIVM ¹ CHR. CELLARIVM ² IO. CHRISTFR. SAGITTARIVM. ³ ****

* CICERO pro lege Manil. cap. 12 Pompeius nondum tempestiuo ad nauigandum mari Siciliam adiit, Africam explorauit; inde in Sardiniam cum classe venit: atque hac tria frumentaria subsidia reipublicae firmissimis praesidiis nauibusque muniuit. LIVIVS lib. XXVI cap. 40. de consule LAEVINO refert, coegisse Siculos, positis tandem armis ad agrum colendum animos conuertere; ut esset non incolarum modo alimentis frugifera insula, sed urbis romae atque Italiae (id quod multis saepe tempestatibus fecerat) annonam leuaret.

** veteres, inprimis carminum auctores interdum pro monumentis ingenii sui magnifica acceperunt pretia. sic CHOERILVS Samius commemorauit victoriam, quam Athenienses de Xerxe reportarunt, ac pro singulis ver-

¹ de sestertio lib. IV. cap. II. p. 330. ² obseru. ad EVMENIUM ³ wat. p. 70. ³ etio lensf. p. 249.

sibus accepit statuerem, ac decretum adhuc est, ut carmen hoc cum Homericis recitaretur, vide VOSSIVM de poetis græcis cap. 5. p. 28. ANTILOCHVS, quum laudes LYSANDRI oratione ligata dixisset, ab eo pileo Laconico argenti pleno donatus est, vide VOSSIVM c. l. p. 44. ut de exemplis LABERII, VIRGILII aliorumque taceamus.

*** non insolens videri debet, elaboratam ab ISOCRATE orationem, quam rex recitauerit. LYSIAE aliorumque exemplis constat, solemne fuisse, sermones ab aliis dici, ab aliis scribi. sic romæ in NERONE recitante admiratus est senatus, quæ SENECA scripserat. vide I. A. FABRICIVM bibliothec. græc. lib. II. cap. 26. p. 903.

**** primus autem sophistarum, qui mercedem acceperit priuatam traditur PROTAGORAS, de quo scribit PHILOSTRATVS de vit. sophistar. lib. I. n. 10. τὸ δὲ μισθὸν διὰ λίσσεται πρῶτον μὲν εἶπε, docere autem mercede primus instituit; qui & hæc addit: πρῶτον δὲ παρὰ δὲ καὶ Ἕλλησι πρᾶγμα ἔμμεπτόν· ἃ γὰρ σὺν δαπάνῃ ἐκπιδάσκουσιν μᾶλλον ἀσπαζόμεθα τῶν προέκτα, primusque adeo rei nequaquam reprehendenda græcis auctor fuit. nam ea studia, quæ sumtu comparamus, longe cupidius complectimur, quam ea, quæ nibilo constant. idem testatur DIOGENES LAERTIVS lib. VIIII. segm. 52. qui & mercedem definit, quod exegerit μίνας ἑκατὸν, minas centum: confer. AEGID. MENAGIVM obseru ad LAERTIVM c. l. p. 420. & G. OLEARIVM ad PHILOSTRATVM d. l. p. 494. eadem summa GORGIAE a discipulis tradita est, quo autem antiquior fuit PROTAGORAS, quod VOSSIVS de natur. & constitut. rhet. cap. 10. ex PLATONE obseruauit. sic & ISOCRATES didactrum statuic

M. drachmarum, quod autem a civium suorum nemine accepit. vide FABRICIVM bibl. græc. lib. II. cap. 26. p. 901. conf. GRESOLIVM theatr rhetor lib. V cap 3. THOM. GRENIVM lib VII. animaduers. p. 140. seq.

§. XI. Sic primo præmiorum, quibus veteres sophistæ, rhetores ac oratores ornati fuerunt, genere illustrato, pergamus ad secundum, quod *honoris titulos* respicit, quos magnificos sæpe obtinuerunt. namque apud græcos sophistæ dicebantur θεόφραστοι, a diuinitate sermonis, θεοί, diuini seu præstantes, ὀλύμπιοι, cælestes, ἱερεῖς, δαριμόνιοι, diuini, μακάριοι, felices, beati, θαυμάσιοι, admirandi, βασιλεῖς, reges, σοφοί, sapientes: sic & alia nomina ipsis imposita fuerunt ob singularem elegantiam ac suauitatem orationis, siquidem nominabantur αἰδῶνες, lusciniæ, σειρήνες, sirenes, κομψοὶ ῥήτορες, belli & venusti rhetores, γλωτται, linguæ, ἑρμῆ λογίς τύποι, mercurii præsidis eloquentiæ typi, λόγιοι, disertii, σάλπιγγες, tubæ, item πατέρες, patres, δεσπότες, domini, quæ omnia per exempla elegantissime illustrat CRESOLLIVS, ¹ cuius singularis industria facit, vt hac in re studeamus breuitati. * num & apud romanos rhetores & oratores proprios sibi habuerint titulos honorum, probabili coniectura & ratione dici haud potest, quamuis adpellatione dignitatis & laudis plena sæpius fuerint decorati, dicebantur quippe disertii & eloquentes, a quibus homines *litteratos* distinctos fuisse, ex veterum latinorum auctorum monumentis obseruamus, prout CICERO ² de A. ALBINO testatur, quod *Et litteratus Et disertus* fuerit; &

¹ theatr. rhetor. lib. I. cap. 9. adde G. N. KRIEGER de sophistar. eloquentia §. 34. p. 69. ² de claris orator. c. 21.

paullo post ¹ dicit: *sed est mos hominum, ut nolint eundem pluribus rebus excellere. nam ut ex bellica laude adspirare ad Africanum nemo potest, in qua ipsa egregium Viriati bello reperimus fuisse Laliū: sic ingenii, litterarum, eloquentiæ, sapientiæ denique etsi utrique primas, priores tamen libenter deferunt Laliū.* etenim litterati grammatici sunt, ² a quibus differunt litteratores, seu primi magistri, quorum munus erat, prima tradere elementa, ut WOWERIVS ³ pluribus discrimen hoc exposuit. im mo dicti sunt eloquentissimi clarissimique, auctore CICERONE ⁴ *ut cognoscas, quæ viri omnium eloquentissimi clarissimique* ** *senserint de omni ratione dicendi;* ac SVETONIVS ⁵ dicit: *Serg. Galba consularis, temporum suorum eloquentissimus.* sic & CICERO, cui eloquentia, quæ florente ipsius ingenio maxima cepit incrementa, multa debet, ob dicendi vim singularem summis adfectus est laudibus, cui QVINCTILIANVS ⁶ adtribuit *immortalis ingenii beatissimam ubertatem;* quæ a PLINIO ⁷ dicitur *vir extra omnem ingenii aliam positus;* & AVELLEIO PATERCVLO ⁸ *perfectum prosæ eloquentiæ decus,* orationem & vniuersam vim forensē sub TVLLIO erupisse, adfirmatur. ac quem fugiat, quod maxima laudum ornamenta in oratoriam artem atque eloquentiam contulerint veteres, qui istam adpellauerint *lumen ingenii* & eique vim

¹ ibid. ² SVETON. de illustr. grammat. cap. 4. ³ polymath. cap. 4. p. 1017. tom. X. thes. ant. grac. GRONOVII adde PITISCVM observat. ad SVETON. c. 6. p. 1067. ⁴ de orator. lib. I. cap. 2. ⁵ vit. Galb. cap. 3. ⁶ institut. lib. X. cap. I. ⁷ prefat. hist. natural. ⁸ lib. I. c. 17. ⁹ CICERO de claris orator. cap. 15.

quamdam diuinam insitam esse iudicauerint,¹ cui quoque *a maioribus nostris est in tota dignitatis principatus datus*, vt idem auctor² dicit, qui & alio loco³ scribit: *grauis etiam illa est & plena dignitatis dicendi facultas, quæ saepe valuit in consule deligendo, posse consilio atque oratione senatus & populi, & eorum, qui res iudicant, mentes permouere; & paucis interiectis: non mirum, si ob hanc facultatem homines saepe etiam non nobiles consulatum consecuti sunt: præsertim quum hæc eadem res plurimas gratias, firmissimas amicitias, maxima studia pariat.* ***

* sic & apud veteres græcos consuetudo fuit, vt illustrioribus eruditione viris singulare quoddam agnomen dignitatis causâ adtribuerent. ex philosophis ANAXAGORAS dictus est σοφῆς, siue propter sapientiam, vide PLUTARCHVM vit. Pericl. siue quod materiæ adiecerit mentem, vt habet DIOGENES LAERTIVS lib. II. segm. 6. SOCRATES σοφῆς. etiam in oraculo quodam, cuius auctoritas quidem a nonnullis in dubium vocatur, σοφάτατος, PLATO σοφῆς, ARISTOTELES δαιμόνιος, DEMOCRITVS ἐν φιλοσοφίᾳ πένταδλος, HIPPOCRATES μέγας. ex recentioribus adpellatur AMMONIVS διειδιδάκτωρ, PLOTINVS μέγας, THEODORVS θρυμαγῶς, PORPHYRIVS φιλόσοφος, vide LVCAM HOLSTENIVM de vita & scriptis Porphyrii cap. 6. p. 233. edit FABRICII biblioth. græc. lib. IV. cap. 27. adde IONSIVM de scriptoribus historiæ philosophicæ lib. II. cap. 7. IO. MOLLERVM homonymoscopia p. 869.

¹ in Tuscul. quæst. lib. I. cap. 26. ² de offi. lib. 2. cap. 19.

³ pro L. Murena, cap. II.

seqq. & de adpellatione *polyhistoris* diximus
historia critica latinæ linguæ cap. IV. §. 7.
p. 179.

- *** tituli *clarissimi* frequens fit mentio apud C-
CERONEM, item *amplissimi*, quo senatores
inprimis ornabantur. tempore imperato-
rum non solum hæ adpellationes in vfu at-
que hominum more versatæ quoque fue-
runt, sed & aliæ accesserunt, *illustris* quippe,
spectabilis, *excellentissimi*, *magnifici*, quarum vsus
pro varia dignitate diuersus fuit: de quo mo-
mento legi possunt notitia dignitatum vtri-
usque imperii, quæ exstat tom. VII. antiquit.
romanar. I. G. GRAEVII; IAC. GVTHE-
RIVS de officiis domus Aug. 10. SELDE-
NVS de titulis honorum 10. CHR. BEC-
MANNVS in notit. dignit. illustrium. sed
hæc in transitu.

- *** de cetero apud romanos clarissimis quoque
viris cognomina imposita fuerunt aut a præ-
clara militia, aut ab eruditione, aut aliis me-
ritis in rei publicæ salutem. inter alios hac
laude effloruerunt C. MARCIUS, qui a *Corio-
lis* oppido captis dictus est *Coriolanus*; M. VA-
LERIUS CORVINUS, qui bello Punico pri-
mo transgressus in Siciliam *Messanam* urbem
cepit, cognominatus primum *Messana*; dein-
de mutata littera *Messala* dictus, a quo claris-
sima *Messalarum* familia originem accepit;
P. SERVILIUS *Isauricus*, ab *Isauris* vrbe Ci-
licię expugnatis adpellatus; vt de multis
aliis exemplis taceamus, quæ congescit
G. N. KRIEGER diatr. de modis inclarescendi
apud romanos § 35 seqq p. 27. ex viris litté-
rarum gloria splendidis ATTEIUS dictus est
philologus; M. TERENTIUS VARRO *toga-
torum doctissimus*; T. POMPONIUS *Atticus*,

quod Atticam linguam didicit felicissime;
 M. ANTONINVS imperator: *philosophus* ob
 studium, quod philosophiæ consecrauit, de
 quibus atque aliis compluribus exemplis vi-
 de TOB. MAGRIEponymologium criticum
 & IO. MOLLERVM homonymoscop. p. 873.
 inter doctores christianos, qui patres vocan-
 tur, deprehendimus quosdam, quibus ob sin-
 gularem eloquentiam cognomina laudis ac
 præclaræ existimationis imposita fuerunt. sic
 IOANNES, archiep. Constantinopolitan.
Chrysostomus; PETRVS, Rauennatum epi-
 scopus *Chrysologus*; RADVLPHVS Guilhel-
 mo IV. Aquitaniæ Duci a concionibus sacris,
Ardens; FERNARDVS, abbas Claræuallens-
 sis, *Mellifluus*; AVR. PRUDENTIVS *Amæ-
 nus* dictus est.

§. XII. Nobilissima pars studiorum vete-
 rum erat recitatio eorum, quæ conscripserant,
 qua non solum adolescentes, sed & adultiores
 viri, & ipsi principes ea, quæ ingenio elabora-
 uerant, prælegebant vel publice vel priuatim,
 vt ex signis cognoscerent, num ista placerent
 auditoribus, nec ne, de quo argumento iam
 alio loco ¹ diximus. quas recitationes se-
 quebantur *adclamationes & plausus* audito-
 rum, de quibus iam breui dispiciamus, ratio-
 nem veterum rhetorum ac sophistarum ha-
 bentes; qui & orationes suas recitarunt. audi-
 tores autem modo per vocem, modo per ge-
 stum adclamabant, atque plausus edebant.
 quod ad priorem rationem adtinet, diuersæ
 erant adclamandi formulæ, apud latinos BENE,
 PRAECLARE, BELLE, FESTIVE, NON
 POTEST MELIUS, RECTE, PVLCHRE,

¹ de variis modis litteras colendi apud veter. roman. §. VIII.

EVGE vide CICERONEM ¹ PERSIVM. ² apud græcos vero καλῶς, σοφῶς, ἀληθῶς, ὀρθῶς, ὑπερβαλλόντως, ἔν, θαυμαστῶς, aliæque huius generis. quo adclamandi ritu illud quoque moris ac consuetudinis fuit, vt sophistas magna titulorum pompa prosequerentur, ac laudibus illos extollerent ad cælum vsque. hinc LV-
CIANVS ³ has commemorat adclamationes: ὦ τῆς καινότητος. ἡράκλεις τῆς παραδοξολογίας. ζυμῆχανος ἀνθρώπου. ἔδεν ἂν τις εἴποι τῆς ἐπινόιας νεκρώτερον. in quibus prædicandi ac laudandi gratia clamoribus edendis effusi sane fuerunt, nec tantum in vna sermonis parte, sed fere in omnibus plaudere atque adclamare in more habuerunt; quamuis id præcipue in transitionibus & extremo orationum peragerent. quam in rem testantur multi vetustioris ætatis auctores. QVINCTILIANVS: ⁴ *quæ quidem virtus negligitur a plurimis, qui ad clamorem dispositæ vel etiam forte circumfusæ multitudinis compositi non ferunt illud intentionis signum, nec sibi disertis videntur, nisi omniatum multu ac vociferatione concusserint.* A. GELLIVS dicit: ⁵ *summo & soluto pectore obuias vulgatasque laudes effutiunt:* item ⁶ *quem quum iam inter ingentes clamores legentem inuenissemus: & AVR. VICTOR. ⁷ ob cuius laudem ingeminatis ad vocis vsque defectum plausibus adclamatum est. alii vero recitantes immensis audientium clamoribus minus delectabantur, ideoque anteponebant silentium: sic PLINIVS: ⁸ quum dico vel recito, non minus quam clamore delector; sit modo silentium*

¹ de oratore lib. III. cap. 26. ² satir. I. v. 49. ³ Zenxid. p. 377. ⁴ instit. orat. lib. IV. c. 2. ⁵ noct. Attic. lib. V. cap. I. ⁶ lib. XVIII. cap. 5. ⁷ epitom. cap. 34. ⁸ lib. II. ep. 10. n. 7.

*acre & intentum & cupidum vltiora audien-
di.* silentium enim perspicuum seriae ac ve-
hementis adtentionis argumentum est, quippe
quæ ex iudicio de præstantia ac suauitate ora-
tionis ipsiusque perceptione omnino oritur,
vnde & plausus admiratione compressos & re-
stinctos obseruamus. exhibet rei huius testi-
monium CICERO ¹ *de plausu autem quid re-
spondeam? qui nec desideratus vmquam a te
est, & nonnunquam obstupescit hominibus ipsa
admiratione compressus est.* quo factum est,
vt hæc plaudendi atque adclamandi licentia
aliquando auctoritate magistratuum coerce-
retur, cuius rei documento & exemplo esse
potest C. ALBVTIVS SILVS, qui quum pu-
blico iudicio peroraret, a lictore nimiae lau-
dantium voces cohibebantur teste SVETO-
NIO. ²

§. XIII. Posterior plaudendi modus fiebat
per gestum ac varium corporis eiusque parti-
um motum. quo pertinet primum plausus per
manus, quem ritum adtingit PHILOSTRATVS ³
*καὶ ἡ δεξιὰ τοῖς δακτύλοις ὑπεσπάλμενοις ὑποκειμέ-
νην τὴν αἰρῖσταν πλήττει ἐς τὸ κοῖλον, ἢ ὥσιν αἱ
χεῖρες ξύμφωνοι, πληττόμεναι τρέπων κυμβάλων,
dextera, contractis digitis subiectam finistram,
qua caua est, tundit; vt manus etiam conso-
nent, cymbalorum more percussæ.** deinde
quoque audientes mouebant pedes in plausus
gratiam, vt LVCIANVS ⁴ prodit, quod non
solum de sella surgere, sed & saltantium more
terram pedibus ferire atque tripudia exhibe-
re, moris fuerit ac consuetudinis. quam respi-

¹ pro Deiotaro cap. 12.² de clari rhetor. cap. 6.³ icon.

Cemi p. 766.

⁴ rhetor. praeceptor. p. 100.

ciens QVINCTILIANVS ¹ dicit: *minime vero permittenda pueris, ut sit apud plerosque, surgendi exsultandique in laudando licentia; & paullo post: at nunc proni atque succincti ad omnem clausulam non exsurgunt modo, verum etiam excurrunt & cum indecora exsultatione conclamant.* HIERONYMVS ² autem: *me dicente ex latere subsultabas & plaudebas manu, & adplodebas pede.* nonnumquam quoque in plaudendo vestes suas excutiebant, prout quum NERO imperator quid dixisset, τὰς τῆς χιτῶνος καὶ τὰ ἱμάτια ἀνίενοι, plaudebant *manibus & vestimentis*, teste XIPHILINO. ³ confer CRESOLLIVM ⁴ & FERRARIUM, ⁵ qui in hoc argumento illustrando diligenter sunt versati.

* CICERO pro P. Sextio cap. 55. dicit: *voces quidem & palmarum intentus & maledictorum clamorem omnes profuderunt*, quibus verbis significat, quod veteres in sibilis edendis consuetudinem quoque manus collidendi tenuerint. de cetero morem in antiquis monimentis obseruamus, quo oratores adlocuturi auditores extensa manu silentium facere laborarunt. sic PAVLVS κατὰ κράτος τῷ χειρὶ, orationem habuit, Aetor. XIII. v. 16. item XXI, 40. & de ALEXANDRO XVIII, 33. OVIDIVS metamorph. lib. I. v. 205.

*postquam voce manuque
murmura compressit; tenuere silentia cuncti.*

PERSIVS fatir. lV. v. 5. seqq.

*ergo ubi conuata seruet plebecula bile,
fert animus calide fecisse silentia turbæ
maiestate manus.*

¹ institut. orat. lib. II. c. 2. ² epist. 75. ³ epitom. DIONIS. p. 168. ⁴ theatr. rhetor. lib. III. cap. 20. ⁵ de vitæ
rum acclamation, & plausu.

§. XIII. Inter præmia veterum sophistarum, rhetorum & oratorum principem quoque locum obtinent *coronæ*, quibus fuerunt ornati, veluti ex certamine victores. id quod satis aperte testatur IULIANVS ¹ ὥσπερ γὰρ ἐν ἑμῇ λογικῇ σταδίοις διόλκῃ πολλάκις τῷ δρόμῳ σεφανώθεις ἤδη δι' ὧν ἐν ἐλίγοις γράφεις. τῆς αἰρετῆς τὸ ἀκρον ἐμφάνεις. nam ut in Mercurii *facundie stadiis toties iam victor coronatus*, mirabilem in paucis his scriptis virtutem tuam demonstras; & C. TACITVS ² tradit, quod propinquo lustrali certamine, senatus NERONI obtulerit victoriam cantus, adieceritque *facundie coronam*. erat quippe imperator hic moribus animi corruptissimi, qui in theatro publice cantare, ac histrionis personam tenere victoriæ cupidus sibi sumebat: quod dedecus ut auerteret senatus, ac ludicra NERONIS deformitas velaretur; consilium eius præuenit, ac ne cantaret, ad victorem ipsum pronuntiandum prompta & parata fuit voluntate. in fabularum autem monumentis obseruamus, quod VENVS, amorum, deliciarum ac voluptatum omnium dea, huiusmodi coronæ ornatu splendida exhibeatur in documentum facundiæ, qua nobilis a fabulosa ætate habita est: hinc CATVLLVS ³ dicit:

*si linguam clauso tenes in ore,
fructus proiicies amoris omnis,
verbosa gaudet Venus loquela.*

quod coronæ præmium in tanta fuit dignitate æstimationeque, ut oratores ac poetæ incredibili illius consequendæ traherentur studio, quæ & omni labore ac ingenii præstantia ad glo-

¹ epist. n. VIII. ad Georgium p. 377.

² lib. XVI. cap. 4. anal.

³ carm. 56.

riam istam peruenire, adnitebantur. cognoscimus id ex SVETONIO,¹ qui de NERONE dicit: *deinde in orchestram senatumque descendit; & orationis quidem carminisque latini coronam, de qua honestissimus quisque contendebat, ipsorum consensu concessam sibi recepit*; sic & THEODECTES, Phaselites, Isocratis discipulus rhetor atque tragœdiarum auctor² traditur, e sacris litterarum certaminibus octo retulisse coronas.³ erat enim corona signum singularis dignitatis ac honoris, quæ ingenii ac facundiæ præstantiam consequebatur, veluti præmium, quo litterarum studia maxime sunt digna: quocirca & ipsas musas coronatas deprehendimus, quippe quæ lauro, hedera, rosis, palmis ornata carminibus poëtarum celebrantur. ex qua autem materia coronæ rhetorum ac sophistarum fuerint compositæ, id accurate quidem definire non possumus, quum antiqui scriptores momentum hoc reliquerint intactum; id tamen satis clarum est, quod coronas fecerint ex diuersis materiæ generibus, nec mediocri probabilitate existimamus, quod quodammodo nonnulla fuerit hac in re inter coronas rhetorum ac poetarum similitudo, uti ex superiori SVETONII loco, quo vnus coronæ cum orationis, tum carminis latini mentio fit, coniecere possumus. at vero poëtæ coronas gesserunt ex hedera, quercu, palma, oliua, inprimis lauro, quod confirmant multi veteres auctores, quorum testimonia PASCHALIVS⁴ I. A. BOSIVS⁵ I. F. HECKELIVS⁶ SA-

¹ vit. Neroni cap. 12. ² FABRICIVS bibl. grac. lib. II. c. 19. p. 692. ³ PASCHALIVS de coronis lib. V. c. II. p. 320. conf. VOSSIVM de poetis gracis cap. 7. p. 31. ⁴ de coronis lib. V. cap. II. seqq. p. 317. ⁵ de sequentib. cap. 9. ⁶ de poetar. coronat.

MVEL PITISCVS¹ aliique exhibent. quin immo EXLVCIANO² colligimus, quod disertis, qui aduersarium sibi in certamine vicerant, fores coronatæ fuerint palma, siquidem dicit: καὶ ἡττῶμαι μὲν τὰ πλείστα. οἱ φοινῖκες δὲ ἐπὶ τῇ θύρᾳ χλωροὶ ἐσεφανωμένοι, ut plurimum tamen succumbo, ac nihilominus viridi palma fores coronantur: & IUVENALIS³ ac MARTIALIS⁴ non obscurè significant, quod & palmæ sine corona positæ fuerint, quando ille dicit:

ut tibi lasso

figantur virides, scalarum gloria, palma;
hic vero:

sic fora mirentur, sic te palatia laudent,
excolat & geminas plurima palma fores.

§. XV. Ita corona præmium fuit facundia, idque honoris ac dignitatis plenum. sed tamen obseruamus quoque, quod & oratores ac rhetores non perorarint, priusquam fuerint coronati: quem ritum exprimit PRAXAGORA mulier apud ARISTOPHANEM⁵ his verbis:

ἐγὼ δὲ θεῖσα τὰς σεφάνους περιδήσομαι,
καὶ αὐτὴ μεθ' ὑμῶν, ἣν τί μοι δόξῃ λέγειν.

ego autem ipsa coronam ponens coronabor
vobiscum, si forte quid dicere mihi videbitur
necesse.

vbi scholiastes: περιδήσομαι, ὅτι οἱ δημαγωγοὶ ἐσεφοντο, ac paullo post⁶ mulier hæc addit:

τίς ἀγορεύειν βύλεται; *

ΓΥ. ἐγώ. ΠΡ. περίθῃ δὴ τὸν σεφάνον τύχῃ γὰρ θῆ.
ΓΥ. ἰδέ.

¹ lexic antiqu. rom. tom. II. p. 453.

² rhetor. praecept. p. 324.

³ satir. VII. v. 118.

⁴ lib. VII. epigr. 27.

⁵ italica. v. 122.

⁶ 133. p. 445. edit. KUNZERI.

⁷ v. 130. seqq.

quænam

quænam concionari vult?

MV. ego. PR. *imponere igitur capiti coronam,
quod faustum & felix sit.*

MV. *maxime.*

item ¹

ΠΡ. εἴθ' ἥτις ἐτέρᾳ βέλεται λέγειν; ΓΥ. ἐγώ.

ΠΡ. Ἰθὶ δὴ σεφάν, καὶ γὰρ τὸ χεῖμ' ἐργάζεται.

PR. *an est vestrum, qua velit dicere?* MV. ego.

PR. *abi igitur & coronam cape; res quippe
vrget.*

quæ testimonia ARISTOPHANIS satis sunt
perspicua, ac obseruationem nostram, quod
oratores quum in eo fuerint, vt declamarent
recitarentque sermones, imposuerint sibi co-
ronas, stabiliunt ac confirmant, quibus adhuc
aliud ex OVIDIO ² aduicimus:

*dixit: & extemplo populum grauemque se-
natum*

*conuocat. ante tamen pacali cornua lauro
velat.*

qui & paucis versibus interiectis ³ dicit:

*rursus ad hos Cipus, quem poscitis, inquit
habetis:*

*& demta capiti populo prohibente corona
exhibuit gemino præsignia tempora cornu.
demisere oculos omnes, gemitumque dedere:
atque illud meritis clarum (quis credere
possit?)*

*inuiti videre caput: nec honore carere
ulterius passi, festam imposuere coronam.*

quodsi igitur oratores coronam veluti præ-
mium eloquentiæ acceperunt: existit hoc lo-

¹ v. 147. addidit infra Thom. ph. v. 387.

² lib. XV. v. 590.

seqq. metamorph. 3 v. 609. seqq.

co disceptatio ac quaestio: quo iure rhetores & oratores quum meditantur orationem recitandam, coronas sibi imposuerint? ponamus ea de causa discrimen inter coronas priuatas ac publicas, quod ad vsum illarum adinet: illae priuato cuiusque vsui permittae fuerunt, vti coronae conuiuales, virginales, nuptiales; hae vero auctoritate publica claris viris ac praestantissimis ingeniis tradebantur, vt pro meritis in rempublicam praemium haberent dignitatis, quo pertinent coronae militares, ciuica, castrensis, muralis, naualis, victrices, obsidionalis, oualis, triumphalis, quibus viri nilitia eminentes ornabantur; item coronae litterariae, quae merita in litterarum salutem veluti praemium consequebantur. quo posito discrimine, facili negotio quaestioni illi satisfacere possumus. etenim oratores & coronarum ornatu sunt adfecti, in gratiam honoris ac praemii auctoritate magistratus constituti; & sibi ipsis imposuerunt coronas easque priuatas, vt eloquentiae atque arti dicendi maiorem conciliarent splendorem. **

* *τίς ἀγορεύει βέλεται*; formula fuit in concionibus & comitiis populi Arheniensis. qua cuiuis, qui vellet, ad dicendum aperiiebatur via. hinc & MERCVRIVS apud LVCIANVM de or. concil. p. 709. *ἀκού. τίς ἀγορεύει βέλεται τῷ τελείῳ Σοῶν*; vide SAMVEL PETITVM de legib. Attic. p. 209.

** de AESCHINE tradit quoque PHILOSTRATVS vit. sophistar. lib. I. n. 18. p. 508. quod praemium coronae ob res praecclare gestas aliaque merita acceperit, cuius & PLUTARCHVS ac APOLLONIUS vita ipsius mentionem faciunt.

§. XVI. Coronas subsequuntur *statuæ* in honorem quoque veterum rhetorum positæ. qui liberales artes profitebantur, earumque cognitione ac cultura erant clarissimi, præmium industriæ suæ in statuis quoque consecuti traduntur, adeo ut nulla fere litterarum professio a dignitate hac fuerit exclusa. namque de legum interpretibus testatur id PLINIVS ¹ *statua fuit & Hermodori Ephesii in comitio legum, quas decemviri scribebant, interpretis publice dicata*; de medicis SVETONIVS ² *medico Antonio Musæ, cuius opera ex ancipiti morbo convaluerat statuam ære collato iuxta signum Aesculapii statuerunt*; qui & de grammaticis idem confirmat, quum de ORBILIO dicit ³ *statua eius Beneventi ostenditur in Capitolio ad sinistrum latus marmorea, habitu sedentis ac palliati, adpositis duobus scriniis*; item de VERRIO FLACCO ⁴ *statuam habet Præneste, in inferiore fori parte*; quod non minus de poetis clarum est & satis tantum ex HOMERI exemplo probari potest. verum & rhetores in censu illorum fuerunt, quibus collocarunt statuas, quarum mentionem facit AVCTOR dialogi de causis corruptæ eloquentiæ ⁵ *minimum inter tot ac tanta locum obtinent imagines, ac tituli & statua: quæ neque ipsa tamen negliguntur; tam hercule, quam divitiæ & opes, quas facilius inuenies, qui vituperet, quam fastidiat. his igitur & honoribus & ornamentis & facultatibus refertas domos eorum videmus, qui se ab ineunte adolescentia causis forensibus & oratorio studio dederunt; quibus verbis elucet, quod illi, qui oratoriæ*

¹ M. N. lib. XXXIV, cap. 5. ² vit. Augusti cap. 59. ³ de illust. grammat. c. 9. ⁴ ibid. cap. 17. ⁵ cap. 8.

arti eiusque exercitiis sese tradiderint, magnam perceperint felicitatem, ac honore *titulorum & statuarum* sint adfecti. consuetudo enim erat apud veteres, ut tituli seu inscriptiones adponerentur statuis, quibus nomina, parentes, maiores, magistratus, merita eorum, in quorum dignitatem locabant statuas, aliaque momenta indicabant, ut EDMUNDVS FIGRELIVS¹ pluribus ostendit. adhuc apud eumdem auctorem² MATERNVS dicit: *ac iam me seiungere a forensi labore constitui, nec comitatus istos & egressus aut frequentiam salutationum concupisco: non magis quam ara & imagines, quæ etiam me nolente in domum meam irruerunt*; ubi per *ara* intelligit statuas, titulos. quæ testimonia quamuis sint clara, etiam firma ac grauia, illis tamen adhuc aliud, idque PLINII, præstantissimi quoque oratoris adiungere non ab re esse ducimus, quippe qui dicit³ de TRAIANO imperatore: *quem honorem dicendi magistris, quam dignationem sapientia doctoribus habes?* quibus verbis respicit statuas, quas TRAIANVS rhetoribus ponendas curauit, ut ex iis, quæ iam dicamus, luculenter patebit.

§. XVII. Quod rhetoribus ac oratoribus collocatæ sint statuae, id quoque variis exemplis probari ac illustrari potest. huiusmodi honos habitus est ISOCRATI, cuius statua apud FVLVIVM VRSINVM⁴ cum inscriptione: *Ισοκράτης Θεωδώρου Ἀθηναῖος, Isocrates. Theodori F. Atheniensis*, sed capite, quod a GRONOVIO⁵ exhibetur, trunca exstat: erat.

¹ de statuis illustribus romanor. cap. 27. 28. p. 228. ² de causis corrupt. eloqu. cap. 11. ³ panegy. cap. 47. ⁴ eleg. p. 77. thesaur. antiquit. græc. tom. II. tab. 81.

quippe

quippe vir eloquentiæ gloria splendidus, de quo CICERO ¹ dicit: *Isocrates cuius domus cuncta græciæ quasi ludus quidam patuit atque officina dicendi: magnus orator & perfectus magister, quamquam forensi luce caruit, intraque parietes aluit eam gloriam, quam nemo quidem meo iudicio est postea consecutus.* * ad eandem dignitatem peruenit PROAERESIVS sophista, quoue præceptore vsi sunt BASILIUS & GREGORIUS NAZIANZENSIS, quippe qui de romæ laudibus ac splendore dixit copiose, ob quod ipsi statua posita ex ære cum hac inscriptione: ἡ βασιλεύσα βασιλῆων τῶν βασιλεύοντι τῶν λόγων, *regina rerum romæ regi eloquentiæ*, teste EVNAPIO. ² sic & ANDOCIDIS, qui in bello inter Corinthios & Corcyræos nauarchus fuit, cuiusue quatuor adhuc exstant orationes, statuam, in qua inscripta sunt: Ἀνθοκίδης Λεωγόρεος Ἀθηναῖος, *Andocides Leogora F. Atheniensis* apud VRSINVM ³ deprehendimus: & PHILOSTRATVS ⁴ de ARISTIDE tradit: Σμυρναῖος χαλκῆν ἐστησαν αὐτὸν ἐπὶ τῆς κατὰ τὴν Σμύρναν ἀγορᾶς, *Smyrnaei æream ipsi statuam erexerunt in foro Smyrnenfi*, quoniam Smyrnam terræ motibus destructam incredibili orationis grauitate MARCO imperatori adeo commendauerat, vt lacrimis ac tristitiæ sese traderet, ac vrbs huius polliceretur renouationem. IVLIVS CAPITOLINVS ⁵ autem prodit, quod ANTONINVS philosophus oratoribus vsus sit græcis Annio Marco, Caninio Celere & Herode

¹ Brut. cap. 8. ² vita Proaerisii, addo CRESOLLIVM theatr. rhetor. lib. I. cap. 8. FABRICIVM bibl. græca lib. IV. c. 32. p. 486. ³ elog. p. 73. ⁴ vit. sophist. lib. II. n. 9. p. 582. ⁵ vit. Anton. cap. 2.

Attico; latino FRONTONE CORNELIO, de quo addit: *sed multum ex his Frontoni detulit, cui & statuam in senatu petiit.* quumque superiora PLINII verba, quæ mirifica TRAIANI studia erga dicendi magistros laudibus exornant, ad statuarum honores adcommo-
dimus, non ab re esse existimamus, hanc ob causam exemplum quoddam proferre, quo pateat, TRAIANVM quoque rhetores hoc gloriæ præmio adfecisse: quocirca prouocamus ad XIPHILINVM ¹ ἔθηκε δὲ καὶ τῷ Σοσίου καὶ τῷ Πάλλω καὶ τῷ Κέλσῳ εἰκόνας, *Sossio quoque & Palmæ & Celso (rhetori) statuas posuit.*

* apud PHILOSTRATVM de vitis sophistarum lib. I n. 17. de ISOCRATE vulgo hæc leguntur: ἡ γὰρ αὖ ἐδὲ τῆς ἐν Ὀλυμπίᾳ εἰκότος ἔτυχεν, *neque enim Olympiæ statuam consecutus esset.* sed G. OLEARIVS p. 506. pro Ὀλυμπίᾳ legendum censet Ὀλυμπίᾳ, vt intelligatur Olympium Atheniense, vbi statuam ISOCRATIS posuerat APHAREVS. confer MEYRSIVM Athen Attic lib. I cap. 10.

§. XVIII. Consuetudinem ac institutum bibliothecas statuis atque imaginibus clarorum virorum exornandi, tenuerunt veteres, ita vt non solum illorum, qui vita defuncti fuerant sua; sed & viuorum statuas atque imagines ibi posuerint. qua de re testatur PLINIVS ² *M. Varronis in bibliotheca, quæ prima * in orbe ab Asinio Pollione ex manubiis publicata romæ est, vnius viuentis posita imago est: qui & de illis, quorum libri in bibliothecis fuerunt, eorumque imaginibus ibi positis differit: ³ non est prætereundum & nouitium*

¹ epitom. DIONIS. p. 248.

² H. N. lib. VII. cap. 30.

³ H. N. lib. XXXV. cap. 2.

inuentum. siquidem non solum ex auro argenteo, aut certe ex ære in bibliothecis dicantur illi quorum immortales animæ in iisdem locis ibi loquantur: quin immo etiam, quæ non sunt, finguntur pariuntque desideria non traditi vultus, sicut in Homero evenit. ita TRAIANVS Prulæ statuam in bibliotheca positam habuisse dicitur a PLINIO: ¹ *ipse in re presenti fuit & vidi tuam quoque statuam in bibliotheca positam*; TACITVS vero imperator CORNELIVM TACITVM, scriptorem historiæ augustæ in omnibus bibliothecis collocari iussit, referente VOPISCO. ² eadem ornamenta erant in bibliothecis priuatis. PLINIVS ³ de SILIO ITALICO: *plures iisdem in locis villas possidebat: multum ubique librorum, multum statuarum, multum imaginum, quas non habebat mado, verum etiam venerabatur*: item ⁴ *Herennius Seuerus, vir doctissimus, magni æstimat in bibliotheca sua ponere imagines municipum tuorum, Cornelii Nepotis & Titii Cassii*; quod antiquitatis momentum iam illustrarunt IVNIUS, ⁵ LOMEIERVS ⁶ LIPSIVS ⁷ FIGRELIVS, ⁸ BARTHOLINVS. ⁹ prout autem rhetoribus atque oratoribus statux sunt locatæ; sic & istas in bibliothecis posuerunt, ut illarum essent ornamentum ac decus: quam in rem testatur exemplum NUMERIANI Cæsaris, cui statuam statuerunt non ob dignitatem imperatoris, sed ingenii atque eloquentiæ merita, auctore VOPISCO, ¹⁰ qui dicit: *huius oratio fertur ad senatum missa, tantum*

¹ lib. X. epist. 85. n. 7.

² cap. 10.

³ lib. III. epist. 7. n. 8.

⁴ lib. IV. epist. 28. n. 1.

⁵ de picturis II. 8.

⁶ de bibl. cap. 14.

⁷ de biblioth. cap. 10.

⁸ de statuis illustr. romanor. cap. 24.

⁹ de legendis libris diff. 2.

¹⁰ vit. Numeriani.

habuisse eloquentiae, ut illi statua non quasi Caesari, sed quasi rhetori decerneretur, ponenda in bibliotheca Vlpia, cui subscriptum est: NUMERIANO CAESARI, ORATORI TEMPORIBVS SVIS POTENTISSIMO.

* *idem in animo habuerat IVLIVS Cæsar, bibliothecas græcas & latinas, quas maximas posset, publicare, quod SVETONIVS cap. 44 memorauit, sed fato præuentus nihil perfecit. AVGVSTVS autem Cæsar duas legitur constituisse publicas, Octauiam in Octauiae porticu in sororis honorem nominatam: & Palatinam iuxta ædes suas & Apollinis templum in monte Palatino vide CELLARIVM disseruat academ. p. 358.*

§. XVIII. Varia igitur præmiorum, quæ sophistis, rhetoribus atque oratoribus veteres tribuerunt liberaliter, genera memorauimus. nunc tradamus, quod & legationes adeoque amplissima administrauerint munera. sic GORGIAS legatus missus a Leontinis ad Athenienses, qui & vi eloquentiae animos ipsorum occupauit, quæue ei credita fuerunt, feliciori perfecit successu, teste DIODORO SICVLO. ¹ ANTONIVS autem POLEMO, patria Laodicenensis, ex consulari familia sophista, apud Smyrnæos magno in pretio fuit ob legationes, quas ad imperatores suscepit iisque prouinciarum egit causas, prout ADRIANI voluntatem ita conciliauit Smyrnæis, ut vno die multitudinem pecuniae in illorum ciuitatem effuderit, ex qua & annonæ emporia, & gymnasium omnium, quæ in Asia sunt, magnificentia princeps, constructa sunt, auctore PHILOSTRATO, ² qui & de HIP-

¹ lib. XII. ² de vit. sophist. lib. I. n. 25. p. 532. adde I. A. FABRICIVM bibl. gr. lib. IV. c. 30. n. 2. p. 368.

PIA dicit: ¹ πλείστα δὲ Ελλήνων πρεσβεύσας, ἧδα μὲν κατέλυσε τὴν ἑαυτῇ δόξαν, δημηγορῶν τε καὶ διαλεγόμενος. *quum vero legationes sepius, quam quisquam graecorum obierit, nullibi tamen sui gloriam, neque concionando neque disputando diminuit; etiam multas SCOPELIANI sophistæ legationes memorat, ex quibus illa emineat, quam pro vitibus non solum pro Smyrnæis, sed & pro vniuersa simul Asia suscepit, cuius rationem his verbis exponit* ² ἰδοὺ καὶ τῷ βασιλεῖ, μὴ εἶναι τῇ Ἀσίᾳ ἀμπέλως, ἐπεὶ δὴ ἐν οἶνῳ σασιλίζειν ἔδοξαν, ἀλλ' ἐξαίρετοί ται μὲν ταῖς ἡδὴ πεφυτευμέναις, ἀλλὰς δὲ μὴ φυτεύειν ἔτι. ἴδεις δὴ πρεσβείας ἀπὸ τῷ κοινῷ, καὶ ἀνδρῶς, ὅς ἐμελλεν, ὥσπερ Ορφεύς τις ἢ Θάμυρις, ὑπὲρ αὐτῶν θείλξεν. αἰρῶνται τοίνυν Σκοπελιανὸν πάντες. ὁ δ' ἔτω τί ἐκ περιστάς ἐκράτει τὴν πρεσβείαν, ὡς μὴ μόνον τὸ ἐξῆναι φυτεύειν ἱπανελθεῖν ἔχων, ἀλλὰ καὶ ἐπιτίμια κατὰ τῶν μὴ φυτευόντων, *vineas in Asia nullas esse imperator decreto voluerat; quoniam vinum ad rebellandum animos Asianis fecisse videbatur: exscindi igitur iam tum plantatas, nouas vero non plantari vllas (præcepit). legatione igitur opus erat publico nomine & viro, qui tamquam Orpheus Thamyrisque, earum tuendarum gratia delinimentis uteretur. Scopelianum igitur omnes eligunt. hic autem cum tanto felicitatis excessu legatione functus est, ut non solum impetrata vites plantandi licentia redierit sed & multa non plantantibus constituta.* APOLLONIVS MOLO, clarissimus dicendi magister, quiue discipulos habuit CICERONEM & IVL. CAESAREM, * dictatore

¹ vit. sophist. lib. I. n. II. p. 495.
pag. 520.

² vit. sophist. lib. I. n. II.

SYLLA, legatus ad senatum romanum de Rhodiorum præmiis venit, † vt alia exempla dimittamus silentio. ** quapropter apud romanos auctores orator idem significat ac legatus. LIVIUS † eaque clade haud minus, quam aduersa pugna subacti Veientes, pacem petitura oratores romam mittunt. VIRGILIUS †

iamque oratores aderant ex urbe latina.

velati ramis oleæ, veniamque rogantes;

quoniam legati causas reipublicæ agebant ac perorabant, hinc & actores causarum dicebantur oratores, vt SERVIUS † obseruat. confer PASCHALIUM † aliosque, qui de legatis scripserunt.

* CICERO de seipso Brut. cap. 91. dicit: quibus non contentus Rhodum veni, meque ad eundem, quem Romæ audiueram, Molonem adplicavi, cum actorem in veris causis, scriptoremque præstantem, tum in notandis animaduertendisque vitiis & instituendo docenloque prudentissimum, de CAESARE autem SVETONIUS vit. cap. 4. Rhodum secedere statuit, & ad declinandam inuidiam & vt per otium ac requiem Apollonio Moloni, clarissimo tunc dicendi magistro operam daret. ita legit CASAVBONVS, qui obseruat, quod APOLLONIVS MOLONIS, qui & Μαλωνὲς dicatur, distinguendus sit a MOLONE. sed hac ratione ponit tantum CASAVBONVS discrimen inter græcam ac romanam adpellandi consuetudinem: etenim APOLLONIVS habet cognomen MOLONIS, casu gignendi more græco, quo filiis patrum nomina adtributa sunt, vt HERODES Attici, THVCYDIDES Orolî. at hic casus additus

† CICERO Brut. cap. 90. 2 lib. I. cap. 15. 3 lib. XI. v. 100. Aeneid. add. v. 331. 4 ad VIRGILIUM lib. XI. v. 100. 5 legat. sap. 2. p. 7. cap. 20. p. 120.

non semper parentem significat; sed interdum aliud quid subintelligitur e. g. CLINIAS *Alcibiadis* sc. pater; OLYMPIAS *Alexandri* scil. mater, vide CUPERI Harpocratem p. 126. seq. TH. GALEI diff. de scriptoribus mythologicis p. 19. seq. pro hoc casu parentis scriptores romani interdum posuerunt casum nominandi, itaque dixerunt HERODEM *Atticum* pro *Attici*, APOLLONIVM *Molonem* pro *Molonis*: confer SALMASIVM comment. ad inscriptionem Regillæ p. 89. FABRICIVM bibliograph. antiquar. cap. 20. §. 17. G. OLEARIVM ad PHILOSTRATVM de vit. sophist. lib. II. n. i. p. 546. venit autem APOLLONIVS MOLO romam anno v. c. DCLXVI. vide IONSIUM de scriptoribus hist. philos. lib. II. cap. 16. §. 3.

** hoc loco & mentionem habemus legationis pro Amphipoli restituenda Atheniensibus ad PHILIPPVM, quam decem, & in illis AESCHINES quoque ac DEMOSTHENES susceperant; quamvis hunc eloquentia defecerit; nec potuerit, utcunque PHILIPPVS humanis verbis ipsi adderet animum, seipsum colligere. quæ res inter AESCHINEM & DEMOSTHENEM concitauit discordiam, ut memorat id ipse AESCHINES orat. de falsa legatione. p. 394.

§. XX. Sunt adhuc, quæ restant, præmiorum genera, de quibus ad summam iam dicamus. magistratus habuerunt veteres sophistæ, rhetores atque oratores, & in summos dignitatis atque honoris gradus sunt euecti: SVETONIUS ¹ *quare magno studio hominibus iniecto, magna etiam professorum ac doctorum*

¹ de clar. rhetor. cap. 3.

profluxit copia, adeoque floruit, ut nonnulli ex infima fortuna in ordinem senatorium atque ad summos honores processerint: quam ob rem exempla eaque obseruatione maxime digna proferamus. de SCOPELIANO scilicet tradit PHILOSTRATVS ¹ ἀρχιεπὺς μὲν γὰρ ἔγινετο τῆς Ἀσίας αὐτός τε καὶ οἱ πρόγονοι αὐτοῦ, παῖς ἐκ πατρὸς πάντες, pontifex nempe Asia fuit ipse, maioresque eius, filio patri in eo officio succedente; quæ verba ut adcuratius percipiamus mente, etiam cognoscamus, amplissimo muneri præfuisse SCOPELIANVM sophistam, quædam de Asiarchis, in quorum numero fuit, edisserere nobis est in animo. dicuntur quippe Asiarchæ ab Asia; sed quum partem illam orbis varia ratione diuidunt geographiæ auctores, in minorem & maiorem; citeriorem & vltiorem; proconsularem & proprie dictam, vide CHR. CELLARIUM ² & SEVERINVM LINTROPPIVM. ³ disceptatio existit: a qua Asia adpellari sint Asiarchæ? ALB. RVBENIVS ⁴ adpellationem hanc ab Asia minore; SPANHEMIUS ⁵ vero, MORELLVS ⁶ van DALE ⁷ ab Asia proconsulari; & LINTROPPIVS ⁸ ab Asia strictè dicta, id est media parte provinciae proconsularis circa Ephesum & Lydiam propriam deriuant. id nobis in præsens satis est, quod Asiatici communia habuerint sacra ac certamina, in honorem cæsarum aut numinis instituta, quippe quæ in principibus Asiæ vrbibus celebrabantur, κοινὰ τῆς Ἀσίας ad-

¹ de vit. sophistar. lib. I n. 21. p. 515. ² not. orb. antiqui lib. III. cap. I. ³ melet. crit. ad selest. N. T. loca melet. I. p. 14. seqq. ⁴ diatr. de vrbibus noceru tom. XI. antiquitas. roman. thesaur. GRAEVI. ⁵ epist. ad MORELLVM 5. p. 316. ⁶ Specimin. rei nummar. p. 30. ⁷ de antiquis. an. marmorib. dissero. 3. pag. 277. ⁸ cit. loc. p. 27. seqq.

pellara, * quos conuentus communes *Ephesi* in primis habebant, cui vrbi non solum ipsius amplissimæ facultates & magnitudo, sed & celeberrimum Dianæ templum singularem effecerant dignitatem, adeo vt & a LVCA¹ vocetur: πόλις νεωκόρος τῆς μεγάλης Θεᾶς Ἀρτέμιδος καὶ τῆς Διοπέδης. sed tamen aliæ adhuc vrbes fuerunt, quæ huiusmodi κοινὰ instituebant, *Smyrna* quippe, cuius ciues in nummis dicuntur πρώτοι τῆς Ἀσίας, *Pergamus*, Ephesiorum & *Smyrnæorum* æmula, perinde πρώτη vocata & νεωκόρος ob magnificum AESCVLAPII templum, item *Laodicea* aliæque. his igitur communibus sacris & certaminibus qui præerant, illi & Ἀσιάρχαι dicti & Ἀρχιερεῖς Ἀσίας, adeo vt hæ adpellationes idem significauerint, quod nummi & monimenta alia antiqua testantur: quemadmodum *Smyrnæi* epistola de Polycarpi martyrio² commemorant Philippum Ἀσιάρχην, & eundem extremo epistolæ huius adpellant Ἀρχιερέα. ** verum dignitas Asiarcharum fuit summa & splendidissima, qui gerebant magistratus, imperia & potestates, etiam singularis pietatis ac iudicii opinionem præ se habebant; nec non vitæ vestitusque ratione ab aliis ciuibz erant seiuncti ac diuinis sane fruebantur honoribus. confer VALESIVM³ SPANHEMIVM⁴ SELDENVM⁵ LEMONIVM.⁶ SCOPELIANVS igitur sophista Ἀσιάρχης seu Ἀρχιερεὺς τῆς Ἀσίας fuit, adeoque personam amplissimi ac grauissimi magistratus tenuit.

* sic & populi communes conuentus instituebant, vt societate consiliorum inter se con-

¹ acter. XIX. v. 35. ² vid. patres apost. sic tom. II. p. 188. edit. CLERICI. ³ ad EVSEBIVM p. 7. ⁴ de præstantia & usu numismat. p. 691. ⁵ ad marmor. Oxon. III. p. 73. & XXIIK. pag. 96. ⁶ proleg. ad V. S. p. 25. 61.

iuncti, de causis publicis agerent, mutuam confirmarent amicitiam ac patriam a calamitatibus vindicarent. huiusmodi commune concilium celebrant Achæi apud LIVIUM lib. XXXVIII. cap. 34. eadem societas conjunxerat Bæotiæ populos, eodem auctore lib. XLII. c. 43. qui & lib. XLV. cap. 18. memorat, Macedonibus facultatem *κοινοβελίας* indulgisse romanos, ut de aliis exemplis taceamus. conf VALESIVM ad AMM. MARCELLINVM lib. XXVIII. p. 373.

** deprehenditur quoque vox *Asiarchæ* apud LVCAM act. apost. XVIII 31. & quidem numero multitudinis; cuius autem scriptor hic sanctus minime auctor est, uti LORINVS in h. l. p. 580. existimat. namque STRABO geograph. lib. XIII. p. 746. de Trallibus agens dicit: *αἰεὶ τις ἐξ αὐτῶν εἰσιν οἱ πρῶτεύοντες κατὰ τὴν ἐπαρχίαν, ὥς Ἀσιάρχας καλεῖσιν, semper aliqui eorum sunt princeps in provincia loco, quos Asiarchas adpellant.* constat autem, STRABONEM sub AVGVSTO & TIBERIO floruisse & geographiam vel anno V. C. 10 CC LXXI. id est, TIBERII IV. vel ante annum imperatoris huius XII. scripsisse, vide FABRICIVM bibl. græc. lib. IV. cap. 1. p. 3 LVCAM vero NERONIS imperii anno X. Christi LXIV. vtrumque opus diuinum litteris tradidisse, probabili opinione adfirmamus.

§. XXI. At vero ut præfides communium sacrorum accertaminum in Asia dicti sunt generatim *Ἀσιάρχαι*, sic quoque in antiquis monumentis deprehendimus, qui speciatim Lyciæ *κοινῶν* XXXIII vrbium præerant, adpellati *λυκιάρχαι*, vide STRABONEM, cui muneri administrando sophistæ etiam sunt admoti, ut documento atque exemplo esse potest HERA-

lib. XIII. p. 665.

CLIDES

CLIDES Lycius, de quo dicit PHILOSTRATVS: ¹ ἀνὴρ ἐπιλογισμώτατος καὶ Ηρακλείδης, ὁ Λύκιος· καὶ τὰ οἰκεῖ μὲν, ἐπεὶ δὴ πατέρων τε ἀγαθῶν ἔφυ· καὶ ἀρχιερέων Λυκίων ἐγένετο. *vir spectata auctoritatis Heraclides etiam fuit, Lycius; tum familiae causa, nam bonis parentibus ortus erat: tum quod ipse inter pontifices Lycios esset.* * adhuc de HERODE Atheniensi legimus, quod fuerit praeses ἐλευθέρων πόλεων, id est urbium, quæ suis & legibus & magistratibus utebantur, ** UT PHILOSTRATVS ² de eo testatur, quod se contulerit Smyrnam, ut fructu consuetudinis cum POLEMONE frueretur, κατὰ χρόνους, ὅς τις τὰς ἐλευθέρων τῶν πόλεων αὐτὸς διαφεύγοι, iis temporibus, quibus liberas ciuitates ille moderabatur; & alio loco ³ dicit: ἤρχε μὲν γὰρ τῶν κατὰ τὴν Ἀσίαν ἐλευθέρων πόλεων ὁ Ηρώδης, *praerat nempe liberis Asiae ciuitatibus Herodes.* sed qualis fuerit ἀρχὴ HERODIS in ciuitatibus liberis? quaerimus. erant quidem liberae & ad suas tantum leges actiones dirigebant formabantque, ita tamen, ut summa illarum cura prouinciarum praesidibus seu proconsulibus fuerit tradita, ad quos nonnumquam ab ipsarum magistratibus instituta est prouocatio. sic MAXIMVS missus in prouinciam Achaïam ad ordinandum statum liberarum ciuitatum, id est ad homines maxime liberos, qui ius a natura datum, virtute, meritis, amicitia, foedere denique & religione tenuerunt, ut PLINIVS ⁴ dicit; quamuis magistratus hic, quem habuit MAXIMVS, extra ordinem fuisse videatur, quoniam PLINIVS ipsi

¹ de vit. sophist. lib. II. n. 26. p. 612. ² de vit. sophistar. lib. I. n. 25. p. 536. ³ lib. II. n. 1. de vit. sophistar. p. 548. ⁴ lib. VIII. epist. 24. n. 2.

imperium & fasces tribuit, ac magistratum hunc legationem, quam MAXIMVS iudicio principis susceperit, vocat. de cetero HERODES Atheniensis consul romæ fuit, quapropter istum adpellat A. GELLIVS ¹ consularem virum ingenioque amæno & græca facundia celebrem; qui & alio loco ² de eo scribit: Herodem Atticum consularem virum Athenis disserentem audiui græca oratione: in qua fere omnis memoria nostræ uniuersos gravitate atque copia & elegantia vocum longe præstitit. fuit igitur HERODES vir amplissima eloquentiæ laude, ac dignitate grauisimorum magistratuum conspicuus, adeoque exemplum, quod ad argumentum dissertationis nostræ illustrandum multum valet.

- * sophistæ etiam alia munera sacra administrant. APOLLONIVS Atheniensis fuit *Hierophanta* in templo Cereris, quod indicat PHILOSTRATVS de vitis sophistar lib II. 11. 20. *ἱερατὰ καὶ τὰς ἐξ ἀνακτόρων θυσίας, ἥδη γυνάσκων.* quæ verba G. OLEARIVS accurate in latinam transtulit linguam: *Hierophanta quoque in sacris Eleusiniis senium iam ingressus factus est. ἀνακτόρον* enim est templum Cereris; *θυσίαι* vero sunt mysteria ab Hierophanta explicanda, adeo vt OLEARIVS addita obseruatione p. 600. dicendi formulam: *ἱερεῖσι δαὶ τὰς ἐξ ἀνακτόρων θυσίας* elegantissime interpretetur: *munus accipere voce conueniente mysteria, quæ sint templi Cereris, explicandi; confer MEVSIVM de sacris Eleusini. cap. 13.*

- ** cuius generis plures erant græciæ Asiæque ciuitates, quæ iuri huic maximum statuerunt pretium. immo græcos tanti duxisse hanc

¹ N. A. lib. IX. cap. 2.

² lib. XIX. cap. 12. N. A.

αὐτονομίαν, vt eo nomine bella fuscipere, aut elato spiritu se efferre fuerint soliti, patet ex POLYBIO, DIODORO, LIVIO. CICERO lib. VI, ep. I. ad Articum scribit: *græci vero exsultant, quod peregrinis iudicibus utuntur. nugatoribus quidem, inquires. quid refert? tamen se αὐτονομίαν adeptos putant: & epist. 2. omnes suis legibus & iudiciis vsæ, αὐτονομίαν adepta reuixerunt.* quumque illi, qui habebant αὐτονομίαν, suis legibus ac magistratibus vterentur, factum est, vt ab imperatore CONSTANTINO PORPHYROGEN. in chorograph dicti sint αὐτοκίφαλοι, vide SPANHEMIVM obseru. ad IULIANI orat. p. 37.

§. XXII. Neque id præmiorum genus silentio prætermittendum existimamus, quod sophistæ ac rhetores per liberalitatem atque auctoritatem imperatorum victu publico vsi fuerint. erat *Alexandriæ* regia, a singulis ferme regibus aucta & nouis ampliata ornamentis in parte vrbis amœnissima, quæ mare spectat, collocata & in membra diuisa, quorum aliquod dictum est *μῦσεϊον, museum*, de quo IONSIVS¹ I. F. GRONOVIVS & LVDOLPH. KVSTERVS² ADAMVS RECHENBERGIVS³ A. CHR. ESCHENBACHIVS⁴ scripserunt. * quod museum peripatum & exhedram habebat, ac magnam domum, vbi victus publicus viris litterarum laude clarissimis præbatur, in quibus & sophistas rhetoresque fuisse, auctoritate exemplorum ac testimoniorum probare possumus. etenim de sophista DIONY-

¹ de scriptoribus hystor. philosophic lib. III cap. 2. §. 3. ² peculiar. dissertationibus de museo Alexandrino, qua exstant tom. VIII. thes. antiquus. græc. GRONOVII. ³ pecul. dissert. de museo Alexandrino. ⁴ dissertat. academica p. 305. seqq.

SIO refert PHILOSTRATVS ¹ quod istum ADRIANVS societati illorum, qui in museo hoc alebantur, adiunxerit: τὸ δὲ μυσῆιον τράπεζα Ἀγυπτία, συγκαλῶσα τὰς ἐν πάσῃ τῇ γῇ ἐκλογίμους, *museum autem Aegyptia est mensa, quae ex omni terrarum orbe probatissimos viros inuitabat*; cuiusmodi beneficii quoque particeps factus est POLEMO ex eadem ADRIANI liberalitate, de quo PHILOSTRATVS ² dicit: κατέλεξε δὲ αὐτὸν καὶ τῷ τῷ Μυσείῳ κύκλῳ, ἐς τὴν Ἀγυπτίαν σίτησιν, *quin etiam in Musei circulum eum adlegit, ut Aegyptius ipsi praeberetur victus*, ubi per κύκλον intelligit coetum mensae adfistentium. ex quo auctore ³ tertium quoque adiiciamus exemplum, ADRIANI quippe sophistae, quem imperator ornauit δωρεαῖς καὶ δώροις, quibus vocibus vitur PHILOSTRATVS easque distinguit, ita ut δωρεὰς adpellet τὰς τε σιτήσεις καὶ τὰς προεδρίας, καὶ τὰς ἀτελείας, καὶ τὸ ἱεραῖοθαι, καὶ ὅσα ἄλλα λαμπρύνει ἄνδρας, *victum publice praebitum, loci prerogatiuam, immunitatesque & sacerdotia & quae alia viros illustres reddunt*: per δῶρα vero intelligat χρυσόν, ἀργύριον, ἵππους, ἀνδράπιδας, καὶ ὅσα ἐρμηνεύει πλῆτον, *aurum, argentum, equos, mancipia, & quaecunque diuitiarum sunt argumentum*. ex his igitur satis superque constat, quod beneficium victus publici in sophistas quoque collatum fuerit adeoque ipso- rum praemiis accesserit cumulus. disputarunt autem inter conuiuia de variis litterarum argumentis, quod ex SPARTIANO ⁴ cognoscimus, qui de ADRIANO scribit: *apud Alex-*

¹ de vit. sophist. lib. 1. n. 22. p. 524. ² de vit. sophist. lib. 1. n. 35. p. 532. ³ lib. 11. n. 10. de vit. sophist. p. 389. ⁴ vit. Adrian. cap. 20.

andriam in museo multas quaestiones professoribus proposuit & propositas ipse dissoluit:
& CLAVDIVS Cæsar veteri huic museo alterum ex suo nomine addidit, teste SVE-
TONIO. I ***

* ex antiquioribus ARISTONICVS scripsit *περὶ τῆς ἐν Ἀλεξανδρείᾳ μουσείᾳ*, de museo Alexandrino, quo opere Alexandrinorum philosophorum & virorum doctorum historiam tradidit, etiam musei huius rationem exposuit. sic & CALLIMACHVS *Μουσείον*, nec non ALCIDAMAS scripserunt. sed monumenta hæc sunt deperdita. conf. FABRICIVM bibl. græca lib. III. cap. 19. p. 487. lib. IV. cap. 30. p. 369. not.

** scriptores veteres plerumque omnia musei huius emolumenta nomine *mensæ* complectuntur; quæ dicendi ratio varia oraculorum diuinorum loca illustrare potest, quibus beneficia cœlestia, quæ hominibus christianis dantur, voce *mensæ* indicantur: c. g. Psal. XXIII. v. 5. LXVIII. v. 23. collat. Rom. XI. v. 9 prout quoque vita æterna eiusdemque felicitas cum conuiuio comparatur Matth. VIII. v. 12. Luc. XXII. v. 30.

*** antiquis monumentis veterum sapientum symposia celebrantur. quo nomine celeberrimum fuit Atheniensium *Prytaneum*, ubi iudices atque magistratus, etiam qui de republica bene meriti essent, alebantur publice: a huiusmodi symposiis non longe recedunt conuiuia Athenis in *lyceo* atque *academia* instituta a philosophis, ut de aliis taceamus, de quibus eleganter ac studiose differit ESCHENBACHIVS de symposiis sapientum p. 279. dissertation. academic. legi quoque possunt au-

ctores de conuiuiis veterum, quos recenset
FABRICIVS bibliograph. ant. cap. 19. §. 1.

§. XXIII. Quanta fuerit auctoritate sophista POLEMO, ex illis possumus cognoscere, quæ de isto iam diximus. at vero extremo dissertationis huius illud quoque rei huius documentum adiiciamus, quod TRAIANVS imperator beneficium hoc ipsi dederit, vt terra marique ab omni onere immunis iter facere posset. sic enim PHILOSTRATVS¹ de eo dicit: Τραιανὸς μὲν αὐτοκράτωρ ἀτελῇ πορεύεσθαι διὰ γῆς καὶ θαλάττης. sed admonet propositæ breuitatis fides, quanto transcurso omnia sint dicenda: quorirca negotio huic litterario vltimam imponamus manum. *

* animus quoque nobis erat, de nummis veterum sophistarum, rhetorum atque oratorum differere; sed breuitatis studio tenemur. quo nomine argumentum hoc illustrandum in aliud referuamus tempus. principes autem, qui memorias virorum toga illustrium in nummis conseruatas collegerunt, sunt FVLVIVS VRSINVS & I. P. BELLORIVS illi debemus *imagines & elogia virorum illustrium & eruditorum ex antiquis lapidibus & numismatibus expressas*; huic vero: *veterum illustrium philosophorum poetarum, rhetorum & oratorum imagines ex vetustis nummis, gemmis, marmoribus &c.*

¹ de vit. sophist. lib. I. n. 25. p. 552.

DIATRIBE
DE
AMOENITATIBVS
HISTORICIS
EX
CICERONIS
PEREGRINATIONE
COLLECTIS.

Σ Τ Ν Ο Ψ Ι Σ.

De peregrinationibus veterum generatim §. I. de Ciceronis peregrinatione generatim §. II. de Athenis, ubi litterarum studia coluit Cicero §. III. de scholis Atheniensibus litterariis §. IIII. de litterarum disciplinis, quibus Cicero Athenis sese consecrauit §. V. VI. de ipsius præceptoribus §. VII. de Asia, quam Cicero peragravit, eiusdem litterarum domiciliis atque eloquentia Asiaticorum oratorum §. VIII. VIIII. de re litteraria Rhodiorum, quam & Cicero cognitam sibi reddidit §. X. XI.

VEteres in alias se oras terrarum contulisse, ex clarissimis antiquæ ætatis monumentis patet, quod institutum iis de causis præcipue observarunt, ut partim valetudinem tuerentur; bonumque servarent corpus; partim studia bene cœpta magis perficerent ac confirmarent. fuerunt certa itinera, quæ certis morbis profutura suscipiebantur, prout Romanis phthisi adfectis & egerentibus sanguinem nauigatio in Aegyptum credebatur prodesse. PLINIVS ¹ de liberto suo Zosimo ait: *nam ante aliquot annos dum intente instanterque pronunciat. sanguinem reiecit, atque ob hoc in Aegyptum missus a me, post longam peregrinationem confirmatus rediit nuper.* causa vero, cur hanc in primis regionem peterent veteres, aut Aegyptiaci cæli ratio servandæ valetudini salubris; aut peritia medicorum fuit, quorum Alexandria præcipue magna erat vbertas. equidem PLINIVS maior ² existimat, *quod Aegyptus non per se petatur, sed*

¹ lib. V. epist. 19. n. 6.

² lib. XXXI. cap. 6. hist. natural.

propter

propter longinquitatem nauigandi: at si hoc motus tantum præstat nauigationis, cur non in Syriam aut in Cyprum insulam, qui æque cursus & idem mare est, a phthisi laborantibus nauigabatur? adi SALOMON. CELLARIVM. ¹ ita quoque ab omni hominum memoria consueuerunt, quibus animus ad litterarum studia erectus inerat, vt discendi causâ in longinquas demigrauerint regiones ac doctrinæ sapientiæque congefferint facultates. probant id exempla clarissimorum virorum, quos in primis vetus Græcia ac Latium produxit aluitque, quippe qui ad colligendam plurimarum rerum cognitionem sunt diu multumque peregrinati. cuiusmodi iter litterarium suscepisse traditur ORPHEVS, quem litterarum causâ in Aegypto versatum fuisse, legimus apud DIODORVM, ² qui & ³ commemorat, quod Aegyptii contendunt, variis probare argumentis, HOMERVM Aegyptum ipsiusque eruditionis templa petiisse. LYCVRGVS gentium mores & instituta cogniturus Cretam adiit Asiamque ac Aegyptiorum artibus & disciplinis excultus, condidit rem publicam, eamque legibus æqui ac iusti superstruxit; vt silentio transeamus exempla THALETIS MILESII, SOLONIS, ANAXAGORAE PHERECYDIS Syrii DEMOCRITI Abderitæ aliorumque. illustres sunt peregrinationes eruditæ, quas PYTHAGORAS ac PLATO instituerunt, quorum ille duos supra viginti annos in amœnis musarum recessibus inter litteratos labores apud Aegyptios consumsit: confer BVD-

¹ de originibus & antiquitatibus mediæ. cap. 5. ² bibl. histor. lib. III. cap. 26. ³ lib. I. cap. 97.

DEVM; ¹ hic vero primum se contulit in Italiam: postea traiecit in Africam, vt Cyrenis Theodori ope cognosceret geometriam & cum Eudoxo itineris socio in ipsam progressus Aegyptum, qua relicta & multa alia terrarum loca perlustrauit, prout id a IO. GVIL. IANO ² pluribus fuit expositum. nec minus nobilis est peregrinatio STRABONIS *Amaseni*, qui passim itinerum a se susceptorum ipse habet mentionem, Aegyptumque Asiam & Græciam atque Italiam item Sardiniam & alias insulas adiisse se testatur: confer IO. ALBERTVM FABRICIVM. ³ sic & PAVSANIAS *Cappadox* sophista vniuersam peragrauit Græciam, vniceque huic rei dedit operam, vt situm vrbium & locorum, antiquitates græcas ac cuiuscunque regionis inlustraria momenta obseruaret: vide THOMAM REINESIVM. ⁴ idem Romanis erat institutum, vt vel post ingressum in forum, vel antea etiam, vel quando-cunque occasio in bello, in prouinciis sese ostendebat in græcas litterarum sedes proficiscerentur, quo culturam bonæ mentis studiorum, quæ erat bene coepta, magis magisque exercerent, de quo argumento GE. NICOL. KRIEGER ⁵ pluribus disseruit.

§. II. CICERONIS iter litterarium in primis notum est. in quo quàm deprehendimus momenta, quæ explicari atque illustrari merentur, non ab re esse duximus, peculiari ratione de itinere hoc CICERONIS tractare. ipse de se testis est: ⁶ *erat eo tempore*, ait, in

¹ exercitat. hist. de peregrinat. Pythag. p. 3. analekt. hist. philos.
² dissert. de peregrin. Platonis. VVitteb. 1706. ³ bibliothec. græc. lib. IV. cap. 1. p. 3. ⁴ synagm. inscription. antiq. p. 2. ⁵ diarrib. de peregrinationibus Romanorum academicis ⁶ Bruto, seu claris oratoribus. cap. 91.

nobis summa gracilitas & infirmitas corporis: procerum & tenue collum: qui habitus & quæ figura non procul abesse putatur a vitæ periculo si accedit labor & laterum magna contentio. eoque magis hoc eos, quibus eram carus, commouebat, quod omnia sine remissione, sine varietate vi summa vocis & totius corporis contentione dicebam. & paucis interiectis: quum venissem Athenas, sex menses cum Antiocho, veteris Academia nobilissimo & prudentissimo philosopho fui, studiumque philosophiæ nunquam intermissum, a primæque adolescentiæ cultum & semper auctum, hoc rursus summo auctore & doctore renouavi. eodem tamen tempore Athenis apud Demetrium Syrum, veterem & non ignobilem dicendi magistrum studiose exerceri solebam. post a me Asia tota peragrata est, cum summis quidem oratoribus, quibuscum exercebar ipsis lubentibus, quorum erat princeps Menippus Stratonicensis, meo iudicio, tota Asia, illis temporibus disertissimus: & si nihil habere molestiarum, nec ineptiarum, Atticorum est, hic orator in illis recte numerari potest. assiduissime autem mecum fuit Dionysius Magnes. erat etiam Aeschylus Cnidius, Adramytenus Xenocles. hi tum in Asia rhetorum principes numerabantur. quibus non contentus Rhodum veni, meque ad eundem, quem Romæ audiueram, Molonem applicavi, cum actorem in veris causis scriptoremque præstantem, tum in notandis animaduertendisque vitiis, & instituendo docendoque prudentissimum. quæ prolata verba fundamenti loco nostræ dissertationis ponamus. ille, qui hanc instituit profectionem, est M. TVL-

LIVS CICERO, qui natus, vt A. GELLIVS obseruauit ¹ *Q. Seruilio Capione & G. Atilio Serrano* consulibus anno v. c. IXXLVII, ante natam humani generis salutem, vt vulgo computatur CIII. puer vsus est græcis præceptoribus, in quibus *Archias* poeta fuit, quem a primis pueritiæ annis principem ad rationem studiorum ingrediendam sibi extitisse, ipse oratione pro illo profitetur. e philosophis fere primum *Philonem* fuit sectatus, qui bello Mithridatico Athenis Romam profugerat, quo tempore & *Q. Mucii Scauola* iuris-ciuilis studio se tradidit, etiam *Sulpicio* tribuno plebis & *Moloni* Rhodio ad Syllam legato, non minus causarum actori, quam magistro multum dedit operæ. in exercitu *Cæ. Pompeii* consulis XVIII. ætatis anno erat tiro, quamuis breui rediit ad musas, & assidue declamauit, magis tamen græce, quam romane. variis functus est honoribus. fuit quippe quæstor, ædilis, consul, augur, proconsul & nomen *Imperatoris* Amaniensibus deuictis consecutus. tandem triumuiratu inito proscriptus sub finem anni. quo *Pansa & Hirtius* fuerunt consules, senilem vitam eripiente *Antonio*, dimisit; quæ factorum Ciceronis momenta ab aliis iam satis & super sunt tradita. ² hic CICERO iter, de quo in præsens disseramus, suscepit, idque debilioris corporis causa, cui ipsi amici metuebant, vt ex ipsius superioribus verbis adparet: quamuis metus *Syllæ*, quem Roscii causa, cuius erat patronus, grauiter offenderat, non minus animum ipsius ad iter hoc commouisse, quam corporis infirmitas ac virium eius lu-

¹ lib. XV. cap. 28. N. A. ² vide *historiam criticam Lat. linguæ*
a nobis editam cap. 8. §. 6. p. 355.

brica natura videatur. quapropter PLUTARCHVS: ¹ δειδιώς δὲ τὸν Σύλλαν ἀπεδήμησεν εἰς τὴν ἑλλάδα, διασπείρας λόγον ὡς τῷ σώματος αὐτοῦ θεραπείας δεομένου, *ceterum metu Syllæ in Græciam profectus est vulgans ob corporis curam abire.* ² in caussis iam biennium versatus erat, & in foro eam dicendi gloriam adeptus, vt nec vlla caussa ageretur, quæ non patrocínio eius digna videretur. namque intra biennii spatium anno ætatis XXVI. & v. c. 672. P. Quintium defenderat, & sequenti proximo coram M. Faunio iudice Sex Roscium filium Sexti Roscii diuitis municipis Amerini, quem conducto accusatore Erucio parricidii adcusabant, prout ipse dicit: *itaque prima caussa publica pro Sex Roscio dicta tantumque commendationis habuit, vt non vlla esset, quæ non digna nostro patrocínio videretur: deinceps inde multe, quas non minus diligenter elaboratas & tanquam elucubratas afferebamus.* in Græciam itaque secessit anno ætatis XXVIII. & v. c. DCLXXIII. ante N. C. LXXIX. P. Seruilio Vatia post. d. Itaurico & Ap. Claudio Pulchr. COSS.

§. III. Sed fac, CICERONEM profectum in alienas terrarum regiones siue valetudinis. siue Syllæ caussa; iter tamen & litterarium fuit, quo studia bene iam excolta magis perfecit, & ad summum nitore atque elegantie perduxit fastigium. distincte aperteque disseramus de locis, quæ petiit; de disciplinis litterarum, quas tractauit & de præceptoribus, quibus est vsus. primum profectus est ATHE-

¹ vita Ciceronis pag. 862.

² add. Iacobi Præst. obs. ad d.

ctum Ciceronis locum. p. 121.

³ Bruto cap. 90.

NAS, quarum non tantum per antiquitatem, sed humanitatem quoque & litterarum studia magna laus est apud scriptores omnis ætatis, namque vocat istas STRABO οἰκητήριον σοφῶν, *sapientum domicilium*; ARISTIDES σοφίας πρυτανεῖον. *sapientiæ prytaneum*; THVCYDIDES παιδείουσιν ἐκείδος *Græciæ scholam*, DIO'DORVS SICVLVS κοινὸν πάντων ἀνθρώπων παιδεύτηριον *communem omnium hominum ludum litterarium*; DEMOSTHENES ψυχὴν, ὀφθαλμὸν ἐκείδος, *animam, oculum Græciæ*. sic & Athenæ nomen ferebant πόλειως, vt olim vrbs Roma; PLINIVS vero ¹ dicit: *libera hæc ciuitas, nec indiga vlliùs præconii amplius; tanta claritas superfluit*; & CICERO ² adsunt Athenienses, vnde humanitas, doctrina, religio, fruges, iura, leges ortæ, atque in omnes terras distributæ putantur: de quorum vrbs possessione propter pulcritudinem etiam inter Deos certamen fuisse proditum est; quæ vetustate ca est, vt ipsa ex sese suos ciues genuisse dicatur: & eorum eadem terra parens; alitrix, patria dicatur; auctoritate autem tanta est, vt iam fractum prope ac debilitatum Græciæ nomen huius vrbs laude nitatur; qui & alibi ³ in prædicandis Athenis versatur, cui ex recentioribus addas VBRONEM EMMIVM ⁴ MEVRSV, ⁵ interpretes ad AVGVSTINVM ⁶ & ad dictum Ciceronis locum ⁷ apud GRAEVIVM, ⁸ BARTHIVM ⁹ IAC. PERIZONIVM ¹⁰ CELLARIVM, ¹¹ vt de aliis

¹ lib. IV. cap. 7. ² pro Flacco c. 26. ³ de oratore lib. I. cap. 4. lib. III. c. 2. Bruto c. 13. de legibus lib. II. cap. 14. ⁴ de rep. Athen. p. 7. ⁵ de fortun. Attica cap. 7 & 8. ⁶ de C. D. XVIII. 9. ⁷ pro Flacco cap. 26. ⁸ p. 164. ⁹ ad Aen. Gazæum, p. 189. & ad Pap. Stat. XII. Theb. tom III. p. 1509. ¹⁰ lib. IV. cap. 6. *Adiani V.H.* p. 315. 316. ¹¹ N.O.A. lib. II. cap. 13. p. 1149. geogra-

geographiæ scriptoribus taceam, & qui de re publica Atheniensium prodiderunt quædam, CAROLO quippe SIGONIO, GVILIELMO POSTELLO, ANTONIO THYSIO. atque hæc princeps causâ fuit, cur Athenæ ingeniorum proventu floruerint, quæ eo demigrabant, vt variis litterarum studiis excolerent animum & inter clarissimorum virorum monumenta versarentur fruerenturque eorum consuetudine: ex quibus romani in primis in has litterarum sedes profecti sunt, cupiditate viros inclitos audiendi atque eorum præceptis & se & doctrinam suam confirmandi adcensi: conf. GE. NIC. KRIEGK, ¹ ad hæc existimabant, amœnitatem locorum excitare animos ad studiorum culturam, & secessus in primis iucunditate nobiles litterarum otiique gratia eligebant: vide PLINIVM, ² Athenæ vel eo nomine litterarum studiis excolendis aptæ fuerunt, quod ibi fruebantur salubri cælo ac mitiori amœniorique illius spiritu; hinc CICERO: ³ *Athenis tenue calum, ex quo acutiores etiam putantur Attici: crassum Thebis, itaque pingues Thebani & valentes.*

§. IV. Duo in primis loca Athenis erant, in quibus sapientiæ emporia officinasque constituerunt: quorum alter est *Academia*, alter *Lyceum*. academia locus erat suburbanus mille passus ab vrbe distans, sic dictus ab *Academio*, heroe. DIOGENES LAERTIVS ⁴ dicit: *Ἀκαδημία ἐστὶ γυμνάσιον ἀπὸ τινος Ἡρώος ἐνομασθὲν Ἀκαδήμῃς*, *Academia gymnasium est a quodam heroe Academio sic dictum*: PAUSANIAS ⁵

¹ de peregrin. rom. acad. p. 27. ² lib. II. ep. 17. lib. I. ep. 3.

lib. V. ep. 18. lib. VI. ep. 14. lib. IX. ep. 7. ³ de fato. c. 4.

⁴ lib. 3. segm. 7. ⁵ in Attici c. 29.

ἐγγυτάτω δὲ Ἀκαδημία, χωρίον ποτὲ ἀνδρὸς ἰδιώτη, γυμνάσιον δὲ ἐπ' ἐμῇ, *proxime urbem est Academia, privati olim hominis possessio, mea atate gymnasium*: cum quibus idem sentiunt STEPHANVS de urbibus, HESYCHIVS, SVIDAS. quo in loco iam Academicus instituerat scholam non litterariam; sed corporibus exercendis corroborandisque destinam, ipso Academicus virtute fortitudinis eminente. *nam & seculis multis ante gymnasia inuenta sunt, quam in his philosophi garrere cæperunt*, vt CICERO¹ ait. PLATO ex itineribus, quæ sapientiæ gratia fecerat, redux non diu Athenis vixit; sed vt musis suis otium acquireret amœnum, agrum hunc ter mille drachmis sibi ac suis redemit: vide PLVTARCHVM; ² ac ibi officinam philosophiæ celeberrimam instituit, vnde & discipuli ipsius dicti sunt *Academici*. CICERO³ qui erant cum Aristotele Peripatetici dicti sunt, quia disputabant inambulantes in Lyceo: illi autem, qui Platonis instituto in academia, quod est alterum gymnasium, cætus erant & sermones habere soliti, e loci vocabulo nomen habuerunt. locuserat amœnus multis arboribus & clarorum virorum monumentis ornatus: DIOGENES LAERTIVS⁴ τὸ δ' ἐστὶ γυμνάσιον προάσειον ἀλωῶδες, est gymnasium in suburbano nemorosum: CICERO⁵ inque academia umbrifera nitidoque Lyceo fuderunt claras facundi pectoris artes. erant ibi aræ amoris, Promethei, Mercurii, Mineræ, Herculis; hortuli plures, academia spatia mirifice nobilitantes; bibliotheca, quam sibi compara-

¹ Lib. II. de orat. cap. 5. ² de exil. p. 603. ³ academ. quaest. lib. I. c. 4. ⁴ lib. III. segm. 7. ⁵ de dinimis. lib. I. cap. 13.

uerat Plato : adde 10. MEVRSIUM, ¹ MENAGIVM, ² CONRINGIVM, ³ VOSSIVM, ⁴ HIERONYMVM MATRANGAM, ⁵ IO. ANDR. SCHMIDT ⁶ CELLARIVM, ⁷ POTTERVM, ⁸ IO. PETR. LVDOVICI. ⁹ alter locus est *Lyceum*, in quo fuit *Peripatius*, Aristotelis deambulationis, quod nomen ortum ab *Apolline Lyceo*, cui erat sacrum, traditur : DIOGENES LAERTIVS : ¹⁰ ἐλθόντα δὲ αὐτὸν, καὶ θεασάμενον ὑπὲρ ἅλῳ τὴν σχολήν, εἰέσθαι περίπατον τὸν ἐν λυκαίῳ καὶ μέγρι μὲν αἰεὶ ματὸς ἀνακάμπτοντα τοῖς μαθηταῖς συμφιλοσοφεῖν, ὅθεν περιπατητικὸν προσαγορευθῆναι, quum vero reuersus esset (Aristoteles) scholamque sub alio vidisset, elegisse in *Lyceo* deambulationis locum, illicque ad certum temporis spatium deambulando cum discipulis philosophari solitum, atque inde *peripateticum* adpellatum esse. Ciceronem vtrumque frequentasse locum, vt pectus impleret sapientiae studiis, non est dubium, praecipue cum fuerit cum *Antiocho Ascalonita*, quem nobilissimum philosophum veteris academiae vocat : ¹¹ qui & ipse fatetur, ¹² se oratorem non ex rhetorum officina, sed ex academiae spatiis extitisse. *Lycei* nomen etiam gymnasio Ciceronis in Tusculano fuit : ¹³ quibus de rebus & alias saepe & paullo accuratius nuper cum essem cum Q. fratre in Tusculano disputatum est. nam cum ambulandi causa in *Lyceum* venissemus (id enim superiori gymnasio nomen est) perlegi, ille inquit, tuum paullo ante tertium de

1 de Ceramico gemino. 2 ad Laert. p. 141. 3 antiquit. academ. pag. 9. 4 de sectu philos. c. 12. n. 3. p. 66. 5 Synagm. VII. 6 disput. de gymnasio litterariu Athen. Ien. 1688. 7 lib. II. c. 13. p. 1150. N. O. A. 8 Archaeol. graec. p. 33. 34. 9 de prima academ. villa Platonis. 10 lib. V. segm. 2. 11 in Bruto. 12 de oratore c. 3. 13 lib. I. c. 5. de diuinat.

natura Deorum, cetera. præter Academiam & Lyceum, celebre quoque erat gymnasium *Cynosarges*, de quo POTTERVS¹ ita differit: „Κυνόσαργες in suburbiis prope Lyceum fuit, „nomen illi ab *albo* aut *celeri cano*, qui græcis „κύνων ἀργός, quique, Diomo sacra Herculi fa- „ciente, victimæ partem furrripuit, ex Hesy- „chio aliisque innumeris. Variis hic locus „templis fanisque, Hebæ Alcmenæ & Ioalo „sacris ornatus fuit, imo & in ipsius Herculis „honorem magnificum tanum exstructum. „nihil vero ibi gymnasio memoratu dignius, „in quo peregrini, iique vel alterutra ex parte „ad Athenienses pertingerent, siue, qui patre „aut matre Atheniensi procreati essent, sese „exercere poterant: & paucis interiectis: hoc „in gymnasio sectam philosophorum, qui a „loci nomine (vt nonnulli existimant) κυνικοί, „Cynici vocati sunt, Anthistenes instituit, pro- „ut narrat Diogenes Laertius: “² adde MENAGIVM.³

§. V. Nunc dispiciendum, ad quæ litterarum studia Cicero Athenis animum suum applicauerit. princeps romanis studium eloquentia quidem fuit; philosophiæ tamen operam quoque dederunt, Ciceronis in primis tempore, sub quo litteræ nitidiorem faciem omnes induebant: ⁴ *philosophia*, inquit, *iacuit vsque ad hanc ætatem, nec ullum habuit lumen litterarum latinarum; quæ illustranda & excitanda nobis est, vt si occupati profuimus aliquid ciuibz nostris, profimus etiam, si possumus, otiosi.* iam romæ Cicero philoso-

¹ archæolog. græc. lib. 1. c. 8. p. 34.

² Antisthenem vita.

³ observationibus ad dictum Laertii locum, p. 230.

⁴ lib. I.

Tusc. quæst.

phiæ studio animum suum tradiderat, ac *Philonem* hæc disciplinas docentem, singulari industria fuerat sectatus, teste *PLUTARCHO*,¹ qui dicit: *Φίλωνος ἤκουσε τῆ ἐξ Ἀκαδημίας, ὃν μάλιστα Ῥωμαῖοι τῶν Κλειτομάχου συνδῶν καὶ διὰ τὸν λόγον θαύμασαν, καὶ διὰ τὸν τρόπον ἠγάπησαν*, *Philoni dedit operam academico, quem romani supra ceteros Clitomachi alumnos & ob dicendi facultatem admirati sunt & dilexerunt ob morum suauitatem*: quem *Philonem* frequenter se audiuisse, ipse testatur.² in hoc philosophiæ studio Athenis progressus est, quæ eo tempore magistris ac doctoribus harum litterarum abundabant, quorum scholæ frequentabat assidue & institutis eorum auxilio se & confirmavit. primum philosophorum præcepta; deinde rhetorum percepit, ut ex superioribus a nobis prolatis ipsius verbis patet: *quum venissem Athenas, sex menses cum Antiocho veteris academie nobilissimo philosopho fui. item: eodem tempore Athenis apud Demetrium Syrum veterem & non ignobilem dicendi magistrum studiose exerceri solebam.* quod utrumque & eloquentiæ & philosophiæ studium felicissimo successu coniunxit, saniori sententia sibi persuasus, hæc disciplinas ita coniunctas esse, ut sine detrimento nequeant diuelli; nec sine philosophia effici posse eloquentem. primum quod ad studium philosophiæ, cui Athenis se consecrauit, adtinet, præter academicos quoque Epicureorum scholas & Zenonem præcipue & Phædrum Epicureos adiit: *me audiente, inquit, Athenis Zeno Epicureorum acutissimus contendere & magna voce dicere solebat, eum esse beatum, qui presenti-*

¹ in vita Cic. pag. 861.² lib. M. c. 3. Tusc. quæst.

bus voluptatibus fruere, consideretque, se fruiturum aut in omni aut in magna parte vite dolore non interueniente. equidem philosophiam Stoicam magno studio coluit, & Diodotum stoicum a puero præceptorem habuit, quem & ita amavit, ut eum in domum reciperet, in qua mortuus est, C. Cæsare & M. Bibulo Coss.¹ ad hæc ex monumentis ipsius, quæstionibus in primis Tusculanis, academicis, item de Deorum natura atque officiis luculenter patet, quam multam operam in stoicorum philosophia posuerit; hinc & LACTANTIUS² dicit: sed & M. Tullius, quamvis academiae disciplinae defensor esset, de providentia gubernatrice rerum & multa & sæpe differuit, stoicorum argumenta confirmans & noua ipse adferens plurima. Verum num Athenis quoque scholas adierit stoicorum, id scriptum nobis haud reliquit; saltem Zenonem stoicorum principem, per ætatem minus audiuit, ut G. NIC. KRIEGER³ opinatur. namque Zeno ille ingenio clarus fuit Olymp. cxxix. i. anno, a quo tempore Cicero Atheniensibus litterarum studiis sacratus longius absuit. de cetero facile ex his conligere quis posset, quod Cicero eiusmodi rationem studiorum suorum philosophiæ ingressus sit; ut nulli sectæ sese addiderit, sed veritatis amans ex multorum præceptis congerisset, quæ probatissima ipsi viderentur. quam in rem ipse testatur⁴ dicens: defendat quidem, quod quisque sentit: sunt enim iudicia libera: nos institutum tenebimus; nullisque vnus disciplina legibus ad-

¹ vid. ad Attic. lib. II. ep. 20. Tusc. quæst. lib. V. cap. 29.

² lib. I. cap. 2. instit. diuin.

³ de peregrinationibus rom. acad. 6.

⁴ p. 16.

⁴ Tusc. quæst. lib. IV. c. 4.

stricti,

stricti, quibus in philosophia necessario pareamus, quid sit in quaque re maxime probabile semper requiremus. præclare sane pronuntiata hæc sunt & digna, quæ ab omni philosophiæ candidato religiose obseruentur, cui amicus esse debet modo Socrates, modo Plato, modo Aristoteles. sed tamen, quamuis sequatur mox Platonem academicosque, mox Stoi-
cos, mox Aristotelem; pronior tamen pferum-
que est ad sententias Platonis eorumque, qui academicorum veniebant nomine, adeoque non semper, veluti a Platonis studio alienus, illud sibi suum fecit, quod propria assiduaque cogitatione deprehendit, veritati esse proximum. en venerationem, quam erga Platonem fouet TVLLIVS: *errare me hercule malo, inquit, cum Platone, quem tu quanti facias scio, & quem ex tuo ore admiror, quam cum ipsis vera sentire.* ¹ hinc & LACTANTIVS ² adfirmat, quod solus exstiterit Platonis imitator; & ³ adpellat Ciceronem *summum Platonis imitatore.* quidquid sit: Cicero magnam philosophiæ gloriam sua ætate adeptus est. MACROBIVS ⁴ dicit: *nullam de tribus (philosophiæ partibus) Tullius in hoc somnio prætermisit. nam illa ad virtutes amoremque patriæ & ad contemptum gloriæ adhortatio, quid aliud continet, nisi ethica philosophiæ instituta moralia? cum vero vel de sphaerarum modo, vel de nouitate siue magnitudine fiderum, deque principatu solis & circis caelestibus. cingulisque terrestribus & oceani situ loquitur, & harmonia superum pandit arcanum; physica decreta*

¹ Tusc. quæst. lib. I. cap. 17. ² lib. I. c. 15. instit. diu. ³ lib. III. c. 25. ⁴ Somnio Scipionis lib. II. c. 17.

commemorat. at cum de motu & immortalitate animæ disputat; cui nihil constat inesse corporeum, cuiusque essentiam nullius sensus; sed sola ratio deprehendit: illic ad altitudinem philosophiæ ascendit. vere igitur pronuncian- dum est, nihil hoc opere perfectius, quo uniuersa philosophiæ continetur integritas. LACTANTIUS¹ pronuntiat, quod M. Tullius non tantum perfectus orator, sed etiam philosophus fuerit; nec recentiori ævo defuerunt, qui Ciceronis philosophiæ summum statuerunt pretium, ipsumque in numero principum philosophorum haberi debere, existimarunt, UT EX M. ANTONII MAIORAGII decisionibus & IACOBI GRIFFOLI defensionibus contra CAELIVM CALCAGNINVM, quas IO. GEORGIVS GRAEVIUS editioni suæ librorum Ciceronis de officiis adiecit, videre possumus. imo ipse CICERO² dicit: ego vir fortis idemque philosophus; &³ soli propemadum (Cato & Cicero) philosophiam illam veram & antiquam, quæ quibusdam otii esse ac desidii videtur, in forum atque in rem publicam, atque in ipsam aciem pæne deduximus. verum enim vero si efferamus libere, quæ de philosophia Ciceronis sentiamus, intuitu philosophorum, quos nostra eaque philosophiæ litteris fecundissima ætas protulit, non tantæ dignitatis auctoritatisque esse videtur. equidem cum PETRO POMPONATIO⁴ adfirmare nolim: Cicero quanquam fuit clarissimus orator, minime tamen fuit philosophus; nec IO.

¹ lib. I. cap. 15. instit. divin.² lib. IX. epist. 17. num. 9.

ad diuersos.

³ lib. XV. ep. 4. n. 44.⁴ de incantationibus

cap. 12. extp.

IONSII ¹ iudicium, *laudem eloquentiæ tribuendam Ciceroni censeo, philosophiæ non item* adprobare possum. fuit quippe Cicero vir facultate iudicii excellens, quam & summa laborauit opera magis & magis perpolire, adeoque se philosophiæ scientia augere, quod studium nec contemnendos tulit fructus. quod si monumenta ipsius, quæ philosophiam spectant, adcuratori euoluamus meditatione, obseruamus sane veritates præstantissimas, easque in primis in doctrinis morum ac societatis humanæ. sed tantum abest, vt summam scientiæ huius mereatur laudem vt multa admiserit, quæ grauiori digna sint censura. namque primum præsidio artis cogitandi seu logicæ non adeo fuit munitus, quo factum, vt rerum indoles speciesque non tradiderit curatius, multo minus ex claris antea positis propositionibus deriuauerit consequentias: deinde animi sui adfectibus quædam interdum dedit & auctoritate PLATONIS præcipue captus, non semper requisivit, quid in quaque re sit verum. sed hæc in transitu.

§. VI. De eloquentia, cui Athenis Cicero operam suam addixit, paucis verbis iam differendum est. ipse ait: ² *eodem tempore Athenis apud Demetrium Syrum veterem & non ignobilem dicendi magistrum studiose exerceri solebam.* princeps romanis studium erat eloquentia, cui deferebant primas partes & a pueris omne consecrabant studium, quodque iurisprudentiæ & philosophiæ anteferebant, ex quo studia litterarum in vrbe coli & exer-

¹ Lib. II. c. 18. §. 4. de scriptoribus historia philosophia. ² in Bruto. c. 91.

ceteri coeperunt, culturæ artis dicendi multi se tradebant, quæ, quamuis prima sua ætate rudis plerumque fuerit atque impolita, sensim tamen accepit incrementa & in dies facta ornatior, ad illud tempus adspirauit, quo supremam limam Cicero expoliendæ illi adhiberet, *sub quo principe vniuersa dicendi vis erupit*, vt VELLEIVS PATERCVLVVS ¹ dicit. romæ Cicero tempus multum dederat exercitiis oratoriis duce *Molone Rhodio*, actore summo causarum & magistro; item stoico *Diodoto* ita erat deditus, vt ab eloquentiæ exercitiis nullus dies vacuus esset; immo in lucem productus iam defenderat P. *Quintium & Roscium Amerinum*, vt supra monuimus. declamauit domi assidue, sed græce magis, quam latine, vt de se ² testatur: *commentabar declamitans sæpe cum M. Pisone & cum Q. Pompeio, aut cum aliquo quotidie, idque faciebam multum etiam latine, sed græce sæpius, quod græca oratio plura ornamenta suppeditans, consuetudinem similiter latine dicendi adferebat*: quid? quod ad præturam vsque græce declamauit, vt SVETONIUS ³ ostendit; græca enim lingua romanis erat, quæ nobis latina; ac romani adolefcentes prius adducebantur ad græcæ linguæ culturam, quam latinæ: CICERO apud SVETONIUM ⁴ de se ad M. Titinium sic refert: *continebar doctissimorum hominum auctoritate: qui existimabant, græcis exercitationibus alimelius ingenia posse*. Atticus sic græce locutus, vt Athenis natus visus fuerit, teste NE-

¹ lib. I. c. 19. ² in Brutus c. 90. ³ de claris historicis cap. 1.
⁴ de claris rhetoribus c. 2.

POTE¹ & *Augustus* in græcis litteris præstitit largiter, vide SVETONIVM: ² immo græcorum lingua romanis adeo familiaris fuit, ut & mulieres ea loquerentur, lege IUVENALEM³ verum quum Cicero intra Atheniensem litterarum versaretur officinas ac templa, non mirum est, quod & ibi pectus suum impleverit eloquentia, & studium ipsius magis perfecit ac confirmaverit, quoniam Athenæ sedes erant ac domicilium eloquentiæ, in quibus, ut ipse Cicero⁴ ait, summa dicendi vis & inuenta est & perfecta: in qua ipsa ciuitate profecto nulla vnquam vehementius, quam eloquentiæ studia viguerunt: VELLEIVS PATERCVLVS⁵ *vna vrbs Attica pluribus annis eloquentia, quam vniuersa græcia, uberiusque floruit, adeo. ut corpora gentis illius separata sint in alias ciuitates; ingenia vero solis Atheniensium muris clausa existimes; quem locum* IO. FRIDERIGVS GRONOVIVS⁶ male sanum esse existimat, eique hanc adfert medellam: *vna vrbs Attica pluribus annis eloquentiæ quam vniuersa græcia, operibusque floruit, & addit: floruit igitur annis pluribus operibusque eloquentiæ Attica, quam vniuersa græcia, quia per annos plures puram & floridam copiosamque eloquentiam conseru- runt & plurima monimenta ediderunt Athenienses, quam ceteri omnes græci. floruit annis eloquentiæ Attica, dum eloquentiam velut diuturna iuuenta florentem, nondum senescentem & defectam habuit. namque magno numero rhetores atque oratores Athe-*

¹ in vita ipsius c. 4. ² vita. c. 84. 89. ³ satira 6. v. 187. ⁴ lib. 1. de orator. cap. 4. ⁵ lib. 1. cap. 18. ⁶ lib. 11. c. 23. p. 407. obseruas.

nis se protulerunt, ex quibus decem illi clarissimum a se dederunt nomen, *Antiphon* quippe, *Andocides*, *Lyfias*, *Isocrates*, *Isæus*, *Lycurgus*, *Demosthenes*, *Aeschines*, *Hyperides* & *Dinarchus*. ex quo græcia eloquentiæ studio incensa, ab Atheniensibus est elaborata dicendi vis atque copia, qua in vrbe primum se orator extulit, primumque etiam monumentis & litteris oratio est cœpta mandari, teste CICE-
 RONE.¹ quod ad exercitia adtinet, quibus Cicero dicit se exercitatum fuisse apud Demetrium Syrum, fuerunt illa procul dubio declamationes græca lingua, prout varia ratione veteres exercebant ingenia arte ac facultate dicendi, ac modo in argumentis ethicis, quæ dicebantur *θίσεις*; modo historiarum, quum aliquid laudarent aut vituperarent; modo fictis controuerfiis, quas LACTANTIUS.² *exercitationem fictarum litium* eleganter dicit, versabantur. ante omnia viguerunt declamationes, quæ erant exercitia maiorum ac prouectiorum, quas adpellat PLVTARCHVS σοφιστικὰς μελέτας, DIONYSIVS *Halicarnassensis* γυμνάσματα τε καὶ ἀσκήματα τῆς ῥητορικῆς, PRISCIANVS certamina rhetorica; GELLIUS *decursus ludicros & simulacra praliorum voluptuaria*; QVINTILIANVS *pugnæ simulacra & forensium actionum meditationem, consiliorum iudiciorumque imaginem*. vetustioribus temporibus & longe ante Gorgiam Leontinum græci locos quosdam communes inter oratoriæ exercitia posuerunt, quod & ante tempora Ciceronis apud romanos in vsu fuisse, ipse testis est Cicero. agebant quippe de virtuti-

¹ in Bruto c. 7. ² diuin. instit. lib. 1. c. 1.

bus, vitiis, paupertate, exilio, vita, morte, agricultura, re militari, religione, cælo, bello, pace, cetera.

§. VII. Ad ipsos præceptores ac magistros, quibus CICERO Athenis usus est, nos conuertamus. primus, cuius facit ipse CICERO mentionem, est ANTIOCHVS *Ascalonita* Aristi frater, Philonis auditor quive circa olymp. CLXXV. ingenio influxit. *Ascalonita* dicitur ab *Ascalone* Idumææ seu Philistææ vrbe, quæ magis versus septentrionem, sita Gaza, de qua SVIDAS: Ασκάλων πόλις Συρίας, ἀπὸ ἀδελφοῦ τῷ Ταντάλῳ. ὁ πολίτης Ασκαλωνίτης, *Ascalon* urbs *Syriæ* dicta a fratre *Tantali*. incola *Ascalonita* nuncupatur, confer CELLARIVM¹ & HADR. RELANDVM.² quintæ academix auctorem fuisse ANTIOCHVM, tradit SEXTVS EMPIRICVS;³ sicut autem quarta academia a tertia & secunda in eo differebat, quod multa probabili, quædam autem certa ratione cognosci posse, credebatur; sic vltima seu quinta cum prima vel veteri plane conspirabat; quibus de causis CICERO⁴ nominat Antiochum hunc *veteris academix nobilissimum & prudentissimum philosophum*. verum, quamvis in numero fuerit academicorum; doctrinis tamen stoicorum erat addictissimus, teste CICERONE, qui dicit: *Antiochus adpellatur academicus: erat quidem, si perpauca mutauisset, germanissimus stoicis*. quumque in academia vetere non eos solos numerauerit, qui academici vocantur, *Speusippum, Xenocratem, Polemonem, Crantorem* ceterosque; sed etiam

¹ notitia orbis antiqui. lib. III. c. 13. p. 600. ² *Palestin. Orb.* III. p. 586. ³ lib. I. c. 33. *Pyrrh. hypotyp.* ⁴ *Bruto* 1. 91.
⁵ *acad. quæst.* lib. IV. c. 43.

peripateticos veteres, quorum princeps Aristoteles eodem Cicerone auctore; ¹ non difficile est iudicare, cur Antiocho stoici cum peripateticis re concinere viderentur, verbis discrepare, ut CICERO ² ait: confer THOM. STANLEIVM ³ & IO. ALBERT. FABRICIVM. ⁴ Cicero igitur, quum Athenis musas suas coleret, huius quoque Antiochi institutione philosophica ornauit se, cuius copia & lepore dicendi delectatus quidem est, ἀδ' ἐν τοῖς δόγμασιν ἐνεωτέρειζεν, ἐκ ἱπαινῶν, quae vero in doctrinis ipsis ab eo sunt nouata; minime probans, auctore PLUTARCHO. ⁵ sequitur ZENO Epicureus, etiam Ciceronis magister. plures fuerunt Zenones, quorum quindecim recenset IO. IONSIUS ⁶ & AEGIDIUS MENAGIVS ⁷ praeter octo Zenones a LAERTIO commemoratos, adhuc alios addit. num vero hic Zeno Ciceronis praceptor idem sit cum illo, cuius DIOGENES LAERTIVS ⁸ mentionem facit, quod fuerit Σιδώνιος τὸ γένος Φιλόσωφος Ἐπικυρεῖος, καὶ νοῆσαι καὶ ἑρμηνεύσαι σαφῆς, Sidoneus genere philosophus Epicureus sensu & elocutione clarus atque apertus; quue alio loco Ἀπολλοδώρου πολλὸν γράφας ἀνὴρ, Apollodori auditor, qui plurima scripsit, ab eo dicitur, dispiciendum est. IONSIUS dicto loco eosdem facit; seiungit vero illos, veluti diuersos IO. ALBERT. FABRICIVS ¹⁰ ita ut Zeno Epicureus, Ciceronis magister iu-

¹ de finibus boni & mali lib. V. n. 3. ² de natur. Deorum lib. I. cap. 7. ³ histor. philos. p. 409. ed. latin. ⁴ biblioth. grac. lib. III. c. 3. p. 52. ⁵ vita Ciceronis p. 362. ⁶ de scriptoribus histor. philosoph. lib. II, c. 1. ⁷ ad lib. VII. segm. 35. Laertii p. 279. ⁸ lib. VII. segm. 35. ⁹ lib. X. segm. 25. ¹⁰ biblioth. Grac. p. III. c. 33. §. 3. p. 816.

nior ipsi videatur Zenone Sidoneo, quippe qui Apollodorum audiuerit, Epicuro non multo iuniorem. summa quaestionis in eo posita est, ut in aetatem Apollodori, qua vixerit florueritque, inquiramus, quam & in Epicuri tempora incidisse, haud satis firma negari potest ratione. namque DI O G E N E S L A E R T I V S ² testatur, quod ab Epicuro octoginta minis fuerit emtus; Epicurus vero natus est Olympiade C I X. & interit anno I I. Olympiad. C X X V I I. si igitur ponamus, Zenonem, Apollodori auditorem eundem esse Zenonem praecceptorem Ciceronis, qui istum senem Athenis audiuit Olympiade C L X X V. tractus sane temporis inter Apollodori ac Zenonis Ciceronis magistri aetatem nimis esset longus, adeo ut hic Zenon Apollodorum minus audire potuerit: quibus de causis G E R H A R D V S, 10. V O S S I V S ² Apollodorum rectius refert ad Epicuri aetatem, quam 10. I O N S I V S ³ ad Zenonis illius Ciceronis magistri tempus. equidem sunt argumenta, quae sententiae huic possunt opponi, praecipue quum C I C E R O ⁴ dicit: *Zeno quidem non eos solum, qui tumerant Apollodorum, Syllum, ceteros fugebat maledictis; sed Socratem ipsum parentem philosophiae, latino verbo utens, scurram Atticum fuisse dicebat*: quae verba quum sine dubio de Zenone, Ciceronis magistro intelligenda sint, satis declarent, quod ipse aetate clarus fuerit Apollodorus, quoniam ipsum Cicero inter eos referat, qui tum, Zenonis quippe tempore, fuerint. at vero, ut de eo taceamus, quod locus hic male sit sanus;

¹ lib. X. segm. 10 ² de historiis grecis lib. IV. c. 10. ³ lib. II. c. 13. §. 8. de scriptoribus histor. philosoph. ⁴ de natura Deor. lib. I. cap. 34.

ex verbis his Ciceronis: *non eos solum, qui tum erant, Apollodorum*, non colligi posse videtur, quod Apollodorus æqualis fuerit ætate Zenoni: adhuc plures sunt Apollodori, quibus verius *Apollodorus Ephillus* ex schola stoicorum heic intelligitur, siue dicas nomen ipsius *Apollodori Sylli* fuisse, siue adfirmes, quod Cicero respiciat *Syllum* Pythagoræum, cuius meminit IAMBlichivs. ¹ præter hæc dicunt, Ciceronem ² scribere, dixisse Zenonem, præceptorem ipsius *distincte, grauitè, ornatè*, quam virtutem *Diogenem* quoque *Laertium* in Zenone, Apollodori auditore laudare, vt subinde pateat dilucide, non diuersos esse Zenones. sed argumentum hoc non magna probandi facultate valere, quisque cognoscere potest, qui cogitet, doctes ingenii ac facundiæ non soli cuidam proprias, sed & alios illarum esse capaces. est itaque Zeno iuniôr, quem Athenis Cicero cum Attico diligenter audiuit, vti ipse testatur: ³ *nisi mihi Phædrum, inquam, mentitum, aut Zenonem putas* (quorum vtrumque audiui, quum mihi nihil sane præter sedulitatem probarent) omnes mihi Epicuri sententiæ satis notæ sunt: atque eos, quos nominaui, cum Attico nostro frequenter audiui, quum miraretur ille quidem vtrumque, Phædrum autem etiã amaret: quotidieque inter nos ea, quæ audiebamus, conferebamus: nèque erat vnquam controuersia, quid ego intelligerem, sed quid probarem. item: ⁴ Zenonem, quem Philo noster coryphæum adpellare Epicureorum solebat, quum Athenis essem, audiebam frequen-

¹ vita Pythagoræ §. 159.² de natura Deorum lib. I. cap. 21.³ de fin. bôn. & mal. lib. I. c. 5.⁴ lib. I. c. 21. de natur. Deor.

der & quidem ipso auctore Philone: credo, ut facilius iudicaretur, quam illa bene refellerentur, quum a principe Epicureorum accepissent, quemadmodum diceretur. tertius ex Ciceronis præceptoribus Phædrus Atheniensis est, etiam Epicureus philosophus, cuius ipse Cicero passim meminit ipsumque prædicat, ut dicitur ¹ *vir bonus & suavis & officiosus*: ac ² fatetur, se vnicuique diligere Phædrum³ item Phædro nihil esse elegantius, nihil humanius. successit ei Patro, quem Cicero commendat Memmio. ⁴ at de Demetrio Syro, cui dicendi magistro Cicero Athenis deditus fuit, veterum monumenta nihil produnt, cuius memoria facile potuisset obliterari, nisi eam conseruasset TULLIVS.

§. VIII. Postquam Cicero Athenis principes philosophiæ & dicendi facultate excellentes viros audiuerat, totam peragrauit Asiam, in qua plura fuerunt litterarum, domicilia. namque ibi deprehendimus *Mitylenen*, studiis disciplinarum & sapientiæ inclitum oraculum, vbi *M. Claudius Marcellus*, quum bello ciuili partes Pompeii secutus, eo deuicto, Cæsarem suum inimicum metueret, in cultura bonarum artium tempore hoc vixit tranquille, vide SENECAM. ⁵ Tarfi, quam apostolus PAVLVS Tarsensis ⁶ ἐκ ἀσσημον πόλιν, nobilissimam urbem Ciliciæ adpellat, quæue IOSEPHO ⁷ ἀξιολογώτατη μητρόπολις ἔσται, maxime memorabilis & metropolis est, philosophorum & artium ad humanitatem pertinentium cla-

¹ epist. ad diuersos lib. XIII. ep. 1. ² lib. V. de fin. bon. & mal. c. 1. ³ lib. I. c. 33. de natur. Deor. ⁴ lib. XIII. ep. 1. ad diuersos. ⁵ ad Heluiam cap. 9. ⁶ Actor. XXI. v. 39. ⁷ antiquitatum Iudicar. l. I. c. 8.

riſſima fuit ſchola, quam romani, quamuis non tanta multitudine quoque frequenterunt. vt enim ex veterum monimentis cognoscimus, Tarſenſes ſtudia rerum philoſophicarum & optimarum artium ſumma induſtria proſecuti ſunt, quas ita coluerunt, STRABONE, teſte ¹ ὥς ὑπερβέβληνται καὶ Ἀθήνας καὶ Ἀλεξάνδρειαν, vt *Athenas* & *Alexandriam* ſuperaverint. ſunt adhuc in *Aſia* loci alii celebres propter doctrinæ ſtudia, *Cnidus* quippe, vrbs *Cariæ*, *Magneſia* *Lydiæ*, *Antiochia* *Syriæ*, & *Rhodus* inprimis, quæ inter *Aſiaticas* ſcholas palmam modetiſſis tenuit eloquentiæ. inter alia vero artium ſtudia, quibus ſe tradebant *Aſiatici*, eloquentia præcipue fuit, quæ vt ſemel ex *Pireæo*, *Athenarum* portu euecta eſt, omnes peragrauit inſulas, auctore C I C E R O N E. ² at vero notant veteres diſcrimen inter *Aſiaticos*, *Atticos* & *Rhodios* oratores, ita, vt *Aſiaticum* dicendi genus fuerit amplum, copioſum, tumidum; *Atticum*, preſſius *Aſiatico*, nec vero conciliſum; *Rhodium* medium inter *Aſiaticum* & *Atticum*. *Aſiatici* oratores, inquit C I C E R O, ³ ἢ non contemnendi quidem nec celeritate, nec copia, ſed parum preſſi & nimis redundantes, *Rhodium* ſaniores & *Atticorum* ſmiliores: & Q V I N T I L I A N V S. ⁴ *Attici* limati quidem & emuncti nihil inane aut redundans ferebant. *Aſiana* gens tumidior alioquin & iactantior vaniore etiam dicendi gloria inflata eſt. tertium mox, qui hæc diuidebant, adiecerunt genus *Rhodium* quod velut medium eſſe, atque ex utroque miſtum volunt:

¹ lib. XIV. ² *Bruto*, c. 13. ³ *Bruto*, c. 13. ⁴ lib. XII. cap. 10. inſt. erat.

confer.

confer GERH. IO. VOSSIVM. ¹nectamen nullum inter Asiaticos discrimen erat, quam sententiam satis confirmat CICERO, qui ²mentionem habet duorum Asiaticæ dictionis generum, quando dicit: *genera autem Asiaticæ dictionis duo sunt: unum sententiosum & argutum, sententiis non tam grauibus & seueris, quam concinnis & venustis: qualis in historia Timæus; in dicendo autem pueris nobis Hierocles Alabandeus, magis etiam Menecles frater eius fuit: quorum utriusque orationes sunt in primis, ut Asiatico in genere laudabiles. aliud autem genus est, non tam sententiis frequentatum, quam verbis volucre atque incitatum: quali est nunc Asia tota, nec flumine solum orationis, sed etiam exornato & faceto genere verborum: in quo fuit Aeschylus Cnidius, & meus equalis Milesius Aeschines. in iis erat admirabilis orationis cursus, ornata concinnitas non erat; quæ verba penitus inspiciamus. notat quippe Cicero in oratoribus Asiaticis duo genera orationis, quorum alterum sit concinnum; alterum vero copiosum atque elegans; ex quibus satis adparet, quod Asiatici vigore ingenii, cuius maxima vis in venusta suauisque dicendi facultate est, floruerint, quod si spectemus ambitum periodorum, quibus oratio ad leges artis composita tenetur, non vnam præ se ferunt faciem, quarum aliæ circumductæ sunt ac copiosæ; aliæ concisæ & concinnæ, aliæ vero mixtæ, quæ neque adeo amplæ, neque breuiores existunt. quod ad concinnum adtinet sermonem, in cognoscenda ipsius indole duo in primis obseruari debent, partim illius ambitus,*

¹ insit. orator. lib. 6. p. 467.

² Brutus c. 95.

qui

qui brevis est ac concisus nec verba admittit, nisi quæ sensui principali exprimendo maxime sunt necessaria; partim dictiones, formulæ, sententiæ, quarum proprium est, ut sint magno significationis pondere; ut cogitationes mentis cum adfectibus animi coniunctas exprimant, utque interdum quādam argutiarum venustatem secum ducant. at vero & maxima huiusmodi dicendi generis elegantia posita est in coniunctione verborum, sententiarum, quæ talis esse debet, ut aurium delectantem sensum atque suavem efficiant sonum, quo spectant Ciceronis verba: *datur etiam venia concinnitati sententiarum: & arguti certique & circumscripti verborum ambitus conceduntur: de industriaque non ex insidiis; sed aperte ac palam elaboratur; ut verba verbis quasi demensa & paria respondeant, ut crebro conferantur pignantia, comparenturque contraria: & ut pariter extrema terminentur, eundemque referant in cadendo sonum:* ¹ & alibi ² dicit: *formæ vero quedam sunt orationis, in quibus ea concinnitas inest, ut sequatur numerus necessario. nam quum aut par pari refertur, aut contrarium contrario opponitur, aut quæ similiter cadunt verba, verbis comparantur: quidquid ita concluditur plerumque fit, ut numerosè cadat: etenim suavis in oratione concinna ἀρμονία princeps fundamentum ponunt in ἀντιθέσει, παρισώσει & παρὰμειώσει. primum genus est ΑΝΤΙΘΕΣΙΣ, id est oppositio, quum modo illud, quod proprie contrarium est, contra ponatur, verbi gratia, eloquentia obmutuit, apud CICERONEM* ³

1 oratore ad M. Brutum n. 11. 2 ib. n. 65. 3 in Bruto: 1

cum ratione insanit apud TERENTIVM; ¹ modo vero & id, quod speciem habet contrarii, quo pertinent, vti dicuntur, priuantia e. g. *unicum est bonum scientia; malum contra unicum est inscitia*; contradicentia, v. g. *sepe melius est, non vivere quam vivere*: confer QVINTILIANVM. ² secundum genus est ΠΑΡΙΣΩΣΙΣ, quum voces integræque locutiones nullo coniunctæ vinculo suis interuallis distinguuntur; & tertium ΠΑΡΟΜΟΙΩΣΙΣ, hoc est similitudo litterarum & vorum, quo de argumento conferri potest C. G. SCHWARTZIVS ³ huiusmodi igitur dicendi morem Asiaticos oratores obseruasse, proficitur CICERO, qui autem in eo contra artem interdum peccabant, quod perpetuas phrasas & figuras habuerint prodigiosas & procul arcessitas, nec vim sententiarum rite temperata oratione conseruauerint. quo in genere multi veterum sophistarum a regulis veræ eloquentiæ discesserunt, quoniam ornamenta, & quæ orationem reddunt concinnam eamque inlustrant, vbique adhibere studebant, sed re ipsa ista coniectabantur immodice, nec vsum illorum temperabant cum iudicio. tale sententiosum & argutum dictionis genus sectatus est ΤΙΜΑΕVS, teste CICERONE, qui ΤΙΜΑΕΟ Pythagorico philosopho iunior, Andromachi filius, domo Siculus, quiue litteris historiarum inluxit, de quibus C. I. VOSSIVS ⁴ videri potest. de eloquentia ipsius CICERO alio loco ita disserit: *minimus horum omnium Timæ-*

¹ Eunuch. act. I. scen. I. v. 18. ² instit. orat. lib. IX. cap. 3.
³ diff. de orat. concinna. ⁴ de historicis grac. lib. I. c. 12. p. 81.

us, quantum autem iudicare possum, longe eruditissimus & rerum copia & sententiarum varietate abundantissimus, & ipsa compositione verborum non impolitus: magnam eloquentiam ad scribendum attulit, sed nullum usum forensem. ¹ alterum Asiaticum dicendi genus erat amplum, copiosum, longiores periodos, longiora commata & cola habens, quod modo elegans atque ornatum fuit, modo quoque pulchritudinem suam amisit & in effrenatam loquacitatem sine usu degeneravit, quapropter PETRONIVS ² nuper ventosâ isthæc & enormis loquacitas Athenas ex Asia commigrauit, animosque iuuenum ad magna surgentes veluti pestilenti quodam sidere adflavit, simulque corruptæ eloquentiæ regula stetit & obtinuit: & SVETONIVS ³ an potius Asiaticorum inanibus sententiis verborum volubilitas in nostrum sermonem transferenda?

§. VIII. Asia itaque, de cuius musis, eloquentiæ præcipue iam quædam præmisimus, a CICERONE peragrata est, cuius itineris causam his declarat verbis: *sed quum tensem remissione & moderatione vocis & commutato genere dicendi me & periculum vitare posse & temperatius dicere: ut consuetudinem dicendi mutarem, ea causa mihi in Asiam proficiscendi fuit.* ⁴ princeps litterarum studium, cui in Asia sese tradidit, eloquentia fuit, cuius magistros eo tempore nobilissimos audiuit & ipsorum profecit doctrina. primus ex illis, quorum facit mentionem, est Menippus Stra-

¹ de oratore lib. II. n. 14.

² satiric. c. 2.

³ Aug. c. 86.

⁴ c. 93. in Brutio.

tonicenfis, qui ab aliis Menippis, *Menippo* quippe Pergameno, qui in geographiâ in primis litteris clarus fuit, *Menippo* Comico, *Menippo* Cynico, *Menippo* Gadarenfi distinguendus est quive Stratonicefis a patria *Stratonicea* dicitur, quumque Stratonicea vrbs fuerit Cariæ, factum, vt PLVTARCHVS Menippum hunc adpellauerit Carem, confer. G. I. VOSSIVM ¹ & CELLARIVM ² secundus est *Dionysius Magnes*, qui num *Magnes* dicatur a *Magnesia* Asiæ propriæ vrbe, an a *Magnesia* Macedoniae regione, id accuratius definiri non potest, quamvis verius sit, eum cognominatum fuisse a *Magnesia* vrbe Asiæ, cuius supra iniecimus mentionem. quem *Dionysium* ab aliis Dionysiis a IONSIO ³ diligenter recensitis, distinguendum subsequitur *Aeschylus Cnidius*, sic dictus a *Cnido* vrbe Cariæ, de quo præter nomen ad posteriorum memoriam nihil est propagatum. quumque & alii eiusdem fuerint nominis, *Aeschylus* quippe tragicus, *Aeschylus* mathematicus, discipulus Hippocratis Chii, *Aeschylus* Menedemi Eretriensis inimicus, *Aeschylus* Agomestoris F. qui circa initium Olympiadum Atheniensibus imperavit, *Aeschylus* Corinthius; hosce cum TVLLII magistro confundere minus debemus. tandem & inter præceptores Asiaticos suos numerat Cicero *Xenoclem Adramyttenum*: *Adramyttium*, siue *Adramytteum* siue *Adramytteos* seu *Adramyttion* est vrbs nobilis Mysiæ teste STEPHANO: Ἀδραμύττειον πόλις

¹ de his. græcis lib. III. p. 388. ² notitia orbis antiqui lib. III. c. 3. p. 102. ³ de scriptoribus historia philosoph. lib. III. cap. 8. §. 2.

τῆς κατὰ καίον Μυσιᾶς, *Adramyttium urbs est Mysia illius, quæ iuxta Caicum sita est*; a qua Xerocles habuit cognomen.

§. X. Verum enim vero his CICERO non contentus, RHODVM venit & sub veteri doctore Molone vim consummauit eloquentiæ. Rhodus est insula Asiatica clarissima post Cnidi promontorium versus orientem sita, auctore STRABONE, ¹ quæ olim tribus vrbus *Lindo, Camiro, Ialysô* habitata fuit, teste PLINIO ² & POMPONIO MELA ³ tetrapolis vero facta est post Xerxem, Persarum regem e græcia profligatum, addita noua ciuitate, quæ nomen accepit totius insulæ & RHODVS adpellata est, vt taceamus de colosso solis ibidem erecto, opere admirando atque inter septem mundi miracula locum obtinente; de aëre insulæ huius maxime salubri, de situs opportunitate, bellica virtute, quæ commendabat Rhodios, deque ipsorum cum romanis amicitia, quippe quod argumentum VBBO EMMIVS de republica & statu Rhodiorum persecutus est. verum princeps momentum, ad quod pro dissertationis nostræ ratione attendimus, est, quod Rhodus emporium fuerit atque officina musarum, quæ vix vsquam gentium habitarunt salubrius & splendidius, quam ibi, quo & Romani aliæque gentes transmigrarunt, vt præcepta sapientiæ atque eloquentiæ haurirent. quapropter erant Rhodus & Mitylenæ sedes exsulum, eruditorum, quum vtrobique litterarum studia quam maxime

¹ lib. X IV. c. 7. ² lib. IV. c. 31. ³ lib. II. cap. 7.

florerent:

florērent: CICERO ¹ dicit: *qui si facile passurus esset, te carentem patria & fortunis tuis quiete & libere vivere; cogitandum tamen tibi esset, Romane & domi tuæ, cuiusmodi res esset, an Mitylenis aut Rhodi mallet vivere.* prout autem Mitylenæ exfulem M. Marcellum ita adfecerunt, ut maluerit ibi, quam Romæ & domi suæ esse; sic & Q. Metellus Numidicus in voluntarium exsilium Rhodum profectus, ibique libris legendis atque audiendis magnis viris operam dedit, ut adparet ex LIVIO. ² etenim philosophia atque eloquentia Rhodi effloruerunt: de philosophia nec non mathefi testatur id VITRUVIVS ³ quum in præfatione ita disserit: *Aristippum socraticum electum naufragio ad Rhodiorum littus, cum schemata geometricis descripta rationibus vidisset, ad comites exclamasse, bene speremus, hominum vestigia cerno, statimque in gymnasium oppidi dilatatum ibi cum admiratione disputasse & muneribus ampliter donatum esse:* quod autem ad eloquentiam adtinet, Aeschines, Atrometi litteratoris filius Rhodum cecidit in exsilium, ibique scholam aperuit, quam PLUTARCHVS διδασκαλῶν, PHILOSTRATVS σοφιστῶν φροντιστήριον nominat, atque generis dicendi Rhodii posuit fundamentum, quippe

¹ *epist. ad diuers. lib. IV. ep. 7. n. 9.* ² *epit. LXIX.* ³ *lib. I. d. de architectura.*

N

quod

quod medium fuit inter Atticum atque Asiaticum, adeo ut palmam modestioris eloquentiæ inter omnes Asiaticas scholas Rhodii tenuerint, quos *saniores & Atticorum similiores* id est minus turgidos aut copiosos CICERO laudauit, quam in rem & QUINTILIANVS testatur.

§. XI. Sic & Rhodus eloquentiam nutrit CICERONIS, qui præceptorem, ad quem ibi se adplicauit, nominat *Molonem*, qui clarissimus dicendi magister fuit, etiam causarum patronus. iam Romæ *Moloni* huic Rhodio multum dederat operæ, totumque genus dicendi penitus cognouerat CICERO: *eodem anno etiam Moloni Rhodio romæ dedimus operam & actori summo causarum & magistro.* præter Ciceronem Molo hic discipulum quoque habuit *Iul. Cæsarem*, teste SVETONIO, qui illud præcipue spectabat, ut civilem perficeret eloquentiam, ad quam ferebatur natura, auctore PLVTARCHO. sed tamen & *Posidonium* Rhodi audiuit Cicero. nam non solum PLVTARCHVS, sed & ipse CICERO, quando ait: *& principes illi Diodotus, Philo Antiochus, Posidonius, a quibus instituti su-*

1 *instit. orator. lib. XII. cap. 10.* 2 *cap. 89. in Bruto.* 3 *in vit. cap. 4.* 4 *vita ipsius p. 708.* 5 *vita Ciceronis p. 882.* 6 *de natura Deorum. lib. 1. c. 3.*

mus; satis adfirmant, quod Tullius a Posidonio quodam sit institutus, a quali autem id fuerit factum, de eo iam disputemus. namque in veterum monumentis tres Posidonii commemorantur, quorum primus patria *Apameensis*, secundus *Alexandrinus*, antiquior & Zenonis auditor, & tertius *Obiopolita*, qui libris quatuor Atticas historias conscripsit. quod horum primus Ciceronis magister fuerit, ex variis rationibus colligi potest, siquidem *SVIDA* auctore Posidonius *Apameensis* scholam habuit Rhodi, ubi Ciceronem Posidonium philosophum audiuisse clare pronunciat *PLUTARCHVS*, ut de ratione temporis, quæ cum sententia hac congruit, taceamus. equidem *CICERO* superiore loco, quo de professione sua commemorat, ex præceptoribus, quibus Rhodi se tradidit, Molonem tantum nominat, Posidonii autem *Apameensis* nullam habens mentionem; sed id leue est momentum. *CICERO* enim ibi tradit, quorum opera in dicendi arte sit usus, in quibus Posidonius, veluti philosophus & a quo in philosophia stoica redditus est exercitior, minime fuit. hic igitur Posidonius dictus *Apameensis* ab *Apamea* Syriæ prope *Orontis* & *Marfyæ* confluentem, stoicus philosophus, discipulus & successor *Panæti* Rhodii iunioris magnam philosophiæ

atque astrologiæ laudem sua ætate consecutus est, quocirca AVGVSTINVS ¹ ait: *Posidonius stoicus multum astrologia deditus*: item ² *Posidonius magnus astrologus idemque philosophus*; etiam apud STRABONEM ³ legimus, Pompeium magnum, quum ad bellum Mithridaticum proficiscens Rhodium venisset, ibi Posidonium differentem audiuisse, confer G. I. VOSSIVM ⁴ IONSIUM ⁵ MENAGIVM ⁶ I. A. FABRICIVM. ⁷ hæ igitur sunt amœnitates historicæ, quas ex CICERONIS conlegimus peregrinatione.

¹ de civitate Dei lib. V. c. 2. ² lib. V. cap. 5. ³ lib. XV.

⁴ de historicis grecis lib. I. c. 24. ⁵ de scriptor. hist. philos. lib. II. c. 16, §. 3. ⁶ ad Laërtium lib. VII. segm. 30. ⁷ in bibliothec. grec. lib. III. cap. 15.

DA. 126 A 205

EXERCITATIO

1821
EXERCITATIO
HISTORICO-PHILOSOPHICA
DE

A THEISMO
ARISTOTELIS.

rint nonnulli, extare in paganorum monimentis non pauca, quæ magnam interdum cum sacris oraculis similitudinem habere videntur, ista cum diuinis illis scripturis non solum conciliari, sed & ipsos auctores in christianorum, quin immo in illorum, qui æterna fruuntur felicitate, numerum referre, sibi sumserunt; cuiusmodi institutum eo alacriori studio susceperunt, quo maior erga veteres philosophos venerationis ac pietatis cultus fuit, qua de re videri potest I. H. VON SEELEN. contra alii fuerunt, qui ex ipsorum scriptis eiusmodi collegerunt sententias doctrinasque, quæ a vera ratione de deo sentiendi essent alienæ, adeoque in illis crimen *atheismi* notarunt, id quod aliis nimis durum visum fuit, quippe qui causas horum philosophorum egerunt. fecit id elegantissima dissertatione IO. CHRIST. WOLFFIUS, ² quumque IO. HENRICVS FOPPIUS pro illorum opinione, qui veteres philosophos adculant atheum, quas egeret dissertationes, ³ aduersus istas, IACOBVS HASAEVS arma sua tulit. quæ quamuis magna exemplorum copia probare atque illustrare possemus, sufficiat tamen, vnum ex multis ARISTOTELEM produxisse.

§. II. Multum disputatum fuit de religione ac doctrinis ARISTOTELIS, quæ deum, eius opera, eiusdem cultum & alias res diuinas spectant, ita vt alii hac in re de philosopho hoc senserint præclare; alii vero minus, quæ tradidit, probauerint. namque quod ad priores adtinet, constat ex monumentis historiarum

¹ de script. gentil. falso in christ. ordinem relatu. ² de atheismi falso suspectu.

³ de atheismo philos. gentil. celebrior. Brem. 1714.

⁴ de gentil. philos. atheismi falso suspectu Brem. 1716.

philosophiæ quanta dignitas, quantaue auctoritas habita sit ARISTOTELI a doctoribus illis, vti dicuntur, *scholasticis*, ex quibus *Colonienses* libro quodam de salute Aristotelis tam magnificum ipsi statuerunt pretium, vt istum in societatem ac numerum sanctorum adscriperint, ac seruatoris nostri *præcursorem* in cognoscendis rebus naturalibus dixerint, de quibus H. C. AGRIPPA¹ ita differit: *Aristoteles dignissimus latinorum gymnasiarum doctor & quem Colonienses mei theologi diuis annumerarent, librumque sub prelo euulgatum ederent, cui titulum facerent de salute Aristotelis, quem theologica insuper glossa illustrarunt, in cuius calce concludunt, Aristotelem sic fuisse Christi præcursores in naturalibus, quemadmodum Ioannes Baptista in gratiis.* * quapropter non est causa nobis, cur admiratio nos lubeat, quod ista ætate tam putida fuerit barbaries, tamque lucuosa rerum christianarum facies, vt ex Aristotelis libris viam ad felicitatem, quæ constanti ac sempiterna retinetur possessione, demonstrare, istosque apud populum in sacro cœtu concilioque explicare, quidam instituerint, cuius rei testem habemus MELANCHTHONEM: ² *audiuimus, quosdam pro concione ablegatos euangelio ethica Aristotelis explicare. & alio loco* ³ *dicit: quidam Licentiatius dixit: si amitteremus omnes libros propheticos & apostolicos, posse doctrinam euangelii reparari ex ethicis Aristotelis. nec defuerunt recentiori ætate, qui singulari philosophi huius amore capti iudicarent, quod iste monumentis suis doctrinas di-*

¹ de vanitat. scient. cap. 54. ² apolog. A. C. pag. 62.
³ l. c. p. 492.

uinis oraculis plane consentaneas prodiderit, ac omne pietatis studium exercuerit, vti FORTVNIVS LICETVS *de pietate Aristotelis erga deum & homines & de animarum rationalium immortalitate secundum opinionem Aristotelis* ¹ scripsit; cui adhuc duos, qui religionem nostram professi sunt, adiungere possumus. quorum est alter IO. ZEISOLDVS; celeberrimus quondam academix nostræ philosophus, qui librum *de Aristotelis in illis, quæ ex lumine naturæ innotescunt; cum scriptura sacra consensu, ab eaque adparente dissensu* ² edidit, & Aristotelis consensum cum diuina scriptura demonstrare sibi sumsit, quod institutum quam minus feliciter successerit, adeoque opera male sit posita, ostendit venerandus BVDDEVS. ³ hinc & de isto dicit PASCIVS. ⁴ *sed si verum fatendum, nititur sæpe præsumpta viri alias doctissimi conciliatio lubrico fundamento, tribuunturque nonnunquam ex intempestiuo hoc conciliandi studio tales philosopho sententiæ, quæ ipsi in mentem non venerunt.* alter est CHRISTIANVS DREIERVS, qui integram Aristotelis philosophiam in deum reduci & in eo ultimo adquiescere, adfirmavit, ⁵ vt de aliis, IVLIO CAESARE SCALIGERO, ANTONIO SIRMONDO, AVGVSTINO NIPHO, quos commemorat quoque FABRICIVS, ⁶ taceamus.

* de libro hoc videri potest VINC. FLACCIVS theatro anonymor. & pseudonym. p. 77. & I. A. FABRICIVS biblioth. græc. lib. III. cap. 6.

¹ Patav. 1639. fol. ² Ien. 1667. 4. ³ obserr. Hal. tom. 3. obserr. 13. §. 5. 6. p. 139. sqq. ⁴ introd. in rem literar. moral. veter. cap. 11. §. 11. p. 593. ⁵ de var. mod. moralia trad. ⁶ philos. prim. p. 43. ⁷ biblioth. græc. lib. III. cap. 6. p. 176.

p. 176. mentionem facit libri: *questio magistralis, ostendens per auctoritates scripturae divinae, quid iuxta saniorum doctorum sententiam probabilius dici possit de saluatione Aristotelis Stagiritae*, editi Coloniae a Lamberto quodam de Monte.

§. III. Prout autem christianae religionis homines Aristotelem magnis adfecerunt honoribus, veluti philosophum, cuius doctrinae diuina abundarent sapientia, ita quoque Iudaei istum genti suae vindicarunt, quod quum res ipsa negaret, fabulis ac commentitiis argumentis confirmare, summa adnisi sunt ope, alii pro suo rerum fictitiarum studio Aristotelem, Iudaeum Hierosolymitanum e tribu Benjamin genus suum duxisse, prodiderunt, videatur BARTOLOCCIVS. ¹ alii autem, ne tam magnum atque impudens dicerent mendacium, nugati sunt, istum in extremo vitae constitutum Iudaeorum sacris, profelyti instar se addixisse, id quod credi voluit R. IOSEPH filius SCHEMTOV. ² quibus figmentis SCIPION. SGAMBATVM ³ adduci potuisse, vt verisimile existimaret, Aristotelem aut genere, aut disciplina aut cultu fuisse Iudaeum, id est maxime demirandum, quum haec omnia plena sint nugarum, atque aperte significant fabulas. nec quis, vi verum percipiendi praeditus fidem adiunget narrationi, quod Aristoteles quotidie hac precum formula vsus fuerit, quae a BARTOLOCCIO profertur ex bibliothecae Vaticanae codice, manu exarato & inscripto: מורי המילוסופי *eruditiones philosophorum*:

¹ bibl. Rabbin. tom. I. p. 471. ² praefat. ad exposit. in libr. Aristotel. de moribus. ³ archiu. V. T. p. 457. sqq.

*terribilis, cuius dominio me subiciam,
 & aeternae, qui nunquam (regnare) cessas,
 & auctor omnium rerum,
 libera me ab igne tuo magno.*

aut quod Alexander Macedo, quum victor Hierosolymas in suam redeisset potestatem, magistrum suum Aristotelem thesauro librorum Salomonis praefecerit; qui vero quidquid boni in illis inuenerit, huius furtum fecerit litterarium, idque omne, additis quibusdam grauissimis erroribus, ac speciatim de aeternitate mundi, suo ipsius nomine ediderit, qua de re legas IACOBVM THOMASIVM,¹ PETRVM BAEIVM,² & qui haec omnia diligentissime conlegit, IO. CHRISTOPH. WOLFIUM.³

§. II. Sic Aristoteles aliis visus est christianus; aliis vero Iudaeus: & quem fugiat, quam amplissimis ornatus fuerit laudibus, veluti sortem mortalis generis humani excedens, cuiusue merita nemo admiratione, multo minus cultu aut oratione consequi posset, ex quibus religiosis ipsius cultoribus PERERIVM,⁴ tantum nominamus, in haec verba erumpentem: *huius igitur viri, quem admirata est antiquitas, posteritas vero etiam venerata, & ut Lucretii verbis utar,*

qui genus humanum ingenio superauit & omnes

*praestrinxit stellas, exortus uti aethereus sol;
 huius inquam viri praestantiam virtutesque
 laudando consequi velle, simile est, ut si quis vellet
 oceanum exhaurire, aut stellas caeli dinu-*

¹ de plagio litter. §. 364. p. 160. ² diction. histor. crit. tom. I. p. 346. ³ biblioth. Hebr. n. 356. p. 227. ⁴ lib. V. cap. I. physica.

merare & mundi totius magnitudinem manibus suis metiri. enim vero alii hunc philosophiæ doctorem adcurarunt impietatis, quin immo ordini illorum adscripserunt, qui veritati grauissimæ clarissimæque, quod detur summum numen, maximam vim intulerunt, eamque destruere sunt conati; id quod utraque ætate factum esse, ex historiarum monumentis cognoscimus. namque æuo vetustiori Athenienses illum criminis infimularunt, quod esset ἀσεβής καὶ ἀθεός, & ipse metu impulsus, ne supremo adficeretur supplicio, Athenis res suas transtulit Chalcidem, quod ab Eurymedonte sacrorum antistite adcuratus esset impietatis, siue ut Phauorinus tradidit, a Demophilo, teste DIOGENE LAERTIO, ¹ quamuis hos ambos eiusdem adcurationis auctores nominet ATHENÆVS: ² confer THOMAM STANLEIVM. ³ recentiori vero ætate adhuc diligentiori opera studioque ea, quæ philosophus hic sensit dixitque de Deo, suspecta reddere, eaque grauissimorum errorum plena esse, demonstrare adlaborarunt, prout VALERIANVS MAGNVS de *atheismo Aristotelis* MDCXLVII. scripsit, & GVIL. POSTELLVS dedicatione, quam liber ipsius Iustini Martyris euersio Aristotelicorum dogmatum præ se habet, de isto ita iudicauit: *nullus autem sit reipublicæ periculosior aut euersione dignior hostis familiari & domestico. suscepim in falsa Aristotelis dogmata bellum Iustini Martyris & philosophi præstantissimi fretus armis & fidei cum martyre consimilis lorica tectus, eo quod ut olim omnia fere hereseon se-*

¹ lib. V. segm. 3. ² lib. XV. p. 696. ³ *hisor. philos.* part. V. cap. 9. p. 422.

mina

*mina ex vno Aristotele emergere, ita hodie
atheorum cohors inde manat, adde IO. LAV-
NOIVM.* ¹ qui & aliorum de Aristotele sini-
stre sentientium iudicia conlegit. sed præter
hos alii adhuc eandem aduersus nostrum fece-
runt censuram, ex quibus SAMUEL PARKE-
RVS ² eum *atheorum omnium principem at-
que ipso Epicuro apertiore religionis hostem
pronuntiat*; quodue sit *atheus & apertus re-
ligionis hostis*, id ex instituto probandum sibi
sumsit AVCTOR obseru. Hallenf. ³ & IO.
FRANCISCVS BVDDEVS ⁴ dicit: *certe, quæ
de deo, eiusque cum materia nexu necessario,
mundi quoque æternitate docet, eiusmodi phi-
losophiæ systema exhibent, quod cum atheismo
consistere queat*: nec non ANDREAS RVDI-
GERVS ⁵ varia loca profert, quæ mentem a
vera de deo sentiendi ratione alienam pro-
dant, quibus addenda sunt ea, quæ hac de re
differit IENKIN THOMASIVS. ⁶

§. V. Quibus adparet, quanta sit diuersitas
opinionum de Aristotele eiusdemque doctri-
nis, ita vt alii in ipsius laudes sint effusi, alios
vero omnem pietatis existimationem illi adi-
mere videamus, quapropter quum nobis quo-
que sit in animo, de atheismo philosophi hu-
ius tractare, non ab re esse duximus, illorum
sententiam, qui magistrum suum Aristotelem
tam sancte pieque colunt, accuratius examina-
re. id vero melius nobis peregrisse videbimur,
si generatim de studio multorum veteres phi-

¹ de varia Aristotelis fortuna cap. 14. ² de deo & provid.
diuin. disp. 1. sect. 24. p. 65. ³ tom. VIII. obseru. 10. p. 209.

⁴ thesb. de atheism. & superstition. cap. 1. §. 15. ⁵ physic. diuin.
lib. 1. cap. 2. sect. 1. §. 11. sqq. ⁶ histor. philosoph. de atheism.
cap. 2. p. 48.

loſophos cum ſcripturis ſacris conciliandi dixerimus, oſtendendo, quod partim huiusmodi inſtitutæ conciliationeſ ſint nullius momenti, partim minime ea, qua deceat ratione, poſſint inſtitui. atqui vt de priori momento diſſeramus, in propatulo eſt, quod huiusmodi opinio tam magnifica de Ariſtotele ex corrupto animi adfectu, quo ipſi plane conſecrati fuerunt, originem ſuam habeat, quæ vt fieret amplior & plurium occuparet animos, in id imprimis omnem contulerunt laborem, vt oſtenderent, doctrinas Ariſtotelis plane eſſe conſentaneas diuinis ſcripturis. pro ſtudio quippe, quo quiſque philoſophum ſuum ex antiqua ætate proſequebatur, huiusmodi conciliationeſ ſæpius ſunt inſtitutæ, id quod non ſolum Ariſtotelis, ſed & Platonis aliorumque philoſophorum cultores fecerunt. namque ſi PLATONEM reſpiciamus, negotio huic non mediocrem dederunt operam BESSARIO, MARS. FIGINVS, FRANCISCVS PATRIGIVS, LIVIVS GALANTES & plures alii, quorum mentionem habet FABRICIVS.¹ & quem fugiat, quo amore captus fuerit IVSTVS LIPSIVS in præcepta & doctrinas *Stoicorum*, quas ad ſententias diuinarum litterarum interpretari, adeoque philoſophiæ huic magnam efficere auctoritatem, ſumma opera adlaborauit, prout ipſe profiteſtur, *non alios e priſcis magis conſentire cum chriſtiana pietate quam eos, qui a ſtoica domo;*² cuius rei & IACOBVS THOMASIVS³ exhibet teſtimonium, quando dicit: *verum id erat Lipſio propoſitum, vt quemadmodum Ari-*

¹ biblioth. grac. lib. III. cap. 1. p. 38. ² centur. I. miſcell. epist. 33. ³ origin. hiſtor. phil. & eccleſiaſt. p. 60.

*stotelens scholastici, sic ipse Stoicos suos, quoad posset, maxime reduceret in gratiam cum religione christiana. * sic & fuerunt, qui EPICTURI doctrinas cum sacris pandectis in gratiam reduci posse facillimo negotio, sibi persuaserunt, ac ipsius sententias de atomis cum Mosis historia diuinæ generationis egregie conuenire, contenderunt. hinc EDMUNDVS DIKINSON¹ dicit: *quum suscepissem philosophiam Mosaicam pro virili mea dilucidandam cunctisque serio perpenfis firme concepissem, munus illud nulla ratione melius, quam corpusculari vel, ut loquuntur, atomica præstandum fore.**

* huc etiam speciatim pertinent ea, quæ de SENECA & EPICTETO eorumque doctrinis, cum oraculis diuinis conuenientibus proferruntur. de SENECA multos auctores LINTROPPIVS præfatione ad SVANINGII Senecæ theol. natural. contemplat. Haun 1710. 4. conlegit; EPICTETVS autem a BARTHIO aduersar. lib. III. cap. 10. & 16. christianus est dictus; BERKELIUS not. ad enchir. cap. 37. commemoratis Epicteti doctrinis addit: *parum abest, quin exclamem, o sancte Epictete!* POIRET œconom. diuin. lib. III. cap. 13. vocat illum diuinum senem, neque dubitat, futurum, quando Christus adpariturus est, ut ille una cum eo in gloria compareat. conf. MICHAEL ROSSALIVS disq. de Epicteto, qua probatur, eum non fuisse Christianum Grœning. 1708. 8.

§. VI. Quod si igitur homines prauis adfectibus impulsu commoti sint ad huiusmodi conciliandi studium, facile exinde iudicare pos-

¹ *physic. veter. & vtr. cap. 2. pr. p. 11.*

sumus,

sumus, quanta simplicis veritatis promouendæ ipsis fuerit cura, cuius quippe nullam habuerunt rationem, & perditæ mentis cupiditati satisfacere, laborarunt. quid multa? quilibet mediocri iudicandi virtute præditus percipere potest, quam ieiunæ aridæque sint sæpius tales conciliationes, quod ut fiat manifestum, non ab re erit, hanc in rem exempla quædam proferre. sic BESSARIO eam ob causam PLATONEM cum oraculis dei consentire putat, quod plus fidei, quam demonstrationibus tribuerit; *Plato*, ait, *in hoc præcipue cum nostra religione conuenire videtur, quod nullam quærit demonstrationis rationem, sed primam præcipuamque omnium virtutum fidem constituit, per quam res diuinas merito colendas existimat*; quasi fides Platonis, hominis rationis tantum lumine inlustrati & adhuc paganorum sacris initiati eadem sit ac fides, quam doctores religionis christianæ docent, quæ seruatore generis humani nititur, cuiusue nemo per vires naturæ, sed gratiam spiritus sancti particeps esse potest. AVGVSTINVS STEVCHVS, ¹ ut consensum Aristotelis cum Mose demonstraret, momentum illius inter alia in eo posuit, quod ad similitudinem libri generationis diuinæ adfirmauerit, deum marem & feminam *πρὸς τὴν κοινωνίαν* produxisse, quod sane ita firmum statutumque est, ut a nemine, siue sit politus, siue rudis ingenio, vocetur in dubium. quin immo interdum fuerunt ea licentia, vel potius audacia ac temeritate, ut sancta profanis, religiosa ac pia impiis, lumina tenebris, summa infimis

¹ de perenni philos. lib. X. cap. 20.

miscerent turbarentque, cui impudentiæ insignem reliquit locum IVSTVS LIPSIVS, qui per fatum Stoicum intelligit *æternum providentiæ decretum, quod tolli non magis e rebus potest, quam providentiæ ipsa*: ¹ quid? ipsam providentiā, quam ex sacris litteris cognoscimus quamue proitemur pie, ad VELLEII exemplum apud CICERONEM ² qui eam per ludibrium *annū fatidicam* Stoicorum vocat, ita adloquitur: *ades nostra annus, ades amanda nobis super omnes veneres & venerum amores!* ³ quæ verba neque pectus, neque scribendi genus hominis christiani produnt, & sane miramur, magnum Lipsii ingenium in tam futiles, commentitias ac impias sententias incidisse. atque etiam alia Stoicorum delirantium somnia tam pulcre interpretari potest. sed, quæ attigimus exempla, sufficiant.

§. VII. At vero hæ conciliationes non solum sunt nullius momenti, sed & ex veritate ea, qua decet ratione, minime possunt institui, quæ sententia nostra verbosius explicari potest. primum enim sacer codex, qui religionis christianæ doctrinas tradit, eiusmodi complectitur res ac veritates, quas nemo humanæ mentis oculis intueri, vique rationis cognoscere potest, prout omnes illæ sunt, quæ viam ad veram eamque sempiternam felicitatem consequendam monstrant. equidem facile concedimus, quod ratio nostra emendata atque diligenti exercitatione perpolita nihil neque adfirmet, neque neget, quod diuinis effatis sit aduersum; multa tamen eaque grauiora veritatum momenta illis insunt, quæ in-

¹ de constant. lib. I. cap. 19.

² de natur. deor. lib. I. cap. 8.

³ lib. I. diff. II. phys.

tellectus noster sua percipiendi vi minime consequi potest. adhæc paganorum philosophi rationi emendandæ nullam dederunt operam, quin etiam adfectuum cupiditatibus indulgentes, istam corruperunt maxime, adeo ut philosophia, quæ veritates suas ex lumine sanæ rationis deducit, non sit eadem ac doctrina huiusmodi philosophorum. quod si enim hoc fecissent, pro veritatis indole, quæ simplex atque vna est, quæue vna eademque ratione cognoscitur ac percipitur; tanta sane diuersitas veritatum principalium, totque veterum philosophorum sectæ non fuissent, prout alia sententiarum principia adhibuit PLATO, alia ARISTOTELES, alia ZENO, alia EPICVRVS. atqui certe in summis erroribus & maximarum rerum, dei quippe, prouidentia diuinæ, animæ naturæ atque immortalitatis ignoratione sunt versati, quas tenebras & ille, qui recta vitur ratione, dissipare & aliis in hisce momentis clarissimum præferre potest lumen. id quod diuinus apostolus PAVLLVS¹ pro sua iudicii grauitate breuibus, sed magna verborum virtute exprimit: *ἐματαιώθησαν ἐν τοῖς διαλογισμοῖς αὐτῶν, vani futesque facti sunt cogitationibus meditationibusque, καὶ ἐσκοτίσθη ἡ ἀσύνετος αὐτῶν καρδιά, id est, quoniam intellectus ipsorum veræ sapientiæ non capax, crassis occultatus & circumfusus est tenebris errorum; qua interpretatione explanamus vocem καρδιάς per intellectum, quæ significatio & alio loco apostoli huius² confirmatur, quando dicit: τὸ ἔργον τῆ νόμου γραπλὸν ἐν ταῖς καρδίαις αὐτῶν. immo addit: φάσκον-*

¹ Rom. I. v. 21.² Rom. II. v. 15.

τες εἶναι σοφοί, ἐμαργάνθησαν, hisque verbis significat, quod summo elati spiritu sibi ipsis videantur sapientes ac grauissimi sapientiæ doctores; re ipsa autem in stultitiam sint deducti. en! hæc scripsit PAVLLVS ad romanos, qui omnem litterarum sapientiæque vindicabant sibi gloriam, qui principes gentium cultissimarum habebantur, quiue græcorum doctrinas de rebus diuinis emendasse, liberali mente sibi persuadebant.

§. VIII. In tam crassis igitur erroribus in rebus, quæ mentis tantum agitationem ac contemplationem spectant, quamnam lucem in doctrinis morum, quæue ad vitam bene conformandam valere debent, præferre potuerunt veteres philosophi? quantam sane speciem pulcritudinis præ se habent illorum præcepta, tanta omnino eorum adparebit deformitas, si in interiorem illorum indolem, quam veluti conclusiones ex principiis suis deductæ habent, penetramus, id quod per exemplorum vim corroborare volumus. sic PYTHAGORAS & PLATO vltimum hominis finem esse ὁμοίωσιν τῷ Θεῷ. *similitudinem dei* docuerunt, ad quam perueniendi medium præter cognitionem sui ipsius esset καθάρσις, *purgatio*, quam sequi deberet ἀνάστος, seu *adscensus* vel arcta cum deo coniunctio, cuius rei testimonia a scriptoribus, qui modo generatim, modo speciatim historiam philosophicam illustrarunt, collecta fuerunt copiose: quo autem fundamento nitatur hæc doctrina, ostendamus. scilicet primum communis veterum fuit opinio, quod anima nostra, aut potius mens pars sit diuinæ naturæ, cui præter

alios PYTHAGORAS & PLATO imprimis sese addixerunt. ad illum quod adinet, testatur THEODORETUS,¹ apud Pythagoram & Platonem intellectum nihil aliud fuisse, quam diuinam partem, quod etiam ex definitione, quam dedit de deo, patet, veluti *animus per vniuersam rerum naturam commeante & intento: ex quo etiam animalium omnium vita capiatur*, teste MINVCIO FELICE,² quæ de Pythagoræ sententia deprompta sunt ex CICERONE,³ adde CLEMENTEM Alexandrinum,⁴ THOM. STANLEIVM⁵ PETR. DAN. HVETIVM.⁶ quod autem etiam PLATO huius fuerit opinionis, animam humanam ex animo diuino & per omnem rerum naturam diffuso esse tractam, ea satis confirmant, quæ hac de re legimus apud ipsum PLATONEM⁷ ALCINOVM⁸ MACROBIVM⁹ EVSEBIVM¹⁰ NEMESIVM¹¹ PETRV M GASSENDVM¹² IACOBVM THOMASIVM.¹³ sic posita animæ humanæ diuina indole, porro *descensum quemdam illius e cælo in terram statuebant*, cuius modum rationemque commemorat MACROBIVS:¹⁴ *secundum hoc ergo, quorum secta amicior est ratio, anima beata ab omni cuiuscumque contagione corporis libera cælum possident. quæ vero appetentiam corporis & huius, quam in terris vitam vocamus, ab illa specula altissima & perpetua luce*

¹ de curat. grac. adscit. lib. V. p. 516. ² Oñam. cap. 19. § 7.
³ de nat. deor. lib. I. cap. 11. ⁴ Strom. lib. V. p. 590. ⁵ histor. philos. part. VIII. p. 761. ⁶ quæst. Alnet. lib. II. cap. 8.
⁷ Tim. p. 713. ⁸ introduct. Platon. cap. 17. ⁹ somn. Scipien. lib. I. cap. 21. ¹⁰ præp. euang. lib. XIII. cap. 16. ¹¹ de natur. hom. cap. 2. ¹² syntegm. philos. Epic. part. 2. sect. 1. cap. 1. sect. 2. cap. 6. ¹³ de stoica mund. exustion. diff. XXI. lib. 18.
¹⁴ somn. Scipien. lib. I. cap. 11.

despiciens desiderio latenti cogitauerit, e pondere ipso terrenæ cogitationis paulatim in inferiora delabitur. nec subito hac perfecta incorporeitate luteum corpus inducitur; sed sensim per tacita detrimenta & longiorem simplicis & absolutissimæ puritatis recessum in quædam siderei corporis incrementa turgescit. in singulis enim spheris, quæ cælo subiectæ sunt, ætherea obuolutione vestitur, ut per eas gradatim societati huius indumenti testei concilietur. & ideo totidem mortibus, quot sphaeras transit, ad hanc peruenit, quæ in terris vita vocatur. quæ anima e cælo in terram delapsa, ex sententia Pythagoræ & Platonis cum corpore coniungitur, hacque coniunctione, quum ex materia omne gignatur malum, contrahit sibi prauam ac corruptam indolem, quæ est tertiâ doctrina, cuius in quæstionis nostræ gratiam habenda est ratio. etenim veteres pagani, quum inscitia primæ mali originis laborarent, ac motuum corporis vim, cui anima vix poterat resistere, sentirent, in eam ingressi sunt sententiam, fundamentum omnis mali positum esse in corpore ac materia, adeoque corpus, veluti carcerem, ubi anima pœnas det, habendum existimarunt. Pythagoræ hanc sententiam diserte tribuit IVSTVS LIPSIVS¹ ad EVSEBIVM² prouocans, qui hanc Pythagoræ referat doctrinam: principiorum alterum esse vnionem, id est deum & bonum, alterum infinitum & binionem, id est demonem & malum, circa quem materialis multitudo est; quod & satis notum est de Platone, quamuis minime sit auctor huius opinionis, ut putat

¹ physiol. Stoic. lib. I. dissert. 14. ² præpar. euangelic. lib. XIII.

CLEOMBROTUS apud PLUTARCHVM, ¹
*Platonem principio, quod qualitates, quæ gi-
 gnuntur, ut subiectum sustinet, materiam nunc
 vocant, excogitato, multis magnisque philoso-
 phos liberasse difficultatibus; siquidem illam
 Platone multo antiquiorem esse constat, cu-
 ius momenti testimonia studiose collegit PE-
 TRVS DANIEL HVETIVS.* ²

§. VIII. Quam opinionem de animæ natu-
 ra, descensu atque ex coniunctione cum cor-
 pore contracta prauitate quum mentibus suis
 comprehendissent Pythagoras & Plato, ἀνοδὸν
 illius, seu *adscensum*, quo e vinculis corporis
 tanquam ex carcere euolaret, seque iterum
 cum deo, vnde ipsius natura esset desumpta,
 coniungeret, promouere omni studio annisi
 sunt. qua sententia explicari debet illorum
 ὁμοίωσις τῷ Θεῷ, quam vltimum finem esse ho-
 minis dixerunt, qua in re consentiebant Py-
 thagoras & Plato, quod testatur STOBÆVS;
 Σωκράτης, Πλάτων ταυτὰ τῷ Πυθαγόρᾳ τέλος
 ὁμοίωσιν Θεῷ εἶναι λέγουσι, Socrates & Plato,
*quemadmodum Pythagoras, finem dixerunt dei
 similitudinem*, nisi quod Plato facultati ad
 hanc dei similitudinem perueniendi, his ver-
 bis: κατὰ τὸ δυνατόν ἀνθρώπων posuerit limi-
 tes, vide IO. SCHEFFERV. ⁴ duplici au-
 tem ratione hunc animæ adscensum fieri posse,
 existimabant. primum quando anima re ipsa
 soluatur a vinculo corporis, & ad diuinam dei
 sedem transferatur; deinde si in corpore qui-
 dem veluti carcere, in quem fuerit coniecta,
 adhuc degat, sed omnem adhibeat operam, vt

¹ de defect. oracul. p. 414. ² question. Abet. lib. III. cap. II.
 Origen. lib. II. cap. 2. qu. 6. ³ lib. II. eclog. cap. 3. ⁴ de na-
 tur. & consil. phil. Iulic. cap. 6. 7.

liberata a labe corporis, ad pristinam libertatem puritatemque, ac denique ad vnionem cum deo possit peruenire. cuius posterioris adscensus iterum duplex erat via: altera *philosophica*; altera vero *theurgica*. quod ad *philosophicam* pertinet, commendauit Pythagoras καθάρσεως studium, quæ cum cognitione sui ipsius & conuersione in seipsum επιστροφῇ εἰς ἑαυτὸν faciliorem ἀναδὸν πρὸς τὸν Θεὸν efficeret, confer HIEROCLEM¹ & BVDDVM.² Plato autem æque ac Pythagoras inter media finem illum attingendi retulit puritatis studium, vt anima seiungeret se a corpore eiusque inquinamentis,³ hinc & philosophiam dixit μελέτην θανάτου, meditationem mortis. ad viam *theurgicam* vero necessaria erant varia purgationis externæ genera, modo per aërem, modo per aquam, modo per ignem, in quorum usu multi celebres fuerunt ritus, id quod pluribus exposuit IO. LOMEFERS.⁴

§. X. Si quis singulari amoris adfectu erga philosophiam Pythagoræ & Platonis esset occupatus, facile occasionem doctrinas illas cum christiana disciplina contendendi capere posset. sane vt PAVLLVS⁵ τὴν ἀπόθεσιν τῆς παιδείας ἀνθρώπων hominibus christianæ religionis necessariam esse dicit; ita HIEROCLES⁶ a sapientiæ cultoribus postulat τὴν τῶν ὑλικῶν μολυσμαῶν ἀπόθεσιν; vtque AVCTOR epistolæ ad Hebræos conscriptæ⁷ μετάνοιαν ἀπὸ νεκρῶν ἔργων commendat; ita HIEROCLES⁸ confirmat, illos, qui societatem cum deo adpe-

¹ comment. in aur. carm. Pythag. cap. 66. p. 222. cap. 70. p. 226.

² analect. hist. phil. p. 368.

³ Phædon. tom. I. p. 67. app. ⁴ de veter. gentil. illustration.

⁵ Ephes. IV. v. 22. ⁶ c. l. p. 26. 226.

⁷ cap. VI. v. 1. ⁸ p. 10.

terent, debere se ἀπὸ τῆ θνητοειδὲς σώματος
 disiungere; utque PLATO¹ dicit: μὴ καθαρῶ
 καθαρῶ ἐφάπτεσθαι μὴ ἢ θεμιτὸν, ita PAUL-
 LVS² scripsit: τίς γὰρ μετοχὴ δικαιοσύνης καὶ
 ἀνομίας; item καὶ ἀκαθάρτου μὴ ἀπτεσθαι. sed
 quanta videtur convenientia effatorum Py-
 thagoræ & Platonis cum sacris scripturis, si ista
 veluti conclusiones tantum, & ipsorum verba
 consideramus; tanta sane est dissimilitudo in-
 tuitu principiorum, quibus illa nituntur.
 omnia enim plena sunt errorum, quorum hoc
 in momento grauissimus est, quod anima ho-
 minum pars sit naturæ diuinæ, cuiusmodi do-
 ctrinam adfirmare ac profiteri, plane ab omni
 ratione, ne de diuina dicamus reuelatione,
 alienum est. de cetero sententia hæc, quæ
 omnes fere philosophos oppleuerat, alios eos-
 que plures peperit errores, & fundamentum
 fuit multarum doctrinarum, quæ videntur ele-
 gantissimæ ac præstantissimæ, re ipsa autem
 sunt absurdæ atque impiæ. quam in rem, si
 dissertationis rationi esset consentaneum, vbe-
 rius adhuc exempla e Stoicorum præcipue
 philosophia deprompta proferre possem; sed
 sufficiat, breuibus ea, quæ antiquis philoso-
 phiæ magistris de immortalitate animæ pla-
 cent, attingere: ita prædicatur in illis rei hu-
 ius cognitio, atque argumentorum, quibus
 veritas hæc de immortalī animæ nostræ indole
 innixa, vim per illorum testimonia adhuc au-
 geri ac corroborari posse multi sibi persua-
 dent, cuiusmodi collegit HARTSCHMIDI-
 VS³ & PETR. DANIEL HVETIVS⁴ verum

¹ Phædon. tom. I. p. 67. opp.

² 2: Cor. VI v. 14. sqq.

³ de immortalitate animæ humana.

⁴ quæstion. Alnetam. lib. II.

cap. 8. §. 3.

omnes

omnes illi, qui originem animæ ex diuina natura deriuabant eamque iterum in hanc reuerfuram contendebant, minime adfirmarunt, illam esse immortalem, id est propriam subsistendi vim retinere, sed potius non posse destrui, quæ discrepantia satis est insignis.

§. XI. Ex his a nobis satis superque dictis, quod ratio humana dignitatem ac maiestatem veritatum, quæ sacris litteris insunt, non semper capere possit; quodue veteres philosophi lumen, quod natura ipsis fuerat dilargita, tenebris adfectuum atque errorum obscurauerint maxime, efficitur conclusio, inane esse studium, illorum doctrinas cum sacris scripturis contendendi. equidem, si dono rationis a deo dato legitimo modo vsi fuissent, nec prauis animi adfectibus tam maximum reliquissent locum, facile has falsas opiniones ac turbulentos errores vitare, etiam sibi eripere potuissent; sed quid mirum, quod in tanto prauarum cupiditatum studio, ratio ipsorum circumfusa fuerit tenebris? quapropter etiam apostolus PAVELVS ¹ adfirmat, quod corruptio mentis, libido quippe adfectuum hunc opinionum morbum, hanc intellectus ægrota- tionem effecerit, quando dicit: τὸν παλαιὸν ἄνθρωπον τὸν φθαρόμενον κατὰ τὰς ἐπιθυμίας τῆς ἀπάτης, quod pluribus exemplo græcorum philosophorum clarissime demonstrat CAMPEGIVS VITRINGA. ² verum nobis obii- ci posse videmus, quod veteres philosophi ex paganorum ordine multa ope traditionis cognouerint, ut adeo institutum, quo illorum do-

¹ Ephes. IV. v. 22. ² *dissert. de philos. græcor. vitio adfectuum corrupta lib. 3. cap. 12. p. 631. obseru. sacrar.*

strinarum cum sacris tabulis conuenientia ostendatur, non plane sit contemnendum. nec negamus, quod pagani hominis peregrinationes, si non in ipsam Iudæorum prouinciam, ad Aegyptios tamen fecerint, quorum sacerdotes memoriam legum ac consuetudinum Iudæorum tenebant, id quod de THALETE Milesio, PLATONE & EURIPIDE confirmat DIOGENES LAERTIVS,¹ & pluribus aliis DIODORVS Siculus;² quibus rationibus & hæc a multis additur, quod Ptolemæi magnum librorum numerum ex omnium gentium libris thesauris conquistum comportare procurauerint, eoque ipso græcis aliisque gentibus sacros Ebræorum libros euoluendi suppeditauerint occasionem, prout quoque ex plurimum opinione auspiciis Ptolomæi Philadelphi conuersio sacrarum litterarum in gentium linguam sit facta, vt de aliis argumentis in præfens taceamus, quæ a nauigatione Ophiritica Salomonis iussu facta, eiusdem cum gentium feminis connubio, reginæ Aethiopicæ ad eundem accessu & aliunde petuntur. hinc MVTIVS PANSAS³ dicit: *ebraica emulantes plerique multa suis in scriptis inseruerunt, paucis mutatis. erant enim vel teste Eusebio, ante Ptolemæum diuinæ scripturæ in græcam linguam traductæ. multa Theopompus, multa Theodotus tragædiarum scriptor, multa Euripides, Sophocles, Phocylides, Diphilus, Menander & ceteri ab eis suffurati sunt, ita vt integras chartas, columnas integras, vel ab eis carmine redditas, vel rhetorico fuco exornatas*

¹ lib. 1. segm. 27. lib. 111. segm. 6. ² lib. 1. p. 60. ³ oscul. abnt. & christian. philos. prof.

apud illos legerim a proverbiis & sapientia Salomonis desumptas; confer GOTHOFR. VOCKERODT. ¹ sed tamen oracula diuina, & quæ de illis ad ipsorum notitiam pervenerunt, gentes non solum minus recte intellexisse, sed & fabulis aliisque a sacra veritate aberrantibus opinionibus corrupisse, quem fugit? quin immo philosophi iudaicarum rerum vel parum vel minime erant studiosi, iisque multa exprobrabant vitia. post natum quidem generis humani seruatorem, quum temporis complementum aduenisset, quo mundi salus vbique terrarum illustraretur, omnium gentium homines in ciuitatem adscripti, cuius tum pœmœria satis fuerant angusta, etiam ad illos fama & doctrina euangelii peruenit; sed hanc ipsam doctrinam euangelii siue Christi crucifixi *ἐν γένει*, hoc est *gentibus*, quæ Iudæis opponuntur, præcipue autem illorum philosophis *μαγείαν* esse, PAVLLVS ² pronuntiat, quippe qui sibi persuaferunt, doctrinam illam de iustitia dei demonstratam in Christo crucifixo alienam esse a perceptionibus rationis, id quod colligere possumus ex illis, quæ commemorat LVCAS. ³ equidem interdum philosophi de hominum miseria grauer sunt conquesti; intimam tamen naturæ humanæ prauitatem minus perspectam habuerunt, persuasionem corrupta occupati, inesse mortalibus facultatem bene viuendi, ac propriis viribus ad virtutis regulas sese conformandi; quapropter COTTA apud CICERONEM ⁴ dicit: *atque hoc quidem omnes mortales sic ba-*

¹ de notitia diuin. scriptur. ante Christum nat. in gentes vulgat. p. 227. comment. de erudit. societ. ² 1. Cor. L. v. 23. ³ Actor. XVII. v. 18. ⁴ lib. III. cap. 36. de N. D.

bent, externas commoditates, vineta, segetes, oliueta, vbertatem frugum & fructuum; omnem denique commoditatem prosperitatemque vitæ a diis se habere: virtutem autem nemo umquam acceptam deo retulit. nimirum recte: propter virtutem enim iure laudamur, & in virtute recte gloriamur, quod non contingeret, si id donum a deo, non a nobis haberemus; hinc & HORATIVS: ¹ det vitam, det opes, æquum mihi animum ipse parabo.

§. XII. Ita demonstrauius, quantum sit discrimen inter paganorum ac diuinorum scriptorum doctrinas, quarum conuenientia frustra ac sine caussa ostendatur. prout autem multi ad huiusmodi negotium impulsu corrupti adfectus rapti fuerunt; ita de vera conciliandi via duplici ratione deflexerunt. primum enim sententias veterum philosophorum iuxta ipsarum principia, vnde deductæ sunt, minus examinarunt, & sensu, quem ipsa verba proderunt, adquiescentes, plane alia animo conceperunt, quam quæ ipse auctor quidem sensit. non sufficit, philosophorum conclusiones, quæ interdum singularem veritatis, pulcritudinis atque elegantiae speciem præ se habent, præceptis diuinioris doctrinæ similes pronunciare, nulla nexus, quo cum principiis suis & inter se cohæreant, habita ratione. deinde non obseruarunt; philosophos pro diuersis sectis vfos esse iisdem sæpe vocibus, iis autem diuersas proposuisse opiniones, adeoque existimarunt, plures sensisse similia, quamuis nihil simile cogitauerint. qua in re multi interpretes scripturæ sacræ grauitè sunt lapsi, qui

¹ lib. I. epist. 18.

ad illius dicta philosophorum sententias inconsiderate adplicarunt, aut temere linguam gentium cum sermone sacrorum scriptorum contulerunt, vti sæpius fecerunt HUGO GROTIUS & IO. PRICAEVS, obseruante IO. CLERICO, ¹ quamuis ipse aduersus hanc optimam interpretandi regulam interdum peccauerit, quod tantum ex interpretatione vocis λόγος apud Ioannem principio euangelii patet, quum existimet, Ioannem vocem & doctrinam hanc de λόγῳ a PHILONE mutuam accepisse, ² quæ res in controuersiam & disceptationem vocata est ab IO. VAN DER WAYEN, HERM. WITSIO, CAMPEGIO VITRINGA aliisque. sed hæc in transitu.

§. XIII. Quæ iam exposuimus, magnam habent vim ad illorum sententiam, qui Aristotelem cum libris diuina auctoritate conscriptis consentire credunt, diiudicandam, quamuis nobis sit in animo. infra singillatim philosophi huius opiniones penitus inspicere, & quantum imperatis illis inest, explanare; ea tamen, quæ diximus generatim de grauitate veritatum sacrarum, de veterum philosophorum ratione per prauitatem adfectuum corrupta, & qui inde suam habuerunt originem, maximis erroribus, facile confirmare possunt, huiusmodi concordiam plane esse fictitiam commentitiamque. doctoribus, vti dicuntur, scholasticis facile potest ignosci, quum ista ætate tanta fuerit barbaries, vt neque sacrum codicem, neque Aristotelem explicandi, ob putidam græcæ & hebraicæ linguæ incertitiam cuidam fuerit facultas, præcipue quum illorum philo-

¹ arte critico. vol. I. parte 2. sect. I. cap. 15. ² comment. ad euangel. Ioann. exordia subi. comment. in Genesim.

sophia in scruitutem theologiæ Papæ esset redacta, quod historiæ momentum pluribus persequitur ADAMVS TRIBBECHOVIUS.¹ sed per LVTHERVVM emendata doctrina puriore christiana, ac splendida bonarum litterarum exorta luce, multos adhuc ex societatibus nostris sacris fuisse, qui tam pio ac religioso cultu Aristotelem sint prosecuti, omnino est, quod admiremur. verum quid non persuadet adfectus, qui a prima ætate voluntatem occupavit suaque semper habuit alimenta? cui si quis amore erga veritatem incitatus resistat, facile ab erroribus liberari & in veram cognitionem rerum vtilium deduci potest. ita Aristoteles auctoritate sua multorum animos adeo ceperat, vt ab ipso discedere, nefarium crimen lætæ maiestatis Aristotelicæ haberetur, vtque sectatores illius hanc dignitatem conseruarent & in maiorem adhuc locum promouere possent, ipsius doctrinas cum diuinis effatis conciliarunt, quoniam turpe esset christianis, Aristotelem a christiana religione & litteris sacris alienum docere, interpretari ac defendere. quod opus quam infelici successu sit susceptum, quisque qui a corruptorum affectuum studiis abest, ex ZEISOLDI libro, cuius superioribus mentionem fecimus, satis & super cognoscere potest, quippe qui plenus est conciliationum ieiunarum; duriores cum sacri codicis, tum Aristotelis interpretationes complectitur, ac grauissima momenta, in quibus omnis vera conciliandi vis posita est, relinquit intacta: confer IO. FRANC. BVDDEVM² ego existimarem, fieri posse maiori adhuc spe-

¹ de doctrib. scholastic. ² obseru. Hallens. tom. III. obs. 13.

cie conciliationem inter Platonis, Pythagoræ, stoicorum doctrinas & scripturarum sacrarum veritates, si tantum spectemus ipsas conclusiones, quam inter Aristotelem & codicem diuinum, cuius integra morum disciplina externam modo hominis felicitatem respicit, vt pluribus infra demonstrabimus. de cetero iure ac merito cum IACOBO THOMASIO ¹ censemus, melius eos de fide sacra mereri, qui discordiam profana philosophiæ cum christiana intercedentem fideliter detegunt, quam qui tenebras inter & lucem pacisci pergunt: quapropter & institutum IO. BAPTISTAE CRISPⁱ, qui de philosophis ethnicis caute legendis ² scripsit, laudem omnino meretur.

§. XIII. Hactenus de prima sententia, illorum quippe christianorum, qui tam præclare de Aristotelis philosophia sentiunt eamque scripturis diuinis consentaneam esse adfirmant. pro ordinis ratione conuertimus nos ad Iudæos, quorum fabulas de Aristotele, quas supra breuibus attigimus, verbosius exponere ac diiudicare non ab re esse ducimus. sunt itaque, qui philosophum hunc genere Iudæum fuisse, contendunt, vt R. GEDALIAS ³ cuius locum latino tantum referemus sermone: *reperiuntur, dicit, in quodam libro inter christianos ex iis, quos fecerat Eusebius, scripta hæc verba: dixit Alirkos discipulis suis: conuenit ut sciatis, quod maior pars philosophiæ ad nos peruenerit ab Aristotele sapiente, qui fuerat vir Iudæus de semine Israelis Ierosolymitanus de filiis Kalìa, de tribu Benjamin. venit ad nostri famam ex insulis longinquis,*

¹ de stoica mundi exustion. p. 20. ² Rom. 1594. ³ Schale Scheleth bakhabb. p. 102.

quæ sunt in Asia & descendit ex montibus ad nos & sedit nobiscum diebus plurimis. philosophiam peperit nobis & multa valde reliquit & didicimus ab ore eius, quam ipse didicerat a nobis. sed GEDALIAS vel non intellexit EVSEBIUM; vel de industria verba ipsius in commodi sui gratiam detorsit, siquidem apud EVSEBIUM eo loco, ¹ quem GEDALIAS sine dubio respicit, CLEARCHYS introducit ARISTOTELEM loquentem de Iudæo, animo & lingua græco philosopho, qui ad se in Asia degentem venerit, aliosque sapientiæ suæ fecerit participes. nec CLEARCHYS hic fuit peripateticus ille & discipulus Aristotelis; sed alius ætate multo inferior, cuius adeo fides non satis firma est, quippe quod omnino nos in admirationem deducit, etiam ex christianis quosdam, MARSIIVM FICINVM ac GENEBRARDVM tam manifestis atque apertis Iudæorum fabulis fidem adiungere potuisse: confer PETR. BÆLIVM. ² quod ad illorum sententiam adinet, qui Aristotelem profelytum factum & Iudæorum sacra amplexum fuisse, tradunt, illa sane minus digna est, quæ verbosius refutetur, præcipue quum epistola ista Aristotelis ad Alexandrum, quæ fundamentum sententiæ huius habetur, plane est commentitia ideoque iure ac merito reiicitur, vt pluribus obseruant IO. FRANCISCVS BVDDEVS ³ & IO. CHRIST. WOLFIUS. ⁴

§. XV. Fabula autem illa, quod Aristoteles

¹ preparat. euangel. lib. IX. cap. 3. ² diction. histor. critic. tom. I. p. 347. ³ introduct. ad hist. phil. Ebraeor. p. 204. 208. ed. 2. ⁴ bibl. hebr. p. 218.

philosophiam suam ex libris Salomonis rapuerit & furatus sit, plane conuenit cum Iudæorum ingenio atque animo: etenim philosophus hic magna apud illos valet auctoritate, quapropter R. ABRAHAM in *מנהג חכמי ספרד* vocat eum *מלך החכמים* principem philosophorum, & MAIMONIDES ¹ dicit: *scientia Aristotelis est perfectissima scientia humana, præter illorum, qui diuino gaudent infusu; usque dum attingant gradum prophetie, quo nullus superior.* quapropter quæ Iudæorum grauis est atrogantia, hæc omnia confinxerunt, vt Aristoteles veluti homo paganus non suo ingenio sapere, & quæ sapientiæ ornamenta collegerit, Iudæorum nationi debere videretur, prout eos quoque pudet omnino, a paganis aut christianis didicisse. hinc & tradunt, quod PYTHAGORAS per ipsorum scripta suum ornauerit ingenium, quinimmo per circumcisionem istorum sacris sit initiatus, id quod post alios commentus est MENASSE ben Israel; ² & ex recentiori ætate dixit SGAMBATVS: ³ Pythagoras aut Hebræus, aut Hebræorum auditor fuit, aut utramque. Iamblichus & Neanthes Syrum fuisse confirmant, & a Pherecyde itidem Syro doctum. Alexander libro de symbolicis Pythagoricis Nazarethi Assyrii discipulum eum facit; vt Clemens lib. I. Stromat. quem a nonnullis putari Ezechielem dicit. Vestis illi fuit plane eadem, qua Hebræi sacerdotes utebantur. Abstinencia ab animalibus callide ab eo inducta, quo facilius omnibus abstinens ea, quæ sunt He-

¹ epist. ad R. Aben Tibbon. ² de immortal. anim. lib. IV. c. 21.
³ archim. V. T. p. 453.

brais immunda, vitaret. Samius vocatus est, ut reor, quod e Semi Academia aut secta se profiteretur: nam Syrus procul dubio fuit, non Samius: & licet a plerisque Tyrius vocatur, id forte ob ciuitatis illius famam accidit, quæ totius olim Syria princeps habita est. idem quoque narrant de PLATONE, quod multa ex lege Iudæorum sua sibi fecerit, cuius sententiæ & plerique sunt christianorum, IO. CLERICVS¹ autem isti se opposuit, vide IO. ALB. FABRICIVM² & IO. CHRISTOPH. WOLFIVM.³ quæ quamuis omnia maxime adhuc sint dubia, & dentur omnino, qui plane negant, Pythagoram Platonem ceterosque, quos græcia vetus tulit, philosophos sua ab Ebræis accepisse; attamen, si & res ita sese haberet, obseruandum existimamus, hanc ipsam Ebræorum doctrinam a philosophis istis sæpius non recte perceptam, etiam esse corruptam; nec inde effici posse conclusionem, quod Aristoteles hauserit sua ex scriptis Salomonis, id quod aperte falsum ponitur.

§. XVI. Tandem tertia sententia de Aristotele explananda restat, eorum quippè, qui illum impiarum doctrinarum adcurant, etiam in ordinem adscripserunt atheorum. sed quum ipsum dissertationis huius argumentum in eo versetur, ut ostendamus, Aristotelis philosophiam plenam esse grauissimorum errorum, eorumque qui cum atheismo sunt coniuncti, quæue ad illum facile quemdam possunt perducere, non est, quod iam quædam ea de re dicamus, quapropter potius ipsum opus, adgrediamur.

¹ *epist. critic. epist. VII.* ² *bibl. græc. lib. II. cap. 12 p. 457. not. bibl. hebr. p. 983. 984. not.*

CAPVT II.

DE

ATHEISMO ARISTOTELIS
GENERATIM.

ΣΥΝΟΨΙΣ.

Quid sit atheismus §. I. quotuplex sit atheismus internus §. II. quotuplex sit atheismus externus §. III. de discrimine inter atheismum auctoris & doctrinae cuiusdam, & de medijs ad diiudicandum veterum philosophorum atheismum necessarijs, quorum alia spectant ad intellectum, alia ad voluntatem §. IIII. ratione intellectus medium primum indicatur & illustratur §. V. VI. medium secundum & tertium §. VII. medium, quartum §. VIII. ratione voluntatis indicantur media §. VIIII. X. haec dicta generatim adplicantur ad Aristotelem §. XI.

§. I. De atheismo ARISTOTELIS disputaturi, non alienum ab officio faciemus, si quaedam de ipsa atheismi indole, eiusdemque varijs generibus, quanta fieri poterit & perspicuitate & breuitate, notemus, ac lectoribus ad faciliorem meditationum nostrarum cognitionem praeferaimus lucem, non est, quod vocabulum *atheismi* interpretemur, eiusque aut originem aut varias significationes declaremus, ne longius a proposito dicendi argumento dimoueamur, ac tali negotio, quo clarissimi viri THEOPHILVS SPIZELIVS.¹ ZACHARIAS GRAPIVS.² feliciter sunt functi, nos addicamus. sufficit quippe, nos propriam ac genui-

¹ scrutin. atheism. part. I. ² diss. an atheism. necess. ducat ad corrupt. mor. §. 4.

nam vim significandi vocis huius sequi ac per illam intelligere eiusmodi errorem, quo quis clari deum negat, adeoque rem subsistentem finitam originem sui sibi ipsi debere, nec rebus naturæ quidquam diuini inesse, sibi persuadet. qua definitione quum ponamus, atheismum errorem esse ideoque pertinere ad corruptionem intellectus, simul significare volumus, illum non propria vitii indole, sed ratione originis atque effectus, qui inde conflatur, referri posse ad voluntatem. etenim animus hominis se miscere atque implicare potest huiusmodi erroribus ac vitiis modo propter miseram intellectus debilitatem, modo corruptis adfectibus voluntatis impulsus, ita ut ex contracto tali errore semper impietas mentis aduersus deum nascatur. at vero quoniam error nunquam non spectat facultatem intellectus iudicandi & ex propositione quadam efficiendi conclusionem; inde quoque coniequitur, discrimen esse ponendum inter errorem de deo & inter ignorantiam & inscientiam illius, qualem in variis gentibus fuisse & esse. a quibusdam adfirmatur, præcipue nostra ætate a PETRO BAELIO, ¹ aduersus quem alii adserunt, nullam gentem fuisse & esse neque tam immansuetam neque tam feram, quæ non sensum habeat dei. & quamuis ignoret, qualem habere deum deceat, tamen habendum sciat; vide IO. LUDOVIC. FABRICIUM, ² la CROSE ³ IO. FRANCISCUM

¹ dans la continuat. des pensées sur les comètes §. 86. sqq. tom. II. réponse aux. quest. d'un provincial & alibi. ² apertget. pro genere humani contra atheism. calumniam. ³ entres. sur divers sujets d'histoire &c. p. 254.

BVDDEV M ¹ IO. ALB. FABRICIV M ² BE-
NOIST. ³

§. II. Vitium hoc atheismi duplici ratio-
ne considerari potest: partim prout in animo
illud inhæret; partim aliis sit apertum & ma-
nifestum. priori modo iterum quis nullum
deum dari, sibi persuadere potest, vel *simplici-*
ter sine vlllo opinionis suæ argumento, in quam
persuasionem alios deducit rerum prosperitas,
vt LACTANTIVS ⁴ dicit: *ex rerum prospe-*
ritate luxuria; ex luxuria vero, vt vitia omnia,
sic impietas aduersus deum nascitur; alios ve-
ro aduersa fortuna, cuius vi res præter volun-
tatem eueniunt, ita vt bonis male, malis bene
sit, quod suspicionem efficit, quasi nullum esse
deum, saltim nulla rerum humanarum cura
tangi; vel *per principia*, quæ venditant, quæ-
ue modo diserte, modo per vim concludendi
impietatem hanc complectuntur, qui atheis-
mus iterum diuiditur in *scepticum*, quum sub-
lata omnium rerum certitudine, veritas quo-
que, deum dari, dubia redditur, quamuis du-
bitatio hæc nondum sit error; & in *dogmati-*
cum, quando eiusmodi doctrinarum consti-
tuunt complexum, vt ex illarum connexionem
effectuum rerum naturalium rationes se red-
dere posse, sine vi quadam & opera diuina sibi
persuadeant. quum autem homines tam sce-
lerata & nefaria mente negent, esse numen
summum; id fieri potest *vel directo*, vt deum
plane tollant, *vel* ita de natura dei, quatenus
caussa prima est omnium rerum & omnia vi
sua producta conseruat, sentiunt, vt deum es-

¹ select. iur. nat. & gent. p. 109. & thesib. de atheism. & Superstis.
p. 362. ² bibliograph. antiqu. cap. VIII. § 3. ³ pref. obseru.
m Tolandi origem. Iudaic. ⁴ instit. diuinar. lib. II. cap. li

se, nequaquam credere possint, quando ipsum vel ex mundo relegant, vel veluti causam cum mundo, tanquam effectu commiscunt. namque si vellemus deum nobis fingere, qui plane nihil ex rebus, quas intuemur oculis, quasue concipimus mente, produxerit, multo minus naturæ prospiciat viribus, prorsus esset absurdum atque ab omni alienum ratione, quoniam deus ideo deus est, quod omnium rerum existat prima causa, omnique atque absoluta perfectione præditus, prout quoque sitidem, siue dicas deum corporeum, siue deum esse neges. nunc restat, ut dicamus, quomodo vitium hoc conspiciendum aliis sese præbeat.

§. III. Prodit quippe sese atheismus modo doctrinis, siue ex ore exeant, siue scriptis proferantur; modo vita, quapropter diuiditur in *theoreticum* & *practicum*, ita ut posterior species a priori re ipsa non differat, sed vnus idemque sit atheismus, & prout aut ex viuendi ratione aut ex dictis scriptisque cognoscatur, mox *theoreticus*, mox *practicus* dicatur. quamuis enim apud atheos intellectus prauitas semper cum interna voluntatis corruptione sit coniuncta; externis tamen actionibus hoc in re discrimen inter se constituunt, siquidem alii a doctrinis quidem se abstinere; sed tali pestifero errore occupati, in dissoluta vita & pessimis moribus omnem laudem ponunt; alii vero speciem honestatis atque animi salutis publicæ conseruandæ studiosi præ se ferunt; ea autem, quæ dicunt scribuntque, venenata sunt. quæ diuersitas ex variis cupiditatum generibus earumque indole gignitur, prout quis aut
ambi-

ambitione aut voluptate ducitur, & praua sume pronus aptusque est ad simulationem ac dissimulationem. illi enim, qui gloriæ studio tenentur, facile simulacra virtutis exercent; disputationes autem, quibus veritatem quod deus sit, infringere conantur, minus negligunt, ut sapientia & acuta iudicii facultate aliis superiores videantur. at contra voluptate dominante, & imagines honestatis omnemque simulandi ac dissimulandi artem iacere, experientia testatur: confer IO. FRANCISCVM BVDDEVM. ¹

§. IIII. Ita quidem atheismus ex mente in aspectum lucemque profertur; minime tamen ideo omnia sunt expedita, si de atheismo auctoris cuiusdam iudicare, vitiumque hoc in eo notare velimus. differentiam enim esse atheismi auctoris & doctrinæ vitæque, omnino ducimus, quæ & facile potest intelligi atque explanari, si quidem ut quis de tali errore reus fiat, necesse est, ut aut deliberato consilio & proposito atheismum profiteatur; aut eiusmodi quidem doctrina tradat, quæ aduersus pietatem ac religionem erga deum sunt; monitus autem de illarum vero periculo, nihilominus illas defendat & tueatur, non omnes sane, qui cupiditatum illecebris excitati, omnibus flagitiis se contaminant, aut erroribus, quibus cum atheismo quidquam commune est, ducuntur, pro atheis siue *præcticis* siue *theoreticis* sunt habendi, præsertim si quis nunquam admonitus, errores nec explicauerit nec defenderit. ita quamdam doctrinam possumus pronunciare impiam atque cum atheismo

¹ thesib. de Atheism. & superst. pag. H. 6. p. 202.

coniunctam, quamvis auctor illius sua mente suoque animo re ipsa credat, esse deum. quo nomine hac in causa nunquam fere satis circumspicte officium nostrum facere possumus, ne viri cuiusdam innocentiam lædamus, eumque sine iure ac merito in ordinem adscribamus atheorum, aut benignius, quam pro veritatis dignitate par est, de eo sentiamus, etiam causas illius contra iustas adculpationes, nullo rationum præsidio muniti agamus. id quod imprimis necessarium esse ducimus in disceptatione illa de atheismo veterum philosophorum, quibus alii dixerunt diem, eosque vitii huius damnarunt: at contra alii fuerunt ipsorum patroni, nullo posito discrimine inter atheismum *auctoris & doctrinæ cuiusdam*. ut igitur veritatis regulis doctrinas Aristotelis metiamur, fundamentum illarum, quarum aliæ spectant intellectum, aliæ vero voluntatem eius, qui hæc veterum momenta diiudicat, clare & breviter indicare atque illustrare, non erit inconsultum.

§. V. Ut recte sentiamus & iudicemus de atheismo philosophorum, qui antiqua ætate floruerunt, ratione intellectus necesse est, *primum* integrum philosophiæ cuiusdam complexum tenere, quo doctrinæ inter se connectuntur, ac suis principiis conclusiones confirmantur. quapropter quum monumenta multorum philosophorum ad posteritatem minus sint translata; aliorum iudiciis non plane quilibet fides debeat adiungi; etiam vnius auctoris contraria sibi loca dictaque sapius extent, immo non omni ætate moris fuerit, ad certum ordinem meditationes ac doctrinas di-

rigere,

rigere, omnino difficile est, tales philosophos pronunciare atheos. cuius rei causa ut exempla quædam ex historiarum monumentis repetamus, constat, quod nonnulli existimauerint, *Zabios* siue *Sabaos*, gentes antiquissimas talia docuisse, quæ ad SPINOZÆ errores quodam modo accederent, id quod MOSES MAIMONIDES ¹ adfirmare videtur; sed quis ignorat, incertam fidem illorum auctorum, per quos notitia huius gentis ad nos peruenit, ut pluribus post alios obseruat IO. FRANCISCUS BVDDEVS. ² idem quoque sentiendum esse ducimus de *Chaldeis*, quorum doctrinæ nonnullis atheismo fauere videntur, quippe qui adfirmauerint, omnes res fluxisse ex dei natura, quæ opinio saltem sapiat ingenium Spinozæ; alii vero putant, sensisse chaldæos bene de summo numine, quod a ZOROASTRE dicatur *φῶς*, *lux*, *ἀνὰ ἅρ' αὐτῶν*, *φῆγγος splendor*, *πῦρ πατρικόν*, *ὑπ' αὐτῶν καὶ ζωογόνον*, *ignis paternus, supremus diuificansque*, inprimis vero *Oromazes*, quæ vox sit originis chaldaicæ ac significet *ignem splendētem*. sed tamen compertum omnes habent, qui leuiore industria in cultura historiæ philosophicæ sunt versati, ut incerta omnia sint, quæ de Zoroastre chaldæo dicantur, & quam lubrica fides atque auctoritas sit *oraculorum*, quæ ipsius nomen præ se habeant, quamuis non prorsus negauerim, vestigia quædam orientalis philosophiæ ibi deprehendi, confer IO. ALBERTVM FAURICIVM. ³ qui accusationes suas aduersus veteres philosophos ex antiqua ætate petunt, quod iam illa quidam adculati fuerint atheismi, causam suam leuio-

¹ more nenochim part. I. cap. 29. ² hist. eccles. V. T. tom. I. p. 417. ³ bibl. grac. lib. I. cap. 36.

ribus sane argumentis corroborant. tanta enim erat superstitio fusa per gentes, atque imprimis græcorum opprresserat animos, ut ille, qui veriore de deo ac ipsius cultu sensum doceret, actali barbaræ atque anili superstitioni resisteret, in atheorum numerum sit relatus, quod præcipue Athenis factum esse relatum legimus, quæ deorum peregrinorum pariter ac patriorum sedes erant atque officina, ut pluribus demonstrat SAMVEL PARKERVS. ¹ ita SOCRATI crimen atheismi obiecerunt & inter momenta adculpationis a Melito contra ipsum prolata, hoc quoque fuit: ἀδικεῖ Σωκράτης, ὅς μὲν ἡ πόλις νομίζει θεὸς ἔννομον, ἔταρα δὲ καὶ ἀδαιμόνια εἰσάγει, iura violat Socrates, quos ex maiorum instituto suscepit ciuitas, deos esse negans, alia vero noua demonia inducens, teste DIOGENE LAERTIO, ² confer XENOPHONTEM: ³ ubi per ΔΑΙΜΟΝΙΑ non intelligendi sunt DII, ut PLATONIS, XENOPHONTIS, DIOGENIS LAERTII & aliorum, qui de supremis Socratis fati scripserunt, interpretes sine causa existimarunt. namque Athenienses non adeo abhorruerunt à cultu peregrinorum deorum, qua de re notissimus est versus Comici:

Αἰγυπτον αὐτῶν τὴν πόλιν πεποιήκασιν ἀντ'
Ἀθηναίων,

quem respicit CICERO ⁴ & illustrat, quando dicit: nouos vero deos sic Aristophanes facetissimus poeta veteris comædiæ vexat, ut apud eum Sabazius & quidam alii dii peregrini, iudicati e ciuitate eiiciantur; adhuc legimus

¹ de deo & providentia diuina disp. I. sect. 2. 3. 4. ² lib. II. ³ memorab. Socrati lib. 1. cap. 1. ⁴ de legib. lib. II.

apud PLATONEM, ¹ Melitum ideo imprimis Socratem vocasse in iudicium, quod negauerit deos. quam ob rem in ea verlamur opinione, ΔΑΙΜΟΝΙΑ significare ea, *quæ ad deos pertinent*, & ΕΤΕΡΑ ΔΑΙΜΟΝΙΑ καὶ ΚΑΙΝΑ introducere, esse idem ac noua ratione de rebus diuinis differere, nouam de rebus diuinis doctrinam proponere atque propagare. en igitur Socratem athcum! quoniam rectius de deo, quam plebei ac multi philosophorum, sensit, ac contra aniles de diis fabulas disputauit, in atheorum ordinem adscriptus est. etenim teste XENOPHONTE plerique philosophorum putarunt, deos quædam scire, quædam vero ignorare; at Socrates existimauit, πάντα θεὸς εἶδέναι. τὰ τε λεγόμενα, καὶ πράττομενα καὶ τὰ σιγῇ βυλευόμενα, *deos omnia scire, vel quæ dicerentur vel agerentur, vel tacite deliberarentur*: item deos πανταχῶ παρῆναι καὶ σημαίνειν, τοῖς ἀνθρώποις περὶ τῶν ἀνθρώπων πάντων, *ubique adesse ac de rebus humanis omnia mortalibus significare*: conferatur AEGIDIVS MENAGIVS. ²

§. VII. Quamuis placita veterum philosophorum ab aliis sint conlecta & ad posteritatis memoriam propagata; obseruamus tamen, illos sententias tantum speciales ac conclusiones, nec cum principiis coniunctas norasse; etiam magnam inter eos dari discrepantiam, adeo ut quidam ex vno auctore atheismi adcuferur; & altero iterum defendatur. sic multa legimus de opinionibus philosophorum sectæ Ionicæ apud ARISTOTELEM, PLUTARCHVM, STOBÆVM, CICERONEM, DIO-

¹ apol. tom. 1. p. 16.

² ad Diog. Laert. lib. II. segment. 40 p. 92. tom. I.

GENEM LAERTIVM, ex quibus alii hosce philosophiæ magistros de pietate ac vero de deo sensu suspectos reddiderunt; alii vero pro diuersa interpretandi ratione causas eorum egerunt, id quod inprimis in exemplo THALETIS Milesii conspicuum est. namque nonnulli ipsum adnumerant atheis, duobus præcipue argumentis muniti, partim quod teste PLUTARCHO ¹ τὸν Νῦν τῷ κόσμῳ deum statuerit. partim aquam dixerit esse initium rerum, cui deum ita adiunxerit, ut ipse vacans corpore minime possit constare, adeoque hæc THALETIS aqua prædita fuerit mente ac vita, cuius rei testimonium exhibeat ARISTOTELES, ² item DIOGENES LAERTIVS ³. ἀρχὴν δὲ τῶν πάντων ὕδωρ ὑπέσχεσθαι, καὶ τὸν κόσμον ἐμψυχον καὶ δαιμόνων πλήρη, principium omnium aquam esse, & animatum mundum ac demonibus plenum, quæ omnino præ se habeant similitudinem cum doctrina Spinozæ, confer AVCTOREM obseruat. Hallens. ⁴ at contra non desunt, qui THALETEM diligenter tuentur ac defendunt, hancque iniuriam ab ipso propulsant, siquidem veteres philosophicarum litterarum doctores per mundi animam nihil aliud intellexerint, quam quod deus omnibus rebus præsens adsit, suæque vi ipsis tribuat vitam eamque conseruet, quem deum THALES quoque a materia, siue aqua seiunxerit, auctore CICERONE: ⁵ *Thales Milesius, qui primus de talibus rebus quæsiuit, aquam dixit esse initium rerum; deum autem eam mentem, quæ ex aqua cuncta fingeret; quæ verba perspicue*

¹ de plac. philosoph. lib. 1. cap. 7. ² de anima lib. 1. cap. 5.

³ lib. 1. segm. 27. ⁴ tom. II. obs. 21. §. 8. ⁵ de N. D. lib. 1. cap. 10.

prodant, num Thales deum siue mentem ab aqua adcurate distinxerit. licet sane Ionici, qui Thaletem sunt secuti, in explanandis rerum naturalium causis dei, veluti causæ efficientis nullam fecerint mentionem, inde tamen minime colligi potest, quod & nullum summum numen agnouerint; siquidem pro sua doctrinæ ratione inter rerum naturalium causas materiam tantum considerauerint, vt bene obseruant SAMUEL PARKERVS ¹ RVD. CVDWORTHVS ² IO. FRANCISCVS BVDDEVS ³ IO. CHR. WOLFFIVS. ⁴

§. VII. Hactenus de primo momento, quod ad cognitionem atheismi philosophorum necesse sit integrum philosophiæ illorum complexum tenere; atqui fateri debemus, primum hocce medium huiusmodi censuræ, quæ iusta & a qua esse debet, minus sufficere; nisi secundum omnes doctrinæ, quibus inest conclusio, ad normam ac vim principiorum, vnde deductæ sint, adcuratius examinentur. quod quum multi neglexerint, atque oculos mentis ad conclusiones tantum conuerterint, quid mirum, quod pro studio aut amoris, aut odii, quo quisque captus fuit immodico; tam multi sine causa modo in christianorum, modo atheorum ordinem sint adscripti? princeps sane lex est, quam bonus interpretes obseruare debet, vt in excusando, defendendo aut explicando scriptore quodam ad ipsius scopum & primum fontem, ex quo omnes doctrinæ sunt deriuatæ, aduertat animum, quod si meliori fide fuisset obseruatum, sane tot dissertationi-

¹ de deo & provid. disp. 1. sect. 5 p. 9. ² system. intellect. lib. 1. cap. 1 & 3. ³ thesp. de atheism. & superst. cap. 1. p. 22. ⁴ de atheismi falsa suspitione §. 9.

bus de theologia HOMERI, HESIODI, SOCRATIS, SENECAE, LUCIANI & aliorum orbis litterarum non abundaret, nec atheorum ex antiqua ætate numerus tam esset nimius. possunt quidem esse sententiæ ac conclusiones, quæ modo speciem christianæ doctrinæ præseferunt, modo vim ad atheorum errores habent; sed ex his non debemus colligere, quod ipse auctor atheus aut christianus sit. *tertium* necessarium esse hoc in negotio putamus, ut placita veterum philosophorum nobis quoque sint perspecta, quorum sententia si adhuc dubia adpareret, locus quidem est coniecturis, minime vero grauioribus argumentis. sic atheismus obiectus est PYTHAGORAE, quod quemadmodum omnes numeri ex multiplicatis constent monadibus, adeoque nihil sint nisi monades, quæ quum componantur, varias accipiant adpellationes; ita etiam Pythagoras res quasuis, quas conspiciamus, varios dei characteres formasque varias nominauerit, quod omnino ad doctrinam Spinozæ accedat. at vero quamuis ex PLUTARCHO ¹ iam pateat clarissime, quod naturam diuiserit in duo principia, quorum alterum sit deus, vim agentis in se habens; alterum vero materia omni motus facultate destituta, quæue sit mundus, quem oculis nostris conspiciamus, confer s AMVELEM PARKERVUM; ² omnino tamen admiratio nos occupat, quod si quis orbi erudito nouum aliquid proponere ac receptæ cuiusdam sententiæ aduersari velit, coniecturis tantum sese muniat. etenim doctrina Pythagoræ de numeris adeo obscura est atque ambigua, ut quamuis explanationes multorum interpre-

¹ lib. I. cap. 5. de placis. philos.

² c. I. disput. I. sect. 10.

tum sint adhibitæ; sententiam philosophi huius haud gustare, multo minus ipsius impiam opinionem de deo ex illa probare possumus. quibus de causis TH. BURNETVS¹ benedicit: *quis sapientior unquam evasit ex numeris Pythagoricis? aut veritatem sibi antea ignotam exinde didicit? certe quas mihi contigit hactenus aut apud veteres aut recentiores numerorum Pythagoricorum interpretationes inspicere, notitias vulgares exhibent, quales aliunde facile esset addiscere: aut tennes argutias de rerum principiis absque fundamento & sine fructu.* huc quoque pertinet exemplum ANAXIMANDRI, qui ideo relatus est in atheorum numerum, quod initium omnium rerum τὸ ἀπείρον seu infinitum esse dixerit, ac per illud nihil aliud, quam materiam, sublato deo significauerit. equidem nobis neutiquam in animo est, philosophum hunc ab omni errorum culpa liberare ipsumque tueri diligenter; plane tamen nobis persuademus, quod opinio hæc de infinito huiusmodi adculpationi minus sufficiat, quoniam nondum explicatum satis atque evolutum est, quid philosophus hic per τὸ ἀπείρον, intellexerit. namque ipse nondum explanavit, quid sit τὸ ἀπείρον, de quo conque-
ritur DIOGENES LAERTIUS² ὃ διαρίζων αἴρα, ἢ ὕδωρ, ἢ ἄλλο τι, non tamen definiens αἶρα, aut aquam, aut aliud quidpiam: & idem dicit SIMPLICIUS³ λέγει δὲ αὐτὴν μήτε ὕδωρ, μήτε ἄλλο τῶν καλεσμένων εἶναι στοιχείων, οὐδ' ἐτέρων τινῶν φύσιν ἀπείρον, ἐξ ἧς ἅπαντας γίνεσθαι τὸς ὑράνης, & PLUTARCHVS⁴ ἀμαρτάνει δὲ ὅτος μὴ λέγων τί ἐστὶ τὸ ἀπείρον, πότερ' αἰὲρ ἐστίν, ἢ ὕδωρ,

¹ archæolog. philos. lib. I. cap. II. p. 154. ² lib. II. sign. 1.
³ in lib. physic. cap. 6. ⁴ de placit. phil. lib. I. cap. 3.

ἡ γῆ, ἡ ἄλλα τινὰ σώματα, prout quoque CICE-
RO ¹ principium hoc vocat tantum *infinita-
tem naturæ*, quando scribit: *at hoc Anaximan-
dro populari. Et sodali suo non persuasit. is
enim infinitatem naturæ dixit esse, a qua omnia
gignerentur.* hinc non est, quod miremur, in-
terpretes sententiis discrepare maxime. GA-
LENVS existimat, intelligi æthera; THEM-
ISTIVS apud GASSENDVM ² naturam me-
diam inter aërem & ignem; & CLEMENS
Alexandrinus ³ id non de materia, sed mente
diuina interpretatur, & DICKINSONVS ⁴ pro
singulari receptæ sententiæ studio heic vesti-
gia quærit atomorum.

§. VIII. *Tandem* prout cognitio vitæ ac mo-
rum auctoris cuiusdam magnam habet vim in
interpretatione ipsius doctrinarum; ita &
heic, si de atheismo alterius velimus iudicare,
ad illius viuendi genus animum conuertere,
non ab re erit. etenim cogitationes ac propen-
siones animi in lucem sese proferunt per ser-
mones actionesque humanas, ex quibus debet-
mus colligere, qua quisque sit indole mentis
quæ valeat voluntate. equidem haud ne-
gare possumus, quod si res nobis sit cum phi-
losophis ex æuo antiquo, difficulter medium
hocce sit adhibendum, quoniam non solum ea,
quæ de ipsorum vita moribusque consignata
sint litteris, minus pleniori cognitioni suffi-
ciant; sed & lubrica interdum confirmata sunt
fide atque auctoritate. adhuc plerique apti
erant ad simulacra virtutum exercenda, & quo
maiori ambitionis studio quis trahebatur, eo
vehementiori opera honestatis speciem præ se

¹ acad. quæst. lib. IV. cap. 37. ² opp. tom. I. p. 236.
³ protrept. p. 43. ⁴ physic. veter. & ver. cap. IV. §. 10 p. 46.

feribat, ut alii de isto sentirent magnifice, ac meritorum laus per terrarum orbem propagari posset, id quod pluribus demonstrat L'ESPRIT. ¹ quod si autem doctrinæ cuiusdam non omni impietatis suspicione carent, etiam vita ipsius ad iustitiæ honestatisque præcepta minus composita, maior omnino conjectura maiorque atheismi suspicio gignitur, id quod exemplo DIOGENIS *Sinopenfis*, qui inter Cynicos eminet, illustrare possumus. namque ille providam dei curam negavit, ut de eo memoriæ prodidit CICERO ² *improbarum igitur prosperitates secundaque res redarguunt, ut Diogenes dicebat, vix omni decorum ac potestatem*; etiam nullas decori regulas observavit planeque ab omni honestatis cultu fuit alienus, ut DIOGENES LAERTIUS testatur, quæ omnia significant aperte, philosophum hunc exiguum dei sensum habuisse in animo.

§. VIIII. Ita intellectum nostrum ornare atque ad diiudicandos atheos præparare debemus. at vero hoc in negotio summa quoque ratio voluntatis habenda est, ne corruptorum adfectuum impetu a veritate aberremus, ac in tali censura mentem vinculis libidinum captam, veluti normam, quæ ratio esse debet, adhibeamus. quamobrem nos decet, ut sine amore & sine cupiditate, rursusque sine odio & sine invidia iudicemus, adæoque veritatis incremento, non pravarum propensionum commodis prospiciamus. sed quam multitudinem atheorum nimia adfectuum studia produxerunt! sic olim statores & doctores ecclesiæ Romanæ hac

¹ de la fausseté des vertus humaines. ² de N. D. lib. III. cap. 27.

vtebantur caliditate, vt omnes atheismi, hæreseos & magicæ suspectos redderent, qui fabulis & anilis superstitionis generibus resistebant, veriorumque sensum de deo & deque via ad æternam felicitatem perueniendi tenebant. nec nostra ætate a tali pessimo instituto homines sese abstinerunt, qui potius prolixè libenterque omnes illos pronunciant atheos, qui a vulgari doctrina recedunt & alias sacri codicis interpretationes sequuntur interdum, id quod non solum moris est apud illos, qui pontifici romano sunt addicti, sed & nostræ religionis ac nostrorum sacrorum socios. qua de re iure ac merito conqueritur DANIEL GEORG. MORHOFIVS¹ quando dicit: *facile alioquin est, apud homines imperitos & indoctos in atheismi suspicionem vel ex leuissima causa incurrere*; & paullo post: *nunc sane quotidie hanc multis inuri notam videmus ab illis, qui innoxii sententiis, vbi licitum esse potest diuortium, atheos statim & naturalistas crepant: qua calumnia vt nulla est atrocior, ita christianam caritatem in his, qui temere illam admittunt, plane extinguit.* quumque nihil tam detestabile, tam pestiferum, tam inuidiosum sit, quam atheus homo, de industria sane ampliore vocis huius significationem receperunt, quo numerum atheorum augere in dies, & pluribus pessimis vitii huius maculas inurere possint. quam significationem præter alios sequutus est GIBERTVS VOETIVS,² ideo quoque dignam censuram expertus AVCTORIS apologiæ pro Iulio Cesare Vanino,³ qui quum definitionem atheismi a VOETIO tra-

¹ polyth. Libror. lib. 1. cap. 8. §. 12. 14. ² disp. de atheism. tom. 1. disput. selectar. pag. 116. ³ p. 23.

ditam commemorasset, addit: *omnes species* (atheismi) *quas subiungit, recensere superse-*
deo, ex laxiore significatione numerum atheo-
rum, quem sæpius mirari soleo, subortum indi-
cans. non solum enim ethnici, Iudæi, Mahume-
dani, sed & omnes omnino errore sata hæreses hoc
nomine compellanda essent, quarum assccla ta-
men deum, licet minus recta fide & verum deum,
colunt, intentatur crimen ethnicis, & hi eorum-
que princeps Iulianus, ille apostata philosophus
primis intenterunt christianis. qui Christi sal-
uatoris dulcissimum nomen colunt, romanos de
atheismo postulant; at hi reliquos non minore
numero. illis ipsis hæretica prauitatis magi-
stris hæreticus est atheus & atheus est hæreticus:
& paucis interiectis: neque vero nomen in reli-
gionis solum negotio regnat, sed & in rebus ci-
uilibus locum habet non postremum. ab Hispa-
niarum partium theologis Galli, Veneti omnes-
que alii, qui consiliis & conatibus eorum minus
fauent, athei salutantur, & hi eodem nomine
Hispanos insigniunt. Gallo-Franci, qui nuti-
bis romanae curiæ se non mancipant, athei vo-
cantur & libertini; imo illi quidquid obstat,
hoc crimine quasi falce chalybea dissecant. in
tanta usus vocis huius libidine quid mirum,
quod MARINVS MERSENNVS¹ comme-
moret, Parisiis anno c10 100 xxii. L. millia
atheorum fuisse, & in vnica sæpe domo reper-
tos duodecim, qui non deprauata vitæ ratio-
ne, sed pestiferis sermonibus & scriptis impu-
gnauerint deum. at vero qui ab vñtata vocis
huius significandi vi recedunt, non solum di-
stincta inter se perturbant, sed & sæpenumero

¹ *commentar, in Genesin.*

aliorum innocentiam atque integritatem deducunt in discrimen, uti observat IO. FRANCISCUS BVDDEVS. ¹ quapropter vilissimum esset opus, si quis huiusmodi virorum, qui sine causa atheismi nomine adculati sunt & damnati, susciperet defensionem, exemplo GABRIELIS NAVDAEI, qui *apologiam virorum magis suspectorum* edidit singulari fructu atque utilitate.

§. X. Sunt quoque, qui amore & cupiditate adducti, ut priores odio, heic suo desunt officio, ac veritatem capere detrimentum patiuntur, quorum varia habemus genera. alii, ut multorum favorem atque amicitiam sibi concilient, specie modestiæ omnia, quæ nullam habent excusationem, excusant atque in bonam interpretantur partem, cuiusmodi studia, si ex vero amore erga alios gignantur, nec veritati, cuius incrementum promovere atque dignitatem conservare debemus, damnum adferunt, consentanea sunt partibus religionis christianæ; sed quis ignorat, plerosque voluptate hominibus placendi esse occupatos? alii quasuis doctrinas, quodcunque sit illarum pretium, admittendas esse ac fovendas putant, id quod munus sit & fructus libertatis cogitandi, qua fruantur homines, quamvis hancce nobilissimam libertatem in licentiam & petulantiam permutent, ac limites, quos deus facultati nostræ cogitandi constituit, transgrediantur. neque enim perinde est, quid cogites, aut qua ratione vi cogitandi utaris; sed ea cogitare decet, quæ veritati sunt consentanea nostramque felicitatem promo-

¹ *ibid.* de atheismo, & superstitione. cap. II. §. 1. p. 109.

uent: idque eo modo atque ordine fieri debet, quem ipse deus in constituenda intellectus nostri indole præscripsit. tertium genus est illorum, qui doctrinas, quæ de impietate atque errore sunt suspectæ, non solum excusant & tolerant, sed & defendunt, tuentur, immo cum scripturis diuinis conciliant, de qua re superioribus disseruimus copiose.

§. XI. Hæcigitur generatim dicere non ab re esse duximus, vt explicate ac distincte sententias Aristotelis de deo ac rebus diuinis perlustrare, & quid impii illis insit, quæ pietate ipse philosophus hic suam excoluerit mentem, explanare possimus. scilicet nobis est in animo, philosophi huius cum doctrinas examinare ac demonstrare, istas cum atheismo maxime esse coniunctas; tum omnem peractam vitam, etiam quæ tradidit morum præcepta intueri ac probabili ratione ostendere, Aristotelem mente atque animo de deo sensum exuisse. ita sane sentimus atque ita animum inducimus, hunc philosophiæ magistrum ætate antiqua principem fere fuisse atheorum, ita vt neque PLATO, neque STOICI neque EPICVRVS tam prauè senserint de deo ac, quam ipsi debemus, religionis cultu. quapropter vt bona fide officium nostrum faciamus, primum ipsa doctrinarum principia proponere, ad ista inde deductas conclusiones examinare omniaque ex Aristotelis animo, qua possumus probabilitate, interpretari, summa nitamur ope; quo facto, quid illis cum atheorum erroribus commune sit, demonstremus. quæ quum sint explanata, conuertamus nos ad ipsum Aristotelem eius-

que mentem, quæquam aliena fuerit ab omni
veræ pietatis studio, demonstraturi.

CAPITIS III.

DE

ATHEISMO ARISTOTELIS THEORETICO.

SECTIO I.

DE

ARISTOTELIS SENTENTIIS
AD NATVRAM DEI SPECTAN-
TIBVS.

ΣΤΥΝΟΨΙΣ.

*Dicendorum summa §. I. loca afferuntur, ex quibus
verum Aristotelis de deo sensum probare, multi
contendunt §. II. physica Aristotelica principia
commemorantur & examinantur §. III. IIII. V.
quod ista cum atheismo sint coniuncta, probatur.
§. VI. speciatim Aristotelis sententia de mundi ori-
gine §. VII. de dei nexu cum materia §. VIII.
quod deus cælo supremo tantum præsideat §.
VIII. ex hisce dictis fit conclusio de atheismo
huius doctrinæ §. X. loca quædam de atheismo A-
ristotelis reiiciuntur §. XI. respondetur ad supe-
riora loca de vero Aristotelis sensu de deo §. XII.
XIII.*

§. I. Disputaturi de atheismo Aristotelis
theoretico, id imprimis monendum esse ite-
rum censemus, nos intelligere atheismum, vti
dicitur indirectum, ac nobis esse propositum,
demonstrare, ex philosophi huius doctrinis
de natura & operibus dei facile effici posse
con-

conclusionem, nullum esse deum. etenim directo veritatem hanc nunquam negavit. quin etiam multa de deo disseruit, quamvis ista divinæ naturæ minus sint consentanea, id est Aristoteles quidem deum existere scriptis suis est professus, sed tale numen tradidit, in quo neque diuinam vim neque sensum dei quisquam suspicari potest.

§. II. Illi, qui auctoritate philosophi huius capti sunt, omnino præclare ipsum de deo sensisse putant, hancque in rem ex monumentis eius multa colligunt loca, quæ veritatis huius præstantissimæ pictatisque erga summum numen essent plenissima. nec negari potest, esse Aristotelis effata, quæ pulcritudinem ac speciem veri præ se habent, proximeque ad dei naturam accedere videntur. sic arbitratus est, quamvis deus sit sua natura ἀθεωγενής, istum tamen vi rationis humanæ, quæ res naturales contempletur, posse cognosci: ¹ quemue natura notum deum dixit, illum quoque unum esse, nec multitudinem deorum dari, adfirmavit, de quo testatur LACTANTIUS, ² quando scribit: *Aristoteles quamvis secum ipse dissideat, ac repugnantia sibi & dicat & sentiat; in summum tamen unam mentem mundo præesse testatur, & MINVCIVS FELIX* ³ *Aristoteles variat & adsignat tamen unam potestatem. nam interim mentem, mundum interim deum dicit, interim mundo deum præficit; prout ipse* ⁴ *primum motorem unum vocat & perpetuum, hinc quoque eum multitudo nominum minus perturbavit, quam expositurus*

¹ de mundo cap. 6. tom. I. opp. p. 471. ² institus. diuinar. lib. I. cap. 5. ³ Orlau. cap. XVIII. §. 10. ⁴ metaphysic. lib. XI. cap. 1. tom. II. opp. p. 727.

principio capitis ¹ ita differit: *ἓς ὁν, πολυώνυμός ἐστι, κατανομαζόμενος τοῖς πάθεσι πᾶσιν, ὥστε αὐτὸς νοοχμῇ, unus porro deus quum sit, pluribus nominibus adpellatus est: ab iis utique suis omnibus affectibus denominatus, quorum specimen edere ipse solet.* ita vere adfirmatur, ex ipsa rerum magnitudine, motu, dispositione, constantia, utilitate, pulcritudine, deum esse, cognosci, nec posse fieri; quin id, quod tam mirabili constat ratione, consilio & opera dei sit instructum. quumque deus sit, ex omni utique parte perfectæ consummatæque virtutis, non potest esse nisi unus, nosque etiam oportet id ipsum intelligere ac dicere, quod sit nullis circumscriptus limitibus, quod sit æternus & omnipotens, quodue sit spiritus isque perfectissimus, cuius intellectus omnia cognoscit, voluntas autem plane a lege soluta & libera atque omni virtute, quamvis ne a mente quidem humana excogitari & concipi possit, prædita. quod si ita est, sicuti est, quum notionem dei sentiamus mente, nos quoque debere percipere, illum esse instructum absoluta ac consummata perfectione; facile quis sibi persuadere posset, quod Aristoteles etiam pro facultate, in qua graviter valuit, iudicandi proprietates dei, prout decet & divinæ naturæ consentaneum est, cognoverit. idque ipsum est, quod religiosi ipsius sectatores magna opera ac labore tuentur, quibus doctrina eius de deo adeo magnifica adpareret, ut in ista nihil possit desiderari. etenim dicunt, Aristotelem adfirmasse, deum esse *ἄπειρον*, infinitum ² *ἀμερὲς καὶ μὴδὲν ἔχειν μέγεθος*, quoddam partibus

¹ de mundo cap. 7. tom. I. opp. p. 475.

² metaph. lib. XII. cap. 7. tom. II. opp. p. 742.

vacans & nulla praditum magnitudine, ¹ indeque non obscure conlasse conclusionem, deum neque oculis, neque aliis sensibus posse percipi, adeoque esse ἀόρατον & πάσῃ θνητῇ φύσει ἀθεώρητον, omni mortali naturæ inuisibilem, ² & ab ipso omnem corruptionem atque interitum esse procul, hocque nomine eum appellasse ἀφθαρτον, corruptionis expertem, ³ ζῶον ἀθάνατον, viuum immortale, ⁴ item ζῶν ἀθάνατον, vitam immortalem. ⁵ quod si reipiciamus intellectum diuinum, de isto quoque Aristotelem sensisse præclara atque egregia, asserunt, siquidem existimauerit, deo soli vindicandam esse laudem sapientiæ; ⁶ ratione voluntatis autem cognouerit, ipsum esse ἀριστον optimum, ⁷ nec non αἰσίην ἑστίαν, optimam substantiam, ⁸ quia γενέτωρ καὶ σωτὴρ, αἰτίος τῆς σωτηρίας δι' ὃν ζῶμεν, parens & seruator sit, caussa salutis nostræ & per quem viuamus; hinc & ipse alibi ⁹ vocetur ἑταίρειος τε καὶ φίλιος, καὶ ξένιος, καθάρσιός τε, καὶ ικέσιος καὶ μελιχχιος, sodalitiis & amicitia præses, hospitalis, expiator, supplex & placabilis; quemue nullus liuor, nulla inuidia, nullus teneat dolor; ¹⁰ & quamuis maxime sit benignus, omnisq; , qua fruuntur mortales, felicitas ab ipsius proluxa ac beneuola proficiscatur voluntate; iustitiam tamen semper obseruet, qua suum cuique distribuat τοῖς ἀξίοις καὶ τ' ἀγαθὰ καὶ τὰ κακὰ bo-

¹ lib. VIII. cap. 10. auscult. physic. tom I. opp. p. 335. ² de mundo cap. 6. tom. I. opp. p. 473. ³ de calo lib. II. r. 36. ⁴ lib. V. cap. 1. topic. tom. I. opp. p. 180. ⁵ de mund. cap. 6. tom I. opp. p. 473. ⁶ lib. I. cap. 2. metaph. tom. II. p. 643. ⁷ lib. XII cap. 7 metaph. tom. II opp. p. 742. ⁸ ibid. cap. 9. tom II. opp. p. 744. ⁹ de mund. cap 7. tom I. opp. p. 475. ¹⁰ metaph. lib. 1. cap. 2. tom. II. opp. p. 644.

na malaque pro meritis; ¹ & quod ad potentiam dei adinet, omnium sit potentissimus, ² tandem quum notio dei etiam hoc significet, quod omnia condiderit, adeoque sit causa prima omnium rerum, hæc quoque cognitio celebratur in Aristotele, quippe qui professus sit, mundum effectum esse a deo. ³

§. VII. Quis igitur dubitaret, Aristotelem præclaram dei noticiam habuisse? quisque sane ex illis, qui illum pio prosequuntur cultu, effatis philosophi huius a nobis collectis magnum statuit pretium, eiusque pietatem sanumque de deo sensum probare subinde contendit. Sed ramen veritatis studium nos ab eorum sententiis plane dimouet; utque pateat clarissime, non mediocribus argumentis nos adductos a tam magnifica de Aristotele opinione discedere, primum fundamenta doctrinæ Aristotelicæ, quæ res naturales explanat, attingamus, & quam lubrica ista sint, demonstramus. atqui philosophi, qui Aristotelem antecederant ætate, posuerunt principia composita rerum naturalium, & quidem THALES dixit, constare omnia ex aqua, ANAXIMENES vero ex aëre, quoniam longe sit subtilior aqua; HERACLITUS ex igne & XENOPHANES atque post hunc PARMENIDES ex terra, qui adeo naturæ progressum ex solido in fluidum, secus atque adhuc factum fuerat, defendebant, ac de mechanicis & solidis principiis cogitabant. quæ quum consideraret post-

¹ magn. moral. lib. II. cap. 8. tom. II. opp. p. 137. ² de mundo cap. 6. tom. I. opp. p. 473. ³ de mundo cap. 6. tom. I. opp. p. 471. metaphysic. lib. I. cap. 2. tom. II. opp. p. 644. lib. XII. c. 8. tom. II. opp. p. 743. de generat. & corrupt. lib. II. cap. 10. tom. I. opp. pag. 407.

hac EMPEDOCLES, atque ipsi & aqua Thaletis, & aër Anaximenis, & ignis Heracliti, & mechanicorum terra placerent, quatuor hæc coniunxit & primus totidem posuit elementa, ex quibus omnia naturæ gignerentur, confer PLVTARCHVM, ¹ ARISTOTELEM, ² CIGERONEM. ³ hæcce rerum naturalium elementa iudicabat philosophus noster, nimis esse composita, quapropter de principiis simplicioribus erat sollicitus, prout inter primos fuisse videtur, qui inter σοιχηὰ & ἀρχαίς, *elementa & principia* discrimen constituerunt, cuius rationem clare exposuit PLVTARCHUS. ⁴ quibus de causis retinebat quatuor illa elementa & tria adhuc principia *materiam, formam & priuationem* illis adiungebat, ⁵ quo physicam eo modo, quem metaphysici obseruant, tradidit, nec sine documento singularis cuiusdam calliditatis, quamuis magno cum detrimento ipsius disciplinæ. etenim philosophi, qui Aristotele superiores erant ætate, maxime mechanici & physici perturbauerant superstitionem insigniter, eoque nomine non mediocre contraxerant sibi odium, quod ut Aristoteles declinaret, etiam eruditorum disputationibus in vtramque partem satisfacere posset, abusus est metaphysicis abstractionibus, quarum ea est indoles, ut cum omnibus sententiis, siue sint veræ, siue minus, conciliari, etiam cum superstitione in gratiam redigi possint. sic Aristoteles comparauit sibi omnium fauorem, atque effecit, ut perpauci ipsi essent

¹ de placitis philos lib. I. cap. 3. ² metaphysic. lib. I. cap. 3. 4.

³ quest. acad. lib. IV. cap. 37. ⁴ de placit. philosoph. lib. I. c. 2.

⁵ physic. lib. I. cap. 6.

aduersarii, tum quod principia illius, nimis generalia varias admittebant interpretationes, tum quod plerique subtile eius ingenium in abstrahendo metuebant. quapropter haud mirum est, Aristotelem existimasse, quod ἐκ τῶν καθόλου ἐπὶ τὰ καθ' ἕκαστα δεῖ προΐναι, id est, *ab vniuersalibus progrediendum ad singularia sit*,¹ id quod ordini, quem natura intellectui nostro in cognoscenda veritate præscripsit, maxime est contrarium.

§. IIII. Quod igitur ad naturam *materiæ* adtinet, dicit Aristoteles: ² ἡ δὲ ὕλη ἢ ὕλη παθητικόν *materia, quatenus materia, est passivum quiddam*, & alio loco: ³ τῆς μὲν γὰρ ὕλης τὸ πάσχειν ἐστὶ καὶ τὸ κινεῖσθαι τὸ δὲ κινεῖν, καὶ τὸ ποιεῖν ἑτέρας δυνάμεις, *pati namque & moveri materiæ est: agere vero & mouere alterius potentiæ*, ex quibus patet, quod philosophus noster existimauerit, materiam in se spectatam omni agendi vi esse destitutam, quapropter necesse erat, aliud quoddam motus principium adiungere, id quod num intellexerit per *formam*, nec ne? non est expeditum. namque in quo natura atque indoles ὁσίας siue *formæ* sit posita, Aristoteles id ineuolutum implicatumque reliquit, id quod interpretes ipsius in varias distinxit partes. nam doctores philosoph. Aristotelicæ latini adfirmabant, formam esse substantiam; interpretes autem græci, esse accidens materiæ, quo factum; vt formam a materia plane veluti peculiarem substantiam distinguerent ac materiæ proprium esse pati; formæ autem agere, adlererent, prout quoq; in varias easq; inu-

¹ *physic. auscultat lib. I. cap. 1.*
² *ibid. lib. II. cap. 7.*

³ *de generat. & corrupt. lib.*

tiles disceptationes ac controuersias de origine formarum sunt deducti, confer JO. BAPTISTAM du HAMELIVM, ¹ DANIELEM GEORG. MORHOFIVM ² & ROBERTVM BOYLE. ³ at vero Aristoteles per formam intelligat siue substantiam, siue accidens, neutrum erroris vitio caret. quod si enim dicas, formam esse accidens, effectus est substantiæ, non causæ, quoniam omne accidens est effectus substantiæ; si vero est effectus, non causæ, sequitur quoque, ut non sit principium quoddam rerum naturalium, siquidem principium & causæ hac in re eiusdem sunt significationis. nec forma esse potest substantia. nam hac significatione, quidquid agit, est forma, iam vero agit & deus & spiritus & corpus, quæ tria maxime sunt diuersæ substantiæ, quibus omnibus notio formæ est adtribuenda, ut adeo exinde pateat, quod forma Aristotelis sit abstractum quoddam metaphysicum, vide ANDREAM RVDIGERVM. ⁴ tandem *pruatio* nullum locum habere potest in principiis rerum naturalium, siquidem ipse Aristoteles ⁵ fatetur, *mirabile & ἀδύνατον videri, ex nihilo aliquid fieri.*

§. V. Non ab re erit, doctrinam Aristotelis de motu quoque adtingere. antequam ostendamus, quomodo principia physici Aristotelici coniuncta sint cum atheismo. motum autem ita definit: φαμέν, δὴ τὴν κίνησιν εἶναι ἐντελέχειαν τῆς κινήσεως ἢ κινήσιν, dicimus ergo, motum esse actum mobilis, quatenus est mobile, ⁶ quæ de-

¹ de consensu vet. & nov. philosoph. lib. II. cap. 1. 2. ² Polyt. tom. II. lib. II. part. II. c. 1. §. 7. seqq. ³ de origine formarum & qualitarum. ⁴ physic. diuin. lib. 1. cap. 3. sect. 1. §. 3. ⁵ physic. lib. 1. cap. 8. ⁶ physic. lib. VIII. cap. 1.

finitio ingenio atque amplissima fama Aristotelis plane est indigna. namque si istam accuratius consideramus, illa æque absurda est, ac si dicerem: motum esse motum, prout Aristoteles nec causâ nec modi motus fecit mentionem, quo & factum est, ut modo sex, modo quatuor, modo tria posuerit motus genera, modo hæc, modo illa. in categoriis enim sex nominat, γένεσιν, φθοράν, αὐξήσιν, μείωσιν, ἀλλοίωσιν, καὶ τὴν κατὰ τόπον μεταβολήν, id est, generationem, corruptionem, augmentum, decrementum, alterationem, & loci mutationem; alibi autem ¹ φθοράν, ἀλλοίωσιν, φθίσιν καὶ αὐξήσιν, lationem, mutationem, corruptionem & augmentationem; sic & alio loco ² trium tantum facit mentionem φθῶς, αὐξήσεως καὶ φθίσεως, lationis, augmentationis & corruptionis; quam distinctionem ita quoque effert, ut dicat ³ aliam esse τὴν τῆ τοῦ ποσὸς καὶ τὴν τῆ τοῦ ποιῶς, καὶ τὴν κατὰ τόπον, quantitatis, aliam qualitatis, aliam loci motionem, quas diuersas motus species maxime turbatim proposuit, præcipue quod motum loci reliquis motus speciebus sine causâ opposuerit, quoniam sine mutatione loci vel spatii nullus motus fieri nec concipi potest, ut de eo taceamus, quod motum vitæ, & ut dicitur, elasticum reliquerit intactum, confer ANDREAM RVDIGERVM. ⁴

§. VI. Ut autem ostendamus, hæc Aristotelis principia doctrinæ physicæ facile quendam ad atheismi vitium posse deducere, id in primis putamus & præmonemus, nos mentem nostram cognitione naturæ excolere debere, ut

¹ de anima lib. I. cap. 3. ² physic. lib. IV. c. 4. ³ physic. lib. V. cap. 1. lib. VII. t. 2. ⁴ physic. diuin. lib. I. c. 7. sect. 1.

partim inde confilia de tuenda & conseruanda corporis valetudine capiamus; partim de deo ac rebus diuinis sentiamus recte, quo ipso discipline physices remedium est aduersus atheismum & superstitionem. hinc & CICERO¹ dicit: *omnium autem rerum natura cognita, leuamur superstitione, liberamur mortis metu, non conturbamur ignoratione rerum, e qua ipsa horribiles existunt saepe formidines: & alio loco: ² nec vero potest quisquam de bonis & malis vere iudicare, nisi omni cognita ratione natura & vita, etiam deorum & utrum conueniat, nec ne, natura hominis cum vniuersa: quæque sunt vetera præcepta sapientiam, qui iubent tempori parere & sequi deum & se noscere & nihil nimis. hac fine physica quam vim habeant, (& habent maximam) videre nemo potest. atque etiam ad iustitiam colendam, ad tuendas amicitias, & reliquas caritates quid natura valeat, hac una cognitio potest tradere. nec vero pietas aduersus deos, nec quanta his gratia debeat, siue explicatione natura intelligi potest. quam cognitionis physica vim si Aristoteles cognouisset, eiusmodi sane principia rerum naturæ adhibere debuisset, quæ diuinam operam, quæue summum numen, vel uti auctorem omnium rerum, quas complectitur natura, produnt. sed si tria illa, materiam, formam & priuationem, quæ notiones sunt mente & cogitatione separata, admittamus, omnes sane naturæ effectus explicare possumus, ut non opus sit deo, quamcunque etiam sequamur interpretationem.*

¹ de finib. bonor. & malor. lib. I, cap. 19.
malor. lib. III, cap. 22.

² de finib. bonor. &

primum enim materia, forma & priuatio quum sint abstracta metaphysica, fiunt & producuntur ab intellectu nostro, adeoque rebus ipsis, a quibus notiones hæ separantur, sunt posteriora, quapropter non possunt esse principia a deo ad condendam naturam adhibita. deinde in doctrina de motu causam illius primam putat esse modo deum, modo cælum, modo vero clarius, quid hac in re sentiat, effert, quando dicit: *ὅτι γὰρ παρὰ φύσιν αἰδιον, nihil enim præter naturam est æternum*,¹ quumque Aristoteles non satis deum & naturam distinxerit, facile quis intelligere potest, quomodo hæc inter se cohæreant, & vnde solemnisi Peripateticorum formula: *motus est æternus* suam trahat originem. adhæc si forma, quam opponit materiæ, est principium agens, prout materiæ indoles semper fert, vt aliquid patiatur, taleque principium esse potest Deus, spiritus & corpus; Aristoteles sane secundum hanc doctrinam naturæ effectus explanare potest, si modo spiritum, siue sit deus, siue minus, admittat. quo nomine non possumus, quin THOMAE BURNETII² iudicium probemus, quando dicit: *hæc quum ita sint, atque talis fuerit philosophia Aristotelis, satis admirari non possumus orbis christiani stuporem: qui per tot secula hanc disciplinam vniuersæ amplexus est: laudibus ad cælum extulit, omnibusque scholis & academisi publice docendam & prælegendam commendauit: immo sanciuit autoritate & in dissentientes ab Aristotele, aut nouam molientes philosophiam tanquam in hæreticos & religionis christianæ ho-*

¹ de calo lib. II, cap. 3. ² archaeolog. philos. lib. I, c. 23, p. 183.

stes grassabatur. hinc tardi scientiarum progressus: & a tot seculis, quibus invaluit hæc philosophia, nulla inuenta, nulla commoda attulit humane vitæ. quot volumina commentariorum magna & inutilia? quot præclara ingenia hoc seruire iugum ferre coacta, in colendo solo infrugifero frustra laborarunt. sterile scebat orbis christianus, quasi arena conspersus, vbiçunque hæc philosophia disseminata fuit.

§. VII. Posset quis nobis obiiicere, Aristotelem tantum corporum naturalium principia tradidisse, ita ut illorum partim materia, partim forma essent considerandæ, ac de industria nullam mentionem dei fecisse, quoniã in illius contemplatione ac cognitione physicus minus versari debeat, quo nomine necessarium esset, ipsius doctrinam de deo ac mundi origine examinare. nec negamus, Aristotelem libris physicis proposuisse doctrinam de corporibus, quamvis ipse sibi non satis constet, ac libris de cœlo corpora cœlestia referat ad physicam; metaphysicis vero cœlestia physicis opponat; attamen, ut iam superioribus observauimus, debuisset physicam seu doctrinam de corporibus naturæ eiusmodi superstruere principiis, quæ nobis rectam ac facilem viam ad cognitionem dei demonstrassent. de cetero ea, quæ a nobis sunt obseruata, non obscure significant, quo animo quoque sensu mentis de deo fuerit Aristoteles, quæ ut pateant adhuc clariora, in sententias ipsius de deo ac mundi origine inquiramus. fuerunt plurimi ex philosophis, qui mundum ea quoque facie, qua nunc conspicitur, æternum fuisse, aut nul-

R lum

lum habuisse initium, etiam genus humanum semper extitisse contenderent, quos breuiter indicat CENSORINVS: ¹ *sed prior illa*, inquit, *sententia*, qua semper humanum genus fuisse creditur, auctores habet Pythagoram Samium, & Ocellum Lucanum & Archytam Tarentinum, omnesque adeo Pythagoricos. sed & Plato Atheniensis, & Xenocrates & Di-caarchus Messenius itemque antiquae academiæ philosophi non aliud videntur opinati. Aristoteles quoque Stagiritis & Theophrastus multique præterea non ignobiles peripatetici idem scripserunt eiusque rei exempla dicunt, quod negent, omnino posse reperiri, aues ne ante an oua generata sint, cum & ouum sine aue & auis sine ouo gigni non possit. & quamuis alii originem generis humani admiserint, materiæ tamen æternitatem statuentes, & in hunc errorem per male intellectum principium illud: *ex nihilo nihil fit*, coniecti, reipsa negarunt creationem, & diuinis operibus, a quibus omnia dependent, eorumque libertati summam intulerunt vim. sic Aristoteles existimauit, mundum esse æternum, quod ex ipsius monumento de cœlo ² patet, ubi de duratione mundi disserit, ac reiecit cum eorum opinionem, qui principium illi sine fine, tum aliorum, qui initium pariter & finem adiungebant, ex quo id consequitur, ut mundum & principii & finis expertem esse putauerit. hinc & LACTANTIVS ³ nam Aristoteles quum non videret, quemadmodum posset tanta rerum magnitudo interire; & banc præscriptiō-

¹ de die natalis. cap. 4.

² lib. I. cap. 10. tom. I. - p. p. 349.

³ lib. VII. cap. 1. diuinar. instit.

nem vellet effugere; semper ait fuisse mundum ac semper futurum. cui impiæ sententiæ ex illis, qui Aristotelem sectati sunt, magno studio imprimis quoque sese addixit ANDREAS CAESALPINVS, Aretinus, qui, auctore SAMVELE PARKERO ¹ recentiorum primus & pene postremus fuit, qui quid Aristoteles velit, cepisse visus est: prout & pronuntiat, non longe ab hac impietate abfuisse GLAVDIVM BERIGARDVM ² atque adeo, ait, vno eodemque opere (BERIGARDVS) diversas cum Epicuræ tum Peripateticæ impietatis rationes adornauit, quamquam Aristotelis disciplinam fufius & ardentius excoluit; atque eam potissimum, quam libro physicorum octauo, librisque de cælo & rerum generatione tradidit, quibus vniuersam mundi fabricam sine prouidentia architectrice extruxisse se putat philosophus.

§. VIII. Equidem faterur Aristoteles, mundum a deo esse productum, sed ea sententia, quæ impietatis plenissima, nec a sana ac polita intelligendi facultate proficisci potest. omnes philosophorum, quos vetus græcia tulit, sectæ in eam ingressæ fuerant opinionem, duo esse æterna, deum & materiam, ita vt deus sit sapientia præditus, materia vero bruta; ille particeps rationis; hæc vero expers; ille principium & causa boni; hæc vero mali; cuiusmodi doctrinæ plane sunt absurdæ, ut mirari satis non possimus, quod nostra ætate PETRVS BAELIVS existimauerit, istas a nemine solide esse confutatas, nec feliciter posse confutari:

¹ de deo & prouident, disp. I. p. 64.

² circuli. Pisani.

vide IO. FRANCISCVM BVDDEVM. ¹ at vero vt rationem voluntas & hanc libertas sequitur, non poterant non hi philosophi libertatem operandi aut deo sibi relicto abiudicare, aut adtribuere materiæ. atqui materiæ inesse necessitatem eamque magnam, non mediocri consensione profitebantur; deo autem tanto minorem libertatem adiungebat quisque, quo arctius istam cum materia coniungeret, aut in materiam immergeret penitus. itaque Plato censuit, mundum ex libero dei cum materia congressu extitisse; quum Aristoteles contra & Stoici crederent, deum vinculo necessario, quod euitari minime potuerit, cum materia fuisse coniunctum, quamuis Aristoteles in eo a Stoicis discreparet, quod ipse mundum sub luna a deo per solam virtutem attingi; Stoici contra per ipsam substantiam quasi fermentari opinarentur, vide IACOBVM THOMASIVM. ² quapropter nonnulli discrimen ponunt inter *formam assistentem* & *informantem*, asseruntque Aristotelem credidisse deum veluti formam assistentem adeoque erroris, quem pestiferum in primis BENEDICTVS SPINOZA in lucem produxit, esse immunem. equidem si fidem habeamus CLEMENTI Alexandrino, ³ Aristoteles deum esse animam mundi existimasse videtur, si quidem, vt verba ipsius latine tantum huc transferamus, ita dicit: *cujus quidem secta* (peripateticorum) *qui est pater, nihil de eo patre, qui supremus est, intelligens, putat esse animam vniuersi, hoc est mundi animam deum esse exi-*

¹ thesib. de atheism. & superstis. cap. 1. p. 156. sqq. ² de stoica mundi exustion. dissert. II. ³ admonit. ad gentil p. 44.

stimans, ipse a se ipso confunditur. qui enim usque ad lunam eius definit prouidentiam, deinde mundum deum esse existimat, euertitur, ut qui eum, qui est dei expers, deum esse arbitretur. hinc & RAYNAVDVS ¹ reprehendit CLEMENTEM: nec enim, inquit, potest quidquam ex Aristotele proferri, quod errori illi faueat; intelligit autem errorem, quo deum permutarunt in animam mundi proprie dictam & informantem. sed IACOBVS THOMASIVS ² obseruat, quod nec Raynaudus Clementem, nec Clemens Aristotelem satis intellexisse videantur. quamuis enim Clemens iure ac merito reprehendere posset Aristotelem, quod contraria sibi & repugnantia dixerit, si toti mundo deum præferat, veluti animam mundi; prouidentiam autem ipsius solo cælo terminauerit; nunquam tamen probari potest, quod Aristoteles affirmauerit, deum toti mundo præsidere. quumue Clemens mentionem tantum faciat animæ cuiusdam mundi, nec num sit anima assistens, an informans definiat, minus causam percipimus, cur Raynaudus ipsum adfecerit censura. equidem proferuntur loca quædam, ex quibus pateat, Aristotelem credidisse animam mundi vniuersam, eamque informantem, quando dicat ³ λέγεται δὲ καὶ ἑτέρας πνεῦμα, ἢ τε ἐν φύτεσι καὶ ζώοις, καὶ διὰ πάντων διήκονσα, ἐμψυχός τε καὶ γονιμὸς ὄνσα, quum alioqui spiritus adpellatur substantia animata & genitalis in stirpibus atque in animantibus existens

¹ theol. natur. dist. 6. q. 1. n. 5. p. 562. ² de Socræ mundi exist. dissert. XIII. §. 141. sqq. ³ de mundo cap. 4. p. 468. tom. 1. opp.

per omniaque pertinens; item ¹ γῆν τε πᾶσαν καὶ
θάλασσαν, αἰθέρα τε, καὶ ἥλιον καὶ σελήνην, καὶ τὸν
ὅλον ἕρανὸν διεκόσμησε μία διὰ πάντων διήκασα δύνα-
μις, *terram etiam omnem, omne mare, athe-*
rem, solem, lunam & postremo totum cælum
vis vna per omnia pertinens, certo ordine de-
scripsit; sic & laudet hæc carmina Orphica: ²

ζεὺς πνοὴ πάντων, ζεὺς ἀκαμάτης πυρὸς
οὐρμή,

ζεὺς πόντος ῥίζα, ζεὺς ἥλιος, καὶ σελήνη,
id est, iupiter est spiritus omnium, iupiter inde-
fatigabilis ignis impetus est, iupiter est radix
maris, iupiter est sol & luna. non negamus,
quod verba hæc multam speciem illius erroris
præ se habeant, quo deum & naturam confun-
dere instituerunt multi; sed auctoritas libri il-
lius, unde ista sunt deprompta, non satis valida
est, nec firmis argumentis Aristoteli, uti aucto-
ri potest adtribui, id quod infra verbosius de-
monstrare, animum induximus. sic Aristote-
les cum a Platone, tum a Stoicis hac in re dis-
crepat. Plato enim, deum libertate frui, cen-
suit, quam summo numini & Aristoteles &
Stoici abiudicarunt, existimantes, id per ne-
cessitatem adductum egisse omnia. Quod
autem ad animam mundi adtinet speciatim,
Plato illam esse, quidem credidit, sed plane
alia sententia, quam istam tradiderunt Stoici,
siquidem Plato tres deos, deum summum, men-
tem & animam, esse adfirmavit, ac per deum
intellexit ipsum summum numen; per men-
tem mundum, quem intellectus tantum perci-
pit & per animam spiritum huius uniuersi,
quam opinionem Platonis fuisse, clarissime

¹ *ibid. cap. 5. p. 470. tom. I. opp.* ² *ib. cap. 7. p. 475.*

demonstrati a COBVS THOMASIVS. ¹ quum igitur ex sententia Platonis anima, tertius deus a summo numine fuerit distincta & separata, plane a Stoicorum placitis abhorret, quippe qui asseruerunt, ipsum deum animæ mundi officio defungi, ita ut arctissimo vinculo cum materia sit coniunctus. ab horum sententiis cum Platonis, tum Stoicorum in ea recedit Aristoteles, quod deum non vniuerso mundo, sed tantum supremo cœlo præsidere crediderit, nec cum Stoicis ipsum pro forma *informante*; sed *assistente* habuerit: confer SEBASTIANVM FOXIVM ² FRANCISCVM PATRICIVM ³ IO. FRANCISCVM BVDDEVVM ⁴ ADAMVM RECHENBERGIVM. ⁵

§. VIII. Sic Aristoteles persuasit sibi, deum cœlo supremo præsidere, seu esse motorem primum, præter quem alias adhuc intelligentias, materiæ expertes, æternas & inferiorum sphaerarum motibus præfectas credidit. ⁶ per quas plerique intelligunt dæmones, qui media inter diuinam atque humanam mentem præditi essent natura, quod HERMANNVS quidem CONRINGIVS ⁷ negat, confer THOMAM STANLEIVM. ⁸ deo igitur seu primo motori cura est ex sententia Aristotelis primi mobilis, quod veteribus est orbis stellarum fixarum, seu octaua sphaera, ita vt deus, quamuis moueat, ipse tamen maneat immobilis. hinc dicit Aristoteles: ⁹ ἡ μὲν γὰρ ἀρχὴ

¹ de Stoicæ mundi exustione dissert. XIII. §. 23 seq. ² de Platon. & Aristotelis consensione lib. II. cap. 2. ³ Aristot. exoterici. n. 26. ⁴ analect. hist. phil. p. 333. ⁵ dissert. de anima mundi cap. 1. §. 6. 7. ⁶ metaphysic. lib. XII. cap. 8. ⁷ Conringian. p. 327. ⁸ philos. hist. part. V. cap. 8. p. 490. sq. ⁹ metaphysic. lib. XII. cap. 8. tom. II. opp. p. 743.

καὶ τὸ πρῶτον τῶν ὄντων· ἀκίνητον καὶ καθ' αὐτὸ, καὶ καθ' αὐτὸ συμβεβηκός· κινῆν δὲ τὴν πρῶτην καὶ αἰδίων, καὶ μίαν κίνησιν· ἐπεὶ δὲ τὸ κινούμενον ἀνάγκη ὑπὸ τινος κινεῖσθαι, καὶ τὸ πρῶτον κινῆν ἀκίνητον εἶναι καθ' αὐτὸ, καὶ τὴν αἰδίων κίνησιν ὑπὸ αἰδίου κινεῖσθαι, καὶ τὴν μίαν· ὅφινός, *principium enim ac primum entium tum per se tum per accidens immobile est: mouens autem primo, sempiterno & vno motu. quum vero quod mouetur, necesse sit ab aliquo moueri, primumque mouens immobile per se esse ac motum aeternum ab aeterno moueri & vnum ab vno.* modum autem, quo summum numen ipsum immotum omnia alia possit mouere, explanat ea ratione, qua res vel intellectum ad cognitionem, vel voluntatem ad cupiditatem excitare ac mouere queat, ita vt quamuis in intellectu ac voluntate fiat motus, ipsa tamen res maneat immobilis. sic deus quum habeat sui ipsius cognitionem, quod sibi insint omnia præstantissima, in quibus partim intelligendi, partim appetendi facultas versari possit, sempiterna sui ipsius contemplatione penitus occupetur, ita vt nihil aliud ipse fuerit, quam sui ipsius contemplatio. ¹ post primum hunc immobilem motorem alias quasdam substantias seu intelligentias esse voluit, quæ ab ipso motæ inferiorum orbium motibus præessent, siquidem dicit: ² ὁρῶμεν δὲ παρὰ τὴν τὴν παντὸς τὴν ἀπλὴν φορᾶν, ἣν κινεῖν φαμέν τὴν πρῶτην ὕσιν, καὶ ἀκίνητον, ἄλλας φορὰς ὕσας τὰς τῶν πλανήτων αἰδίους· ἀνάγκη, καὶ ἵσταν ἐκάστην τῶν φορῶν ὑπ' ἀκινήτης τε κινεῖσθαι καθ' αὐτὸ καὶ αἰδίου ὕσιν, *videmus*

¹ metaphysic. lib. XII. cap. 7. tom. II. opp. p. 742. & cap. 9. p. 744. ² ibid. cap. 8. p. 743.

verò præter simplicem lationem totius, quam dicimus primam substantiam & immobilem mouere, & ceteras etiam lationes, quæ errantium sunt, sempiternas esse. necesse est, harum quoque lationum unamquamque a per se immobili & æterna substantia moueri. ita intelligentiæ orbium, in quibus plauetæ septem voluuntur, præsides, per summi numinis admirationem atque adfectum incitatæ orbes, necessario mouerunt, adeo ut sine quadam numinis opera & prouidentia cælestium cursus, fuerint constituti, quorum vi & opere inferior omnis natura per necessitatem quamdam mechanicam nascatur & gubernetur. etenim quam intelligentiæ orbes suos necessario sine quodam consilio mouerint, factum sit, ut omnis quoque materiæ moles variis agitata fuerit motibus, ex quibus diuersitas formarum præ diuersa materiæ natura suam habuerit originem, ita ut si quid vtile, quid pulcrum, quid admirabile in rerum natura intueamur, id omne non diuinæ artis, non prouidentiae opus esse, sed solius necessitatis ex ipsis rerum qualitatibus ortæ euentum dicere & habere debeamus, confer SAMVELEM PARKERVUM¹ MICHAELEM MOVRGVES.²

§. X. En deum Aristotelicum! bene demente Aristotelis iudicauit beatus noster LUTHERVS apud VITVM LVDOVICVM SECKENDORFIVM.³ *Aristoteles in eam fere delabitur sententiam, ut etsi deum non adpellet stultum, tamen ignarum rerum omnium*

¹ de deo & prouidentia diss. 4. sect. 6. p. 371. ² dans le plan théologique du Pythagorisme tom. I. epist. 2. p. 75. seqq.

³ hist. Lutheranismi lib. III. § 81. n. 17. p. 304.

statuat, qui nihil negotiorum nostrorum intelligat, & videat, nihil consideret præter se ipsum & tantum consideret in speculatione sui ipsius. hoc autem etsi non est stultitiam tribuere, tamen certe est adimere scientiam & constituere ignarum rerum humanarum; recteque addit: sed quid ad nos talis deus aut quis eius est usus? quibus verbis nihil sane verius nec pulcrius dici potuisset. etenim nulum aliud deum animo menteque nobis concipere possumus, quam qui sit principium primum, prima causa omnium rerum, quas complectitur natura, adeoque omnibus præditus perfectionibus. qui deus absoluta fruatur libertate, cuius vi liberum quoque cepit consilium, mundum in tempore condendi, quem & ex nihilo produxit, & ubique singularis potentia, sapientia, benignitatis dedit documenta. cuiusmodi veritas adeo est perspicua, ut istam quisque, qui sanæ rationis particeps, comprehendere debeat, atque omnino sit mirandum; fuisse ex philosophis præcipue Aristotelem a tam clara cognitione alienum. namque quum dicit, materiam cum deo esse æternam, mundum nec principium nec finem habere, deum per modum *formæ assistentis* cum eo necessario vinculo esse coniunctum, cælo tantum supremo præsidere, nullam rerum nostrarum curam tenere, contemplatione sui ipsius totum occupari, quæque sint inferioris naturæ, fieri per necessitatem quamdam mechanicam, omnia plane turbat, & vim & naturam dei tollit penitus. ecquis dubitaret, hanc Aristotelis doctrinam non modo esse absurdam, sed & impiam? nam æternitatem materiae

riæ afferere, ipsique deum quemdam pariter æternum adiungere, idem est, ac si quis contraria sibi ac repugnantia adfirmare, atque hoc ipso verum rationis vsum perturbare vellet. quod si enim materia æterna est, aut est a se ipsa, aut a deo quodam: si est causa sui ipsius, sane non potest esse materia, omni se mouendi facultate destituta, quid? quod necesse est, adfirmare materiam esse deum; duplicem autem deum credere, æque esset absurdum, quoniam deus si ex omni parte perfectus est, ut esse debet, non potest esse nisi vnus, ut in eo sint omnia. at vero si materia a potestate ac virtute dei profecta, est omnino effectus adeoque sua causa posterior, id quod omnem remouet æternitatem. ex quibus patet, quod homo quoque, qui tantum luce ac lumine rationis utitur, adfirmare necesse habeat, deum ex nihilo produxisse materiam primam, id quod quanto clarius est, tanto in maiorem deducimur admirationem, quod veteres philosophi mirifica consensione, Plato, Aristoteles, Stoici, Epicurus de æternitate materiæ male existimauerint, fuerunt quoque, qui quamuis Aristotelem magno conlectati sint studio, hanc tamen doctrinam de æternitate mundi minus probarunt, sed impugnarunt saltem eam reiecissee videri voluerunt, VI BERNHARDINVS TELLESIVS¹ NICOLAVS TAVRELLVS² alique. de cetero Plato de modo & ratione, quæ ex rudi ista eaque æterna mole mundus hic prodierit, verius sensir, quam Aristoteles &

¹ de rerum natura lib. 1. cap. 9. 10. ² de rerum æternitate.

Stoici & Epicurus. nam iuxta Platonis placita mundus ex libero dei cum materia congressu extitit, quum Aristoteles contra & Stoici illum siue congressum siue nexum, quive a deo minus potuisset evitari, crederent, & Epicurus ex fortuita atomorum concursione mundos plurimos ortos adfirmaret. Verum hæc Aristotelis sententia de deo non solum sanæ rationi est aduersa, sed & multum illi inest impietatis. equidem ex ista probare ac colligere, quod ipse Aristoteles fuerit atheus sua mente suoque animo, minus instituo; sed talem doctrinam eum atheismo maxime esse coniunctam, & quemdam facile in tam pestiferum errorem coniicere posse, contendo. hac enim ratione omnes naturæ effectus explanari possunt, ut nobis non opus sit deo, adeoque quilibet atheus huius modi doctrinam de deo ac mundi origine admittere queat. quod & haud difficulter concedet nobis JO. ALBERTVS FABRICIUS¹ qui hac de re hoc idque moderatum tulit iudicium: *mibi quidem non videtur temere inter atheos reiiciendus esse Aristoteles, etsi mundum æternum a deo naturaliter emanasse sensit, & multos docuit graves & maximos errores, quorum vim si omnem penetrasset, vel consecutiones uniuersas fuisset amplexus, in adæonia forte potuisset incidere, vel saltem perinde omni se exsoluere religione, ut Epicurus fecit. neque disputo, quali ipse fuerit animo erga deum, vel num omnem eius conscientiam amoremque mente eliminauerit, in cuius operibus contemplandis per omnem fere*

¹ bibl. græca lib. III. cap. 6. p. 177.

vitam tam assidue fuit versatus. hoc saltem affirmo, ex scriptis Aristotelis, qualia hodie existant, hoc neutiquam constare, nec posse firmiter concludi, Aristotelem fuisse atheum, nequid adeo Hippocratem ex scriptis Hippocratis, quod conatus nuper est demonstrare vir acuti & acris ingenii. nam quod non plura de deo dixerit uterque, ferendum in philosophis, qui rationes proximas rerum naturalium exponere volebant, non ad causam primam, quam præponebant, tanquam ad aram semper confugere.

§. XI. Exposuimus itaque Aristotelis sententiam de deo. equidem observare adhuc possemus, quod dixerit, deum esse ζῶν αἰδίων *animal æternum*; ¹ alio autem loco ² asseruerit, animal constare ex ψυχῆς καὶ σώματος, *ex anima & corpore*: item ³ ὥσπερ ὁ ὀφθαλμὸς ἡ κόρη καὶ ἡ ὄψις, κακεῖ ἡ ψυχὴ καὶ τὸ σῶμα τὸ ζῶν, *ut pupilla visusque oculus est: sic anima & corpus est animal*; sed de industria hæc silentio dimittamus. nam Aristoteles a cultoribus suis per hoc excusari, quin etiam defendi potest, quod vox ζῶν significet viventem substantiam generatim, speciatim autem, si de deo adhibeatur, ipsius αὐτοζωὴν, prout quoque addat: ὥστε ζωὴ καὶ αἰὼν συνεχὴς καὶ αἰδὶος ὑπάρχει τῷ θεῷ. τῷτο γὰρ ὁ θεός, *quare vita & ævum continuum & æternum deo inest. hoc enim deus est.*

§. XII. Videamus nunc de illorum opinione, qui eximiam dei notitiam in Aristotele prædicant, & hanc in rem multa testimonia,

¹ metaph. lib. XII. cap. 7. p. 742. tom. II. opp. ² de republ. lib. I. cap. 5. p. 225. tom. II. opp. ³ de anima lib. II. cap. 1. tom. I. opp. 487.

quæ superioribus attigimus, adferunt. Si loca illa intueamur nude, possent facile nos ad adfensum mouere; sed quum ipsa doctrinæ Aristotelicæ principia reuocamus ad animum, tum demum manifeste obseruatur, illis nullam inesse dignitatem. profitetur quidem Aristoteles, deum esse vnum, nullis circumscriptum limitibus, omnis materiæ expertem, immortali natura præditum, absoluta sapientia, benignitate, iustitia, potentia conspicuum. at qui deum vnum atque æternum pronunciare potuit, quum materiam ab omni æternitate extitisse crediderit? & quæ sapientia, quæ potentia quæue alia virtus apud deum esse potest, qui impulsus per necessitatem cum materia coniunctus, supremum tantum cœlum moueat, regat, gubernet? mortalis sane, qui solo lumine rationis humanæ illustratus, tales proprietates dei minus habet cognitæ, nisi ex operibus ipsius magnificis atque præclaris, quum ipsum mundum, eius membra, cœlum, huiusque insignia solem, lunam stellasque; terras, maria ac omnis generis animalia vidisset, quumque temporum maturitates, mutationes, vicissitudinesque cognouisset, collegerit, aliquam excellentem esse ac præstantissimam naturam, quæ hæc omnia per potentiam ac sapientiam summa libertate prædita fecerit, etiam adhuc pro incredibili benignitate conseruet. adhæc Aristoteles sæpe tradit non apta inter se & cohærentia, sed sibi ipsis repugnantia & contraria: hinc CICERO ¹ *Aristoteles quoque in tertio de philosophia libro multa turbat, a magistro Platone non dissen-*

¹ de N. D. lib. 1. cap. 13.

tiens:

tiens: modo enim menti tribuit omnem diuinitatem: modo mundum ipsum deum dicit esse: modo quendam alium præficit mundo eique eas partes tribuit, vt replicatione quadam mundi motum regat, atque tueatur: tum calî ardorem deum dicit esse, non intelligens, cælum mundi esse partem, quem alio loco ipse designauit deum; & LACTANTIUS: ¹ Aristoteles quamuis secum ipse dissideat ac repugnantia sibi & dicat & sentiat. quapropter non est mirum, quod Aristoteles interdum bene & præclare existimet de deo, interdum vero omnem vim ac naturam diuinam tollat. ac quamuis facile ex hisce conclusio effici possit, quod in tanta dissensione ac varietate, in qua Aristoteles de deo differens constitutus est, nihil firmi neque de pietate, neque impietate ipsius sit dicendum, adeoque nostra disputatio suo careat fructu; hæc tamen, licet speciosa videantur, debiliora omnino sunt, quam vt nos de iam proposita sententia dimoueant. verum est, Aristotelem dicere sibi contraria; sed quod integram doctrinam de deo atque origine mundi ita struxerit, vt etiam principia illius sibi sint repugnantia, nec lectores habeant facultatem, veras ac genuinas ipsius sententias cognoscendi, plane negamus. quo nomine, si rem ipsam intueamur accuratius, obseruabimus, quod Aristoteles conclusiones sibi contrarias tradiderit, & quamuis vi principiorum haberet necesse, aperte omnem in deo suo negare diuinitatem, istum tamen æternum, infinitum, sapientem, benignum esse adfirmauerit, vt artem, impiam doctrinam quadam ratione occultan-

¹ *instit. diuin. lib. 1. cap. 5.*

di, exerceret. quod si enim nuda Aristotelis effata de proprietatibus dei ponamus, nulla habitatione ipsius complexus doctrinarum, qualia ista sint, non facile possunt indicari. & si quis ex hisce colligere velit, philosophum hunc de deo existimasse bene, eodem sane iure etiam BENEDICTVM SPINOZAM prædicare adeoque absoluere atheismi possumus.

§. XIII. Adhæc obseruamus, quod multa testimonia, quæ superioribus in verum Aristotelis de deo sensum prolata sint, lubrica fide atque auctoritate nitantur, quod ex libro *de mundo* sint petita. namque de ipsius auctore in vtramque partem disputatur. alii negant, Aristotelem opus hoc perfecisse, vt MURETVS, ¹ SALMASIVS, ² DANIEL HEINSIVS, ³ MENAGIVS, ⁴ VOSSIVS, ⁵ IACOBVS THOMASIVS. ⁶ alii autem ipsum exclusisse fetum hunc adfirmant, iique recentiori ætate, ingenio atque eruditione clarissimi viri, PETRVS PETITVS, ⁷ ELMENHORSTIVS, ⁸ FORTVNIVS LICETVS, ⁹ IO. ALBERTVS FABRICIVS ¹⁰ & qui commentariis notisque librum hunc illustrarunt OLAVS WORMIVS, IO. LANGIVS, BONAVVULCANIVS. nos fatemur ingenue, priorum auctorum, qui monimentum hoc Aristoteli ab iudicant, argumenta nobis videri grauiora, ut non possimus, quin illorum sententiæ faueamus. siue enim ipsas doctrinas, quæ ibi tradun-

¹ var. lection. II, 18. ² ad Solin p. 1247. ³ peculiar. disertat. qua adiungit. oration. p. 471. ⁴ ad Diog. Laërt. tom. I. p. 203. 323. ⁵ de scient. mathem. p. 272. ⁶ de Stoica mundi constitutione diff. XIII. §. 352. ⁷ obseru. II. 19. ⁸ not. ad Apuleium de mundo. ⁹ allegor. Peripatetic. ¹⁰ bibl. græcæ lib. III. cap. 6. §. 33.

tur, siue scribendi genus respiciamus, deprehendimus omnino, quæ cum Aristotele eiusdemque ingenio minus conueniunt. quod ad res ipsas adinet, magnam obseruabimus diuersitatem sententiarum, si librum hunc cum genuinis Aristotelis monumentis contendamus. *primum* compertum est, Aristotelem cæli æternitatem tueri atque asserere, mundum extitisse ab æterno; hic autem dicit auctor, ipsum mundum διακόσμησιν ὑπὸ Θεῶ καὶ διὰ Θεὸν φυλαττομένην, ornatam ordinationem dei munere, dei recta custodia esse; & paullo post clarius: ὡς ἐκ Θεῶ τὰ πάντα καὶ διὰ Θεῶ συνέστηκε, omnia ex deo consistere & per deum. ¹ *secundo* Aristoteles intelligentias cælo affixas credidit; heic autem duæ causæ & utraque in vno deo ponuntur, quarum altera ποιητικὴ seu διακοσμητικὴ, quæ & formauit orbem; altera συνεκτικὴ siue φυλακτικὴ, quæ hunc conseruat & regit. *tertio* satis est manifestum, Aristotelem ad lunam tantum vsque diuinam prouidentiam sese mouere, existimasse; heic autem hæc legimus: σεμνότερον δὲ καὶ πρεπωδέτερον, αὐτὸν μὲν ἐπὶ τῆς ἀνωτάτω χώρας ἰδεῖσθαι, τὴν δὲ δύναμιν διὰ τῆς σύμπαντος κόσμου διήκυσαν ἥλιον τε κινεῖν καὶ σελήνην, καὶ τὸν πάντα ἕρπον περιάγειν, αἰτίον τε γίνεσθαι τοῖς ἐπὶ τῆς γῆς σωτηρίας, quare *augustinus* id decentiusque existimandum est, deum summo in loco ita esse collocatum, numinis ut tamen eius vis per vniuersum mundum pertinens, tum solem lunamque moueat, tum cælum omne circumagat, simulque causam præbeat eorum, quæ in terra sunt, salutis atque incolumitatis. ² *quarto* auctor libri huius descripsit Britanniam

¹ cap. 2. & 6. ² cap. 6.

& Hiberniam, ¹ quæ Alexandri tamen tempore ignotæ fuerunt, quod TACITVS ² confirmat, *hanc oram, inquit, nouissimi maris tunc primum romana classis circumuecta, insulam esse Britanniam adfirmavit*; & DIO CASSIVS ³ πρώτοις καὶ ἐλλήνων καὶ Ῥωμαίων ἔδ' ὅτι ἐστίν, ἐγγινώσκετο τοῖς δὲ ἔπειτα ἐς ἀμφισβήτησιν, ἢ τε ἡπείρος, ἢ τε καὶ νῆσος ἦν, ἀφίκετο, *primis græcorum romanorumque, ne esse quidem eam, compertum fuit; posteriores in controuersiam adduxerunt, continensue ea terra, an vero insula esset.* huc quoque accedit, quod auctor tradit de nobilissima insula *Taprobane*, ⁴ quam Alexander rex detexisse dicitur. si igitur hæc scripsit ante ipsius expeditionem, sane situm illius minime scire potuit; sin in ipsa expeditione, plane absurdum fuisset, hoc Alexandro exponere, qui ista maxime cognita habuit aut primus, aut solus. nec tractandi ratio & scripturæ genus cum ingenio Aristotelis conueniunt, vt pluribus demonstrat DANIEL HEINSIVS. ⁵ equidem alii, qui scriptum hoc inter γνήσια philosophi huius monimenta referunt, variis ex vetusta ætate testimoniis muniunt sese, quæ iam credidit, id ab Aristotele esse profectum. primum prouocant ad STOBÆVM, ⁶ apud quem ex longiore illa epistola Aristotelis ad Alexandrum περὶ τῶ πάντος fragmenta exsunt, quæ omnia ad verbum leguntur in libro hoc de mundo; sed ex his nondum perspicuum esse putamus, monumentum hoc vere esse Aristotelis. nam quamuis epistolam hanc περὶ τῶ πάντος Aristoteles ad Alexandrum con-

¹ cap. 3. ² vit. Agricola cap. 10. ³ lib. XXXIX. pag. 114.
⁴ ibid. ⁵ cit. loc. ⁶ eclog. p. 7. 14. 70. seqq.

scripserit, quamuis etiam illius fragmenta deprehendamus apud STOBÆVM, quæ extent libro de mundo; verus tamen scripti huius auctor hanc Aristotelis epistolam in vsum suum transferre potuit. nec firmum argumentum est, quod opus hoc de mundo inscriptum sit Alexandro, quoniam magna probabilitate adfirmare possumus, nomen hoc aut sine causâ esse additum, quod & in nonnullis exemplis hodieque omittitur; aut ideo fuisse adiectum ab auctore, vt facilius sub Aristotelis nomine admitteretur. deinde adferunt testimonium IUSTINI *martyris*, ¹ qui dicit: *Ἀριστοτέλης δὲ ἐν τῷ πρὸς Ἀλέξανδρον τὸν Μακεδόνα λόγῳ συντομὸν τινα τῆ ἑαυτοῦ Φιλοσοφίας ἐκτιθέμενος ὅρον, σαφῶς καὶ φανερώς τὴν Πλάτωνος ἀναιρεῖ δόξαν, ὅτι ἐν τῇ πυρώδει ὁσία τὸν θεὸν εἶναι λέγων, ἀλλὰ πέμπτον αἰθέριόν τι καὶ ἀμετάβλητον ἀναπλαττὸν σῶμα, ἐν τῷ αὐτὸν εἶναι φησι.* *Aristoteles autem in eo, quem ad Alexandrum Macedonem scripsit libro, breuem quandam philosophiæ suæ delineationem proponit: ubi manifeste quoque ac perspicue Platonis tollit sententiam. neque enim in ignea substantia vult esse deum, sed vero quintum aliquod æthereum atque immutabile constituit corpus, in quo eum ponit.* adfirmat igitur primum IUSTINVS, libro hoc Aristotelem philosophiæ summam tradidisse breuiter. Sed tantum abest, vt id scripto huic sit consentaneum, vt ne inscriptio quidem admittat. nihil enim de disciplina, quæ rationem ac voluntatem in functionibus ipsorum dirigit, attingit, quæue de rebus naturalibus disputat, penitus sunt imperfecta. nec in ope-

¹ adhortat. ad gentes p. 6.

re hoc manifeste tollitur sententia Platonis, ut existimat IUSTINVS martyr, siquidem capite quidem secundo quinta essentia ponitur; sed sine vlla Platonis reprehensione. tertius testis esse debet APVLEIVS, qui præfatione libri sui de mundo dicat: *quare nos Aristotelem, prudentissimum & doctissimum philosophorum, & Theophrastum auctorem secuti, quantum possumus cogitatione contingere, dicemus de omni hoc caelesti ratione, naturas & officia complexi, & cur & quemadmodum moueantur, explicabimus.* quum igitur APVLEIVS librum græcum de mundo ad verbum prope modum in latinam linguam transtulerit, ipseque, quem secutus sit duce, commemoraue- rit, ex hisce consequi putant, Aristotelem esse auctorem græci operis de mundo. sed tamen APVLEIVS profitetur, sequi se Aristotelem & Theophrastum, quapropter eodem iure concludere ex hoc possumus, quod Theophrastus conscripserit librum de mundo. verum neque Aristotelem neque Theophrastum illius esse auctores, aperte significant verba APVLEII, quod tantum interpretes fuerit, atque Aristotelem & Theophrastum, non se, sed auctorem secutum esse dixerit, nisi eundem, qui sequitur & quem sequitur, dicamus.

CAPITIS III.

DE

ATHEISMO ARISTOTELIS THEORETICO.

SECTIO II.

DE

OPINIONE ARISTOTELIS
AD PROVIDENTIAM DEI
SPECTANTE.

Σ Τ Ν Ο Ψ Ι Σ.

Dicendorum nexus cum superiori argumento § I. veterum philosophorum sententiæ de providentia diuina § II. loca afferuntur, ex quibus multi probare contendunt verum Aristotelis sensum de dei providentia § III. contrarium demonstratur § IIII. respondetur ad illa loca §. V. VI. VII. fit conclusio de hac doctrina cum atheismo coniuncta §. VIII. causæ, cur negetur providentia dei §. VIIII.

§. I. Qui deum esse proficitur, & providentiam simul esse concedit. nam quum notio dei complectatur quoque notionem sapientiæ, potentiæ & benignitatis, ita ut summum numen non solum possit, sed & velit providam omnium rerum curam tenere; nemo sane deum esse, providentiam tamen nullam, dicere potest. quapropter LACTANTIUS¹ dicit: *etenim si est deus, utique providens est, ut deus; nec aliter ei potest diuinitas attribui, nisi & præterita teneat & præsentia sciat, & futura prospiciat. quum igitur providentiam*

¹ de ira dei cap. 9.

sustulit (Epicurus) etiam deum negavit esse. quum deum esse professus est, & providentiam finalem esse concessit: confer JO. FRANCISCVM BVDDIVM. ¹

§. II. Ex vero igitur sensu de deo vera quoque ipsius providentiæ cognitio gignitur, prout illos, qui aut omnem diuinam mentem negant, aut eiusmodi deum credunt, apud quem nihil est diuinitatis, error quoque tenet & miserabilis ignoratio providentiæ summi numinis. id quod exemplis philosophorum ex ætate verusta possumus illustrare, quorum quisque ut sensit de dei indole & natura; ita quoque de ipsius provida rerum omnium mente existimavit. PLATO maximam deo libertatem adtribuit, ac credidit, mundum ex libero dei congressu cum materia extitisse, quo factum est, ut mundum ab æterno fuisse negare posset, sicque omnium, quos vetus græcia tulit, principum philosophorum sapientissimus iudicaret de deo. quapropter etiam mundum providentia ipsius regi atque administrari, est professus. ac primus nominavit in philosophia τὴν τῆς Θεᾶς πρόνοιαν, *dei providentiam*, teste DIOGENE LAERTIO. ² præcipue autem opere de legibus ³ copiose de momento hoc disputat & probare contendit, deos dari, illos omnibus providere, ac tandem pro meritorum ratione decernere hominibus aut supplicia aut præmia. apud STOICOS deus erat mens mundi & quidem non *assistens*, sed *informans formam*, quippe qui cum materia connexus esset vinculo artissimo ac necessario,

¹ thesib. de atheism. & superstit. cap. VII. §. 1. ² lib. III. segm. 24. ³ lib. X.

quam ob rem necesse erat, omnem tollere prouidentiam. equidem affirmabant, mundum regi & gubernari prouido dei animo; sed hac ratione contraria sibi docebant, quum putarent, deum esse animam mundi, & nihilo minus ipsi adtribuerent prouidentiam. quod bene obseruauit LACTANTIUS ¹ interdum sic confundunt, ut sit deus ipse mens mundi & mundus sit corpus dei: quasi vero simul esse caperint mundus & deus, ac non mundum fecerit: & paucis interiectis: ubi est ergo illud, quod iidem ipsi aiunt; & factum esse diuina prouidentia & regi? si enim fecit mundum, fuit ergo sine mundo. si regit, non utique sicut mens corpus regit; sed tanquam dominus domum, nauim gubernator, auriga currum. nec illorum doctrina de fato vllam admittit prouidentiam dei. omnia enim fato subiecerunt, quamuis ipsimet, quid fatum sit, non fati intellexerint, ut malignitatem fati Stoici solide demonstraui IACOBVS THOMASIVS; ² at vero si deus est pars mundi, quomodo a legibus fati potest esse solutus? si igitur deus vinculo fati adstrictus, omniaque per fatum fiunt necessitate ineuitabili, omni plane libertate destituatur deus omnisque ipsius remouetur prouidentia. obseruamus quidem, Stoicos interdum fatum a prouidentia diuina discernere: hinc M. AVRELIVS ANTONINVS ³ dicit: omnia sunt aut ἀνάγκη εἰμαρμένη, ἀπαράβατος τάξις, necessitas fatalis, atque ordo ineuitabilis; aut πρόνοια ἰάσιμος, prouidentia placabilis; aut θυμὸς εἰσαλόγητος καὶ

¹ institut. diuin. lib. VII. cap. 3. ² de Stoica mundi exist. diff. XIII. p. 166. ³ lib. XVI. § 12.

ἀπεροσάτηςλος, *confusio inanis & nullum habens rectorem.* sed nondum clarum est, quod hic imperator providentiam a fato distinctam, ex sua aut Stoicorum, non aliorum philosophorum mente posuerit. finge vero, quod tamen non apertum est, differere illum secundum principia atque doctrinas Stoicorum, constat, tradidisse hos philosophiæ magistros non apta inter se & cohærentia, sed contraria sibi & repugnantia. ita ut verbis professi sint providentiam dei, quam re ipsa vero negauerint, plane impia & a doctrina religionis christianæ aliena est sententia IVSTI LIPSII,¹ quod ex providentia fatum sequatur, vel potius fatum sit ipsa providentia, nec per illud summi numinis libertas tollatur. EPICURVS credidit, mundum ex fortuita atomorum concursione factum esse; deos in intermundiis positos vitam agere beatam, qua diuinæ naturæ nihil sit conuenientius nec vitæ beatæ quidquam magis aduersum, quam curis & rerum aliarum administratione turbari. propter quas sententias necesse habebat, omnem negare diuinam providentiam, ita ut deus nihil agat, nullis occupationibus sit implicatus: nulla opera efficiat: sua sapientia, sua virtute gaudeat. hinc SENECA ex mente Epicuri: *itaque non dat deus beneficia, sed securus & negligens nostri, quersus a mundo aliud agit, aut (quæ maxima Epicuro felicitas videtur) nihil agit, nec magis illum beneficia, quam iniuriæ tangunt*² & alio loco³ *tu denique, Epicure, deum inermem facis. omnia illi tela, omnem detraxi-*

¹ *physiolog. Stoica lib. I. diff. XI.*

² *de benefic. lib. III. c. 4.*

³ *ibid. cap. 19.*

sti potentiam, & ne cuiquam metuendus esset, proiecisti illum extra mundum. hunc igitur insepultum ingenti quodam & inexplicabili muro, diuisumque a contactu & a conspectu mortalium, non habes, quare verearis, nulla illi tribuendi, nec nocendi materia est. in medio intervallo huius & alterius calis desertus, sine animali, sine homine, sine re ruinas mundorum, supra se circaque se cadentium cuitat, non exaudiens vota, nec nostri curiosus: adde DIOGENEM LAERTIVM¹ PETRVM GASSENDVM.² *aliam quidem sententiam amplexus est* IACOBVS RONDELLVS³ *qui existimat, Epicurum non plane negasse prouidentiam dei, sed tantum ea fuisse opinione, quod deus nullam curam eorum effectuum, quibus producendis vires naturæ inditæ sufficiant, teneat; sed num hac ratione bonus caussarum Epicuri patronus sit, nec ne? alii iudicent. satis superque apertum esse existimarem, philosophum hunc etiam ab humanis rebus remouisse prouidentiam, quoniam beatæ vitæ, qua deus fruatur, nec curas, nec iram, nec gratiam, quæ omnia in mortales tantum rationis participes cadunt, conuenire putauit.*

§. III. Quod ad Aristotelem adtinet, pii ipsius cultores penitus sibi persuadent, vere illum hac in re sensisse ac mundum vi prouidentia diuinæ regi, gubernari, conseruari, adfirmasse. quam cognitionis laudem vt vindicent ipsi iure ac merito, ac illius caussam tueantur diligenter, varia adferunt loca, quibus

¹ lib. X. segm 77. ² not. ad lib. X. Diog. Laertii tom. V. opp. p. 128 & physc. sect. I. lib. IV. cap. 6. p. 319. ³ libro de vita & moribus Epicuri.

disputauerit de prouidā omnium rerum mente dei, atque dicunt, ipsum adpellasse mundum τῶν ὅλων τάξιν τὴ καὶ διακόσμησιν, ὑπὸ Θεῶ 7ε καὶ διὰ Θεὸν φυλαττομένην *ordinem & digestionem vniuersorum, quæ a deo & per deum asserueretur*; ¹ & alibi ² tradidisse, deos immortales curam habere rerum humanarum, & illis. qui fungantur muneribus menti consentaneis eamque colant, præmia persolvere gratiamque referre. quin immo expressis verbis dixerit Aristoteles: ὅδε μὲν δὲ φύσις, αὐτὴ καὶ ἐαυτὴν αὐτοῖαρχης ἐρημοθεῖσα 7ης ἐκ τῶν σωτηρίας, *nullam naturam satis instructam ad salutem esse posse, quæ citra dei præsidium suæ ipsa demum tutelæ permissa sit.* ³ quumue alii sunt testati, quod philosophus hic male senserit de prouidentia dei, fuerunt quoque, qui causam ipsius dixerunt, existimantes, istum nulla dignum esse reprehensione, quoniam omnia per prouidentiam summi numinis sustentari adfirmauerit. quam in rem adhuc prouocant ad locum quemdam, ⁴ vbi ad similitudinem exercitus atque amplæ familiæ loquatur atque asserat, deum æque ac imperatorem & sedulum patrem familias curam rerum gerere, confer **MARSILIVM FIGINVM.** ⁵ & quamuis ipse interdum secum dissideat, etiam de deo dicat repugnantia sibi; huius tamen rei liberalem mereatur excusationem per ingenii humani in cognoscendis rebus diuinis imbecillitatem, cuius sibi conscius libro de diuina sapientia se-

¹ libro de mundo cap. 2. tom. I. opp. p. 465. ² ethic. ad Nicomach. lib. X. c. 9. p. 104. tom. II. opp. ³ de mundo cap. 6. p. 471. tom. I. opp. ⁴ lib. XII. cap. 10. met. p. 745. tom. II. opp. ⁵ de immortalit. anima lib. II. cap. 13.

cundum Ægyptios, ¹ si modo illius sit auctor; ita seipsum excuset, dum *quoniam eius (primi opificis) qualis ipsa in se est natura, explicare non possumus, neque attingere, atque quantulumcunque est, quod mens humana in illa intelligit, id abstractione quadam & huic quasi succenturiata negatione assequitur, gradatim ascendendo, donec defatigata conquiescat, ut imperfectissima.* confer GERH. 10. VOSSIVM. ²

§. IIII. Sed plane alia sumus opinione, atque affirmamus, Aristotelis doctrinam de providentia dei non solum absurdam esse; sed & impiam, quod partim per rationes, partim per testimoniorum auctoritatem confirmare, nobis est in animo. primum quod ad rationes adtinet, satis verum esse existimamus, quod notio providentiæ divinæ dependeat a notione dei ac divinæ naturæ, ex quo, quum perspicuum sit ac manifestum, facili negotio possumus colligere, qualis sensus, qualis cognitio divinæ providentiæ fuerit apud Aristotelem? constat ex iis, quæ superiora disputauimus, neminem in deo Aristotelis aliquid de diuinitate posse suspicari, esseque deum omnis sapientiæ, benignitatis ac potentiæ expertem, qui vnde habeat providentiam, non videmus. nam si caret deus sapientia & potentia, minime omnibus rebus conseruandis, ea pulcritudine, eo ordine, eo fine, quo sunt constitutæ, sufficit: sique animus ipsius alienus a benignitate, nullum quoque erit studium, nulla voluntas prolixa rebus naturæ earumque salutis consulendi

¹ lib. XI. cap. 4. ² de orig. & progressu idololat. lib. I. cap. 40.

prospiciendique. id quod adhuc per testimonia corroborare possumus. sic DIOGENES LAERTIVS de Aristotele dicit: ¹ διατείνει δὲ αὐτὸς τὴν πρόνοιαν μέχρι τῶν ἑρηνίων, *extendit providentiam dei ad celestia usque: &* apud CLEMENTEM Alexandrinum ² traditur, ad lunam usque eandem deduxisse; & PLUTARCHVS ³ testatur, illum existimasse, mundum providentia dei haud gubernari, id quod etiam apud alios legimus. nec Aristoteles vi principiorum suorum aliter sentire poterat, quam quod providentia dei, si & illam verbis admiserit, tantum spectet res caelestes, quoniam ex ipsius sententia deus cælo supremo præsideat, ipsique adeo cura sit primi mobilis, quod veteribus est orbis stellarum fixarum, seu octava sphaera. secundorum autem mobilium intelligentiæ gerant curam, unde & sequitur, primum illum motorem, quem Aristoteles vocat deum, rebus, quæ sub luna sunt, nulla prospicere providentia.

§. V. Firmior adhuc nostra disputatio apparebit, si & illa argumenta, quæ in Aristotelis eiusque recti de diuina providentia sensus gratiam proferuntur, remouere instituamus. quapropter quod ad testimonia illa, quæ ex libro de mundo deprompta sunt, pertinet, iterum generatim monemus, quod ista nullum habere possint pondus, quoniam superioribus vi argumentorum probabili demonstrauimus, Aristotelem opus hoc minus conscripsisse. finge vero, quamuis id nequaquam specie quadam veritatis adfirmari queat, Aristotelem

¹ lib. V. segm. 32.
lib. II. cap. 3.

² Stromat. lib. V. ³ de placit. phil.

libri huius esse auctorem, testimonia sane, quæ ex illo sunt petita, omni, qua valere deberent, probandi virtute carent. namque primum hoc fuit: τῶν ὅλων τάξιν τε καὶ διακόσμησιν, ὑπὸ Θεῦ τε καὶ διὰ Θεὸν φυλαττομένην, mundum esse ordinem & digestionem uniuersorum, quæ a deo & per deum asseruetur, ¹ quem locum iam superioribus produximus, veluti argumentum, quod Aristoteles librum hunc de mundo minus confecerit, vt pluribus ostendit DANIEL HEINSIUS. ² iam vero obseruamus, quod scriptura vulgaris, quam & supra exhibuimus, sit corrupta καὶ διὰ Θεὸν φυλαττομένην, quam emendare ac scribere: διὰ Θεῶν φυλαττομένην, propter varias rationes necesse habemus. nam auctor libri de mundo principio capitis secundi duas mundi definitiones tradit, quarum altera hæc est: κόσμος ἐστὶ σύστημα ἐξ ἑρᾶν καὶ γῆς καὶ τῶν ἐν ταῖς περιεχομένων φύσεων, mundus calis & terræ constitutio est, earumque naturarum (vt APVLEIUS loquitur) quæ sunt utriusque: qua posita, addit alteram his verbis: λέγεται δὲ καὶ ἑτέρως κόσμος, dicitur quoque aliter mundus ἢ τῶν ὅλων τάξις ἐστὶ καὶ διακόσμησις ὑπὸ Θεῦ τε καὶ διὰ Θεῶν φυλαττομένη. prior definitio est Peripatetica; posterior vero Platonica aut Pythagorica, quas auctor ipse per vocem ἑτέρως discernit, atque significat, posteriorem definitionem non sibi, sed aliis esse vindicandam, in quibus Platoni ac Pythagoræ eorumque principiis maxime conuenit. quæ & caussa est, cur non solum legamus διὰ Θεῶν φυλαττομένην, sed & verba ὑπὸ Θεῦ referamus ad διακόσμησιν. nota enim est

¹ de mundo cap. 2. ² opus. p. 479. 599.

doctrina Pythagoræorum & Platoniorum de *demonibus*, quo nomine proprie illi adpellantur, qui inter deos & homines sunt positi, & de quibus multa ex Pythagoricis fragmentis, ex Platonico Timæo, conuiuio, Epinomide ac libris de republica, PLOTINO, PORPHYRIO, IAMBLIGO, CHALCIDIO, MAXIMO TYRIO, PLUTARCHO, APVLEIO, MARTIANO CAPELLA, AVGVSTINO, MARSLIO FIGINO aliisque colligi possunt. officium horum dæmonum erat, vt humana ad deos, & diuina ad homines referrent, hominum quippe preces & sacrificia ad deos; & deorum leges & sacra instituta ad homines. APVLEIVS ¹ dicit: *dæmones sunt genere animalia, ingenio rationabilia, animo passiva, corpore aëria, tempore aterna*; & CHALCIDIVS: ² *demon est animal rationabile, immortale, patibile, aetherium, diligentiam hominibus impertiens*. quorum dæmonum iterum varii constituti sunt ordines variaque genera, quod argumentum solide persequitur GOTTFRIED OLEARIVS. ³ prout autem diuersas habuerunt adpellationes, sic quoque vocati sunt Θεοὶ ἁδάναιο principio *aureorum carminum*, item tantum Θεοὶ a PLATONE ⁴ PROCLO ⁵ PLOTINO ⁶ ANTONINO ⁷ MENANDRO ⁸ & aliis. atqui hi sunt, qui altera definitione de mundo, quando dicitur: καὶ διὰ Θεῶν φυλαττομένη. probabili ratione indicantur, adeo vt integra definitio huius sit

¹ de deo Socrat. p. 78. ² ad Timæum p. 217. ³ de genio Socratis p. 120. ed. latin. Stantæi hist. philos. ⁴ in Tim. ⁵ theol. Platon. l. 24. ⁶ Enn. III. lib. V. cap. 6. ⁷ XII. 26. ⁸ apud Plutarch. Platon. quest. 1.

sententiæ: mundus complexu suo omnia singulari ordine atque ornatu continet, quæ a supremo numine sunt constituta, a dæmonibus autem, ipsius administris conseruantur & custodiuntur. namque hi dæmones credebantur, quod non solum gentium aut urbium, sed hominum quoque essent præsides, quod actiones atque humanam vitam dirigerent, quod in potestate haberent astra, eorumque motum, quodue aliis rebus, imbris, tempestatibus, frugibus præfecti. sic dæmones administri erant summi numinis, & quemadmodum in sacris scripturis spiritus dei ministri adpellantur *angeli*, etiam *λειτεργικὰ πνεύματα*; ¹ sic dæmonibus quoque nomen *angelorum* adtributum fuisse, deprehendimus, id quod ARISTIDEM, PORPHYRIUM, SIMPLICIUM usurpasse, testis est MERICVS CAUSABONVS: ² conf. IO. ALBERTVM FABRICIUM. ³ ex his copiose a nobis disputatis efficiamus conclusionem, quod hoc testimonium primum, quum definitionem mundi aut Platoniam aut Pythagoricam continet, illis nullo adiumento esse possit, qui Aristotelem recte sensisse de prouidentia dei, per illud probare contendunt.

§. VI. Quod ad secundum testimonium adinet, tantum abest, ut tueatur Aristotelem, ut ipsius animum ac mentem de vi ac potestate prouidentiae diuinæ non obscure prodat. namque dicit: *ἐι γὰρ τις ἐπιμέλεια τῶν ἀνθρωπίνων ὑπὸ θεῶν γίνεσθαι, ὥσπερ δοκεῖ, καὶ εἴη ἂν ἔυλογον χάριεν τε αὐτὸς τῷ ἀρίστῳ καὶ τῷ συγγενεσάτι*

¹ Hebr. I. v. 14. ² ad M. Anton. III, 4. ³ *bibliograph. antiqu.* cap. 8. §. 26.

τῷτο δ' ἂν εἴη ὁ νῦς, nam si dii immortales curam habent aliquam rerum humanarum, quemadmodum verisimile est: illud quoque probabile fuerit, eos re omnium optima sibi-que maxime cognata delectari, hæc autem mens fuerit. ¹ en cognitionem tam nobilissimæ veritatis huius, quæ apud Aristotelem fuerit! pronuntiat quippe, probabile esse, deos curam rerum humanarum habere, satis-que apertum indicium aut corrupti intellectus aut deprauatæ voluntatis profert in lucem. quod si enim certo ac firmo animo principalem comprehendisset veritatem, esse deum, auctorem totius vniuersi; atque omnium rerum, quas videmus, quæue sunt factæ, constantem eumque pulcerrimum ordinem diligenti ac sana meditatione cognouisset; providentia dei ipsi non venisset in dubium. adhæc verba testimonii huius, deos præcipue delectari mente, τῷ ἀρίστῳ καὶ τῷ συγγενέστατῳ, veluti re omnium optima sibi-que maxime cognata, item quæ præmissa sunt, quando dicitur: ὁ δὲ κατὰ νῦν ἐνεργῶν καὶ τῷτον θεραπεύων, καὶ διακείμενος ἀρίστα. καὶ θεοφιλέστατος ἔοικεν εἶναι, qui vero muneribus fungitur menti consentaneis & hanc colit, estque optime animo affectus, cum probabile est, deo carissimum esse; aliquid doctrinæ Aristotelicæ de intellectu agente sapere mihi videntur, quam infra copiosius illustrare, induximus animum. multo minus tertio testimonio pretium aliquod statuere possumus, quoniam verba hæc: εὐδαιμονία δὲ φύσις, αὐτὴ κατ' ἐαυτὴν αὐτάρκειας, ἐρημοδείτσα

¹ ethic. ad Nicom. lib. X, c. 9.

τῆς ἐκ τῆς σωτηρίας, ¹ non ex principiis philosophiæ Aristotelicæ, sed Pythagoricæ explicari debere, probabili ratione existimamus. primum enim auctor libri huius paullo ante dixit: ἀρχαὸς μὲν ἔν τις λόγος, καὶ πατὴρ ἐστὶ πᾶσιν ἀνθρώποις, ὡς ἐκ θεῶν τὰ πάντα καὶ διὰ θεῶν συνέστηκε, *vetus igitur sermo est, a maioribusque proditus inter omnes homines, vniuersatum ex deo tum per deum constituta fuisse atque coagmentata*, iisque aperte significauit, hæc respicere ad vetustissimam doctrinam de dæmonibus, præcipue quum addit: διὸ καὶ τῶν παλαιῶν ἐπεὶν ἱνὲς προήχθησαν. ἔτι ταῦτά ἐστι πάντα θεῶν πλέα τε *quocirca veterum nonnulli eousque prouecti sunt, ut hæc omnia dictarent deorum esse plena.* etenim doctrinæ de dæmonibus ætatem a longinquo tempore repetere possumus, siquidem monimenta historiæ philosophicæ confirmant, quod ista primis philosophiæ temporibus fuerit tradita. si fides habenda est oraculis, quæ Zoroastri nomen præ se ferunt, compertum tenemus, Chaldæos non solum credidisse dæmones, sed & diuersos illorum ordines constituisse, quorum præcipui erant *hyperarchii*, *Azoni Dii*, *Zonai Dii*, *angeli*, *animæ*; munera autem, ut quidam ex illis totum mundum regerent; quidam regionis cuiusdam curæ præessent, etiam animas humanas, a corpore liberatas ad æternas transferrent sedes, vide THOMAM STANLEYVM. ² eodem modo varia dæmonum genera posuerunt Persæ, de quibus videre possu-

¹ de mundo cap. 6.
7. 8. 99.

² *hystor. philos. oriental. lib. 1. sect. 2. cap.*

MUS THOMAM HYDE, ¹ si autem scholas
græcorum philosophorum perlustramus, de-
prehendimus in Ionica THALETEM *Mile-*
sium, de quo præter PLVTARCHVM ² testa-
tur ATHENAGORAS, ³ quod tres spirituum
classes fecerit, quarum prima *deos immor-*
tales, secunda *dæmones* & tertia *heroes* com-
plectatur; STOBÆVS vero tradit, ⁴ credi-
disse Thaletem, vniuersum aërem plenum esse
dæmonum. cuius institutione quum vsus
fuerit PYTHAGORAS, hausit quoque eandem
doctrinam, & putauit, plenum esse πάντα τὸν
αἶρα ψυχῶν, *omnem aërem animarum*, teste
DIOGENE LAERTIO. ⁵ eandem sententi-
am secutus est PLATO & ex romanis doctissi-
mus VARRO, de quo dicit AVGVSTINVS: ⁶
adiungit, mundum diuidi in duas partes, ca-
elum & terram. & celum bisariam, in ethe-
ra & aëra; terram vero in aquam & humum.
e quibus summum esse athera, secundum aëra,
tertiam aquam, infimam terram. quas omnes
partes quatuor animarum esse plenas in ethe-
re & aëre immortalium, in qua & terra mor-
talium. a summo autem circuitu celi usque
ad circulum lune athereas animas esse, astra
ac stellas, easque caelestes deos non modo intel-
ligi esse; sed etiam videri. inter luna vero
girum & nimborum ac ventorum cacumina,
aëreas esse animas, sed eas omnino non oculis
videri & vocari heroes & lares & genios.
quapropter censemus, & hæc verba οὕτως ἔστιν
τὰ πάντα καὶ διὰ θεῶν; quæ vulgaris est scriptu-

¹ *histon, religion. veter. Persar. cap. 19. 20.* ² *de placit. philo-*
soph. lib. I. c. 8. ³ *apolog. p. 25.* ⁴ *eclog. physic. p. 2.*
⁵ *lib. VIII. segm. 32.* ⁶ *de ciuitate dei lib. VII. cap. 6.*

ra, συνέστηκε esse emendanda, ita ut pro διὰ θεῶν legamus διὰ θεῶν, id est per dæmones, qua emendatione vox συνέστηκε respicit cum originem, quæ deo debetur, tum providentiam omnium rerum, qua fungantur dæmones. ita integra oratio, quæ libri huius de mundo capituli sexti principio extat, plane expedita est, nec illius sententia quadam obscuritate inuoluta. differit quippe auctor ex principiis veterum philosophorum apud Chaldaeos & Persas, præcipue Pythagoræ & Platonis, quod mundus ope & consiliis dæmonum regatur, sine quorum tutela nihil firmum esse possit, hinc & nonnulli adfirmaverint, omnia plena esse dæmonum, qui singulis partibus mundi, singulis naturarum generibus præfideant. verum enim, vero si adhuc ponamus, Aristotelem opus hoc conscripisse, quod tamen non est, etiam ex illis, quæ subsequuntur, colligere possumus, adductum testimonium haud valere ad tuendam ipsius hac in causa dignitatem. nam quum auctor ex sua mente instituit disputationem, angustioris providentiæ divinæ limites ponit, eiusque potestati cælum tantum subiicit.

§. VII, Tandem & locus ille, ¹ quo Aristoteles ad similitudinem imperatoris ac patris familias de providentia dei differit, nullum habet pondus, quem si penitus inspiciamus, manifestum erit, philosophum hunc non agere de benigna summi numinis cura. libri autem de *mystica Aegyptiorum philosophia*, ex quibus nonnulli Aristotelem excusare contendunt, quod in illis ingenii sui imbecillitatem in cognoscendis rebus divinis ipse perceperit,

¹ metaphys. lib. XII. cap. 10.

non sunt Aristotelis, quamquam FRANCISCVS PATRICIVS¹ & ATHANASIVS KIRCHERV² opus hoc ipsi adtribuunt. nam quum differitur de deo, λόγῳ, anima, vniuerso, rerumque principiis, auctor ingenium non Peripatetica, sed Platonica sapientia præditum prodit, id quod pluribus persequitur IO. ALBERTVS FABRICIVS.³

§. VIII. Sic igitur Aristoteles male existimauit de prouidentia dei, quod per illius vim cælum tantum regatur, adeoque omnem summi numinis prouidam rerum humanarum mentem negauit. quam doctrinam coniunctam esse cum atheismo, facileque quemdam in pestiferum errorem, nullum esse deum, conicere posse, quisque, qui sana vitur ratione, fateri debet. quemadmodum atheus nullam admittit prouidentiam dei, id quod res ipsa docet; ita qui istam negat ac persuadet sibi, deum hominum saluti nec consulere nec prouidere ac prospicere, non multum differt ab atheo. nam si deum tantum ex admirabili, pulcerrimo & constanti ordine rerum naturalium cognoscimus, adeoque ex effectu efficiamus conclusionem ad causam primam; sane qui tollit prouidentiam dei, principem illius effectum remouet, quo constans ordo rerum naturæ nititur, eoque ipso impedit, quominus cognitionem dei, prout decet & naturæ diuinæ consentaneum est, quis sibi comparare queat. adhæc omnes, qui deum verum esse credunt, vti necesse habent, fateri ipsum consummata ac perfecta sapientia, benignitate & potentia esse

¹ prolegomen. ad suam edition. ² præfation. parænetic. ad Obelsæ. Pamphil.
³ bibl. græca lib. III, cap. 6. §. 36.

præditam, id est dari prouidentiam diuinam, quæ dictis dei proprietatibus absoluitur; ita quisque, qui dei prouidentiam aut plane negat, aut ab illius vi res humanas excludit, non potest, quin dei naturæ maximam iniuriam inferat. saltem huiusmodi homo, qui in tali errore versatur, omne cultus diuini ac religionis fundamentum tollit. nam si remouetur prouidentia diuina, remouetur quoque timor atque amor dei, quem vtrumque adfectum gigni in mente nostra per meditationem cum potentiae, tum benignitatis dei infinitæ, satis est apertum. quum enim animus humanus sentit atque intelligit, quod deus partim illos, qui voluntati diuinæ sunt contrarii, & possit & velit grauissima adficere pœna; partim mortales incredibili prosequatur amore; hac præceptione motus oriuntur in voluntate, timor quippe atque amor dei. si autem quis omnem timorem dei atque amorem abiiceret, quomodo posset religionem obsequii colere, eaque, quæ sanctissimis legibus cum præcepit, tum prohibuit, præstare aut omittere? quapropter bene dicit SAMVEL I. B. DE PVFENDORF: *tertium est, deum tum in vniuersum mundum, tum in genus humanum regimen exercere, id quod ex admirabili & constanti ordine, qui in hoc vniuerso cernitur, liquido adparet. quoad effectum autem moralem perinde est, vtrum quis neget, deum existere, an ab eodem humana curari; cum vtrumque omnem religionem plane tollat. frustra enim metuitur aut colitur, vtut in se sit præ-*

1 de offic. homin. & civ. lib. I. cap. 4. §. 4.

stantissimus, qui nulla plane nostri cura tangitur & nihil boni malique in nos vult, aut potest conferre; & 10. FRANCISCUS BVD-DEVS: ¹ inter dogmata, quæ cum atheismo arctissimo quodam vinculo coniuncta sunt, primum merito præcipuumque locum tenet negatio providentiæ divinæ. quemadmodum enim atheus hanc non admittit, ita, qui eam negat, non multum ab atheo differt. saltem omne religionis cultusque divini fundamentum tollit.

§. VIII. Superioribus de industria diximus, quod atheus providentiam dei non possit admittere, & qui istam neget, non multum differat ab atheo. qua sententia declaramus perspicue, nos minime illos pronunciare atheos, quod sua mente, suo animo nullum deum credant, qui in errore de providentia dei versantur, siquidem summum quoddam numen esse, sibi persuadere possunt, quamvis, id nullam rerum humanarum ac naturalium curam habeat. de cetero talis error facile viam ad atheismi vitium parare potest, ac causa, ex qua oritur, ignorantia duplicis generis est. alia ignorantia est naturæ divinæ, quum quamvis deum esse dicant, eiusmodi tamen deum animo & cogitatione fingant, apud quem nihil divinitatis est, quoue omne providentiæ fundamentum tollitur, ut exempla veterum philosophorum Aristotelis, Stoicorum, Epicuri id confirmant. alia vero ignorantia est divinorum operum, cuius iterum variæ sunt species, quum homines illorum partim naturam atque indolem, partim finem non eo modo, quo decet, cognoscant, adeoque occasionem male de

¹ thes. de atheism. & super², cap. III. §. 1.

prouidentia dei sentiendi, captent. primum igitur genus talis ignorantia in eo positum est, quod putent, deum ita condidisse mundum, ut viribus naturæ omnia permiserit; ipse autem nihil curet, quo errore contraria sibi & repugnantia statuunt. nam vires naturæ eo ipso sunt vires naturæ, quod a potentia diuina dependent, ac deus causa prima est motus, quem cessare, saltem perturbare necesse est, si deum nihil curare adfirmare velimus. virium autem naturæ fundamentum est motus, cuius nulla vis inest materiæ, quæ quum adhuc sit bruta, motus autem definitus & ad certum finem directus, multo minus causam ac conseruationem motus sibi poterit vindicare. secundum genus ignorantia est diuinæ intentionis, quam deus in producendis variis rerum naturalium speciebus animo sibi proposuit. dicunt quippe multa reperiri in hoc terrarum orbe, quæ hominibus nullam adferant vtilitatem, ex quo sequi putant, talia omni carere fructu adeoque casu quodam fortuito originem habuisse, nec a deo omnium sapientissimo, curam omnium rerum gerente esse profecta. hinc TITVS LVCRETIVS CARVS, ¹ quum in eo est, ut ostendat

*nequaquam nobis diuinitus esse paratam
naturam rerum: tanta stat prædita culpa,*
exempli loco hæc adfert:

*principio, quantum cæli tegit impetus in-
gens
inde auidam partem montes, silueque fe-
rarum*

¹ lib. V. de rerum natura p. 154.

*possedere, tenent rupes, vastaque paludes,
& mare; quod late terrarum distinet oras;*

cuiusmodi argumentum aduersus prouidentiam dei satis est leue, vt ostendit IO. FRANCISCVS BVDDEVS. ¹ tertia ignorantia est verorum bonorum, quæ efficit, ut sæpe putemus bonum, quod malum est, sæpe malum id, quod bonum est. vera bona hominis sunt, ex quorum fructu vera illius felicitas nascitur, vti ratione corporis est sanitas, ratione intellectus veritas & ratione voluntatis virtus, quæ principem tenet locum; honores autem, diuitiæ & alia commoda ad voluptatem spectantia, sua natura neque sunt bona, neque mala; sed vt fiant aut bona, aut mala, id dependet ab illorum vfu, prout aut rationi est consentaneus, aut illi aduersatur. quod quum ita est, sicuti est, facile iudicare possumus, quis ex mortalium genere vere sit felix? atqui homo sanitate, facultate verum ac falsum cognoscendi, virtutisque ornamento præditus multo felicior ducendus est, quamuis nulla fruatur dignitate honoris summaque adflactus sit paupertate, quam ille, qui omni honorum genere conspicuus, atque diuitiarum copia abundet; male autem se habet ipsius aut corpus per morbos, aut intellectus per errores, aut voluntas per vitia & studium erga prauos mentis affectus. ita autem hæc tria eaque vera bona sunt comparata, vt alterum altero sit præstantius, & ex illis virtus principatum sibi vindicare debeat, quapropter dicere possumus, quod homines, qui virtutibus ac præcipue pietate animum su-

¹ thesib. de atheis. & superstition. cap. VII, §. 1. p. 348.

um exercent sedulo, omnium sint felicissimi; ac vera felicitate, id est animi tranquillitate perfruantur; alii contra, qui laudem suam in vitiōrum studio ponunt adeoque tranquilla carent mente, non possint non esse miserrimi. ex quibus patet, quantum pretium statuendum sit illi argumento, quod improborum prosperitates secundæque res, piorum autem calamitates vim providentiæ diuinæ redarguant. quæ quæstio iam ab antiquissimis temporibus etiam sanctorum hominum animos ac philosophorum ingenia exercuit, prout ista pluribus exponitur libro IOBI, & SENECAE opere de providentia, qua disputat: *quare bonis viris mala accidunt, cum sit providentia?* quarta ignorantia est naturæ miraculorum; quum multi persuadeant sibi, deum facere miracula propter leuiiores causas, hinc & mediocri incommodo adflicti eiusmodi auxilium a supremo numine efflagitant. quo contra ordinarias vires naturæ agere necesse haberet. at vero quum illis deus non occurrit, neque in precibus, neque in optatis, neque in votis, male de ipsius providentia sentire eamque vocare in dubium instituunt, nec credunt, se tutela diuina satis esse munitos, si ipsis sint panis & aqua cum vilissimo corporis tegumento. quamuis enim nec ex indole miraculorum, nec ex cognitione naturali naturæ diuinæ pateat. num deus velit frequentiora, an rariora edere miracula? experientia tamen satis & super testatur, quod in rebus maximi momenti, exempli gratia in prohibendis bellis iniustis, hæresibus perraro vlla indubitata faciat miracula; hinc efficimus conclusionem, deum nisi

ob grauissimas causas, miracula non efficere, confer ANDREAM RVDIGERV. ¹ tandem etiam ignorantia originis mali argumentum aduersus dei prouidentiam suppeditat, quod exposuit pluribus & confutauit feliciter IO. FRANCISCVS BVDDEVS. ²

CAPITIS III.

DE

ATHEISMO ARISTOTELIS THEORETICO.

SECTIO III.

DE

OPINIONE ARISTOTELIS
AD NATVRAM ANIMAE HUMANAE SPECTANTE.

ΣΤΝΟΥΙΣ.

Dicendorum summa §. I. sententia Aristotelis de anima, ubi varia sententiae commemorantur de entelechia §. II. explicatur ipsius definitio animae atque reuocatur §. III. speciatim Aristotelis opinio de intellectu agente §. IIII. quae comparatur cum aliorum philosophorum sententiis. §. V. VI. locus Aristotelis de spiritu vitae attingitur §. VII. fit conclusio de impia hac doctrina §. VIII.

§. I. Merito perlustramus Aristotelis doctrinam de anima humana, quoniam illius consideratio cognitionem, quam per vires naturae

¹ *physic. diuin. lib. I. cap. I. sect. 5. §. 136.* ² *thes. de atheism. & superstit. cap. III. §. 1. p. 246. cap. VII. §. 1. p. 549.*

nobis

nobis comparamus de deo, adiuuare multum potest, adeoque etiam ad disputationem de atheismo Aristotelis illustrandam valet. hanc autem differendi sequamur rationem, vt primum philosophi huius sententiam de indole animæ humanæ generatim; deinde de intellectu agente speciatim exponamus, & quanta illi inest dignitas, explanemus.

§. II. Conscripsit Aristoteles tres libros de anima, quorum primo veterum philosophorum hoc de argumento sententias ad examen reuocat, postquam istos præcipue capite secundo commemorauerat, quod scilicet Democritus, Pythagoræi & Anaxagoras dixerint, animæ naturam absolui *motu*, Empedocles & Plato *cognitione*, alii *utroque*; item nonnulli istam in eo posuerint, quod *corporis sit expers*, vel quod sit *subtilissimum corpus*; Thalesque adfirmauerit, esse *rem quæ sese moueat*; Diogenes *aërem*, Heraclitus *exhalationem immortalemque substantiam*; Hippo *aquam*, sanguinem Critias. secundo autem libro tractat Aristoteles de anima sensitiua & tertio de anima rationali, confer IO. ALBERTVM FABRICIVM¹ & THOMAM STANLEIUM² quod ad ipsius sententiam de anima adtinet, ostendit ante omnia, quod sit substantia, & deinde dicit: διὸ ψυχὴ ἐστὶν ἐντελέχεια ἡ πρώτη σώματος φυσικῆ ζωῆν ἔχοντος δύναμις. τοιοῦτον δὲ, ὃ αὖν ἡ οργανικόν, ³ quæ definitio, præcipue autem vox ἐντελέχεια omni ætate philosophorum ingenia exercuit. siue enim respicias illius originem, siue scripturam, siue significationem,

¹ biblioth. grac. lib. III. cap. 6. §. 34. ² histor. philos. p. 466.
edit. latin. ³ de anima lib. II cap. I. p. 436. tom. I. opp.

quod

quod princeps est momentum, ubique diuersitatem deprehendimus opinionum. atqui CICERO ¹ de Aristotele scribit: *ipsum animum εντέλεια adpellat nouo nomine, quasi quandam continuatam motionem & perennem*, quæ interpretatio multis minime placet, vide CHRISTOPHORVM SCHEIBLERVM ² de HERMOLAO BARBARO relatum legimus, quod malum genium euocauerit, ut illius ope ad cognitionem vocis huius εντέλεια perueniret, quam & iste per *perfecti habia* explanauerit; sed hæc indubitata est fabula, quam a BODINO profectam esse, confirmat GABRIEL NAVDAEVS, ³ cuiusmodi quoque apud PLINIVM ⁴ deprehendimus, quod APPION *grammaticus* de patria Homeri cognoscenda sollicitus dæmonem hunc consuluerit. SCALIGER ⁵ existimat, vocem hanc compositam esse partim ex εν, quia sit in omnes artus infusa, & ita pars compositi: partim ex τέλος, quia sit finis & perfectio; partim vero ex ενεν quia possit producere omnes operationes & motus, confer COELIVM RHODIGINVM. ⁶ nostra ætate GODOFREDVS GVILIELMVVS LEIBNITIVS ⁷ de nomine hoc disputauit, cuius notionem, qua actum permanentem seu *formam substantialem* significet, non penitus esse abiiciendam putauit, quam & sententiæ, cui ipse de anima est addictus ⁸ adcommoauit, prout quoque

¹ Tusculan. lib. I. cap. 10.

² de anima part. I. p. 2.

³ apo-

log. viror. mag. susp. cap. 13.

⁴ hist. nat. lib. II c. 30.

⁵ exerc.

80. sect. 3 307. sect. 12. 39.

⁶ antiquar. lectio. lib. II c. 22.

⁷ libro essai de Theodicée part. I. §. 87.

⁸ in theoria motus

abstracti apud hypothef. physic. nou. confer. Jaquelot conformité de la foy avec raison p. 381. sqq.

hoc de argumento litteras conscripsit ad BO-
VETIVM & PELISSONIVM. ¹

§. III. Id satis apertum est, quod Aristote-
les intellexerit per *formam* principium agen-
di, quam & materiæ, cuius indoles fert, ut sem-
per patiatur, opposuit; nec negari potest,
ipsum adfirmasse, animam esse substantiam,
siquidem dicit: ἀναγκάον, τὴν ψυχὴν ὅσῳ εἶ-
ναι; *necesse est, animam esse substantiam*, quæ
substantia ex ipsius opinione est πρώτη ἐντελέχεια
primus actus, ut hæc vox a plurimis explica-
tur, qui actus quum sit complementum poten-
tiæ, de industria per hoc græcum vocabulum,
quod perfectionem respiciat, significetur. ex
quibus consequi putamus, Aristotelem hac
definitione nihil aliud dixisse, quam quod ani-
ma sit quædam potentia, siue ut alii loquuntur,
vis quædam actiua, a qua actiones corporum
viuentium dependeant. excusent autem alii,
aut defendant aut interpretentur, quacunque
velint ratione Aristotelem; nos plane talem
definitionem ielunam, aridam & huiusmodi
magno philosopho indignam esse iudicamus.
primum enim ista pro more metaphysicorum
est constituta, ut quidquid sentiamus de ani-
ma, cum illa possit conciliari, siue dicamus
istam esse substantiam, siue accidens; siue cor-
poream, siue corporis expertem, siue compo-
sitam ex elementis, siue minus. hinc quoque
talis anima, quæ est *primus actus corporis phy-
sici organici*, non solum homini & bruto, sed
& plantis adtribui potest, siquidem & plantæ
habent organa, quamvis valde simplicia, prout

¹ vid. miscellan. p. 113. 316. 352. 340.

ipse dicit: ¹ ὄργανα δὲ καὶ τὰ τῶν φυλῶν μέρη· ἀλλὰ παντελῶς ἀπλὰ, *enimvero partes quoque plantarum instrumenta sine controuersia sunt, quamuis videantur penitus simplices esse.* secundo definitio hæc ita est comparata, vt de nullo alio spiritu, quam *incompleto*, vt in scholis metaphysicorum dicitur, intelligi queat, hinc & dicit: ² καὶ διὰ τὸ καλῶς ὑπολαμβάνουσιν, οἷς δοκεῖ, μήτε ἀνευ σώματος εἶναι, μήτε σώμα ἢ ψυχῇ, *idcirco recte admodum putant illi, quibus anima neque esse sine corpore, neque corpus aliquod esse videtur, id quod quam alienum sit a veritate, quod anima debeat esse necessario in corpore organico, vel ex ipsius immortalitate patet.* tertium hæc, quæ Aristoteles de anima dicit, de sic dictis spiritibus animalibus, si corpus ratione mechanica mouent, dici possunt, vt pluribus ac solide demonstrauit ANDREAS RVDIGERVS. ³

§. IIII. At fortasse dicis, Aristotelem credidisse, hominem præditum esse non solum anima, sed & mente, vt illam cum brutis habeat communem; hanc autem sibi propriam, ad eaque illa fungatur muneribus motus corporis conseruandi; hæc autem in cognoscendis rebus atque intelligendis versetur. ita res omnino habet, quod philosophus inter ψυχὴν & νῆν, *animam & mentem* posuerit discrimen, quod explanare & inde conclusionem de impia hacce opinione conflare, induximus animum. atqui omnes, quibus Aristotelis doctrina perspecta est, satis habent compertum, quod iste cum mentis, tum ani-

² de anima lib. II. cap. I. p. 486. 1. I. opp. ² de anima lib. II. cap. 2 p. 488. ³ physie. diuin. lib. I. cap. 4. sect. 1.

mæ faciat mentionem atque alteram discernat ab altera. at vero id inprimis deductum fuit in disceptationem & controuersiam, num existimauerit, quod mens peculiaris substantia eaque diuersa ab anima, an facultas tantum ab alia eiusdem animæ facultate ratione potius, quam re ipsa distincta? quod posterius momentum ex philosophis æui recentioris ANDREAS RVDIGERVS ¹ adfirmat, existimans, Aristotelem per mentem non diuersam ab anima substantiam; sed intellectum ac præcipue iudicium vsu perpolitum intellexisse, atque vt placeret populo, de mente, quæ diuina sit, edisseruisse. a qua viri huius sententia non possumus, quin discedamus, grauioribus permoti argumentis. etenim quum disputat de mente atque anima, seu intellectu *agente & patiente*, ² confirmat atque perspicue profiteretur, quod ille sit immortalis, isque solus: *μόνον τῶδ' ἐπὶ ἐστὶ, καὶ τὸ μόνον ἀθάνατον καὶ αἰδίων*, *solum quod est, atque id solum est immortale perpetuumque*; hic autem mortalis. quod si ita est, sicuti est, sane vna eademque anima non potest esse ab vna parte mortalis; ab altera vero immortalis, vt adeo plane nobis persuadeamus, Aristotelis sententia mentem peculiarem eamque ab anima distinctam substantiam fuisse. verum enim vero de eo adhuc dispiciendum est, quid per mentem, seu intellectum agentem intellexerit Aristoteles? qua quæstione inprimis obseruandum esse putamus, quod intellectus hic ab Aristotele adpellatur *εἶδος ἐιδῶν forma formarum*, ³ item

¹ *physic. divin. lib. 1. cap. 4. sect. 1 §. 8. 9.* ² *de anima lib. III. cap. 5. p. 504. t. 1. opp.* ³ *de anima lib. III. cap. 8.*

τόπος εἰδῶν. *locus formarum, seu specierum*; ¹ quodue alibi ² dicat: δῆλον δὲ ὡς περ ἐν τῷ ὅλῳ θεός, καὶ πᾶν ἐν ἐκείνῳ, κινεῖ γὰρ πῶς πάντα τὸ ἐν ἡμῶν θεῖον. λόγος δ' ἀρχὴ ἢ λόγος αἰκᾶ τὴ κρείττον, *patet autem sic esse, quemadmodum in vniuerso est deus, & vicissim cuncta in illo: mouentur enim omnia ab inexistente in nobis numine. rationis autem non ratio, sed praestantius quidpiam est principium.* ad quorum verborum sententiam quum prouocasset I V L. CAESAR SCALIGER ³ summa ductus admiratione exclamat: *quid ais diuine vir? est in nobis aliquid diuinum, quod sit praestantius ipsa ratione? quum homo sit rationalis per intellectum, eritne in intellectu quidpiam diuinus? an tibi quoque fuerunt ipsi radii spiritus sancti, cuius pietate voluntas humana dirigatur?* atqui in eo plerique consentiunt, Aristotelem nomine *intellectus agentis* significasse quandam intelligentiam numero vnicam, quæ omnibus, quos terrarum orbis ferat, hominibus id præstet officium, quod sol luce sua ad videndum. Sed quæ nam sit illa intelligentia, in eo discrepant auctores suis sententiis. nam alii intelligunt primam intelligentiam, seu deum ipsum, prout græcorum interpretum facile princeps ALEXANDER Aphrodisiensis ⁴ aperte professus est, hunc intellectum agentem esse deum; & SONERVS, ⁵ qui & magnum sibi fecit locum inter Peripateticos, contendit, istum a deo Aristotelis differre neutiquam. alii vero persuadent sibi, munus intellectus agentis obire intelligentiam, quæ or-

¹ *ibid.* cap. 4.² *eod. lib. VII. cap. 14. tom. II opp. p. 116.*³ *exerc. 307. §. 25.*⁴ *lib. II. c. 15. de anima & alibi.*⁵ *lib.**V. metaph. cap. 6.*

bilunæ præsit, quam opinionem fouet ALGAZEL; sic & sunt, qui intellectum agentem peculiarem intelligentiam eamque generi humano propriam esse dicunt. qua sententia intelligentia lunæ adhuc esset superior intelligentia intellectus agentis. confer FORTVNIVM LICETVM, ¹ IACOBVM THOMASIVM, ² IO. IACOBVM SYRBIVM. ³

§. V. Si igitur intellectus agens Aristotelis est intelligentia quædam; superioribus autem satis perspicue expositum, philosophi huius opinionem fuisse, deum supremo cælo, & reliquas intelligentias aliis orbibus præesse tantum per modum *formæ assistentis*; facile exinde iudicare possumus, & hunc intellectum seu animam generis humani esse *assistentem*. id quod ipse Aristoteles perspicuis verbis fateatur, quando dicit: ⁴ λέγεται δὲ τὸν νῦν μόνον θύραθεν ἐπεισιέναι, καὶ θεῖον εἶναι μόνον, *restat igitur, ut mēns (intellectus agens) sola forinsecus accedat, eaque sola diuina sit*; quæ appellatio θύραθεν νῦς etiam apud alios ex sententia Aristotelis deprehenditur, ARISTIDEM QVINCTILIANVM, ⁵ GREGORIVM NAZIANZENVM. ⁶ vt autem omnia pateant clariora, ac inprimis cognoscamus, quo præcipue momento hac in re Aristoteles discesserit ab aliis philosophis, horum sententias breuiter attingere, non ab re esse ducimus. atqui non solum philosophiæ magistri apud paganos, sed & Ebræi & ex christianorum ordine quidam de hominis facultate intelligendi existimasse male dicuntur. quod ipsi Ebræi er-

¹ de intellectu agent. ² de Stoica mundi exustion. diff. XIII. §. 154. ³ philos. prim. p. 435. ⁴ de generat. anim. lib. II. cap. 3. p. 819. r. 1. opp. ⁵ lib. III. de music. p. 174. edit. Meibom. ⁶ orat. de spirif. sanct. p. 220.

roribus de intellectu agente se admiscuerint atque implicuerint, ostendit IO. SELDENVS, ¹ qui quum obseruauerit, præcepta naturæ vocari AR. SIMEONE מצות שכלו *præcepta intellectiua*, addit: *nimirum ex debita intellectus humani operatione & assidua intellectus agentis (qualisnam is illis sit, statim ostendimus) ope & auxilio ea, quæ sic imperata sunt, seu naturaliter habentur obseruanda, vt & principia cetera omnia & conclusiones, circa quas versatur intellectus humanus, indicari, dignosci, & veluti intus legi (quatenus scilicet dignoscuntur) innuunt.* intellectus autem agens ipsis est aut summum numen, aut præcipue recentioribus Iudæis intelligentia omnium postrema, ita ut ipsum deum apud Ebræos; intelligentiam vero apud alios homines munere hoc fungi asserant, quæ intelligentia viatque auctoritate a summo numine deriuata mentem humanam in actu intelligendi illuminet. de vtroque intelligunt verba illa: *in lumine tuo videbimus lumen,* ² quæ MOSES MAIMONIDES ³ ita interpretatur: אשר ישפע ממך בשפע השכל *per influentiam intelligentiæ, quæ a te fluit.* diuidunt autem Iudæorum Cabbalistæ ipsam animam in tres partes, quarum prima sit *Nephesch* s. *psyche*, secunda *Ruach* seu *spiritus*, & tertia *Neschamach* seu *mens*, quæ mens sit profecta ex natura diuina adeoque pars mentis diuinæ, vide KNORRIVM a ROSENROTH, ⁴ IO. GEORGIVM WACHTERVM, ⁵

¹ de iure nat. & gent. iuxta disciplinam Ebr. lib. I. cap. 9.

² Psalm. XXXVI, 9. ³ more nenoch. part. II. cap. 4.

⁴ Cabbal. denudat. torn. I. part. 2. p. 393. ⁵ elucidat. Cabbal. lib. cap. 3. §. 4.

10. ANDREAM EISENMENGERVM. ¹
quod ad philosophos paganos adtinet, pri-
mum heic commemorantur Chaldæi, qui et-
iam mentem ab anima distinctam esse volue-
rint, vt pateat ex oraculis, ² quæ ZORO-
ASTRIS nomen præferant:

Σύμβολα γὰρ πατρικὸς νόος ἔσπειρε ταῖς ψυ-
χαῖς

Ἐρωτὶ βαθεῖ ἀναπλήσας τὴν ψυχὴν,
Κατέθετο γὰρ νῦν ἐν ψυχῇ, ἐν σώματι δὲ
Υμέας ἐγκατέθηκε πατὴρ ἀνδρῶν τε θεῶν τε,
Symbola enim paterna mens seminauit in a-
nimabus,

amore profundo replens animam.

reposuit enim mentem in anima, in corpore
vero

vos deposuit pater hominumque & deorum;
quam mentem ex dei natura atque essentia de-
ductam esse crediderint. hinc PSELLVS ³
dicit: *animarum humanarum duplicem caus-*
sam ponunt, e fonte perenni promanantem, pa-
ternam nempe mentem & animam fontanam;
prodit autem vt illi volunt, particularis ani-
ma a fontana iuxta patris voluntatem, & ha-
bet essentiam per se generatam & animatam,
aliunde enim non mouetur. nam si, vt in ora-
culo fertur, ignis diuini pars est & ignis luci-
dus atque paterne mentis conceptus, profecto
forma est materiae expers & per se subsistens.
illa enim omnia cum natura diuina communi-
cant, cuius particula est anima: confer PLE-
THONEM, ⁴ MARSILIVM FIGINVM, ⁵

¹ in entdecks. ludenthum Part. I. cap. I. p. 54. p. II. c. I. p. 9.

² v. 217. sqq. ³ summ. expos. dogmat. Chaldaic. p. 111. ⁴ schol.
in oracul. p. 89. ⁵ de immortalit. anim. lib. X. c. 8.

IVSTVM LIPSIVM, ¹ præter quos a nonnullis in societatem huius doctrinæ vocantur Pythagoras & Plato: de priore dicit CICE-RO ² nam Pythagoras, qui censuit, animum esse per naturam rerum omnem intentum & commeantem, ex quo nostri animi carperentur, (ita legit DAVISIVS, ³ quoniam hæc loquendi formula magis conueniat cum mente VELLEII, ac significet, mentes nostras numinis esse frustra quædam lacera particulasque vi quadam auulsa) non vidit distractione humanorum animorum discerpi & lacerari deum. adde LACTANTIVM, ⁴ MINVCIVM FELICEM, ⁵ PLVTARCHVM. ⁶ idem quoque sensit PLATO, quod mens humana ex deo emanauerit, adeoque sit particula essentiæ diuinæ. namque statuebat, tres esse deos, ex quibus primum locum teneat *deus summus*, secundum *mens*, tertium *anima*, per quam animam intelligebat spiritum huius vniuersi orbis, qui per oculos corporis nostri percipitur. atqui hunc spiritum vniuersi credebat, fontem esse reliquarum animarum, vt perspicue ostendit NEMESIVS, ⁷ quando dicit: *Plato & vnā & multas animas adfirmat. vnā enim esse huius vniuersi animā, esse etiam alias rerum singularum, vt vniuersum vniuersi animā separatim animatum sit, itemque separatim res singula sua quoque animā sint præditæ. dicit enim, vniuersā naturæ animā porrectam esse a centro orbis terræ vsque ad extremas oras celi, non equidem vt*

¹ physiol. Stoic. lib. H. c. 10. ² de natura deorum lib. I. cap. 11. ³ p. 27. ⁴ inst. diuin. lib. I. cap. 5. ⁵ Octau. cap. 19. ⁶ de placitu phil. lib. II. c. 13. ⁷ de natur. homin. cap. 2, fol. 376.

locum ista notet porrectio, sed extensionis quemdam modum, quem mens & ratio assequatur, atque hanc esse animam, quæ in orbem rerum vniuersitatem contorqueat, mundique corpus contineat atque constringat. hanc esse volunt animam, quæ gubernat vniuersa & singulas animas, quæ tamen iam antea a deo factæ sint, in corporibus includat, cum deus illi leges dederit, quibus hunc mundum administraret. sicque anima mundi Platonis erat ipsius essentia diuinæ, ex qua quum animæ rerum singularum tractæ sint atque haustæ, facile ex his colligere possumus, quod ex opinione Platonis quælibet anima fuerit deprompta de mente atque natura diuina, vt pluribus demonstrarunt. 10. BAPT. CRISPVS, ¹ IACOBVS THOMASIVS, ² IACOBVS BASNAGIVS ³ alique, quorum supra iam fecimus mentionem. sed si speciatim doctrinam de intellectu agente respiciamus, neque de Pythagora, neque de Platone affirmari posse, existimamus, quod in talem sententiam fuerint ingressi. etenim Pythagoras, vt ex testimonio CICERONIS, superioribus producto adparet, tantum credidit animos humanos diuinos & quasi discerptos fuisse ab animo per naturam rerum omnem intento & comitante, quem animum adpellat DIOGENES LAERTIVS ⁴ *ætherem*, quod scilicet philosophus hic dixerit, animam esse *ἀπόσπασμα αἰθέρος*, *auulsionem ætheris*, etiam immortalem, quoniam id, a quo sit auulsa, immortale sit, quæ opinio a

¹ de ethn. caute legendis distr. 1. lib. 8. fol. 59 sqq. ² de
Stoic; mundi exustion. differe. XXI. ³ histoir. des Iuifs 1. III.
liur. 4. chap. 3. sq. ⁴ lib. VIII. segm 28.

sententia Aristotelis de intellectu agente plane diuersa est. nam Aristoteles mentem seu intellectum agentem distinguit ab anima atque asserit, illam esse immortalem, hanc vero mortalem, quorum neutrum in Pythagoræ philosophia deprehendimus. nec Plato quidquam doctrinæ de tali intellectu cum Aristotele commune habere videtur, quum præter animam, quam particulam essentia diuinæ, etiam immortalem, quamuis peruerso sensu esse credidit, nullibi de huiusmodi spiritu aut anima, quæ officium intellectus agentis faciat, disputauit. equidem IO. SELDENVS.¹ ipsum huc refert prouocatque ad locum quemdam,² ubi intellectum agentem diuinitus animas nostras illuminantem comparauerit cum sole, cuius verba latine tantum breuitatis causa proferamus: *solem quidem dicis, ut arbitror, iis, quæ videntur, non modo videndi præbere potentiam, verum etiam generationem, augmentum, nutritionem, quum ipse tamen generatio non sit. atque ita dicas, bonum iis, quæ cognoscuntur, dare, non modo ut cognoscantur; sed esse insuper & essentiam largiri, quum ipsum essentia non sit, sed supra essentiam dignitate ipsum & potentia superans; sed tantum abest, ut his verbis quidquam præsidii contineatur, ut contrarium ex illis possit probari. quin etiam Aristoteles vnum intellectum agentem posuit, quem omnes mortales habeant communem; sed Plato singulis hominibus peculiarem vindicauit animam, quumue oracula Zoroastris, quæ a PLETHONE, PSELLO ac FRANCISCO PATRICIO*

¹ eis, loc.² lib. VI. de reipublic.

collecta sunt, dubiam fidem lubricamque auctoritatem præ se ferant, nihil certi de Chaldaeorum sententia definiri potest: ac quamuis minus negauerim, vestigia quædam philosophiæ orientalis ibi inueniri; illud tamen exinde tantum patet, quod mentem ab anima separauerint, eamque ex dei essentia emanasse sibi persuaaserint. sed hæc duo momenta: num mens distincta ab anima sit essentiæ diuinæ? & num præter animam detur adhuc intellectus agens, minime sunt perturbanda.

§. VI. Restat, vt Stoicorum quoque inueeamur sententias de anima, ac speciatim de intellectu agente, quippe quem philosophos hos hominibus vindicasse, multi existimant. cuius rei inter alios testem producunt DIOGENEM LAERTIVM ¹ qui ex doctrinis Stoicorum referat, animam hominis esse φθαρτήν, corruptioni obnoxiam. τὴν δὲ τῶν ὄλων, ἀφθάρτου, ἥς μέρη εἶναι τοὺς ἐν τοῖς ζώοις. sed testimonium hoc rei probandæ minime sufficit, siquidem tantum doctrinam de anima seu spiritu mundi, qui est deus, & vnde anima humana auulsa sit, attingit, quæ opinio de spiritu mundi non plane eadem est ac sententia de intellectu agente. namque anima iuxta Stoicos est pars dei & totius mundi: hinc SENECA ² dicit: *animus deos æquat, illuc tendit originis suæ memor*: item: *quid est autem, cur non existimes, in eo diuini aliquid existere, qui dei pars est?* totum hoc, quo continemur, ἓ ἓ *unum est, ἓ deus ἓ socii eius sumus ἓ membra*: confer IVSTVM LIPSIUM ³ & IACO-

¹ lib. VII. segm. 156.
Stoic. lib. III. cap. 8.

² epist. 92. it. 102.

³ physic.

BVM THOMASIVM ¹ alii obseruant, Stoicos statuisse in homines præter animam quoque mentem, hinc ANTONINVS ² dicat: *τρία εἰσιν, ἐξ ὧν συνίστηκας σωμαίων, πνευμάτων, νῦς, τρία sunt, ex quibus constas, corpus, anima, mens.* sed nondum patet, num mens contineat intellectum agentem, quod nonnulli adfirmant, an deus ipse officium faciat huius intellectus, & menti lumina præferat, confer IO. FRANCISCVM BVDDEV. ³ quapropter plane mihi persuadeo, quod Stoicorum doctrina de anima neutriquam inter se cohæreat, quin etiam repugnantia sibi & contraria complectatur. esto autem: crediderunt intellectum agentem, siue hunc tribuamus menti siue deo; minus tamen sententia hæc ex Stoicorum scholis cum Aristotelica potest conciliari. etenim Stoicis deus erat mundi forma informans, Aristotelis autem forma assistens, vt ex superioribus adparet.

§. VII. Extat adhuc locus hic apud Aristotelem: ⁴ *γίνεσθαι δ' ἐν γῇ καὶ ὑγρῷ τὰ ζῷα καὶ τὰ φυτὰ, διὰ τὸ ἐν γῇ μὲν ὑπάρχειν ὑγρὸν, ἐν δ' ὕδατι πνεῦμα, ἐν δὲ τῷ παντὶ θερμοτήτα ψυχικὴν, ὡς τρόπον τινὰ πάντα ψυχῆς εἶναι πλήρη.* generantur autem in terra humoreque animalia & plantæ, quoniam humor in terra, spiritus in humore, calor animalis in vniuerso inest, ita vt quodam modo plena sint animæ omnia; in quo nonnulli animam mundi Aristotelis se inuenisse, sibi videntur, eamque cum intellectu agente confundunt. at vero quæcunque sit illa

¹ de Stoica mundi exustion. d. ff. XXI. §. 8. ² lib. XII. §. 3.

³ analect. hist. phil. p. 137. sqq. parerg. hist. theol. p. 492. ⁴ de generat. animal. lib. III. cap. II. p. 845. z. l. opp.

anima mundi, plane tamen ab intellectu agente Aristotelis distinguenda est. etenim intellectus agens est ex numero intelligentiarum; veluti adfistens forma; *δεσποτὴς τοῦ κόσμου* autem penitus insita est materiæ, veluti forma informans; & prout ille præest cogitationibus hominum; ita hæc regit ac gubernat viventium generationes, id quod pluribus persequitur IACOBVS THOMASIYS.

§. VIII. En indolem animæ ab Aristotele expositam! primum miramur, Aristotelem virum acuta iudicii facultate præditum, tam ieiuna tradidisse de natura animæ humanæ, quæ ita sunt comparata, vt ipsius indolem genuinam plane euertant. idem fere fuisset, ac si hominem omni animæ destitutum pronunciaffet, præsertim quum intellectus agens, a quo cognitiones rerum pendeant, a nobis penitus sit seiunctus. adhæc vero, quum verior mentis nostræ cognitio magno nobis adiumento esse possit, vt veriora quoque de deo sentiamus, quis dubitaret, talem Aristotelis sententiam non penitus immunem esse impietatis? quisque saltem atheorum huiusmodi de indole mentis hominum doctrinam admittere potest, quæ nullum esse numen, neget præfractæ. nam Aristotelis animæ nullo alio fungitur munere, quam vt efficiat motus, cuiusmodi etiam in animalibus, quæ rationis beneficio carent, item in plantis deprehenduntur, & facile a vi quadam materiæ insita deduci possunt. si mortalis cogitat, ac quidem pro ratione iudicii, id non ab animæ humanæ viribus, sed intellectus agentis ope proficiscitur,

de *Genesi mundi exustion. diff. XIII. § 169.*

quippe qui extra hominem sit constitutus. sic discrimen inter hominem ac brutum animal remouetur, quod in primis in iudicii potestate ac vi positum est, siquidem satis compertum habemus, esse quoque bestias, quibus natura præter sensum ac motum dedit memoriæ atque ingenium. verum enim vero maiorem adhuc lucem rei huic adferamus, si & Aristotelis opinionem de immortalitate animæ explanemus.

CAPITULUM III.

DE

ATHEISMO ARISTOTELIS THEORETICO.

SECTIO III.

DE

OPINIONE ARISTOTELIS
AD IMMORTALITATEM
ANIMAE HUMANAЕ
SPECTANTE.

ΣΥΝΟΨΙΣ.

Dicendorum summa §. I. variae auctorum sententiae proferuntur de Aristotele, quid senserit de immortalitate animæ §. II. probatur, ipsum hanc veritatem negasse §. III. illustratur hoc per exempla discipulorum ac sectatorum ipsius §. IIII. fit conclusio de impia hac sententia §. V.

§. I. Quum perspecta sit & cognita Aristotelis doctrina de indole animæ humanæ, etiam ex superioribus constet, quid sentiat de ipso deo;

deo ; facile ipsius opinionem de mentis nostræ immortalitate capere possumus. etenim ut anima nostra semper permaneat atque omnis expers sit corruptionis, id efficit partim dei voluntas, partim ipsius indoles, a qua pro ordinaria virium naturæ ratione omnis finis atque interitus longè abest. quæ veritas, quod anima sit immortalis, prout magni est ponderis, siquidem cultum nostrum erga deum multum potest iuare & confirmare, ita male sana sententia in tam grauiissimo momento non mediocre adfert detrimentum & hominibus viam ad impietatem mentis parare potest. quapropter consultum esse duximus, etiam hac in re Aristotelis philosophiam reuocare sub censuram.

§. II. Æuo cum vetustiori, tum recentiori disputatum fuit in vtramque partem : qua gloria, quæue fide in hac doctrina explananda se præstiterit Aristoteles? fuerunt, quorum reprehensionem philosophus hic minus effugere potuit. ut silentio dimittamus antiquiores, ATTICVM *Platonicum*, PORPHYRIVM, PLOTINVM apud EVSEBIVM¹ THEODORETVM² & alios veteris ecclesiæ doctores, IUSTINVM *martyrem*, ORIGINEM, GREGORIUM vtrumque; constat ex historiæ literariæ monumentis, quod PETRVS POMPONATIVS³ negauerit, immortalitatem animæ ex principiis philosophicis posse demonstrari, quo ipso adfirmavit, doctrinæ Aristotelis, cui vbique eo tempore sancta habebatur dignitas, nullam inesse vim ad probandam

¹ præpar. euangel. lib. XV. cap. 9. 10. ² de cur. grec. affect. lib. V. p. 517. ³ de anima immortalitate Bonap. 1516.

animæ immortalitatem: sed quum hoc pronuntiauerit, quid mirum, quod multorum odium grauissimum inuidiamque sibi conflauerit seque in controuersias animum deturbantes coniecerit. alii enim persuaserunt sibi, POMPONATIVM animæ interitum credidisse, ipsique inter atheos adsignarunt sedem, vti AVGVSTINVS NIPHVVS, qui aduersus eum librum scripsit; DANIEL GEORGIVS MORHOFIVS ¹ & IOANNES WIERVVS ² testatur, se non semel accepisse ab *Heli-dæo* Foroliuiensi, eum fuisse atheum. alii iudicarunt, Pomponatium saltem in eo a veritatis via aberrasse, quod iuxta Aristotelis mentem, animas mortales esse, docuerit, quum de ecclesiæ decreto ipsius sententia alia ratione sit explicanda, quo spectant CASPAR CONTARENVS, & qui de illo testatur THEOPHILVS RAYNAVDVS ³ quando dicit: *non absolute ac simpliciter mortalem animam censuisse videtur Pomponatius, sed duntaxat, si ratio nuda consuleretur, ut liquet ex opere Contareni, Cardinalis, de immortalitate conscripto aduersus Pomponatium; ipsius quondam Contareni in philosophicis magistrum. nec aliud censuerim voluisse illos; eiusdem æui philosophos, damnatos a Lateranensi concilio sub Leone X. & alios longe ante a Stephano Parisiensi episcopo, anno 1277. vel potius 1227. in rescripto, quod extat t. V. bibl. Margarini p. 1319. æque damnatos, quod assererent, animam rationalem secundum fidem esse immortalem, at secundum philosophiam esse mortalem.* id certum est, quod

¹ polyh. tom. II. lib. I. cap. II §. 4. ² de præfig. dæmon. lib. VI. p. 369. ³ de bonis & malis libris n. XLII. p. 25.

ex philosophiæ Aristotelicæ principiis immortalitas animæ non possit demonstrari, vt paullo post probare instituamus, qua in re adeo Pomponatius sensit recte; at vero sanæ rationi omnem momenti huius cognitionem, etiam probabilem abiudicare, eamque tantum ex scripturis diuinis peti posse, sibi persuadere, id temerarium esse putamus. de cetero causam mente nostra capere non possumus, cur quis ideo in atheorum ordinem adscribatur, quod immortalitatem animæ tantum ex oraculis diuinis cognoscendam esse, adfirmat, quod omnino fecit Pomponatius. primum quidem error de anima mortali cum atheismo est coniunctus; sed non sequitur, vt ille, qui in tali errore versatur, ipse sit atheus: deinde si quis asserat, animæ immortalitatem firmis rationibus ex sacro tantum codice posse probari; iste sane minime negat, animam esse immortalem. præter Pomponatium autem commemoramus ANGELVM ROCCAM, qui ex citationes de *animæ immortalitate* conscripsit, iisque istam interire probare, atque hanc sententiam auctoritate Aristotelis, quippe qui idem senserit, communire adlaborauit. sic & MOTTHÆVS VAYERIVS, ¹ PETRVS BÆLIUS, ² AVCTOR obseruat. Halens. ³ existimarunt, hanc veritatem grauissimam ex Aristotelis philosophia minus patere, vt de aliis taceamus. at vero non defuerunt, qui hac in re causam Aristotelis perorarunt. PETRVS DANIEL HVETIVS ⁴ dicit, extare in excer-

¹ vid. petit discours chrétien de l'immortalité de l'ame, dans le IV. tome des oeuvres de François Peris 1649.12. ² diction. hist.

& crit. sub voce Pomponace. ³ tota. VIII. obs. 10. §. 16.

⁴ quest. Alnet. lib. II. cap. 8. §. 3.

ptis Photii vitam Pythagoræ incerti cuiusdam auctoris, vbi tradatur, Platonem atque Aristotelem docuisse, animos humanos post mortem permanere; & recentiori ætate præter alios, qui religiosi fuerunt Aristotelis sectatores, & grauiores Pomponatio aduersarii, ANTONIVS SIRMONDVS ¹ FORTVNIVS LICETVS CONTRA CREMONINVM, IO. NICOLAUS HARTSCHMIDIVS, ² PETRVS DANIEL HVETIVS ³ IO. PETR. LVDOVICI ⁴ aliique ipsius doctrinam aduersus adulationes tueri, diligenter instituerunt.

§. III. Sed ab omni auctoritatis studio alieni plane nobis persuademus, doctrinam Aristotelis partim de deo, partim de indole animæ humanæ ita esse comparatam, vt subinde nequiquam animæ immortalitas possit cognosci. quod si enim deum respiciamus, ipsius cum iustitia, tum benignitas efficit, vt mens mortalium immunis sit interitus; sed quum ex sententia Aristotelis summum numen nulla rerum humanarum cura tangatur, quomodo quæso; talis dei diuinitas nobis argumentum possit suppeditare, quo animi humani immortalitas eluceat? quodue ad ipsius animæ indolem adinet, posuit philosophus noster discrimen inter *animam* & *mentem* seu intellectum agentem, & aperte pronunciauit, *ψυχήν* id est *animam*, a qua motus corporis pendeant, esse mortalem; *mentem* vero immortalem, vt ex superioribus constat. at vero, quum intelle-

¹ de anima immortalitate. ² de immortalitate anima humana ex philosoph. veter. & recentiorum argum. examinata & demonstrata. ³ cit. loc. ⁴ disp. de omnium fere gentium de vita aeterna concepit. p. 31.

ctus agentis officio fungi intelligentiam quamdam, adeoque extra hominem esse constitutam, satis superque probauerimus; non possumus perspicere, qua ratione per hanc Aristotelis opinionem possit confirmari animæ humanæ immortalitas? nam ex hoc consequitur, ut ista intelligentia, quæ munus intellectus administrat atque omnibus hominibus lucem præfert in cognoscendis rebus, ab interitu sit remota, quæ quum omnibus ex mortalium genere non solum communis; sed etiam ab anima iuxta Aristotelis opinionem plane sit distincta; nemo sane ex his poterit efficere conclusionem, ut & singulæ hominum animæ sint immortales. quam distinctionem inter *animam* & *mentem* seu intellectum agentem quoniam plures minime obseruarunt, etiam maiori industria nonnulla verba, quæ aliquid immortalitatis sapiant, quam ipsius Aristotelis mentem respexerunt, & adhuc nimia erga philosophum hunc religione fuerunt occupati, non mirum, quod ipsum de animæ immortalitate rectius sentientem defendere, sibi sumserint. quid multa? si Aristoteles animum aduertisset partim ad cogitationes intellectus, partim ad cupiditates voluntatis, facile deduci potuisset in cognitionem spiritus nostri, quod non solum peculiaris sit substantia eaque a corpore plane diuersa, sed & omnis corruptionis expers. nam quo pacto id, quod ex nullis partibus compositum est, pro constituta virium naturæ ratione mori queat, ratio capere non potest: id quod etiam perspectum probe exploratumque habuit CICERO: ¹ *quid*

¹ *Caton, maior, cap. XXI.*

multa?

multa? inquit, sic mihi persuasi, sic sentio, cum tanta celeritas animorum sit, tanta memoria præteritorum futurorumque prudentia, tot artes, tantæ scientiæ, tot inuenta, non posse eam naturam, quæ res eas contineat, esse mortalem: cumque semper agitetur animus, nec principium motus habeat, quia se ipse moueat, ne finem quidem esse habiturum motus, quia nunquam se ipse sit relicturus; & cum simplex animi natura esset, neque haberet in se quidquam admissum dispar sui, atque dissimile, non posse eum diuidi, quod si non possit, non posse interire.

§. II. Discipuli, auditores ac sectatores Aristotelis etiam hoc in momento nobis adferre possunt lumen, quæ ipsi fuerit disciplina de animorum immortalitate. atqui ætate antiquiori ALEXANDER Aphrodisiensis scripsit libros duos de anima, quam esse εἶδος τιτὴ σώματος ὁργανικῆ, καὶ ἔκ ὁρίαν τινα αὐτὴν κατ' αὐτὴν disputat, etiam profitetur, ¹ se sententiam Aristotelis tradere, ipsumque ut in aliis argumentis, sic quoque in hoc de anima sequi. & alio loco ² dicit, se a quodam accepisse sententiam Aristotelis ita expositam, quod mens diuina, quæ est intellectus agens, extrinsecus adueniens per humanum corpus velut organum operetur: item aperte negat, animam esse mortalem, ac posse separari a corpore, ³ & ita quidem, ut temere dicat eos, qui immortalitatem animæ tribuant, perinde mentiri, ac si quis bis duo aiat esse quinque, ⁴ confer 10. ALBERTVM FABRICIVM. ⁵

¹ pref. lib. I. de anima.
p. 77. 81. & alibi.
cap. 25. §. 1.

² lib. 2. p. 144.
p. 72. c. 1.

³ ad lib. II. topicor. p. 77. 81. & alibi.
⁴ bibl. græcæ lib. IV.

sic DICAERCHVS *Messenius, Siculus*, Aristotelis discipulus acerrime contra animorum immortalitatem disseruit, de quo CICERO¹ dicit: *acerrime autem deliciae meae, Dicaearchus contra hanc immortalitatem disseruit. is enim tres libros scripsit, qui Lesbiaci vocantur, quod Mytilenis sermo habetur, in quibus vult efficere, animos esse mortales: & paullo ante² sententiam ipsius ita proponit, nihil esse omnino animum, & hoc esse nomen totum inane, frustra que animalia & animantes adpellari, neque inesse in homine animum vel animam, nec in bestia: vimque omnem eam, qua vel agamus quid, vel sentiamus, in omnibus corporibus visis aequabiliter esse fusam, nec separabilem a corpore esse, quippe quae nulla sit, nec sit quidquam, nisi corpus vnum & simplex ita figuratum, ut temperatione naturae vigeat & sentiat; & ATTICVS Platonicius apud EVSEBIUM³ commemorat de hoc Dicaearcho, quod τὴν ἐλὴν ὑπόστασιν τῆς ψυχῆς ἀνῆκε, totam animi naturam funditus sustulerit: in quam sententiam diligenter inquit PETRVS BAEIVS.⁴ seculo post servatorem nostrum natum XII. ex Peripatetica disciplina prodiit AVERROES, quem nonnulli crediderunt, ita Aristotelis mentem tenuisse perspectam & cognitam, ut ipsius animam dicerent esse animam Aristotelis. hic autem eodem modo, quo Aristoteles, intellectum agentem statuit, quem immortalem, animam vero mortalem esse adfirmavit; quam in rem dicit GERH. 10. VO9-*

¹ quæst. Tuscul. lib. I. cap. 31. ² c. l. cap. 10. ³ lib. XV. cap. 9. præp. evangelic. ⁴ dict. hist. & crit. voc. Dicaearque pag. 1048. sqq.

SIYS. ¹ *bisariam iubet considerare hominis intellectum Aueroës, ut est intellectus & ut est forma: priori modo ait, eum a morte nostra superesse, quippe aeternum, nec dari homini essentiam, sed uniri illi per operationem suam, phantasmatum interitu. & sane ea sententia scripturæ sacræ e diametro aduersatur, ut quæ suam cuique animam, suam etiam a morte præmia & pœnas adsignat: confer PETRUM BÆLIUM ² & IO. FRANCISCUM HYDDEVM. ³ Non miramur, quod Aristoteles male senserit de immortali animo nostro, siquidem pro vi principiorum, quæ de ipsius indole tradiderat, aliter sentire non poterat. namque ut veritas gignitur ex veritate, & error oritur ex errore, sic veritas de immortalitate animæ multum dependet a veritate de ipsius indole. quapropter veteres philosophi quum assererent, animum nostrum emanare ex mente diuina, eiusque esse particulam, quamuis istum immortalem dicerent, potius adfirmarunt, non posse illum destrui, quam esse immortalem, ut adeo cum ratione cautioneque horum testimonia adhibere debeamus, quod præter alios HARTSCHMIDIUS ⁴ & PETRVS DANIEL HVETIVS ⁵ minime obseruarunt. de cetero qui sibi persuadent, animas hominum mortales esse, & una cum corpore interire, omnino in errore, cum atheismo coniuncto versantur. ac quamuis quis credere possit, esse deum, ac nihilominus im-*

¹ de orig. & progressu idolol. lib. III. cap. 42. ² disson. voco Aueroës p. 414. seqq. ³ thes. de atheism. & superst. cap. III. §. 2. pag. 261. ⁴ de immortalitate animæ humanæ. ⁵ quæst. Alnetan. lib. II. cap. 8. §. 3.

mortalitatem hanc aut plane neget, aut in dubium saltem vocet; præcipuum tamen religionis cultusque diuini fundamentum tollit. namque qui huiusmodi opinioni addictus est, nullum locum neque præmiis, neque pœnis post hanc vitam relinquere potest, quibus tamen mortales vel maxime ad cultum erga deum eiusque religionem incitari solent. duo quidem momenta sententiæ huic obiici possunt: alterum est, quod ille, qui animam mortalem credat, intuitu præmiorum, quæ in hac vita hominibus dentur, deum cultu prosequi possit, quæ religio Sadducæorum fuisse traditur, ut a IO. LIGHTFOOT¹ obseruatum: *quænam ergo religio Sadducæi? orat, ieiunat, sacrificat, obseruat legem, & tamen non expectat resurrectionem, aut vitam æternam. quorsum hæc religio? ut obtineret scilicet bona temporalia, quorum solum promissionem obseruat ille factam in lege, nihil rimans ultra litteram.* alterum est, quod quis asserere possit, animos hominum esse mortales, sed cum corpore aliquando resuscitandos, ut adeo & pœnis & præmiis locus sit, quæ opinio fuit Arabicorum seculi tertii hæreticorum & nostra ætate GVILIELMI COWARDI; sed neutrum ad Aristotelis opinionem adplicari potest, aut quidquam ponderis habet ad excusandum ipsum, aut defendendum. adhuc si prius momentum, quod obiici poterat, respiciamus, ille sane non præstat officia religionis veræ atque integræ erga deum, qui spe bonorum vitæ huius ipsum colere instituit: posterior vero sententia omni caret vi ac funda-

¹ her.abr. ad act. apost. XXIII. 8. tom. II. opp. p. 787.

mento, vt pluribus ostendit IO. FRANCISCVS
BVDDEVS. ^I

CAPITIS III.
DE
ATHEISMO ARISTOTE-
LIS PRACTICO.

SECTIO I.
DE
DOCTRINA MORVM ARI-
STOTELIS.

ΣΥΝΟΨΙΣ.

*Dicendorum summa §. I. scripta Aristotelis de mori-
bus breuiter recensentur §. II. Aristoteles negat
certitudinem doctrinae moralis & originem iu-
stitiae atque honestatis deducit a legibus ciuili-
bus §. III. quo spectet philosophia practica Ari-
stotelis, generatim indicatur §. IIII. qua de re
cum aliis antiquis philosophis comparatur §. V.
speciatim eius doctrina de summo bono exponitur
atque illustratur VI. VII. VIII. de virtutis in-
dole & diuersis speciebus §. VIIII. X. XI. varia
iudicia de hac philosophia Aristotelis §. XII.
conclusio ex hisce dictis de atheismo Aristotelis
§. XIII.*

§. I. Sic adhuc exposuimus sententias Ari-
stotelis de deo, prouidentia diuina, anima eius-
que immortalitate, atque ostendimus, quod
ipsius doctrina coniuncta sit cum atheismo.
nunc operis nostri ratio postulat, vt dispute-

I Syntagm. dissertat. acad. p. 738, sqq.

mu

mus quoque de philosophi huius atheismo practico, ac probabilitatis vi probemus, ipsum fuisse atheum suaque mente nullum habuisse sensum de deo eiusdemque cultu, quo ipso duo dissertationis huius momenta sunt, quorum alterum respicit atheismum doctrinæ Aristotelicæ; alterum atheismum ipsius auctoris seu Aristotelis. de quo posteriori disseramus probabili ratione, ac conclusionum nostrarum argumenta partim ex monumentis, quæ de moribus scripsit, partim ex ipsa vitæ ratione, quam secutus est, petamus.

§. II. Protulit Aristoteles variâ monumenta, quæ philosophiam actiones humanas spectantem complectuntur. extant enim libri decem *ethicorum ad Nicomachum*; libri duo *magnorum moralium*, quos cur auctor inscripserit *magna moralia*, quum reliquis sint breviores, ratio non patet; libri septem *moralium ad Eudemum*, quos Aristoteli veluti auctori adscribunt codices antiqui, SIMPLICIUS, FAVORINUS apud LAERTIUM, ¹ GEMISTVS PLETHO aliique: item fragmentum de *virtutibus & vitiis* servatum ASTOBÆO; libri octo de *republica* & libri duo de *cura rei familiaris*, de quibus copiose differunt IO. ALBERTVS FABRICIUS & GEORGIUS PASCHIVS. ² dissertationis huius rationem spectant præcipue libri ethicorum, quibus etiam Aristoteles doctrinam de moribus legitimo ordine tradere, & quæ ipsi disciplinæ huius fuerint principia, exponere instituit.

§. III. Inquiramus igitur in disciplinam

¹ lib. V. segm. 21. ² ille bibl. græc. lib. III. c. 6. §. 29. segg. hic vero introductione in *rep. lib. mor. veterum. cap. 2.*

moralem Aristotelis, ut illa dilucide exposita, conclusionem de ipsius mente atque erga deum adfectu efficere possimus. antequam vero speciales illius doctrinas attingamus, non ab re erit, si generatim indicamus, qua fide quoue animo tradiderit hanc doctrinam, ut quod pretium illi sit statuendum, cognoscamus, qua opera duo nobis sunt proposita, ut partim ipsam disciplinæ formam; partim illius argumenta, quæ explanata sunt, consideraremus. atqui si inspectemus doctrinæ huius formam, constat, quod Aristoteles existimauerit, cognitionem tantum probabilem dari in disciplina de moribus, quæ ea de causa nomen scientiæ minime possit tueri: hinc dicit: τὸ γὰρ ἀκριβὲς ἔχ' ὁμοίως ἐν ἅπασιν τοῖς λόγοις ἐπιζητήεον, ὥσπερ ἐδὲ ἐν τοῖς δημιουργημένοις τὰ δὲ καλὰ καὶ τὰ δίκαια, περὶ ὧν ἡ πολιτικὴ σκοπεῖται, τοσαύτην ἔχει διαφορὰν καὶ πλάνην, ὥστε δοκεῖν νόμῳ μόνον εἶναι, φύσει δὲ μὴ, non enim in omni disputationis ac sermonis genere peræque accurata subtilitas requirenda est: quemadmodum nec in operibus manufactis. atqui in iis rebus, quæ honestæ quæque iustæ sunt, quas civilis scientia considerat, tanta est dissensio, tantaque in eis versatur erratio, ut lege tantummodo, non natura constare videantur. quibus verbis non solum aperte profitetur, quæ ipsi sit sententia de certitudine doctrinæ moralis; sed & causam, cur ita sentiat, non obscure significat, quod a lege civili honestatis origo sit repētenda, nec natura quidquam honestum ac iustum, quando addit: ὥστε δοκεῖν μόνῳ νόμῳ εἶναι, τῇ δὲ φύσει μὴ. quin etiam in eam ingressus

1 lib. I. c. I. eth. ad Nicom. p. 4. t. II. opp.

est opinionem, quod non possit definiri, quid bonum quidue sit malum, siquidem dicto loco dicit: τοιαύτην δὲ ἵνα πλάνην ἔχει καὶ τ' ἀγαθὰ διὰ τὸ πολλοῖς συμβαίνειν βλάβας ἀπ' αὐτῶν. ἤδη γὰρ ἴνες ἀπώλοντο διὰ πλῆτον, ἕτεροι δὲ δι' ἀνδρείαν. ἀγαπήλὸν ἔν περὶ τοιαύτων καὶ ἐκ τοιαύτων λέγοντας, παχυλῶς καὶ ὑπὸ τ' ἀληθὲς ἐκδείκνυσθαι, eademque de bonis quoque controuersia est & idem error extitit, propterea quod ex his multi detrimentum capiant. aliis enim iam diuitiæ, aliis fortitudo corporis exitio fuit. ergo satis erit, si cum de rebus & ex rebus eiusmodi verba facimus, eadem quamdam veri formam adumbremus. quem recentiori ætate secutus est præter alios HUGO GROTIUS: ¹ verissimum est, inquit, quod scripsit Aristoteles, in moralibus non æque ut in mathematicis disciplinis certitudinem inueniri. sed quod disciplina moralis sua quoque munita sit certitudine, ibique demonstrationes, ut ex principiis certis, veris & claris deducamus certissimas conclusiones, possint institui, adeoque sententia Aristotelis aliorumque, qui ipsum sequuntur, omni careat vi, argumentis sane grauissimis viri celeberrimi probarunt, ex quibus tantum SAMVELEM PVFENDORFIVM ² & IO. FRANCISCVM BVDDEVM ³ nominamus. quapropter non est, quod post nobilissimam horum virorum industriam idem agamus negotium ac veluti Iliadem scribamus post Homerum; sed sufficiat, obseruare quod huiusmodi homo, qui heic verosimilem tantum cognitionem admittit, viam ad scepticif-

¹ de iure belli & pacis lib. II. cap. 13 §. I. ² de iure natur. & gent. lib. I. cap. 2. ³ anal. inφ. φυσιοφ. p. 244. seq.

mi vitium parare possit. adhæc facile illorum sententiæ accedimus, qui arbitrantur, Aristotelem eadem ratione, qua Epicurus, sensisse de origine iusti atque honesti. Epicurus enim existimabat, initio homines ferarum more transegisse vitam; exploratis autem incommodis periculisque, quæ talem viuendi rationem sequebantur, eos firmasse societatem patris, constituisse ciuitates, iura sanxisse & leges, & ita a barbarie morum traductos fuisse ad cultum atque humanitatis sensum. sic philosophus hic nullum ius, nullam legem præter civilem agnouit. ad quam constituendam homines utilitate adducti fuissent, quam sententiam eleganter tradit HORATIVUS ¹ qua in re consenserunt *Cyrenaici*, duce & auctore *Aristippo*, qui asserunt apud LAERTIVM: ² μηδὲν ἔστι φύσιν δίκαιον. ἢ καλὸν ἢ αἰσχρὸν, ἀλλὰ νόμος καὶ θεῶν, *nihil natura esse iustum aut bonum, aut turpe, sed lege & consuetudine*; nec Aristoteles ab hac opinione recessit, vt ex superioribus verbis: ὥς τε δοκεῖν μόνῳ νόμῳ εἶναι, τῇ δὲ φύσιν μὴ, adparet. quod, quum ita est, in nouam suspicionem scepticismi Aristotelem deducit. si enim non aliis, quam legibus ciuilibus homines reguntur ac gubernantur, hæque ab arbitrio mortalium pendent, omnis sane iustitiæ atque honestatis ratio dubia erit, ac moralis scepticismus triumphabit vbique. sunt quidem, qui per hoc excusant Aristotelem, quod eiusmodi scripserit discipulis, qui pro ratione illius ætatis ad scientias mathematicas instituti fuerint, eosque mouerit, ne tales expectarent demonstrationes, quæ ἀκρίβειαν

¹ lib. I. satyr. III. v. 96 seq.

² lib. II. segm. 93.

mathematicam continerent, sed quales hæc materia posset suppeditare. vides *AMVELEM RACHELIVM*,¹ sed ne hoc quidem ad excusationem Aristotelis legitimam instituendam valet. primum enim in disciplina morali dantur omnino demonstrationes, quæ eiusdem sunt ponderis & dignitatis, ac mathematicæ: deinde quum philosophus noster sæpe alibi multum disputauerit de discrimine inter cognitionem certam & probabilem, facile ostendere potuisset, quænam argumenta philosophiæ moralis nitantur aut certitudine, aut tantum probabilitate, si veram ipsius indolem intueri ac bona fide agere voluisset.

§. IIII. Si igitur Aristoteles negat certitudinem disciplinæ moralis, originem iustitiæ atque honestatis deducit a legibus ciuilibus, & adhæc, vt ex superioribus patet, dei providentiam atque animæ nostræ immortalitatem tollere sibi sumit; facile ex hisce cognoscere possumus, quo ipsius integra philosophia moralis respiciat? qui antiquissimo errore adhuc persuadent sibi, ipsi fuisse in animo, viam ad felicitatem veram eamque mentis, quæ in suauissima tranquillitatis delectatione posita est, monstrare, magno detrimento decipiuntur. namque Aristoteli fuit propositum, rationem explanare, qua quis in hac vita se felicem reddere, sibi que comparare aut honores, aut opes, aut alia voluptatis commoda posset, cuius felicitatis virtutes, de quibus disseruit, partes; leges ciuiles vero, quas libris de republica exposuit, media esse existimauit. quapropter sectatores Aristotelis, quum tres partes disci-

¹ introd. in philos. moral. Aristot. cap. 12.

plinæ ethices constituunt, & primum de fine; deinde de subiecto, tertium de mediis, quæ essent ipsæ virtutes, tractant, aduersus ipsius Aristotelis mentem sentiunt, ac eiusmodi tradunt disciplinam, quæ ab illius ingenio atque animo abest longissime. quod si ita est, sicuti est, omnes ipsius doctrinæ ac speciatim de summo bono, de natura virtutis eiusque variis generibus erunt claræ & perspicuæ, ita vt egregie cum auctoris proposito conueniant, id quod paullo post copiose explanare instituiamus.

§. V. Quod si philosophiam moralem Aristotelis cum doctrinis Platonis, Stoicorum atque Epicuri comparamus, vltimum sane habebit locum atque apertum erit, quod Aristoteles inter omnes philosophos, quos vetus græcia protulit, quique ingenii gloria terrarum orbem impleuerunt, de doctrina morum minimam mereatur laudem atque existimationem. namque & Plato, & Stoici & Epicurus de felicitate interna erant solliciti, ac quæ tradebant præcepta, ad obtinendam illam accommodabant; Aristoteles autem id agebat, vt modum ad delicias rerum humanarum perueniendi ostenderet, adeoque nullam veræ eiusque internæ felicitatis siue tranquillitatis habebat rationem. sic *Plato*, cuius doctrinam ex vetustioribus *ALCINOVS*,¹ ex recentioribus ætate *MAGNVS DANIEL OMEISIVS*² exposuerunt, cum Pythagora censebat, vltimum hominis finem esse *ὁμοίωσιν τῷ θεῷ*, & inter media ad istum perueniendi referebat quoque *κάθαρσιν*, purgationem, vt affectus & prauæ cupiditates opprimerentur;

¹ de doctrina Platon. ² ethic. Platonie. Aldorf. 1696. 8.

hinc & dixit, philosophiam esse μελέην θανάτου, *meditationem mortis*; de qua legi merentur, quæ conlegit IUSTVS LIPSIVS: ¹ adde IO. FRANCISCVM BVDDIVM. ² Stoici quoque in emendandis aliorum animis erant occupati, quorum morbis id est adfectibus omnistudio adhibebant medicinam, ut isti ex mente exterminari atque expelli; pristina vero sanitas seu tranquillitas possent reparari: quam in rem nota est doctrina ipsorum, quæ defendebant ἀπάθειαν, ex quibus diserte dicit SENECA ³ *utrum satius sit, modicos habere adfectus, an nullos? sæpe quaesitum est. nostri expellunt: Peripatetici temperant: & alio loco: ⁴ non diminutionem malorum in bono viro intelligo, sed vacationem: nulla debent esse, non parua. nec Epicurus aliter sensit, atque ultimum bonorum posuit in voluptate animi, quo non obscure significavit, ab hominibus omni cura & diligentia expetendam esse eiusmodi mentis felicitatem, ut nullos adfectuum atque cupiditatum impetus experiri debeat. quam ipsius Epicuri sententiam sectatores eius corruerunt, persuadentes sibi, extremum bonorum contineri in voluptate corporis, eoque ipso auctoritatem Epicuri per longum temporis tractum in magnum coniecerunt discrimen. tantum vero abest, ut philosophiam moralem Platonis, Stoicorum atque Epicuri probemus, ut istam multis iisque gravissimis erroribus plenam esse censeamus. namque fatemur ingenua mente, quod quamvis efflata horum philosopho-*

¹ *manuduct ad philosoph. Stoicam lib. II. cap. 2.* ² *analyt. hist. philos. p. 369 sqq.* ³ *epist. 116.* ⁴ *epist. 85.*

rum ad speciem splendida sint, ista tamen, si inspiciantur penitus, atque ad principia, vnde sint deducta, adplicentur, veritati pietatique maxime aduersentur. Pythagoras & Plato, quum de rebus morum differerent, eo principali errore sese implicuerant, quod anima nostra pars sit mentis diuinæ; Stoici autem dicebant, omnia necessitate fati fieri, & inde colligebant, omnia, quibus alios instituerunt, præcepta, etiam ἀπαθεια, & Epicurus eiusmodi sibi fingeat voluptatem animi, vt per illam præfracte tolleretur dei prouidentiam. quapropter quum existimemus, Aristotelem laude meritorum de doctrina morali aliis philosophis esse inferiorem, id tantum volumus significare, quod hi ipsum finem disciplinæ, quæ græca adpellatione *ethica* vocatur, verius cognouerint, id est felicitatem internam seu tranquillitatem animi, quamuis ipsis media, illam consequendi minus fuerint cognita. monet quidem J. O. SCHEFFERVUS, ¹ quod Aristoteles consentientia plane cum sententia Pythagoræ ac Platonis docuerit; & SIMPLICIUS ² ex versione SEBASTIANI FOSCARINI mentem ipsius ita exprimit: *utrique parti philosophia communis finis, quem homo assequi debet, ipsa extrema & perfectissima felicitas, de qua nihil excellens ac præstans alicui philosophorum, etiam eorum, qui ad extremum philosophati sunt, Aristoteles reliquit, quo illum attingere possent, immo nec hominem adpellandum esse. sed deum censuit, qui ad illam peruenisset. sed ea, quæ*

¹ de natura & cons. phil. Ital. cap. 7. *super.*

² prolegom. in ca.

hunc

hunc in modum differit Aristoteles, respiciunt doctrinam de intellectu agente. quod si ita est, non possumus satis mirari hominum tot seculorum vel ignorantiam, vel nimium pietatis cultum erga Aristotelem, quod ex ipsius libris ethicorum ad Nicomachum compendia doctrinæ moralis conficere & ad ista iuuentutem instituere sibi sumserint, quoniam illis non disciplina ethices, sed prudentiæ eiusque politicæ continetur.

§. VI. Sed de momento hoc agamus distinctius ac speciatim in ipsas Aristotelis doctrinas inquiramus, demonstrando, quod omnes istæ felicitatem externam respiciant. ratio totius philosophiæ moralis in summo bono continetur, de quo inter veteres philosophos magna fuit diuersitas, ut patet ex Cicerone ¹ & Lactantio; ² quin etiam auctor est Augustinus, ³ Varronem ducentas octoginta & octo hac de re collegisse opiniones, quamuis facile cuique adpareat, quod magis verbis, quam re ipsa instituerint dissensiones. namque si spectamus celebriores philosophiæ magistros xui vetustioris, tria imprimis sententiarum de summa felicitate genera fuerunt: primum pertinet ad *Stoicos*, ex quibus Zeno *Cittieus* bonum ultimum esse dixit ὁμολογούμεως ζῆν *conuenienter viuere*; Cleanthes autem vocem *naturæ* addidit asseruitque, extremum bonorum ultimumque finem esse ὁμολογούμεως ἢ φύσει ζῆν, vel συμφώνως ἢ φύσει ζῆν *conuenienter*, vel *conformiter naturæ viuere*. nomine vero

¹ de fin. bon. & mal. item quæst. acad. ² lib. III. cap. 7. *scq.*
inß. diuin. ³ de cin. dei lib. XVIII. cap. 3.

naturæ designabant ipsum deum, per quem animam mundi materiæ alligatam, fato obnoxiam, & per cuncta corpora diffusam intelligebant, ut pluribus ostendit JO. FRANCISCVS BVDDVS¹ secundum genus constituit opinio *Epicuri*, qui eum summe felicem esse censebat, qui præsentis mentis voluptate perfrueretur, consideretque se fruiturum aut in omni, aut in magna parte vitæ, dolore non interueniente, etiam nec mortem nec deos extimesceret. tertius est *Aristoteles*, cuius disputationem de summo bono penitus inspiciamus. existimauit quippe, omnium aliorum perfectionem contineri in certo quodam munere atque operatione, quæ ipsorum naturæ sit propria, adeo ut quoduis animal perfectum sit; si opera sibi consentanea proferat; ac omne animalium membrum, si præsterid, ad quod a deo sit conditum, item omnis artifex existat perfectus, quando absolutum artis suæ edat opus, atque ita ἕκαστον κατὰ τὴν οἰκείαν ἀρετὴν ἀποτελεῖσθαι. ex his collegit, hominis quoque formam beatæ & felicitis vitæ consistere in munere quodam; quod ipsius indoli humanæ sit proprium, quumque mortales cum aliis animantibus habeant communes τὴν θρεπτικὴν καὶ αὐξητικὴν ζωὴν, vitam alendi augendique vi ac facultate præditam, item αἰσθητικὴν, vim sentiendi, reliquit illis πρακτικὴν τὴν τοῦ λόγου ἔχουσαν, vitam actiuam partis animæ, quæ rationem habet, in quo summa hominis felicitas posita sit, & quidem τὴν κατ' ἐνέργειαν, quæ sit in ipsa operatione. quum autem singula κατὰ τὴν οἰκείαν ἀρετὴν ex propria virtute

¹ anal. hist. phil. p. 118. sqq.

perficiantur, putavit quoque Aristoteles ψυχῆς ἐνεργείαν καὶ ἀρετὴν, *animæ operationem secundum virtutem* esse hominis summum bonum; ac quum plures sint virtutes, postulavit, ut operatio illa debeat esse κατὰ τὴν ἀρίστην καὶ τελειοτάτην ἀρετὴν, *secundum virtutem optimam & perfectissimam, hancque ipsam* ἐν βίῳ τελείῳ, *in vita perfecta*. ¹ sic homo summe felix est, quando anima operatur secundum perfectam atque optimam virtutem, per quam Aristoteles nihil aliud intelligit quam *sapientiam*, hinc & alio loco ² dicit, optimam illam virtutem, quam heic adpellat κρατίστην, esse illius, quod in homine sit optimum, ibi teneat principatum, & notionem rerum honestarum & diuinarum habeat, cuius secundum propriam virtutem operatio, quæ omnino est contemplatio rerum honestarum diuinarum atque æternarum, seu ζωὴ θεωρητικὴ, absoluat perfectam, felicitatem, quin immo quod Aristoteles per ἀρετὴν ἀρίστην seu κρατίστην intelligat sapientiam, patet ex ipsius verbis ³ hisce clarissime: ἡδίστη δὲ τῶν κατ' ἀρετὴν ἐνεργειῶν ἡ κατὰ τὴν σοφίαν ὁμολογούμενως ἐστίν, *in- cundissima autem ex virtutis operationibus ea procul dubio est, quæ secundum sapientiam fit*; quibus, quam antea dixerat ἐνεργείαν κατ' ἀρετὴν τὴν κρατίστην, eam heic diserte pronunciat ἐνεργείαν κατὰ τὴν σοφίαν. præter hanc vero felicitatis in contemplatione positæ speciem adhuc aliam constituit, quæ vita virtuti morali seu civili consentanea contineatur, ⁴ & adhæc sibi persuasit, quod talia bona animi debeant esse coniuncta cum bonis corporis ac fortunæ;

¹ lib. 1. cap. 6. ethic. ad Nicom. ² lib. X. cap. 7. ad Nicomach.
³ ibid. ⁴ lib. X. cap. 8. ethic. ad Nic.

quibus vere beatus & felix homo carere non possit. ¹ quarum alteram cum altera dum comparat, priorem felicitatem, quæ absoluitur contemplatione atque operatione menti consentanea, posteriori præfert adeoque existimat, summum bonum theoreticum nobilius esse ac præstantius summo bono pratico. nec Aristoteles aliter sentire poterat pro vi principiorum, quæ antea posuit. namque animum tantum sibi induxerat, viam ad felicitatem externam præparare hominumque mores ad eiusmodi honestatem, quæ a lege civili pendet, conformare, quapropter duo esse media tradebat, per quæ quis in hac vita felix esse possit. alterum si quis se diligenter exerceat meditatione contemplationeque ac per huiusmodi studium philosophiæ laudem sibi compareret; alterum vero, quum homo vitam ad formam legum civilium adcommode ac præ se ferat honestatem, etiam deliciis opum, honorum voluptatumque perfruatur. verum satis habebat compertum atque exploratum Aristoteles, quam incerta sint talia bona, quamue fragilia & caduca, hinc melius esse iudicavit; sapientiæ negotiis operari ac per istam amplissimam nominis famam sibi conficere. quæ quum ita explanentur, omnia sane apta sunt inter se ac cohærent, ac principiis, quæ philosophus noster adhibuit, eleganter atque accurate respondent.

§. VII. Miramur igitur iterum, quod Aristotelis sectatores iique christianæ professionis huiusmodi doctrinam de summo bono in disciplinam ethices, qua de interna mentis feli-

¹ *ibid.* cap. 9.

citare differendum est, intulerint, qua omnino nihil continetur, quod rectum, sanum ac pium esset. nam si formam veræ beatæ vitæ, quæ tranquillam mentem efficere debet, spectamus, sanitas quidem corporis bonum est, sed bonis animi cum intellectus tum voluntatis multo ignobilius, adeoque nec absolutum nec perfectum. multo minus ea, quæ debemus fortunæ benigniori, dignitates, diuitiæ, comoda, iucunda ac suauia in censu verorum bonorum debent haberi, cuiusmodi res hominibus & adiumento & detrimento esse possunt, prout quisque illarum vsum ad normam aut sanæ rationis, aut prauorum adfectuum accommodare instituat. in tanta autem hominum prauitate ac malitia talis doctrina, qualis ab Aristotele profecta est, magnam habet vim ad perditas mentis cupiditates rerum humanarum excitandas, alendas, fouendasque, eoque ipso aditum communit ad omnia perturbatio- num aliorumque motuum, qui mentem de sede tranquillitatis deiiciunt, genera. nec vir- tus moralis, in qua Aristoteles alterum bonum summum posuit, quidquam habet commune cum vera virtute, siue philosophica, siue christiana, quoniam, vt ex superioribus constat, omnis iustitiæ atque honestatis originem petiit a ciuili lege; quæue de altera perfectæ felicitatis specie eaque adhuc nobiliori, sapientia quippe differuit, vbique præ se ferunt cras- sissimum errorem de intellectu agente. quam ob rem dicit: τῷ ἀνθρώπῳ δὴ ὁ κατὰ τὸν νῦν βίος, εἶπερ μάλιστα τῷ τοῦ ἀνθρώπου. ὅτος ἀρὰ καὶ ἡ εὐδαιμονία, homini ea est vita (ἀρετος, ὀπτι-

ma) quæ menti conuenienter traducitur, si quidem hæc pars homo est maxime. hæc igitur vita est beatissima; ac per mentem, quam distinguit ab anima, intelligit intellectum agentem: hinc etiam functiones, quæ virtuti morali consentaneæ sint, adpellat humanas, illas vero, quæ spectent ad intellectum, diuinas; ¹ & paullo post ² addit: ὁ δὲ κατὰ τὴν ἐνεργίαν, καὶ τῶν θεραπείων καὶ διακείμενος αἰρεῖσιν, καὶ θεοφιλέστατος ἵστανται εἶναι, qui vero muneribus fungitur menti consentaneis & hanc colit, esque optime animo affectus, eum probabile est deo carissimum esse.

§. VIII. Ex his, quæ de Aristotelis sententia differuimus, non obscure patet, quanta inter ipsum & alios philosophiæ doctores, quos ætas antiqua sibi vindicat, fuerit diuersitas. erant quidem Peripateticis disceptationes cum Stoicis, num habitus, an operatio & actio vltimum in bonis hominum absoluat? quæ controuersia nostra sententia, nullius dignitatis, nullius fructus fuit. namque mentis habitus per actiones sæpius susceptas a nobis comparantur, qui acquisiti & in virtutum exercitiis occupati nunquam ab operationibus, quæ in lucem atque aliorum conspectum sese produnt, separari aut disiungi possunt. at vero, si rem ipsam, quæ hominem efficit vere felicem, spectamus, in eâ dissensio omnino erat inter Aristotelem & Stoicos, quamuis interdum verborum similitudo apud illos esse videatur, quando quippe SENECA ³ dicit: in homine optimum quid est? ratio: hæc antecedit animalia, deos sequitur. ratio ergo

¹ ibid. cap. 8. pr.

² cap. 9. ibid.

³ epist. 27.

perfecta, proprium hominis bonum est, cetera illi cum animalibus satisque communia sunt; & paucis interiectis pergit: quid in homine proprium? ratio. hæc recta & consummata felicitatem hominis implevit: item: homini suum bonum ratio est, si hanc perfecit, laudabilis est & finem naturæ suæ attigit. namque effata Stoicorum, quibus deus erat veluti forma informans, de ratione humana aliter sunt explicanda, ac doctrina Aristotelis, qua idem persequitur argumentum, cuius opinionem de intellectu satis perspicue exposuimus, etiam quale hac de re inter ipsum ac Stoicos fuerit discrimen, ostendimus. quid multa? extremum bonorum apud Stoicos erat secundum naturam vivere, id est secundum deum, animam mundi, cum materia arctissimo coniunctam vinculo, & legibus fati subiectam vivere, a qua Aristoteles sententia longe abest, id quod inprimis contra IO. CHRISTFRIEDUM SAGITTARIUM¹ observamus.

§. VIII. Sed prout generatim monuimus, quod Aristoteles philosophia sua morali rationem externæ felicitatis tantum habuerit; ita etiam huic instituto respondet ipsius doctrina de virtute, quod adinet cum ad eius indolem, tum diuerſas species, quas posuit. existimat quippe, virtutem absolui *mediocritate*, cuius definitio a Peripateticis recepta, quod *virtus sit habitus electius consistens in mediocritate, frequenti bonarum actionum exercitio comparatus*,² satis est nota. atqui de hac Aristotelis mediocritate multum fuit disputatum, nec defuerunt, qui huiusmodi definitio-

¹ Orio Ienensi p. 491. sqq.

² vid. lib. II. c. 6. eth. ad Nic.

nem ieiunam, etiam falsam pronuntiarunt, siue intelligatur mediocritas vitiorum, siue adfectuum. sic ex vetustioribus iam LACTANTIUS¹ ita iudicauit. *quid tandem nobis ista mediocritas proderit? quæro, utrumne sapienti latandum putent, si quid inimico suo mali videat accidere, aut utrumne letitiam frenare debeant, si victis hostibus aut oppresso tyranno libertas & salus ciuibus parta sit? nemo dubitat, quin & in illo exiguum letari, & in hoc parum letari, sit maximum crimen. eadem de ceteris affectibus dicere licet.* atque ex recentioribus HUGO GROTIUS² copiose ostendere annitur, non omnes virtutes duo habere extrema, alterum in excessu, in defectu alterum: alii autem obseruant, quod partim virtus proprie & accurate dicta non acquiri possit bonarum actionum exercitio; partim mediocritas sequatur virtutem, non autem ipsius naturam efficiat, vide PHILARETUM,³ & IO. FRANCISCUM BYDDEVM.⁴ quibus etiam adiungere possumus ANDREAM RVDIGERVM.⁵ hic enim monet, quod virtus moralis nihil aliud sit, quam modus aliquis affectuum, qui nobiscum nascantur, a recta ratione additus: quum autem affectus naturalis vel bonus sit, vel malus, vel indifferens, bonus semper stimulis tractandus, vt pietas & iustitia; malus semper frenis, vt odium & inuidia, indifferens vero & stimulis & frenis, vt cupiditas pecuniæ, quæ frenis coercenda, ne abeat in

¹ lib. VI. cap. 16. *inst. diuin.* ² *proleg. de iure bell. & pac.*
³ §. 43. *seqq.* ⁴ *eth lib. 1. part. post. cap. 1. p. 141.* ⁵ *inst. theol. moral. part. 1. cap. 1. sect. 4. §. 126. not.* ⁶ *inst. erud. pag. 566.*

auaritiā; sed & stimulis incitanda, vt maneat liberalitas: de quibus affectibus indifferentibus vera sit definitio Aristotelis. verum enim vero quamuis hæc omnia a viris celeberrimis accurate atque optime sint obseruata, ac descriptio, quam dedit philosophus noster, magnam omnino mereatur reprehensionem, si istam virtuti, qualis in disciplina ethices proponi ac internam hominis felicitatem respicere debet, adcommodare velimus; attamen & hæc doctrina cum principali proposito Aristotelis bene cohærere nobis videtur, adeo vt mediocritatis Aristotelicæ *πρωτον ψευδος* ita demonstremus. scilicet, vt iam sæpius obseruauimus, institutum fuit Aristoteli, in libris ethicorum viam monstrare, qua quis externam felicitatem consequi possit, adeoque in hac vita felix sit ac beatus; quod vt fieret, necessarium esse existimauit, bonis fortunæ frui & vitam virtuti politicæ consentaneam transigere, adeoque secundum normam legum ciuiliū speciem præ se ferre honestatis, qua sententia virtutem veluti partem; legem vero ciuilem vt medium huius felicitatis considerauit. sed quum constet, quod ille, qui aliorum fauorem ac beneuolentiam acquirere sibi ac illorum ope suam stabilire fortunam animum induxit, necesse habeat, partim seculi moribus sese accommodare, etiam verum ac sollicitum genuinæ virtutis studium aduersari; partim actionibus, quamuis re ipsa sint impiæ, splendorem, honestamque speciem adhibere, ne aperte adfectuum vitiis se indulgere videatur, quid mirum? quod Aristoteles dixerit, virtutem consistere in mediocritate, id est hominem politici-

cum neque virtutem, neque libidinem animi tam grauiori studio sectari debere. en virtutem Aristotelicam! quis est igitur ex sententia Aristotelis iustus? ille nempe, qui partim non omnes iustitiæ partes explet, quod esset indicium cum ingenii artis politicæ rudis, tum mentis a sæculi morum studio alienæ; partim non aperte quemdam lædit iniuste. quis est temperans secundum Aristotelis iudicium? ille quippe, qui edit, qui bibit iucunde, opipare, apparate, sed eiusmodi tenet modum, ne per ebrietatem se veluti insanum alîs exhibeat, eoque quidquam existimationis politicæ detrahat. atque hac ratione omnes virtutes, quas tradidit Aristoteles, faciliiori negotio explanari atque intelligi possunt.

§. X. Sæpius quoque disputatum fuit, num Aristoteles species virtutis constituerit adæquate, nec ne? iam ætate antiqua docuerunt philosophi, virtutem, si ad ipsius naturam spectemus, esse vnā, vt de Menedemo & Aristone, sapientiæ magistris vetustissimis memoriæ prodidit PLUTARCHVS, ¹ atque Apollonphanes, Aristonis discipulus idem sensit, hancque vnā virtutem dixit *prudentiam*, vti PETRVS GASSENDVS ² obseruat. sic quoque vniuersa fere Stoicorum schola censuit, τὰς ἀρετὰς ἀντακολουθεῖν ἀλλήλας, καὶ τὴν μίαν ἔχοντα πάσας ἔχειν, *virtutes esse inter se copulatas, vt qui vnā habet, omnes habeat*, & satis declarauit, se ab illorum opinione, quod vna sit virtus, non prorsus esse alienam, vide IUSTVM LIPSIVM. ³ CICERO ⁴ autem

¹ de virtute morali p. 440.

² animaduers. in lib. X. Laert. pag. 1437.

³ manuali. ad philos. Stoic. lib. III. diff. 4.

⁴ præd. III.

adfirmat, bono viro non meliorem nec temperante temperantiorē, nec forti fortiorē esse, quia una virtus est, consentiens cum ratione & perpetua constantia. nihil huic addi potest, quo magis virtus sit; nihil demi, ut virtutis nomen relinquatur: & alio loco ¹ proficitur, quod qui unam virtutem habeat, omnes habeat, quodque qui unam confessus fuerit, se non habere, nullam sit habiturus. confer SENECAM. ² sed quamvis virtus sua natura sit una; pro diuersitate tamen materiæ, in qua versatur, diuerso modo considerari & variis nominibus potest notari, hinc & philosophi de speciebus virtutis iisque primariis, vnde aliæ pendent, constituendis fuerunt solliciti. *Platonici* posuerunt quatuor virtutum genera, ex quibus primæ vocabantur *politica*, quæ hominis, qua animal est sociale, sunt, ac per quas salus publica, communis societas, amor mutuus conseruatur; secundæ *purgatoria*, si homo animum suum ab omni corporis contagione purgat; tertiæ *animi iam purgati* & quartæ *exemplares*; singulis autem harum virtutum speciebus alias adhuc easque principales addiderunt, prudentiam, temperantiam, iustitiam & fortitudinem. quamvis & diuersitas hac de re inter Platonicos deprehendatur; id tamen clarum est ac manifestum, quod hæc Platonica disciplina de virtute eiusdemque generibus nitatur principiis illis, quod anima humana ex diuina mente emanauerit, quodue contagione corporis contaminata, ex ipsius vinculis liberanda ac cum Deo iterum sit coniungenda, confer JA-

¹ *quæst. Inscul. lib. III. cap. 32.* ² *epist. 65.*

COBVM THOMASIVM ¹ MAGNVM DANIELEM OMEISIVM, ² GEORGIVM PASCIVM, ³ MICH. GOTTLIEB. HANSCHIVM. ⁴ alii ac plures quidem censuerunt, virtutem contineri his quatuor generibus, *prudentia, iustitia, fortitudine ac temperantia*, quem numerum ita laudant ecclesiæ patres, & qui hos secuti sunt, scholastici doctores, ut virtutes ita diuisas *cardinales* dicant, quod, ut fores cardinibus, ita illis omnis vitæ honestas & sanctitas fulciatur. sic & nonnulli illas ad duas contrahunt *fortitudinem & temperantiam*, & huc illud EPICTETI ἀνὴρ καὶ ἀνὴρ referunt, confer JO. FRANCISCVM BVDDEVVM ⁵ quod ad Aristotelem adinet, disserit quidem de variis virtutis generibus, ⁶ sed accuratius in ipsorum numerum inquisiuisse, nusquamprehenditur. hinc alii enarrant vndecim virtutes Aristotelicas, quæ est vulgaris opinio, *fortitudinem quippe, temperantiam, liberalitatem, magnificentiam, modestiam, magnanimitatem, mansuetudinem, veracitatem, comitatem, urbanitatem, iustitiam*; alii vero commemorant tantum nouem, & JO. GALVINVS ⁷ exhibet succinctiorem ethicorum Aristotelis ad Nicomachum synopsis, qua obseruat, quod virtus moralis aut reipsa sit virtus, aut virtutis speciem habeat: vera vel sit erga eosdem, vel diuersos: erga eosdem autem tum eos, qui habeant atque exercent virtutem, tum alios: quæ vsurpetur erga eos,

¹ orig. hist. phil. & eccles. pag. 100. ² ethic. Platon. pag. 40.
³ reuener. non. antiquis p. 211. seqq. introd. in rem literar. moral. veter.
cap. I. §. 17. ⁴ de enthusiasmo Platon. sect. 7. §. 3. seqq.
⁵ instit. theol. moral. Part. 1. cap. 1. sect. 4. §. 137. not. ⁶ lib. II.
cap. 7. ad Nicom. ⁷ 7 propad. pract. p. 119. seqq.

qui habeant, attingat vel corpus, vt *fortitudo* & *temperantia*; vel honores, vt *magnanimitas* & *modestia*; quæ autem vsurpetur erga alios, cernatur vel in pecuniis, vt *liberalitas* & *magnificencia*; vel in congressu cum aliis, quæ iterum versetur vel in ira, vt *mansuetudo*; vel in sermonum actionumque societate, ac quidem vel in veritate, vt *veracitas*; vel in vitæ iucunditate, vt *urbanitas* & *comitas*: virtus, quæ erga diuersos, scilicet cum eum, qui habeat, tum alios vsurpetur, sit *iustitia* & *amicitia*: ac tandem virtutis speciem habeant *verecundia* & *indignatio*.

§. XI. De his generibus virtutum, quæ posuit Aristoteles, multum est disputatum atque a multis obseruatum, quod numerus harum virtutum non sit admittendus. si enim virtutes principales sane cardinales tantum enumerandæ, numerus illarum esset amplior, quam res ipsa postularet; si sermo sit de omnibus virtutibus, longe plures, quam vndecim aut novem deberent constitui, prout quoque Aristoteles non solum virtutes eminentissimas ac præcipue pietatem hoc numero omiserit; sed & quasdam attigerit, quæ decorum tantum spectarent, confer MAGNUM DANIELEM OMEISIVM. ¹ sed, vt iam monuimus, Aristotelis mentem non assequuntur, qui existimant, ipsum tradidisse virtutes morales, quæ mentem humanam meliorem reddant & tranquillam; siquidem quum instruat hominem politicum, commemorat civiles tantum virtutes. quod si ita est, vti est, mirum non est, ipsum nullam fecisse mentionem pietatis

¹ theatr. virtut. & vitior. ab Aristotele omittor.

aliarumque maxime nobilium virtutum; quæ internam tantum animi stabiliunt felicitatem; etiam quasdam in numerum virtutum retulisse, quæ solis decori regulis nituntur. quapropter sectatores Aristotelis infelicitè multum consumserunt temporis, quum magistrum ac ducem suum defendere huncque numerum amplificare, atque ea, quæ omiſſa sunt, redintegrare sub quadam specie, quod ex mente Aristotelis vna virtus interdum etiam alias complectatur, sibi sumserint, vti præter alios THEOPHILVS GOLIVS ¹ amoris & timoris erga Deum, id est pietatis iniicit mentionem. inprimis autem miramur, quod JO. FRIDERICVS GRONOVIVS ² existimet non solum, quod virtus apud Aristotelem dicta *magnificentia* comprehendat cultum & pietatem deorum; sed & probare instituat, religionem positam esse in mediocritate. quod ad prius momentum pertinet, obseruauit, veteres paganos persuasisse sibi, quod quo maiores sumtus facerent in rebus sacris, eo sanctiorem diis præstarent cultum, hinc & SALVSTIVS ³ dicat: *in suppliciis deorum magnifici, domi parci, in amicos fideles erant*; & IVSTINVS ⁴ de templo Delphico: *multa igitur ibi & opulenta regum populorumque visuntur munera, quæ magnificentia sua reddentium vota, gratam voluntatem & deorum responsa manifestant.* at vero, quam ieiuna, quam arida, quam frigida talis est pietas! quæ in animos quidem plebeios ac rudes ca-

¹ epis. doctrin. moral. ex decem libris ethicor. Aristot. ad Nicomach. collect. lib. II. cap. 6. ² not. ad Gros. de I. B. & P. proleg. § 45. p. 28. ³ de bell. Catil. cap. 9. ⁴ lib. XXIII. cap. 6.

dit; ab ingenio vero philosophi, ad veritatem cognoscendam exculto longissime abest. quod si enim Aristoteles disciplinam ethices conscribere, induxisset mentem, verumque de Deo eiusdemque natura percepisset sensum, omnino ad hanc cognitionem potuisset pervenire, quod deus cultum sibi & menti suæ divinæ consentaneum a mortalium genere postulet, id quod etiam alii pagani auctores tradiderunt. nec minus alterum momentum, quod observat G R O N O V I V S, religionem positam esse in mediocritate, quidquam ponderis in se continet. nam quamvis discrimen ponat inter ipsam virtutem pietatis atque officia, per quæ pium nostrum animum erga deum demonstramus, atque adfirmet, officia admittere excessum, quum quis more hominum superstitioni deditorum plura præster, quam ipse deus præcipiat, adeoque ex his efficiat conclusionem, quod religio medium sit ac fuerit inter superstitionis excessum & defectum impietatis siue atheismi; hæc tamen sententia nullo muniri potest fundamento. officia enim, quibus deo cultum exhibemus, accurate respondere debent ipsi affectui siue pietati, qui amore & timore erga summum numen absolvitur, ita ut qualis sit pietas, talia etiam debeant esse officia, quæ inde proficiuntur. at vero, quum pietatis veræ studium nunquam pro infinita dei excellentia ac corruptis hominum animis tam nimium esse possit, ut divinæ voluntati sit aduersum, sicque reprehensione dignum; sane ex his facile colligimus, quod etiam, officia ita sint comparata.

§. XII. Exposuimus itaque ea, qua fieri potuit, breuitate, summam doctrinæ moralis Aristotelicæ, atque ostendimus, quo spectet illa, quæue isti habenda sit dignitas. nec omni ætate prospera fuit fortuna philosophiæ huic, quam tradidit Aristoteles de moribus inter Christianos homines. quod si enim vetustiora tempora repetamus memoria, doctores ecclesiæ, quum Platonis & Stoicorum philosophiæ, cuius præcepta internam mentis felicitatem spectarent, magnum statuerent pretium, de Aristotelis doctrinis iudicarunt sinistre, atque ex illis multas gigni hæreses, sibi persuaserunt, vide JO. LAVNOIVM ¹ ac quamuis æuo scholasticorum philosophus hic caput suum erigeret, omniumque admirationem cultumque animi in se conuerteret, hæc tamen fortuna, quam prospera etiam & florens fuerit, minus immota atque inconcussa extitit. namque quum LVTHERVVS diuinis auspiciis christianam doctrinam ab impurissimorum temporum fecibus repurgaret, bonæ quoque litteræ suam recuperare dignitatem cœperunt, ac posthac homines eruditione præditi ac studio præstantissimæ veritatis occupati censuerunt, summa ope niti, fontes aperire, ex quibus incorrupta philosophia, quæ partim recta ratione eiusdemque genuina cogitandi libertate nititur, partim res utiles continet, dimanare possit. quin etiam ipse LVTHERVVS ² censuit, libros Aristotelis ethicorum omnium esse pessimos, qui plane gratiæ diuinæ & virtutibus christianis ad-

¹ de varia Aristot. fortun. cap. 2. . . 2 tom. d. Altenburg. p. 178. tom. XII. Wittenb. p. 32.

uerfentur adeoque digni fint, vt ab vfu ſcho-
larum atque academiæ remoueantur lon-
giſſime: confer CHRISTIANVM THOMA-
SIVM, ¹ GOTFR. ARNOLDVM, ² IO.
HENR. VON SEELEN. ³ quæ ſententia eo
tempore, quo Ariſtoteles philoſophiæ prin-
ceps adhuc habebatur, plerisque nimis dura
videbatur; hinc teſtatur IO. LAVNOIVS,
⁴ quod ordo theologorum Pariſienſium an-
no poſt natum ſeruatoreſtrem noſtrum MDXXL
plures Martini Lutheri propoſitiones damna-
uerit, in quibus & duæ fuerint, quæ perti-
neant ad Ariſtotelem, quarum prior hæc ſit:
*philoſophia Ariſtoteliſ de virtute morali, de ob-
iecto, de actu elicito talis eſt, quæ nec in popu-
lo doceri poſſit, nec ad ſcripturæ intelligenti-
am utilis, quia continet duntaxat portenta
verborum, non niſi ad contentiones verborum
conficta. hæc propoſitio quantum ad omnes ſuas
partes loquendo de philoſophia Ariſtoteliſ, in
his maxime, in quibus a fide non diſcedit, eſt
falſa, & tanquam ab inimico ſcientiæ arro-
ganter & inſipienter aſſerta: poſterior vero:
theologi ſcholæſtici Ariſtoteliſ moralia prorsus
conuenire mentiti ſunt, cum Chriſti Paulique
doctrina. hæc propoſitiones impudenter & fal-
ſo ſcholæſticiſ imponit ſcriptor, quod non eſt ve-
rum: quamquam ſatis exploratum ſit, in mul-
tis moralia Ariſtoteliſ cum Chriſti Paulique
doctrina conſentire. ſic quoque PHILIPPVS
MELANCHTHON maxime amavit & ſectatus
eſt Ariſtotelem, cuius philoſophiæ genuinos*

¹ *hiſt ſapient, & ſtult. p. art. 1. p. 12.* ² *hareſ. Part. 2 lib. 16.*

cap. 10. §. 20. p. 114. ³ *Luther. de ſcholu optime merit. p. 43.*

⁴ *de varia Ariſtoteleſi fortuna cap. 12. p. 238.*

aperire fontes & ad istam iuuenrntem instit-
tuere, adnissus est singulari studio, prout di-
xit: ¹ *Aristoteles de moribus ciuilibus adeo*
scripsit erudite, nihil vt de his requirendum sit
amplius, quibus verbis librum Aristotelis recte
adpellat opus de moribus ciuilibus. alio autem
loco ² *de philosophia Peripatetica ita iudi-*
cavit: scio quosdam mirari alias sectas. nam
stoicos suspiciunt nonnulli tanquam semideos.
Valla quum reliquos philosophos rabiose exagi-
tet, Epicuro tamen non obscure plausum dat.
ego vero qui has sectarum controuersias diu
multumque agitavi, αὐτὰ καὶ κατὰ σφετέρων, vt
Plato facere præcipit, valde adhortor adolescen-
tes, vt repudiatis Stoicis atque Epicureis, ample-
ctantur Peripatetica. nihilominus quo ma-
iori studio successu temporis veram philoso-
phiam adeoque etiam doctrinam moralem
virī grauiissimi tradere adlaborarunt; eo ma-
giorem quoque impetum fecerunt aduersus
Aristotelis libros ethicorum, quibus multa
inesse, quæ christianis scholis indigna essent,
demonstrarunt. recte sentit IO. OWENVS:
³ *ausim dicere, non vnā verā virtutē vē-*
re & certe doceri in omnibus Aristotelis libris
ad Nicomachum, neque quisquam vnquam ex
eorum doctrina iustus, bonus aut certe πρᾶ-
δῆς euadet, nec nisi laruatus hypocrita. confer
CHRISTIANVM THOMASIVM. ⁴ *equidem*
quod ad formam adtinet, quam in exponenda
doctrina morali secutus est Aristoteles, nega-
ri non potest, quod mereatur laudem ob me-
thodi rationem, quum ad certum ordinem

¹ apolog. Augu. 2. Confess. p. 62. ² prefat. philosoph. moralis.
³ thesaurum. p. 65. ⁴ progr. de nativ. ethic. Aristotel.

meditationes suas dirigere primus instituerit. quando igitur HUGO GROTIUS ¹ dicit: *inter philosophos merito principem obtinet locum Aristoteles, siue tractandi ordinem, siue distinguendi acumen, siue rationum pondera consideres*; de laude obseruati ordinis, quæ Aristoteli vindicanda est, cum eo consentimus. namque primus fuit, qui logicæ disciplinæ operam dedit, eamque redegit in formam artis, quum ante Socratem illud αὐτὸς ἔφατ' atque insignis philosophorum auctoritas veluti norma veritatis haberetur; ipse autem Socrates, præclaris intellectus facultatibus a natura præditus sophistas exercens, id tantum efficeret, vt adpareret, dari quamdam ratiocinandi artem. ac quamuis præcepta, quæ in hac disciplina tradidit Aristoteles, suis iisque grauissimis laborent morbis, siquidem regulas ratiocinandi nimis generales posuit, modum tantum aliqua ratione verum & falsum diiudicandi, non autem inueniendi demonstrauit; genuinam probabilitatis indolem minus attigit, etiam breuiora de fundamento ac variis generibus ratiocinationum, quam par est, fecit præcepta; ipse tamen eo nomine dignus est laude, quod primus talis auctor extitit, atque animum ad doctrinam moralem methodo, vti dicitur, systematica conscribendam adpulit: confer GEORGIUM PASCHIVM. ² quapropter IO. BARBEYRAC ³ proficitur, quod Aristoteles tractauerit de virtutibus *d' une manière plus*

¹ proleg. de iure belli & pacis §. 42. ² de variis modis moralia tradendi cap. 6. ³ præf. ad Puffend. de iure nat. & gens. pag. 93.

distin-

distincte, plus étendue, & plus methodique, que n'auoit fait son maître. sed licet methodus sit optima, ab ista tamen ipsa operis cuiusdam præstantia minus tantum pendet, quippe quæ imprimis ab argumentorum ærerum, quæ exponuntur, dignitate dimanat.

§. XIII. Sufficit, nos demonstraſſe, doctrinam moralem ab Aristotele explanatam, ciuilem modo felicitatem spectare, quod etiam fatetur RAPINVS: ¹ *la morale d'Aristote est trop humaine, & trop renfermée dans les bornes de cette vie; il ne propose, presque d'autre félicité à l'homme, que celle de la vie ciuile.* quod si ita est, sicuti est, magna inde oritur suspicio, Aristotelem pietatem exuisse, ac mentem virtutibus, quæ animi felicitatem respiciunt, exercuisse minime. nam quis crederet, huiusmodi philosophum, qui magnam habebat auctoritatem, qui tam copiose de qualibet fere re disputauit, multosque libros etiam doctrinæ moralis protulit in lucem, quiuē philosophiæ penitus sese tradidit, nihil de cultu ac religione erga deum scripsisse, si ipsi pius quidam adfectus fuerit? sed quid mirum? Aristoteles, quum tam præue de deo eiusdemque mente diuina, ac speciatim prouidentia senserit, non potuit, quin omne pietatis studium animo suo abiiceret, ac vitam ad leges ciuiles, quo in cœtu hominum felix esse posset, componeret. quod si enim pietas amore ac timore erga deum continetur; illi autem affectus per cognitionem diuinæ potentia, iustitiæ ac benignitatis in animis nostris excitantur; remota tali co-

¹ dans les réflex. sur la morale p. 346.

gnitione, affectus quoque remouentur. quo nomine officio doctoris morum satis fecisse sibi videbatur, si modum ostenderet, quo quis societatem ciuilem colens, eiusmodi viuendi rationem posset obseruare, vt quietem publicam tueretur atque opinionem boni ciuis sibi acquireret. sic philosophus hic male existimauit de indole diuina; sic negauit prouidentiam dei atque animæ immortalitatem, sic nulla præcepta virtutum moralium tradidit, sic nec pietatis fecit mentionem: & quis ex hisce momentis probabili ratione concludere dubitaret, Aristotelem mente sua nulum de deo habuisse sensum, præcipue si etiam prauæ & corrupte transegerit vitam, quam nunc contemplari, nobis est in animo.

CAPITIS III.

DE

ATHEISMO ARISTOTELIS PRACTICO.

SECTIO II.

DE

IPSIS ARISTOTELIS MORIBUS.

Σ Τ Ν Ο Ψ Ι Σ.

Dicendorum ratio §. I. character Aristotelis §. II. ipsius ambitio §. III. qua occasione ista inprimis fuerit excitata §. IIII. quod ambitio sit causa atheismi §. V. studium eius simulandi & dissimulandi §. VI. de ipsius voluptate §. VII. de mortis genere §. VIII. VIII. X.

Z

§. I. Nunc

§. I. Nunc ad alterum momentum quo nititur atheismus Aristotelis practicus, animum nostrum conuertimus. supra ¹ quippe obseruauimus, cognitionem de moribus auctorum magnam habere vim ad illorum atheismum diiudicandum; quod quum ita sese habeat, non ab re erit, breuiter adhuc de ipso vitæ genere, quod secutus est Aristoteles, disputare. qua opera muneris est, partim scriptores de vita Aristotelis consulere; partim obseruare, quodo momenta a nobis prolata animum philosophi huius significant, a sensu & cultu dei alienum. auctores, qui vitam Aristotelis scripserunt, sunt cum ex vetusta ætate, DIONYSIVS *Halicarnassens*, ² DIOGENES LAERTIVS, ³ ANONYMVS latinus, quem edidit PETRVS IO. NVNNESIVS, ⁴ ANONYMVS græcus, quem exhibuit atque obseruationibus illustrauit AEGIDIVS. MENAGIVS ⁵ aliique; tum ex recentiori, ANDREAS SCHOTTVS, ⁶ FRANCISCVS PATRITIVS, ⁷ GVARINVS *Veronensis* & LEONARDVS ARETINVS, ⁸ IO. IACOBVS BEVMERVS, ⁹ RENATVS RAPINVS, ¹⁰ vt de aliis taceamus, de quibus videre possumus IO. IONSIUM ¹¹ & IO. ALB. FABRICIUM; ¹² illorum autem, qui Aristotelem contra adcusationes defenderunt, varios commemorat LILIENTHAL. ¹³

¹ pag. 140. ² epistol. ad Ammaum. ³ libr. V. ⁴ addit. Ammonio latine edito. ⁵ ad Laert. t. II. opp. p. 201. ⁶ vita comparata Demosthenis & Aristotelis. ⁷ libr. I. discussionum Peripateticarum. ⁸ de vita Aristotelis. ⁹ de vita Aristotelis compar. Platonis & Aristot. ¹⁰ de scriptoribus histor. philoq. soph. ¹¹ bibl. græca lib. III. cap. 6. §. 39. ¹² selectis histor. & liter. obseru. V. p. 117.

§. II. Nobis haud est propositum, accuratius vitam Aristotelis tradere, sed ea tantum momenta attingere, quæ ratio disputationis nostræ postulat, ut subinde possit illustrari. quapropter inprimis respicere debemus Aristotelis indolem animi, in qua cognoscenda actiones ab eo susceptæ clarissimum nobis præferunt lumen & efficiunt facultatem, conclusionem de mentis ipsius conditione conflandi. nec dicemus quid a veritate alienum, si in philosopho hoc partim ratione intellectus magnam iudicii vim, partim ratione voluntatis indolem ambitioni & voluptati dedicatam, ita ut studium gloriæ adhuc fuerit gravius cupiditate rerum ad voluptatem spectantium, notamus. patet enim satis manifeste ex ipsius monumentis, quæ in gratiam posteritatis sunt conseruata, quod alios philosophos nominis quoque fama clarissimos iudicandi facultate superauerit, PYTHAGORAM & PLATONEM quippe, apud quos vis illa intellectus, quæ recipit rerum imagines, inprimis vigeat, atque efficiebat, ut multa ficta & commentitia, quorum ingenium ferax est, admitterent. cuiusmodi intellectus indoles, si adhuc cum mentis ambitione coniuncta est, facile viam ad atheismum parare potest, ut homines gloriæ studio incitati, noua proferre & in illis speciem grauiissimi & magnifici iudicii demonstrare, adeoque præ aliis sibi famam acquirere elaborent, id quod multa atheorum exempla testatum faciunt. sic gloriæ libere cogitantium sibi vindicant, quamuis reipsa veram cogitandi libertatem cum licentia quiduis cogitandi prauisque adse-

atibus indulgendi de industria confundant, cuius rei exemplum habemus in ANTONIO COLLINO. ¹

§. III. Sed vero pro ratione argumenti nostri, præcipue intueamur indolem, voluntatis Aristotelis, in qua principem tenuisse locum ambitionem, iam adfirmavimus. quam in rem dignis argumentis confirmandam quasdam illius actiones perlustrabimus, ut inde fiat apertum, honoris atque existimationis studio singulari occupatum fuisse philosophum nostrum. atqui primum sua indole adductus litteris eiusmodi operam dedit, ut etiam tempus somno consecrandum illis tradiderit, hocque vitæ instituto sanitati ac fortunæ corporis magnam vim intulerit. hinc DIOGENES LAERTIUS ² dicit, tradere quosdam, ὅποτε κοιμῶτο, σφαῖραν χαλκὴν μάλλεσθαι αὐτῷ εἰς τὴν χεῖρα, λεκάνης ὑποκειμένης ἵν' ἐκπεσούσης τῆς σφαίρας εἰς τὴν λεκάνην, ὑπὸ τῆ ψόφου ἐξέρχαιο, quum se ad quiescendum componeret, aream spheram tenere in manu pelui subiecta, eo consilio, ut cum e dormientis manu sphaera area in subditum vas incidisset, sonus illius expergisceretur. quod & Aristotelis discipulum Alexandrum magnum fecisse commemorat AMMIANVS MARCELLINVS: ³ Alexander anea concha supposita, brachio extra cubile protento pilam tenebat argenteam, ut quum nervorum vigorem sopor laxasset infusus, gestaminis lapsi tinnitus abrumperet somnum. ac quamvis nimiam eruditorum industriam, qua litterarum studia sunt profecuti,

¹ discipul. de libertate cogitandi.

² lib. V. segm. 16.

³ libro XVI.

non omnem ex ambitione deriuemus; in Aristotele tamen ea deprehendimus momenta, quæ plane nobis persuadent, ipsius tanta in litteras studia manasse ex cupiditate gloriæ. sic porro ingrato animo erga præceptorem PLATONEM extitit, *qui regnare se non posse putauit, nisi more Othomannorum fratres omnes trucidaret suos*, vt dicit BACO VERVLAMVS. ¹ hinc scribit DIOGENES LAERTIVS: ² ἀπίστη δὲ Πλάτωνος ἐτι περίοντος ὥστε Φασὶν ἐκείνον εἰπεῖν, Ἀριστοτέλης ἡμᾶς ἀπελάκτισε, καθάπερ εἰ τὰ πωλάρια γεννηθέντα τὴν μητέρα, *recessit a Platone, dum adhuc superuineret. unde dixisse illum tradunt, Aristoteles in nos recalcitrauit, non secus atque in matrem pulli geniti.* de quo Aristotelis dissidio a Platone præclara quoque multa tradit AELIANVS, ³ & aperte significat, quæ indoles mentis ipsi fuerit, etiam alibi ⁴ ea, quæ DIOGENES commemorauit, confirmat, quod PLATO adpellauerit Aristotelem πῶλον, *pullum.* quemadmodum enim pullus lacte materno saturatus, calcibus petit matrem; ita quoque Aristoteles a Platone formatus & cognitione bonarum litterarum expletus, aduersus ipsum præceptorem pugnavit adeoque documenta animi beneficiorum haud memoris edidit. quamuis paullo aliter rem hanc referat HELLADIVS apud RHOTIVM: ⁵ Ἀριστοτέλης ὁ τῷ περιπατήτι προσηλάτης, ὑπὸ Πλάτωνος ἵππος ἐπωνομάζετο, ἐναντιῶσθαι δοκῶν τῷ διδασκάλῳ· καὶ γὰρ ὁ ἵππος τὸν ἐαυτοῦ καλῆσαι δάκναι, hisque significet,

¹ de augmentis disciplinarum lib. III. cap. 4. ² lib. V. segm. 2.
³ vbi hist. lib. III. cap. 19. ⁴ lib. IV. cap. 9. ⁵ biblioth.
P. 1589.

quod Aristoteles in comparationem eum equo, qui & patrem soleat mordere, fuerit euectus. AMMONIVS quidem siue PHILOPONVS ¹ obseruat, falsum esse, quod Aristoteles ex odio erga Platonem instituerit scholam; nec iste magistro suo, sed ipsius haud genuinis interpretibus contradixerit; sed vero num AMMONII siue PHILOPONI in causis Aristotelis tanta sit auctoritas, vt ipsi debeamus habere fidem, quisque bona mente poterit iudicare.

§. IIIL. Nec defuit Aristoteli occasio, tantæ ambitioni atque arrogantiae tradendi animum. namque relicta academia anno ætatis XLII. venit ad regem Philippum atque ALEXANDRI magni tum annum quintum & decimum agentis studiis præfectus est, eumque litteris formauit per quinque annorum spatium. hinc IVSTINVS ² de Alexandro: *exacta pueritia per quinquennium sub Aristotele doctore inclyto omnium philosophorum creuit.* utriusque regis gratia vsus est singulari; ita ut PHILIPPVS ipsius precibus adductus, Stagiram patriam a se euersam instaurauerit, in cuius honorem, vt AMMONIVS siue PHILOPONVS obseruat, Stagiritæ singulis annis celebrarunt *Ἀριστοτέλεια*. sic & ALEXANDER magnus insignes sumtus fecit in Aristotelem, quo felicius ea, quæ in natura sunt arcana, eruere ac perquirere posset, vide PLINIVM. ³ qua fortuna quum vteretur philosophus, illa sane magnam vim

¹ *vita Aristotelis.*

² *lib. XII. cap. 16. n. 8.*

³ *hister.*

natural. lib. VIII. cap. 16.

ad ipsius elatum ambitione animum adferre potuit, qui quo prosperiores sunt casus, eo maius capit incrementum. quumue huiusmodi homines magno studio sectentur adulationem, blanditias, assentationem; Aristoteles in id quoque vitium delabebatur, ita ut Alexandro maxime fuerit assentatus, hincque dictus apud LVCIANVM ¹ *κολάκων επιτριπτότατος assentatorum omnium perditissimus.*

§. V. Hominibus ambitioni deditis id primæ & maximæ curæ est, ut singulares foueant sententias, quibus se ab aliis eruditis distingui posse, sibi persuadent, hinc & soli sibi sapere videntur, reliquosque veluti vera sapientia atque eruditione destitutos parui faciunt. quæ & causa est, cur tam proclives sint ad eius modi errores, quibus clarissimas veritates, etiam istam, quod sit deus, negent, saltem vocent in dubium, ne quid cum aliis commune habere videantur. idem a veteribus ecclesiæ doctoribus obseruatum est. IUSTINVS martyr, vel quisquis est auctor *question. & responsion. ad orthodoxos*: δηλόν εστιν, ὅτι ἐκ φιλοδοξίας ἢ ἀντιπαθείας τῶν αἰρεσιαρχῶν, πᾶσαι αἱ αἱρέσεις τὰς ἀφορμαῖς ἐχέουσιν τῆς συζασεως αὐτῶν, *manifestum est, omnes hæreses occasionem habuisse ex ambitione & invidia hæresiarcharum*: ² THEOPHYLACTVS: φιλαρχία τῶν αἱρέσεων μήτηρ, *dominandi libido hæreseon mater est*: ³ confer IO. GVILIELMVMBAIERVM ⁴ & IO. FRAN-

¹ tom. I. opp. p. 292. ² quest. 4. p. 394. ³ in cap. V. ad Galatas p. 483. ⁴ dissert. de ambitione hæresium causa.

CISCVM BVDDEVM. ¹ quod si ita est, sicuti est, non mirum, Aristotelem tam praeue sensisse de deo, rebus diuinis; nulla tradidisse praecepta de cultu dei, ex ipsa mente eiecisse sensum & pietatem erga summum numen, ut ambitione captus singulari se ab aliis philosophis seiungeret. equidem libenti fateamur animo, quod errores ac speciatim atheismus etiam ex aliis causis possit gigni, nec quisque ambitione captus delabatur in tam crassam & pestiferam mentis conditionem, ut deum existere neget. deprehendimus enim quosdam ex ipsis antiquis philosophis, qui eodem animi vitio laborarunt, quamuis a plerisque immunes habeantur atheismi, ut ex exemplo PYTHAGORAE patet. namque si ipsius vitam inspiciamus penitus, multa sane indicia elati spiritu quodam philosophico animi obseruamus, quidquid alii dicant, de praeclara ejus humanitate & modestia; atheismus autem, cuius nonnulli illum adcurarunt, nullo nititur fundamento. sed vero quod ad Aristotelem adinet, ideo eius atheismum deriuamus ex ambitione, quod non solum constat, illum corrupisse mentem hocce vitio; sed etiam male iudicasse de deo ac doctrinam de ipsius cultu, quem & sana ratio iubet, reliquisse intactam.

§. VI. Solemnis est ars simulandi & dissimulandi hominibus ambitiosis, quod ita eleganter exprimi SALLUSTIVS: ² *ambitio*

¹ instit. theol. moral. Part. I. cap. 1. sect. 4. §. 60. de atheismo & superfl. cap. 4. §. 1. ² de coniur. catilin. cap. 10.

multos mortales falsos fieri subegit, aliud clausum in pectore, aliud promptum in lingua habere; qui & hæc habet de amicitia horum hominum; amicitias inimicitiasque non ex re, sed ex commodo æstimant, magisque vultum, quam ingenium bonum habent. idem fecit & Aristoteles, qui pectore suo nullum de deo habuit sensum, & quamvis nihil tradiderit de rebus diuinis, quod tanto ingenio esset dignum; in speciem tamen interdum contra atheos disputauit. sic insinuat philosophos sectæ Ionicæ, quod præter materiam nullum aliud principium rerum naturalium admiserint, ¹ quamvis exinde non pateat, quod & nullum deum, cuius haud fecerint mentionem, agnouerint. quapropter AUCTOR. obseru. Hal. ² dicit: *prodidit autem Aristoteles in eo maxime animum suum ad atheismum pronum ac procliuem, quod tantos contra atheos clamores excitet, ostentando quandam nugatoriam de deo notitiam, quæ tamen ab intimiori cognitione & perceptione remotissima fuit: qui enim deum non agnoscunt & licet firmissime sibi persuadeant, se deum credere, ac subtilissime contra atheos disputare possint, nihilominus pro atheis iure optimo venditantur.*

§. VII. Obseruauimus quoque in Aristotele animum voluptati traditum, cuius rei testimonium exhibemus EX DIOGENE LAERTIO, ³ qui EX ARISTIPPI libro primo de

¹ lib. 7. cap. 3. metaphysic.

² tom. VIII. obs. 10. §. 18.

³ lib. V. segm. 4.

antiquis deliciis tradit, ἐραδῆναι τὸν Ἀριστοτέλην παλλακίδος τῆς Ἑρμίας, *adamasse Aristotelem Hermiae concubinam*. qui & addit: τῇ δὲ συγχωρήσαντος, ἐγήμε τε αὐτὴν, καὶ ἔδωκεν ὑπερχαίρων τῷ γυναικί, ὡς Ἀθηναῖος τῇ Ἐλευσινίδι Δήμητρι. τῷ τε Ἑρμείᾳ Παιᾶνα ἔγραψεν, *quam ille quum sibi permisisset, duxisse eam, & gaudio elatum immolasse mulieri, ut Athenienses Eleusinae Cereri Hermiaeque pæana scripsisse*. quæ verba produnt omnino animum, in quo libido fuit non mediocris, siue pæana, siue carmen tantum panegyricum scripserit, de quo momento paullo post dicemus. atqui hæc indoles animi, quæ erat philosopho nostro, omnino fuit consentanea atheismo, atque efficit, ut modo formauerit se ad externam honestatis speciem; modo vero aperte pro corruptis animi studiis egerit.

§. VIII. Tandem ad vltima Aristotelis facta nos conuertamus, ex quibus nouum argumentum de moribus ipsius haud rectis, sed impiis petere possumus. sunt, qui ipsum adculant αὐτοχειρίας, cuius mortis autem, quam ipse sibi intulerit, duo eaque diuersa genera traduntur. alii Aristotelem cicutæ poculo hausto ex vita commigrasse dicunt, quo pertinent ex antiquis EVMELVS apud DIOGENEM LAERTIVM ¹ item HESYCHIUS, SVIDAS; ex recentioribus vero FRANCISCUS PATRITIVS, ² qui dicit; *perrexit ergo Athenis docere, usque ad sexagesimum secundum suæ ætatis annum, quo tempore ab Eu-*

¹ cit. loc. segm. 6,

² tom. I. lib. I. p. 9. d'scuss. Peripat.

Eurymedonte quodam hierophanta, vel sycophanta à *Cæliis*, i. e. impietatis est accusatus, eo scilicet, quod *Hermiæ* eunucho iam olim, veluti *Apollini* pæana cecinisset, ac *Pythiadi* uxori tanquam *Cereri* sacrificasset. itaque metuens, ne sibi tunc, quod olim *Socrati*, accideret; solum vertit, *Chalcidemque Euboæ* se recepit. dum vero *Chalcide* moratur, orationem in sui defensionem scripsit, eamque iudicibus transmissit. sed quum oratio ea ad iudices nihil profecisset, ad iudiciumque nihilominus vocaretur, cicutam bibere elegit, cuius succo XLIII. anno ante *Socrates* extinctus fuerat. cui adiungere possumus *IUSTVM LIPSIUM*:¹ cum XIII. annos, inquit, docuisset a morte *Alexandri*, impietatis accusatus ab *Eurymedonte sycophanta Chalcidem* profugit & poto aconito vita aufugit. alii autem adfirmant, quod se in *Euripum præcipitem* dederit, quod naturam eius causamque fluxus & refluxus assequi non potuerit. *CAELIVS RHODIGINVS*:² legimus quippe virum hunc (*Aristotelem*) *Euripi* septies die ac nocte reciprocantis naturam admiratum, causas altius secum librantem, quum minus voti compos euaderet, animi agitudine contraxisse morbum, ex quo non convaluerit amplius. sunt qui prodant in fretum dedisse præcipitem se præfatum elogium: quoniam *Aristoteles* non cepit *Euripum*, *Euripus* cepit *Aristotelem*. alii tantum tradunt *Aristotelem* magno pudore ac mentis mœrore, quod naturam *Euripi* cognoscere haud potuerit, occupatum e vita excessisse, ac momentum illud,

¹ ad Senecam de otio sapient. cap. 32. ² lectiō. antiqu. lib. XIX. cap. 2.

quod

quod se in mare coniecisset, haud adtingunt.
 sic IUSTINVS: ¹ ἔδὲ τὴν τῷ Ευρίπῃ φύσιν τῷ
 ὄντος ἐν χαλκίδι γινῶναι δυναθεῖς, διὰ πολλὴν ἀδο-
 ξίαν καὶ αἰσχύνειν λυπηθεῖς μετέστη τῷ βίῃ, *quum*
neque Euripi Chalcidici naturam cognoscere
posset, unde propter ingens probum & pudorem
in mærorem coniectus morte vitam commuta-
uit: & GREGORIUS NAZIANZENS ² ita
 adloquitur Iulianum: *laudas insuper in Ho-*
mero discendi amorem circa Arcadicam qua-
stionem & in Aristotele philosophiam & diuti-
nam moram ad reciprocos Euripi æstus, quibus
utroque occubuit.

§. VIII. Sed vero nec defunt, qui Ari-
 stotelem facinoris huius absoluunt, ac probare
 contendunt, ipsum morte naturali esse defun-
 ctum, quam in rem varia proferunt testimonia.
 etenim dicat DIONYSIVS *Halicarnassens*: ³
post Philippi obitum, Euenato prætorē, profe-
ctus Athenas Aristoteles scholas habuit duode-
cim annos in lyceo. decimo tertio autem, A-
lexandro mortuo, prætorē Cephisodono, Chalci-
dem migravit, ibique ex morbo decessit, quum
tres & sexaginta vixisset annos: cui adiun-
gunt APOLLADORVM, qui tradat apud
DIOGENEM LAERTIVM, ⁴ Aristotelem
quum tredecim annos in lyceo docuisset, Chalci-
dem anno tertio Olympiadis centesima quarta
decima perrexisset ibique morbo periisse, quum
esset annorum fere LXIII. item CENSORIVM
⁵ dicentem: *Aristotelem ferunt naturalem sto-*
machi infirmitatem crebrasq; morbili corporis

¹ cohort. ad gentes p. 34. ² erat. III. pag. 79. tom. I. opp.
³ epistola ad Antimum. ⁴ lib. V. segm. 10. ⁵ de die na-
 tala cap. XIII.

offensiones adeo virtute animi diu sustentasse, ut magis mirum sit ad annos LXIII. eum vitam pertulisse, quam ultro non protulisse. nec solum testimoniis hisce sese muniunt, quum Aristotelis causas perorent; sed & ipsas adculpationes remouere & quod illis nihil veri nec solidi quid insit, demonstrare elaborant. quod igitur ad priorem sententiam adtinet, Aristotelem cicutæ poculo hausto fuisse extinctum, obseruant, quod sua voluntate Athenis Chalcidem sese contulerit, nec statim tradiderit fugæ, sed posthac, quum defensionem suam nullum habuisse pondus, cognouerit. quo metu impulsus quum profugerit Athenis, ne a senatu cicutæ poculum bibere exemplum Socratis cogeretur, sane non esset simile vero, ipsum propria libidine incitatum hausisse venenum hacque ratione sibi adtulisse mortem: quid enim opus fuit solum vertere, & Athenis fugere, si voluntarie erat obiturus? annon ut in Eubæa, sic Athenis potare aconytum & vitam finire licebat? dicit GVARINVS Veronensis¹ adhuc monent, crimen, quo adculpatus fuerit, tanta pœna non esse dignum, siquidem veteres non solum in honorem deorum, sed etiam heroum & aliorum virorum pœnes scripserint, teste ATHENÆO: ² vnde miratur IVLIVS CAESAR SCALIGER: ³ quod Athenienses persecuti iudicio sint Aristotelem, quoniam in Hermiam, qui esset mortalis, tanquam in deum pœana condidisset, quum tamen etiam viris fortibus daretur id. quin etiam Aristoteles in Hermiam non pœana, sed carmen tan-

¹ *vita Aristot. pag. 54.*

² *Deipnosoph. lib. XV. cap. 16.*

³ *poetic. lib. I. cap. 44.*

tum panegyricum fecerit, auctore ATHE-
NAEO ¹ nec posteriorem sententiam gravio-
ris esse auctoritatis iudicant, quo de argumen-
to pluribus disseruit LILIENTHAL: ² adde
THOMAM STANLEIVM. ³

§. X. Quod Aristoteles cicutæ poculo hau-
sto se vita priuauerit, nulla veritatis specie ad-
firmari potest. num autem in mare se dede-
rit præcipitem, an minus, hac de re haud dis-
putabimus, id tantum probabili ratione ad-
firmantes, quod Aristoteles propter nimium
in cognoscendas res naturales studium vires
corporis fregerit, & singulari adfectus mæro-
re vita fuerit defunctus, confer PETRVM
BAELIVM. ⁴ atqui hoc mortis genus etiam
inter species *αὐτοχειρίας* potest referri. quid
multa? vixit Aristoteles, vt sensit. errores
ipsius sequebatur corruptio morum. sed hæc
sufficiant.

¹ cit. loco.
philos. p. 427.

² selectu historicu & litterar. p. 113.
⁴ voc. Aristot.

³ histori-

DIATRIBE
DE
ENTHUSIASMO
VETERVM SOPHI-
STARVM ATQVE
ORATORVM.

Σ Τ Ν Ο Ψ Ι Σ.

Differitur de arte & natura, quæ efficiunt oratorem
 §. I. quid & quotuplex sit entusiasmus §. II.
 III. de entusiasmo poetico §. IV. num eloquen-
 tiæ insit aliquid diuini §. V. exempla de enthu-
 siasmo veterum sophistarum in inuentione §.
 VI. quæ confirmantur per testimonia §. VII.
 & illustrantur ex adpellatione diuinitatem signi-
 ficante illorum §. VIII. de ipsorum entusiasmo
 in actione §. VIII. X. antequam instituitur iu-
 dicium de hoc entusiasmo, obseruatur primum,
 quod non omnes huic sententiæ addicti fuerint §.
 XI. deinde multi de oratoribus differentes for-
 mulis, quæ diuinitatem significant, veluti translatis
 utantur §. XII. fundamentum entusiasmi de-
 monstratur partim ratione ipsorum oratorum,
 quorum nonnulli ex animo per creditum cum
 demonibus commercium, talem sibi persuaserint
 §. XIII. XIV. XV. XVI. nonnulli autem simu-
 late per fraudes & fallacias istum præ se tuler-
 rint §. XVII. XVIII. XVIII. partim ratione
 auditorum aliorumque, qui crediderunt, diuino
 adflatu esse incitatos oratores. hæc persuasio de-
 ducitur ex vi oratoria §. XX. partim ratione
 ipsarum orationum, per quas elaborarunt in in-
 tellectu admirationem §. XXI. XXII. XXIII.
 XXIII. in voluntate vero cum delectationem §.
 XXV. XXVI. XXVII. cum stuporem & vehe-
 mentiam motus §. XXVIII. XXVIII. XXX.
 XXXI. XXXII. XXXIII. partim ratione indolis
 auditorum §. XXXIII.

IN vtramque partem disputatum fuit, num
 naturæ atque ingenii dotes, an artis præce-
 pta magis valeant ad facultatem copiamque
 dicendi? quo momento quondam opinio-
 num

num diuersitatem fuisse deprehendimus. extiterunt quippe, qui benigniori naturæ eiusdemque muneribus, si non omnia, plurima tamen, quæ disertus atque eloquens homo præstat, accepta retulerunt, quæ sententia fuit ex verustioribus SEXTO EMPIRICO, & qui ipsum sequitur ætate recentiori, ROLANDO MARELIO. qui quum opinionem hanc præcipue auctoritate exemplorum cum DEMOSTHENIS, tum ANTONII, qui eloquentiæ summam laudem & mirificam existimationem habebant, confirmauerit, illis commemoratis, hæc addidit: *itaque ut quis disertus euadat, non multum meo iudicio in istis rhetoricæ præceptis, quæ sunt infinita, se torquebit; sed quum erit communi illa eruditione imbutus, quæ in artibus ingenuis consistit, & philosophiam, præcipue moralem attigerit, quas Socraticas chartas appellat Horatius, tum demum frequenter se in dicendo & scribendo exerceat. exercitatio enim, quod potentissimum discendi genus vocat Quintilianus, sine multis præceptis aliquem eloquentiæ usum afferet ei, modo indolem habeat, & naturam ad eam idoneam, quæ præcipue hic multum valet.*¹ sic quoque nonnulli existimarunt, speciatim sublime dicendi genus, & id quod in oratione sit grande & magnificum, ad nullas artis regulas posse reuocari, auctore DIONYSIO LONGINO,² qui autem alio loco³ id tulit hac de re iudicium: *προσέχει δὲ, μεγαλοφύτους βοήθημα τῇ φύσει προέχουσαν τὴν τέχνην, præstat autem, uti ad perficiendam orationis grandita-*

¹ epist. philolog. lib. II. epist. 51. ² περὶ ὑψηλῆς, lib. II. ³ ibid. sect. XXXIII.

tem ars naturæ succurrat. quumque poësis genus quoddam eloquentiæ constituit, huc quoque ea possunt transferri, quæ de ista eiusque cultura differit HORATIVS; ¹

natura fieret laudabile carmen, an arte?

quæsitum est. ego nec studium sine diuite vena,

nec rude quid profit, video, ingenium: alterius sic

altera poscit opem res, & coniurat amice; quæ sententia suis munita est argumentis. pro ut enim omnis habitus, siue corporis sit siue animi, industria & actionibus sæpius susceptis a nobis comparantur; sic vt talis constans & facilis aliqua in re perfectio gignatur, necesse est, facultatem habitus a natura habere, adeo vt qui ingenio minus valet, nihil præclari in litterarum studiis possit præstare. varia autem scientiarum sunt genera, ad quas non quodvis ingenium promiscue aptum est, sed pro diversitate materiarum, in quibus versantur, sibi semper conuenientem intellectus humani indolem postulant, si ipsarum cultura suos ferre debeat fructus, quippe quæ facile ad eloquentiæ disciplinas possunt adplicari. ac quamuis minus negauerim, quod quis singulari ingenii excellentia conspicuus, per diligentiam assiduamque exercitationem, vel sine artis cognitione effici possit eloquens; huiusmodi tamen via ad suscipiendam studiorum eloquentiæ rationem multis circumsepta est difficultatibus. quapropter melius omnino consulunt sibi, qui quum mentem eloquentiæ consecrauerint, non solum ea, quæ beneficio naturæ

¹ de arte poetica v. 407. seqq.

bona habent, per doctrinam ac præcepta reddunt meliora, & quæ non optima, aliquo modo acuunt & corrigunt; sed & exercitia ad artis regulas, easque breues, perspicuas & firmas adcommodant. nam si genuinam ac veram eloquentiæ indolem, qua naturali cursu omnia fluunt, quæ cogitationes sensusque atque affectus animi accurate ac pro ratione materiæ & personarum eleganter sese produnt, spectamus, illa haud multa admittit præcepta, quin etiam id, quod in oratione quadam pulcrum est, multis regulis determinari ac definiri haud posse existimamus. nec iis de causis a sententia ROLANDI MARESII sumus alieni, quod exercitationi plurimum temporis atque industriæ sit relinquendum, si modo ingenium eloquentiæ natum ad breuia solidaque institutum fuerit præcepta, adeo ut si rem ipsam inspiciamus penitus, censeamus, disceptationem illam naturane potius an arte constet dicendi facultas? esse nullius momenti, quoniam, utrumque coniungendum est. num autem aliquis, qui mentem suam litteris hisce excolit, generatim plus debeat naturæ, an doctrinæ vindicare? id per diuersitatem cum ingeniorum tum præceptorum curatius definiri non potest.

§. II. Sic natura & ars efficiunt oratorem, sed veteres artis oratoriæ magistri atque auctores θεῶν τι, *aliquid diuini* quoque eloquentiæ inesse crediderunt, ac persuaserunt sibi, deos quoque oratoribus, quum declamarent, præsto esse, eoque haud obscure significarunt, quod summa dicendi facultas ac laus non solum a benignitate naturæ ac doctrinæ elegan-

tia: sed & singulari diuina ope sit petenda. quo spectat veterum sophistarum atque oratorum enthusiasmus, cuius rationem ex antiquis monumentis explicare, etiam diiudicare, nobis est in animo, quod argumentum vt aperte exponamus, non ab re erit ea, qua fieri potest, breuitate de ipso enthusiasmo præfari. atqui vox *enthusiasmi* aliquid cæleste ac diuinum indicare videtur. ἐνθεος enim siue ἐνθεος eum significat, qui numine quodam agitur & recepto, vt SENECA dicit, furit deo, vide HENRICVM STEPHANVM: ¹ sic MOSES apud PHILONEM ² ἐνθεος αὐτίκα γινέσθαι, προφητικῷ πνεύματος ἐπιφοιτήσαντος, numine corripitur illico, spiritu prophetico ipsum afflante; & ab EVSEBIO ³ Seruator noster vocatur ἐνθεος καὶ ἁγάνιος λόγος, Deo plenum & cæleste verbum; sancti autem prophetæ a THEOPHYLACTO ⁴ adpellantur ἐνθεοὶ προφηταί, Deo pleni propheta. hinc etiam SVIDAS ⁵ nomen hoc ita interpretatur: τεθεοφορημένος. ἐνθεοῦ συναιολιφῇ δὲ τῷ ἐνθεοῦ, a numine agitur, numine aliquo afflatus. fanaticus. per synalæphen vero ἐνθεος dicitur pro ἐνθεος. * ab hac voce ἐνθεος ortum est verbum ἐνθεοσιάζειν, diuino adflatu incitari, & hinc nomen ἐνθεοσιασμός, adflatus instinctuque diuinus, cuius vsus apud PLATONEM eiusdemque sectatores frequens est, adeo vt vox *enthusiasmi* vi primæ originis bonam præ se habeat significationem. etenim notat adflatum & instinctum diuinum, per quem homo Deo plenus redditur; siue

¹ thesaur. grac. lingua tom. I pag. 1531. ² vita Moysi libr. I. pag. 499. ³ histor. eccles. lib. I. cap. 4. ⁴ comm. in I. Cor. XI. conser SVICERVM thesaur. eccles. tom. I. pag. 1117. ⁵ lexic. part. I. p. 748.

generatim motum in mortalium animis, qui a vi quadam atque operatione diuina proficiscitur; speciatim vero modo tantum intellectus lucem diuinam, quo nomine etiam HESYCHIVS ¹ & SVIDAS ² hanc vocem explicant: ὅταν ἡ ψυχὴ ὅλη ἐλλάμπηται ὑπὸ τοῦ Θεοῦ, *quando tota anima illuminatur a Deo*; modo etiam simul motum voluntatis atque ipsius adfectum. at vero quamuis notio hæc sit bona; vetustiori tamen, ac inprimis recentiori ævo voci huic eiusmodi quoque significatio adtributa fuit, vt aliquid mali contineat atque indicet. nam profani auctores interdum nomine hoc ea vtuntur sententia, vt significet insaniam, & ἐνθουσιάζειν idem sit ac μανίαν ἔχειν, id quod inde ortum esse, nonnulli existimant, quod paganorum vates, quum ederent oracula, quendam furorem præ se ferebant. ** ac quem fugiat, nostro tempore enthusiasmum significare eiusmodi mentis vitium, quo quis facultate iudicii destitutus, magna autem vi imaginationis præditus varios diuinos motus cum in intellectu tum voluntate, quamuis aut fictitii sint ac commentitii, aut a causis in natura rerum stabilitis proficiscantur aut malo dæmoni suam debeant originem, sibi persuadet? quem motum animi interdum quoque corporis commotio sequitur, vt ex historiarum monumentis, quibus res ab enthusiastis gestæ traduntur, satis clare patet; etiam diuinis vatibus sub priori fœdere ita contigit, vt quum ipsorum animum ad saluberrimas doctrinas Deus instrueret, corpora quoque mo-

¹ lexic. p. 329.² lex. tom. I. p. 748.

tu adficerentur, cuius rei documento esse possunt SAVL AC DANIEL I ***

* vox ἡθις in scripturis sacris non deprehenditur, quamvis aliæ dicendi formulæ ibi sint, quibus idem significatur. sic de scriptoribus θεοπνεύστοις dicitur, quod locuti fuerint *φερόμενοι ὑπὸ πνεύματος ἁγίου* 2. Petr. I. v. 21. de Elisabetha *ἐπλήθη πνεύματος ἁγίου*, Luc. I v. 41. de Zacharia *ἐπλήθη πνεύματος ἁγίου καὶ προφῆτευσεν*. v. 67. & de Stephano, quod fuerit *πλήρης πνεύματος ἁγίου*, act. VII. 55. ac PAULVS pro Ephesiis ita precatur, *ὡς πᾶν τὸ πλήρωμα τοῦ Θεοῦ*, Ephes III. 19. vid. venerandi IO. FRANCISCI BVODEI instit. theol. moral. part. I. cap. I. sect. V. §. 17. not.

** apud scriptores & doctores ecclesiæ dicuntur homines vi mali dæmonis agitari *ἐνθουσιασάμενοι* ut patet ex adpellatione hæreticorum Messalinorum. de quibus legi possunt THEODOR. hist. eccles. l. III. c. II. & HARMENOPVLVS de sectis sect. 18. adde ADAMI RECHENBERGII hierol. reale. pag 520.

*** disputatum est, num ecstasi enthusiasmi notio respondeat? sunt, qui has voces earumque significationes perturbant; alii vero inter ecstasin atque enthusiasmum magnum constituunt discrimen, ac per ecstasin intelligunt eiusmodi hominum conditionem, quum mente ita sint incitati, ut omnis sensuum externorum vis debilitata, fracta, immo penitus sublata videatur. nomen enim *ecstaseos* a verbo *ἐξέρχου*, id est, *ex loco ac statione sua dimoueri*, ortum est. de cetero negari non potest, quod enthusiasmus interdum, dicatur ecstasis, quodue etiam illi, quibus contingit enthusiasmus, in ecstasin raptantur,

1. 1. Sam. XVIII, 24. Dan. VII, 28.

11

saltem

saltem, rapi sibi videantur. confer MARTINVM SCHOOKIUM de ecstasi, & quæ præter alios collegit THOM. GRENIVS animadvers. philol. p. III. c. 3. §. 10.

§. III. Varia enthusiasmi genera ponuntur a scriptoribus cum profanis tum christianis. quod ad paganos attinet, PLATO inprimis ac PLUTARCHVS hac de re disputarunt, quorum ille ¹ quatuor constituit species, *μανίαν* *μαντικήν*, *furorem diuinatorium*, quem Apollini; *τελεσιικήν*, *bacchicum* siue mysticum, quem Dionysio; *ποιητικήν*, *poëticum*, quem musis & *ἔρωτικήν*, *amatorium*. quem *ἀγρίην* vocauit, Venerique atque amoris acceptum retulit: hic ² vero quinque genera commemorat, *diuinatorium*, *corybanticum*, *poëticum*, *bellicum* & *amatorium*. atqui inter auctores christianæ professionis præcipue est MERICVS CASAVBONVS, ³ qui quum enthusiasmum diuidere instituisset in *naturalem* & *supernaturalem*, de isto singulari industria tractat, atque octo illius genera ponit, quorum primum complectitur enthusiasmum *philosophicum*; secundum *rhetoricum*; tertium *poëticum*; quartum *supplicatorium*; quintum *musicum*; sextum *martialem* siue *bellicum*; septimum *amatorium*, & octauum *mechanicum*. HOORNBECKIVS ⁴ existimat, alium enthusiasmum esse *bonum*, qui originem suam trahat a virtute atque operatione diuina; alium vero *malum*, quem pessimus spiritus auctorque malitiæ hominum, vel propria mentis imbecillitas efficiant. præter quos adhuc mentionem facimus HENNINGII

¹ Phædro p. 352. ² amator. p. 758. ³ de enthusiasmo cap. I. pag. 12. ⁴ summ. contron. lib. VI. p. 378.

IO. GERDESII, ¹ qui diuidit enthuſiaſmum in *verum & fictitium*: *verum* iterum in *naturalem*, qui ſit hominis nunc ſani, nunc morbo laborantis; *praternaturalem & ſupernaturalem*, vt de aliis taceamus. ac quamuis nobis haud ſit in animo, in huiusmodi genera, num recte, bene & ex ordine ſint poſita, inquirere; illud tamen obſeruamus, ſcriptores poſteriores mentem ad ipſam vocis huius notionem haud aduertiffe, quin etiam varias illius ſignificationes ſimul admiffiſſe. nam antequam de generibus enthuſiaſmi diſpiciamus, neceſſe eſt, vt momentum ſignificationis, num bona, an mala eſſe debeat, ſit expeditum, quo expoſito, de firmo ſolidoque diuiſionis fundamento ſollicitum eſſe decet. ſic alia ratione enthuſiaſmi ſpecies conſtituere debemus, quando iſte adflatus atque inſtinctum vere diuinum ſignificat; alio vero modo, ſi talis adflatus haud cæleſtis, ſed fictus eſt & commentitiuſ, in quo numero omnia enthuſiaſmi genera apud homines paganos celebrata habenda eſſe cenſemus, quæ iterum pro diuerſitate rerum, in quibus verſantur, etiam cauſarum, a quibus pendent, in multas diffunduntur formas. ſed tamen alienum eſſet a propoſito diſſertationis argumento, copioſe atque vberius hac de re diſputare, præcipue quum iſtam alii nobiliſſima atque ampliſſima induſtria iam ſint perſecuti, MERICVS CASAUBONVS, ² HENRICVS MORVS, ³ IO. LOCKIUS, ⁴ HENNINGIUS IO. GERDESIUS, ⁵ IO. FRANCISCVS BVD-

¹ de enthuſiaſmo cap. I § 5. ² de enthuſiaſmo. ³ de enthuſiaſmo triumphato tom. II. opp. phil. p. 188. ⁴ de intellectu humane lib. III. c. 19. ⁵ ſchediaſ. de enthuſiaſmo.

DEVS, ¹ MICHAEL GOTTLIEB HAN-
SCHIVS ²

§. IV. Sufficiat, breuiter ea attigisse, quæ
dissertationi lucem quamdam præferunt, qui-
bus expositis, ad ipsum argumentum expli-
candum conuertimur, id quod quum præsta-
re instituamus, operæ pretium erit, enthusias-
mum quoque poeticum, * inter quem & ora-
torium magna est similitudo, paucis ex antiquæ
ætatis monumentis illustrare. ex scientiarum
disciplinis, quibus veteres pretium aliquod
posuerunt iisque excoluerunt mentes, poësis
præcipue fuit, cui aliquid diuinitatis inditum
esse, fabulosa credidit ætas, cuius auctores sæpe
numero commercia cum diis, atque illorum
adflatum animique cis & trans rationem vehe-
mentiore impetum finxerunt. hinc NA-
SO ³ canit:

*est Deus in nobis; & sunt commercia cali.
sedibus ætheriis spiritus ille venit.*

item: ⁴

*est Deus in nobis: agitante calescimus illo.
impetus hic sacra semina mentis habet.*

& HORATIVS: ⁵

*quo me, Bacche, rapis tui
plenum? quæ in nemora, aut quos agar in
specus,
velox mente noua?*

quibus verbis satis aperte significat poeta, sibi
esse propositum, Bacchi numine plenum ac
mente concitatum Augusti laudes celebrare,

¹ instit. theol. mor. part. I. c. I. sect. 5. §. 17. seq. thesib. de atheismo.
& superstit. cap. II. §. 5. ² de entusiasmo Platonico sect. 1. 2.
³ de arte amandi lib. III. v. 549. ⁴ lib. VI. v. 5. seq. ⁵ lib.
III. od. 25. v. 1. seqq.

ac quidem nouo carminis genere, lyrico quippe, quod excogitasse, ipse sibi gloriæ ducit, ex quo etiam patet, cur alio loco ¹ ita scribat:

male sanos

adscriptit Liber Satyris Faunisque poëtas.

nec solum ipsi carminum auctores de tali instinctu diuino sunt gloriati; sed & alii pagani scriptores idem tradiderunt, siquidem quum APOLLONIVS RHODIVS ² principium operis sui his verbis facit:

*Αρχόμενος σέο Φοῖβε, παλαιγενέων κλέα Φωίων
μνήσομαι,*

*tuis Phœbe auspiciis viros veteres eosque
fama claros*

memorabo;

obseruat scholiastes: παραπλησίως γὰρ τοῖς μαυνομένοις οἱ ποιηταὶ ἐνθουσιῶσιν, *ad exemplum fere insanorum poëta diuinitus commouentur*: EV-MOLPVs apud PETRONIVM ³ de arte poëtica differit, eiusque & hoc constituit præceptum: *præcipitandus est liber spiritus, ut potius furentis animi vaticinatio adpareat*; & CICERO: ⁴ *sepe audiui, poëtam bonum neminem, (id quod a Democrito & Platone in scriptis relictum esse dicunt) sine inflammatione animorum exstere posse, & sine quodam afflatu quasi furoris.* ** sic poëtarum natio diuinitus incitata credebatur, qui carmina sua non sine cælesti aliquo mentis instinctu fundarent, nec solum ab Apolline musisque, sed & Baccho ac Venere multa ad versus scribendos haberent adiumenta. quumue PLATO, ut ex superioribus constat, quatuor τῆς θεῆας μα-

¹ lib. I. epist. 19. v. 5. ² argonaut. lib. I. v. 1. ³ satir. cap. 118. ⁴ de oratore lib. II, c. 46.

ulas constituit species, & primam quidem Apollini refert acceptam, ex qua vaticinia credit pendere; secundam Baccho, ex qua mysteria; tertiam musis, vnde poëticum accersit impetum; quartam denique Veneri, vnde vim amatoriam; hæc omnia furoris genera poëta sibi vindicant. namque per Apollinem & musas motus illi intelligi possunt, quibus adficatur animus ipsiusque facultas ad operationes sibi consentaneas excitatur, si quidem Apollo non solum fatidicis, vt existimat PLATO, sed & poëtis præsidebat, cuius fabulæ interpretationem HORATIVS ¹ confirmat, qui se epico carmini minus aptum esse arbitratur atque ita disserit:

*Phæbus volentem prælia me loqui,
victas & vrbes, increpuit lyra:
ne parua Tyrrhenum per aquor
vela darem.*

Bacchum autem poëta in societatem suorum deorum ideo adscripserunt, quoniam præses erat vini. quod magnam vim ad ingenium poëticum, nunc excitandum atque inflammandum, nunc vehementius acuendum habere sibi persuadebant, vt testatur CRATIVS poëta comicus apud HORATIVM: ²

*nulla placere diu, nec vinere carmina possunt,
quæ scribuntur aqua potoribus;*

& PROPERTIVS; ³

*quod superest vitæ, per te & tua cornua vi-
uam,
virtutisque tuæ, Bacche, poëta ferar.*

¹ lib. III. od. 15. v. 11. seqq. ² lib. I. epig. 19. v. 2. ³ lib. III. eleg. 15.

adde ANACREONTEM ¹ GYRALDVM. ***

² ac tandem furor quoque Veneris carminum auctoribus attribuitur, quoniam nullum fere poetam inuenimus, qui arti poeticae satisfecisse sibi videtur, nisi ingenium in argumento amorem spectante exercuerit, quamuis ipsius animus a tali cupiditate ac libidine minus regatur. hanc igitur interpretationem fabularum si sequamur, enthusiasmus poeticus, quem veteres præ se tulerunt, plane corruit, nec quidquam, quando rem ipsam contemplamur, de religione & sacris paganis continet. sed tamen quod & hæc antiquiorum fuerit vna mens, id penitus adfirmari non potest, quin etiam fuerunt, qui deorum adflatum atque instinctum sibi obtigisse, omnino existimarunt, id quod ex iis, quæ paullo post dicemus, apertum & manifestum erit. qui plura hoc de argumento desiderant, illi adire possunt PETITVM ³ CASAUBONVM, ⁴ GERH. IO. VOSSIVM, ⁵ GEORG. DANIEL. MORHOFIVM, ⁶ GISEBERTVM CUPERVM, ⁷ OLAVM BORRICHIVM, ⁸ MICHAELEM GOTTLIEB HANSCHIVM. ⁹

* hic enthusiasmus poeticus sæpius quoque appellatur *furor poeticus*. FLATO ipse enthusiasmum dixit *μανία*, *furorem*, quæ vox quamvis sit horridior, benefica tamen explicatione mitiganda: hinc etiam addidit: *θεία*, adeoque significauit, non vnum esse furoris ge-

¹ ed. 39. conf. interpretis galli LONGEPIERRE obseruat. p. 280.
² de poetar. hist. dial. VI. opp. t. II p. 245. ³ dissert. de furore poetico. præmiss. poemat. selectu. ⁴ de enthusiasmo cap. 5. p. 134.
⁵ de arte poet. cap. 12. ⁶ orat. de enthusias. seu furore poetico. in dissert. acad. n. III. p. 71. sqq. ⁷ obseruat. lib. III. c. 12. p. 304.
⁸ dissert. seu orat. acad. part. I. n. 6. p. 247. ⁹ de enthusiasmo Platonic. sect. II. § 10 sqq.

nus. fatidici enim quive oracula edebant, ac poëtæ interdum speciem furoris præ se ferebant. sunt. qui furorem poëticum ita explicant, vt maxime ad ὄρμηϊ ἐκστατικὴν adcedat; momenta autem enthufiasmi atque ecstaseos non sunt perturbanda, etiam ex veterum sententia.

- ** huc quoque pertinent poëtarum formulæ inuocandi deos deasque, de quibus SCALIGER lib. V. 17. poëtic. differit. poëtæ christiani inuocabant spiritum sanctum, vt patet ex extremo præfationis IUVENCI:

*ergo age, sanctificus adsit mihi carminis au-
ctor*

*Spiritus, & puro mentem riget amne canentis
dulcis Iordanis, vt Christo digna loquamur.*

- *** ob hanc causam poëtæ hedera ac lauro coronati fuerunt, vid. BORREMANNIUM de poëtis & proph. p. 24. seqq. exempla autem poëtarum recentioris ætatis, quos vinum maxime delectauit, collecta deprehendimus obseruationibus ad IO. BURC. MENCKENII declamat. de charlat. erud. p. 139.

§. V. Ceterum hæc, quæ de enthufiasmo poëtico disputauimus, magnam lucem nobis præferre possunt, quum iam animum ad veteres sophistas atque oratores conuertere instituamus. atqui si eruditæ antiquitatis monumenta perlustramus, nobis ista tradunt, quod multi non solum arti oratoriæ quidquam diuini insitum esse crediderint, sed & oratores quemdam numinis adflatum sæpius sibi adtribuerint, etiam ab alijs; veluti diuino concitati instinctu fuerint habiti. sic APOLLO-NIVS interrogatus a *Telesino*: τίς δὲ ἡ σοφία; *quæ vero sapientia est?* respondit: διασμός, καὶ

ὡς ἂν τις θεός ἐν χορῷ, καὶ θεοὶ, *diuinus instinctus; & ut diis fundenda preces sacraque facienda sint, docens, teste PHILOSTRATO.* ¹ ac quamuis per hanc sapientiam intelligi posse videatur ipsum philosophiæ studium, præcipue quum APOLLONIVS & alio loco a PHILOSTRATO ² dicatur, θεώτερον, ἢ ὁ Πυθαγόρας τῇ σοφίᾳ προσελθεῖν, *artem tamen eloquentiæ, cuius multa dedit documenta, etiam hac sapientia contineri, probabili ratione adfirmamus.* ³ nec recentiori ætate defuerunt, qui disciplinæ oratoriæ quidquam diuini inesse sibi persuaferunt, prout apud DANIELEM GEORGIVM MORHOVIUM ³ hæc legimus: *quis non in oratoribus aliquid diuini agnoscat? neque enim artem hanc e sophistarum palaestris natam existimemus. maius quid in illa elucet, erectum, gloriosum, quod ipsos animos expugnet, præclarumque rebus diuinis suppeditet instrumentum. non sunt e magistris hominibus æstimandæ artes: diuinæ illæ sunt, æternæ, atque ex eodem fonte derivatæ, vnde olim in apostolorum animos effundebantur: etsi hæc omnibus numeris absolutæ. præcepta, quæ a magistris successu seculorum congesta sunt veritati & naturæ conformia, hos natales loquuntur. quare ad diuinos vsus adhibeamus, quæ diuina sunt, & quæ e veritatis quasi vtero obstetricias manus admouentes magistri in lucem protulere. verum illud eloquentiæ ὕψος in spiritu & impetu est. quæ opinio hominis christianæ professionis quamuis saniozem ac mitiorem adinittat interpre-*

¹ vita Apollon. lib. III. cap. 40.

² iisd. lib. I. cap. 2.

³ polyb. liter. lib. 1. c. 12. §. 9.

rationem, quam ista, cui pagani auctores erant addicti; suo tamen destituta est fundamento, vt ex dicendis patebit clarius.

* eloquentia etiam a græcis dicitur σοφία. sic PAVLLVS scribit epist. I. ad Corinth. I. v. 17. se non tradere doctrinam euangelii *ἐν σοφίᾳ λόγῳ* quæ verba ERASMVVS interpretatur per *sermone[m] fucatum*, & paullo post c. II. v. 4. dicit: *ὁ λόγος μὲν καὶ τὸ κήρυγμά μὲν ἐκ ἐκείνων τοῦ αἰθέρου πνεύματος σοφίας λόγοις*, i. e. *in sermonibus eloquentiæ humanæ ad persuasionem compositis*, quæ respiciunt artem oratoriam veterum sophistarum, cuius finis erat τὸ περᾶν, siue fucum facere.

§. VI. Quod ad ipsos sophistas atque oratores adtinet, fuerunt, qui primum in inuentione & elocutione cum sibi ipsis, tum aliis videbantur adflatu diuino incitati. de ÆSCHINE scribit PHILOSTRATVS: ¹ τὸ θεῖως λέγειν ἔπω μὲν ἐπεχωρίασε σοφιστῶν σπαρδαῖς, ἀπ' Αἰσχίνης δ' ἤρξατο, θεοφορήτων ὁρμῇ ἀποσχεδιάζοντος, ὥσπερ εἰ τὰς χρησμὸν ἀναπνέοντες, diuine dicere sophistarum dissertationibus adeo frequens non erat. ab Æschine igitur initium dedit, qui diuino impetu extemporaneam orationem fundebat, perinde atque illi, qui oracula spirant; quibus verbis auctor minime significat, Aeschinem fuisse primum, cui laus orationis ex tempore recitatæ sit vindicata, sed primum hanc eloquentiæ rationem coluisse atque τὸ θεῖως λέγειν vsurpasse in αὐτοσχεδίοις hinc & de eo SVIDAS: πρῶτος δὲ πάντων τὸ ΘΕΙΩΣ λέγειν ἤσκησε, διὰ τὸ σκεδιάζειν ὡς ΕΝΘΟΤΣΙΩΝ. idem PHILOSTRATVS ² tradit

¹ de vit. sophistar. lib. I. n. 18. §. 3.

² de vit. sophistar. lib. I.

n. 25. §. 3.

de ANTONIO POLEMONE, ipsum orationis cuiusdam auspiciū fecisse ab eo, quod non *sine numine hic, quo iam feratur, impetus* sibi obtigerit: & LONGINVS ¹ de DEMOSTHENE producto quodam ipsius loco, ita scribit: καὶ ὁμοῦ ἐμπνευθεὶς ἐξαίφνης ὑπὸ θεῶν, καὶ οἷον ἐφοβόλητος γενόμενος, *tanquam derепente a deo inspiratus ac veluti adflatus Phœbi numine*; quumque de eiusdem oratoris consummata eloquentiæ virtute ac gravitate disputat, addit: ² ταῦτα Φημι ὡς θεόπεμπτά τινα δορῆμαλα. ἔγὰρ εἰπεῖν θεμίστον ἀνθρώπινον. *hæc censeo tanquam diuinitus immissa quædam dona, humana enim dicere, nefas*. sic etiam AELIVS ARISTIDES, sophista apud Smyrnenſes disertus ac suavis ipse profitetur, se per somnia & diuinas voces sæpius repetitas inuitatum fuisse ad eloquentiæ studium, idque tanto cum successu coluisse, vt omnes oratoris virtutes se vnum tenuisse, ³ etiam multis creditum, se Socratis, Platonis, Thucydidis & Demosthenis facultatem vel adsequi, ⁴ vel superare ⁵ ipse aperte fateatur: confer IO. ALBERTVM FABRICIVM. ⁶ at vero non solum vindicarunt sibi adflatum numinis cuiusdam generatim ac plerumque speciatim Phœbi, qui sapientiæ deus erat ac musarum præses; sed & gloriati sunt de instinctu quodam Bacchi, ac furorem Bacchicum, præ se habuerunt. quo nomine vox βακχεία interdum eiusdem est significationis, ac ἐνθουσιασμός, quamuis speciatim adflatum a Baccho βάκχοις & βάκχαις, si-

¹ καὶ ὁμοῦ scilicet. 15.² ib. scilicet. 31.³ corn. III. p. 706.⁴ orat. 4. sacra tom. I. p. 573.⁵ ib. p. 576.⁶ bibl. grac.

lib. III. c. 30. n. 4.

ue viris & mulieribus sacra ipsius, quæ *orgia* dicebantur, celebrantibus immissum significet. cuiusmodi instinctus exemplum exhibet NIGETES, sophista quoue præceptore vsus fuit PLINIVS iunior, siquidem de eo PHILOSTRATVS ¹ memoriæ prodidit: ἡ δὲ ἰδέα τῶν λόγων τῷ μὲν ἀρχαίᾳ καὶ πολιτικῇ ἀποδίδωκεν ὑπόβαλλος γὰρ, καὶ διδυραμβώδης, eius porro dicendi genus ab antiquo ciuilique recessit: *Bacchi enim quasi numine agitur & dithyrambos canit.* namque solemne erat sophistis, verba adhibere ad tumorem non sine cura composita, cuiusmodi tumida oratione præcipue vsus est GORGIAS *Leontinus*, in quo dicendi genus maxime turgidum multi ex veteribus notarunt. neque vero non per poësin factum est, vt sophistarum dictio esset tam tumida, qui stilo poëtico diligenter erant dediti, eumque in oratione soluta in speciem splendidæ & diuiniore eloquentiæ adhibebant vitiose. ex quo tumore magnificis illis sonis & strepitu alia, quæ prorsus sunt contemnenda, consequebantur, compositiones quippe *dithyrambica*, quæ stilum tumidum & plenum numerorum, compositarum ac nouarum vocum præ se habebant: idque est orationis vitium, quod CICERO vocat insulsitatem, quamue velut insaniam sermonis reiicit, ad quod proxime accedit βακχεία & παρὶν-δυσσος, quam adpellationem adhibet THEODORVS apud LONGINVM, ² quia videlicet non cuiusuis est, thyrsum sumere, sed eius tantum, qui Bacchi numine instinctus rapiatur, vt TANAQVILLVS FABER ³ vocem hanc in-

¹ de vit. sophistar. lib. I. n. 19. §. 1. ² scilicet, 2. ³ obseru. ad Longinum p. 161.

terpretatur; confer IULIVM CAESAREM. SCALGEREM, ¹ GERH. IO. VOSSIVM, ² LVDOVICVM GRESOLLIVM. ³ exemplum autem huiusmodi *Niceta βακχείας* commemorat PHILOSTRATVS, ⁴ quod Ionicus quidem adolescens, præsente sophista ISAE O, Niceta de Xerxe magnifice dictum hoc: *ἐν τῆς βασιλείας τῆς Ἀργίνας ἀναδησώμεθα*, laudauerit, ubi eleganter obseruat GOTTFRIED OLEARIVS, ⁵ quod Nicetes videatur declamatione quadam Xerxis in Salaminiano sinu descripsisse stationem, atque vt prætoriae navis ad Aeginam insulam molem veluti vastissimam, quamvis non adeo magna fuerit, proponeret, dixisse, *insulam naui esse alligandam*, quum alias alligetur navis insulae. adde exemplum THEMISTII ⁶ entusiasmum quoque oratorium spectans.

§. VII. Sed præter hæc exempla, quæ attigimus breuiter, etiam testimonia, ex priscae ætatis monimentis deprompta proferre, atque per illorum auctoritatem adflatum numinis, quem veteres sophistæ persuadebant sibi, confirmare possumus. atqui hæc est virtus, quam PLATO ⁷ orationi virorum πολιτικῶν imprimis necessariam esse adfirmat, quos vult θεῖος τε εἶναι καὶ ἐνθεσιασάζειν, ἐκίπνυς ὄντας καὶ κατεχομένους ἐκ θεῶν, ὅταν καλορθῶσι λέγοντες πολλὰ καὶ μεγάλα πράγματα. sic & CALLISTRATVS: ⁸ ποιητῶν καὶ λογοποιῶν πνεύναι τέχνη, ἐπὶ ταῖς γλῶττις ἐκ θεῶν θεασμὸς πεσόντος, poetarum &

¹ poetic. lib. I. c. 46. ² Instit. orator. lib. VI. c. 4. ³ theat. rhetor. lib. III. cap. 22. ⁴ de vit. sophist. lib. I. n. 20. §. 2. ⁵ obferu. ad Philostrat. c. I. p. 513. ⁶ orat. I. c. XIII. ⁷ in Menone p. 24. ⁸ in Bacch. statnam p. 891. ed. Olearii apud Philostrat.

*oratorum artes animantur, diuinitus in linguas quodam incidente adflatu: & SENECA*¹ *dicit: non potest grande aliquid & supra ceteros loqui, nisi mota mens. quum vulgaria & solita contempsit, instinctuque sacro surrexit excelsior, tunc demum aliquid cecinit grandius ore mortali. non potest sublime quidquam & in arduo positum contingere, quamdiu apud se est. desciscat oportet a solito & efferratur & mordeat frenos & rectorem rapiat suum eoque ferat, quo per se timuisset ascendere. quæ verba aperte significant* ὁρμὴν ἐκστατικὴν, *ad similitudinem fere Sibyllarum furoris, vt VIRGILIUS*² *de Cumæa scribit:*

*talibus ex adyto dictis, Cumæa Sibylla
horrendas canit ambages: antroque remugit,
obscuris vera inuoluens. ea frena furenti
concutit, & stimulos sub pectore vertit Apollo;*

num autem ipse SENECA tali opinioni de numinis adflatu fuerit addictus; an ipsius verba, quæ sublimia sunt atque excelsa, benigniorem habeant sententiam, id accuratius definiri haud potest, nisi affirmare velimus, Senecam animum ad Stoicorum doctrinam aduertisse, quod anima humana ex mente diuina emanauerit, atque in corpus veluti carcerem sit coniecta. atque ita cum exemplis, tum testimoniis probauimus, quod veteres sophistæ crediderint, se haud esse sine inflammatione animi atque aliquo adflatu diuino, eoque ipso eloquentiæ, cuius studio penitus erant consecrati, cælestem auctoritatem vindicare, summa ad nisi fuerint ope.

§. VIII. Quod momentum etiam adpel-

¹ *de tranquillit. cap. 15.*

² *Æneid. lib. VI. v. 98. seqq.*

latio diuina, qua sophistæ ornati fuerunt, illustrare potest. etenim ut splendida sane & magnifica cognomina obtinuerunt, quæ satis ac super declarant, quantam dignitatis gloriam quantamue existimationem habuerint; ita di-
 cti quoque sunt ΘΕΙΟΙ, *diuini*, ut est apud PHILOSTRATVM ¹ POLEMON Θεός ἀνὴρ, & APOLLONIVS Θεός, ² apud CLEMENTEM *Alexandrinum* ³ vero THEOCRITVS Θεός σοφιστής, nec non ΔΑΙΜΟΝΙΟΙ σοφισταὶ apud THEMISTIVM. ⁴ quo & spectant adclamandi formulæ Θεῖως & Θεοφορήτως, *diuine, diuino impetu*, quas ξένος Φωκῆς nominat PLVTARCHVS ⁵ & auctor est, istas sua ætate in scholas fuisse receptas, a quo discedit PHILOSTRATVS, ⁶ quum tradat, primum Aeschini sophistæ hunc adclamationis honorem fuisse datum. namque quum veteres orationes suas recitarent, auditores modo per vocem, modo per gestum adclamarunt, atque ediderunt plausus; quo priori ritu varias adclamandi formulas adhibebant, in quibus τὸ Θεῖως & Θεοφορήτως principem tenebant locum, velut plenæ maiestatis ac dignitatis diuinæ: confer LVDOVICVM CRESOLLIVM ⁷ & FERRARIVM. ⁸ nec dubitamus, quin hac adpellatione hisque plausus formulis adflatum diuinum, quo agitados se sophistæ dicebant, respexerint, quamvis alias Θεῖων & *diuinum* dicatur omne excellens & communem conditionem quadam in re excedens. *

¹ de vit. sophist. lib. II. n. 27. §. 3. ² lib. 1. c. 2. ³ adhort. ad gent. ⁴ orat. I. ⁵ de auditione pag. 45. tom. II. opp.

⁶ de vit. sophist. lib. I. n. 18.

⁷ theatr. rhetor. lib. III. cap. 20.

⁸ de adclamation. veter. lib. III. c. 14.

* ARISTOTELES ethic. ad Nicomach. lib. VII. cap. I. obseruat, Lacones, quos propter virtutes maxime mirarentur, *θεός* adpellasse. nec non HOMERO vsitatum est, homines præstantes quadam in re vocare *θεός*. quamuis veteres aliquid diuinitatis interdum adpellatione hac omnino significasse videantur, imprimis quum Pythagoram ac Platonem eiusque sectatores quosdam adpellauerint *θεός*. namque quando discipuli Pythagoram dixerunt *διuinum*, teste IAMBLICHO de vit. Pyth. cap. 35. ipsum, veluti deum diuinis honoribus adficere voluerunt, prout ipse hic philosophus obscurus sibi videbatur, nisi abdicata humana sorte, in deorum ordinem adscriptus crederetur. sicque Plato a vetusta ætate habitus est filius Apollinis, ac præ aliis dictus *θεός*, cuius nominis autem rationem si quis sepetere velit ab ipsius præstantissima ac veluti cælesti sapientia, illi repugnare nolumus. quin etiam *diuorum* nomen, quod AMMIANVS MARCELLINVS lib. XXX. extrem. christianis adtribuit, ita inualuerat, vt pars maiestatis imperatoriæ crederetur, quod num̄ recte an inreligiose factum sit? nonnulli disputant, qui *diui* nomen ab vsu christianorum remouendum esse contendunt, quod cælitēs ac beati in primitiua ecclesia non *diui*, sed *sancti*, *beati* sint adpellati, ac paganus mos nostro demum seculo reuixerit, vt *diuus Paullus*, *diuus Nicolaus* & sic alii dicantur, conf. CHRISTOPH. CELLARIJ progr. pag. 244.

§. VIII. Sic veteres sophistæ eloquentiam suam in cælestibus numerarunt beneficiis, atque in inuentione elocutioneque diuinum crediderunt adflatum. sed vero vti superio-

ribus obseruauimus, nomen enthusiasmi non solum mentem, quæ singulari quadam ope diuina incitaretur, sed & corpus, quod cum animo arctissimis vinculis copulatum est, eiusdemque commotionem respicere; ita sophistarum quoque vocem & gestum corporis diuinæ mentis conditioni adcommodare, actionemque variam, vehementem, plenam animi, plenam spiritus adeoque enthusiasmo consentaneam præ se habere instituerunt. actio sophistarum alia erat remissa; alia vero commotionis plena & contentionis. in priori genere adhibebant frontem explicatam, oculorum hilaritatem ac remissionem, totius vultus suauitatem, gestum delicatum atque exquisitum, ut vis orationis eo esset suauior, etiam ad occupandos auditorum animos grauior. qua in re clarus extitit SCOPELIANVS sophista, qui διελέγετο ἀπὸ μὲν τῆς θρόνου. ξὺν αἰσθητικῇ, *e cathedra cum summa suauitate orabat*, ὅς παρῆι ἐς τὴν δῆμον ἀνειμένῳ τῷ προσώπῳ, ἀνιὲς αὐτὸς καὶ διαπραύων τῇ τῆς εὐδαιμονίας, *in concionem prodire solebat hilari facie, vultus tranquillitate auditores mitigans*, teste PHILOSTRATO.¹ posterius vero genus actionis sophistarum erat vehementius feruidiusque, siquidem exsiliabant, supplodebant, quatiebant fœmur, toto commouebantur corpore, in quibus celebris est POLEMON, de quo relatum legimus apud PHILOSTRATVM,² αὐτὸν ἀναπῆδαν τῆς θρόνου περὶ τὰς ἀκμὰς τῶν ὑποθέσεων, τοσῶτον αὐτῷ περιεῖναι ὀρμῆς, *e cathedra ipsum, ubi maxime feruebat oratio, exsiluisse, adeo*

¹ de vit. sophistar. lib. I. n. 21. §. 5.

² de vit. sophistar. lib. I. n. 25. §. 7.

² de vit. sophistar. lib. I.

cum equo Sophocles a PHILOSTRATO lib.

II. de vitis sophistar. n. 23. § 4.

** tales dicendi formulæ deprehenduntur quoque apud PHILOSTRATVM in *hericis*, *Protesilaos* §. II. δικαιότατος ἀθλητὴς τῶν κατὰ σοφίαν πραγμάτων. & in *Achille* §. 15. Hercules est ἀθλητὴς τῶν ποιητικῶν λόγων.

§. X. Accidit etiam subinde, vt vehementia actionis sophistis vocem intercluderet & spiritum, sicque PHILAGRO ἐσβίσθη τὸ φθῆγμα ὑπὸ τῆς χολῆς, *bile vox interclusa fuit*, quum oratione quadam Aristogitonem exhiberet, adcusationem parantem aduersus Demosthenem, quod Medis, & Æschinem quod Philippro faueret, id quod & ipsi sibi mutuo obiecerant, in orationibus quippe π. παραπρεσβείας & de corona, vt legimus apud PHILOSTRATVM. ¹ ac propter hæc dicti sunt oratores *fanatici*, vt patet ex THEMISTIO, ² item νυμφόληπτοι, latine *lymphati*, vti SOCRATES in laude amoris, quum more sophistarum vteretur dithyrambis, a PLATONE dicitur πολλάκις νυμφόληπτοις, id quod obseruat DIONYSIVS Halicarnassensis. ³ *lymphatus* enim, item *lymphaticus*, quod nomen a *lymphe* & hoc ex græco νύμφη vnus litteræ mutatione, significans aquam, originem suam deducunt, idem est ac insanus, furore correptus, cuius caussa credita fuit conspectus nymphæ, id est spectri in fonte aut aquis. hinc & FESTVS: *lymphæ dictæ sunt a nymphis. vulgo autem memorie proditum est, quicunque speciem quamdam e fonte, id est effigiem nymphæ viderint, furen-*

¹ de vit. sophistar. lib. II. n. 8. §. 2. ² orat. I. ³ epist. ad Pomp. p. 128. 1. II. opp.

ac quidem nouo carminis genere, lyrico quippe, quod excogitasse, ipse sibi gloriæ ducit, ex quo etiam patet, cur alio loco ¹ ita scribat:

male sanos

adscriptit Liber Satyris Faunisque poëtas.
nec solum ipsi carminum auctores de tali instinctu diuino sunt gloriati; sed & alii pagani scriptores idem tradiderunt, siquidem quum APOLLONIVS RHODIVS ² principium operis sui his verbis facit:

*Ἀρχόμενος σέο Φοῖβε, παλαγγενέων κλέα Φωίων
μνήσομαι,*

*tuis Phæbe auspiciis viros veteres eosque
fama claros*

memorabo;

obseruat scholiastes: παραπλησίως γὰρ τοῖς μα-
νομένοις οἱ ποιηταὶ ἐνθουσιῶσιν, *ad exemplum fere
insanorum poëta diuinitus commouentur*: EV-
MOLPVs apud PETRONIVM ³ de arte poë-
tica differit, eiusque & hoc constituit præcep-
tum: *præcipitandus est liber spiritus, ut po-
tius furentis animi vaticinatio adpareat; &*
CICERO: ⁴ *sæpe audiui, poëtam bonum ne-
minem, (id quod a Democrito & Platone in
scriptis relictum esse dicunt) sine inflammatio-
ne animorum exstere posse, & sine quodam
afflatu quasi furoris.* ** sic poëtarum natio
diuinitus incitata credebatur, qui carmina sua
non sine cælesti aliquo mentis instinctu funde-
rent, nec solum ab Apolline musisque, sed &
Baccho ac Venere multa ad versus scribendos
haberent adiumenta. quumue PLATO, ut
ex superioribus constat, quatuor τῆς θεῆας μα-

¹ lib. I. epist. 19. v. 5. ² argonaut. lib. I. v. 1. ³ satir.
cap. 118. ⁴ de oratore lib. II. c. 46.

ulas constituit species, & primam quidem Apollini refert acceptam, ex qua vaticinia credit pendere; secundam Baccho, ex qua mysteria; tertiam musis, vnde poëticum accersit impetum; quartam denique Veneri, vnde vim amatoriam; hæc omnia furoris genera poëta sibi vindicant. namque per Apollinem & musas motus illi intelligi possunt, quibus adficatur animus ipsiusque facultas ad operationes sibi consentaneas excitatur, si quidem Apollo non solum fatidicis, vt existimat PLATO, sed & poëtis præsidebat, cuius fabulæ interpretationem HORATIVS ¹ confirmat, qui se epico carmini minus aptum esse arbitratur atque ita disserit:

*Phæbus volentem prælia me loqui,
victas & vrbes, increpuit lyra:
ne parua Tyrrhenum per æquor
vela darem.*

Bacchum autem poëta in societatem suorum deorum ideo adscripserunt, quoniam præles erat vini. quod magnam vim ad ingenium poëticum, nunc excitandum atque inflammandum, nunc vehementius acuendum habere sibi persuadebant, vt testatur CRATINVS poëta comicus apud HORATIVM: ²

*nulla placere diu, nec vinere carmina pos-
sunt,
que scribuntur aqua potoribus;*

& PROPERTIVS; ³

*quod superest vitæ, per te & tua cornua vi-
uam,
virtutisque tuæ, Bacche, poëta ferar.*

¹ lib. III. ed. 15. v. 11. seqq.
IH. eleg. 15.

² lib. I. epig. 19. v. 2.

³ lib.

adde ANACREONTEM ¹ GYRALDVM. ***
² ac tandem furor quoque Veneris carminum
 auctoribus attribuitur, quoniam nullum fere
 poëtam inuenimus, qui arti poëticæ satisfecisse sibi videtur, nisi ingenium in argumeto amorem spectante exercuerit, quamuis ipsius animus a tali cupiditate ac libidine minus regatur. hanc igitur interpretationem fabularum si sequamur, enthusiasmus poëticus, quem veteres præ se tulerunt, plane corruit, nec quidquam, quando rem ipsam contemplamur, de religione & sacris paganis continet. sed tamen quod & hæc antiquiorum fuerit vna mens, id penitus adfirmari non potest, quin etiam fuerunt, qui deorum adflatum atque instinctum sibi obtigisse, omnino existimarunt, id quod ex iis, quæ paullo post dicemus, apertum & manifestum erit. qui plura hoc de argumento desiderant, illi adire possunt PETITVM ³ CASAUBONVM, ⁴ GERH. IO. VOSSIVM, ⁵ GEORG. DANIEL. MORHOFIVM, ⁶ GISEBERTVM CUPERVM, ⁷ OLAVM BORRICHIVM, ⁸ MICHAELEM GOTTLIEB HANSCHIVM. ⁹

hic enthusiasmus poëticus sæpius quoque appellatur *furor poëticus*. FLATO ipse enthusiasmum dixit *μανία*, *furorem*, quæ vox quamvis sit horridior, benefica tamen explicatione miriganda: hinc etiam addidit: *θείας*, adeoque significauit, non vnum esse furoris ge-

¹ ed. 39. conf. interpretis galli LONGEPIERRE obseruat. p. 280.
² de poëtar. hist. dial. VI. opp. 2. II p. 245. ³ dissert. de furore poëtic. præmiss. præmat. selectu.
⁴ de enthusiasmo cap. 5. p. 134.
⁵ de arte poët. cap. 12. ⁶ orat. de enthusias. seu furore poëtico. in dissert. acad. n. III. p. 71. sqq.
⁷ obseru. lib. III. c. 12. p. 304.
⁸ dissert. seu orat. acad. part. I. n. 6. p. 247. ⁹ de enthusiasmo Platonie. sect. II. §. 10. sqq.

nus. fatidici enim quive oracula edebant, ac poëtæ interdum speciem furoris præ se ferebant. sunt. qui furorem poëticum ita explicant, vt maxime ad ὁρμηὶ ἐκστατικῇ adcedat; momenta autem enthufiasmi atque ecstaseos non sunt perturbanda, etiam ex veterum sententia.

- ** huc quoque pertinent poëtarum formulæ inuocandi deos deasque, de quibus SCALIGER lib. V. 17. poëtic. differit. poëtæ christiani inuocabant spiritum sanctum, vt patet ex extremo præfationis IUVENCI:

ergo age, sanctificus adfit mihi carminis auctor

*Spiritus, & puro mentem riget anne canentis
dulcis Iordanis, vt Christo digna loquamur.*

- *** ob hanc caussam poëtæ hedera ac lauro coronati fuerunt, vid. BORREMANNSIUM de poëtis & proph. p. 24. seqq. exempla autem poëtarum recentioris ætatis, quos vinum maxime delectauit, collecta deprehendimus observationibus ad IO. BURC. MENCKENII declamat. de charlat. erud p. 139.

§. V. Ceterum hæc, quæ de enthufiasmo poëtico disputauimus, magnam lucem nobis præferre possunt, quum iam animum ad veteres sophistas atque oratores conuertere instituemus. atqui si eruditæ antiquitatis monumenta perlustramus, nobis ista tradunt, quod multi non solum arti oratoriæ quidquam diuini insitum esse crediderint, sed & oratores quemdam numinis adflatum sæpius sibi attribuerint, etiam ab aliis; veluti diuino concitati instinctu fuerint habiti. sic APOLLO-NIVS interrogatus a *Telesino*: τίς δὲ ἡ σοφία; *quæ vero sapientia est?* respondit: θεασµός, καὶ

ὡς ἂν τις θεοῖς εὐχολοῖτο, καὶ θύοι, *diuinus instin-*
ctus; & ut diis fundendæ preces sacraque faci-
enda sint, docens, teste PHILOSTRATO. ¹ ac
 quamuis per hanc sapientiam intelligi posse
 videatur ipsum philosophiæ studium, præci-
 pue quum APOLLONIVS & alio loco a
 PHILOSTRATO ² dicatur, θεώτερον, ἢ ὁ Πυ-
 θαγόρας τῇ σοφίᾳ προσεδθεῖν, artem tamen elo-
 quentiæ, cuius multa dedit documenta, et-
 iam hac sapientia contineri, probabili ratione
 adfirmamus. * nec recentiori ætate defue-
 runt, qui disciplinæ oratoriæ quidquam diui-
 ni inesse sibi persuaferunt, prout apud DA-
 NIELÈM GEORGIUM MORHOFIVM ³
 hæc legimus: *quis non in oratoribus aliquid di-*
uini agnoscat? neque enim artem banc e sophi-
starum palæstris natam existimemus. maius
quid in illa elucet, erectum, gloriosum, quod
ipso animos expugnet, præclarumque rebus di-
uinis suppeditet instrumentum. non sunt e
magistris hominibus æstimandæ artes: diuina
illæ sunt, æternæ, atque ex eodem fonte deriva-
tæ, vnde olim in apostolorum animos effunde-
bantur: etsi hæc omnibus numeris absolutæ.
præcepta, quæ a magistris successu sæculorum
congesta sunt veritati & naturæ conformia,
hos natales loquuntur. quare ad diuinos vsus
adhibeamus, quæ diuina sunt, & quæ e verita-
tis quasi utero obstetricias manus admouen-
tes magistri in lucem protulere. verum illud
eloquentiæ ὕψος in spiritu & impetu est. quæ
opinio hominis christianæ professionis quam-
uis saniores ac mitiores admittat interpre-

¹ vita Apollon. lib. III. cap. 40.

² *ibid.* lib. I. cap. 2.

³ polyb. litter. lib. I. c. 12. §. 9.

tationem, quam ista, cui pagani auctores erant addicti; suo tamen destituta est fundamento, vt ex dicendis patebit clarius.

* eloquentia etiam a græcis dicitur σοφία. sic PAVLLVS scribit epist. I. ad Corinth. I. v. 17. se non tradere doctrinam euangelii *ἐν σοφίᾳ λόγῳ* quæ verba ERASMVVS interpretatur per *sermonem fucatum*, & paullo post c. II. v. 4. dicit: ὁ λόγος μὴ κατὰ τὸ κήρυγμά μιν ἔκ ἐν πνεύματι ἀνθρώπων σοφίας λόγοις, i. e. *in sermonibus eloquentiæ humanæ ad persuasionem compositis*, quæ respiciunt artem oratoriam veterum sophistarum, cuius finis erat τὸ πειθαι, siue fucum facere.

§. VI. Quod ad ipsos sophistas atque oratores attinet, fuerunt, qui primum in inuentione & elocutione cum sibi ipsis, tum aliis videbantur adflatu diuino incitati. de AESCHINE scribit PHILOSTRATVS: ¹ τὸ θεῖως λέγειν ἔγω μὲν ἐπεχωρίασε σοφιστῶν σπουδαῖς, ἀπ' αἰσχίνης δ' ἤρξατο, θεοφορήτω ὄρμῃ ἀποσχεδιάζοντος, ὥσπερ οἱ τὰς χρησμῶν ἀναπνεύοντες, diuine dicere sophistarum dissertationibus adeo frequens non erat. ab Æschine igitur initium dixit, qui diuino impetu extemporaneam orationem fundebat, perinde atque illi, qui oracula spirant; quibus verbis auctor minime significat, Aeschinem fuisse primum, cui laus orationis ex tempore recitatæ sit vindicata, sed primum hanc eloquentiæ rationem coluisse atque τὸ θεῖως λέγειν vsurpasse in αὐτοσχεδίοις hinc & de eo SVIDAS: πρῶτος δὲ πάντων τὸ ΘΕΙΩΣ λέγειν ἤσκησε, διὰ τὸ σχεδιάζειν ὡς ΕΝΘΟΥΣΙΩΝ. idem PHILOSTRATVS ² tradit

¹ de vit. sophistar. lib. I. n. 18. §. 3.

² de vit. sophistar. lib. I.

n. 25. §. 3.

de ANTONIO POLEMONE, ipsum orationis cuiusdam auspiciū fecisse ab eo, quod non *sine numine hic, quo iam feratur, impetus* sibi obtigerit: & LONGINVS ¹ de DEMOSTHENE producto quodam ipsius loco, ita scribit: καὶ θάπερ ἐμπνευθεὶς ἐξαίφνης ὑπὸ θεῶ, καὶ οἶονεὶ φοιτῶν ἄλλος γενόμενος, *tanquam der repente a deo inspiratus ac veluti adflatus Phœbi numine*; quumque de eiusdem oratoris consummata eloquentiæ virtute ac gravitate disputat, addit: ² ταῦτα Φημί οἷς θεόπεμπία ἵνα δοῇμαίᾳ. ὃ γὰρ εἰπεῖν θεμῖδὸν ἀνδρωπύνα. *hæc censeo tanquam diuinitus immissa quædam dona, humana enim dicere, nefas.* sic etiam AELIVS ARISTIDES, sophista apud Smyrnenſes disertus ac suavis ipse profitetur, se per somnia & diuinas voces sæpius repetitas inuitatum fuisse ad eloquentiæ studium, idque tanto cum successu coluisse, vt omnes oratoris virtutes se vnum tenuisse, ³ etiam multis creditum, se Socratis, Platonis, Thucydidis & Demosthenis facultatem vel adsequi, ⁴ vel superare: ipse aperte fateatur: confer IO. ALBERTVM FARRICIVM. ⁶ at vero non solum vindicarunt sibi adflatum numinis cuiusdam generatim ac plerumque speciatim Phœbi, qui sapientiæ deus erat ac musarum præses; sed & gloriati sunt de instinctu quodam Bacchi, ac furorem Bacchicum, præ se habuerunt. quo nomine vox βακχεία interdum eiusdem est significationis, ac ἐνθουσιασμός, quamuis speciatim adflatum a Baccho βάκχαις & βάκχαις, si-

¹ ἐπὶ 640; fcll. 15.² ib. fcll. 31.³ tom. III. p. 706.⁴ erat. 4. sacra tom. I. p. 573.⁵ ib. p. 576.⁶ bibl. græc.

lib. III. c. 30. n. 4.

ue viris & mulieribus sacra ipsius, quæ *orgia* dicebantur, celebrantibus immissum significet. cuiusmodi instinctus exemplum exhibet NIGETES, sophista quoue præceptore vsus fuit PLINIVS iunior, siquidem de eo PHILOSTRATVS ¹ memoriæ prodidit: ἡ δὲ ἰδέα τῶν λόγων τῷ μὲν ἀρχαίᾳ καὶ πολιτικῇ ἀποβέβηκεν· ὑπόβαλλος γὰρ, καὶ διδυραμβώδης, eius porro dicendi genus ab antiquo ciuilique recessit: *Bacchi enim quasi numine agitur & dithyrambos canit.* namque solemne erat sophistis, verba adhibere ad tumorem non sine cura composita, cuiusmodi tumida oratione præcipue vsus est GORGIAS *Leontinus*, in quo dicendi genus maxime turgidum multi ex veteribus notarunt. neque vero non per poetam factum est, vt sophistarum dictio esset tam tumida, qui stilo poetico diligenter erant dediti, eumque in oratione soluta in speciem splendidæ & diuinioris eloquentiæ adhibebant vitiose. ex quo tumore magnificis illis sonis & strepitu alia, quæ prorsus sunt contemnenda, consequebantur, compositiones quippe *dithyrambicae*, quæ stilum tumidum & plenum numerorum, compositarum ac nouarum vocum præ se habebant: idque est orationis vitium, quod CICERO vocat insulsitatem, quamue velut insaniam sermonis reiicit, ad quod proxime accedit βακχεία & παρὶς θυρσος, quam adpellationem adhibet THEODORVS apud LONGINVM, ² quia videlicet non cuiusuis est, thyrsus sumere, sed eius tantum, qui Bacchi numine instinctus rapiatur, vt TANAQVILLVS FABER ³ vocem hanc in-

¹ de vit. sophistar. lib. 2. n. 19. §. 1. ² scilicet, 2. ³ obseru. ad Longinum p. 162.

terpretatur; confer IULIUM CAESAREM SCALGEREM, ¹ GERH. IO. VOSSIVM, ² LVDOVICVM GRESOLLIVM. ³ exemplum autem huiusmodi *Nicetæ βακχείας* commemorat PHILOSTRATVS, ⁴ quod Ionicus quidem adolescens, præsente sophista ISAEO, Nicetæ de Xerxe magnifice dictum hoc : ἐκ τῆς βασιλείας νηὶς Ἀργιναν ἀναδησώμεθα, laudauerit, ubi eleganter obseruat GOTTFRIED OLEARIVS, ⁵ quod Nicetes videatur declamatione quadam Xerxis in Salaminiano sinu descripsisse stationem, atque vt prætoriae navis ad Aeginam insulam molem veluti vastissimam, quamuis non adeo magna fuerit, proponeret, dixisse, *insulam naui esse alligandam*, quum alias alligetur navis insulæ. adde exemplum THEMISTII ⁶ enthusiasmum quoque oratorium spectans.

§. VII. Sed præter hæc exempla, quæ attigimus breuiter, etiam testimonia, ex priscæ ætatis monumentis depromta proferre, atque per illorum auctoritatem adflatum numinis, quem veteres sophistæ persuadebant sibi, confirmare possumus. atqui hæc est virtus, quam PLATO ⁷ orationi virorum πολιτικῶν imprimis necessariam esse adfirmat, quos vult θεὸς τε εἶναι καὶ ἐνθουσιάζειν, ἐπίπνυς ὄντας καὶ κατεχομένους ἐκ θεῶν, ὅταν καλοῦσθωσι λέγοντες πολλὰ καὶ μεγάλα πράγματα. sic & CALLISTRATVS : ⁸ ποιητῶν καὶ λογοποιῶν πνεόντων τέχναι, ἐπὶ ταῖς γλῶτταις ἐκ θεῶν θειασμῷ πεσόντος, *poëtarum ὅ*

¹ poëtic. lib. I. c. 46. ² Inſtit. orator. lib. VI. c. 4. ³ theat. rhetor. lib. III. cap. 22. ⁴ de vit. ſophiſt. lib. I. n. 20. §. 2. ⁵ obſeruat. ad Philoſtrat. c. I. p. 513. ⁶ orat. I. § XIII. ⁷ in Menone p. 24. ⁸ in Bacch. ſtatnam p. 391. ed. Olearii apud Philoſtrat.

oratorum artes animantur, diuinitus in linguas quodam incidente adflatu: & SENECA¹ dicit: non potest grande aliquid & supra ceteros loqui, nisi mota mens. quum vulgaria & solita contempsit, instinctuque sacro surrexit excelsior, tunc demum aliquid cecinit grandius ore mortali. non potest sublime quidquam & in arduo positum contingere, quamdiu apud se est. desciscat oportet a solito & efferratur & mordeat frenos & rectorem rapiat suum eoque ferat, quo per se timuisset ascendere. quæ verba aperte significant *οἰμὴν ἰκσαλίην*, ad similitudinem fere Sibyllarum furoris, vt VIRGILIUS² de Cumæa scribit:

*talibus ex adyto dictis, Cumæa Sibylla
horrendas canit ambages: antroque remugit,
obscuris vera inuoluens. ea frena furenti
concutit, & stimulos sub pectore vertit Apollo;*

num autem ipse SENECA tali opinioni de numinis adflatu fuerit addictus; an ipsius verba, quæ sublimia sunt atque excelsa, benigniorem habeant sententiam, id accuratius definiri haud potest, nisi affirmare velimus, Senecam animum ad Stoicorum doctrinam aduertisse, quod anima humana ex mente diuina emanauerit, atque in corpus veluti carcerem sit coniecta. atque ita cum exemplis, tum testimoniis probauimus, quod veteres sophistæ crediderint, se haud esse sine inflammatione animi atque aliquo adflatu diuino, eoque ipso eloquentiæ, cuius studio penitus erant consecrati, cælestem auctoritatem vindicare, summa ad nisi fuerint ope.

§. VIII. Quod momentum etiam adpel-

¹ de tranquillit. cap. 15.

² Aeneid. lib. VI. v. 98. seqq.

latio diuina, qua sophistæ ornati fuerunt, illustrare potest. etenim ut splendida sane & magnifica cognomina obtinuerunt, quæ satis ac super declarant, quantam dignitatis gloriam quantamue existimationem habuerint; ita dicti quoque sunt ΘΕΙΟΙ, *diuini*, ut est apud PHILOSTRATVM ¹ POLEMON Θεός ἀνὴρ, & APOLLONIVS Θεός, ² apud CLEMENTEM *Alexandrinum* ³ vero THEOCRITVS Θεός σοφιστής, nec non ΔΑΙΜΟΝΙΟΙ σοφισταὶ apud THEMISTIVM. ⁴ quo & spectant adclamandi formulæ Θεῖος & θεοφορέτως, *diuine, diuino impetu*, quas ξένος φωνὰς nominat PLVTARCHVS ⁵ & auctor est, istas sua ætate in scholas fuisse receptas, a quo discedit PHILOSTRATVS, ⁶ quum tradat, primum Aeschini sophistæ hunc adclamationis honorem fuisse datum. namque quum veteres orationes suas recitarent, auditores modo per vocem, modo per gestum adclamarunt, atque ediderunt plausus; quo priori ritu varias adclamandi formulas adhibebant, in quibus τὸ Θεῖος & θεοφορέτως principem tenebant locum, velut plenæ maiestatis ac dignitatis diuinæ: confer LVDovicvm GRESOLLIVM ⁷ & FERRARIVM. ⁸ nec dubitamus, quin hac adpellatione hisque plausus formulis adflatum diuinum, quo agitato se sophistæ dicebant, respexerint, quamvis alias Θεῖον & *diuinum* dicatur omne excellens & communem conditionem quadam in re excedens. *

¹ de vit. sophist. lib. II. n. 27. §. 3. ² lib. 1. c. 2. ³ adhort. ad gent. ⁴ orat. 1. ⁵ de auditione pag. 45. tom. II. opp.
⁶ de vit. sophist. lib. I. n. 18. ⁷ theatr. rhetor. lib. III. cap. 20.
⁸ de adclamation; veter. lib. III. c. 14.

* ARISTOTELES ethic. ad Nicomach. lib. VII. cap. I. obseruat, Lacones, quos propter virtutes maxime mirarentur, *θεῖος* adpellasse. nec non HOMERO vsitatum est, homines præstantes quadam in re vocare *θεῖος*. quamuis veteres aliquid diuinitatis interdum adpellatione hac omnino significasse videantur, imprimis quum Pythagoram ac Platonem eiusque sectatores quosdam adpellauerint *θεῖος*. namque quando discipuli Pythagoram dixerunt *διuinum*, teste IAMBlichO de vit. Pyth. cap. 35. ipsum, veluti deum diuinis honoribus adficere voluerunt, prout ipse hic philosophus obscurus sibi videbatur, nisi abdicata humana forte, in deorum ordinem adscriptus crederetur. sicque Plato a vetusta ætate habitus est filius Apollinis, ac præ aliis dictus *θεῖος*, cuius nominis autem rationem si quis sepetere velit ab ipsius præstantissima ac veluti cælesti sapientia, illi repugnare nolumus. quin etiam *diuorum* nomen, quod AMMIANVS MARCELLINVS lib. XXX. extrem. christianis adtribuit, ita inualuerat, vt pars maiestatis imperatoriæ crederetur, quod num recte an inreligiose factum sit nonnulli disputant, qui *diui* nomen ab vsu christianorum remouendum esse contendunt, quod cælitæ ac beati in primitiua ecclesia non *diui*, sed *sancti*, *beati* sint adpellati, ac paganus mos nostro demum seculo reuixerit, vt *diuus Paullus*, *diuus Nicolaus* & sic alii dicantur, conf. CHRISTOPH. CELLARIi progr. pag. 244.

§. VIII. Sic veteres sophistæ eloquentiam suam in cælestibus numerarunt beneficiis, atque in inuentione elocutioneque diuinum crediderunt adflatum. sed vero vt superio-

cum equo Sophocles a PHILOSTRATO lib.

II. de vitis sophistar. n. 23. § 4.

** tales dicendi formulæ deprehenduntur quo-

que apud PHILOSTRATVM in *hericis*,

Protesilaos § 11. δικαιοτάτος ἀθλητῆς τῶν κατὰ

σοφίαν πραγμάτων. & in *Achille* §. 15. Hercu-

les est ἀθλητῆς τῶν ποιητικῶν λόγων.

§. X. Accidit etiam subinde, vt vehementia actionis sophistis vocem intercluderet & spiritum, sicque PHILAGRO ἐσβίσθη τὸ φθῆγμα ὑπὸ τῆς χολῆς, *bile vox interclusa fuit*, quum oratione quadam Aristogitonem exhiberet, adculpationem parantem aduersus Demosthenem, quod Medis, & Æschinem quod Philippon faueret, id quod & ipsi sibi mutuo obiecerant, in orationibus quippe π. παραπρεσβείας & de corona, vt legimus apud PHILOSTRATVM. ¹ ac propter hæc dicti sunt oratores *fanatici*, vt patet ex THEMISTIO, ² item νυμφόληπτοι, latine *lymphati*, vti SOCRATES in laude amoris, quum more sophistarum vteretur dithyrambis, a PLATONE dicitur πολλάκις νυμφόληπτοις, id quod obseruat DIONYSIVS Halicarnasseus. ³ *lymphatus* enim, item *lymphaticus*, quod nomen a *lympa* & hoc ex græco νύμφη vnus litteræ mutatione, significans aquam, originem suam deducunt, idem est ac insanus, furore correptus, cuius caussa credita fuit conspectus nymphae, id est spectri in fonte aut aquis. hinc & FESTVS: *lymphæ dictæ sunt a nymphis. vulgo autem memoriae proditum est, quicunque speciem quamdam e fonte, id est effigiem nymphae viderint, furen-*

¹ de vit. sophistar. lib. II, n. 8. §. 2. ² orat. I. ³ epist. ad Pomp. p. 128. t. II, opp.

*di non fecisse finem. quos græci συμφορήπιδες, latini lymphaticos adpellant: vide HEINSIUM, ¹ & GISEBERTVM CVPERVM. ² **

* sic sophistarum actio & pronuntiatio prorsus erat singularis, a qua quisque ingenuus eloquentiæ cultor abhorrere debet. nam quamvis pars hæc artis oratoriæ præcepta eaque brevia admittat; illa tamen, si fructus suos ferre debeant, postulant præcipue dotes naturæ consentaneas eloquentiæ, adco ut hoc momento dicere possimus, oratorem non fieri, sed nasci. duplici autem ratione actio oratoria potest esse vitiosa. altera species est, quando ista, licet pro diuersis cogitationum & adfectuum generibus instituatür varia; anxie tamen & contra naturam adsumpta nec satis temperata est, quæ auditorum animos magis ad indignationem, quam voluptatem commouet. quidquid enim adfectuum est quum mentem sibi ipsi ac propriæ tantum delectationi deditam & a studiis aliorum alienam prodat, ingratum est ac maxime molestum. altera species nimis est libera atque etiam effrenatior, quam par est, quales oratores IO. BURCH. MENCENIVS declam. de charlatan. erudit. p. 121. iure ac merito perstringit: *præcipue vero, ait, hic de saltatione rhetorica & rhetorisimo bistrionico dicendum nobis videtur: quandoquidem hodie plerosque deprehendimus, mira vocis contentione, vultu multiformi, oculo vago & petulanti, iactatis brachiis, saltantibus pedibus, lasciuientibus lumbis ac variis motibus, inuersionibus, circumductionibus, resupinationibus, saltibus, gesticulante toto corpore, animi videlicet mobilitate ipsum*

¹ ad Horat. lib. I. sat. 3. v. 97.

² obseru. lib. III. cap. 12.

eum fuisse animo concitato, item προαίειν ἐν τοῖς τῶν ὑποθέσεων χωρίοις, ἔδεν μείον τῆ ἡρωικῆ ἥπης, non minus in campis rhetoricis solum pedibus pulsauisse, quam equus generosus; quæ verba elegantem sane continent comparationem. quemadmodum enim equi certaturi ungulis suis terram lapidesque concutiunt, vehementius sese mouent; ita eadem ratione Polemon incitato animo commouebat corpus grauitèr, seque in campis rhetoricis, exercebat, vbi PHILOSTRATVS per formulam χωρία ὑποθέσεων respicit omnino ad χωρία, in quibus equi solum quatiunt, ὑποθέσεις autem sunt argumenta, quæ tractabant rhetores. * præter POLEMONEM commemoramus iterum SCOPELIANVM, qui quamuis e cathedra orationes recitaret summa cum suauitate; recto tamen corporis statu quum peroraret, asperiorè præ se ferebat speciem, ac robusto utebatur sermone, feriebat femur, quin etiam ἐλέγξοσείσθαι μᾶλλον, ὥσπερ βακχεύων, dicebatur vsus motu vehementiore & gestu bacchantis more, auctore PHILOSTRATO. † vt enim in inuentione & elocutione potest esse βακχεία, id quod superioribus a nobis fuit obseruatum; ita actio quoque oratoris talem admittit, atque effigiem hominis furentis ac insani prodit, ad similitudinem illorum, qui sacra Baccho consecrata celebrarunt. tertius sit ALEXANDER, qui nobis exhibet exemplum ὀρμῆς σοφιστικῆς, quando teste PHILOSTRATO ‡ ἀνεπήδησε τῆ θρόνῳ φαυδῶ τῷ προσώπῳ, e cathedra exsiliit vultu sereno; Seuerus autem vir con-

* de vit. sophistar. lib. 1. n. 21. §. 5. † de vit. sophistar. lib. II n. 5. §. 3.

*secum volente, ad populum proclamare. atqui ex his facile colligi potest, quantum pretium ponendum sit illorum studiis; qui veterum actionem reuocare, & ad illorum exempla iuventutem anxie instituere, sibi sumserunt, quo spectat PETRI FRANCII Specimen eloquentiæ exterioris ad orationem Ciceronis pro Archia accommodatum, Amstelod. 1697. 8. de cetero hanc doctrinam eloquentiæ exposuerunt LVD. CRESOLLIVS, qui edidit *vacationes autumnales*; MICHAEL LEFAVÇHEVR, cuius liber de actione oratoria sermone gallico conscriptus elegantissimus est: 10. CLE-
RICVS tom. I. Parrhaf. p. 122. seqq. vt de aliis taceamus.*

§. XI. Exposuimus igitur enthusiasmum veterum sophistarum ex historiarum monimentis, siue inuentionem atque elocutionem; siue actionem respiciamus, quapropter ratio ordinis atque argumenti dignitas postulat, vt de re ipsa videamus, & quid de tali oratorum adflatu diuino sentiendum sit, explanemus: qua opera animum ad veteres sophistas atque oratores tantum conuertimus, nec in præsens de ipso enthusiasmo oratorio generatim dispicere, nobis est propositum, quæ duo momenta quamuis inter se cohæreant, seiungi tamen possunt separatimque proponi, præcipue quum in sophistis ea obseruemus, quæ singulari industria adtingenda sunt & exponenda. atqui vt muneri ac negotio huic ea, quæ decet, fide satisfaciamus, monemus primum, quod non omnes eloquentiæ magistri atque auctores, quos vetus tulit ætas, siue fuerint in numero sophistarum, siue minus, de numinis adflatu vna ienserint mente, quin etiam extiterint, quibus

quibus hæc omnia vana videbantur & futilia. hinc QVINCTILIANVS ¹ dicit: *ut possimus autem plura scribere, etiam plura & celerius, non exercitatio modo præstabit, in qua sine dubio multum est, sed etiam ratio: si non resupini spectantesque lectum, & cogitationem murmure agitantes, exspectauerimus, quid obueniat, sed quid res poscat, quid personam deceat, quod sit tempus, qui iudicis animus, intuiti, humano quodam modo ad scribendum accefferimus.* & DIONYSIVS LONGINVS: ² *πολλαχῆ ἐνθουσιᾶν ἑαυτοῖς δοκῶντες, ἢ βακχεύουσιν, αἰετὰ παίζουσιν, quum videantur passim sibi ceu diuino correpti & incitati furore, non bacchantur, sed nugantur pueriliter;* qui etiam quum voces ἐνθουσιασμός, βακχεία, φοιβόληπτος vsurpet, addit particulas ὥσπερ & οἰονοί, iisque significat satis, se neutiquam verum ac proprium adflatum diuinum admittere, prout inter alia de PLATONE tradit, ³ illum nonnullos infectari, quod sæpe ὥσπερ ὑπὸ βακχείας τινὸς τῶν λόγων, *veluti a bacchante quodam verborum furore* ad duriores metaphoras rapiatur: confer MERICVM CASAVBONVM. ⁴ quin, etiam alii artis dicendi doctores, quorum ingenia tempore vetustiori fuerunt clara, de tali diuina ope, quæ eloquentiæ cultoribus esset necessaria, nihil differuerunt, sed omne, quidquid in facundia est præclarum, & naturæ benignitati & artis præstantiæ vindicarunt. ex quibus CICERONEM tantum nominamus, qui ex persona CRASSI ⁵ dicit: *sic igitur censeo, naturam primum atque ingenium ad*

¹ instituit, orator. lib. X. cap. 3. ² πρὸ ὕψους scilicet. II. ³ scilicet. XXVIII. ⁴ de entusiasmo p. 97. ⁵ de oratore lib. I. c. 25.

dicendum vim adferre maximam; neque vero istis, de quibus paullo ante dixit Antonius, scriptoribus artis rationem dicendi & viam, sed naturam defuisse. nam & animi atque ingenii celeres quidem motus esse debent, qui & ad excogitandum acuti, ornandumque sint verberes & ad memoriam firmi atque diuturni; & paullo post: neque hæc ita dico, ut ars aliquid limare non possit; neque enim ignoro, & quæ bona sint, fieri meliora posse doctrina, & quæ non optima, aliquo modo acui tamen & corrigi posse.

§. XII. Ad hæc obseruamus, quod multi ex veteribus, quum in laudes eloquentiæ veluti artis diuinæ ac cælestis beneficii effundantur, etiam oratores diuinos prædicent, his dicendi formulis, quæ aliquid diuinitatis complectuntur, vti translatis vtantur. iis enim significare voluerunt partim oratoris ingenii indolem ad illustrioris splendidiorisque eloquentiæ vsum maxime aptam; partim id ipsum, quod orationem efficit sublimem, pulcram, ac magna vi ad animos hominum commouendos præditam. quo etiam spectant interpretationes, quibus supra explanauimus fabulas de enthusiasmo poëtico, quod per adflatum Apollinis musarumque intelligi possint motus illi naturales, per quos animus ad excogitandum non solum excitetur, sed & pro vi sibi indita aliquid efficiat præclari. ad quod illustrandum & hoc valet, quod animus humanus in veterum monumentis dicatur *dæmon* ac *deus*, quam in rem multa loca deprehendimus apud imperatorem ANTONINVM, qui sæpius τῷ εἰαυτῷ δαίμονος facit mentionem, quo etiam respicere existi-

existimamus EPICTETVM; ¹ qui quamvis fores sint clausæ fiantque tenebræ, nos iubet meminisse, quod non soli simus; quippe quum ὁ ἡμέτερος δαίμων præsens sit, conf. APVLEIVM ² & IAMBLICHVM. ³ quumue vox ΔΑΙΜΩΝ latine exprimitur per nomen GENIVS, quod etiam græca ciuitate donatum esse ex DIONE, qui dixerit ΓΕΝΙΟΝ τῷ δήμῳ, testatur DESID. HERALDVS, ⁴ factum hinc est, vt mentem humanam etiam *genium* adpellauerint, quod patet ex APVLEIO. ⁵ & PLVTARCHVS ⁶ multis exemplis confirmat, animum hominis dici non modo *demonem*, sed & *deum*, * prout MENANDER: ὁ νῦν γὰρ ὑμῶν ὁ Θεός, & HERACLITVS: ἦθος ἀνθρώπου δαίμων, conf. GOTTFRIED OLEARIVM. ⁷ quæ omnia hanc lucem nobis adferunt, quod quum veteres de mente mortalium propter ipsius excellentiam præstantiamque interdum formulas dicendi vsurpauerint, quæ diuinitatem significant; non sit mirum; cur excellentes litterarum auctores, culturæ ingenii summo studio deditos dixerint diuinos, eorumque doctrinas prædicauerint diuinas. nec est, quod quis hæc adpellationes earumque rationem petat aut ex doctrina Pythagoræorum, Platoniorum & Stoicorum, quod animi hominum ex mente diuina fuerint tracti, aut ex Aristotelis opinione de intellectu agente. namque si penitus inspiciamus philosophiam Pythagoræ ac Platonis de dæmoni-

¹ dissert. ab Arriano collect. lib. I. cap. 14. ² de Deo Secret. pag. 79. ³ protrept. pag. 53. ⁴ in Arnob. lib. I. pag. 15. ⁵ dict. loc. ⁶ princ. quest. Platon. p. 999. t. II. opp. ⁷ de genio Secretis, §. 3. p. 137. Brand. hist. philos. ed. Lat.

bus, quos hæc animæ humanæ adpellatio respicit, perspicue sane possumus obseruare, quod dæmones a mente nostra plerique plane distinxerint, vt paullo post pluribus id exponere instituiamus.

* hinc & APVLEIVS *de deo Socratis* librum inscripsit, quo de dæmone Socratis egit. ac sunt nonnulli, qui per genium ipsius nihil aliud intelligunt, quam ingenium eius ac prudentiam, vide GABRIEL. NAVDAEVM apol. pro vir. mag. suspect. cap. XIII. §. 4. PETRVM GASSENDVM syntagm. philos. Epicur. P. II. sect. 2. cap. 6. auctorem libri: *Platonisme dévoilé* p. 56.

§. XIII. Hisce ante positis, inquiramus in ipsum enthusiasmi veterum sophistarum fundamentum, quem quum ipsi oratores non modo sibi vindicarunt, sed & alii crediderunt, eosque diuino adflatu incitados habuerunt, de hisce duobus momentis distincte ac distribute dicere non ab re erit. quod ad ipsos sophistas atque oratores adtinet, iterum hoc loco duplex existit quæstio: altera est: num sophistæ ipsi sibi, siue per speciem quamdam rationum, siue minus, talem entusiasmum persuaferint? altera vero: num res ex fraude, mendaciis, fallaciis ad quæstum constare videatur? quod vtrumque certo modo adfirmare adeoque veteres cum erroris, tum prauæ voluntatis insimulare possumus. nam vt de priori dicamus, probabili ratione existimamus, quod quidam per doctrinam præcipue Pythagoræ ac Platonis de dæmonibus proprie sic dictis & de geniis in opinionem de instinctu diuino fuerint deducti. varia enim spirituum genera posue-
runt

runt veteres, ex quibus PYTHAGORAS quum apud DIOGENEM LAERTIVM ¹ iubet, θεὸς μὲν δαίμόνων προτιμᾶν, ἥρωας δὲ ἀνθρώπων, manifeste post deum quatuor spirituum classes constituit, in quarum prima deos *immortales*; secunda *dæmones*; tertia *heroas*; & quarta denique *homines*, qui aureis carminibus adpellantur δαίμονες καὶ ἀχθόνιοι, collocat, quam diuisionem in primis sequitur IAMBLICHVS. ² PLATO autem post deos immortales tres spirituum ordines posuit, quorum primus complectebatur *angelos*; secundus bonos *dæmones*, & tertius *heroas*, de quibus pluribus videri potest MARSILIUS FICINVS. ³ quod ad dæmones speciatim attinet, illorum indolem ac naturam APVLEIVS ⁴ ita tradit: *dæmones sunt genere animalia, ingenio rationabilia, animo passiva, corpore aëria, tempore aeterna*; & CHALCIDIVS, ⁵ *dæmon est animal rationabile, immortale, patibile, ætherium, diligentiam hominibus impertiens*, de quo momento copiose disseruit GOTTFRIED OLEARIVS, ⁶ cui addis PETRVM DANIEL HVETIVM. ⁷ quum autem hoc officium administrare crederentur, vt ad deos humanas preces & sacrificia; ad homines vero deorum leges & sancta instituta referrent, ⁸ illorum fauorem conciliare sibi, ac cum istis habere commercium & consuetudinem elaborarunt, quo omnis veterum theurgia spectabat. adhibebant quippe varios

¹ lib. VIII. sect. 23. ² de myster. Egypt. ³ comm. ad Plotini ennead. ⁴ de deo Socratis p. 78. ⁵ ad Timæum p. 227.
⁶ dissert. de genio Socratis, ⁷ quæst. Alnet. l. II. cap. 4.
⁸ vid. Platon. conuiui.

ritus & ceremonias, quæ dicebantur τελεταί, ac inprimis in eo positæ erant, vt partim animum a labe & contagione, quam mens ex ipsorum sententia per coniunctionem cum corpore sibi contraxerat, purgarent, ipsumque ad consuetudinem cum dæmonibus & congressum cum diis redderent aptum; partim vt sacrificia in honorem dæmonum ipsisque grata & accepta facerent. cuius theurgiæ effectum esse dicebant diuinos adflatus, quos & theurgi præ se ferebant, vt testantur EYNAPIVS ¹ & IAMBlichVS, ² cuius verba latine tantum adferamus: *ea vero alia non est, quam illuminatio ab ipsis usque diis promanans spiritusque ab iis prouenientes, & obsessio, qua nos tenent plena & absoluta, quæ quidem omnes nostras facultates absorbeat, motusque & operationes humanas & sensum nostri prorsus exterminet: sermones proferens, quos tamen non intelligant, qui loqui videntur, sed furioso ore pronuncient, vt omnia prorsus, quæ nostra sint, occupantis dei potestati soli ministrent tantum & obsæcundentur.* sic plena superstitionis opinio oppleuerat paganos homines, quod dæmones ad spectum ac præsentiam exhibeant, id quod tam firma mentis persuasione crediderunt, vt mirati sint Pythagoræi oppido, si quis se denegaret, vnquam vidisse dæmonem, auctore APVLEIO. ³ vti autem varia talis deorum spirituumque præsentia genera obseruamus in profanis veterum monimentis, de quibus legi possunt IAC. GOTHOFRE-

¹ Actes. p. 74.
Socratis p. 83.

² sect. III. cap. 2. de mysticis. ³ de deo

DVS, ¹ IO. LOMEIERVS, ² EZECHIEL SPANHEMIVS; ³ sic inprimis celebris erat ἐπιφάνεια, quæ per ritus theurgicos fiebat, cuius iterum duæ præcipue species notæ sunt, αὐτοψία atque ἵποπτεία, qua de re pluribus differit IAMBLICHVS, ⁴ cui addas THOMAM GALE. ⁵ * atqui hos dæmones variis fungi muneribus in vtilitatem ac tutelam hominum, ipsisque multa adferre bona existimabant; hinc si animam humanam tantum respicere velimus, dicit SALLVSTIVS ⁶ ex ὑπερκοσμίους θεοῖς τὰς μὲν τὸν ΝΟΤΝ, τὰς δὲ τὰς ΨΥΧΑΣ ποιῆν* quæ anima ex doctrina IAMBLICHI ⁷ etiam per eorum βέλησιν αἰγλήν καὶ τὴν ἀπ' αὐτῶν ἐνδιδομένην φωτὸς ἐκλαμψῃ, ποικίλεις ἀνωτέρω χωρῆσα, ἐπὶ μείζονά τε τάξιν τὴν ἀγγελικὴν, *benignitatem & infusam ab illis illuminationem sæpe altius ascendit, & in ordinem maiorem angelicum prouehitur*: quī & alio loco ⁸ scribit: ὅσα λογιζόμεθα, αὐτῷ τὰς ἀρχὰς ἡμῖν ἐνδιδόντος, διανοόμεθα, πράττομέν τε τοιαῦτα, οἷα ἂν αὐτὸς ἡμῖν ἐπὶ νῦν αἴγῃ, *quæ cogitamus, ab eo (dæmone) principium habent, & ea agimus, quæ nobis in mentem is induxerit*; quodue etiam nobis ea suppedient, quæ debeamus loqui, MAXIMVS TYRIVS ⁹ ex hisce HOMERI ¹⁰ probat:

Τηλέμαχ', ἀλλὰ μὲν αὐτὸς ἐνὶ φρεσὶ σῆσι
νοήσοις,
ἀλλὰ δὲ καὶ δαίμων ὑποθήσεται,

¹ dissert. de myst. pietat. p. 105. ² de lustrationib. veter. gentil. cap. 16. ³ de usu & praestant. numism. diff. V. pag. 197.
⁴ scilicet. II. integra de myst. ⁵ not. ad Iamblichum pag. 204. sqq.
⁶ de diu & mundo cap. 6. ⁷ scilicet. II. cap. 2. de mysteriis Aegyptiorum.
⁸ scilicet. VIIII. cap. 6. ⁹ diff. 16. ¹⁰ od. γ. v. 26.

*Telemache, alia quidem in mente tua perspicies,
alia vero & deus suggeret.*

* crediderunt, hos dæmones tanta celeritate adparere, vt sint τῷ ὄντι ταχύτεροι, qua formula apud græcos scriptores vsitata indicatur summa & mentis nostræ notiones superans celeritas. HESIODVS de Perseo scut. Herc. v. 222. ὁ δ' ὡς τὸ ἰόντι ἐκτάτο, ipse autem velut cogitatio volabat. adde IO. CLERICVM in h. l. p. 170. vnde hæc dicendi ratio transit ad latinos auctores, ex quibus CLAVDIANDIANVS de rapt. Proserp. lib. II. v. 201. scribit, Plutonis equos tam celeres fuisse,

quantum

non leue sollicitæ mentis discurret acumen.

§. XIII. Hi dæmones, quum in hominum conciliationem consuetudinemque per theurgicas ceremonias essent deducti, ipsi GENI erant, quorum plura genera a paganis fingebantur. namque crediderunt genios publicos locorum, regionum, ciuitatum, rerum publicarum, societatum, patriæ & inprimis imperantium principum, nec vllus tam sordidus fuit locus, cui non aliquem genium, tutelarem quasi deum adsignarent, quorum ordines & munera etiam secundum loca diuersa distribuerunt. primum vero genus eorum erat, qui genituræ præsiderent, hominisque vitam ab ipso nascendi principio ad extrema vsque fata tuerentur, de quibus disserit CENSORIUS: ¹ *genius est deus, cuius in tutela, ut quisque natus est, viuit; & paullo post: ge-*

¹ de die natal. cap. 3.

nus ita nobis assiduus obseruator adpositus est, ut ne puncto quidem temporis longius abscedat, sed ab utero matris exceptos ad extremum vitæ diem comitetur. quæ doctrina atque opinio de geniis apud veteres magna consensione erat confirmata, adeo ut CHALCIDIVS ¹ testetur, illam fuisse insitam animis barbarorum, græcorum ac latinorum, ex quibus præcipue schola Platonica ea de re erat celebris. nec est, quod existimemus; genium hominis fuisse mentem humanam, quos spiritus veluti diuersos plerique a se distinxerunt; ac quamuis apud nonnullos talis esset sententia, uti SENECA ² scribit: *sacer intra nos spiritus sedet, malorum bonorumque nostrorum obseruator & custos*; hæc tamen distincta eo nomine perturbant, quod mens humana interdum adpellata fuerit *dæmon* & *genius*: confer GYRALDVM, ³ IO. TAFFINVM, ⁴ GEORGIVM WONNAM ⁵ & alios, quos collegit IO. ALBERT. FABRICIVS. ⁶ *

* hæc sententia de angelis tutelaribus Iudæorum quoque fuit, qui hominum tutelæ præessent eosque perducerent ad variarum rerum cognitionem, uti cabbalistæ nominant præceptorem Adami Razielem, Semi Iophielem, Abrahami Zedekielem, Isaaci Raphaelem, Iosephi Gabrielem, Mosis Metatron, vide I. A. FABRICII codicem pseudepigraph. V. T. p. 4. & interpretes ad Matth. XVIII, 10. & Actor. XII, 15: nec omnes christiani primitiue ecclesiæ ab hac opinione penitus fuerunt

¹ in *Timæum* p. 225. ² *epist.* 41. ³ *synagm.* XV. de diis
⁴ de ludis secularibus cap. XIII. tom. VIII. GRAEVI thesaur. antiq. roman. p. 132. sqq. ⁵ *dissertat. de genis.* ⁶ *bibliogr. antiq. cap. VIII. §. 27.*

runt alieni, vid. H V E T I V M Origenian. lib. II. quæst. 5. & ex doctoribus I V S T I N V S *martyr*, O R I G E N E S, B A S I L I V S *magnus*, H I E R O N Y M V S, E V S E B I V S, C H R Y S O S T O M V S ita senserunt, singulis hominibus a tempore, quo editi sint in lucem, adesse genium.

§. XV. Hæc, quæ exposuimus de dæmonibus ac geniis bonis, * quos veteres pagani coluerunt, ac de quibus inprimis Pythagoras & Plato disputarunt, argumentum dissertationis nostræ illustrant multum, viamque monstrant, qua rationem enthufiasmi apud quosdam sophistas atque oratores exponere atque explanare possumus. vt enim altera veritas gignit alteram; sic homines quoque partim propter intellectus imbecillitatem, partim mentis procliuem ad id, quod a recto ac vero abit, indolem ex vno errore rapiuntur ad alterum, etiam ad varia non solum impia, sed & absona atque absurda animi studia commouentur. quapropter quum pagani in tantis tenebris erroris atque incitæ de dæmonibus eorumque indole & natura versarentur, quid mirum, quod cultui rerum theurgicarum tradiderint sese penitus, quod superstitiones aniles omnino produxerint in lucem, quodue multa enthufiasmi genera sibi persuaserint? atqui si inde originem persuasionis, quæ de adflatu diuino nonnullos sophistas occupauerat, repetamus, amplectimur sane sententiam, quæ rationibus haud contemnendis nititur, ac ipsi argumento clarissimum præfert lumen. nam primum nota sunt ea, quæ P L A T O cum generatim de enthufiasmo eiusque diuersis generibus disse-

ruit, tum speciatim de adflatu cælesti oratorum sensit, ut ex superioribus constat; nec cuiquam, qui vel leuiore industria historiam litterarum philosophicarum persecutus est, obscurum esse potest, quam plena sint Platonis monumenta doctrinarum de dæmonibus ¹ ac geniis, ² in quibus tradendis copiosus sane fuit & diligens, exemplum Pythagoræ singulari secutus cura. ac quamuis ipse rebus theurgicæ non amplissimam daret operam; credit tamen non solum commercia cum diis dæmonibusque, & inde in persuasionem de entusiasmo est deductus; sed etiam per doctrinas de variis spirituum ordinibus, deque mente humana, quæ ex natura diuina emanauerit, ac per corpus contaminata ex ipsius vinculis liberanda, cumque deo iterum coniungenda sit, sectatoribus largam fecit facultatem, qua se grauisimis erroribus vitiisque theurgicis admiscuerunt atque implicuerunt. qua in re præter PORPHYRIUM, ³ IAMBlichVM aliosque, inprimis PLOTINVS celebris extitit, qui plurimum temporis in acerrima cogitatione de spiritibus posuit, etiam sibi genium quendam ac spiritum familiarem adtribuit, quem non ex ordine dæmonum, sed superiorum, vel plane deum fuisse, ** adfirmat PORPHYRIUS. ⁴ at vero ut rem adhuc illustriorem faciamus, non alienum erit a proposito, præter PLATONEM etiam exemplum APOLLONII *Tyanensis*, ex vetusta ætate petitum adferre. hic enim, ut iam obseruauimus, sa-

¹ *in Tim. comius. Epinamid. librique de republic.* ² *Phædr. p. 447. Phædon p. 616. de republ. lib. X. p. 673.* ³ *AVGVST. d. C. D. lib. X. c. 9. 10. 26. 27.* ⁴ *vitæ eius ap. 2. 10.*

pietiam adeoque etiam probabili ratione eloquentiam dixit *θεῖον*, *diuinum instinctum*; constat autem, quod magna opera se exercuerit in rebus magicis, & locum omnino inter illos, qui cogitationes ac studia ad congressus cum diis dæmonibusque contulerunt, adquisiuerit sibi non mediocrem, siue opera illa, quæ PHILOSTRATVS de eo commemorat, ficta sint ab hominibus paganis, vt eo facilius dignitatem miraculorum seruatoris nostri labefactarent; siue vera & producta per vires aut rebus naturalibus insitas, aut a malo dæmone suppeditatas, qua de re copiose atque erudite GOTTFRIED OLEARIVS ¹ disputat, cui addas maxime venerandum JO. FRANCISCVM BVDDEVM. ² quin etiam recentiore ætate extitit IVLIVS CAESAR SCALIGER, qui adesse sibi genium quendam credit, cuius adflatu incitatus animum conferret ad scripitionem: *quæ caussa est*, inquit, *vt ad scripitionem aut commentationem nunquam accingamur, nisi ab ipso genio inuitati, qui nobiscum intus loquitur, neque auditur, ostendens diuinitatis late patentes campos in animis nostris, quos ab officiis corporis suspensos atque abstractos aliis dislinet functionibus: vt non penitus temere dixerit, qui Aristotelis intellectum agentem *** eundem cum Platonico genio existimauit.* ³ id quod exemplum iis de causis obseruamus, quod SCALIGER in primis poësin, cuius magnam consecutus est laudem & gloriam, respiciat, etiam notum sit,

¹ *pref. ad Philostr. de vita Apollon.* ² *thesib. de atheismo & superstition. cap. VIII. p. 701. & dissert. de veritate relig. christiana philosoph. gentiliū obtreclat. confirmata §. 10.* ³ *poetic. lib. III. cap. 15. p. 166.*

esse similitudinem inter enthusiasmum poëticum **** & oratorium.

* quæ adhuc de dæmonibus ex philosophia veterum paganorum disputauimus, intelligi debent de *dæmonibus bonis*. nam præter hos adhuc malos esse crediderunt, ac in monimentis vestigia cognitionis de lapsu angelorum reliquerunt, siue scientiam hanc ex operationibus spirituum pessimorum, siue ex traditione hauserint. sic mentionem facit PORPHYRIUS de abstin. lib. II. p. 80. ἀγαθῶν καὶ φαύλων δαιμόνων, IAMBlichVS de mysteriis sect. II. cap. 7. ἀγαθῶν καὶ τιμωρῶν ἀγγέλων, IULIANVS orat. II. p. 90. φαύλων καὶ ἀνοήτων. bonus dæmon dicebatur. quoque δαίμων δεξιός apud CALLIMACHVM hymn. in Cerer. v. 32. vbi EZECHIEL SPANHEMIVS p. 686. bene obseruat, quod δεξιός idem sit ac ἀγαθός, vt δεξιός ὄρεis de fausta ac bona aui, δεξιά φάσματα de faustis ostentis apud AESCHILVM Agam. v. 1443. quapropter P. D. HVETIVS quæst. Alnetan. lib. II. cap. 4. §. 3. p. 107. maië interpretatur δεξιὸν *infaustum*. malus autem dæmon adpellatur δαίμων ἑσπερός, quasi *alter* siue *sinister* dæmon apud PINDARVM Pyth. od. III. quam adpellationem veteres critici explicant per κακόποιον, quod & obseruat ERASMVVS SCHMIDIVS ad Pindarum p. 118. confer. RABENERI dissert. I. de dæmonibus §. 17. discrimen hoc dæmonum bonorum & malorum non diserte a PLATONE, sed Platonice quibusdam & christianis propositum fuisse, contendit FICINVS ad conuiuium Platonis, quam sententiam adprobat GOTTFRIED OLEARIVS de Socratis genio. §. 3. alii autem loca quædam ex Platone, quibus hanc dæmonum

monum diuersitatem perspicue tradat, adferre instituunt. saltem de ista PORPHYRIVS libris de abstinentia; CHALCIDIVS commentar. ad Platonis Timæum, PROCLVS in Alcibiadem Platonis; IAMELICHVS de mysteriis & alii clare edisseruerunt. pro his duobus dæmonum generibus duplicem etiam magiam coluerunt; alteram *theurgiam*, quæ respiciebat bonos; alteram *goëtiam*, quæ malos spectabat dæmones. atqui hoc nomine duplicem quoque genium, bonum malumue hominis statuerunt, de quo posteriori testatur SERVIVS ad VIRGILIUM Æn. lib. VI. v. 440. *ex duobus genis, qui nobis addantur, alterum ad mala deprauare*, id quod exponit HERMES pœmandr. c. I. per *ἐπὶ λήξειν εἰς αἰσχύαν*, & PINDARVS Pyth. od. III. per *εἰς κακὸν τρέπει*.

UT EX PORPHYRIO cognoscimus, deus hic PLOTINI sub forma draconis sese repræsentauit, id quod indicat, illum fuisse APOLLINEM, qui hac figura adparere creditus est antiquitus, vnde etiam Æsculapii, filii Apollinis signum est draco, vid. SALOM. CELLARIUM antiq. medicis cap. II. §. 6. quâ occasione obseruamus quoque antiquissimum morem, quo dæmones bonos sub specie serpentum fingeant, ac præcipue genium loci ita depingebant, id quod indicat VIRGILIUS Æn. V. v. 95. de serpente ex Anchisæ tumulo emergente dicens:

incertus geniumne loci, famulumne parentis esse putet:

& duo serpentes picti in atrio alicuius loci indicabant, cum heroi cuiusdam siue deo consecratum esse, quod PERSIVS sat. I. v. 113. significare videtur:

*pinge duos angues: pueri, sacer est locus,
extra
meiite.*

talis erat serpens Lanuuii, de quo **PROPERTIUS** lib. IV, 8. Bæoticus in Martis luco, de quo **OVIDIUS** metamorphos III, 28. sqq. quo etiam pertinet serpens nymphis, quæ aquis præsidebant, adiunctus in antiqua quadam pictura apud **FABREY** de aquæduct. diss II. confer **RABENERI** dissert. II. de dæmonib. §. 25. sed ut alii multi paganorum ritus ab Iudæorum religione originem aut occasionem habuere; ita non errauerit forsan, qui ab æneo serpente, salutis causa in solitudine erecto crediderit ad gentes manasse, unde serpentes cultu prosequerentur religioso.

*** hic erat **SCALIGER**, siquidem dæmones & genii, de quibus disputauit **PLATO**, omnino diuersi sunt ab intellectu agente, quem finxit **ARISTOTELES** magna impietate, ut pluribus exercitat. historico-philosophica de atheismo Aristotelis cap. III. sect. 3. demonstrauimus. nisi dicere velimus, quod **SCALIGER** intelligat similitudinem muneris, quod præstat & genius Platonis, & intellectus agens Aristotelis.

**** præter **SCALIGER** sunt adhuc alia exempla illorum, qui de geniis suis sunt gloriati, **GVILIELMI POSTELLI**, de quo videas **THOMAM ITTIGIVM** opusc. var. p. 235. **FACII CARDANI**, de quo ipsius filius **HIERONYMVS CARDANVS** de varietate lib. XVI. c. 43. legi potest, **THOMAE CAMPANELLAE**, qui de suo genio testatur lib. III. c. 10. de sensu rerum **JO. BODINI**, vid. Patiniana p. 3. 4. & aliorum, confer. **JO. ALBERTVM**

BERTVM FABRICIVM bibl. græc. lib. III.
c. II. p. 357 not.

§. XVI. Quamquam sententia nostra argumentis haud contemnendis sit confirmata; illi tamen adhuc quædam obiici posse videntur. etenim si quis modo nomen, modo rem ipsam enthusiasmi inspiciat penitus, forsan in nonnullam potest adduci dubitationem, num ad flatum diuinum per commercia ac congressus cum dæmonibus crediderint? quorum omnis ratio potius in ipso deo, aut diis immortalibus sit quærenda. sed vero hæc sunt leuiores, & dubitatio illa facile potest conciliari & mitigari. nam quamuis dæmones dignitate inferiores diis immortalibus, qui proximum deo supremo locum tenebant, habiti fuerint; coluerunt tamen in illis insignem diuinitatem, siue eorum diuinum ortum, siue quæ hominibus diuinitus denunciarent, intueamur. existimabant quippe, dæmones ortum habere a diis, quapropter IULIANVS ¹ mentionem facit τῶν ἐγγόνων καὶ παίδων τῶν θεῶν βασιλείας, quibus intelligit dæmones, siquidem paullo post dicit, alios horum ἐγγόνων esse σωτῆρας καὶ ἐπικέρους τῆς ἀνθρωπίνης φύσεως, alios vero vindices τῶν ἀδικημάτων, per βασιλείας τῶν θεῶν autem significat solem, eumque qui intellectu tantum percipitur & distinctus est a φαινομένῳ sic quoque ALCINOVS ² illos vocat γέννητὸς θεός, quorum θεὸν facit ποιητὴν ipsosque eius filios adpellat; quamuis fateri debeamus, fuisse quoque, qui dæmones ex animis corpore solutis oriri tradebant. nec est, quod quis adpellationem enthusiasmi, quæ cæleste ali-

¹ oratione II. p. 90.

² introd. in philos. Platonis, c. 15.

quid

quid ac diuinum significet, nobis obiiciat, quoniam ex antiquis monumentis PLATONIS, PROCLI, PLOTINI, ANTONINI & aliorum apertum est, quod dæmones dicti sint θεοὶ * & genii adpellati δῖοι, quo spectare verba TERENTII † existimamus:

memini, relinqui me deo irato meo;

per quem deum quamuis DONATVS intelligat dominum; alii tamen verius illum interpretantur per dæmonem aut genium, eumque malum, qui a PINDARO vocatur ἔρεος* quid multa? in eam ingreſſi erant ſententiam, quod δῖοι nunquam inſtituerent congreſſum cum hominibus, ſed per dæmonum commercium omne inter deos homineſque fieret colloquium; ſiue vigilantibus id, ſiue dormientibus obtigerit. ex quibus ſaltem hæc efficitur conſuſio, quod veteres pagani ſibi perſuaſerint, ſe diuino afflatu incitari ope dæmonum, qui modo ſua virtute ſuæque voluntate tales motus excitant, modo vero deorum immortalium iuſſis ac ſingulari ipſorum vi inſtructi id fecerunt. atqui hæc ratione momentum hoc, quod valde obſcurum ac difficile eſt, vt fieri poteſt, perſpicue ac breuiter explanauimus, atque ad explicandum enthuſiaſmum ſophiſtarum adtulimus.

* vt δαίμων & θεός ſæpe ſint eiſdem ſignificationis; ita etiam δαίμονι & θεῷ, quæ voces apud DEMOSTHENEM, PLATONEM & alios frequenter coniunguntur. & PLETARCHVS de audiendis poetis p. 24. tom. II. opp. ὡς περ ἡμῶν καὶ πράγματα, καὶ ἡθὴ καὶ τὴν Δία λόγους καὶ ἀνδρας ἐκδιδάσκοντες δαίμονι καὶ θεῷ

† Phœn. act. I. ſcena. 2. v. 24.

Libro

προσα-

περσυσγοίς, quomodo nos etiam res, mores ac orationes adeo hominesque solemus diuinos appellare; APOLLONIVS autem dicitur a PHILOSTRATO lib. I. cap. 7. vit. *δαίμων* & *ἄνθρωπος*.

§. XVII. Nunc de altera specie enthusiasmi veterum sophistarum atque oratorum, quæ ex fallaciis, fraude, mendaciis fuit composita, dispiciendum est, ad quam illustrandam antequam adgrediamur, non ab re erit, discrimen inter hæc duo adflatus diuini genera proponere distincte. prius genus, de quo adhuc disputauimus, idque ex doctrina de dæmonibus ac geniis deducendum duximus, inprimis numeramus in erroribus atque ea de re in paganis, qui talia sibi persuaferunt, notamus summam intellectus imbecillitatem; posterius vero, quod iam inspiciamus, praua mentis studia prodit, ac præcipue perditam voluntatis significat libidinem. equidem omnis entusiasmus apud paganos homines ex rebus falsis & fictis constabat, eo tamen discrimine, quod alius præcipue persuasione erroris plena, etiam impia nitebatur, siue sit profectus a causis naturalibus tantum, siue simul a vi quadam mali dæmonis; alius vero per summam fraudem & malitiam erat fictus. hinc & PORPHYRIUS ad ANEBONEM Aegyptium scripsit: *1* *dubito, an non totum negotium theurgiae mera sit animæ religioſæ phantasia, ex nihilo grandia sibi imaginantis?* vt verba latine tantum tradamus; & ex doctoribus ecclesiæ inprimis AVGVSTINVS *2* impietatem artis huius ora-

1 extr. ep. qua præmiss. I AMBLICHO de myster. & de qua legi potest AVGVSTINVS de C. D. lib. X. cap. 11.

2 de Civ. Dei lib. X. cap. 10.

tione grauiori expressit: *quis non videat hæc omnia fallacium demonum esse commenta: nisi eorum miserrimus seruus, & a gratia veri liberatoris alienus? nam si hæc apud deos agerentur bonos, plus ibi utique valeret beneficis purgator animæ, quam maleuolus impeditor. aut si diis iustis homo, pro quo agebatur, purgatione videbatur indignus, non utique ab inuido territi, nec, sicut ipse dicit, per metum valentioris numinis impediti, sed iudicio libero negare debuerunt; & paullo post: O iburgia præclara! O animæ prædicanda purgatio! ubi plus imperat immunda inuidencia, quam impetrat pura beneficentia: immo vero malignorum spirituum cauenda & detestanda fallacia, & salutaris audienda doctrina. quod enim, qui has sordidas purgationes sacrilegis ritibus operantur, quasdam mirabiliter pulcras, sicut iste commemorat, vel angelorum imagines, vel deorum tanquam purgato spiritu vident; si tamen vel tale aliquid vident, illud est, quod apostolus dicit, quoniam satanas transfigurat se velut angelum lucis. eius enim sunt ista phantasmata, qui miseras animas multorum falsorumque deorum fallacibus sacris cupiens irretire, & a vero dei cultu, quo solo mundantur & sanantur, auertere. erant omnino, qui se ipsos diuino adflatu incitados esse credebant eo facilius, quo maior fuit animæ facultas, quæ rerum imagines recipit, eaque adhuc cum indole melancholica coniuncta est, quamuis a studio tales diuinos motus simulandi ac fraudem quamdam fuscipiendi, essent alieni. qui prout in paganis hominibus extiterunt; ita nec defuerunt, qui per va-*
rias

rias rationes adtribuerunt sibi instinctus diuinos, non ex animo, sed simulate, cuiusmodi fucum fecisse & hanc fallaciarum artem exercuisse nonnullos iam sua ætate, testatur PLATO. ¹ sic multi apud paganos legumlatores, vt legibus diuinam auctoritatem adiicerent, simularunt deorum consuetudinem, vti de Numma Pompilio ² præcipue notum est, id quod etiam adeo inualuerat, vt DIODORVS Siculus ³ non dubitauerit, præcipuis legum conditoribus huiusmodi προσποιήσθαι siue simulationem adtribuere. apud AVGVSTINVM ⁴ vero extat hoc VARRONIS effatum: *utile esse ciuitatibus, vt se viri fortes, etiamsi falsum sit, ex diis genitos esse credant, vt eo modo animus humanus, velut diuinæ stirpis fiduciam gerens res magnas adgrediendas præsumat audacius, agat vehementius, & ob hoc impleat ipsa securitate felicius.*

§. XVIII. Non ardua ac difficilis res est, talem malitiam ac fraudem, qua instinctus diuinos simularunt, in multis sophistis obseruare, quorum summa cogitationum & studiorum, quibus ducebantur, in eo posita erat, vt vix mediocriter docti, scientiarum autem opinione tumentes more circumforaneorum hominum agerent, & vt amplissimam nominis famam sibi adquirerent, per fraudes aliorum captarent adplausus. quapropter varias adceperunt adpellationes, quibus animus ipso- rum ad huiusmodi prauitatem maxime procliuis indicatur, siquidem dicti sunt ΔΕΙΝΟΙ

¹ lib. II. de republ. ² vid. LIVIVM lib. I. c. 1. PLV-
TARCHVM vis. Num. VALER. MAXIM. lib. I. c. 2.
³ bibliothec. histor. lib. II. c. 94. ⁴ de C. D. lib. III. c. 4.

ῥήτορες, ut testatur PHILOSTRATVS, ¹ quando scribit: καλῶσι δ' ἐν δεινῷ ῥήτορας, τὴς ἱκανῶς μὲν συνιέντας, ἱκανῶς δ' ἐμμενέουσας, *versutia itaque terribiles oratores vocant, inuentione præstantes & elocutione qui fuerint; qui autem, ut existimationi sophistarum prospiciat, addit: ἐκ εὐφροσύνης ἐπανυμῶσαν τιθέμενοι τῷ πλεονεκτήματι, parum honestum nomen statuentes virtuti: etiam de sophista ANTIPHONTE scribit: καθάπτεται δ' ἡ κωμωδία τῷ ΑΝΤΙΦΩΝΤΟΣ, ὡς δεινῷ τὰ δίκαια, Antiphontem autem comædia quoque arrodit, quod in forensibus rebus versutia esset terribilis, quod & ΤΗΝΥΚΥΔΙΔΕΣ ² obseruat. * porro adpellati sunt ΓΟΗΤΕΣ, *præstigiarum auctores*, ut DEMOSTHENES dixit AESCHINEM δεινὸν καὶ γόητα καὶ σοφιστὴν, & LUCIANVS ³ commemorat ῥήτορα πανῆργον ἐν τοῖς λόγοις, & paullo post dicit: ὁρᾶτε μὴ ἔ φημι φιλοσοφίαν ἔσθός γε, ἀλλὰ γόητας ἀνδρας ἐπὶ τῷ ἡμετέρῳ ὀνόματι πολλὰ καὶ μισγὰς πράττοντας, ἡγόρευε κακῶς, *videte ne, non philosophiam hic maledictis infectatus sit, sed præstigiatores viros, sub nostro nomine multa & fæda perpetrantes; item ΑΠΑΘΗΛΟΙ, ἀπατεῶνες, deceptores, hinc HESYCHIVS σοφιστῆς, ἀπατεῶν, διδάσκαλος, πανῆργος, ut de aliis hisce nominibus taceamus, quæ collegit & illustrauit LVDOVICVS CRESOLLIVS. ** 4* prout autem sophistæ diligenter fraudes & fallacias exercebant, sic quoque eodem vitio, quod ad entusiasmum pertinet, sese polluerunt, quam in rem exemplum POLEMONIS*

¹ lib. I. n. 15. §. 2. de viris sophistarum.

² lib. VIII p. 609.

³ Piscator. p. 394. & 398. tom. I. opp.

⁴ theatr. rhetor. lib. I.

cap. 13.

obseruamus, de quo dicit PHILOSTRATVS: ¹ ὑπέρφρων γὰρ δὴ τι ἔτως ὁ Πολέμων, ὡς πόλεις μὲν ἀπὸ τῆ πρῆχοντος, δυναταῖς δὲ ἀπὸ τῆ μὴ ὑφειμένῃ, θεοῖς δὲ ἀπὸ τῆ ἴσῃ διαλέγεσθαι, nempe adeo elato animo erat Polemon, ut cum ciuitatibus tanquam superior, cum principibus, ut nequaquam inferior, cum diis ut equalis conuersaretur. qui & paullo post tradit, quod quum ipsi ægrotanti adparuisset AESCULAPIVS, ac ut frigido potu abstineret, monuisset, Polemon dixerit: βέλτισε, εἰ δὲ βῶν ἰθεράνευες; quid, optime, faceres, si bos tibi curandus esset? qui familiaris sermo ad deum, qualis creditus est Aesculapius, τὸ μεγαλόγνωμον viri huius satis ac super probat. at vero quum adhuc ex iis, quæ de sophistæ huius actione disseruimus, sit apertum, ipsum vindicasse sibi adflatus diuinos, haud obscure aliquis subinde potest colligere, quod hæc omnia plena fallaciarum simulauerit.

* voces δεινός & δεινότης sæpe in bonam partem sumuntur, ut δεινότης significet facultatem dicendi, eloquentiam apud ISOCRATEM, THUCYDIDEM; & δεινός idem sit ac peritus, prudens, magnus, uti PROTAGORAS dicitur a PLATONE σοφὸς καὶ δεινὸς ἀνὴρ, ob eloquentiam. sed & mala significatio vsitata est. ALEXANDER magnus DEMOSTHENEM vocauit δεινὸν ῥήτορα καὶ γόητα apud DIONEM CHRYSOSTOMVM orat. II. hinc & HESYCHIVS δεινὸν interpretatur per ἱεραμμένοι καὶ πανῶργοι.

** variæ sunt ætates sophistarum, quorum & fortuna fuit varia. floruerunt illi magna auctoritate, ac arti, quam profitebantur, sum-

¹ de vitis sophistar. lib. I. n. 25. §. 4.

ma habita est dignitas. sed quum omnia referrent ad quæstum & ostentationem, cognitionem philosophiæ verioris disiungerent a ratione dicendi, elati regio quasi spiritu de quocunque argumento differere sibi fumerent, id princeps in arte sua ponerent, quo modo causa inferior & iniusta fieri posset superior, & quæ alia illorum vitia erant; hæc omnino rectos sapientiæ æstimatores ad indignationem & odium erga sophistas commoverunt. quapropter non est, quod superiores adpellationes miremur.

§. XVIII. Grauis, licet inanis sophistarum arrogantia effecit, vt huiusmodi fraudes susciperent. QVINCTILIANVS ¹ sophistam nominat *tumidum ac sui iactantem & ambitiosum institutorem eloquentiæ*; & PLUTARCHVS: ² οἱ ῥητορικὴ σοφισταί; τὸ θεῖως καὶ τὸ δαιμονίως καὶ τὸ μεγάλως ἐν ταῖς ἐπιδείξεσι προσδεχόμενοι, καὶ τὸ μετρίως καὶ τὸ ἀνδραπίνως προσεπιδύνασθαι, oratores & sophistæ dum declamantes patiuntur sibi adclamari diuinitus, moderatorum & humanorum laudem amittunt. quapropter proprio veluti nomine adpellantur ἀλαζόνες apud CLEMENTEM Alexandrinum, GREGORIUM NAZIANZENVM, PLATONEM, LVCIANVM aliosque, & PHILOSTRATVS ³ de HIPPODROMO dicit: παραλαβὼν τὴν τέχνην φίλαυτὸν τε καὶ ἀλαζόνα, *artem amplexus cum inordinato sui amore fastuque coniunctissimam*; prout quoque ἀλαζὼν interdum ponitur pro sophista,

¹ institut. orator. lib. XI. cap. I. ² de sui laude pag. 543. tom. II. opp. ³ de vitis sophistarum. lib. II. num. 27. §. 3.

vide LVDOVICVM CRESOLLIVM. ¹ ita gloriæ studiosi erant sophistæ, vt *χολήν* non continerent, si plausus non sequeretur audientium, quos ideo EPICURETUS apud ARRIANVM ² dicit *χάσκειν* *περὶ τὰς ἐπαινεύοντας*, *laudantium vocibus inhiare*; THEMISTIVS ³ autem vocat *ἄνδρας ἐπαινὰς θερέοντας*, *homines, qui laudes venentur*; & GREGORIUS NAZIANZENS ⁴ *οἱ σοφισταί*, inquit, *τῶν δημοσίων θερένται κρότων*, *sophistæ populares plausus studio inflammato venantur*, nec non illos TERTVLLIANVS & HIERONYMVS adpellant *animalia gloriæ & popularis auræ vilia mancipia*. quo incredibili gloriæ studio quum ducerentur, id vnice & dies & noctes cogitabant, quibus mediis cupiditati satisfacere possent, in quibus & hoc omnino princeps erat, quod adflatus cælestes simularunt seque diuinitus incitados iactarunt magnifice. nec fuit difficile, aliquid tale multitudini persuadere, quum & in ingenio rudis esset, & in mente studiis prauorum adfectuum traheretur, qua populi indole sibi omnino diuinam auctoritatem facile poterant conciliare. quo maior enim est hominum stultitia, eo feliciori fruuntur successu homines circumforanei, ac famam existimationem que efficere possunt auctiorem, id quod verbosius exponemus de causis nunc disputaturi, cur alii veteres sophistas atque oratores crediderint, instinctu diuino esse incitados.

§. XX. Hactenus igitur de enthusiasmo, quem ipsi sophistæ sibi adtribuerunt *modo ex*

¹ theatr. rhetor. lib. V. c. 1. 2. & lib. I. c. 13. ² lib. III. c. 11.
³ orat. I. ⁴ orat. XXVII.

animo per creditum cum dæmonibus commercium, quamuis re ipsa sit falsus atque aut ex causis naturalibus tantum, aut simul a vi quadam mali dæmonis profectus; *modo* simulate, vt aliis facerent fucum ac summam auctoritatem sibi conciliarent. sed tamen obseruauimus quoque, quod & alii, audientes quippe sermones sophistarum atque oratorum, adflatus diuinos ipsorum sibi persuaferint, qua de re non solum appellationes, quibus illos ornaverunt, atque adclamandi formulæ; sed exempla etiam testantur, in quam persuasionem eiusdemque fundamentum inquirere accuratius, muneris nostri esse ducimus. quæ vt exponamus distincte ac perspicue, non ab re erit, breuiter de vi oratoria disserere, per quam multos in opinionem de instinctu cælesti deductos esse existimamus, quibus expositis rem ipsam ex antiquis sophistarum monumentis illustrare elaborabimus. vis ista oratoria modo sua natura, modo quatenus in animis hominum exerceatur, potest considerari. priori modo pendet cum ab ipso oratore, cuius actio magnum pondus sermoni adiicere potest, tum ab orationis indole, quæ iterum pertinet partim ad intellectum, qui modo per veritatis argumenta ad illius cognitionem ducitur; modo per noua, inusitata atque incognita adficiuntur admiratione; partim ad voluntatem, quæ nunc per suauitatem, nunc per grauitatem pro diuersitate adfectuum commouetur. ea quæ orator præstat in cognoscenda veritate, habet communia cum philosopho; admirationem autem ac commotionem mentis excitare, proprium ipsius munus est, quod præcipue in tan-

ta peruerfitate hominum neceffarium. pofteriori autem ratione, quum ipfa oratoria vis debeat exerceri erga mortalium animos, obferuandum eft difcrimen auditorum, quorum ratione ingeniorum & adfectuum magna eft diuerfitas, vt quo magis oratio ad ipforum indolem eft compofita, eo maior ipfius vis fe fe prodat. quam ob rem interdum poftulat prudentia oratoris, fi eloquentiam fuam ad vñum transferre velit ciuilem, etiam rationes ad cupiditates hominum adcommoatas adhibere, vt facilius fe in ipforum adfectus infinuare, atque ad optatum peruenire poffit finem. TITVS CASTRICVS dicit apud GELLIVM: ¹ *aliter cenfor loqui debet, aliter rhetor. rhetori concefsum eft, fententiis vti falſis, audacibus, ſubdolis, captioſis, ſi modo veriſimiles ſunt & poſſunt ad mouendos hominum animos qualicunque aſtu irrepere; in quibus verbis quædam duriora adparent, quæ in vſu ſunt mitiganda.* QVINCTILIANVS ² autem ſcribit: *nobis ad aliorum iudicia componenda eſt oratio & ſæpius apud omnino imperitos atque aliarum certe ignaros litterarum loquendum eſt: quos niſi & delectatione allicimus & viribus trahimus, & nonnunquam turbamus affectibus, ipſa quæ iuſta ac vera ſunt, tenere non poſſumus. locuples & ſpecioſa vult eſſe eloquentia, quorum nihil conſequetur, ſi conſuſionibus certis & crebris & in vnã prope formã cadentibus concifa, & contemptum ex humilitate & odium ex quadã ſeruitute, & ex copia ſatietatem, & ex amplitudine faſtidium tulerit.* atqui hæc, quæ diſputauimus,

¹ noſtlib. Attic. lib. I. c. 6.² inſtit. orat. lib. V. c. 14.

facile ad sophistas ac præsens argumentum, unde aliorum persuasio de adflatu diuino oratorum sit orta? possunt adplicari. sophista quippe id agebant vnice, vt audientium ingenia admiratione, animos vero delectatione & vehementiori motu adficerent, ac pro sua caliditate, qua propriæ tantum vtilitati consulebant, omnia ad ipsorum indolem adcommo- darent. sic ipsorum orationes magnam habebant vim, etiam ad opinionem de cælesti instinctu excitandam.

§. XXI. Sed distincte hæc ex historiarum monumentis sunt illustranda. primum igitur sophistæ elaborarunt, in audientium animis efficere admirationem, quam in rem varia media adhibebant, siue rationem, qua declamarent. siue ipsorum sermonum indolem respiciamus. in priori momento orationibus ex tempore recitandis amplissimam dederunt operam, hocque modo, quum celeres & acutos ingeniorum motus ad excogitandum atque explicandum; vberes quoque & copiosos ad ornandum proderent, facile audientibus adtulerunt admirationem. sic sophista LOLLIANVS ἐσχεδίαζε κατὰ τὸν Ἰσαῖον, ἃ δὴ καὶ ἠκροάσατο. *ex tempore dicebat iuxta Isai indolem, cuius certe auditor etiam extitit, teste PHILOSTRATO*; ¹ sic POLEMON laudatur propter τὴν γλῶτταν αὐτοσχέδιον καὶ τὴν γνώμην, *quod ex tempore aliquid ἔ inuenire ἔ dicere potuerit*; ² sic ANTIOCHVS τὰς μελέτας αὐτοσχέδιως ἐποιῶτο, *ex tempore declamabat*; ³ sic QVADRATVS, qui præconfu-

¹ de vit. sophistar. lib. I. n. 23. §. 2.

² ibid. lib. I. n. 25. §. 6.

³ ibid. lib. II. n. 4. §. 2.

latum Asiæ gessisse legitur apud ARISTIDEM,¹ qui & illum diserte adpellat ῥήτορα, vt ob-
seruauit VALESIVS,² fuit αὐτοσχεδιάζων τὰς
θεμαῖς ὑποθέσεις, locos quippe communes,³
ex philosophia depromptos, de virtutibus,
vitiis, exilio, paupertate, quod apud antiquos
ad augendam eloquentiam genus erat exerci-
tationis, vt refert QVINCTILIANVS.⁴ ex
latinis quoque commemorantur, qui laudem
subitæ ac fortuitæ orationis sibi adquisiuerunt.
de ISÆO, cuius fama eloquentiæ magna Ro-
mæ erat, antequam ipse eo ex Asia, vt putatur,
veniret, scribit PLINIVS: *summa est facul-
tas, copia, vbertas, dicit semper ex tempore,
sed tanquam diu scripserit*; cuius facundiam
IUVENALIS quoque his verbis⁶ lauda-
vit:

*sermo
promptus & Isæo torrentior;*

quæ vetus scholiastes de hoc Isæo interpreta-
tur. quis auctor sit talis promptæ orationis?
de eo adhuc disputatur, siquidem laudem hanc
alii vindicant AESCHINI, alii PERICLI, a
quo σχεδίων δὲ πηγὰς λόγων ἐνῆναι φασιν, ex-
temporalis orationis fontes manasse nonnulli
dicunt, quod tradit PHILOSTRATVS,⁷ qui
& paucis interiectis addit, quosdam existima-
re, τὸ σχεδιάζειν τῇ λισχίνῃ εὐρημα, sed neu-
trum veritati est consentaneum. namque
quod ad PERICLEM adtinet, sententiæ huic
refragatur PLVTARCHVS, qui de eo: ⁸ ὁ Περ-

¹ orat. sacra IV. p. 597. ² ad Euseb. p. 71. ³ Philostrat.
lib. II. n. 7. de vit. sophistar. ⁴ lib. II. c. 1. institut. orat.
⁵ lib. II. epist. 3. ⁶ satyr. III. v. 74. ⁷ proem. de vit. sophist.
⁸ de educandis liberis p. 6. t. II. opp.

εὐκλῆς καλούμενος ὑπὸ τῆς δῆμῃς, πολλάκις ὕχ ὑπή-
 κασε λέγων ἀσύντακτος εἶναι, etiam alio loco ¹
 confirmat, DEMOSTHENEM in PERICLE
 probasse atque imitatum esse τὸ μὴ ταχέως, μη-
 δὲ περὶ παντὸς ἐν τῇ παρισταμένῃ λέγειν. nec de
 AESCHINE, veluti auctore huiusmodi dicen-
 dicationis quidquam commemoratum legi-
 mus, quamvis apud PHOTIVM ² dicatur
 πρῶτος τὰ πλάσματα καὶ τὰς μελέτας συνθεῖναι.
 sunt quoque, qui ANAXIMENEM *Lampsaca-
 cenium* hanc orationis formam inuenisse di-
 cunt, PAVSANIAS ³ quippe, qui dicit: ἔμην
 εἰπεῖν τις αὐλοσχεδίως Αναξιμένῃς πρότερος
 ἔστιν ἑσπερίως, ante Anaximenem quidem nemo
 subita oratione conatus est dicere, & qui
 ipsum sequitur SVIDAS. ⁴ * nec non alii
 verius existimant, GORGIAM hac in re fuisse
 principem, ut observat PHILOSTRATVS, ⁵
 quod primus in Atheniensium theatro ausus
 fuerit dicere: προβάλλετε, ** *proiicite*, hac-
 que voce significauerit, se scire omnia, ac de
 quocunque argumento promte posse disserere.
 idem testatur PLATO, ⁶ & QVINCTI-
 LIANVS: ⁷ *Gorgias quoque summa senectutis
 id quærerere auditores, de quo quisque vel-
 let, iubebat; CICERO: ⁸ quorum e numero
 primus est ausus Leontinus Gorgias in con-
 uentu poscere quæstionem, id est iubet dicere,
 qua de re quis vellet audire.*

* huic ANAXIMENI tribuunt nonnulli rhe-
 toricam ad Alexandrum, quæ legitur inter
 Aristotelis scripta. confer MEVSIVM

¹ vit. Demosthenis. ² codic. LXI. ³ Eliac. postea, sine
 lib. VI. p. 496. ⁴ in Anax. ⁵ pream. de vit. sophist.
⁶ in Gorgias. ⁷ instit. orat. lib. XII. c. 11. ⁸ de fin. bonor.
 & mal. lib. II. c. 1.

biblioth. p. 1218. MENAGIVM ad Laertium
lib. VI. segm. 57. FABRICIVM bibl. græc.
lib. II. c. 23. §. 9.

** sic moris erat apud sophistas, vt dicerent
προβάλλετε, qua voce in hoc negotio vsus est
PLVTARCHVS de audiendis poet. *ἔταν δὲ*
τὸς ἀκούοντας ὁ λίζων ἱερῶν καὶ προβάλλειν κε-
λεύσῃ, ubi vero is, qui dicit, auditores *quærere*
et ponere, de quo disputetur, iusserit. CICE-
RO vsurpat vocem *ponere*, quando lib. I. cap.
4. Tusculan. quæstion. dicit: *ponere iube-*
bam, de quo quis audire vellet: ad id aut sedens
aut ambulans disputabam.

§. XXII. Si hisce exercitationibus mo-
dus quidam adhibetur, vtile est, etiam subito
dicere, atque audientibus præter admiratio-
nem magnam interdum adfert voluptatem.
hinc AVCTOR de causis corruptæ eloquen-
tiæ: ¹ *sed extemporales audaciæ atque ipsius*
temeritatis vel præcipua iucunditas est. nam
in ingenio quoque, sicut in agro, quanquam
alia diu servantur atque elaborantur, gratiora
tamen, quæ sua sponte nascuntur: quamvis
utilius adhuc sit, bene excogitatam & cum cu-
ra studiose compositam adferre orationem,
vti iudicat CICERO: ² quam ob rem in istis
ipsis exercitationibus, etsi vtile est, etiam su-
bito dicere, tamen illud utilius, sumto spatio
ad cogitandum atque accuratius dicere. sed
vero multi sophistæ inani gloriæ studio capti,
hac in re maiori temeritati atque audaciæ,
quam par erat. sese tradebant, præcipue quum
de quacunque re non solum promte & subito,
sed etiam in vtramque partem dicere sibi su-

¹ cap. 6. §. 8.

² de orator. lib. I.

merent, quo factum est, ut talis differendi modus rectis eloquentiæ magistris atque auctoribus fuerit odiosus. CICERO ¹ quum commemorasset exemplum GORGIAE, addit: *audax negotium; dicerem impudens, nisi hoc institutum postea translatum ad philosophos nostros esset*; QVINCTILIANVS adpellat hanc exercitationem *extemporalem garrulitatem & circulatoria vere iactationis* esse adfirmat; PLVTARCHVS ² vero: οἱ δ' αὐτοχέδιοι τῶν λόγων πολλῆς εὐχερείας καὶ ῥαδιουργίας ἐστὶ πλήρεις, *orationes ex tempore habitæ plenæ sunt multæ leuitatis & vanitatis*: PETRONIVS: ³ *ingens scholasticorum turba in porticum venit, ut adparebat, ab extemporali declamatione nescio cuius, qui Agamemnonis suavioriam exceperat.* *

* exemplum theologi cuiusdam in ordinem Franciscanorum adscripti, qui præstitit eloquentia subita, commemorat ERASMV S lib. XV. epist. 14. *rogatus a me in familiari colloquio, quibus modis præpararet animum suum sturus ad concionandum? respondit, se solitum in manus sumere Paullum & in eius lectione tam diu commorari, donec sentiret incallescere pectus. illic hærebat addens igneus ad deum preces, donec admoneretur, esse tempus incipendi. nonnunquam septies concionabatur una die, nec unquam ei deerat sermonis eruditi copia, quoties de Christo loquendum erat. cuius exempli etiam mentionem habent MORHOFIVS polyhist. litter. lib. I. c. 12. §. II. PASCHIVS de inuentis nouantiquis cap. II. §. 22. p. 79. HANSCHIVS de entusiasmo Platónico sect.*

¹ de finib. bon. & mal. lib. 2 c. I.

² de educandis liberis.

³ satir. cap. 6.

II. §. 14. adde CRENIVM animaduerſion. phil. & hiftoric part. VII. c. 3. §. 8. p. 179. ſeqq. bene adhuc PETRVS BVRMANNVS ad Petronium p. 28. de hominibus, quibus ſcriptio-
ne occupatis omnia leuia videntur, iudicat:
quare ineptos illos oratores & poetas merito ri-
demus, qui cacatis ſuis chartis adſcribunt tem-
poris ſpatium, intra quod euomuerunt ſcripta,
vel loca minus apta ſtudijs designant, & ſe vel
inter equitandum, vel nauigandum, vel alijs oc-
cupatos negotijs effutiſſe ſua ſtatim moritura
verba iactant.

§. XXIII. Atqui hoc primum fuit, per
quod ſophiſtæ audientibus admirationem mo-
uerunt, cuius excitandæ quum maxime eſſent
ſtudioſi, alia adhuc media in orationum in-
ventione & elocutione adhibuerunt, quibus
hanc vim effici poſſe exiſtimarunt. quod ad
inventionem adtinet, in eo omne ſtudium
omnemque operam poſuerunt, vt adferrent
καινά, παραδόξα & τέρατα. primum elaborabant
vehementer, vt dicerent noua, & eiufmodi res,
de quibus nemo ante diſſeruerit, aut quæ ſal-
tem non adeo fuerint cognitæ: hinc ISO-CRA-
TES ¹ adfirmat, illos *περὶ τῶν ζῆλῶν λέγειν,*
περὶ ὧν μὴδεις πρότερον εἶχεν, de rebus a nemi-
ne prius tractatis dicere inſtituiſſe, de quo
etiam teſtimonium exhibet IULIANVS. ²
deinde ſophiſtis ſolemnis ac propria fuit πα-
ραδοξολογία, de quibus iam nominatus ISO-
CRATES ³ obſeruat, quod inprimis de eo
fuerint ſolliciti, quomodo ὑπὸ θεσιν ἄτοπον καὶ
παραδόξον argumentum absurdum & admira-

¹ παρηγορίε.
pag. 401. opp.

² orat. I. p. 2. opp.

³ princ. laudat. Helen.

bile pertractarent. id quod etiam PHILOSTRATUS in variis sophistis speciatim notat, GORGIA quippe, qui ὁρμῆς τοῖς σοφισταῖς ἤρξε καὶ παραδοξολογίας, *contentionis in oratione sophistis auctor extitit & admirabilis dicendi generis*; ¹ & NICETE, de quo tradit: τὰς ἐννοίας ἰδίας ἑ καὶ παραδόξας ἐκδιδωσιν, ὥσπερ οἱ βακχεῖοι θύεσσι τὸ μέλι, καὶ τὴν ἐσμὸν τῆ γάλακτος, *sententias proprias & admirabiles edit, non secus atque mel Bacchii thyrsi lactisque copiam*. ² tertium proferebant τέρατα, unde LIBANIVS ³ hos oratores diserte vocat σοφιστὰς τερατολόγους, confer LVDOVICVM CRESOLLIVM. ⁴

§. XXIIII. Nec solum hæc in inuentione, sed elocutione quoque sunt consecrati. namque primum nouas rerum adpellationes nouasque voces confingebant, quo quum haud facile intelligerentur sophistæ, promiscua multitudo vertebatur in admirationem. LUCIANVS ⁵ per irrisiōnem dicit: ἐνίοτε δὲ καὶ αὐτοὺς ποιεῖ καινὰ καὶ ἀπρόκοτα ὀνόματα, καὶ ὀνοματοθέτει. τὸν μὲν ἐρμηνεύσαι δεινὸν εὐλεξιν καλῶν, τὸν συνετὸν σοφόναν. τὸν ὀρχηστὴν δὲ χειρίσοφον, *nonnunquam etiam tu noua finge & monstrosa vocabula*: vt interpretandi peritum εὐλεξιν, & honestorum prudentem σοφόναν, saltatorem autem χειρίσοφον. sic RHOTIVS ⁶ de SOPHRONIO patriarcha testatur, quod pie quidem, sed nimis quam sophistice dicat: ἐννεωτέρει, inquit, πανταχῷ ἑήμασι, *nouis ver-*

¹ de vit. sophist. lib. I. n. 9. §. 1. ² lib. I. n. 19 §. 1. de vit. sophistar. ³ declamat. XXXVII. ⁴ theatr. rhetor. lib. I. c. 15. lib. III. c. 22. ⁵ rhetor. praecept. p. 319. tom. II. opp. ⁶ codic. CCXXXI.

bis iuueniliter exsultabat; sicque DEMADES, sophista puberes adpellauit ἱερὰ τῶ δήμου, *ver populi*; muros ἐσθῆτα τῆς πόλεως, *paludamentum ciuitatis*; & tibicinem κοινὸν Ἀθηναίων ἀλέκτορα, *publicum Atheniensium gallum*, auctore ATHENAEO. ¹ qui DEMADES quamuis voces vsitatas adhibuerit, significationes tamen earumque compositiones pro sua libidine finxit, adeoque quum natura vocum vi sua significandi inprimis absoluitur, idem omnino commisit vitium. ex hoc studio nouarum adpellationum multa alia inepta atque incommoda consequebantur, quapropter valde illos ridet LVCIANVS, ² & recte monet, hæc noua fugienda esse, quippe quæ & castitati & perspicuitati, primis eloquentiæ virtutibus repugnent. quin etiam tales dictiones sæpius aut errores aut dissidia parere possunt, vti bene AVGVSTINVS ³ iudicauit: *nobis ad certam regulam loqui fas est, ne verborum licentia etiam de rebus, quæ his significantur, impiam gignat opinionem*: conf. GEORG. NICOL. KRIEGK. ⁴ sed vero ab vno vitio, vt fit plerumque, delabebantur in eloquentia sophistæ in aliud, æque ineprum; & prout in inuentione ac sententiis παραδόξα proponere elaborabant; sic eodem studio in elocutione ac verbis ducebantur, cuius exempla clara habentur apud scriptores. PHILOSTRATVS enim de CRITIA dicit: ⁵ καὶ τὸ παραδόξως μὲν ἐνθυμηθῆναι, παραδόξως δ' ἀπαγγεῖλαι, Κρίτις αἰγών, *in admirabili item, tam in*

¹ de Deipno *sophist.* lib. II. p. 44. lib. III. p. 99. ² *Lexiphan.* p. 836. tom. I. opp. ³ de ciuit. Dei lib. II. p. 48. ⁴ de *sophist.* eloquentia §. 36. sqq. ⁵ de vit. *sophistar.* lib. I. n. 16. §. 4.

sententiis, quam in elocutione exercitatissimus Critias est; quo & spectat παραδοξολογία
NICETAE, quod dixerit, naui insulam esse alligandam, quum alias alligetur nauis ad insulam. hinc etiam quum adolescens quidam dictum hoc Nicetæ laudaret, sophista **ISAEVS** καλαγελάσας πάλιν, *effuse ridens* dixit: ἀνοή-
 τε, καὶ πῶς ἀναχθήσῃ, *stulte, quoniam modo re-
 nauigabis?* aut vt rectius legit **GOTTFRIED**
OLEARIUS: καὶ πῶς ἀναδήσῃ, *quomodo insu-
 lam naui alligabis?* ¹ tandem adhibuerunt
 quoque monstra & portenta verborum. **A.**
GELLIVS ² mentionem facit duorum orato-
 rum, quorum alter, quum dicere vellet inopia
 quendam miseroque victu viuere & fursu-
 reum panem esitare vinumque eructum & fæ-
 tidum potare, hic, dixerit, eques romanus aplu-
 dam edit & floces bibit; adeoque vsurpaue-
 rit duas prisca voces, quæ omnibus fere erant
 incognitæ. alter vero quum aduersarius
 causam differri postularet, in hæc verba eru-
 perit: rogo prætor, subueni, succurre: quo-
 nam usque nos **BOVINATOR** hic demoratur,
 atque ter quaterque magna voce clamauerit:
BOVINATOR est, quod nomen significans ho-
 minem malitiosum deprehendebatur apud
LVCILIVM. cuiusmodi portenta etiam no-
 tat **SENECA** ³ in rhetore **MVSA**, qui longis-
 sime a communi dicendi ratione sese disiun-
 gebat.

* necesse interdum est, noua recipere vocabu-
 la, vt pluribus demonstrauimus historia cri-
 tica latinæ linguæ cap. XIII. § 9. p. 501. seqq.

¹ de vit. sophist. lib. I. num. 20. § 2. ² noct. Attic. lib. XI.
 cap. 7. ³ præf. lib. V. controuers.

vbi etiam p. 507. not. auctores huc spectantes collegimus, quibus iam addimus JO. IENSIVM, qui ferculo litter. p. II ita scribit: nulla lingua ab ullo extraneo purissime vsurpatur, nisi ab homine vnice se studio cultuique linguae alicuius extraneae tradente; sed nec ab eo quidem purissime, vbi in rebus suae patriae, suae nationi, suis sacris ac religioni propriis peregrina lingua enarrandis versatur. quis exempli gratia Batauius gallice res singulas Batauicas ita efferat, vt numquam cogatur Batauice in lingua Gallica loqui; cuique linguae suus genius, & in qualibet natione sunt multa, quae apud alias nationes vel prorsus non, vel aliter comperiuntur. tum quia vocabula desunt, vbi res desunt (scilicet vocabula sunt inuenta rebus exprimendis; ergo vbi res aliqua ignoratur, vel in vsu non est, etiam nulla ibi vox isti rei exprimendae apta reperitur, nec desideratur) necessum est, vt ad res alienas ab ea lingua, quae vtaris, exprimendas, velingas noua vocabula, vel nonnihil istius linguae vocabula detorqueas & accommodes, atque ita qualicumque modo id, quod velis, declares. sed tamen decet, haud maiori, quam par est, vti licentia, contra quod grauiter peccarunt sophistae. nam vocum auctoritas pendet ab vsu, qui non vnus, sed saltem plurium eorumque politorum esse debet. auctoritate autem nititur significatio, quae haud firma ac perspicua esse potest, nisi per definitum usum confirmata, vt adeo nouae voces, quibus aliquis pro sua voluntate vtitur, omnem sermonis finem, quo aliis cogitationes declarare debemus, perturbent atque euertant.

§. XXV. Hæc de priori momento, quod veteres sophistae atque oratores magna studia
in

in eo posuerunt, ut partim per subitam declamandi rationem; partim singularem orationum earumque inuentionis atque elocutionis formam auditores deducerent in admirationem. quæ ut spectabant ad intellectum; ita voluntatem quoque ac mentem vi sua occupare eamque cum delectare, tum vehementiori motu adficere elaborabant, de qua re magnam curam ac diligentiam non solum in inuentione ac sententiis, sed & elocutione ac verbis adhibebant. dixerunt enim de rebus, quæ auditoribus pro ipsorum indole placebant, ac eiusmodi orationem, cui magnam inesse suauitatem existimabant, sæpius adtulerunt. multi profecto nihil habebant antiquius, quam floridum dicendi genus sequi, ac suauia eligere verba, quamuis haud ubique decus obseruarent, unde re ipsa omnem gratiam amittebant orationes. quo nomine LVCIANVS ¹ adpellat has voces ῥήματα πάνυ ἱταρικά, *verba per quam meretricia*, ex quibus existeret oratio fracta quidem, cuius tamen suauitas titillaret sensus atque ad animos adflueret; & alibi ² talem oratorem dicit μέρον ἀποπνέοντα, *unguenta spirantem*. QVINTILIANVS ³ autem: *quapropter eloquentiam licet hanc (dicam enim ut sentio) libidinosam resupina voluptate auditoria probent, nullam esse existimabo, quæ ne minimum quidem in se iudicium masculini incorrupti, ne dicam grauis & sancti viri ostendet.* * namque pro sua tantum libidine colligebant veneres, ac fingeant sibi sæpe venustatem, quæ veri

¹ piscat. p. 396. tom. I. opp. ² rhetor. praecept. p. 315. t. II. opp.
³ institus. orator. lib. V. cap. 12.

ac recti cultoribus non suavis ac iucunda; sed ingrata & molesta erat; nec rebus hisceretinebant modum adeoque per nimium aures atque animos audientium offendeabant. sic utebantur poeticis dictionibus, ut per suauem earum tinnitum efficerent delectationem, ad cuiusmodi dicendi formam inprimis se conuertit GORGIAS, ut testatur DIONYSIVS *Halicarnassens*: ¹ κατέφευγε εἰς τὴν ποιητικὴν φράσιν, μεταβολαῖς τε ποικίλαις χρώμενος, & ARISTOTELES ² dicit: ποιητικὴ πρώτη ἐγένετο λέξις, οἷον ἡ Γοργίᾳ, qui etiam ³ exempla adfert ποιητικῶν ὀνομάτων ex GORGIA, qualia πῶ-χόμκκος κόλαξ item χλωραὶ καὶ ἔλαιμα τὰ πρᾶγματα & alia, cuiusmodi & SOCRATES ⁴ commemorat. quumue cultores vocum poeticarum multis essent grati, ut testatur ARISTOTELES, ⁵ quod sua ætate tales homines sint existimati διαλέγεσθαι κάλιστα, & alii exemplum GORGIAE sunt secuti, ex quibus præcipue clarus est ANTIPHON, cuius orationes plenæ fuerunt dictionum poeticarum. ⁶ quo stilo perperam sane utebantur in oratione soluta, inprimis durioribus translationibus, quæ poetarum ingenia interdum maxime delectant; orationi autem nullum adferunt decus. hinc recte dicit ARISTOTELES: ⁷ ἑτέρας λόγῳ καὶ ποιήσεως λέξις ἐστὶ, alia orationis, alia poësis elocutio est.

* est præstantissima ornati sermonis virtus χαριστισμός, quæ adpellatio deprehenditur apud DIONYSIVM Halicarnassem in Isæo p. III.

¹ iudicio de Lyfia. ² rhetor. lib. III. cap. 1. ³ ibid. c. 3.

⁴ apud Xenophontem in commu. ⁵ lib. III. cap. I. rhetor.

⁶ HERMOGENES de formis lib. II. p. 80. ⁷ cit. loc.

Ee

& Iso-

& Isocrate p. 99. ac HERMOGENEM περί
 ἰδίων seu de *formis oratoriis* lib. II. cap. 5. signi-
 ficat eam orationis rationem, qua est ele-
 gans, venusta, nitida, mollis, delicata. hæc
 enim vox oritur ἀπὸ τῶν χαρίτων, χάρις autem
 apud græcos etiam significat quidquid in ora-
 tione vel quacunque re leporis, elegantix ac
 venustatis est. quamvis hæc forma commu-
 nis sit tribus dicendi generibus, sublimi, me-
 dio atque humili; maxime tamen in duobus
 posterioribus est conspicua. ob χαριτισμὸν
 ex oratoribus ISOCRATEM commendant
 CICERO, QUINCTILIANVS, DIONY-
 SIVS; nec non celebres sunt de hoc sermonis
 ornatu ex *historiarum auctoribus* ac quidem
 græcis, HERODOTVS & XENOPHON; la-
 tinis. vero VELLEIVS PATERCVLVVS &
 IVLIVS CAESAR; ex numero poëtarum epi-
 corum HOMERVVS, HESIODVS, VIRGILIVS,
 OVIDIVS; tragicorum EVRIPIDES, SE-
 NECA, comicorum MENANDER, TE-
 RENTIVS, ac lyrici præ aliis suauitatem
 hanc sibi vindicant. quod enim in epicis
 gravitas, in bucolicis simplicitas, in elegiis
 mollities, comicis iocî, tragicis adfectus, sa-
 tiricis acerbitas, epigrammatibus acumen, id
 in lyricis suauitas, cuius magnam laudem ha-
 bent SAPPHO & ANACREON. sed sophi-
 stæ quamvis veneres eloquentiæ fuerint se-
 ctati; vt delectarent audientium animos;
 vim tamen veræ venustatis orationibus suis
 haud adtulerunt; ac magis libidinem animi,
 quam ingenii suauitatem prodiderunt.

§. XXVI. Sic porro sophistæ orationes, vt
 multum haberent delectationis, figuris orna-
 bant rhetoricis, quas sermonem reddere posse
 ele-

elegantem atque ornatum, magnamque sæpe habere vim mouendi, haud negamus, * si modo istas non solum modice adhibeamus, sed & earum usum temperemus cum iudicio, id quod sophistæ non semper obseruauerunt. etenim quum voluptati interuissent, atque ostentationem propositam sibi haberent, id vnice cogitarunt, quomodo suaues sonos excitare, auresue adficere delectatione possent, & ubique hæc ornamenta exprimere instituerunt. primus illis usus est GORGIAS, ante cuius tempora plerique dicebant proprie & plane, vid. DIODORVM *Siculum* ¹ & DIONYSIVM *Halicarnasæum*: ² quem alii sequebantur, atque inprimis studebant orationi concinnæ ac varia schemata usurpabant, quæ ipsi pondus & gratiam conciliant. formæ enim quædam sunt, quæ ad sermonem festiuium & concinnum magnam vim adferunt, ut ipse CICERO ³ testatur: *formæ verò quædam sunt orationis, in quibus ea concinnitas inest, ut sequatur numerus necessario. nam quum aut par pari refertur, aut contrarium contrario opponitur, aut quæ similiter cadunt verba, verbis comparantur: quidquid ita concluditur, plerumque fit; ut numerosè cadat.* scilicet obseruant artis oratoriæ doctores, tribus formis præcipue niti sermonis concinnitatem. prima est ANTIΘΕΣΙΣ, quum contrariis opponuntur contraria, quam adpellat QVINCTILIANVS ⁴ *contrapositum* eiusque tres constituit species: *contrapositum autem, inquit, vel ut quidam vocant, contentio non*

¹ lib. XII. p. 313.² de Thucydidis idiôm. p. 135. seqq.³ de orator. c. 65.⁴ institut. orator. lib. IX. cap. 3.

uno fit modo. nam & fit, si singula singulis opponuntur, ut in eo, quod modo dixi: vicit pudorem libido, timorem audacia; & bina binis: non nostri ingenii, vestri auxilii est; & sententia sententiis, dominetur in concionibus, iaceat in iudiciis. cui commodissime subiungitur & ea species, quam distinctionem diximus: confer GERH. 10. VOSSIVM. ¹ secunda forma dicitur ΠΑΡΙΣΩΣΙΣ, per quam verba verbis quasi demensa & paria respondent, quod fit vel quum singula verba nullo vinculo coniuncta suis distinguuntur interuallis, e. g. inimicos inuidia, iniuriis, potentia, perfidia sustulisti: vel quum verbis coniunctis sententiæ proponuntur, id quod hoc pacto fieri oportet: perditissima ratio est, amorem petere, pudorem fugere, diligere formam, negligere famam. neque vero syllabarum numerus plane par & strictus requiritur, quod puerile est; sed tantum adfert vsus & exercitatio facultatis, ut animi quodam sensu par membrum superiori referre possimus. ² ARISTOTELES ³ dicit: παρίσῳσις, εἰὰν ἴσα τὰ κῶλα, compar, si equalia sint cola, vnde etiam vocatur ἰσοκῶλον, vide GERH. 10. VOSSIVM. ⁴ tertia forma est ΠΑΡΟΜΟΙΩΣΙΣ, siue similitudo litterarum & vocum, cuius ARISTOTELES ⁵ quinque indicat genera, similitudinem vocum ab initiis, quo pertinet paronomasia & præcipue anaphora, quæ est repetitio eiusdem vocis in principiis; similiter cadentia atque desinentia, id est ὁμοιόπτωλα &

¹ inflit. orator. lib. V. p. 402.

lib. IV. cap. 20.

² AVCT. rhetor. ad Herenn.

orator. lib. V. p. 312.

³ rhetor. lib. III. cap. 9. extr.

⁵ cit. loc.

ὁμοιοτέλευτα, porro verba eadem, sed diuerfa flexione in fine repetita; eiusdem verbi in clausulis repetitionem, siue *epistrophēn* ac tandem similitudinem in pluribus syllabis. quod igitur ad sophistas adtinet, amarunt singulari voluptate ἀντιθετα, ισόκωλα, ὁμοιοπτώτα, ὁμοιοτέλευτα, iisque orationes suas mire illustrare summa adnisi sunt opera, quod probari potest ex GREGORIO NAZIANZENO: ¹

ἀντιθετα δὲ καὶ πάρισα καὶ ισόκωλα ἀπορρήνιζε-
μεθα, *antitheta, parisa & isocola sophistis*

proiiciemus; & APOLLONIVS Tyanensis

confirmat apud PHILOSTRATVM, solemne esse sophistis, ad orationes adhibere πάρισα καὶ ἀντιθετα.

quarum figurarum amore singulari captus erat GORGIAS Leontinus, qui etiam a quibusdam auctor earum traditur, vt

CICERO putat, quando ² scribit: *nam pa-*

ria paribus adiuncta & similiter definita, item-

que contrariis relata contraria, quæ sua spon-

te cadunt plerumque numeroſe, Gorgias pri-

mus inuenit. nec ipsius concinnitati, quam

consecutus est, defuit vis, cuius ope audito-

res tenere, animos illorum capere, sibi que non mediocrem efficere poterat dignitatem.

quare exquisitis honoribus & laudibus vbique adfectus est, nec solum dies, quibus perorauit,

sacros coluerunt, eiusdemque orationes dixerunt λαμπάδας, sed & schemata adpellarunt γόργεια & Thesialis γοργιάζειν idem fuit ac ἐντορεύειν. PHILOSTRATVS ³ enim ἔδε Θεττα-

ταλοὶ σοφίας ἡμέλχον, ἀλλ' ἐγοργιάζον ἐν Θετταλίας, μικραὶ καὶ μέγας πόλεις, ἐς Γοργίαν ὀρῶσα.

¹ epist. CCIX. ² de oratore cap. 52. ³ de vit. sophistar. lib. I. n. 16. §. 2.

τὸν Δεοντίων, ne Theſſali quidem ſapientiae ſtudia negligebant, ſed paruae magnaeque Theſſaliae ciuitates Gorgiſſabant, Gorgiam ſuſcipientes Leontinum; & alibi ¹ confirmat, quod apud græcos, qui fuerint in Theſſalia, γοργιάζων idem eſſet ac ἐντοαέειν; vnde non videmus, cur hanc vocis ſignificationem, etiam a PETAVIO ² & GOTTFRIED OLEARIO ³ probatam impugnare ſibi ſumſerit KVHNIVS, ⁴ confer LVDOVICVM CRESOLLIVM ⁵ & GERH. IO. VOSSIVM. ⁶ at vero his formis vſus eſt GORGIAS intemperantius, quam ob rem CICERO: ⁷ *Gorgias autem audior eſt generis eius & his feſtiuitatibus, (ſic enim ipſe cenſet) inſolentius abutitur: quas Iſocrates, (quum tamen audiuiſſet in Theſſalia adoleſcens ſenem iam Gorgiam) moderatius temperauit. cuiusmodi ſophiſtam PEDIVM etiam perſtringit PERSIVS: ⁸*

*ſur es, ait Pedio. Pedius quid? crimina
raſis
librat in antitbetis. doctas poſuiſſe figu-
ras
laudatur.*

* doctrina de figuris rhetoricis ieiune ac confuſe adhuc tradita eſt a magiſtris artis oratoriæ, ſive ipſarum genuinam indolem, ſive verum vſum, qui ab earum natura pendet, reſpicias. figuræ propriæ ſunt oratoribus, quæ quum conceptus mentis principales ac minus principales eleganter coniungant, quamdam ſer-

¹ epiſt. XIII. ad Iulianum Auguſt. ² ad Synef. p. 81. ³ ad Phileſtratus de vit. ſophiſtar. lib. I. n. 9. §. 2. ⁴ ad Aelian. var. hiſtor. lib. II. c. 21. ⁵ theatr. rhetor. lib. I. cap. 5. ⁶ inſtit. orator. lib. V. cap. 5. p. 327. ⁷ de oratore cap. 52. ⁸ ſatur. I. v. 85. ſeqq.

monis pulcritudinem efficiunt. vis autem illarum spectat modo intellectum, modo voluntatem. quæ respiciunt *intellectum*, illæ continent voces illarumque compositiones aliis grauiores, & menti auditoris iniiciunt attentionem, quo pertinent *epizeuxis*, *anadiplotis*, *anaphora*, *symploce*, quibus in argumento leuiori, nulla attentione digno haud locus relinqui potest. quæ pertinent ad *voluntatem*, illæ aut adferunt delectationem, vti *paronomasia*, *ὁμοιοπῶτον*, *ὁμοιοτίλευτον*, *parechesis*, quæ adeo in re seria & tristiori haud adhiberi debent; aut mouent ad adfectus, vt *exclamatio*, *aposiopesis*, *prosopeopocia*. schemata igitur, quæ tantum inseruiunt amplificandæ orationi, relinqui possunt philosophis.

§. XXVII. Summum studium sophistæ in hisce ornamentis, quibus orationibus suis maius decus, maiorem voluptatem adiicere volebant, posuerunt; nullam autem rationem habentes nec temporis, nec personarum. vbi-que, siue fuerint casus secundi siue aduersi, eandem ostentabant artem. sic HEGESIAS *Magnesi*us, * quum laudare institueret Alexandrum, occasione utebatur præsentis, incendio templi Dianæ Ephesiæ, quumue Thebas euersas lugere vellet, adhibebat sententias magis deliciarum, quam luctus plenas, vid. GERH. 10. VOSSIVM. ¹ atqui hæc est causa, cur de hoc dicendi genere multi, qui veram ac grauiorem amabant eloquentiam, senserint iniuste, & ab isto omni abhorruerint animo. nam *fides & grauitas oratoria minuitur bis exor-*

¹ de historicis, græcis lib. I c. 12. p. 80. adde CICERONEM de claris oratoribus cap. 83. LONGINVM scilicet 3. DIONYSIVM Halicarnass. περὶ συνθέσεως ὀρομμάτων.

*nationibus frequenter collocatis: & non modo tollitur auctoritas dicendi, sed offenditur quoque in eiusmodi oratione auditor; propterea quod est in his lepos & festiuitas, non dignitas neque pulcritudo. quare quæ sunt ampla & pulcra, diu placere possunt: quæ lepida & concinna, cito satietate afficiunt aurium sensum fastidiosissimum. quo modo igitur, si crebro his generibus utemur, puerili videbimur elocutione delectari, ut recte iudicat AVCTOR rhetoricorum ad Herennium. ¹ A. GELLIVS ² autem adpellat hæc sophistarum ornamenta rancida, insubida, inertia, puerilia, etiam versus profert e quinto satirarum LVCILII, quibus tales oratores perstringit merito, confer LVDOVICVM CRESOLLIVM. ³ ex formis, quæ multum adiiciunt ad concinnitatem, suavis oritur sonus, si cum iudicio ac modice adhibeantur. contra quod quum peccarunt sophistæ, nouo vicio sermones suos polluerunt, quamuis aurium sensus iterum titillare vellent. etenim ipsis nihil erat prius, quam numerum oratorium anxie consecrari, & cuiusmodi instituere coniunctionem verborum, ut fieret in oratione versus, id quod omnino veræ germanæque eloquentiæ repugnat. orator quippe sic illigat sententiam verbis. ut eam numero quodam complectatur & adstricto & soluto, id est, numerus oratorius debet esse exquisitus; sed ita dissimulatus & latens, ut tamen sentiatur & orationem iucundo sono incipiat, prouehat & concludat. ***

¹ lib. IV. cap. 22. ² noſſ. Attic. lib. XVIII. cap. 8.

³ theatr. rhetoricorum lib. III. cap. 24. & 25.

* hic HEGESIAS haud confundendus est cum illo, qui Cyrenaicus fuit philosophus & dictus *ἡγεσίας*, de quo CICERO lib. I. cap. 34. TUSCUL VALERIVS MAXIMVS lib. VIII. cap. 9. confer MENAGIVM ad LAERTIVM lib. II. segm. 86. pag. 114. tom II. opp. noster enim, de quo dicimus, multo est iunior, vt discrimen hoc etiam notat FABRICIVS biblioth. græc. lib. IV. c. 31. p. 484.

** auctores sæpius in oratione soluta dixerunt versus per imprudentiam, quorum exempla collegerunt CASPAR BARTHIVS lib. II. c. 6. IV. 13. VII. 19. VIII. 21. XVII. 14. & aliis locis aduersar. SCIPIO GENTILIS lib. II. c. 31. parergor. GERH. 10. VOSSIVS instit. orator. lib. IV. c. 4. §. 3. MORHOFIVS de patavinitate Liuiana p. 200. id quod vitiosum esse veteres pronuntiarunt ARISTOTELES lib. III. c. 8. rhetoricor. CICERO de orat. lib. III. QVINCTILIANVS lib. IX. c. 4 instit. orator. alii autem ideo hos versus excusant, quod & tales in sacris scripturis deprehendantur. VOSSIVS c. I. p. 75. mentionem facit ex GESNERI biblioth. libri cuiusdam, qui in bibliotheca Vaticana huius inscriptionis: *demetris in prosa* custodiantur; num autem versus aliorum, an ipsius auctoris complectatur, ei incognitum est.

§. XXVII. Sic explanauimus studia veterum sophistarum, quæ de delectatione in animis audientium excitanda adhibuerunt. restat igitur, vt etiam de altera vi oratoria ipsorum, per quam adfectus perturbarunt commoueruntque vehementius, dicamus, quæ vis a priori omnino diuersa est. nam vt discrimen hoc ex vtriusque, suauitatis ac grauitatis

indole patet, ita etiam in vſu id obſeruandum, qui interdum orationem quidem ſuauiem, minus vero ſublimem ac ſpiritus plenam admittit. hinc oratores extiterunt, quorum ſermones ſuauitate ſua omnibus ſeſe commendarent; at ſi quid genere magnifico fuerit dicendum, aut præſtiterunt nihil aut ſaltem exigua perorarunt laude, id quod exemplum teſtatum facit CRITIAE, de quo PHILOSTRATUS: ¹ τὸ τῆ λόγῳ πνεῦμα ἰλαπίζετον μὲν, ἡδὺ δὲ καὶ λεῖον, ὥς περ ἡ τῆ Ξεφύρῃς αὐρᾶ. *orationis ſpiritus ſepe infirmior, ſuauiſ tamen & vt Zephyri aura lenis.* qui eadem quoque tradit ² de HERODE, quod ipſius orationi ineſſet ſuauiſ, ſed τὸ πνεῦμα ἢ σφοδρὸν, ἀλλὰ λεῖον καὶ καθεστῆκός, *ſpiritus non vehemens, ſed lenis, firmus tamen.* atqui multis ſophiſtis id primæ & maximæ curæ fuit, vt apud auditores efficerent ἐκπληξιν, ſiue ſtuporem & magnam animi commotionem. ſic de GORGIA ſcribit DIODORVS: ³ τῷ ξενίζοντι τῆς λέξεως ἐξέπληξε τὰς Αθηναίους, & DIONYSIVS Halicarnaffeus: ⁴ κατεπλήξατο τὰς ἀκούοντας ἐν τῇ δημογορίᾳ. de ADRIANO vero ſophiſta relatum legimus apud PHILOSTRATVM, ⁵ quod aures ad ipſius orationes ſingulari voluptate, veluti ad cantum luſcinia adinouerint, τὴν εὐχλωτῆλαν ἐκπληγτόμενοι, niſi hæc verba vertere: *elegantiam linguæ admirati*, & tantum ad ſuauiſ transferre velimus: conſer LVDOVICVM CRESOLLIVM. ⁶

¹ de vitis ſophiſt. lib. I. n. 16. §. 4.

² lib. II. n. I. §. 14.

³ lib. XII.

⁴ in Lyſia.

⁵ de vitis ſophiſt. lib. II. n.

10. §. 5.

⁶ theatr. rhetor. lib. I. c. 15.

§. XXVIII. Stuporem hunc hancque animi commotionem duplici ratione considerare debemus; rationem habentes partim oratorum, qui tales motus excitarunt, partim auditorum, quorum animos hæc perturbationes adflixerunt. ut dispiciamus de priori momento, iterum obseruamus, quod hæc sophistarum vis cum in ipsa oratione, cuius inuentio atque elocutio ad huiusmodi pondus erant compositæ, tum in actione fuerit sita. in ipsis orationibus adfectabant sublime ac magnificum dicendi genus, nec solum in verbis, sed & in rebus, de quibus dicebant, maiestatem præ se ferre adeoque animos audientium magna vi adgredi instituebant. tria enim sunt, quæ sermonem efficiunt sublimem, quorum primum est grauisimum argumentum; secundum, ut ipsius oratoris & cogitatio & adfectus ipsi argumento respondeant, ac tandem sublimia verba, quæ cum ipsis rebus, siue respiciant intellectum siue voluntatem, accurate conueniunt, confer SAMVELEM WERENFELSIUM. ¹ primum igitur declamarunt diligenter de momentis augustis ac splendidis, ac præcipue confectati sunt orationes panegyricas, a quibus etiam dicebantur panegyristæ. laudabant deos & heroas, Herculem, Iouem, Minervam, Bacchum, Aesculapium & alios; nec minus magnos homines, reges, principes, duces, & claros viros, quos ad cælum vsque efferebant laudibus; & tandem illustres ciuitates. ex quibus imprimis prædicabant Athenas, quum ex illis tanquam ex vberissimo fonte

¹ dissert. de meteoris orationis §. 3. seqq. quæ addita est libro de Logomachus eruditiorum.

dimanarunt ad alias gentes disciplinæ omnēs-
que bonæ artes, & inter has etiam eloquentia.
hisce exercitationibus omnes facundiæ vires
colligebant, eum tantum in finem, vt dicendi
copiam ostentarent, atque hominum animos
eorumque fauorem captarent. atqui hæc
splendida argumenta, quæ excogitauerant,
porro magnificis sententiis illustriora adhuc
exhibere, omnia ita copiose narrare, vt coram
spectari viderentur, ipsosque adfectus, quos
mouere volebant, præ se habere singulari con-
nitebantur studio. cuius rei elegantissimum
exemplum deprehendimus in sophista sco-
PELIANO, de quo PHILOSTRATVS ^I pro-
dit memoriæ, quod sui excitauerit admiratio-
nem *περὶ τὰς ἀκμαιότερας τῶν ὑποθέσεων, καὶ*
πολλῷ πλέον περὶ τὰς Μηδικὰς, ἐν αἷς οἱ Δαρεῖοι
τε εἰσι καὶ οἱ Ζέρξαι, argumenta tractans, in qui-
bus aliqua vi dictionis opus esset, qualia Me-
dica, in quibus Darii & Xerxæ. hæc igitur
argumenta, *Μηδικαὶ ὑποθέσεις*, erant omnino
sublimia, quibus indolem ac maiestatem re-
gum DARIi aut XERXIS expresserunt, ad
quam descriptionem non quoduis, sed ere-
ctum atque elatum ingenium fuit aptum. qua-
propter adhuc de eo dicitur: *καὶ γὰρ Φρόνημα*
ἐν αὐταῖς ὑπεκρίνατο, in iis enim & spiritus re-
presentauit magnos. at contra quum POLE-
MON in sophistam lucanicas & mænidias, vilia-
que obsonia coëmentem incidisset, *ὦ λῶξε, δι-*
xit, ἔκ ἐστι τὸ Δαρεῖς καὶ Ζέρξες, Φρόνημα καλῶς
ὑποκρίνασθαι, ταῦτα σιτημένῳ, amice, vix lice-
bit Darii aut Xerxis indolem pulcre exprime-

^I de vitio sophistar. lib. I. n. 21 §. 4.

re, tali cibo pasto; ¹ hisque significauit, eum, qui propter paupertatem vili pastu se sustentare deberet, haud spiritus magnos concipere posse, nec aptum esse ad sermonis argumentum sublime.

§. XXX. Tandem magnifica quoque dictione utebantur sophistæ, ad quam plerique sua indole erant procliuēs. alii recte graue orationis decus ac sublimem dicendi formam complectebantur, hæcque lumina cum iudicio adferebant, rationem ipsarum rerum ac personarum habentes, ideoque magnam semper tenebant existimationem. sic de sophista LOLLIANO eiusdemque elocutione PHILOSTRATVS: ² dicit: διαφαίνονται δὲ τῷ λόγῳ καὶ λαμπρότητες, λήγναι ταχέως, ὥσπερ τὸ τῆς ἀστραπῆς σέλας; in eius autem oratione splendide quoque dicta elucēt, fulgetri coruscantis ad instar micantia; quæ verba illustrat QVINCTILIANVS: ³ tamen & lumina illa non flammæ, sed scintillis inter fumum emicantibus similia dixeris, quæ nec adparent quidem, ubi tota lucet oratio, ut in sole sidera ipsa desinunt cerni. nec non de sophista CRITIA idem auctor ⁴ dicit: τὴν δὲ ἰδέαν τῷ λόγῳ δογματίας ὁ Κριτίας καὶ πολυγνώμων, σεμνολογῆσαι τε ἱκανώτατος, ἔ τὴν διδυραμβώδη σεμνολογίαν, ἔδὲ καταφύγναι εἰς τὰ ποιητικῆς ὀνόματα, ἀλλ' ἐκ τῶν κυριωτάτων συγκειμένην, καὶ κατὰ φύσιν ἔχουσαν, genere vero dicendi Critias creber sententiis fuit & sublimis, atque ad grauitatem maxime compositus, non gra-

² Philostrat. de vitis sophistar. lib. I. n. 23. §. 9. ³ de vitis sophistar. lib. I. n. 23. §. 2. ⁴ institut. orat. lib. VIII. cap. 3.

⁴ de vitis sophistar. lib. I. n. 16. §. 4.

vitatem dithyrambicam tamen, neque ad poëtica verba declinantem, sed vocabulis maxime propriis, quæ sit concinnata & plane naturalis: ¹ qui & paullo post tradit: ὥσπερ ἀκτίνων αὐγαὶ τὰ Ἀττικὰ ὀνόματα διαφαίνεται τῷ λόγῳ, sicut radiorum fulgores Attica voces in oratione eius relucent: adde exemplum POLEMONIS. ² alii vero sequebantur genus dicendi maxime tumidum atque inflatum, in quo nihil solidi, nihil amœni erat, ea tantum causa, ut auditores obstupescerent sophistas magna dignitate existimationeque prosequerentur. quam ob rem negligebant propriam & perspicuam orationem, utebantur durioribus translationibus, amabant poëtarum formulas, fingeant omniaque sollicito studio colligebant, quæ sermonem maxime efficiunt turgidum. in his exempli loco exhibere posimus GORGIAM, cui PHILOSTRATUS ³ attribuit παραδοξολογίαν, πνεῦμα, & τὸ τὰ μεγάλα μεγάλως ἐρμηνεύειν, etiam de eo obseruat, quod poëtica adhibuerit verba.

§. XXXI. Id, quod in oratione sublime est & magnificum, apud auctores græcos varias habet adpellationes. dicitur quippe πνεῦμα, ut patet ex PHILOSTRATO, ⁴ hinc etiam apud latinos *spiritus* idem est ac animi elatio, quæ vox & aliquando sumitur in bonam partem pro magnitudine mentis; quid autem sit πνεῦμα, id explanat HERMOGENES: ⁵ por-

¹ confer HERMOGENEM περὶ ὁμοιωμάτων lib. I. c. 6 quem locum illustrat BOVIOVRS ante bene cogitandi dial. II. pag. 82.

² Philostratus de vitis sophist. lib. I. n. 25. §. 10. ³ de vitis soph. lib. I. n. 9. §. 7. ⁴ de vitis sophist. lib. I. n. 9. §. 1. lib. II. n. 1. §. 14. n. 15. §. 1. ⁵ de inuent. lib. III. cap. 4.

ro adpellatur *Θυμὸς*, quæ vox præcipue significat τὸ παθητικόν, quod continet oratio, prout sæpius nominatus PHILOSTRATVS¹ de DEMOSTHENE tradit, quod ISOCRATEM superauerit *Θυμῷ καὶ ἐπιφορᾷ*, quæ posterior vox interdum notat sententiam, qua concluditur apte orationis pars, quali significatione istam posuit HERMOGENES; heic autem videtur pertinere ad vehementiam orationis, breuibz forte sententiis animum vrgentis, vti GOTTFRIED OLEARIVS² obseruat. tertium vocatur *μεγαλωφωνία*, quod nomen non solum ad vocem, sed & ad dictionem atque *ἐννοιαν* pertinet; ³ sic & occurrunt voces *κρότος*, *ἤχος* siue *ἠχώ*, quæ breuibz sunt illustrandæ. vtrumque nomen ejusdem significationis plerumque ad dictionem magnificam & sublimem verborum compositionem, etiam pronuntiationem refertur, quod LYDOVICVS CRESOLLIVS⁴ ita interpretatur: *is κρότος* existerat, *tum ex lectis verbis & sonantibus & genere ipso. ἡς αὐτῇ κης*, quæ propter exquisitam structuram, & membrorum atque periodorum plenam dignitatis coagmentationem dulcem quendam & magnificum habebat, conuentum, tum etiam ex lingue pulsu, & ipsius vocis conformatione atque magnitudine: quæ si omnia mirabiliter in vnum & eundem oratorem conuenissent, facile poterant audientes in admirationem raptare, qui plura hanc in rem collegit. interdum tamen vocum harum conjunctarum alte-

¹ de vitis sophistar lib. 1. n. 17. n. 1.

² ad Philostrat. p. 504.

³ Philostr. de vitis sophistar. lib. 1. n. 26. §. 2.

⁴ theatr. rhetor.

lib. III. c. 27.

ra ad compositionem; altera vero ad pronuntiationem refertur, ut PHILOSTRATUS¹ dicit de HERODE: κρότος σὺν ἀσφαλείᾳ καὶ Κριτιάξασα ἤχῳ, ubi quum paullo post huic sophistæ tribuatur πνεῦμα ἢ σφοδρὸν, ἀλλὰ λείον, videtur κρότος pertinere ad compositionem; ἤχῳ vero ad pronuntiationem. clarius autem alio loco² discrimen hoc admittit, quum de sophista ADRIANO scribat: τὴν δὲ παρασκευὴν τῶς λέξεως ἀπὸ τῶν ἀρχαίων σοφιστῶν περεβαλλέο, ἤχῳ προσάγων μᾶλλον, ἢ κρότῳ, *discriptionis autem ornatum ab antiquis sophistis acceptum induit, voce sonora magis, quam tinniente usus*, ubi manifeste ἤχος spectat ad pronuntiationem, κρότος vero ad structuram. præter ~~has~~ adpellationes notum est nomen μέγθος, quo usus HERMOGENES, item ὕψος LONGINI, quæ voces num sint eiusdem significationis, ut plerique existimant; an inter se differant, quæ est sententia TANAQVILLI FABRI & elegantissimi viri BOILEAU DESPREAUX, disputatur, * ut de aliis nominibus, qualia sunt σεμνολογία, ἐπίκροτον, ὑψηλὸς taceamus.

* de inscriptione libri, quem debemus DIONYSIO LONGINO, disputatur. plerique istam verbis ΠΕΡΙ ΤΩ ΟΥΣ concipiunt. at P. MANVTII, G. LANGBAENII aliæque editiones eam ΠΕΡΙ ΤΩ ΟΥΣ ΛΟΛΟΥ exhibent. priores hoc specioso argumento sententiam suam muniunt, quod aliquis suspicari possit, fore, ut rhetor de non alia, quam sublimi forma orationis agat. sed vero si ratio hæc firma esse debeat, non videmus,

¹ de vitis sophistar. lib. II, n. 3, §. 14.

² lib. II, n. 10, §. 7.

cur CICERO libros suos rhetoricorum inscripserit de *inventione rhetorica*, vt patet ex QVINCTILIANO & PRISCIANO.

§. XXXII. Superioribus adfirmavimus, vim illam oratoriam, qua animi hominum commouentur vehementius, non solum pendere ab orationis inventione atque elocutione, sed ipsius quoque oratoris actione. quæ quum complectatur partim gestum motumque corporis, partim pronuntiationem, nos autem de priori supra iam disputauerimus; restat, vt de posteriori dispiciamus breuiter. nam QVINCTILIANVS¹ hæc habet: *pronuntiatio a plerisque actio dicitur, sed prius nomen a voce, sequens a gestu videtur accipere. namque actionem Cicero alias quasi sermonem, alias eloquentiam quandam corporis dicit. idem tamen duas eius partes facit, quæ sunt eadem pronuntiationis, vocem atque motum, quapropter utraq; adpellatione indifferenter uti licet.* decet bonum oratorem, omnia clare, accurate & iucunde efferre, quæ tres virtutes in pronuntiatione maxime sunt necessariae. quarum prima intelligitur oratio; secunda linguæ moderatio pro diuersitate rerum instituitur, ac sermonis comparatur dignitas; tertia autem animus audientis adficitur delectatione. tria quoque sophistæ consecrati sunt in pronuntiatione studiosissime: linguæ *ῥυθμὸν, ἢ καὶ τὴν φθόγγον*, vt omnia voce, qua possent, & maxima & iuuuissima dicerent; & *ᾠδὴν*, id est cantum, de quo momento copiose disseruit LVDOVICVS CRESOLLIVS.² alii ex illis obserua-

¹ *instit. orator. lib. XI. c. 3.*

² *vacationib. autumnal.*

bant dignitatem omniaque temperabant cum iudicio; at alii committebant multa ieiuna, atque vt existimationi suæ confulerent, adfectabant magnificam & diuinitatis plenam pronuntiationem. neque pro rerum atque adfectuum; neque partium sermonis ratione varium sequebantur pronuntiandi modum; sed ut animo erant elati, ita ore quoque ac voce maiestatem vbique præ se ferebant, atque omnia verba singulari quadam grauitate emittebant.

§. XXXIII. Huiusmodi orationes & sententiis & verbis magnificæ magnum sæpe pon in hominum animis habuerunt. illi qui veram atque integram eloquentiam studiis suis complectebantur, sapientiæ quoque cultores virosque magnæ auctoritatis ac dignitatis capere atque animos illorum concutere poterant. sic C I C E R O Ligarium, quem Tubero filius confecto bello ciuili, adculauerat, quod contra voluntatem senatus Africam retinuisset, defendit, etiam eo rem deduxit, ut teste P L U T A R C H O, ¹ Cæsar orationis vi expugnatus Ligarium, olim hostem iudicatum absolueret. sic grauis fuit dicendi facultas apud P E R I C L E M, qui quum contra voluntatem Atheniensium loqueretur pro salute patriæ, in eorum mentibus, qui audierant, quasi aculeos quosdam reliquit, auctore C I C E R O N E. ² nec solum tanta vi dixerunt, ac per actionem orationes suas effecerunt grauiiores; sed & sermonibus scriptis, si quidam illos legerint, tale insitum fuit pondus, cuius rei exemplum

¹ *vis. Ciceron. t. I. p. 880.* ² *de oratore lib. III. cap. 34. addo P L A T O N E M ipso Phædro p. 354.*

habemus in DEMOSTHENE. DIONYSIVS enim *Halicarnassens* ¹. Θυμὸν ipsius describit, & postquam dixisset, se ISOCRATEM legentem πολὺ ἔχειν τὸ εὐσαθὲς τῆς γνώμης, subiungit: ὅταν δὲ Δημοσθενὲς τίνα λάβω λόγον, ἐνθάσιν τε καὶ δεῦρο κακῆσε ἄγομαι, πάθος ἕτερον, ἐξ ἑτέρου μεταλαμβάνων, ἀπιστῶν, ἀγωνιῶν, δέδιως, cetera. alii autem sophistæ, qui disciplinam oratoriam turpiter depravabant, apud multitudinem ac plebem magna vi dixerunt, quoniam sese accommodarunt ad populi errores ac prauos adfectus.

§. XXXIII. Copiose igitur disputauimus de summis studiis veterum sophistarum, quibus vim oratoriam consecrati, atque ope illius animos audientium expugnare elaborauerint. quæ omnia eo nomine collegimus, ut causæ atque occasiones paterent, quibus deducti fuerint in opinionem de instinctu diuino sophistarum. namque quum per admirationem & animorum commotionem vehementem adquirerent sibi auctoritatem, per eloquentiam autem delectationi consecratam multorum favorem conciliarent; facile ipsorum fallaciæ & fraudes, quibus cælestes adflatus simularunt, prosperos habere poterant successus. inprimis vero, quum dicerent ad populum, per quem anilis fere fusæ erat superstitio & in quo proiecta adfectuum libido dominabatur, cui indoli inseruire, & per calliditatem ubique rebus suis consulere annitebantur sophistæ. quæ indoles erat præcipue Atheniensium, ut ex ipsis diuinis scripturis ² cognoscimus. PAUL-

¹ de admir. vi dicendi in Demosthelo §. 12. ² Aistoz, XV III. 9. 16. 199.

LI enim, quum Athenis esset, πνεῦμα παρωξύνειο ἐν αὐτῇ, θεωρεῖν καλεῖδωλον ἔσαν τὴν πόλιν, quæ verba significant, quod apostolus hic cognouerit, urbem hanc KATEIDΩΛON. quam vocem dici ea forma adfirmat C A S A V B O N V S, qua a græcis καλεῖδενδρα dicuntur loci, vbi multe sunt arbores, καλεῖδρυμοι loci siluosi, vt proinde KATEIDΩΛΟΣ πόλις vrbs sit, in qua magna statuarum copia, quibus dii deæue atque heroës repræsentantur. sic magna vi vrbs hæc a P A V L L O adpellatur KATEIDΩΛΟΣ *idolis* quasi *confita & referta*, quorum omnino singularis ibi erat multitudo, vt vetusta monumenta satis testantur, vide ex antiquis P A V S A N I A M, & ex recentioribus IO. MEYRSIVM². & eruditos loci huius interpretes E R A S M V M, B E Z A M, P R I C A E V M, H A M M O N D V M, G R O T I V M, & alios. ad hæc de Atheniensibus diuinus auctor L V C A S³ dicit: εἰς ἃδὲν ἕτερον εὐκαίρην, ἢ λέγειν: ἢ καὶ ἀκρίειν καινότερον, vbi siue vocem καινόν explanes per *nouum*, siue per *παράδοξον*, quæ significatio etiam firma est, vtrumque consentaneum est indoli huius populi. sed vero Athenis magna erat vbertas, magna copia sophistarum & oratorum; qui ibi vires eloquentiæ suæ explicare contendebant, vt adeo haud sit mirum; quod Atheniensibus & superstitioni deditis, & novarum rerum studiosissimis adflatus diuinos persuaferint.

* sic v. 19. doctrina P A V L L I dicitur διδασκῆ καὶ νῆ, id est continens παραδόξ τι, prout quod que καινὸν ἔυρημα, *mirabile inuentum* est apud X E N O P H O N T E M.

¹ Atticæ. ² Athenis Atticæ. ³ loc. cit. v. 21.

453

PH

1869

1869

1869

1869

HISTORIA LOGICAE.

1869

1869

1869

1869

1869

1869

1869

PROLEGOMENA
DE
HISTORIA ARTIS LOGICAE
GENERATIM.

ΣΤΝΟΨΙΣ.

De voce logicae §. I. de indole & natura logicae §. II. quomodo ipsius historia sit conscribenda, ostenditur §. III. de dignitate atque utilitate huiusmodi historiae §. IIII. auctores, qui huius artis fata illustrarunt, commemorantur §. V. opera huc spectantia promissa; minus autem edita recensentur §. VI. summa operis nostri indicatur §. VII.

§. I.

Nobis est propositum, historiam disciplinæ philosophicæ, quæ *logica* appellatur, tradere, eiusdemque fata ex monumentis probis commemorare; quam operam quum præstare instituamus, non ab re esse ducimus, de indole ipsius doctrinæ breuiter quædam disputare. nec ulli, qui vel leuiore græcæ linguæ valet cognitione, obscurum esse potest, quod vox *logica* originem suam trahat a nomine λόγος, quod quum non solum significet rationem; sed & sermonem, uti obseruant ERASMVS SCHMIDIVS¹ & BALTHASAR STOLBERGIVS;² disputarunt philosophi, præsertim illi, qui dicuntur scholastici, quænam significatio in hac adpellatione valeat? alii existimarunt, dici hanc disciplinam *logicam* propter rationem &

¹ obseru. ad euangel. Ioann. cap. I. ² dissert. de λόγος & το πλατονικο in libro de solacijsimmo N. T. p. 196.

intel-

intellectum humanum, quem emendare & a vitiis purgare, proprium munus logicæ esset, alii vero vocem hanc respicere putant sermonem, siquidem cogitationes, quas producit intellectus, sibi veluti sermones internos repræsentant, quam opinionum discrepantiam non magni esse momenti censemus. etenim utraque sententia eo spectat, quod logica versetur in rebus, quæ pertineant ad intellectum humanum, quamvis ipsius cogitationes proprie haud sint sermones interni. nonnulli ex antiqua ætate nomen hoc ea sententia usurparunt, ut etiam theologiam, seu doctrinam de rebus diuinis significauerit, quod fecit PLATO; item grammaticam & rhetoricam, quæ amplior notio plane est singularis: confer GERH. IO. VOSSIVM ¹ & CHRISTIANVM THOMASIVM ².

§. II. Intelligimus autem per logicam illam philosophiæ doctrinam, quæ de veritatis indole agit, ac media demonstrat, quibus homo aptum se reddere potest ad cognitionem veri est falsi. qua definitione satis clare iudicamus, nobis haud esse in animo, de facultate naturali, quæ hominibus inest, cogitandi, veritatem percipiendi, etiam ex positis ante principiis deducendi consequentias disputare; quin etiam profiteamur, logicam illam naturalem, quam nonnulli produnt, haud vere dici posse *logicam*. namque nomen hoc respicit quamdam disciplinam ad formam regulamque artis compositam, adeo ut officii nostri esse ducamus, ex historiarum monimen-

¹ de natura & constitut. logic. cap. 1. cap. IV. §. 18. sqq.

² philosophia antica

tis philosophorum studia enarrare, quibus viam ad artem bene cogitandi ac sensum veri excitandi aliis demonstrare elaborauerint, primum quidem rudiori quadam opera; post-hac autem, quum litteræ philosophicæ magna caperent incrementa, pleniore elegantiorique. at vero si de dignitate disciplinarum merito velimus sentire, omnino ipsam ex illarum argumentis petere debemus, quæ quo excellentiora sunt, eo maius quoque pretium doctrinis ponendum esse censemus, quod quum ita est, non possumus, quin logicæ summam habeamus dignitatem atque existimationem. nec mirum est, quod C I C E R O ¹ logicam egregie laudauerit ac pronunciauerit, iuris ciuilis magnum vsum apud multos fuisse, artem in vno Servio Sulpicio: *quod numquam, ait, effecisset solius iuris scientia, nisi eam præterea didicisset artem, quæ doceret rem vniuersam distribuere in partes; latentem explicare definiendo, obscuram explanare interpretando; ambigua primum videre, deinde distinguere, postremo habere regulam, qua vera & falsa indicarentur & quæ quibus positæ essent quæque non essent consequentia.* etenim tanta dignitas atque excellentia veritatis est, vt ex illius sensu magna vis ad bonos rectosque mores efformandos adeoque ad felicitatem hominum stabiliendam oriatur, quæ quum ope logices promoueat, nemo sane de præstantia doctrinæ huius dubitauerit. quin etiam si modo literarum studia, quæ iure ac merito semper media ad salutem mortalium adferre debent, respiciamus, siue rebus diuinis, siue

¹ Bruto.

legibus cognoscendis, siue arte medendi absoluantur, ista nunquam ope logices carere possunt, nisi quis per memoriam tantum sine iudicio eruditionem sibi comparare instituat.

§. III. Quod si autem historiam logicæ tradere, induximus animum, pro historiarum indole necesse habemus, illius originem progressum, fata, siue fuerint prospera, siue aduersa, commemorare, ita vt non solum auctorum atque philosophorum, qui in hoc scientiarum genere extiterunt celebres; sed etiam ipsius disciplinæ eiusque doctrinarum rationem habeamus. namque ab eorum moribus atque institutis abhorremus plane, qui quum historias disciplinarum describere instituant, operi suo satisfecisse videntur, quando pro temporum ratione scriptores eorumque monimenta copiose enarrant; ipsa autem illorum studia, quibus disciplinas modo ornarunt; modo corruperunt, relinquunt intacta. nec cuiusvis ingenii indoles fert, accurate ac pro rei dignitate res gestas litterarum explanare. scilicet tantum abest, vt nuda auctorum ac librorum cognitio ope memoriæ adquisita sufficiat, vt necesse sit, doctrinam ipsam ac disciplinam, cuius fata explicanda quis habeat sibi proposita, exploratam tenere ac cognitam. multo minus illorum, qui historias scientiarum litteris consignant, rationem probare possumus, quum originem litterarum, etiam doctrinarum cuiusue generis repetunt a longissimo tempore, quin immo a prima mortalium ætate, ita vt de cognitione logicæ, quam paren-

tes nostri primi habuissent, quoque edisserant. illo enim ævo litterarum studia ea facie eaque forma, quam posthac præ se tulerunt, etiam adhuc præ se habent, quum ad regulas artis sint accommodata, minus floruerunt; quamvis haud negauerim, naturam mortalibus illa tempestate indidisse non mediocrem vim, varias res cognoscendi. nec causas percipere possum, cur disciplinis litterariis tam nimiam vindicent antiquitatem, præsertim quum subinde haud maius pretium, aut dignitas quædam excellentior illarum possit oriri.

§. II. Magnum pretium historiæ philosophicæ quisque sapientiæ ingenuus cultor ponit, quippe quæ non solum in ipsis disciplinis, quas complectitur philosophia; sed & aliis superioribus clarissimum lumen nobis adferre potest, ita ut eius ope fata sapientiæ ac stultitiæ humanæ; fundamenta opinionum philosophorum; genuinam sententiarum ætatem, hæresium causas aliaque possimus intueri, qua de re legas EPHRAIM GERHARDVM¹ & C. A. HEVMANNVM². quod si ita est, sicuti est, nemo operam nostram, quam in conscribenda historia logices collocabimus, pronuntiabit inutilem, præsertim quum ab aliis, qui in hoc negotio iam versati sunt, multa nec leuiora momenta nobis fuerint relicta, quæ distinctius ac diligentius ex plananda atque illustranda esse censemus. Princeps enim nobis propositum est, non modo genuinam logicæ originem demonstrare, eiusdemque occasionem ex probis monumentis ostendere; sed & per varias ætates progressum illius ac

¹ introd. in hister. philosoph.

² alt. philos. part. 1. pag. 1.

fata ita proponere, vt tradamus partim quid philosophi hac in re docuerint; partim quod studio ipsi artem cogitandi veramque libertatem exercuerint. qua ratione necesse est, animum semper ad duplicem modum philosophiam tractandi, *sectarium* atque *eclecticum*, vti dicitur, aduertere: quo cognito, facile causas possumus obseruare, cur logica modo feliciori, modo aduersa sorte fuerit vsa. quod si enim philosophum quendam prauus adfectus & singulare studium auctoritatis occupauit, quid mirum, quod haud prosperiori successu logicam conscribendam adgredi queat? sic quamuis iam alii de hac historia exposuerint; restant tamen multa a nobis dicenda, vt ex ipso opere patebit.

§. V. Verum enim vero haud inconsumtum erit, scriptores illos, quibus in hoc historiarum genere aliquid debemus, commemorare, & in certas classes distribuere.

Auctores, qui de fatis & scriptoribus logices disseruerunt.

1) *generatim.*

PETRVS RAMVS, qui edidit *scholas in liberales artes*, Basil. MDLXXVIII. fol. quibus continentur scholæ *grammaticæ* lib. xx. *rheticæ* lib. xx. *dialecticæ* lib. xx. *physicæ* lib. viii. *methaphysicæ* lib. xiiii. *mathematicæ* lib. xxi. primus autem liber scholarum dialecticarum agit de logicæ auctoribus, & complectitur octo capita, quorum primo de logica *primorum parentum*; secundo de logica *mathematicorum*, in primis *Pythagoreorum*; tertio de logica *physicorum*, siue philosophorum scholæ Ioni-

cæ usque ad tempora Socratis, qui inprimis rebus naturæ cognoscendis operam dediderunt; quarto de logica *Socratis Pyrrhonis & Epicureorum*; quinto de logica *Antisteniorum & Stoicorum*; sexto de logica *academicorum*; septimo de logica *Peripateticorum*; octavo de logica *Aristotelicorum interpretum & præcipue Galeni* disputatur.

BARTHOLOMAEVS KECKERMANNS, qui edidit *systema systematum*, cuius tomo primo etiam continentur *præcognitorum logicorum tractatus tres*, quorum secundus exhibet *historiam logicam*, ita ut dissetur capite secundo de factis logicæ *a principio mundi usque ad annum servatoris nostri* M D. tertio ab hoc tempore usque ad *etatem Petri Rami*; quarto de *Rami & Rameæ disciplina proprietatibus*; quinto de *logicis a tempore Rami usque ad etatem auctoris*.

10. a WOWER, Hamburgensis, protulit in lucem opus de *polymathia*, quod prodiit MDCIV. 4. & cura IACOBI THOMASII Lipsiæ MDCLXV. 8. item tomo X. thesauri antiquitatum græcarum IACOBI GRONOVII. prout WOWER opere hoc in primis de studiis litterarum veterum crudite disputat; ita quoque capite XX. p. 18. 1. de *dialectica* quædam profert, atque illustrat præcipue voces *διαλεκτική & λογική*, brevius quidem, quam argumenti dignitas & copia postulant.

GERHARDVS IO. VOSSIVS, cui debemus libros 11. de *logices & rhetorice natura & constitutione*, Hag. Comit. MDCLVIII. 4. qui etiam inter opera VOSSII extant. liber de

de logices natura & constitutione complectitur capita XIII. quibus haud integram quidem logicæ historiam tradit; multa tamen adfert, quæ illam possunt illustrare; quum capite primo differat *de variis logicæ artis nominibus*; secundo *de genere logicæ*; octavo *de logices inuentore & per varios incremento*; nono *de logices divisione*; decimo usque ad vltimam *de scriptis logicis Aristotelis*.

PETRVS GASSENDVS, cuius opera omnia in sex tomos diuisa prodierunt Lugduni MDCLVIII. fol. quorum tomus primus continet *syntagma philosophicum*, cuius pars prima est *logica*, & complectitur præter *institutionem logicam* duos libros, quarum alter agit *de logicæ origine & varietate*, ac quidem capite primo *de origine & inuentione logicæ*; secundo de logica *Zenonis seu Eleatica*; tertio de logica *Euclidis seu Megarica*; quarto de logica *Platonis*; quinto de logica *Aristotelis*; sexto de logica *Stoicorum*; septimo de logica *Epicuri*; octavo de logica *Lullii*; nono de logica *Rami*; decimo de logica *Verulamii*; vndecimo de logica *Cartesii*.

RENATVS RAPINVS, qui scripsit *reflexions sur la logique*, quibus multa collegit. quæ fata logicæ cognoscenda illustrare possunt.

CHRISTIANVS THOMASIVS, qui *introductionem ad philosophiam aulicam* MDCLXXVIII. protulit, cuius editio secunda MDCCL. lucem aspexit: & in primis capite quarto p. 86. *de prudentia cogitandi & ratiocinandi* varia momenta ex historia philosophica attigit,

tigit, quæ artem logicæ eiusque fata possunt illuminare, quod & fecit *cautel. circa præcognit. iurispr.* cap. x. p. 191.

GEORGIVS PASCHIVS, quem heic ideo commemoramus, quoniam de *inuentis nouantiquis* cap. 11. dillerit de logica Aristotelis, Cartesii, de arte Lulliana, de variis disputandi modis.

IACOBVS FRIDERICVS REIMMANNVS, qui edidit *critisirenden Geschichts-Calender von der logica, darinn das Steigen und Fallen dieser hoch-vortrefflichen disciplin von Anfang der Welt bis auf das Jahr Christi 1600. entworfen*, Francof. ad Moen. MDCCXVIII.8. qui auctor existimat, quod prima disputatio theologica habita sit in paradiso inter Euam & Diabolum. titulum libri huius 10. MOLLERVS præf. ad MORHOFII polyhistoris continuationem §. x. adpellat *ridiculum* atque *absonum*: hancque adpellationem, quod operis huius inscriptioni omnino conueniat, iterum tuetur epistola quadam aduersus REIMMANNVM, quæ legitur part. VII. p. 690. diarii litterarii reutonica: *ausführlicher Bericht von allerhand neuen Büchern*; contra quas adculationes sese defendere instituit præfatione *introductionis in historiam litterariam germanorum* part. III. sect. 2. cuius libri sectione 1. part. III. p. 446. etiam merita germanorum in artem logicæ speciatim commemorantur.

CHRISTIANVS IVNCKERVS, qui Altenburgi MDCCXIV. edidit *lineas primas eruditionis vniuersæ*, quarum pars posterior, quæ *lineas heraldicæ, rei nummarie & antiquitatis*

tiquitatum exhibet, post fata auctoris vsui publico tradita est. quum huiusmodi rationem scribendi sibi elegisset, vt scientiarum traderet historias breuiter, paucis etiam parte secunda p. 2. de fati logicæ disseruit.

IO. FRANCISCVS BVDDEVS, qui editioni *artis cogitandi* Hal. MDCCIII. 8. præfationem præmisit, & ista disseruit *de fati studii logici, eiusque vera indole, adminiculis & defectibus*.

IO. IACOBVS SYRBIVS, cuius *institutiones philosophiæ rationalis eclecticæ* Ienæ MDCCXVII. 8. in publicam emissæ sunt lucem, præfatione ornata, quæ fata quoque artis huius a prima ipsius origine vsque ad hæc tempora breuiter commemorat.

OTTO LIEB STOLLE, qui vt consuleret incrementi historiæ litterariæ, anno MDCCXVIII. edidit lingua teutonica: *Kurze Anleitung zur historie der Gelahrheit*, cuius libri parte secunda eiusque capite secundo p. 115. deprehendimus historiæ logicæ & metaphysicæ, quæ inprimis ipsius fata tempore recentiori nobis explanat diligenter.

ANDREAS RVDIGER, qui editioni tertiæ MDCCXVII. *institutionum eruditionis* præmisit præfationem, qua §. 9. sqq. breuissime de fati harum litterarum disserit. nec silentio dimittere possumus

GEORGIUM WEGNERVM, qui edidit, disquisit. historico-philosophicam *de origine logices* MDCLXVII. 12. de qua eiusque auctore disserit VINCENTIVS PLACCIVS de scriptoribus anonymis p. 321. 1295.

PETRVM

PETRUM AVRIVILLIVM, *Geualienfem*, professorem logices & metaphysices, posthac græcæ linguæ & theologiæ in academia Vplâliensi, qui edidit orationem de *origine, antiquitate & priscis logicæ cultoribus*, cuius mentionem facit IO. SCHEFFERS Suecia litterata p. 230. scriptores autem logicarum tantum recensent.

DANIEL GEORGIUS MORHOFFVS in polyhistore philos. tom. II. lib. 5.

BVRCARDVS GOTTHELFF STRVVIVS bibliotheca philosophica capite IV. cui adjungas IO. HENRICI ACKERI, supplementa p. 40. seqq. qui STRVVIVS etiam scriptores logicarum iuris commemorat bibliothec. iuridic. cap. VIII. §. 2 p. 283. ut in præsentî de BOLDVANI, DRAVDII, LIPENII bibliothecis philosophicis, item SPACHII nomenclatore philosophico taceamus, quos auctores quisque consulere potest, si modo haud facile ubique ipsis adhibeat fidem.

2) *speciatim*

(a) *ratione variarum gentium & sectarum.*
CORNELIVS DIETERICVS KOCHIVS, qui Helmstadii MDCCX. edidit *initia polyhistoris logici*, quibus disputat capite primo de logica *diuina*; secundo de logica *angelica* & tertio de logica *heroica* siue *mythica*; anno MDCCXIII. autem ipsius studio prodiit *incrementum polyhistoris logici*, quo adparet caput quartum de logica *patriarcharum*.

IO. FRANCISCVS BVDDEVS, in cuius *introductione ad historiam philosophiæ Ebræorum*,

rum, quæ auctior multis accessionibus iterum Halæ Saxonum MDCCXX. 8. prodiit, multa deprehendimus, quæ studium logices apud Hebræos possunt illustrare.

IACOBVS FRIDERICVS REIMMANNVS, qui *historia litteraria ante diluuiiana* p. 49. quædam obseruat de logica primorum parentum nostrorum, de qua paullo post disseramus copiosius.

IACOBVS GVILIELMVS FEVERLINVS, cuius auspiciis Altorfii edita est dissertatio de *philosophia Adami putatitia* MDCCXV. & alia de *Adami logica, metaphysica, mathe-*
si, philosophia practica & libris MDCCXVII.

IO. IVLIVS STRVVIVS, cui debemus *rudimenta logicæ Ebræorum ex Iudæorum scriptis eruta exemplis copiose illustrata*, Ienæ MDCCXCVII. 4. quæ tribus dissertationibus in nostra academia publico eruditorum examini exposuerat. tradit auctor atque illustrat logicam Ebræorum eam, quam nonnulli dicunt *Talmudicam*, quoniam contineat præcepta per libros Talmudicos diffusa, quibus sacri codicis sententia recte inuestigari, & inde ex mente Rabbinorum veræ consequentiæ, quibus ipsorum Talmud nititur, deduci possent. præmio huius operis disseritur de logicæ Ebræorum origine, variis nominibus, ac scriptoribus; capite autem primo de *ipsis interpretandi & argumentandi regulis Ebræorum*; capite secundo traditur *logicæ Hebræorum methodica tractatio*; & caput tertium exhibet *quædam paralipomena*.

ION. CONRADINVS SCHRAMMIVS, qui scripsit *introductionem in dialecticam Cabbaleorum methodo Peripateticorum potissimum conformatam*, Brunsvigæ MDCCIII. 8. caput primum demonstrat *veritatem etiam ab Hebræis & in specie ex ipsorum Cabbala petendam esse*; capite secundo differit auctor de *discrimine exotericorum & acromaticorum apud Cabbaleos*; capite tertio de *sephirarum scopo & ordine*; capite quarto de *propositionibus cabbalisticis harumque compositione & examine*; capite quinto de *sylogismorum cabbalisticorum principiis, veritate ac natura*; capite sexto de *vitiis & fraudibus, quæ inesse solent argumentis cabbalistarum*. quamvis STRUVIVS & SCHRAMMIVS potius logicas Ebræorum atque auctorum Cabbalæ scripserint, quam ipsarum fata exposuerint; ex ipsorum tamen monumentis multa peti possunt, quæ historiæ harum litterarum non mediocrem adferunt lucem. nec defuerunt, qui scriptores logicarum ex gente Ebræorum collegerunt eosque enarrarunt, id quod præstiterunt auctores bibliothecarum Ebræorum, quos diligenter IO. CHRISTOPH. WOLFIUS præfatione bibliothecæ Ebrææ recenset.

THOMAS STANLEIVS, qui historiam philosophiæ, cuius elegantem interpretationem latinam GOTTFRIED OLEARIO debemus, edidit eaque ex antiquis monumentis multa collegit, quæ ad historiam logicæ apud veteres græciæ philosophos pertinent. etenim exhibet p. 326. *doctrinæ Platonis lineamenta autore ALCINOÏ*, qui capite

pite IV. V. VI. dialecticam Platonis exponit; p. 443. sqq. differit de logica *Aristotelis*; p. 554. de dialectica *Stoicorum* p. 1952. de canonica *Epicuri*.

ADAMVS BURSIVS, cuius opus extat, quod inscribitur: *Ciceronis dialectica*, quam ex Stoicorum maxime sententia in scriptis dispersere reliquit, Samoscii MDCIIII. 4. quod opus dicit I. ALB. FABRICIVS biblioth. latin. lib. I. c. 8. p. 148. *præclarum ac raro certe obuium*, eiusque mentionem faciunt IUSTVS LIPSIUS centur. v. epist. 57. miscell. SCHILTERVS manu duct. philos. moral. ad iurisprud. cap. I. §. 9. & GERH. IO. VOSSIVS de logices natura & constitutione cap. VIII. §. 29. p. 40. de eo ita iudicat: *iccirco bonam operam nauauit Adamus Bursius Samosciensis academice professor opere eo, quod dialecticam Ciceronis inscripsit. nam tres in eo personas inducit, Stoicum, Peripateticum, academicum; proque tribus istis trium sectarum logicam exposuit. interque cetera hoc commodi præstat, quod melius ex eo Cicero, & alii intelligantur.*

IO. ALBERTVS FABRICIVS, qui Lipsiæ MDCXCII. edidit disputationem de *cavillationibus Stoicorum*; anno MDCXCIX. Hamburgi *specimen historiae logicae elenchticum*; etiam *bibliotheca græca*, qua de antiquis philosophis atque illorum scriptis copiose & solide differit, haud cotemnendam fecit facultatem, historiam logicæ accuratius scribendi atque ornandi. idem argumentum de *cavillationibus Stoicorum*, libro quodam se ex-

posuisse, testatur VOSSIVS de sectis philosophorum cap. XI. §. 6. p. 66.

10. ANDREAS SCHMIDIVS, cuius disputatio de *Chrysippea brutorum logica* Ienæ MDCLXXXIX. prodit.

10. PÉTR. LVDOVICVS, Hal. Saxon. MDCXCIX. disputatione quadam inaugurali exposuit *historiam rationalis philosophiæ apud Turcas*. de cetero inprimis adhuc sunt tres, qui nostra ætate de Turcarum philosophia quædam tradiderunt: BAPTISTA DONATVS *della letteratura de Turchi* Venet. MDCLXXXVIII. 12. SAMVEL SCHELWIGIVS oratione de *philosophia Turcarum* Gedan. MDCLXXXVI. ABRAHAM HINCKELMANNVS præfatione ad *Alcoranum* MDCXCIV. a se editum, qua ostendit, omnia philosophiæ studia florere in Arabia; artem logicæ autem silentio dimittit.

(b) *ratione variarum ad logicam spectantium doctrinarum.*

IACOBVS BRVCKERVS, auctor dissertationis, quæ inscribitur: *tentamen introductionis in historiam doctrinæ logicæ de ideis*, Ienæ MDCCXVIII.

10. FRIDEMANNVS SCHNEIDERS, qui Halæ protulit in lucem *dissertationem de variis argumentandi methodis veterum & recentiorum*, qua disputat de methodis argumentandi generatim; de oratione continua; de dialogis; de inductione; de sorte; de methodo hypothetica; de variis veterum sophismatibus nostra ætate incognitis; de argumentatione actiua Diogenis Cynici; de argumentatione ab invidia; de methodo

Ra-

Ramistica; de methodo mathematica; de methodo syllogistica.

10. ANDREAS SCHMIDIVS, qui conscripsit *breuem disquisitionem de diuersis disputandi processibus*; inprimis apud Iudæos & græcos, ac speciatim de modo per dialogos Megarico, per syllogismos Cynico, mathematico. opere hoc auctor *logicam Ebraeorum & logicam nou-antiquam* promittere videtur.

10. CASPAR GVNTHER, cuius dissertationem de *modo disputandi Megarico* Ien. MDCCVII. habemus.

(c) *ratione diuersorum logicam tractandi modorum.*

IACOBVS GVILIELMVS FEVERLINVS, qui anno MDCCXII. Ienæ edidit dissertationem de *variis modis logicam tradendi, speciatim de logica symbolica*, vbi capite primo §.4. obseruat, logicam tradi posse vel ornate; vel nude sine ornamento quodam; ornatum autem peti vel ex loco similium; vel ex loco exemplorum; vel testimoniorum; ad logicam ex loco similium transferri *symbola, emblemata, hieroglyphica*. anno eodem Lipsiæ aliam scripsit de *logica hieroglyphica*; & anno MDCCXV. Altdorfii programma de *logicis paradigmaticis theologicis, iuridicis aliisque*.

§. VI. Auctores hosce commemorare, e re nostra omnino fuit, vt pateat, qua cura quoque studio culta atque ornata fuerit historia logices, quamuis hanc recensionem ita elaboratam esse, vt nulla fieri posset accessio, adfirmare nolim. sufficiat enim, principes huius-

modi scriptores annotasse, eosque inprimis, quos adhuc ipsi ad usus nostros contulimus, ex quo animum ad artis logicæ fata exponenda convertendi cepimus consilium. fuerunt quoque, qui idem propositum mente sua conceperunt, ut argumentum hoc explanandum sibi sumerent; sed modo per necessitatem mortis; modo per alias occupationes promissis ipsique voluntati suæ ac desideriis aliorum haud satisfecerunt. quo spectant

VINCENTIVS PLACCIUS, qui in catalogo librorum edendorum præter *bibliographiam logicam* etiam promisit orbi erudito *historiam logicam*.

10. PETR. LVDOVICVS, qui extremo dissertationis *de philosophia rationali apud Turcas* supra commemoratæ *polyhistorem logicum* se meditari, significat, eiusque novem libros constituit, ita ut liber primus disferat *de inuentione artis ratiocinandi uniuersim*; secundus *de inuentione dialecticæ græcorum*; tertius *de sectis logicorum apud græcos*; quartus *de logica Aristotelis*; quintus *de logicæ emendatoribus aut inuentoribus nouarum*; sextus *de logicis practicis*; septimus *de logicis aliarum gentium*; octauus *de bibliotheca logica*; nonus *de iudicibus logicarum*.

SEVERINVS LINTROPPIVS, qui in *reliquiis incendii Bergensis* p. 47. pollicitus est *historiæ logicæ breuiarium & schediasma historicum de fatiis metaphysicæ*.

IACOBVS FRIDERICVS REIMANNVS, qui *introductione ad historiam litterar. gener.* p. 59. testatur, se conscripsisse opus latinum

tinum de artis ratiocinandi primis auctoribus.

§. VII. Quod ad nostram operam adinet, quam historiæ artis huius describendæ consecrabimus, per ordinisrationem exercitationem hanc distribuamus in tres libros:

LIBRI I. de origine artis logicæ.

Caput 1. *de falsa ipsius origine.*

2. *de vera eius origine.*

LIBRI II. de progressu ac fatis logicæ.

Capitis 1. *de progressu ac fatis artis logicæ generatim per varios auctores.*

Seçt. (1) tempore vetustiori.

Seçt. (2) tempore medio.

Seçt. (3) tempore recentiori.

Caput 2. *de origine, progressu & fatis doctrinarum logicæ speciâtim.*

Caput 3. *de variis modis logicam tradendi speciâtim.*

LIBRI III. de varia existimationis logicæ fortuna.

Caput 1. *de fortuna prosperiori.*

2. *de fortuna aduersa.*

qua ratione, quam nobis præscripsimus, quævis momenta eaque præstantissima, quæ observatione digna sunt, attingere elaborabimus, ita vt non solum respiciamus auctores ac doctrinas logicæ; sed & vsum illius ac deprauationem, quæ fuit multiplex. atqui hæc omnia nunc distincte ac breuiter explanabimus.

LIBRI I.
DE
ORIGINE ARTIS
LOGICÆ.

CAPVT I.
DE
FALSA ILLIVS ORIGINE.

Σ Τ Ν Ο Ψ Ι Σ . .

Num origo logicæ sit diuina §. I. II. sententia de logica angelica & mythica relicitur §. III. IIII. de logica Adami §. V. Caini, Abelis §. VI. Noachi, Abrahami, Iobi §. VII. de logica Mosis, Salomonis, item vrim & thummim §. VIII. hæc omnia confutantur atque eausse huius falsæ opinionis ostenduntur; quarum exponitur altera §. VIII. altera vero §. IX. X. XI. XII. qualis cognitio veritatum bisce hominibus sit adscribenda §. XIII. XIII.

§. I. **A**Ntequam veram logicæ originem demonstramus, non ab re erit, in illorum sententiam inquirere, qui istam partim a Deo, partim ab hominibus primæ ætatis petunt, ac quod robur illi insit, explanare perspicue. quod ad opinionem adtinet priorem, deum esse autorem logicæ, illi sese addixit

CORNELIVS DIETERICVS KOCHIVS, ¹ qui de logica *diuina, angelica & heroica* siue *mythica* disputauit, ea sententia, quod origo logicæ Deo sit vindicanda, prout nonnulli quoque in summo numine eiusdemque mente sanctissima legum ac iuris originem quæsiuerint atque inuenerint. quapropter E-

simitiupolyhistoris logica.

bræi

bræi modo *sapientiam* νοον Deo adtribuant; sed philosophi quoque græci ipsum dicant *mentem*, id quod THALES, PYTHAGORAS, ANAXAGORAS, SOCRATES, PLATO, ARISTOTELES fecerint, item λόγον *rationem*, prout Stoici summum Deum aperte ita vocauerint; nec non *veritatem*, qua appellatione vñ sint PYTHAGORAS, SOCRATES, PLATO. quam excellentiam quum in Deo cognouerint, non mirum sit, quod PLATO philosophiam dixerit *donum* & CICERO inuentum Dei, etiam BARTHOLOMAEVS VIOTTVS existimauerit, omnis demonstrationis prima initia nobis Dei beneficio inesse, & MALLEBRANCHIVS declarauerit, non esse aliam viam ad veritatem inueniendam, quam si homo Deo penitus addictus ideas rerum, veri omnes origines in ipso Deo secum & cum sua mente arctissime coniuncto intueretur, quem & secutus fuerit PETRVS POIRETVS.

§. II. Sed pace clarissimi huius viri fiat, vt ea qua decet modestia accuratius in hanc sententiam inquiramus. quæstio igitur ponitur: num origo logicæ a Deo sit petenda, nec ne? quam neque adfirmare, neque negare possumus, nisi antea compertum sit, qua significatione vox *logicæ* valeat. etenim illi duplex vis inesse potest, ita vt partim tantum respiciat sanam & rectam rationem, per quam cognoscimus veritatem; partim vero formam logicæ, qua est disciplina ad artis regulas accommodata. priori ratione dici potest, Deum esse autorem logicæ, omnesque veritates, quas ope intellectus nostri cognoscimus, esse diuinas, quia Deus rationem siue intellectum

cæ usque ad tempora Socratis, qui inprimis rebus naturæ cognoscendis operam dederunt; quarto de logica *Socratis Pyrrhonis & Epicureorum*; quinto de logica *Antistheniorum & Stoicorum*; sexto de logica *academicorum*; septimo de logica *Peripateticorum*; octavo de logica *Aristotelicorum interpretum & præcipue Galeni* disputatur.

BARTHOLOMAEVS KECKERMANNVS, qui edidit *systema systematum*, cuius tomo primo etiam continentur *præcognitorum logicorum tractatus tres*, quorum secundus exhibet *historiam logicam*, ita ut differatur capite secundo de factis logicæ a principio mundi usque ad annum servatoris nostri MD. tertio ab hoc tempore usque ad ætatem Petri Rami; quarto de *Rami & Rameæ disciplina proprietatibus*; quinto de *logicis a tempore Rami usque ad ætatem auctoris*.

10. a WOWER, Hamburgensis, protulit in lucem opus de *polymathia*, quod prodiit MDCIV. 4. & cura IACOBI THOMASII Lipsiæ MDCLXV. 8. item tomo X. thesauri antiquitatum græcarum IACOBI GRONOVII. prout WOWER opere hoc in primis de studiis litterarum veterum crudite disputat; ita quoque capite XX. p. 18. de *dialectica* quædam profert, atque illustrat præcipue voces *διαλεκτική & λογική*, brevius quidem, quam argumenti dignitas & copia postulant.

GERHARDVS IO. VOSSIUS, cui debemus libros 11. de *logices & rhetoricæ natura & constitutione*, Hag. Comit. MDCLVIII. 4. qui etiam inter opera VOSSII extant. liber de

de logices natura & constitutione complectitur capita XIII. quibus haud integram quidem logicæ historiam tradit; multa tamen adfert, quæ illam possunt illustrare; quum capite primo differat *de variis logicæ artis nominibus*; secundo *de genere logicæ*; octavo *de logices inuentore & per varios incremento*; nono *de logices divisione*; decimo usque ad vltimam *de scriptis logicis Aristotelis*.

PETRVS GASSENDVS, cuius opera omnia in sex tomos diuisa prodierunt Lugduni MDCLVIII. fol. quorum tomus primus continet *syntagma philosophicum*, cuius pars prima est *logica*, & complectitur præter *institutionem logicam* duos libros, quarum alter agit *de logicæ origine & varietate*, ac quidem capite primo *de origine & inuentione logicæ*; secundo de logica *Zenonis seu Eleatica*; tertio de logica *Euclidis seu Megarica*; quarto de logica *Platonis*; quinto de logica *Aristotelis*; sexto de logica *Stoicorum*; septimo de logica *Epicuri*; octauo de logica *Lullii*; nono de logica *Rami*; decimo de logica *Verulamii*; vndecimo de logica *Cartesii*.

RENATVS RAPINVS, qui scripsit *reflexions sur la logique*, quibus multa collegit. quæ fata logicæ cognoscenda illustrare possunt.

CHRISTIANVS THOMASIVS, qui *introductionem ad philosophiam aulicam* MDCLXXVIII. protulit, cuius editio secunda MDCCL. lucem aspexit: & in primis capite quarto p. 86. *de prudentia cogitandi & ratiocinandi* varia momenta ex historia philosophica attigit,

tigit, quæ artem logicæ eiusque fata possunt illuminare, quod & fecit *cautel. circa præcognit. iurispr. cap. x. p. 191.*

GEORGIVS PASCHIVS, quem heic ideo commemoramus, quoniam de *inuentis nouantiquis* cap. 11. disserit de logica Aristotelis, Cartesii, de arte Lulliana, de variis disputandi modis.

IACOBVS FRIDERICVS REIMMANNVS, qui edidit *critisirenden Geschichts-Calender von der logica, darinn das Steigen und Fallen dieser hoch-vortrefflichen disciplin von Anfang der Welt bis auf das Jahr Christi 1600. entworfen*, Francof. ad Moen. MDCXCVIII. 8. qui auctor existimat, quod prima disputatio theologica habita sit in paradiso inter Euam & Diabolum. titulum libri huius 10. MOLLERVS præf. ad MORHOFII polyhistoris continuationem §. x. adpellat *ridiculum* atque *absurbum*: hancque adpellationem, quod operis huius inscriptioni omnino conueniat, iterum tueretur epistola quadam aduersus REIMMANNVM, quæ legitur part VII. p. 690. diarii litterarii teutonici: *ausführlicher Bericht von allerhand neuen Büchern*; contra quas adculatones sese defendere instituit præfatione *introductionis in historiam litterariam germanorum* part. III. sect. 2. cuius libri sectione 1. part. III. p. 446. etiam merita germanorum in artem logicæ speciatim commemorantur.

CHRISTIANVS IVNCKERVS, qui Altenburgi MDCCXIV. edidit *lineas primas eruditionis vniuersæ*, quarum pars posterior, quæ *lineas heraldicæ, rei nummarie & antiquitatis*

tiquitatum exhibet, post fata auctoris vsui publico tradita est. quum huiusmodi rationem scribendi sibi elegisset, vt scientiarum traderet historias breuiter, paucis etiam parte secunda p. 2. de fatiis logicæ disseruit.

10. FRANCISCUS BVDDEVS, qui editioni *artis cogitandi* Hal. MDCCIIII. 8. præfationem præmisit, & ista disseruit *de fatiis studii logici, eiusque vera indole, adminiculis & defectibus*.

10. IACOBVS SYRBIVS, cuius *institutiones philosophiæ rationalis eclecticæ* Ienæ MDCCXVII. 8. in publicam emissæ sunt lucem, præfatione ornata, quæ fata quoque artis huius a prima ipsius origine vsque ad hæc tempora breuiter commemorat.

10. OTTLIEB STOLLE, qui vt consuleret incrementis historiæ litterariæ, anno MDCCXVIII. edidit lingua teutonica: *Kurze Anleitung zur historie der Gelahrheit*, cuius libri parte secunda eiusque capite secundo p. 115. deprehendimus historiam logicæ & metaphysicæ, quæ in primis ipsius fata tempore recentiori nobis explanat diligenter.

ANDREAS RVDIGER, qui editioni tertiæ MDCCXVII. *institutionum eruditionis* præmisit præfationem, qua §. 9. sqq. breuissime de fatiis harum litterarum disserit. nec silentio dimittere possumus

GEORGIVM WEGNERVM, qui edidit, *dissquisit. historico-philosophicam de origine logices* MDCLXVII. 12. de qua eiusque auctore disserit VINCENTIVS PLACCIVS de scriptoribus anonymis p. 321. 1295.

PETRVM

PETRUM AVRIVILLIVM, *Geualienfem*, professorem logices & metaphysices, posthac græcæ linguæ & theologiæ in academia Vpſalienſi, qui edidit orationem de *origine, antiquitate & priscis logica cultoribus*, cuius mentionem facit IO. SCHEFFERVS Suecia litterata p. 230. scriptores autem logicarum tantum recensent.

DANIEL GEORGIUS MORHOFLVS in polyhistore philos. tom. II. lib. 5.

BVRCARDVS GOTTHELFF STRVVIVS bibliotheca philosophica capite IV. cui adiungas IO. HENRICI ACKERI, supplementa p. 40. seqq. qui STRVVIVS etiam scriptores logicarum iuris commemorat bibliothec. iuridic. cap. VIIII. §. 2 p. 283. ut in præſenti de BOLDVANI, DRAVDII, LIPENII bibliothecis philosophicis, item SPACHII nomenclatore philosophico taceamus, quos auctores quisque consulere potest, si modo haud facile ubique ipsis adhibeat fidem.

2) *ſpeciatiim*

(a) *ratione variarum gentium & ſectarum.*
CORNELIVS DIETERICVS KOCHIVS, qui Helmſtadii MDCCX. edidit *initia polyhiſtoris logici*, quibus diſputat capite primo de logica *diuina*; ſecundo de logica *angelica* & tertio de logica *heroica* ſiue *mythica*; anno MDCCXIII. autem ipſius ſtudio prodiit *incrementum polyhiſtoris logici*, quo adparet caput quartum de logica *patriarcharum*.

IO. FRANCISCVS BVDDEVVS, in cuius *introduſtione ad hiftoriam philoſophiæ Ebræorum*,

rum, quæ auctior multis accessionibus iterum Halæ Saxonum MDCCXX. 8. prodiit, multa deprehendimus, quæ studium logices apud Hebræos possunt illustrare.

IACOBVS FRIDERICVS REIMMANNVS, qui *historia litteraria ante diluuiana* p. 49. quædam obseruat de logica primorum parentum nostrorum, de qua paullo post disseramus copiosius.

IACOBVS GVILIELMVS FEVERLINVS, cuius auspiciis Altorfii edita est dissertatio de *philosophia Adami putatitia* MDCCXV. & alia de *Adami logica, metaphysica, mathe-*
si, philosophia practica & libris MDCCXVII.

IO. IVLIVS STRVVIVS, cui debemus *rudimenta logicae Ebræorum ex Iudæorum scriptis eruta exemplis copiose illustrata*, Ienæ MDCCXCVII. 4. quæ tribus dissertationibus in nostra academia publico eruditorum examini exposuerat. tradit auctor atque illustrat logicam Ebræorum eam, quam nonnulli dicunt *Talmudicam*, quoniam contineat præcepta per libros Talmudicos diffusa, quibus sacri codicis sententia recte inuestigari, & inde ex mente Rabbīnorum veræ consequentiæ, quibus ipsorum Talmud nititur, deduci possent. præmio huius operis disseritur de logica Ebræorum origine, variis nominibus, ac scriptoribus; capite autem primo de *ipsis interpretandi & argumentandi regulis Ebræorum*; capite secundo traditur *logica Hebræorum methodica tractatio*; & caput tertium exhibet *quædam paralipomena*.

ION. CONRADINVS SCHRAMMIVS, qui scripsit *introductionem in dialecticam Cabbaleorum methodo Peripateticorum potissimum conformatam*, Brunsvigæ MDCCLII.

8. caput primum demonstrat *veritatem etiam ab Hebræis & in specie ex ipsorum Cabbala petendam esse*; capite secundo differit auctor de *discrimine exotericorum & acromaticorum apud Cabbaleos*; capite tertio de *sephirarum scopo & ordine*; capite quarto de *propositionibus cabbalisticis harumque compositione & examine*; capite quinto de *syllogismorum cabbalisticorum principiis, veritate ac natura*; capite sexto de *vitiis & fraudibus, quæ inesse solent argumentis cabbalistarum*. quamvis STRUVIVS & SCHRAMMIVS potius logicas Ebræorum atque auctorum Cabbalæ scripserint, quam ipsarum fata exposuerint; ex ipsorum tamen monumentis multa peti possunt, quæ historiæ harum litterarum non mediocrem adferunt lucem. nec defuerunt, qui scriptores logicarum ex gente Ebræorum collegerunt eosque enarrarunt, id quod præstiterunt auctores bibliothecarum Ebræorum, quos diligenter IO. CHRISTOPH. WOLFIUS præfatione bibliothecæ Ebrææ recenset.

THOMAS STANLEIVS, qui historiam philosophiæ, cuius elegantem interpretationem latinam GOTTFRIED OLEARIO debemus, edidit eaque ex antiquis monumentis multa collegit, quæ ad historiam logicæ apud veteres græciæ philosophos pertinent. etenim exhibet p. 326. *doctrinæ Platonis lineamenta auctore ALCINO O*, qui capite

pite IV. V. VI. dialecticam Platonis exponit; p. 443. sqq. differit de logica *Aristotelis*; p. 554. de dialectica *Stoicorum* p. 1952. de canonica *Epicuri*.

ADAMVS BURSIVS, cuius opus extat, quod inscribitur: *Ciceronis dialectica*, quam ex Stoicorum maxime sententia in scriptis dispersere reliquit, Samoscii MDCIII. 4. quod opus dicit I. ALB. FABRICIVS biblioth. latin. lib. I. c. 8. p. 148. *præclarum ac raro certe obuium*, eiusque mentionem faciunt IUSTVS LIPSIVS centur. v. epist. 57. miscell. SCHILTERVS manu duct. philos. moral. ad iurisprud. cap. I. §. 9. & GERH. IO. VOSSIVS de logices natura & constitutione cap. VIII. §. 29. p. 40. de eo ita iudicat: *iecirco bonam operam nauauit Adamus Bursius Samosciensis academice professor opere eo, quod dialecticam Ciceronis inscripsit. nam tres in eo personas inducit, Stoicum, Peripateticum, academicum; proque tribus istis trium sectarum logicam exposuit. interque cetera hoc commodi præstat, quod melius ex eo Cicero, & alii intelligantur.*

IO. ALBERTVS FABRICIVS, qui Lipsiæ MDCXCII. edidit disputationem de *cauillationibus Stoicorum*; anno MDCXCIX. Hamburgi *specimen historiae logicae elenchticum*; etiam *bibliotheca græca*, qua de antiquis philosophis atque illorum scriptis copiose & solide differit, haud cotemnendam fecit facultatem, historiam logicæ accuratius scribendi atque ornandi. idem argumentum de *cauillationibus Stoicorum*, libro quodam se ex-

posuisse, testatur VOSSIVS de sectis philosophorum cap. XI. §. 6. p. 66.

10. ANDREAS SCHMIDIVS, cuius disputatio de *Chrysippea brutorum logica* Ienæ MDCLXXXIX. prodiit.

10. PÉTR. LVDOVICVS, Hal. Saxon. MDCXCIX. disputatione quadam inaugurali exposuit *historiam rationalis philosophiæ apud Turcas*. de cetero inprimis adhuc sunt tres, qui nostra ætate de Turcarum philosophia quædam tradiderunt: BAPTISTA DONATVS *della letteratura de Turchi* Venet. MDCLXXXVIII. 12. SAMVEL SCHELWIGIVS oratione de *philosophia Turcarum* Gedan. MDCLXXXVI. ABRAHAM HINCKELMANNVS præfatione ad *Alcoranum* MDCXCIV. a se editum, qua ostendit, omnia philosophiæ studia florere in Arabia; artem logicæ autem silentio dimittit.

(b) *ratione variarum ad logicam spectantium doctrinarum.*

IACOBVS BRVCKERVS, auctor dissertationis, quæ inscribitur: *tentamen introductionis in historiam doctrinæ logicæ de ideis*, Ienæ MDCCXVIII.

10. FRIDEMANNVS SCHNEIDERVS, qui Halæ protulit in lucem *dissertationem de variis argumentandi methodis veterum & recentiorum*, qua disputat de methodis argumentandi generatim; de oratione continua; de dialogis; de inductione; de sorte; de methodo hypothetica; de variis veterum sophismatibus nostra ætate incognitis; de argumentatione actiua Diogenis Cynici; de argumentatione ab invidia; de methodo

Ra-

Ramistica; de methodo mathematica; de methodo syllogistica.

10. ANDREAS SCHMIDIVS, qui conscripsit *breuem disquisitionem de diuersis disputandi processibus*; inprimis apud Iudæos & græcos, ac speciatim de modo per dialogos Megarico, per syllogismos Cynico, mathematico. opere hoc auctor *logicam Ebræorum & logicam nou-antiquam* promittere videtur.

10. CASPAR GVNTHER, cuius dissertationem *de modo disputandi Megarico* Ien. MDCCVII. habemus.

(c) *ratione diuersorum logicam tractandi modorum.*

11. IACOBVS GVILIELMVS FEVERLINVS, qui anno MDCCXII. Ienæ edidit dissertationem *de variis modis logicam tradendi, speciatim de logica symbolica*, ubi capite primo §.4. obseruat, logicam tradi posse vel ornate; vel nude sine ornamento quodam; ornatum autem perit vel ex loco similium; vel ex loco exemplorum; vel testimoniorum; ad logicam ex loco similium transferri *symbolica, emblemata, hieroglyphica*. anno eodem Lipsiæ aliam scripsit *de logica hieroglyphica*; & anno MDCCXV. Altdorfii programma *de logicis paradigmaticis theologicis, iuridicis aliisque*.

§. VI. Auctores hosce commemorare, e re nostra omnino fuit, vt pateat, qua cura quoue studio culta atque ornata fuerit historia logices, quamuis hanc recensioem ita elaboratam esse, vt nulla fieri posset accessio, adfirmare nolim. sufficiat enim, principes huius-

modi scriptores annotasse, eosque inprimis, quos adhuc ipsi ad usus nostros contrulimus, ex quo animum ad artis logicæ fata exponenda convertendi cepimus consilium. fuerunt quoque, qui idem propositum mente sua conceperunt, ut argumentum hoc explanandum sibi fumerent; sed modo per necessitatem mortis; modo per alias occupationes promissis ipsique voluntati suæ ac desideriiis aliorum haud satisfecerunt. quo spectant

VINCENTIVS PLACCIUS, qui in catalogo librorum edendorum præter *bibliographiam logicam* etiam promisit orbi erudito *historiam logicæ*.

IO. PETR. LVDOVICVS, qui extremo dissertationis *de philosophia rationali apud Turcas* supra commemoratæ *polybistorem logicum* se meditari, significat, eiusque novem libros constituit, ita ut liber primus disferat *de inuentione artis ratiocinandi uniuersim*; secundus *de inuentione dialecticæ græcorum*; tertius *de sectis logicorum apud græcos*; quartus *de logica Aristotelis*; quintus *de logicæ emendatoribus aut inuentoribus nouarum*; sextus *de logicis practicis*; septimus *de logicis aliarum gentium*; octauus *de bibliotheca logica*; nonus *de iudicibus logicarum*.

SEVERINVS LINTRUPIVS, qui in *reliquiis incendii Bergensis* p. 47. pollicitus est *historiæ logicæ breuiarium & schediasma historicum de fati metaphysicæ*.

IACOBVS FRIDERICVS REIMANNVS, qui *introductione ad historiam litterar. gener.* p. 59. testatur, se conscripsisse opus latinum

tinum

tinum de artis ratiocinandi primis auctoribus.

§. VII. Quod ad nostram operam adinet, quam historię artis huius describendę consecrabimus, per ordinis rationem exercitationem hanc distribuamus in tres libros:

LIBRI I. de origine artis logicę.

Caput 1. *de falsa ipsius origine.*

2. *de vera eius origine.*

LIBRI II. de progressu ac fati logicę.

Capitis 1. *de progressu ac fati artis logicę generatim per varios auctores.*

Seç. (1) tempore vetustiori.

Seç. (2) tempore medio.

Seç. (3) tempore recentiori.

Caput 2. *de origine, progressu & fati doctrinarum logicę speciatim.*

Caput 3. *de variis modis logicam tradendi speciatim.*

LIBRI III. de varia existimationis logicę fortuna.

Caput 1. *de fortuna prosperiori.*

2. *de fortuna aduersa.*

qua ratione, quam nobis præscripsimus, quavis momenta eaque præstantissima, quę observatione digna sunt, attingere elaborabimus, ita vt non solum respiciamus auctores ac doctrinas logicę; sed & vsum illius ac depurationem, quę fuit multiplex. atqui hæc omnia nunc distincte ac breuiter explanabimus.

bræi modo *sapientiam* σοφίαν Deo adtribuant; sed philosophi quoque græci ipsum dicant *mentem*, id quod THALES, PYTHAGORAS, ANAXAGORAS, SOCRATES, PLATO, ARISTOTELES fecerint, item λόγον *rationem*, prout Stoici summum Deum aperte ita vocauerint; nec non *veritatem*, qua appellatione vti sint PYTHAGORAS, SOCRATES, PLATO. quam excellentiam quum in Deo cognouerint, non mirum sit, quod PLATO philosophiam dixerit *donum* & CICERO inuentum Dei, etiam BARTHOLOMAEVS VIOTIVS existimauerit, omnis demonstrationis prima initia nobis Dei beneficio inesse, & MALLEBRANCHIVS declarauerit, non esse aliam viam ad veritatem inueniendam, quam si homo Deo penitus addictus ideas rerum, veri omnes origines in ipso Deo secum & cum sua mente arctissime coniuncto intueretur, quem & secutus fuerit PETRVS POIRETVS.

§. II. Sed pace clarissimi huius viri fiat, vt ea qua decet modestia accuratius in hanc sententiam inquiramus. quæstio igitur ponitur: num origo logicæ a Deo sit petenda, nec ne? quam neque adfirmare, neque negare possumus, nisi antea compertum sit, qua significatione vox *logicæ* valeat. etenim illi duplex vis inesse potest, ita vt partim tantum respiciat sanam & rectam rationem, per quam cognoscimus veritatem; partim vero formam logicæ, qua est disciplina ad artis regulas accommodata. priori ratione dici potest, Deum esse autorem logicæ, omnesque veritates, quas ope intellectus nostri cognoscimus, esse diuinas, quia Deus rationem siue intellectum

humanum veluti principium cognoscendi constituit, iisque viribus, quæ ad huiusmodi cognitionem sunt necessariae, ornavit. sed tamen plane aliud fundamentum diuinæ originis logicæ ponimus, quam clarissimus KOCHIVS, qui id ex diuina mente, ratione, sapientia deducit, quæ nisi mitiori sententia intelligantur, facile quemdam in errorem haud mediocrem conicere possunt, præsertim quum MALEBRANCHIVM & POIRETVM sententiæ suæ fauentes in medium proferat. nam quæ viri hi celeberrimi hac de re disputarunt, quam proxime accedunt ad entusiasmum, vt ex illis, quæ infra dicemus, patebit clarius. nec testimonia philosophorum paganorum quoddam robur aut lumen adferre possunt, qui grauissimis erroribus de Deo eiusque mente diuina sese implicuerant, id quod in primis de Stoicis apertum est, qui Deum & naturam idem esse putarunt. quod si autem logica consideratur veluti disciplina quædam philosophica, neutiquam eius ortum ad Deum referre debemus, siquidem nititur regulis artis inuentæ ab hominibus & ab iisdem excultæ & perpolitæ. respicit logica morbos & imbecillitates intellectus humani, quibus mederi princeps logici munus esse debet; quis autem sibi persuadeat, huiusmodi logicam ex diuina sapientia, ratione ac mente deriuandam esse?

§. III. Adhæc clarissimus KOCHIVS capite secundo dictæ dissertationis de *initiiis polyhistoris logici* disputat de *logica angelica*, atque EX THOMA HYDE¹ obseruat, angelos

¹ *dereligione veter. Persarum, cap. 20.*

inter se instituere disputationes, etiam ex eodem commemorat exempla disputantium angelorum, *Michaëlis* quippe Iudæorum & *Raphaëlis* Persarum angeli tutelaris; ¹ item *Vsfielis* & *Schamchafai*, quo & spectet disputatio *Michaëlis* & *diaboli* de Mosis corpore. nec desint, qui angelis magnam scientiam vindicent, etiam librorum, quos de cælo hominibus miserint, dona ferant accepta, quæ omnia quum copiose & erudite cl. KOCHIVS illustraverit, concludit, quod angeli logica forte non nisi naturæ utantur, præsertim si omnia iam sciant nec discendo proficiant. sic ipse de logica angelorum quidquam definire haud sibi sumit; rectiorem autem sequamur viam, si ne quidem de logica angelorum quidquam cogitamus. nam primum magna est differentia inter rationem cogitandi apud angelos & apud homines, quum nos omnes ideas siue imagines rerum hauriamus ex sensatione, quæ apud angelos a corporibus plane separatos aliter fieri debet. præterquam discrepantiam adhuc nobis haud compertum est, qua ratione in intellectu angelorum cogitationes oriantur fiantque, ita ut si quid de illorum logica a nobis sit dicendum, nihil præter nomen retinere possimus. nec tertium disputationes, quarum mentionem faciunt, quidquam habent ponderis, quoniam aliæ sunt fictæ & commentitiæ; aliæ vero, quæ fidem præ se ferunt, ab illis, quum corpora adsumserint, sint institutæ, adeo ut istæ sententiam hanc minus possint confirmare. quid multa? logica ea significatione, quæ a plerisque, etiam

¹ Daniel. X, 13.

ā nobis adhibetur, de angelis neutiquam dici potest.

§. III. Tandem cl. KOCHIVS capite tertio differit de *logica heroica* siue *mythica*, quo ex monumentis antiquæ fabulosæ ætatis exempla & nomina heroum singulari industria collegit, quibus veteres modo scientiam, modo inuentionem logicæ adtribuerunt. sic constat, quod PROMETHEVS *Iapeti* filius, pater *Deucalionis* Thessalorum regis tradatur, inuenisse plures artes & in his quoque logicam, ut refert PLATO, ¹ per illud diuinum munus hominibus adlatum esse *inueniendi, definiendi & dividendi scientiam*. sic fingitur HERCVLES Iouis filius victum in Caucaſo Prometheus soluisse, id est interprete PLVTARCHO, ab eo accepisse *dialecticam*. sic proditur PROTEVS, Iouis vel Neptuni filius, se vertisse in quas vellet figuras, ut modo aqua, modo ignis, piscis, auis, leo, serpens, arbor fieret pro sua voluntate, quam fabulans OCRATES apud PLATONEM ad sophistam adcommodat, qui quamuis formas argumentorum varias efficiat; ope tamen sapientiæ diuinitus comprehendatur aliquando, ut de aliis taceamus. sed tamen ne operam nostram collocemus in re maxime obscura ac dubia, hasce fabulas dimittamus silentio, quæ a poetis ideo sunt fictæ, ut hominibus diuinitatem & singularem antiquitatem artium scientiarumque persuaderent.

§. V. Alii originem logicæ deducunt a primis hominibus, & scientiam huius artis vetustissimis mortalibus, quorum notitia per sa-

¹ *Phileb.*

crum codicem ad nos peruenit, adtribuunt. primum igitur differunt de logica ADAMI, utque taceamus de EVSEBIO, ¹ BARTHOLOMAEVS KECKERMANN ² dicit: *primos generis humani parentes & patriarchas non dubito cum reliquis disciplinis etiam hanc suis posteris tradidisse, praesertim quum origini omnium rerum propiores tanto praestantiorum intellectum habuerint nostro ingenio atque intellectu, quanto & vitae diuturnitate & valetudinis firmitate & denique aeris, victus ac rerum omnium e terra nascentium praestantia nobis, supra quam credi potest, fuerunt feliciores; & IO. IULIVS STRVVIVS; ³ nemo autem, inquit, a me expectabit, ut nunc logicam protoplastorum tradere sustineam. nam quamquam eam in statu integritatis perfectissimam fuisse, tuto asseuerare possumus; nihil tamen de ea memoriae proditum superest, nisi forte accuratissimam nominum impositionem, quam Plato in Cratylo dialectico propriam esse dicit, cum Eusebio huc referre velis. eiusdem sententiae est REIMANNVS, ⁴ qui & putat, primam disputationem habitam fuisse inter Eua & pessimum spiritum atque auctorem malitiae; inprimis autem istam corroborare, summa ope adnuitur CORNELIVS DIETERICVS KOCHIVS, ⁵ qui in illius gratiam varias collegit rationes. obseruat quippe, quod Adamus animalibus imposuerit nomina, id quod ex sententia PLATONIS munus atque opus esset*

¹ lib. XI. cap. 6. preparat. euang. ² praecogn. logicor. tr. II. cap. 2. p. 10. opp. ³ rudimentu logica Ebraeor. p. 10. ⁴ critisch. geschichts-Calender der logic, p. 1. sqq. ⁵ de incremento polyhist. logic. §. 1. 2.

dialectici; quod ad imaginem Dei fuerit conditus, ex quo merito quis possit colligere, cognitam ipsum tenuisse artem ratiocinandi; quod & ingenio, & vitæ diuturnitate, & aëris salubritate præstiterit reliquis mortalibus, quæ omnia magnam habeant vim ad culturam doctrinarum; quod auctor extiterit litterarum atque ipsius sermonis; artem autem inueniendi vindicet sibi logica; quod Adamus atque alii humani generis principes adparatum librorum, scholas ac societates litterarias habuisse legantur; quod sine dubio de virtute, atque illius exercitiis disseruerit solidaque adhibuerit argumenta, quod Euam ^{נחמ} a viro denominans vsus sit loco, quem dialectici dicunt *topicum* & quidem *notationis*, ¹ & aduersus Cainum dilemmate quodam, ² quæ præter alia auctor fuse exposuit & per testimoniorum auctoritatem confirmare elaborauit.

§. VI. Post ADAMVM refert KOCHIVS inter logicæ auctores CAINVM atque ABELLEM, qui instituissent colloquium de extremo iudicio, quo Cain munere opponentis, Abel autem officio respondentis fuissent perfuncti. scilicet MOSES ³ scribit: ^{וַיֹּאמֶר קַיִן אֶל הֶבֶל} & dixit Cain ad Hebel fratrem suum, quæ verba, si ita latine explicantur, interpretes multum exercent, quoniam videtur aliquid a Mose esse omissum. hinc versio LXX. καὶ εἶπε Καὶν πρὸς Ἀβελ, διέλωμεν εἰς τὸ πεδίον, quod supplementum vulgatus interpres, codex samaritanus, targum IONATAN ben Vziel exhibent. targum autem Hierosoly-

¹ Gen. II, 23. ² Gen. III, 6. 7. ³ Gen. III, 7.

mitanum hanc disputationem verbosius ita refert: *Et dixit Cain ad Habel fratrem suum, veni Et exeamus in agri superficiem. accidit itaque, quum exiissent ambo ipsi ad agri superficiem, respondit Cain Et dixit ad Abelem fratrem suum: non est iudicium, nec iudex, nec est aliud seculum nec dabitur merces bona iustis, nec ultio sumetur de improbis, neque per miserationem creatus est mundus, neque per miserationem gubernatur. quare recepta est oblatio tua a te cum beneplacito, a me autem non est accepta cum beneplacito? respondit Abel Et dixit Caino: est iudicium Et est iudex Et est aliud seculum Et est donum mercedis bonae iustis Et ultio sumi debet ab improbis Et cum miseratione creatus est mundus, Et cum miseratione gubernatur, verum iuxta fructus bonorum operum gubernatur, eo quod opera mea tuis sunt concinniora, recepta est oblatio mea a me cum beneplacito; a te vero non est recepta cum beneplacito. fueruntque ambo isti contendentes in superficie agri: confer IO. SELDENVM¹ I. A. V. G. V. S. T. P. P. E. I. F. F. E. R. V. M.² IO. ALBERTVM FABRICIVM.³ ex hisce igitur colligit KOCHIVS, Cainum fuisse primum sophistam, & adversus illum disputasse Abelem; id quod omnino ad incrementum logicæ pertinere existimat.*

§. VII. Præter alios patriarchas, quorum mentionem facit KOCHIVS, imprimis NOACHVS a nonnullis huc refertur, qui credunt, quod *Prometheus* fabulosis poetarum monumentis celebratus idem sit ac *Noachius*;

¹ de iure nat. & gentium iuxta disciplin. Ebr. lib. VII. cap. 4.

² exerc. de colloq. Caini & Abels t. 1. opp. philolog. p. 513.

³ codic. Pseudepigraph. V. T. p. 104.

quum-

quumque illi origo logicae adtribuatur, exinde consequi putant, Noachum quoque scientiae huius minus fuisse rudem. qua in opinione versatur BARTHOLOMAEVS KECKERMANNVS, ¹ quando dicit: *Prometheus ille, cui Plato in Philebo maximam inventorum & caelitus delatorum praeceptorum logicorum laudem tribuit, vix dubito; quin Noachus, vel alius quis ex patriarchis fuerit: dicitur enim vixisse anno post conditum mundum 1600. confer PETRVM RAMVM. ² PETRVS DANIEL HVETIVS ³ autem existimat; Prometheus significare Moſen. Noachum sequitur ABRAHAMVS, qui ex sententia saepius dicti Kochii ideo laudem logicae inprimis meretur, quod superstitionem a vera religione discernere instituerit, ac scientiarum cognitione exititerit maxime ornatus, praesertim si testimoniis Iudaeorum habenda sit fides. omnium autem fere princeps hoc in genere habetur IOHVS, de quo iam HIERONYMVS ⁴ ita sensit: *omnes leges dialecticae, propositione, assumptione, conclusionem, determinat. quin & rationem soluendi vitiosa argumenta ostendit; & AMBROSIVS: ⁵ quanto antiquior illis dialecticis graecorum Iob, qui haec primus reperiit; & CASSIODORVS: ⁶ ubi sunt, qui dicunt: artem dialecticam a scripturis sanctissimis non capisse? singula in Iobo plena sunt enigmatibus, propositionibus & questionibus sacris. id quod etiam adprobant auctores**

¹ citat. loc. ² scholu dialect. lib. I. cap. 1. ³ demonstrat. euangel. propos. IIII. cap. 3. §. 7. ⁴ epistola ad Paulinum.
⁵ de officiis lib. I. cap. 11. ⁶ libro dominarum lectionum cap. 6. p. 452.

ætatis recentioris, siquidem THEOPHILVS GALEVS¹ dicit: *Iobum profundum ac acutum philosophum fuisse, satis liquet; differit enim acutissime.* item: ² *probe notum est, disputationes inter Iobum & ejus amicos dialogis peractas fuisse;* THOMAS STANLEIVS³ autem: *apud Arabes fuisse disciplinarum peritos liquet, praesertim ex Iobi amicorumque eius disceptationibus;* & PETRVS GASSENDVS: ⁴ *deprehendere licet vel in una Iobi historia, homines in ea colloquanteis ita fuisse philosophatos, ut inuicem sibi obiecerint, quam quisque vellet praeter ceteris videri callere disputandi artem:* confer RAPH. VOLAIERRANVM.⁵ & IO. PETRVM LVDOVICVM.⁶ quum autem per varia argumenta satis sit perspicuum, Iobum fuisse Arabem, cujus sententiae SPANHEMIVS⁷ multos commemorat testes; inde conclusionem efficiunt, nationem hanc coluisse quoque litteras philosophiae.

§. VIII. Quod si Noachum, Abrahamum, Iobum inter eos referant, qui laudem logicæ artis mereantur, quid mirum, quando etiam in illis numerant MOSEN, id quod per varias rationes probare contendunt. Primum provocant ad verba STEPHANI⁸ ad Judæos dicentis de Mose: *Eruditus est omni sapientia Aegyptiorum & erat potens in verbis & operibus suis;* præter hæc autem observant, quod Mosis XIII. *regula logica hermeneutica* veluti auctori adscribantur, quippe quæ ar-

¹ de progressu philosophia lib. 1. cap. 1. §. 9. ² ibid. lib. III. cap. 5. §. 1. ³ lib. III. cap. 2. philosoph. oriental. ⁴ de logica origine & varietate cap. 1. ⁵ lib. X. anthropol. p. 370. ⁶ de philosophia ration. apud Turcas & de philosophis ante legendis p. 18. ⁷ historia Iobi cap. 14. ⁸ Act. VII. 22.

tem sacras litteras interpretandi ac ex principiis deducendi consequentias contineant. Credunt quippe Iudæi, quod Deus has regulas Mosi legem explicanti, dederit in monte Sinai, quæ post hæc sensim ac sensim peruenerint ad notitiam Iudæorum, etiam a R. ISMAELE collectæ, vnde & dicantur *Regula R. Ismaëlis*, de quibus videre possumus præter alios LEIDDEKERVUM ¹ & IO. IULIUM STRUVIUM. ² ex his argumentis putant nonnulli consequi, Mosén quoque præditum fuisse cognitione logicæ artis, prout DAN. GVILIELMVS MOLLERVS ³ dicit: *præter adductas hætenus scientias & artes, Mosén logica quoque imbutum fuisse, vero videtur esse simile: item: atque ut paucis multa complectar, Mosén disciplina logica fuisse imbutum, ex Aegyptiorum, apud quos Moses studuit, artes tractandi ratione non potest non liquere, quippe qui crebriore cæli contemplatione, ad leges quasdam de observationibus cælestibus faciendas instigati, modum in ratiocinando seruandum certis regulis comprehenderunt, talique modo dialecticæ studium introductum diligenter excoluerunt.* Quin etiam nonnulli sibi persuadent, logicam fuisse Iudæis *Vrim & thummim*, quoniam has hebraicas voces exposuerint auctores per לוֹ-יָוֹן. Hinc PETRVS RAMVS ⁴ dicit: *quid aliud profitetur illud pectorale in sacerdotis pectore, non solum auro & gemmis, sed duabus illustribus notis Vrim & thummim distinctum & ornatum? Vrim enim significat splendorem mentis lucemque ad cogitandum & perspicien-*

¹ de republica Ebraor. lib. XI. cap. I. ² rudiment. logic. hebraor. cap. I. ³ de Mosi philosopho §. 9. p. 21. ⁴ Schol. dialect. lib. I. cap. I.

dum? thummi ordinis accuratorem & perfectionem ad integre incorrupteque iudicandum: unde & pectorale ipsum a Mose iudicii λογέον appellatur, tanquam inullis hominum sophismatis inquinata, sed perfecta & omnibus numeris absoluta considerandi iudicandique logica λογέον illud esset: confer BARTHOLOMAEVM KECKERMANNVM, ¹ qui etiam SALOMONEM huc pertinere censet. Quum enim ipsius tempestate in more positum fuit, ænigmatum propositione & solutione dictisque argutis demonstrare ingenium; hac quoque Salomon arte excelluit ita, ut omnes in admirationem sui conuerteret. ² ex quo consequi putant, Salomonem quoque præclarum fuisse logicæ auctorem, eiusque ex conjectura REIMANNI ³ conscripsisse præcepta, siquidem ipse de se testetur, ⁴ quod de Sapientia חכמה triplici ratione egerit, quæ verba nonnulli de ipsius scriptis philosophiæ rationalis, moralis & naturalis interpretantur, confer PETRVM DANIELEM HVETIVM. ⁵

§. VIII. Sed tamen quidquid alii de logica Adami, Caini, Abelis, Noachi, Abrahami, Jobi, Mosis, Salomonis dicant; nos ab illorum opinione plane esse alienos profiteamur, existimantes, viros hosce in logices aut auctoribus, aut cultoribus haud posse numerari. Quam sententiam eo majori studio amplectimur, quo leuiiores sunt rationes eorum, qui logicæ artis in hisce hominibus commendant maxime, etiam grauiora extant argumenta, quæ contrarium plane nobis persuadent. Alii enim ig-

¹ *præognit. logic. tr. II. cap. 2. §. 3. 6.* ² *1. Reg. X. 2. Paral. IX.* ³ *im. Calendar der logic. p. 6.* ⁴ *Prov. XXII. v. 10.*
⁵ *demonstrat. euangel. p. 415. edit. Lips.*

norant, quid sit logica, & siue intelligant naturalem, siue artificialem, vti dicuntur, vtrinque a vero aberrant. Quod si intelligunt; logicam ad artem conformatam, nunquam sane probari potest, quod illa tempestate litterarum studia eam faciem præ se habuerint, quam posthac acceperunt, quum inuenta doctrina logices, ad certam formam fuerint composita, id quod cum ex personarum, tum temporis illius indole satis clarum est. Nam quamuis negari non possit, quod multarum rerum veritates sint assecuti, illæ tamen generales erant, quas adhuc per solam naturæ vim, minus autem secundum regulas artis cognouerunt. Immo quum præter lumen naturæ, quod tam grauissimis morbis haud corruptum erat, fruerentur reuelationibus diuinis, duplici hac luce omnia, quæ ad salutem erant necessaria, poterant cognoscere, vt adeo haud necesse fuerit, artes litterarias adhibere. Nec perspicere possumus, quo modo causas suas defendant, si logicam tantum naturalem respiciant, quippe quæ nomen logicæ haud potest tueri: quin etiam hac ratione omnes homines, quibus facultas benignitate naturæ inest, cogitandi, propositiones formandi & ex illis efficiendi conclusiones, inter logicæ cultores debent referri. Quid? quod rustici, quum inter se faciant contentiones, hanc gloriam, hanc logicæ laudem possunt sibi vindicare; sed quis quæso huiusmodi logicæ historiam conscribere instituat? sapius mirari solemus, quod patroni logicæ primorum parentum ac patriarcharum sibi non sumant definire, quales struxerint syllogismos, num fuerint ex primæ figuræ modis

dis *Barbara, Celarent, Darii, Ferjo*; an ex secundæ *Cesare, Camestres, Festino, Baroco*, aut tertiæ; quale sophisma fecerit Cain aduersus fratrem Abelem, num fuerit *petitio principii*; an *ignoratio elenchi*; aut *fallacia non causæ ut causæ*?

§. X. Prout autem hi ignorant, quid sit logica; ita alii in hoc versantur errore, quod antiquissimis temporibus litterarum scientiæ ea ratione, qua nunc vigent, floruerint. Sic credunt, Adamum inuenisse litteras, & PETRVS LAMBECIVS¹ eo vsque progreditur, ut non tantum litterarum, sed etiam punctorum vocalium originem Adamo diserte adtribuat, quam in causam prouocant ad libros, quos ille scripsisse dicitur; cuius generis sunt *liber reuelationis Adæ, liber de filiabus Adæ, liber de pænitentia Adæ*; item *prophetiæ Eue, euangelium Adæ*, de quibus legi possunt PETRVS LAMBECIVS,² SCIPIO SGAMBATVS,³ IO. ANDREAS SCHMIDIVS,⁴ PETRVS BÆLIUS,⁵ PAVLVS CHRISTIANVS HILSCHERVS⁶ IO. ALBERTVS FABRICIVS.⁷ sed hæc omnia sunt aperte ficta & commentitia, quibus nemo sanæ mentis adiungit fidem. Nec decet, patriarchis, qui post Adamum vixerunt, talem philosophiam, qualem hodie colimus, adscribere, quoniam plane alio modo, quam nos ad cognitionem rerum naturalium & moralium peruenerunt. Etenim ipsis erat sapientia, per quam cogno-

¹ *prodr. histor. litter. lib. 1. cap. 2.* ² *cit. loc. cap. 3.* ³ *arch. vet. testam. lib. 1. tit. 6.* ⁴ *psend. testam. veteri p. 6.* ⁵ *dictionar. histor. dec. Adam.* ⁶ *sched. de biblioth. Adami.* ⁷ *codic. psend. epigr. V. T. p. 1. sqq.*

cebant non solum bonum & malum; sed studio quoque tenebantur, bonum amplectendi; malum autem fugiendi. Quumue duplicem felicitatem hujus & alterius vitæ sibi haberent propositam; viam ad salutem æternam perueniendi cognoscebant ex reuelatione; modus autem in hac vita se felicem reddendi nitebatur benignitate ingenii naturalis, experientia atque traditione, per quas acquirebant sibi notitiam rerum naturalium, qualis ad felicitatem in hac vitâ stabiliendam sufficiebat. Sic erant viri sapientes, ac tenebant scientiam variarum rerum cum per singularem dei gratiam, tum per naturæ atque ingenii vires, cuius rei causâ dici possunt philosophi, si modo vox hæc non ea significatione, qua nunc valet, sumatur. Qua propter recte dicit IO. FRANCISCUS RVDDEVS: ¹ *quilibet facile intelligit, aliter hanc vocem (philosophiæ) capiendam esse, cum de recentiorum, aliter cum de veterum patriarcharum maxime, immo & generatim orientalium gentium philosophia loquimur: simul vero patet, in veterum Sapientia & philosophia delineanda sedulo cauendum, ne ex ista, quæ recentiorum est, notione illam æstimemus, adeoque talia iis tribuamus, quæ a temporum istorum conditione plane sunt aliena.* Quæ omnia quum ita sese habent, ea quæ de Noachi, Abrahami, Isaaci, Iacobi aliorumque logica differunt, aut ita debent intelligi, quod per vires naturales intellectus veritates cognouerint, aut, si ista ad logicam artificialem referantur, nequaquam sunt admittenda. Ipsa enim cognitio veri & falsi, aut res, ad quas spe-

¹ not. ad intr. ad phil. Ebraeor. p. 3. ed. 2.

stant veritates, nondum constituunt logicum; sed modus, quo veritates cognoscuntur partim inueniendo, partim diiudicando. Rustici quoque atque alii homines omnium litterarum plane expertes, ad notitiam perueniunt veritatum; sed quum ista gignatur per sensus tantum externos ac per memoriam; talis cognitio vulgaris est, a philosophica ac logica plane diuersa, quippe quæ ope iudicii dirigitur, ad cuius culturam præcipue spectat logica. De cetero non est mirum, quod propter errorem de præclara litterarum conditione tempore antiquissimo de logica disputent patriarcharum.

§. XI. At vero deducuntur in huiusmodi erroneam opinionem de re litteraria Adami, patriarcharum ac aliorum ex gente Ebræorum antiqua, partim per peruersam scripturas diuinas interpretandi applicandique rationem; partim per faciliorem fidem, quam fabulis Iudæorum adhibent. Quod ad prius momentum adinet; multi fingunt sibi nimiam amplissimamque Mosis eruditionem, ac verba Stephani, quod institutus fuerit in sapientia Aegyptiorum ad conditionem rei litterariæ nostra ætate adcommodant, quum tamen de iis eruditionis partibus, quæ tum apud Aegyptios floruerunt, sint intelligenda: confer IO. PRIDEAUX, ¹ CORNELIVM ADAMI, ² IO. FRANCISCVM BVDDEVM ³ quo posito, omnino debet ante demonstrari, quod ars logicæ ab Aegyptiis fuerit culta; quam per verba hæc Stephani adfirmari, Mosen quoque

¹ oper. Theol. p. 441. ² exerc. exegeticæ, exerc. II. p. 92. ³ hister. eccl. V. T. tom. I. p. 458.

disciplina arteque cogitandi fuisse excellentem. Sed quamvis NICOLAUS CAVESINUS¹ existimet, dialecticæ quoque studia in gente Aegyptiorum floruisse; nullo tamen fide digno documento id potest probare, adeo ut de logica Mosis ne verbum quidem sacer codex nobis prodat. Nec aliter res se habet cum logica Caini & Abelis. Nam quum interpretes verba Mosis: *וַיֹּאמֶר קַיִן אֶל אָבֶל* exposuerint: *& dixit Cain ad Abel fratrem*, deducti sunt in opinionem, quod heic aliquid deficit, quum id, quod dixerit, non sequatur; quæ sententia peperit colloquium: & hæc fabula effecit, ut hi fratres adhuc recentiori ætate locum teneant inter logicæ auctores. At vero quid impedit, quo minus vocem: *וַיֹּאמֶר* vertamus: *& locutus est Cain*, qua interpretatione omnis illa difficultas tollitur? immo, siue deficit aliquid, siue minus, quin etiam si ponamus, colloquium, quod refert Targum Hierosolymitanum, probatam præ se ferre auctoritatem, quis autem sanæ mentis inde constare conclusionem instituat, hosce fratres exercuisse artem logicæ. Quid multa? quum in eam ingressi sint sententiam, verustissimos Ebræos coluisse atque exercuisse logicam; omnes eorum fere cogitationes ac sermones, disputationes, doctrinas, veluti fructus disciplinæ huius cognitæ considerant. Sic Adamus dicitur intuenisse multa, docuisse liberos, proposuisse argumenta & propter hæc, ut & alia creditur logicus; quasi ista ex facultate naturali non potuissent gigni. Sic in Abrahamo laudatur peritia logices, quoniam falsam religionem a ve-

¹ de symbolica Aegyptiorum disciplina p. 107.

ra seiunxerit, quod omnino ope ratiocinationum fieri debuisset; quæ argumentandi ratio si quidquam ponderis haberet, sequeretur omnino, ut omnes pagani homines, ac Iudæi, qui puriorem doctrinam, diuina luce illuminati amplexi sunt, eodem iure locum quemdam inter logicæ cultores possint sibi vindicare. Sic Iobus ob disputationes cum amicis institutas laude dialecticæ adficitur, quæ tamen ita sunt comparatæ, vt a solis naturæ viribus, si earum formam spectamus, potuerint proficisci, quamquam negare nolumus, varia philosophiæ capita, etiam physica atque astronomica libro ipsius contineri. Hinc patet, quid sentiendum sit de RIVETO, ¹ qui opus hoc omni doctrina adeo plenum esse iudicat; *ut frustra in eius dictis omnibus explicandis sit operam positurus, qui poetices, dialectices, rhetorices, astronomiæ, physices denique non sit bene peritus.* Id quod etiam de Salomone pronuntiamus, cuius incredibilem sapientiam merito miramur; ipsi autem propter ænigmatum interpretationem logicæ vel inuentionem, vel incrementum adtribuere non possumus, quia ea tempestate multis solemne fuit, in hisce rebus ingenia demonstrare, nec præcepta logices ad illorum vsum explicationemque adhibere, necesse habuerunt, confer THOMAM BURNETIVM. ² prout ieiunas aridasque ex sacro codice deducunt conclusiones de logica Adami & aliorum virorum, qui prima ætate in cœtu viuentium versati sunt; ita quoque leuioribus omnino argumentis muniti alias

¹ isagog. ad scripturam sacr. cap. 27. ... ² archæol. philosoph. p. 89.

philosophiæ partes in illis commendant. Ita dicunt, quod Adamus in arte physica fuerit versatissimus, quia animalibus ad ipsorum naturam dederit nomina; quod extiterit auctor mechanices, quia sibi effecerit vestes; quod habendus sit princeps experimentorum atque artis chemicae, dum ignem excitauit ex silice; quod dicendus architectus, quia extruxerit casam; eloquentiæ summus magister, dum liberos docuit præcepta religionis; astronomus, quoniam cælum intuitus; œconomus, quia Cainum & Abelem agris colendis & pecoribus alendis adfuefecerit, & quæ alia huius generis deliramenta sunt, aduersus quæ merito disputat NICOLAUS HIERONYMVS GVNDLINGIVS. ¹

§. XII. Alterum momentum, quod obseruauimus, est, multos quamlibet fere fidem fabulis Iudæorum adiungere, quo fieri solet, vt tantis erroribus implicentur, sibi que subtilem ac ætati nostræ consentaneam philosophiam veterum Ebræorum persuadeant. multa enim isti ficta produnt de libris, scholis, societatibus litterariis Adami & patriarcharum, quæ si quis habet vera, saltem plane reiicere veluti fabulosa dubitat, sane non mirum est, quod incrementa logicæ in gente hac antiquissima quærat. Sic KOCHIVS ² commemorat ex GEDALIA historiam de Abrahamo, quod quum a patre Teracho præfectus fuerit vendendis idolis; ira commotus ista idola confregerit, ac de cultu illorum habuerit disputationem, qua historia copiose recitata,

¹ *hist. philos. moral. cap. VII. p. 50.* ² *increm. polyhist. legis. y. XIII. p. 55.*

addit:

addit: *fabulosa forte hæc quidem disputatio; sed quæ tamen veri aliquid admixtum habeat*; immo istam ea de causâ recenset, ut exemplum atque documentum logicæ Abrahami proferat, siquidem antea dixerat: *hic (Abrahamus) in Chaldæa ex superstitiosis parentibus natus mature cepit veram religionem a falsa dignoscere, & hanc argumentis infirmare ac confutare.* regulæ illæ logicæ hermeneuticæ XIII, ex quibus scientiam logicæ Mosis demonstrari posse nonnulli existimant, sola Iudæorum auctoritate nituntur, quæ si esset summa, quamvis leuior sit & lubrica, minime tamen huiusmodi regulæ constituunt logicam, præcipue quum ipsi Iudæi profiteantur, Moïsen illas a Deo accepisse in monte Sinai. nugæ, quas prodidit ATHANASIVS KIRCHERVS, ¹ quod Adamus fuerit theologus, philosophus, medicus, astrologus, chymicus, mathematicus, ex fabulis rabbinorum dimanarunt, quos ut etiam samaritanum paraphrasten consuluit, quibus si addidisset adhuc SALLIANVM ² & eos, qui adhuc de academiis, eloquentiæ sacræ arte Adami differunt; maior nugarum, quin etiam stultitiæ cumulus apparuisset.

§. XIII. Ut in summam redigamus, quæ iam copiose disseruimus; existimamus, quod Adamus, patriarchæ ac veteres Ebræi fuerint sapientes, id est omnia bona, quæ ad ipsorum felicitatem tum ciuilem, tum æternam promouendam spectabant, non solum diuina atque humana luce cognouerint; sed & studio ista

¹ Oedip. Egypt. tom. II. part. I. class. I. p. 48. ² anal. tom. 1. p. 107.

sint complexi. lumen illis erat ac cognitio veritatum, sed plane simplex, nuda, haud subtilis, erudita aut ad praecepta logicæ conformata; id quod indoli harum perionarum, etiam illius temporis consentaneum. perspiebant mente sua, suo iudicio quoque naturali verum & falsum, quum duces sequerentur sensus externos, experientiam atque traditionem, ac per bonitatem intellectus adsequerentur multas consequentias. ad qualem veritatis sensum peruenire, omnino in viribus ingenii naturalis positum est, quamvis ope logicæ ac cultura philosophica haud politum sit atque ornatum, ut adeo duplicem veritates cognoscendi modum, alium vulgarem, alium eruditum siue logicum esse censeamus. philosophus enim cognoscit verum, certum ac probabile modo inueniendo illud, modo diiudicando: quum exempli causa id inuenire instituat, sollicitus est de principiis, quæ in veritate certa deducit a definitionibus & diuisionibus, ex quibus format propositiones, ut inde conclusiones varia ratione efficiat. sic observat ubique praecepta artis, quæ quod veteres patriarchæ & Ebræi sint secuti, haud adfirmari, nec probari potest.

§. XIII. In illis, qui logicas Adami, patriarcharum atque antiquorum Ebræorum commendant, magis intellectus, quam animus reprehendendus videtur. bona enim mente interdum origines litterarum e sacro codice deriuant, quod præcipue de doctoribus ecclesiæ christianæ constat, quibus princeps fuit propositum, dignitatem oraculorum diuinorum illustrare, atque ambitioni paganorum obuiam

obuiam ire. hinc ostendere elaborabant, omnia litterarum, de quibus pagani gloriabantur, magis pulciora ac veriora contineri sacris scripturis, quin etiam asseriebant, omnia quæ utilia ac vera tradebant veteres philosophi, hausta fuisse ex litteris diuinis. TERTULLIANVS: ¹ *quis poëtarum, quis sophistarum, qui non omnino de prophetarum fonte potauerit? inde igitur philosophi sitim ingenii sui rigauerunt;* qua in re ipsum sequuntur TATIANVS ² & EVSEBIUS. ³ quanquam doctores hi longius interdum, quam par erat, sunt progressi; ipsis tamen per temporis rationem facile possumus ignoscere, sed quod recentiori ætate, qua historia litteraria maxime culta est, multi eodem vtantur instituto, id est, cuius nos occupat admiratio. Deus nobis aperuit fontes oraculorum diuinorum, vt inde viam ad salutem sempiternam perueniendi cognoscamus; minus autem, vt ex illis originēs eruditionis humanæ deriuemus. hæc oracula continent effata diuina & Spiritus Sancti sermones, propter quam causam omnino maiestate cœlesti horum librorum indignum esse censemus, scientias ope hominum inuentas ac propagatas ad eos accommodare, aut speciatim seruatoris nostri orationes ad logicæ Aristotelicæ præcepta ac syllogismorum doctrinam examinare. hæc, quæ generatim monuimus, sufficiant, vt adeo haud necesse esse existimemus, ad singulas rationes, quas in gratiam logicæ Adami aliorumque Ebræorum veterum stabiliendæ proferunt, respondere.

¹ *apologetic. cap. 47.*
euang.

² *orat. contra grecos.*

³ *preparat.*

LIBRI I.
DE
ORIGINE ARTIS
LOGICAE.
CAPVT II.
DE
VERA ILLIVS ORIGINE.
ET PRIMA AETATE.

Σ Τ Ν Ο Ψ Ι Σ.

De studio logices apud gentes barbaras §. I. de logica veterum græcorum, ac speciatim : num philosophi Ionici ac Pythagoras banc artem coluerint. §. II. quid occasionem illam colendi dederit. §. III. num Parmenides, an Zeno Eleates illius sit autor. §. IIII. V. de sophismatibus, imprimis Protagoræ. §. VI. de logica Democriti & Hippocratis §. VII. Socratis §. VIII. de prædicamentis Archytæ Tarentini §. IX. de dialectica schola Megarica, speciatim Euclidis §. X. de logica sophistica Eubulidis & aliorum huius sectæ §. XI. XII. XIII.

§. I. **C**onfutauius itaque illorum opinionem, qui logicam diuinam, angelorum mythicam, Adami, patriarcharum, veterum Ebræorum in historiis suis produnt, adeoque artis huius originem a prima, saltem antiquissima repetunt ætate. Quibus expositis, paganorum philosophiam ejusque monimenta contemplari necesse est, atque in eo quoque operam nostram collocare, ut veram ac genuinam disciplinæ huius philosophorum originem

nem deprehendamus. diuiditur autem philosophia gentium in barbaricam & græcam; illa iterum in *Asiaticam*, quæ est vel Chaldæorum, vel Persarum, vel Phœnicum, vel Sabæorum, vel Indorum; *Europæam*, & *Africanam*, ad quam pertinent Aegyptii, Lybii & Aethiopes. quæ nationes, a Græcis in censu barbarorum habitæ philosophiæ quidem studia coluerunt; sed inprimis vires naturæ perquirere, ac res obscuras absconditasque scrutari elaborarunt, experientia ac traditione muniti, nec de sublimi & logicæ consentanea ratione, ad verum perueniendi solliciti. Simplex fuit modus philosophiam tractandi apud has gentes, a qua indole ratio, quam sequebantur græci, plane abhorrebat. equidem IO. PETRVS LVDOVICVS ¹ censet, veteres Arabes artis huius fuisse studiosos, in cuius sententiæ argumentum adfert testimonium ABVLFARABIUS, ² qui de antiquis Arabiæ incolis ita disserat: *eruditio autem Arabum, cuius gloria præcipue studiosi erant, hac erat: lingue sue peritia; sermonis proprietas; carminum textura; orationum compositio; stellarum notitia.* ex quibus verbis clarissimus vir colligit, quod verus Arabum gens se excoluerit dialectica, quæ *propriete sermonis*, quam ABVLFARABIUS a grammatica & rhetorica distinguat, sit intelligenda. atqui inde IO. COTOVICVS ³ tradat, hodieque Arabes, qui a pristino viuendi ac docendi more haud discesserint, reliquis litterarum studiis neglectis attingere dialecticam & rhetoricam. sed minus

¹ de philosoph. ration. apud Turcas §. 5. p. 12. ² dynast. IX. p. 101. ³ lib. III. itinerarii syriaci cap. XIII. p. 473.

inde

inde sequi putamus, quod existimauit LVDOVICVS, Arabibus fuisse studium dialectices. potuit enim linguæ proprietates pertinere ad accuratorem illius scientiam, quam explanare philologi munus est. quod si etiam heic significari dialecticam, concedamus; leuius tamen esset argumentum, quod vnico testimonio, eoque obicuro, cuius sensum coniectura tantum assequi liceat, niteretur. namque exemplum IOBI Arabis, quod adhuc a LVDOVICO vrgetur, probationi huic nullum pondus adiicere videtur, quoniam in ipsius libro nulla artis logicæ vestigia adparent, vt iam superioribus a nobis fuit obseruatum.

§. II. Magna fuerunt studia græcorum, quibus philosophiæ litteris clarum lumen protulerunt, easque sectati sunt. nonnullis solemne est, duas philosophiæ huius classes constituere, quarum altera est secta *Ionica*; altera vero *Eleatica*, quibus alii tertiam, *Italicam* quippe addunt, vide GERH. IO. VOSSIVM.² philosophi scholæ Ionicæ, auctor illius THALES *Milesius*, ANAXIMANDER *Milesius*, ANAXIMENES *Milesius*, ANAXAGORAS *Clazomenius* rebus naturalibus cognoscendis, operas suas traditione adiuti consecrarunt, in quibus philosophiæ studiis per solas naturalis ingenii vires ac traditionem sese exercuerunt. sectam *Italicam* condidit PYTHAGORAS, qui ambitiosus grauissimam auctoritatem sibi conficere elaborabat, atque eiusmodi docendi rationem habebat, qua vera cogitandi libertas non poterat non opprimi; etiam artis logicæ remoueri fundamentum. etenim omnis ipsi-

¹ de sectis philosophorum cap. 5.

us disciplina, quam informanda atque instituenda iuventute observabat, ad propriam auctoritatem erat composita, vide SCHILTERVM.¹ & IO. SCHEFFERVVM.² sic discipuli eius necesse habebant, duplex silentium, quod dicebatur ἐχεμυθία, observare sancte; quorum alterum erat perpetuum, ne arcanas præceptoris doctrinas illis, qui philosophiam eius haud sectarentur, facerent manifestas ac notas; alterum certo temporis spatio, ac quidem, ut plures censent, quinque annorum definitum. quamquam A. GELLIVS³ dicit: *eum, qui exploratus ab eo idoneusque fuerat, recipi in disciplinam statim iubebat & tempus certum tacere; non omnes idem, sed aliud aliis tempus pro aestimato captu solertia.* hisce institutis animos discipulorum sensim ac sensim commovebat ad prava auctoritatis studia, ut effata præceptoris veluti oracula diuina cohererent, omnia propter summam eius existimationem crederent & loco rationum, quibus aliquid erat probandum, adferrent αὐλὸς ἔφατ' atqui hoc αὐλὸς ἔφατ' illo ævo erat logica, quum parvus numerus excellentium in philosophia virorum tantam ipsis conciliaret auctoritatem; ut vix errare posse viderentur. PETRVS. RAMVS⁴ Pythagoras, inquit, circa sexagesimam olympiadem Italicae philosophiæ princeps, mathematicas, physicas, medicas artes docuisse quidem dicitur; logicas (quod legisse meminim) docuisse non dicitur: magnumque ejus rei indicium est, de logicis artibus ab eo nil esse

¹ de disciplina Pythagorica. ² de natur. & constitut. philosoph. Italic. cap. XII. XIII. XIV. ³ noët. Attic. lib. 1. cap. 9. ⁴ schol. dialect. lib. 1. cap. 2. p. 513.

institutum, quod quinquennii silentium discipulis suis imperavit, & ex omnibus logicæ argumentis, unicū illud expertæ artis tantum apud eius discipulos valuerit αὐλὸς ἔφα, ipse dixit: ipse vero Pythagoras erat. equidem sunt qui multa ad defensionem Pythagoræ, in quo exemplum singularis modestiæ atque humanitatis fuerit conspicuum, adferunt, prout quoque DIOGENES LAERTIVS ¹ illud αὐλὸς ἔφα alii cuidam Pythagoræ adtribuant, sed hæc leuiores sunt, quibus multa alia, haud contemnenda testimonia repugnant, quæ collegerunt AEGIDIUS MENAGIVS ² & IO. ALBERTVS FABRICIVS. ³

§. III. In secta *Eleatica* extitit ZENO, qui ex plurium sententia primus animum adpulit ad præcepta artis logicæ tradenda, de cuius incunabulis antequam dicamus, non alienum erit, quid occasionem dederit hanc philosophiæ disciplinam colendi, attingere. atqui hanc in causam bene obseruat PETRVS GASSENDVS, ⁴ quod quum viri quidam habiti sapientes aliquid egregie fuissent meditati, ratio cinnatique, idque aut pronuntiaissent aut scriptis mandassent: tum ipsimet, vel alii imitationis studio, quale id fuisset, expenderint; qui unaqueque res cogitata, enunciata, deducta foret, attenderint, parem sibi esse in ceteris rebus procedendi modum seruandum censuerint: res succedente regulas & confecerint & conscripserint, quæ sibi quidem monumenta, ceteris vero documenta forent, ut quum luberet, apposite,

¹ lib. VIII. segm. 46. ² obseru. a. Laertium d. l. ³ bibliotheca græc. lib. II. cap. 12. p. 459. ⁴ de logicæ origine & vau. rit. cap. 1.

recteque philosopharentur. namque quum philosophi instituerent iuuentutem, aut doctrinâs consignarent litteris, sequebantur quidam primum solas naturalis ingenii vires, successu autem temporis obseruabant, quum accuratius ad ipsas meditationes aduerterent animum, quod certo modo gignatur veritas, quod quadam in re ista sit posita, quodue inter se cohæreant cogitationes, atque his obseruationibus aut potius experientia incitabantur, vt de arte logices conscribenda cogitare inciperent. neque vero tantum experientia ista adtulit occasionem; sed posthac quoque scepticismus, cui quum alii philosophi sese obicerent, recte beneque existimantes, esse certitudinem quâmdam in veritate cognoscenda; necesse omnino habebant, modum ac fundamentum demonstrare, quo ad certam veri & falsi notitiam peruenire quis possit, quodue certitudo ista nitatur; atqui hæc est causa, cur sensim ac sensim philosophi maiori studio ac cura artem hanc perpolire, ornare ac propagare elaborauerint.

§. III. Rudimenta igitur ac prima initia logicæ ad artem compositæ multi adtribuerunt ZENONI Eleati. sic apud DIOGENEM LAERTIVM¹ ARISTOLES auctor est, Zenonem hunc inuenisse dialecticam, quod & ipse LAERTIVS² testatur; & SVIDAS: τὸν φασὶν εὐρετὴν εἶναι διαλεκτικῆς, ὡς Εμπεδοκλέα τῆς ἐρηλικῆς, quum dislerat de Zenone. quibus veterum testimoniis nonnulli ex recentiori æuo sunt commoti, vt merita inuentæ

¹ lib. IX. segm. 35. addi. Sextum Empiric. aduersus mathem. lib. VII. p. 193. ² proemio.

dialectices vindicauerint quoque Zenoni, PETRVS RAMVS, ¹ GERHARDVS IO. VOSSIUS, ² PERVS GASSENDVS. ³ fuit autem ZENO *Eleates*, *Parmenidis* auditor & *Melissi*, præceptor *Leucippi* ac *Periclis*, clarus circa olympiad. LXXIX. de cuius vita & scriptis. quæ olim ferebantur; videri possunt interpretes DIOGENIS LAERTII, ⁴ THOMAS STANLEIVS, ⁵ PETRVS BÆLIUS, ⁶ IO. ALBERTVS FABRICIVS. ⁷ quod speciatim ad ipsius logicam adtinet, obseruat PETRVS GASSENDVS, ⁸ illius tres partes fuisse, *consequutionum*, *dialogorum*, & *contentionum*. prima ars erat *consequutionum*, qua tradidit regulas ac varios modos consequutionum deducendarum, quorum XXIV. numerat PROCLUS. ⁹ hæc prima dicitur a nonnullis *dianoetica*, siue bene cogitandi ars; secunda fuit ars *dialogorum*, qua scite rogandi respondendique dedit præcepta, ad colloquia bene instituenda apta atque vtilia, quæ a quibusdam adpellatur *dialectica*, quasi *dialogica* siue dialogistica. nam, vt DIOGENES LAERTIVS ¹⁰ observat, *διαλόγους φησὶ πρῶτον γεῖναι Ζήνωνος τὸν Ἐλεάτην*, *dialogos primum Zenonem Eleatem scripsisse feruunt*, id quod LAERTIVS in vita huius Zenonis haud adnotauit nisi quum ex Aristotelis testimonio referat, Zenonem inuenisse artem dialectices, ad hanc *dialectices* vocem etiam *dialogos* refer-

¹ Schol. dialect. lib. 1. cap. 3. ² de nat. & constitut. log. cap. VIII. § 2. ³ de origine & variet. logic. cap. 1. ⁴ lib. IX. segm. 29. ⁵ hist. philos. p. 881. edit. latin. ⁶ dictionar. hist. crit. voc. Zen. ⁷ bibl. grac. lib. II. c. 23. §. 29. p. 824. ⁸ cit. loc. cap. 2. ⁹ in Platon. Parmenid. ¹⁰ lib. III. segm. 47.

revelimus. ex quibus patet, quod pretium ponendum sit illorum opinioni, quibus PLATO primus dialogos introduxisse visus est, quod scribendi genus eum ornasse ac maiori cura sectatum esse, nemo dubitabit, confer CAROLVM SIGONIVM ¹ & GEORGIVM PASCIVM. ² tertia Zenonis ars dicitur *ἐπιστήμη*, quam ipsi AELIANVS alique adtribuunt; quamvis LAERTIVS autorem *εριστικῆς* esse PROTAGORAM adfirmet, vt paullo post pluribus obseruabimus.

§. V. Sic ZENO *Eleates* creditur auctor logicæ artis. Sed tamen legimus apud DIOGENEM LAERTIVM ³ de PARMENIDE, quem audiuit ZENO, quod existimauerit, duplicem esse philosophiam, alteram ex veritate; alteram ex opinione, cuius rei ALDOBRANDINVS ⁴ collegit testimonia alia; item quod PHAVORINVS testetur, Parmenidem inuenisse argumentationem, quæ adpellatur *Achilles*. in primis autem doctrinâ, quâ maxime clarus exitit, ea est, quâ de ideis proposuit, a PLATONE explicata dialogo, quem inscripsit *Parmenidem*, cuius summam exhibet THOMAS STANLEIVS. ⁵ quæ si quis expendat diligenter, facile in dubitationem adduci potest, num in ZENONIS meritis inuenta dialectica debeat numerari, nec ne? quin etiam, si BESSARIONI, ⁶ qui opus Parmenidis de veritate & opinione commemorat, fides habenda sit, sine vlla dubitatione Parmenidi laus hæc de prima dialectices cura vindi-

¹ libr. de dialogo. ² diatrib. de vstrata veterum exemplo ratione tradendi per dialogos. ³ lib. IX. segm. 22. ⁴ not. ad Laertium p. 561. ⁵ histor. philos. p. 877. edit. latin. ⁶ contra calumniatorem Platonis lib. II. cap. II.

canda erit. at vero quum veteres scripta eius physica tantum laudent, etiam probabile sit, quod philosophus hic de diuersitate veritatis atque opinionis modo disseruerit; minus autem præcepta quædam hoc de argumento configuauerit litteris; saltim Zeno primus haberi potest, qui de doctrina logicæ cogitare, eiusque quædam dare præcepta instituerit. quidquid sit, satis apertum esse putamus, quod in schola Eleatica philosophi primam curam ad artem hanc contulerint, siue Parmenides siue Zeno operi huic primus admouerit manus. sunt quidem, qui inuentionem logicæ tribuere videntur PLATONI, UT PHAVORINVS apud LAERTIUM, ¹ quoniam antiquissimi philosophi a Pythagora ac Thalete vsque ad Socratem naturæ tantum inquisitioni fuerint dediti; Socrates autem primus adiecit doctrinam de moribus; ac post hunc Plato dialecticen, qui & ipse multa argumenta ad artem hanc spectantia explanauerit, sed si verba LAERTII inspiciamus diligenter,prehendimus, quod Plato verius doctrinam hanc maiori cura expolire, eam ad partes philosophiæ referre, ac quæ ex disciplina atque institutione Socratis hauserat, ad publicum transferre usum instituerit, quod ex ipso Platone potest confirmari, qui inuentionem artis huius Zenoni, aut si velis, etiam Parmenidi tribuit. nec ad illorum opinionem accedere possumus, qui Socratem, auctorem logicæ adferunt, quippe quem a definiendi & diuidendi gloria commendat ARISTOTELES; ² si-

¹ lib. III. *sezm.* 24. ² *methaphys. lib. XIII. cap. 4.*

quidem

quidem CHRISTIANVS THOMASIVS, recte dicit: *Socrates videtur initia iecisse logica vtendi ad inquisitionem veritatis & Aristoteli commendatur tanquam gnarus definiedi & diuidendi.*

§. VI. Rudimenta hæcerant logicæ, cuius præcepta, quæ philosophi hi tradebant, neque integro operi de veritate cognoscenda sufficiebant, neque singularem adferebant vtilitatem. facile quidem successu temporis doctrina hæc ad maiorem elegantiam ac perfectionem peruenire potuisset; nisi prauis adfectibus & malitia hominum feliciori progressui intulissent moram atque impedimentum, quo minus prosperiora cœperit incrementa. nam vix philosophi cogitauerant de ratione cogitationes dirigendi, ac via ad cognitionem veri at falsi monstranda, quum logica, quæ fallacijs struendis inseruit, hominum ingenia ac mentes occuparet. ante PROTAGORAM nota erat argumentatio dicta *Achilles*, & eo respiciebat, vt negaretur motus; cuius adpellationem multi inde deriuant, quod vt Achilles, non possit superari aut solui, id quod veritati repugnat. nam nomen hoc ortum est a tali adsumptione: *nūm Achilles currendo testudinem adsequi potest? ad modum. atqui si motus est, Achilles testudinem non adsequetur: non est igitur motus.* argumentum hoc ab ARISTOTELE² & DIOGENE LAERTIO Zenoni;³ a PHAVORINO vero apud LAERTIVM⁴ Parmenidi adtribuitur, vide AEGIDIVM MENAGIVM⁵ & PETRVM GAS-

¹ *philos. aulic. cap. IV. § 6.* ² *physicor. libr. VI. cap. 14.*
³ *lib. IX. 29.* ⁴ *lib. IX. segm. 23.* ⁵ *not. ad Laert. II. segm. 108. p. 123. lib. IX. segm. 23. p. 402.*

SENDVM. ¹ PROTAGORAS, *Abderites*, σοφίας dictus & λόγος, quum & philosophiæ & eloquentiæ operam dedisset, viam paravit sophismatibus, siquidem non solum scripsit teste LAERTIO ² τέχνην ἐριστικῶν *artem contentiōnis*, item duos libros ἀντιλογικῶν, *contradictionum*, quum profiteretur primus, duas esse rationes de quacumque re oppositas sibi, iuxta quas etiam instruit quæstiones; sed & ipse huiusmodi fallacias adhibuit easque proposuit. in primis notum est ipsius argumentum, a græcis dictum ἀντιστρέφον, quo usus aduersus discipulum Euathlum fertur, id quod pluribus commemorant A. GELLIVS, ³ APVLEIVS, ⁴ LAERTIVS; ⁵ simile autem quid refert SEXTVS EMPIRICVS ⁶ de *Corace*, qui rhetor fuit Siculus & Protagora antiquior, vt patet ex QVINCTILIANO. ⁷

§. VII. Magnum splendorem scholæ Eleaticæ effecit DEMOCRITVS, qui teste Aristotele ⁸ primus ostendisse traditur, quod rerum naturæ dari possint definitiones, ideoque a nonnullis inter logicæ cultores refertur, præcipue a IACOBO FRIDERICO REIMMANNO. ⁹ sed testimonia illa, quæ hanc in causam proferuntur, & apud PETRVM RAMVM ¹⁰ legi possunt, admodum leuia sunt, hinc & BARTHOLOMAEVS KECKERMANN ¹¹ ea de re adhuc dubitat, quum dicit: *Democritus, anno maior Socrate, etiam forte*

¹ de origin. & variet. logis. cap. 2. p. 39. ² lib. IX. segm. 55.
³ noct. Attic. lib. V. cap. 10. ⁴ florid. ⁵ lib. IX. segm. 56.
⁶ aduersus mathematicos. p. 81. ⁷ lib. III. cap. 1. ⁸ de paratib. anim. lib. 1. cap. 1.
⁹ critis. geschichts. Calendar der logic. p. 8.
¹⁰ schol. dialect. lib. 1. cap. 3. p. 316. ¹¹ præcognit. logic. tr. II. cap. 2. §. 9.

aliquid logicum dedit, si ita ex titulis librorum, quos Laërtius recenset, coniectare velimus. nam quamuis DEMOCRITVS dixerit, quid sit frigidum, quid sit calidum, quod de eo obseruauit ARISTOTELES, id tamen nondum probat, DEMOCRITVM versatum fuisse in disciplina logicæ. inter discipulos eius a quibusdam refertur HIPPOCRATES, quamuis alii hoc dubium esse censent, & obseruant, quod non prius cognitus Hippocrati videatur fuisse Democritus, quam quum ad illum curandum vocaretur Abderam, præcipue si vera sint, quæ habeat AELIANVS ¹ de cetero HIPPOCRATIS merita celebrantur in logicam, quæ refert PETRVS RAMVS: ² Hippocrates medicus, horum ætate paullo inferior & inuentionis & dispositionis partes proposuit: similitudinem & dissimilitudinem commendauit: vitia diuisionis in veteribus, (vt Galenus ait) studiose reprehendit: immo vero effectorum, adiunctorum, una cum methodica & artificiosa dispositionis forma locum comprehendit.

§. VIII. Nunc conuertimus nos ad SOCRATEM, cui genuina & germana logicæ disciplina multum debet. nam quamuis ipse nullam habuerit scholam, nec quidquam scripserit, quod adfirmant CICERO, PLUTARCHVS, ARISTIDES, DIO Chrysostomus, LAERTIVS & alii, & ex recentioribus GOTTFRIED OLEARIVS ³ aduersus LEONEM ALLATIVM ⁴ solide probauit; singulari tamen iudicii virtute præditus erat, quam etiam

¹ var. histor. lib. III. cap. 20. ² citat. loci ³ de scriptis Socratis p. 198. edit. lat. Stanlei histor. philof. ⁴ de scriptis Socratis.

ad eruendam veritatem adhibuit, forti animo disputauit contra sophistas hisque exercitiis viam monstrauit ad maiorem logicæ culturam philosophisque vehementiores admouit stimulos. CICERO magnificis laudibus ornat SOCRATEM, quando dicit; ¹ *Socrates primum philosophiam deuocauit de cælo & in urbibus collocauit, & in domos etiam introduxit & coëgit de vita, & moribus rebusque bonis & malis querere: item* ² *quorum princeps Socrates fuit, is qui omnium eruditorum testimonio, totiusque iudicio Græciæ cum prudentia, & acumine, & venustate & subtilitate, tum vero eloquentia, varietate, copia quam se cumque in partem dedisset, omnium fuit facile princeps. nec desunt, qui adfirmant, Socratem artem quoque logicæ habuisse explanatam ac cognitam, quoniam per temporis rationem audire potuerit Zenonem, & ex ipsius disciplina hæc adiumenta colligere; quin etiam de eo testatur ARISTOTELES, ³ ipsi deberi artificium definiendi, siue ut alii interpretantur, inductionis; cuius cognitionis documenta ad hæc Platonis dialogi exhibeant. quapropter PETRVS RAMVS ⁴ dicit; *Socrates vniuersos vnus non tantum ethica, sed hac logica philosophia longissime superauit; qui tametsi magister in schola nunquam fuit, nunquam artis cuiusquam professor ac doctor videri voluit, immo litteram nullam scriptam reliquit: e discipulorum tamen atque inprimis Platonis sermonibus, satis constat, omnium philosophorum**

¹ Tuscul. quest. lib. V. cap. 4.

² de oratore lib. III. cap. 16.

³ lib. XIII. cap. 4. metaphys.

⁴ scholis dialecticis libr. 2.

cap. 4.

superio-

superiorum non solum natura, sed arte & usu λογικῶν fuisse.

§. IX. In hanc ætatem ARCHYTAS Tarentinus incidit, cuius servus fuit Plato, emtus a Polide navarcho, cui ipsum vendidit Dionysius tyrannus, ut TZETZES ¹ tradit, sub ipsius nomine adhuc exstat *περί τῆς παντὸς φύσεως* libellus, dorice scriptus, quo primus uniuersa in decem classes, quas vulgo *categorias* siue *prædicamenta* vocamus, Archytas distribuit: prodiit græce, & latine Veneris MDLXXI 8. & græce cura IOACHIMI CAMERARII Lipsiæ sine temporis nota 8. librum hunc commemorant SYRIANVS, ² SIMPLICIUS, ³ BOETHIUS, ⁴ AMMONIUS ⁵ DEXIPPVS ⁶ qui Iamblichi discipulus, litteris consignauit libros quæstionum in categorias. THEMISTIUS vero negat, Architam, qui de decem prædicamentis scripsit, fuisse Pythagoricum illum antiquum; sed quemdam iuniorum Peripateticum, qui veteri nomine nouo operi conciliare voluerit auctoritatem, vbi & obseruandum esse putamus, quod ea, quæ SIMPLICIUS ex Archyta assert, in libello, qui eius nomen præ se habet, haud reperiantur. est adhuc alius liber Archytæ *περί τῆς δεκάδος*, quem eundem esse cum libro *περί τῆς παντὸς* censet IO. ANDREAS SCHMIDIUS, ⁷ sed præter veritatis speciem. nam in illo de natura & proprietatibus numeri egerat, quod in hoc *περί παντὸς* minime facit, confer GERH. IO. VOSSIUM ⁸ & IO. ALBERTVM FA-

¹ XI. hist. 362. X. hist. 359. ² in Hermogenem. ³ in categorias. ⁴ arith. II. 41. ⁵ in quinque voces Porphyrii. ⁶ lib. 1. cap. 6. lib. III. cap. 1. ⁷ differt. de Archyta Tarent. ⁸ de nat. & constitut. logic. cap. VIII. §. 3. p. 28.

BRICIVM. ¹ quod si Archytas hic fuerit Pythagoricus ille, capere possumus coniecturam, quod hac doctrina explanare voluerit *denarium Pythagoricum*, nisi potius eo respiciat liber *περί της δεκάδος*. at vero siue Archytas Pythagoricus; siue alius quidam Peripateticus exposuerit decem categorias, gentina tamen ars cogitandi per hanc doctrinam haud accepit incrementa, quoniam istæ tantum notiones sunt mente separatæ; nec accuratius in suas distributæ classes.

§. X. Discipulus Socratis fuit **EVCLIDES Megareus**, conditor disciplinæ Megaricorum, qui postea *ἐρησικοί*, siue contentiosi, ac exinde a nonnullis *διαλεκτικοί*, quia se se in dialecticis exercerent, dicti sunt, quos ita primus Dionysius Carthaginiensis ideo adpellavit, quod interrogando ac respondendo sermones librosque componerent, ut habet **DIOGENES LAËRTIVS.** ² **ZENO** quidem *Eleates* a quibusdam dicitur auctor eristicæ disciplinæ, ut ex libro historiæ philosophicæ, qui inter **GALENI** scripta legitur, iam obseruarunt viri docti; sed **GERH. IO. VOSSIVS** ³ recte dicit: *facile hæc conciliantur. primi enim Parmenides eiusque discipulus Zeno Eleates quadam mouere circa dialecticem. Euclides autem Megaricus Parmenidis librorum inprimis erat studiosus, ut Laërtius est auctor. quare credibile est, in dialecticis secutum esse Parmenidem eiusque discipulum Zenonem. alii igitur Zenonem fecere auctorem sectæ eristicæ, quia is primus contentiones dialecticas mouit; alii Eu-*

¹ bibl. græc. lib. II. c. 13. p. 394. ² lib. II. segm. 106. ³ de sectis philos. cap. XL §. 3. p. 65.

clidem, quia is promouit atque auxit. quod ad EVCLIDEM speciatim adtinet, DIOGENES LAERTIVS¹ de eo scribit: τὰς ἀποδείξεις ἐνίστατο, ἡ καὶ λήμματα, ἀλλὰ καὶ ἐπιφορὰν, quæ verba plerumque latine ita transferuntur: utebatur probationibus non his, quæ per assumptiones, sed quæ per conclusiones fiunt; item: insisterat demonstrationibus non his, quæ per propositiones, sed quæ per conclusiones fiunt. sed si iudicium atque auctoritatem CICERONIS sequi velimus, ἀπόδειξις significat argumenti conclusionem; & λήμματα sumptiones, quando dicit: ² sed demus tibi istas duas sumptiones: ea quæ λήμματα appellant dialectici: sed nos latine loqui malumus; item: ³ itaque argumenti conclusio, quæ est græcè. ἀπόδειξις ita definitur: ratio, quæ ex rebus perceptis ad id, quod non percipiebatur, adducit. qua propter existimamus, DIOGENEM LAERTIVM significare, quod moris fuerit apud Euclidem, aliorum sententias ac conclusiones confutare non per contraria principia; sed per conclusiones, quæ continebant varia incommoda, adhæc de eo tradit LAERTIVS, quod disputationem, quæ fiat per similitudinem, sustulerit, dicens: illam aut ex similibus consistere, aut ex dissimilibus. si ex similibus consistat, circa ipsa potius, quam quibus sint similia, versari rationem debere; sin autem ex dissimilibus, superuacaneam esse comparisonem.

§. XI. EVCLIDEM audiuit EVBVLIDES, præceptor Alexini & rhetoris Demosthenis, qui reprehendit Aristotelem, vt 10. 10NSIVS

¹ citat. loc.
acad. lib. 11. c. 8.

² de diminutione lib. 11. cap. 33.

³ quæst.

obser-

1 obseruauit. hic varia argumenta captiosa adhibuit, quæ commemorat DIOGENES LAERTIVS, 2 illustrant autem PETRVS GASSENDVS, 3 AEGIDIVS MENAGIVS, 4 THOMAS STANLEIVS. 5 non ab re erit, heic quoque ista argumenta adtingere breuiter:

I. ΨΕΥΔΟΜΕΝΟΣ; *mentiens*, vt vocatur a CICERONE, 6 quæ argumentatio a materia hanc adpellationem habet, quoniam exempli causa sumitur is, qui *mentitur*, hac ratione: *num mentitur is, qui mentiri se dicit?* cui si respondeas *mentiri*; colligitur, *non mentiri, quoniam vere dixerit, se mentiri.* quod sophisma tanti habitum fuisse, testatur SENECA, 7 vt haud pauci libri de eo sint conscripti, id quod LAERTIVS 8 de Chrysippo commemorat; ATHENAEVS 9 autem & SVIDAS 10 produnt memoriæ, Philetum Coum propter nimium studium in eo soluendo positum contraxisse phthisin & illius vi correptum, excessisse e vita. mentionem illius facit quoque ARISTOTELES. 11

II. ΔΙΑΛΛΑΝΘΑΝΩΝ, *fallens*, quod sophisma hoc modo struitur: *nosti patrem tuum? noui. nosti hominem illum, qui latet? non noui. ergo patrem tuum non nosti: nam ille pater tuus est.*

III. ΗΑΕΚΤΡΑ, *Electra*, quod argumentum nomen habuit ab Electra, Orestis sorore, quæ in tragœdia Sophoclis Orestem fratrem

1 de scriptoribus hist. philos. passim. 2 lib. II. segm. 108.
3 de origin. & variet. logic. cap. III. 4 not. ad Diag. Laert. p.
121. 5 histor. philos. p. 265. 6 de diuinat. lib. II. cap. 8.
acad. question. IV. 30. 7 epist. 45. 8 lib. VII. 196. 9
lib. IX. p. 461. 10 v. c. 10. 11 lib. VII. cap. 3. ad
Nicom.

suum nouit & non nouit. scilicet Electra cognitum habebat quod Orestes sit frater; sed ipsi erat incognitum, quod ille, cum quo diserebat, sit frater Orestes, quod sophisma commemorat LVCIANVS. ¹

IV. ΕΤΚΕΚΑΑΤΜΕΝΟΣ, coopertus, quæ argumentatio etiam hanc adpellationem accipit a materia. exemplum illius exhibet LVCIANVS ² hac ratione; CHRYSIPP. *responde mihi, nosline patrem tuum?* MERCATOR, *maximè*, CHRYSIPP. *quid igitur, si prope te statuerem opertum quempiam atque interrogarem, nosline hunc? quid diceret?* MERC. *scilicet me non nosse.* CHRYS. *atque hic tuus erat pater, itaque si istum non nosti, palam est, patrem tuum non nosse.* ex quo patet, quod sophisma hoc cum superiore, quod dicebatur *δι' αλλανθάνων*, conueniat.

V. SORITES, quem CICERO ³ adpellat *acerualem*, quoniam per hoc sophisma quis cogatur fateri, quod acruus, græce *σωρός* efficiatur vno addito grano, aut nunquam acruus sit futurus. quæritur enim: *num vnum vel duo grana sint acruus, nec ne.* si hoc negatur, additur vnum: *num tria sint acruus?* quæ multiplicatio semper fit, donec quis fateatur, esse acruum; quo facto, alter inde colligit conclusionem: *ergo acruus efficitur vno grano addito.* præter CICERONEM huius argumentationis etiam mentionem faciunt LAERTIVS, LVCIANVS, SENECA, QVINCTILIANVS, VLPIANVS.

VI. ΚΕΡΑΤΙΝΗ, siue KERATIS, id est cor-

¹ *vitar. auction.* ² *cit. loc.* ³ *de diuinat. lib. II. cap. 4.*

autus, quod *sophisma* etiam nomen sortitum est ab exemplo, hac ratione: *babes, quod non amisisti; non amisisti cornua, ergo babes cornua.* SENECA¹ recte iudicat: *ceterum qui interrogatur, an cornua habeat, non est tam stultus, ut frontem suam tentet, nec rursus tam ineptus aut hebes, ut non habere se nesciat, quod tu illi subtilissima collectione persuaseris. sic ista sine noxa decipiunt; quomodo prestigatorum acetabula & calculi, in quibus fallacia ipsa delectat*: adde A. GELLIVM².

VII. ΦΑΛΑΚΡΟΣ, cuius etiam DIOGENES in EUBVLIDE meminit. MENAGIVS³ autem hæc obseruat: *exemplum huius argumentationis non memini me legere: neque unde dicta sit, noui. forte ab hoc exemplo: qui non habet pilos in capite, caluus est. rāsus non habet pilos in capite. ergo rāsus caluus est.*

Atqui hæc sunt *sophismata*, quæ LAERTIVS notat in EUBVLIDE.

§. XII. Quod si heic reliquos philosophos disciplinæ Megaricæ persequi liceret, nihil aliud de illis commemorare possemus, quam quod logicam sophisticam singulari studio propagauerint. Euclidem quoque audiuerat CLINOMACHVS THYRIVS, de quo refert LAERTIVS, ⁴ quod primus scripserit *περί αξιωμαίων καὶ καθήκοντων καὶ τῶν τοιούτων*; item STILPO Megarensis, de quo idem LAERTIVS⁵ tradit: *ἀνέηκε καὶ τὰ εἶδη, καὶ ἔλεγε τὸν λέγοντα ἀνθρώπον εἶναι, μηδέναι. ὅτε γὰρ τόνδε λέγουν, εἴτε πάντῃ γὰρ μάλλον τόνδε ἢ τόνδε; ὅτε ἄρα, τόνδε, species quoque*

¹ *epist.* 45. ² *libr.* XVI. *cap.* 2. ³ *ad. Laert.* p. 123.
⁴ *lib.* II. *segm.* III. ⁵ *lib.* II. *segm.* 119.

tollebat, dicebatque qui hominem diceret, neminem dicere. non enim hunc aut illum dicere. quid enim hunc magis, quam illum? non igitur hunc; quæ verba maxime sunt obscura. quod si autem per τὰ εἶδη intelligamus illa vniuersalia, siue prædicabilia, quæ in scholis traduntur, & post verbum εἶναι, addamus εἰπεῖν aut λέγειν, videtur STILPO hoc significasse, quod illa vniuersalia re ipsa haud reperiantur, sed quæcumque sensibus nostris percipiamus, sint singularia, qua interpretatione sententia hæc haud reiicienda erit. legi autem adhuc potest liber PLUTARCHI πρὸς κολῳήν, quo opinionem Stilponis adfert, eamque contra Colotem tuetur. nihilominus deditus erat cauillationibus, quarum exempla suppeditat LAERTIVS. ¹ Eubulidis institutione vsi sunt ALEXINVS, APOLLONIVS CRONVS, cuius auditor fuit DIODORVS CRONVS, de quo LAERTIVS: ² ἦν καὶ ὁλος διαλεκτικός, πρῶτος δόξας εὐσηκέναι τὸν ἐγκεκαλυμμένον καὶ περατίνην λόγον κατὰ τινος, erat & iste dialecticus, primusque inuenisse a quibusdam existimatus est inuolutum & cornutum differendi genus.

§. XIII. Cognoscimus igitur ex his, quæ iam differuimus, quam rudiora fuerint artis huius initia; & quam frequens ab ipsius incubulis extiteriteius deprauatio. nam plerique, præsertim in schola Megarica dialecticæ litteris eum in finem operabantur, vt promte differere, ingenia ostentare, & per malitiam mentis incitati, aliis fraudes ac fallacias facere possent. sed videamus de progressu huius disciplinæ, quum maior & splendidior philosophiæ lux in græcorum gente exorirètur.

¹ lib. 2. segm. 116.

² lib. 2. segm. 128.

LIBRI II.
DE
PROGRESSV AC FATIS
LOGICAE.
CAPITIS I.
DE
PROGRESSV AC FATIS AR-
TIS LOGICAE GENERATIM PER
VARIOS AVCTORES.
SECTIO I.
TEMPORE ANTIQVO.

ΣΤΝΟΨΙΣ.

Discendorum summa §. I. *de dialectica veterum* (1) ante natum Christum, ac quidem α) paganorum, primum *græcorum*, ubi differitur de *dialectica Platonis* §. II. III. IV. *Platoniorum* §. V. *de logica Aristotelis* §. VI. VII. VIII. IX. *eius discipulorum* §. X. *de dialectica Stoicorum* XI. XII. XIII. XIV. XV. *de canonica Epicuri* §. XVI. XVII. XVIII. deinde *romanorum* §. XIX. XX. β) *iudæorum* §. XXI. (2) post natum Christum, ubi differitur de *interpretibus Aristotelis græcis* §. XXII. *latinis* §. XXIII. *de logica Galeni* §. XIV. *Porphyrus* §. XXV. *quorundam patrum ecclesiae*: §. XXVI.

§. I. **H**Actenus de origine ac prima ætate artis huius, cuius progressus ac fata iam contemplantur, ordinem temporis obseruantes. quapropter primum vetustiora tem-

tempora ab ætate Platonis vsque ad seculum sextum post natam generis humani salutem illustranda nobis proponamus, ita vt quid effecerint philosophi pagani, iudæi ac Christiani, videamus. ex gentibus græci inprimis clarissima nomina a se dederunt propter philosophiæ litteras, apud quos post Socratem quatuor præcipue sectæ, *Platonica, Aristotelica, Stoica & Epicurea*, excelsæ floruerunt, quarum studia in artem hanc, accuratius commemorare operæ pretium esse ducimus. quæ si exposuerimus, transeamus ad gentem romanorum, vt quæ fortuna logicæ apud illos fuerit, cognoscamus.

§. II. Secta Platonica originem ac nomen suum debet PLATONI, cuius dialecticam perspicue exponere, res omnino difficilis est atque ardua. ipse enim nunquam integram logicæ doctrinam ex instituto tradidit; sed quæ hac in re sensit, in ipsius dialogis, *Sophista, Phædone, Menone, Phædro*, item de republica Cratylo fusa deprehendimus. nec APULEIUS atque ALCINOVS, qui operam suam in recensendis philosophiæ Platonice argumentis posuerunt, nobis satisfacere possunt. namque ille animum quidem induxerat, triplicem Platonis philosophiam explanare, quod etiam ratione doctrinarum de natura ac moribus præstitit; rationalem vero disciplinam minus attigit, id quod etiam fere de ALCINOVS adfirmare licet. dialecticam quippe Platonis ad rationem formamque logicæ Aristotelicæ adcommodauit, ac eiusmodi tradidit momenta, quæ ipsi partim minus sunt propria; partim vero cum eius philosophia

haud cohærent. quantum ex dialogis Platonis cognoscimus, vocem *dialecticæ* duplici significatione adhibuisse videtur. primum intellexit per dialecticam ipsam sapientiam, siue eiusmodi cognitionem rerum diuinarum ac spirituum, inprimis summi boni, per quam ingenia feliciora & multa scientia exercitationeque exulta satis istas res cognoscant vere & pure, sine imaginibus. scilicet quatuor cognitionis nostræ gradus statuit PLATC, quorum primus sit *ἐπιστήμη*, *scientia*, secundus *διάνοια*, *ratiocinatio*, tertius *πίστις*, *fides*, quartus *εἰσαγωγή*, *assimilatio*. primum & vltimum vindicat dialecticæ: ¹ confer IO. IACOBVM SYRBIVM. ² versabatur Plato in summo errore, quod animæ rerum singularum adeoque hominum haustæ sint ac tractæ ex anima mundi, quæ quum esset essentiæ diuinæ, credebatur quoque, mentem humanam emanasse ex Deo, ut supra ³ pluribus id a nobis expositum est. quo errore, qua veræ mentis nostræ indolis ignoratione ductus, porro sibi persuadebat, intellectum nostrum esse scientem omnium rerum, quarum ideas illum continere, veluti ipsam ideam siue typum omnium formarum, quæ imprimantur rebus. at vero quum crederet, materiam fontem esse omnis mali, inde efficiebat conclusionem, quod anima cum corpore coniuncta, fuerit deprauata, ac speciatim intellectus contraxerit sibi tenebras & venerit in obliuionem rerum omnium, quas antea, quum adhuc animo mundi, siue suo

¹ lib. VI. de republ. p. 511. lib. VII. p. 533. ² de philosophia prima in locum & honorem suum restituenda §. XV. p. 19. adde Votum de natur. & confis. logic. cap. XII. §. 1. ³ pag. 308.

principio fuerit iuncta, habuerit cognitae: quapropter existimabat Plato, mentem humanam, veluti in specum tenebrarum plenam detrusam excitari per formas seu species rerum, quae sensibus percipiuntur, ut sensum ac sensum per varios reminiscenae gradus pristinum lumen recuperet, ac ad ipsius solis, id est, primi entis, primi principii, nec non formarum, specierumue intellectu tantum percipiendarum, hoc est idearum notitiam perueniat. atqui in eo positum esse finem dialecticae censebat, ut illius ope mens purgetur a prauis opinionibus, ac germanam scientiam primi entis, rerum materiae expertum, formarum, quae per intellectum tantum cognoscuntur, recuperet. nam tradit, quod illarum rerum, quae in sensus cadant, cognitio in opinione consistat, siquidem non solum sensus sint fallaces, sed res ipsae quoque fragiles & caducae. antequam vero conitamus ad hanc scientiam, iubet Plato, mentem praeparare litteris mathematicis, ut conceptus ac rationes a rebus ipsis separatas capere, deque illis cogitare adfuescat.

§. III. Deinde Plato nomine *dialectices* complexus est scientiam de via ad ipsum finem perueniendi, ut hac significatione muneris sit dialectici, viam monstrare, qua mens ex oblivione ad priorem notitiam & lucem deduci possit. hinc dialecticae officium esse docet, analysi quadam dirigere mentem ad primum verum, quae quum ad hoc fuerit euecta, possit se iterum conuertere ad res sensibus cognoscendas, illasque diligenter expendere, ita tamen ut ad ipsum primum reuertatur & in eo denique conquiescat. ALCINOVS tres *and-*

lyseos species obseruat ex Platone. prima est quæ considerat res singulares siue sensuum, & inde ascendit ad res, quas ratione atque animo videmus, vt si a pulcro, quod corporibus inest, ad id, quod animorum est, ab hoc ad aliud in vitæ officiis, ab hoc rursus ad aliud, quod continetur legibus & ad ipsum tandem mare illius immensum adscendimus, adeo ut quod reliquum est, ipsum pulcrum per se denique adiequāmur. secunda analysi est, qua ex demonstratis primas & quæ medio carent, propositiones colligimus, quod hoc modo fit. quæstione posita: *num animus sit immortalis?* queritur: *num idem semper moueatur?* quo demonstrato, alia quæstio instituitur: *num id quod mouetur semper, per se moueatur?* iterumque hoc demonstrato: *num quod per se ipsum mouetur, motus principium sit?* & post hoc: *num origine careat principium,* quod vt certissimum ab omnibus admittitur, ita quoque hoc: *quod ingenitum est, interitus quoque esse expers.* a quo, quum sit perspicuum, demonstratio hac ratione colligitur; *si principium originis expers, erit & interitus: at quod per se mouetur, motus est principium: per se autem anima mouetur: expers ergo & interitus & originis, & immortalis est anima.* tertia analysi est, quæ ex suppositione ad ea, quæ sine suppositione sumuntur, pergit principia, hac ratione. qui aliquid querit, illud primo ipsum supponit, deinde quid ex supposito sequatur, aduertit; tum vero si ipsius suppositionis reddenda sit ratio, alio supposito, querit, num id, quod prius fuerat suppositum, rursus ad aliam sequatur suppositionem, idemque

sem-

semper obseruat, donec ad illud, quod non ex suppositione sumitur, peruenerit principium, uti has species explicat ALCINOVS. ¹ ut autem mens rectius his resolutionis generibus utatur, necessariam esse existimat Plato *diuisionem*, quo genera in species & totum in partes distribuatur, ac cum diuisione etiam *definitionem*, ut illius ope rei cuiusdam indoles cognoscatur. tandem commendauit *inductionem*, disputandi viam & rationem, quæ vel a simili ad simile, vel a singulis transeat ad vniuersa, ut idem ALCINOVS habet: confer PETRVM GASSENDVM, ² qui hæc philosophiæ Platoniciæ momenta inter omnes clarissime exposuit, quem & secuti sumus, adhibentes simul ALCINOVM. DANIEL GEORGIUS MORHOFIVS ³ dicit: *Plato ad dialecticam omnem reuocauit methaphysicam*, & commemorat ad hanc rationem conscriptam *dialecticam Platoniam*, Ludou. de Morainuillier de Orgueuille, qui liber editus sit anno MDCL. 8. Maclouii, hac inscriptione: *examen philosophiæ Platoniciæ*.

§. IV. Prior dialectica Platonis ipsius ingenio ac philosophiæ consentanea est, quæ quum erroneis atque impiis opinionibus nitatur, ac consequentias contineat absurdas, quisque sanæ mentis plane ab ista abhorret. ad hæc viam parauit ad scepticismum, quod sibi sensus fallaces esse persuaferit, quorum certitudo si remouetur, non potest non continuari dubitatio. atqui hæc ipsa sententia for-

¹ *lineament. doctr. Platon. cap. V.* ² *de origin & variet. logic. cap. IV.* ³ *polyb. tom. II. lib. IV. §. 7. p. 515. add. Fabricium bibl. græc. lib. III. cap. I. p. 43.*

san dedit occasionem dissensus, qui inter ipsos Platonis sectatores fuit de certitudine nostræ cognitionis, inprimis si adhuc obseruamus, quod Socrates professus sit, se nihil scire, ipsique fuerit familiare magis interrogare, quam respondere. quo instituto quum Socrates vteretur, factum est, vt effectum eius minus intelligentes, omnia haberent promiscue dubia, saltim dari certitudinem cognitionis negarent. Posterior Platonis dialectica prodit varia momenta, quæ ad meditationem analyticam, vt dicitur, spectant: ac quamuis turbatim sint proposita, nec rei ipsi sufficiant; maiorem tamen artis huius lucem, quam ista antea in scholis philosophorum fuit, præ se habent. Plato auditor fuit Socratis, qui acer veritatum inuestigator atque amator erat; vt inde capiamus coniecturam, quod hæc dialecticæ doctrina hausta ex disciplina Socratis. apertum enim est, quod ingenii vis fuerit maior in Platone, quam iudicii, quo si quis destitutus, haud aptus erit ad genuinam vtilemque logicæ artem ornandam.

§. V. Qui Platonicam secuti sunt philosophiam ex paganis, illorum variæ classēs constituuntur. quum de certitudine cognitionis nostræ discrepant sententiis, erit nobis occasio, de scepticismo, eius variis ætatibus, generibus, cultoribus disserendi, qua simul in philosophiam ac placita academicorum breuiter inquiramus. quapropter tantum heic mentionem facimus XENOCRATIS *chalcædonii*. qui post *Speusippum* academix præfuit per annos quinque & viginti. CICERO ¹

¹ *acad. quest. lib. 1. cap. 4. sqq.*

quando disputat de schola Platonica, in primis laudat hunc Xenocratem & Aristotelem & paulo post dicit: *fuit ergo iam accepta a Platone philosophandi ratio triplex: una de vita & moribus; altera de natura & rebus occultis; tertia de differendo & quid verum & quid falsum; quid rectum in oratione prauumue; quid consentiens; quid repugnet, iudicando.* scripta ipsius multa refert LAERTIUS, ¹ inter quæ sunt nonnulla argumenti dialectici, quod quum tractaret, initium fecit αὐτῶν, siue vocis consideratione, quo nomine reprehensum narrat PORPHYRIUS. ²

§. VI. Peruenimus ad ARISTOTELEM, principem philosophorum, quos vetus græcia habuit, in primis laude ac meritis logicæ. natus est Stagiris Macedonia olympiad. XCIX. i. ante natum Seruatorem nostrum CCCLXXXIIII. ac patrem habuit Nicomachum, medicum Amyntæ regis; præceptorem vero Platonem, a quo discessit & ipse condidit scholam. quod ad ipsius scripta logica, quæ existant, adinet, ista diligenter recensient GERH. IO. VOSSIUS ³ & IO. ALBERTUS FABRICIUS. ⁴ atqui huc spectant.

I. ΚΑΤΗΓΟΡΙΑΙ, *Categoriae* siue *prædicamenta*. non desunt, qui librum hunc ab Aristotele haud scriptum esse putant; sed ab Andronico, ut cum CAELIO SECVNDO CVRIONE existimat auctor Snellio-Ramæi philosophiæ syntagmatis a GOCLENIO ⁵ editi: *Simplicius cum categorias explicat, Andronicæ*

¹ lib IIII segm II sqq. ² ad musicæ Ptolemæi p 193. ³ de natur. & constitut logica cap. 10. sqq. ⁴ bibliotheca græca lib. III. cap. 6. p. 109. ⁵ pag. 110.

paraphrasin citat multis locis: quæ ubique ferè cum his, quas habemus, categoriis congruit: ut nulli iam dubium esse possit, hæc nostras categorias ad Andronicum, non ad Aristotelem pertinere. IO. IONSIUS¹ dicit: auctor libri de categoriis, quicumque Platoniorum vel Pythagoricorum is demum fuerit; & ante eum LVDOVICVS VIVES² fatetur, librum illum sibi videri esse vel Pythagorici vel Megarensis. ac quamvis Archytas Tarentinus, Pythagoricus etiam de decem scripserit prædicamentis, ut supra a nobis fuit obseruatum; veterum tamen clara testimonia SIMPLICII, AMMONII, LVCIANI, quæ collegit VOSSIVS,³ pro Aristotele pugnant.

II. ΠΕΡΙ ΕΡΜΗΝΕΙΑΣ, *de interpretatione*, qua voce intelligitur λόγος ἀποφαντικός *oratio enunciata.* librum hunc ex veteribus Aristoteli abiudicauit Andronicus Rhodius, testibus AMMONIO & BOETHIO; sed illum vindicant ei contra Andronicum Alexander Aphrodisæus, Ammonius, Boëthius, atque alii Peripatetici. dicitur opus hoc a RAPINO⁴ *une espece de grammaire raisonnée.*

III. ΑΝΑΛΤΤΙΚΩΝ προτέρων βιβλία β', ὑστέρων βιβλία β', *analyticorum priorum libri duo, & posteriorum libri duo.* prioribus agit de syllogismo; posterioribus vero de demonstratione. hinc GALENVS⁵ innuit, veram & antiquam inscriptionem analyticorum priorum fuisse περὶ συλλογισμῶν, quod etiam confirmat BOETHIVS;⁶ posteriorum autem

¹ de scriptorib. histor. philosoph. lib. 1. cap. 1. p. 5. ² de causis corruptarum artium lib. 3. p. 99. ³ cit. loc. cap. X. §. 3. p. 56. ⁴ reflex. sur la logique p. 735. ⁵ de libris propriis tom. III. p. 253. ⁶ II. de interpretat. edit. prima p. 253.

analyticorum antiquum titulum fuisse *περὶ ἀποδείξεως*, de demonstratione, idem GALENVS indicat. ἀπολύειν enim est resolvere quæstionem ad propriam causam. quod colligimus ex THEMISTIO, ¹ vt adeo ἀναλυτικὴ sit ars probandi quæstionem per rationes rei subiectæ proprias.

IV. ΤΟΠΙΚΩΝ βιβλία γ. de locis, vnde argumenta probabilia petuntur libri VIII. atqui hæc est *dialectica*, quæ opponitur *analytica*, vbi obseruamus, quod vox *dialectica*, varia sumatur significatione. sic PLATO, vt ex superioribus constat, per dialecticam intelligebat ipsam sapientiam; Stoici, Cicero & alii hoc nomine comprehendebant integram logicam. Peripatetici autem opponunt *analytica*, quæ ad demonstrationem spectet, *dialecticam* vt sit ars ex probabilibus differens. at vero adhuc monent, quod *dialectica* quum sit ars disputandi ex probabilibus, ac aliquid vel vere sit probabile, vel eiusmodi adpareat; laxè *dialectica* vtramque partem comprehendat; Strictè autem ac κατ' ἐξοχήν sic dicatur, quæ vere probabilia tractet adeoque doceat, de rebus vere probabilibus differere, bene interrogando apteque ad interrogata respondendo, vsque dum eliciatur, quod verum vel vero proximum sit.

V. ΠΕΡΙ ΣΟΦΙΣΤΙΚΩΝ ΕΛΕΓΧΩΝ, βιβλία β', de *sophisticis Elenchis*, siue argumentationibus lib. II. σοφιστικὴ apud Peripateticos est altera pars *dialecticæ*, ac tractat de fallaciis, siue eo, quod probabile videtur, nec est.

¹ lib. 1. post. analyt.

obseruant, quod hæc pars discatur non ad insidias struendas, sed vitandas, ut adeo sophista aliquis sit *πραϊρέσει*, sed dialecticus *δυνάμει*. hi libri a LAERTIO haud commemorantur; quod autem ab Aristotele libris topicis sint subiecti, colligit SAMUEL PETITVS ¹ ex capite ultimo libri posterior. elenchor.

§. VII. Hæc scripta Aristotelis logica, quæ commemorauimus, iuncta edi solent sub titulo ORGANI, cuius inscriptionis ratio hæc est, quod Aristoteles logicam suam vocauerit *ὄργανον καὶ χεῖρα φιλοσοφίας*, *instrumentum & manum philosophiæ*, vide IO. NELDELIVM ² & GERH. IO. VOSSIVM. ³ vnde & in quibusdam academiis, ut Lipsiensi, qui rationalem profitentur disciplinam, dicuntur *professores organi*. quodsi autem accuratius de hoc organo velimus iudicare, obseruandum est *primum*, quod opus hoc non omnia Aristotelis scripta, ad logicam spectantia complectatur, siquidem plures libri, argumenti logici perierunt iniuria temporum, qua de re præter alios videre possumus IO. ALBERTVM FARRICIVM, ⁴ qui scripta Aristotelis deperdita digesta secundum ordinem litterarum enarrat diligenter. quin etiam monimenta illa, quæ continet organum, non satis integra esse videntur. etenim LAERTIVS ⁵ memorat priorum analyticorum libros octo, vel nouem, ut PATRICIVS, vel decem denique, ut HENR. STEPHANVS in codice suo reperit, & ἀναλυτικῶν ὑσέρων μεγάλων libros duos. quid

¹ obseru. lib. II. cap. 2. ² de usu organ. Aristotelic. pars. 1. cap. 3. ³ de natur. & constitut. logic. cap. VI. §. 4. ⁴ bibl. græc. lib. III. cap. 7. p. 185. ⁵ lib. V. segm. 23.

quod

quod AMMONIVS ¹ testatur, tempore Ptolemæi Philadelphi repertos fuisse in bibliotheca Alexandrina quadraginta libros analyticorum. *deinde* adnotare e re est, quod libri, ex quibus organum compositum est, neque eo ordine, neque eo fine conscripti ab Aristotele videantur, quo nunc adparent, quemue iam præ se ferunt, id quod vel ex eo colligere possumus, quod Aristoteles ipse prioribus analyticis ² mentionem faciat *τοπικῶν*. ex quo nihilominus ANDRONICVS Rhodius illos in eum ordinem, qui posthac a Peripateticis probatus est, digessit, græci omnes interpretes vsque ad AMMONIVM, & PHILOPONVM SIMPLICIVM que ipsius discipulos eam ordinis causam dixerunt, quod quum logica sit philosophiæ adeoque veritatis inueniendæ instrumentum, ac subiectum eius argumentum sit ipsa demonstratio; cuius ope ad veritatem possumus peruenire, ideo *posterioribus analyticis* agatur de *demonstratione*. quoniam autem demonstratio sit *syllogismus*, nec qualis sit syllogismus, intelligi possit, nisi generatim de ipsius indole tradantur præcepta, ea de causa de isto agatur *prioribus analyticis*. omnis syllogismus constet ex *propositionibus*; & omnis propositio ex *simplicibus vocibus*, quæ sit ratio, cur libris *ἀναλυτικῶν* præmittatur opus de *interpretatione*, siue de enunciatione; & huic illud de *decem categoriis*. denique quia demonstratio vna sit syllogismi species, quæ nitatur principiis ac propositionibus necessariis, ac sint præter hanc duæ aliæ, quarum altera fiat ex probabilibus, dicta ab Aristotele *syl-*

¹ in *categor.* p. 13.

² lib. I. cap. I.

logismus dialecticus; altera ex fallacibus appellata *sophisticus*, ea de causa ut demonstratio intelligatur perfectius, posterioribus analyticis *topici*, libri subiiciantur, quibus de syllogismo dialectico; & istis libri elenchorum, quibus de sophistico disseratur: confer PETRUM GASSENDUM. ¹ equidem THOMAS STANLEIVS ² præter alios diuersa est sententia, quando dicit: *omnium interpretum consensu primum categoriæ locum occupant, neque dubito, reliquos etiam secundum genuinam Aristotelis methodum dispositos esse*; & prouocat ad ipsius Aristotelis testimonia, qui initio analyticorum priorum ³ scribat: *de syllogismo agendum, antequam ad demonstrationem accedamus, quoniam magis generalis syllogismi ratio est*: item de elenchis sophisticis: ⁴ *de syllogismo, qui ad docendum valeat & demonstrandum, iam dictum est in analyticis. de dialecticis vero & iis, quæ ad faciendum tentamen spectant, in proxime præcedente libro; ad agonisticum itaque genus atque eristicum nobis iam erit accedendum*. sed ex testimoniis hisce tantum sequitur, ut Aristoteles prius scripserit analytica priora, quam posteriora; quodue libris *τοπικών* subiecerit illos de elenchis sophisticis, id quod genuinum ab Aristotele constitutum ordinem omnium librorum organonondum probat. quid multa? nemo poterit firmis rationibus confirmare. quod Aristoteli fuerit in animo, integrum logicæ opus eo ordine, quem ipsa argumenta huius disciplinæ naturali nexu inter se coherentia postulant,

¹ de origine & varietate logic. cap. V. p. 44. ² histor. philos. p. 443. edit. latin. ³ lib. I. cap. 3. ⁴ lib. I. cap. 2.

conscribere. *tertium* obseruamus, quod facile in dubitationem deduci possimus, num genuini Aristotelis libri ad nos sint propagati, præcipue si duriora fata, quæ isti subierunt, diligenter expendamus mente. nam Aristoteles apparatus librorum, quem comparaauerat sibi, etiam illorum, quos suo ingenio excluderat suaque manu exarauerat, Theophrasto reliquit, a quo posthac thesaurus hic peruenit ad Neleum, Aristotelis discipulum, qui hanc bibliothecam, Alexandriam transferendam vendidit Ptolemæo Philadelpho, conseruato sibi exemplo quodam illorum librorum, quorum auctor erat Aristoteles. hos transmisit posteris suis, hominibus litterarum cognitione haud ornatis, qui quum sensissent Attalicorum regum studia, bibliothecam Pergami amplissimam struendi, istos in fossa quadam occultaauerunt; tandem vero tineis & situ corruptos Apelliconi Teio magno pretio vendiderunt. erat autem Apellicon librorum magis cupidus, quam sapientiæ. itaque quum exempla noua horum librorum describenda curaret, nec ipse philosophiæ esset peritus; factum est, vt prodirent isti corrupti atque vitiorum pleni. quo defuncto Sylla Athenis potitus, illos Romam transtulit, vbi eorum copia Tyrannioni grammatico, qui Aristotelis erat studiosus, facta, a quo nactus est illos Andronicus Rhodius, ac primus in publicam lucem emittendos curauit, quæ fata STRABO¹ & PLVTARCHVS² prodiderunt memoriæ.

¹ lib. XIII. p. 609. ² Sylla p. 468. add. Ammonium vita Aristotel. Suidam in repertorio de quo egit quoque BÆLIUS.

hinc PETRVS RAMVS ¹ dicit: *de peripateticis philosophis iam Laërtio nihil habemus, immo de tam multis artis logicæ peripateticis monumentis nihil habemus, præter Porphyrium & septendecim libros Aristotelis, si tamen sunt Aristotelis. nec enim fluminis illius aurei in tot libris vlla gutta cernitur; nec vetus ille singulorum librorum & titulus & numerus a Laërtio propositus præsentì titulo numeroque conuenit, ut ex comparatione potest intelligi. & e Strabone & Plutarcho planum est, eos sicuti reliquos eiusdem philosophi libros valde corruptos & deprauatos esse. quod ad interpretes Aristotelis, eosque veteres græcos adinet, illorum mentionem facit PHILIPPVS LABBEVS; ² prout quoque indices interpretum deprehendimus in editionibus græcolatinis Aristotelis, præcipue *du Valliana*; POSSEVINNO, ³ PAVLLO BOLDVANO, ⁴ MARTINO LIPENIO, ⁵ HENDREICHIO, ⁶ quamvis haud accurate nec distincte sint conscripti, quorum principes & nos paullo post commemorabimus. optima editio organi est græcolatina, quæ ex IVLII PACII a Beriga recensione cum ipsius versione & scholiis prodiit Francofurti apud hæredes A. Wecheli anno MDXCVIII. 8. ad quam ornandam usus est quinque codicibus Palatinis, vide IO. ALBERTVM FABRICIVM. ⁷ organo huic præmittitur PORPHYRII isagoge in categorias.*

¹ *scholæ dialecticæ lib. I. cap. 7.* ² *breui conspectu Aristotelis & Platonis græcorum interpretationum typis editorum Paris. 1657.* ³ *bibliothecæ selectæ XII. 4.* ⁴ *biblioth. philos. p. 440.* ⁵ *bibl. philos.* ⁶ *pandectis Brandenburg.* ⁷ *bibl. græc. lib. 3. cap. 6. p. 117.*

§. VIII. Quod si ex veritate de meritis philosophi huius in artem ac disciplinam rationalem velimus iudicare, omnia prauorum adfectuum studia, siue sint amoris, siue odii, remouere debemus, vt neque nimis præclare, neque abiecte de eo sentiamus. quod vt faciamus, necesse est, Aristotelis logicam duplici ratione considerare, partim ratione ætatis vetustioris, partim recentioris, qua disciplina hæc purgata, culta ac prout ipsius indoli consentaneum est, proposita. si respiciamus tempora antiquiora, atque Aristotelem cum aliis philosophis, qui tempestate illa artem hanc tradiderunt, velimus comparare, magna omnino in doctrinam hanc merita contulit. ante eum cultus artis huius haud nitidus aut elegans fuit, siquidem ea, quæ philosophi scholæ Eleaticæ proposuerunt, breuia erant præcepta, minus inter se cohærentia; nec Plato tam feliciori successu, tam singulari studio opus hoc adgredebatur, quam Aristoteles. etenim primus logices *ἐνσυνα* molitus est eamque redegit in formam artis, etiam plurima scripsit inter antiquos philosophos, quæ ad rationalem hanc disciplinam pertinent, prout magis elucerent ipsius merita, si quæcunque composuit, adhuc seruata essent. deprehendimus vbique vestigia grauioris iudicandi facultatis, qua Aristoteles valuit maxime, atque obseruamus, quod ipse instituerit meditationes, haud tantum in magistrorum præceptis adquiescens, ac quod omnino admiratione dignum censemus per temporis illius rationem, non solum de meliore ac pulcriore logicæ cultura fuerit sollicitus; sed alias quo-

que philosophiæ partes explanauerit, cogitationesque suas ad certum ordinem adcommodauerit. multi quidem ipsum iis de causis reprehendunt, quod secutus sit in organo genus scribendi obscurius; quam censuram autem leuiorem esse arbitramur, si expendamus, quod in multis argumentis atque exemplis habenda fuerit ratio græcæ linguæ: confer GEORGIVM PASCHIVM. ¹ post Aristotelem vsque ad felicem illam ætatem, qua litteræ philosophicæ meliorem induebant faciem, illo nemo fuit superior, siquidem omnem logicæ doctrinam ex ipsius monimentis hauriebant; quid quod interdum ea, quæ magister hic tradiderat, corrumpabant, ac disputationibus inutilibus efficiebant, vt hæc Aristotelica ars multum de dignitate sua amitteret. cuiusmodi durior sorte ista nobilissima disciplina afflicta fuit tempore scholasticorum, qui meliorem philosophiæ viam fassent ingressi, etiam bonis litteris maiora inculissent incrementa, si genuinum ac purum Aristotelis fontem vidissent eumque fuissent sectati. sic philosophus hic summus logicæ magister extitit, si merita eius certo temporis spatio determinamus.

§ VIII. At vero tantum abest, vt operi huic sati fecerit, atque isti expoliendo supremam addiderit limam; vt multa adhuc recentioribus philosophis emendanda atque augenda reliquerit, id quod generatim indicabimus. etenim obseruamus *primum*, quod maxime necessaria atque vtilia momenta, sine quibus genuina ars logicæ haud consistere

¹ de munis non-antiquis cap. II. §. 7.

potest,

potest, minus attigerit atque explanauerit, quo spectat

- (1) quod metaphysica ratione logicam scripserit, id est subsidia ratiocinandi nimis generalia dederit, id quod vitium commune est Peripateticis. quo specialiores regulæ disciplinarum esse possunt, eo maiorem adferunt utilitatem.
- (2) tradidit quidem modum quemdam, verum & falsum diiudicandi; sed quomodo veritas possit inueniri, id minus attigit. logica igitur ipsius est analytica, minus autem synthetica, vti philosophi dicunt. syllogismum enim haud usurpauit veluti medium inueniendi verum; sed diiudicando illud.
- (3) prætermisit præstantissimam doctrinam de vera indole deque variis speciebus probabilitatis. nam quamuis libris *το-πικῶν* argumentum hoc explicandum sibi proposuerit; misere tamen illud tradidit. existimat quippe, quod probabilitas posita sit in opinione aliorum, quæ tamen in ipsa re quærenda est, adeoque istam confundit cum fūco oratorio, cumque eo, quod fieri potest.
- (4) doctrinam de definitione ac diuisione non ea ratione, prout decebat, proposuit nec ostendit fundamenta artis, qua definitiones ac diuisiones, quibus inter alia nititur demonstratio, sint struendæ.
- (5) copiose differit de syllogismo; alios autem modos, qui varii adhuc sunt, conclusiones ex principiis deducendi, ac

certo verum inueniendi minus obseruauit.

secundum generatim obseruamus, quod multa admiserit inutilia, quæ cum bona logica nullum habent commercium, nec merentur præcepta, quo pertinet doctrina de fallacibus argumentationibus; de prædicamentis, quæ adhuc minus accurate in suos ordines distributa sunt; de propositionibus, quum istas veluti grammaticus proposuit, nec verum ostendit fundamentum affirmationis ac negationis, quod in indole idearum siue notionum mentis quærere debemus. ac quam multa ipsius disciplina de definitione ac demonstratione continet, quæ ad nullum vsum possunt transferri?

§. X. Sed dimittamus ARISTOTELEM. discipuli ipsius numero tam multi, fama adeo illustres fuerunt, vt NICANDEIR Alexander integrum librum *περὶ τῶν Ἀριστοτέλους μαθητῶν* memoriæ eorum consecrauerit, cuius copia si adhuc nobis esset, sine dubio accuratius Peripateticos possemus recensere. de cetero hoc in negotio diligentiam suam probarunt IO. ION-
SIVS,¹ FRANCISCVS PATRICIVS,² THOMAS STANLEIVS,³ & inprimis IO. ALBERTVS FABRICIVS.⁴ primus ex illis commemoratur THEOPHRASTVS, qui addiderit doctrinam de syllogismis hypotheticis, teste BOETHIO⁵ *nam quum categoricorum syllogismorum amplissime notitiam percepisses, de hypotheticis syllogismis sæpe quærebas, in*

¹ de scriptorib. hist. philos. lib. III. §. 38.

tom. I. lib. 10.

³ hist. philos. p. 430.

III. cap. 11.

⁵ de syllogismo hypothetic. ad Symmachum p. 606.

² discuss. Peripat.

⁴ bibl. græca lib.

qui-

quibus ab Aristotele nihil est conscriptum. Theophrastus vero omnis doctrinae capax rerum tantum summas exequitur. AMMONIVS tradit, quod discipuli Aristotelis EVDÆMVS, PHANIAS, & THEOPHRASTVS æmulatione præceptoris scripserint categorias, & de interpretatione & analyticam: confer GERH. IO. VOSSIVM, ¹

§. XI. Conuertamus nos ad sectam Stoicam, cuius auctor extitit ZENO Cittieus, in qua logicæ studia floruerunt maxime. arbitrabantur Stoici, sine hac arte neminem esse sapientem, teste LAERTIO ² qui & alio loco ³ dicit: καὶ τοῖστοι μὲν ἐν τοῖς λογικοῖς οἱ Στωικοί, ἵνα μάχιμα καὶ ὀύτως διαλεκτικὸν αἰεὶ εἶναι τὸν σοφόν, ac huiusmodi sunt in logicis Stoici, ut maxime asserant dialecticum solum esse sapientem; quamuis & dicerent, solum poetam, oratorem, iurisconsultum esse sapientem: confer IVSTVM LIPSIVM. ⁴ Stoici posuerunt etiam dialecticam inter virtutes, ut est apud CIGERONEM, ⁵ PLVTARCHVM, ⁶ STOBÆVM: ⁷ quin etiam *dialectici* sunt vocati, quam adpellationem ab Euclideis acceperunt, quare eos ad differentiam Stoicorum *veteres dialecticos* SENECA ⁸ videtur adpellare: confer AEGIDIVM MENAGIVM. ⁹ ZENO, qui hanc scholam condidit, multos libros reliquit, etiam nonnullos argumenti logici, quibus iudice LAERTIO, ⁹ ita differuit, ut

¹ de natura & consuet. logic. cap. XI § 3 p. 70. ² lib VII. segm. 46. sqq. ³ lib. VII. se m. 83. ⁴ manu duct. ad phil. Stoic. lib II. diff. 11. 12. 13. 14. ⁵ lib III. de finib. ⁶ lib I. de placitis philosoph. ⁷ collect. Stoicorum dogmatum. ⁸ epist. 117. ⁹ ad Laert. II. segm. 108. p. 132. lib. VII. segm. 83. p. 296. ¹⁰ lib. VII. segm. 4.

nemo post eum Stoicorum. successor ipsius in porticu Atheniensi erat CLEANTES, magister Chrysippi, qui argutis disputationibus indulgit, vt ex SENECA atque aliis patet, vnde *spinas Cleantibus & contorta Chrysippi* coniunxit HIERONYMVS. ¹ scripta ipsius recensent interpretes LAERTII, MEVRSIVS, ² THOMAS STANLEIVS, ³ IO. ALERTVS FABRICIVS. ⁴ CHRYSIPPVS successit Cleanthi, cuius acumen non satis admirati sunt, vnde nonnulli dixerunt, Deos ipsos si dialectica vterentur, vsuros haud alia esse, quam Chrysippea. atqui apud veteres auctores traditur princeps huius scholæ. CICERO: ⁵ *Chrysippum, qui fulcire putatur porticum Stoicorum*; AGELLIO ⁶ dicitur *Stoica princeps philosophia*; ab ATHENAEO ⁷ τῆς Στοῶς ἡγούμενον, vt de aliis taceamus. quod ad ipsius dialecticam adtinet, testatur LAERTIVS, ⁸ quod conscripserit dialectica volumina CCCXI, quo in numero a veritate aberravit BARTHOLOMAEVS KECKERMANN, ⁹ dum existimat Chrysippum scripsisse libros logicos CCCLXXI, quo errore etiam REIMANNVS ¹⁰ forsan KECKERMANNVM secutus sese implicuit. ipsa philosophi huius dialectica composita erat ad faciendas fallacias ac fraudes, nihilque continebat, quod vim quamdam ad veritatem cognoscendam haberet, vt paullo post demonstrauimus. quapropter iam veteres, quorum mens ab huiusmodi nugis abhorrebat, de

¹ I. in Rusin. ² bibl. grac. ³ bibl. philos. p. 645. ⁴ lib. III. cap. XV. p. 395. bibl. graca. ⁵ quæst. acad. lib. IV. ⁶ lib. VI. cap. 2. ⁷ lib. VIII. ⁸ lib. VII. segm. 198. ⁹ prac. 28. 11. cap. I. §. 14. ¹⁰ geschichts-calender der logic. p. 17.

eo senserunt sinistre: quid quod IVPITER apud LVCIANVM ¹ syllogismo Chrysippi pronuntiat esse frigidus. Chrysippi auditor fuit DIOGENES *Babylonius*, qui & ipse extitit dialecticus, item ipsius discipulus ANTIPATER *Sidonius*, conf. GERH. 10. VOSIVM ². sed tamen quamuis Stoici summa studia, summamque gloriam in dialecticæ cultura posuerint; nihilominus fuerunt, qui artem hanc nulla cultura dignam esse arbitrati sunt. sic ARISTO *Cbius*, Zenonis Citiei discipulus, philosophiam ac logicam e philosophorum scholis eiiciebat, censens, physicam esse supra nos; logicam vero ad nos nihil pertinere. dialecticas argumentationes dicebat similes esse araneorum telis, quæ quamuis videantur præ se ferre emolumentum quoddam; reipsa tamen omni careant utilitate, vide DIOGENEM LAERTIVM, ³ STOBÆVM. ⁴ sic quoque celeberrimi Stoici SENECA, EPICTETVS, M. ANTONINVS imperator haud singulare pretium statuerunt dialecticæ, quod autem inprimis de dialectica stoica intelligendum est.

§ XII. Videamus nunc breuiter de præcipuis momentis dialecticæ stoicæ, in quibus exponendis diligenter versati sunt PETRVS GASSENDVS ⁵ & THOMAS STANLEIVS. ⁶ Stoici existimabant, logicam partem esse philosophiæ, peculiarem a reliquis distinctam, qua sententia discrepabant a Peripateticis, qui censebant, logicam esse instrumen-

¹ tom. II. opp. p. 205. ² de natur. & constitut. logicæ. VIII. §. 12. seqq. ³ lib VII. segm. 160. ⁴ serm. LXXX. ⁵ de origine & viciis, logic. cap. VI. p. 49. ⁶ histor. philos. p. 554.

tum, quamuis reipsa hæc nulla fuerit opinionum diuersitas, siquidem aliquid potest esse & pars & instrumentum, vide GERH. IO. VOSSIVM. ¹ plerique statuebant, tres esse partes philosophiæ, & tribuebant primum locum *logicæ*; secundum *physicæ*; & tertium *ethicæ*. CLEANTHES putabat logicam sex partibus absolui: *dialectica*, *rhetorica*, *morum doctrina*, *ciuili scientia*, *naturali* & denique *theologica*, teste LAERTIO. ² alii vero obseruant, has partes non esse logicæ; sed ipsius philosophiæ, quæ controuersia in eo est posita, quomodo sumatur vox logicæ? quapropter plerique censent, logicam diuidi posse in duas disciplinas, quarum altera sit *rhetorica*; altera vero *dialectica*, quibus nonnulli adiiciunt partem tertiam *definientem*, quæ agat de regulis ac iudiciis. rhetorica apud Stoicos fuit ars bene dicendi de iis, quæ copiosam requirant orationem, ad persuasionem apta. *rhetoricæ* constituerunt tres partes, ut alia sit *æstiberatiua*; alia *iuridicialis*; alia *demonstratiua*, ad quas singulas pertineant *inuentio*, *elocutio*, *dispositio* & *pronunciatio*; orationis autem rhetoricæ partes sint *exordium*, *narratio*, *confutatio*, *epilogus*, vide LAERTIVM. ³ quod ad Stoicorum dialecticam adtinet, qua voce plerique etiam partem *definientem* complectuntur, inprimis obseruamus, quod philosophi hi, quum duo syllogismorum genera, alterum *absolutorum*, alterum *hypotheticorum* traduntur; maximam temporis partem in posteriore specie consumserint,

¹ de natura & constitut. logic. cap. VI.

² lib. VII. segm. 41.

³ lib. VII. segm. 42. 43.

prout Aristoteles tantum de priore differuit. SIMPLICIUS ¹ dicit: τῶν ὑποθετικῶν συλλογισμῶν οἱ Στωϊκοὶ τὴν τεχνολογίαν ἐλεπίζευσαν. *hypotheticorum syllogismorum artificium Stoici usque ad minutias sunt persecuti.* persuadebant enim sibi, syllogismos absolutos concludere sine via atque ordine, ut testis est ALEXANDER Aphrodisæus, ² quam disciplinam GERH. IO. VOSSIUS ³ deducit a ZENONE Eleate. equidem PETRUS GASSENDUS ⁴ putat, illos forte ideo posse excusari, quod ut nullus est syllogismus absolutus, qui hypothetice proponi non valeat, ita nullus sit hypotheticus, qui absolute efferri non possit, ac regula adeo de his tradita accommodari illis valeant, quo pacto excusari Aristoteles etiam posset, qui cum de illis tradiderit, de istis tamen ne verbum quidem. sed heic GASSENDUS duo momenta confundit: num propositio categorica & hypothetica sint eiusdem indolis & eodem modo sese habeant ad veritatem? quod nunquam potest adfirmari; ac num exercendi ingenii causa propositio categorica hypothetice; & hypothetica categorice efferri possit? id quod minime negamus, existimantes autem, quod hoc salva veritate eiusque ratione minime fieri possit. antequam vero Stoici differant de syllogismis, duos locos, uti dicunt, præmittunt, alterum de voce significante; alterum vero de re significata, quod ex LAERTIO, EMPIRICO, SENECA patet. occasione vocis tradunt doctrinam grammaticæ atque edisserunt, quid sit vox, quid dictio, quid oratio;

¹ in Epicteti enchiridion. ² in lib. I. analyt. prior. ³ de natura & constitut. logic. cap. VIII. §. 14. ⁴ cit. loc.

quæ & quotuplices litteræ, quæ orationis partes; simul tamen agunt de definitione, de diuisione, de genere, de specie, de ambiguis. quodad *res significatas* adtinet, intelligunt res prout sunt in anima, ac ab ista ope sensuum percipiuntur. docent quippe, quidquid sit in mente, per sensus transire, aut *incurfione sui*, vt Socratem, qui visui occurrat; aut *similitudine*, vt Platonem ex effigie; aut *proportione*, vel amplificando, vt gigantem; vel extenuando, vt pygmæum; aut *translatione*, vt humeroculos; aut *compositione*, vt hippocentaurum; aut *contrario*, vt mortem; aut *priuatione*, vt mutilum. deinde res in anima existentes duplici ratione considerarunt: altera quatenus sint impressiones quædam in principe parte, hoc est ipsa mente atque intellectu factæ, quas dicebant *phantasias*; altera vero quatenus mente efferantur, vnde copiose agunt de *dictis*.

§. XIII. Dicta dividebant in *perfecta*, in quibus principem locum teneant *axiomata* & argumenta; & in *imperfecta*, quo pertineant prædicata. axioma dicitur, quod vel verum sit, vel falsum, & iterum in varias species diuiditur. argumentum autem, quod adpellatur λόγος, ratio, etiam *argumentatio*, consistit ex sumtione, assumptione & illatione v. g.

<i>si dies est lux est,</i>	sumtio
<i>sed est dies</i>	assumptio
<i>Ergo est lux</i>	illatio

differt autem Stoicorum λόγος a syllogismo Aristotelis tribus modis: primum syllogismus Aristotelis saltem duas præmissas requirit: λό-

γος

γος vero vnica contentus est: e. g. *viuis E. respiras*; secundum in syllogismis aliud quid conceditur in conclusione, quam in præmissis erat; sed in λόγῳ Stoicorum conclusio eadem esse potest cum præmissarum vel vtraque, vel vna: e. g.

si dies est, dies est

atqui dies est

E. dies est

vel dies est, vel nox est

sed dies non est

E. dies non est

denique in syllogismis conclusio sequitur rationem præmissarum: contra Stoici tria habent genera λόγων, in quibustale non accidit. argumentorum autem duo ponuntur genera, *concludentia* & *non concludentia*. concludentia considerantur ratione materiæ, & sunt vel vera, vel falsa; ac ratione formæ, qua concludunt vel syllogistice; vel minus. syllogismi, quo nomine comprehendunt Stoici tantum hypotheticos, sunt trium generum, vel *connexi*, vel *disiuncti*, vel *coniuncti*, quæ omnia pluribus exposuit THOMAS STANLEY. ¹

§. XIII. Tandem quædam dicamus de sophismatibus, quæ usurparunt Stoici philosophi. appellarunt ista ἀπόρητες λόγοι, *inexplicabiles rationes*. argumentationum harum varia erant genera, quarum nonnullas communes habebant cum Megaricis, *mentientem*, *fallentem*, *electram*, *conuelatum*, *Soritem*, *cornutum*, de quibus supra diximus; quædam vero ipsis erant propriæ, quas breuiter explicabimus.

I. ΚΡΟΚΟΔΕΙΔΟΣ, *crocodilus*: quæ argumentatio nomen accepit ab hac fabula Ægyptia. mulier quædam quum sentiret puerum circa Nili ripas ambulantes ablatum esse a crocodilo, rogat, ut sibi redderet filium. crocodilus respondet, se redditurum, si diceret verum, illa igitur dixit: *non mihi reddes*; crocodilus autem: *sive verum dixisti, sive falsum, non reddo tibi puerum*. nam si verum dixisti, quomodo possum reddere? si falsum, legi meæ non satis fecisti. mulier hæc inuertit: *sive verum dixi, sive falsum, puer mihi a te reddatur*. si enim verum dixi, sane ex pacto mihi debes; falsum autem esse non potest, nisi a te mihi reddatur. huius argumentationis mentionem faciunt LVCIANVS ¹ & CLEMENS *Alexandrinus*. ²

III. ΘΕΡΙΖΩΝ, *metens*, quam argumentationem explicat AMMONIVS, ³ dum aduersus fatum disputans proponit illorum rationem, qua ipsum *fortasse*, siue contingentiam tollebant, atque adstruebant, omnia ex necessitate euenire hoc modo: *si messurus es, non, fortasse metes, fortasse non metes; sed metes omnino. ac pari modo, si non es messurus, non, fortasse metes, fortasse non metes; sed prorsus non metes. atqui ut vel metas, vel non metas, ex necessitate euenturum est. quare ipsum fortasse perit tolliturue: cum neque in metendi, neque in non metendi oppositione locum obtineat. atqui sic ratio adpellationis huius patet. quapropter* ALDOBRANDINVS ⁴

¹ *Uitar. auctior.* ² *Symon. lib. IIII.* ³ *in libr. Aristotelis napi ipseius scilicet. II. cap. 10.* ⁴ *ad Laërtium lib. VII. segm. 35. p. 380.*

errat, quando existimat, quod sophisma hoc eo nomine sit appellatum, quasi qui eo vteretur, is aduersarium videretur deicere, quoniam *θελίξεν* sit *καταβάλλειν*, vt obseruet **SVIDAS**. quanto in pretio argumentum hoc apud Stoicos fuerit, ex eo colligere possumus, quod **ZENO**, quum vellet discere septem illius species, dialectico obtulerit ducentas minas, poscenti tantum centum, teste **LAERTIO**.

¹ meminit illius **LUCIANVS**. ²

III. **ΑΠΡΟΣ ΛΟΓΟΣ**, *ignaua ratio*, cui si pareamus, nihil omnino agamus in vita. sic enim interrogant: si fatum tibi est, ex hoc morbo conualescere; siue medicum adhibueris, siue non, conualesces. item, si fatum tibi est, ex hoc morbo non conualescere: siue tu medicum adhibueris, siue non, non conualesces. & alterutrum fatum est. medicum ergo adhibere, nihil adtinet. **CICERO** ³ hanc argumentationem commemorat ac bene dicit: *recte genus hoc interrogationis ignauum atque iners nominatum est, quod eadem ratione omnis e vita tolletur actio.*

III. **ΚΤΡΙΕΤΩΝ**, *dominans*, quod argumentum ideo hac ratione nominatum videtur, quoniam ibi mentio fiat dominii, veluti si quis e. g. arguat Themistoclis filium, & non dominari, & dominari græcis. non dominari enim, quia neque illis imperat, neque de imperando cogitat; dominari vero, quia imperat matri, quæ imperat Themistocli qui imperat græcis: quamuis apud veteres auctores nullum huius argumenti deprehendatur exemplum, vide **PETRV M GASSEN-**

¹ lib. VII. *segm.* 25.

² *visar. auctione.*

³ *de fato cap. 12.*

DVM. ¹ mentionem faciunt illus PLVTARCHVS, ² ARRIANVS ³ THEMISTIUS ⁴ quorum testimonia collegit AEGIDIUS MENAGIVS. ⁵

V. ΟΥΤΙΣ, *nullus*, quod fallaciarum genus nomen habuit ab HOMERI ⁶ versibus, vbi interrogatus Polyphemus, cui Vlysses antequam ei effoderet oculum, persuaserit quod ipse nominetur ΟΥΤΙΣ, respondet: ἔτις με κτείνει δόλω, εἰ δὲ βίηφι. quæ verba dubiæ sunt significationis, siquidem ἔτις significare potest & *nemo* & nomen quoddam proprium. LÆRTIVS adhuc alia harum argumentationum genera recenset, quæ omnia heic distincte exponere, spatii ac temporis ratio haud permittit.

§. XV. Ex his colligere possumus, quid sentiendum sit de dialectica Stoicorum. scilicet philosophi hi hanc doctrinam neque solide, neque distincte tradiderunt, quid quod inutilia atque aliena, inter se perturbata ipsos delectarunt, quumue vinculis prauorum affectuum capti tenerentur, vnice operam suam in struendis fallaciis consumferunt. sic illustris hæcce ars in Stoicorum scholis a prospectiori forte remota, nulla accepit incrementa; quin etiam malo fato factum est, vt fere data fuerit obliuioni. BARTHOLOMAEVS KECKERMANNVS ⁷ hæc vitia in dialectica Stoicorum notauit:

(1) *quod nullum certum logicæ finem definiue-*

¹ cit. loc. ² de sanitate tuenda & lib. I. sympos. ³ ad Epictetum lib. II. cap. 19. ⁴ orat. II. ⁵ ad Lærtium lib. IX. sign. 108. p. 123. ⁶ odys. IX. ⁷ prae. logic. tr. II. cap. 2. §. 15.

runt, idcirco omnia ad ostentandum disputando ingenium contulerunt.

- (2) prater praecepta quaedam de syllogisticis formis ac captionibus pauca habuerunt. unde Cicero, Stoicorum alias sectator aperte dicat, Stoicos iudicandi partem diligentius persecutos; de inuentione non multa docuisse.
- (3) methodice artem non construxerunt ullam.
- (4) insignes & pueriles sophistæ circa vocabula fuerunt, & ut a reliquis sectis, inprimis Peripateticis differre viderentur, nouos excogitarunt terminos.
- (5) Stoicorum logica chaos fuit confusum ex syllogisticis formis & mirificis argumentandi speciebus.

§. XVI. Nunc dicamus de EPICURO eiusque dialectica siue potius canonica. natus traditur anno tertio olympiad. cVIII. & vita defunctus anno secundo olympiad. cXXCII. qui magno studio philosophiæ sese tradidit, quamuis nonnulli sint, qui Epicurum dialecticam parui fecisse credunt. sic de eo dixit CICERO: ¹ iam in altera philosophiæ parte, quæ est querendi ac differendi, quæ λογική dicitur, iste vester, plane, ut mihi quidem videtur, inermis ac nudus est. tollit definitiones, nihil de dividendo ac partiendo docet: non quo modo efficiatur concludaturque ratio, tradit: non, qua via captiosa soluantur, ambigua distinguantur, ostendit. iudicia rerum in sensibus ponit: quibus si semel aliquid falsi pro vero probatum sit, sublatum esse omne iudicium veri & falsi putat: item: dum dialecticam, inquit,

¹ lib. I. cap. 7. de finib.

contemnit Epicurus, quæ una continet omnem
 & perspicendi quid in quaque res sit, scientiam,
 & iudicandi quale quidque sit, ac ratione ac
 via disputandi, ruit in dicendo, ut mihi qui-
 dem videtur, nec ea, quæ docere vult, ullâ arte
 distinguit, ut de aliis locis ¹ taceamus, quibus
 Epicurum hac de causâ perstringit. DIOGE-
 NES LAERTIUS, ² quum de Epicureis lo-
 quitur, dicit: τὴν διαλεκτικὴν ὡς παρέλκυσαν
 ἀποδοκιμάζουσιν, *dialecticam*, ut *superuaca-*
neam repudiant. PLUTARCHUS apud A.
 GELLIVM ³ pronuntiat, *imperfecte atque*
præpostere atque inscite syllogismo esse usum
Epicurum. sed tales censuræ omnino æquo
 ac iusto sunt grauiorcs. quod Epicurus non
 plane a studio logicæ fuerit alienus, quin et-
 iam meliora hac in arte tradiderit, quam alii
 philosophi, qui singularem dialectices glo-
 riam adfectabant, ex dicendis paullo post pa-
 tebit. quapropter merito censemus, quod
 Epicurus dialecticam Stoicorum, quæ tan-
 tum fraudibus ac vanis disputationibus infer-
 uiebat, reiecerit; etiam quum magistri huius
 sectæ nomen *dialecticorum* ac *dialecticæ* veluti
 iure quodam proprio sibi vindicarent, ipsam
 hanc adpellationem remotam esse voluerit.
 id quod satis confirmat SEXTUS EMPIRI-
 CVS, ⁴ & HIERONYMVS ⁵ dicit: *quoniam*
Stoici dialecticam sibi vendicant, & tu huius
scientiæ deliramenta contemnis, in hac parte
Epicureus es, quæ verba satis fauere causæ E-
 picuri videntur; A. GELLIVS autem ⁶ ipsum

¹ lib. II. de finib. lib. IV. acad. quest. lib. III & V. Titul.

² lib. X. scgm 31. ³ nott. Attic. lib. II cap. 8. ⁴ aduer-
 sus mathematic. p. 140. ⁵ aduersus Rufinum. ⁶ cit. loc.

defendit aduersus PLVTARCHVM. existimabat quippe, naturam veritatis cognoscendæ optimam esse magistræ, quæ si villa arte esset adiuuanda, indigere paucis regulis atque obseruationibus: confer PETRVM GASSENDVM. ¹

§. XVII. Iam dispiciamus de ipsa logica Epicuri, qui istam dixit *canonicam*, teste LÆRTIO, ² quoniam paucis canonibus siue regulis rationem declarabat, qua mortalium intellectus possit conformari ad cognoscendum verum, vt quamuis artem suam neque dialecticam, neque logicam adpellauerit, rem ipsam tamen retinuerit. at vero existimauit, omnem quæstionem in philosophia posse institui aut *de re*, aut *de voce*. in quæstionibus *de re* duo momenta, partim ipsa *veritas*, partim *criterium* eius, essent obseruanda. *veritatem* aliam esse dicebat *existentiæ* siue *existentiæ*; aliam vero *enunciationis*, siue iudicii. *veritas existentiæ* sit ea, qua unaquæque res in ipsa rerum natura existens sit id ipsum, quod sit, nihil aliud, cui veritati nulla opponatur falsitas. *veritas autem enunciationis* siue iudicii sit conformitas enunciationis ore factæ aut iudicii mente peracti cum ipsa enunciata seu iudicata re, cui opponi possit falsitas. quod ad *criterium veritatis* adinet, obseruauit, quod res, cuius veritas quæretur, aut ad solam speculationem; aut ad vitæ actionem spectet. res naturæ percipiantur aut sensu aut mente; & res morales ipso affectu siue appetitu; sic tria veritatis criteria constituit;

¹ *de vita & moribus Epicuri lib. VIII cap. 4. & 10.* ² *lib. X. sign. 30.*

ex parte sensus *sensionem*; ex parte mentis *prænotionem* siue *anticipationem*; & ex parte affectus *affectiōem* siue *passionem*. singulis criteriis posuit canones, etiam quæstionibus de voce institutis.

I. Canones ad quæstiones de re spectantes.

(1) primi criterii siue *sensionis*.

- α) *sensus nunquam fallitur; ac proinde omnis sensio, omnisque phantasia seu apparentia perceptio vera.*
- β) *opinio est consequens sensum, sensionique superadiecta, in quam veritas aut falsitas cadit.*
- γ) *opinio illa vera est, cui vel suffragatur, vel non refragatur sensus eidentia.*
- δ) *opinio illa falsa est, cui vel refragatur, vel non suffragatur sensus eidentia.*

(2) secundi criterii, siue *prænotionis*, *anticipationis*.

- α) *omnis quæ in mente est anticipatio, seu prænotio dependet a sensibus idque vel incursione, vel proportionem, vel similitudine, vel compositione.*
- β) *anticipatio est ipsa rei notio, siue definitio, sine qua quidquam querere, dubitare, opinari, immo & nominare non licet.*
- γ) *est anticipatio in omni ratiocinatione principium; quasi nempe id, ad quod attendentes inferimus, unum esse idem aut diuersum, coniunctum, aut disiunctum ab alio.*
- δ) *quod inevidens est, ex rei eidentis anticipationem demonstrari debet.*

(3) ter-

(3) tertii criterii, siue adfectionis,
passionis.

α) ea voluptas, quæ nullam habet adnexam molestiam, amplectenda est.

β) ea molestia, quæ nullam habet adnexam voluptatem, fugienda.

γ) ea voluptas, quæ aut maiorem voluptatem impedit, aut grauiorem molestiam parit, fugienda.

δ) ea molestia, quæ aut maiorem auertit molestiam, aut uberiores voluptates creat, amplectenda.

II. Canones ad quæstiones de voce spectantes.

α) dum loqueris, delige voces communes & perspicuas, ne aut ignoretur quid velis, aut interpretando tempus frustra teras.

β) dum audis, id enitere, ut vim subiectam vocibus tencas, ne te aut præ obscuritate lateant, aut præ ambiguitate deludant.

in his canonibus explicandis atque illustrandis præcipue diligens fuit PETRVS GASSENDVS: ¹ adde THOMAM STANLEIUM ² & CHRISTIANVM THOMASIVM. ³

§. XVIII. Hæc canonica Epicuri breuior quidem est, nec ad logicæ finem siue intellectum ad sensum veri & falsi aptum reddendum sufficit; continet tamen non solum utiles; sed & solidas meditationes. quas alii philosophi, etiam æuo recentiori haud assecuti sunt, ut adeo in primis ratione temporis veru-

¹ part. I. syntagm. phil. Epicur. de origine & variet. logic. cap. VII & alibi. ² hister. philos. p. 913. ³ philos. aulic. cap. V. §. 18. 179.

stioris nunquam satis laudari possit. generatim laudem meretur, quod sollicitus fuerit de criteriis veritatis, quod inter recentiores CARTESIVS quoque fecit, quamvis Epicurus, adhuc melius ac rectius hac de re senserit, quam CARTESIVS. nam si animum aduertimus ad ipsius meditationes ac doctrinas speciatim, *primum* præclare docuit, quod sensus, recte scilicet se habentes, nunquam fallaces sint, quodue ab ipsa sensatione distinguenda sit opinio hominum, quæ oriatur a iudicandi facultate ac sensationem sequatur. quo momento sensit melius, quam Plato ac Cartesius, qui quum certitudinem sensuum tollerent, viam planam atque expeditam aperuerunt scepticismo, cui tamen viribus genuinæ logicæ iure ac merito resistere debemus. *deinde* canon quintus insignem continet veritatem, quod omnis idea ortum suum habeat a sensatione, quæ doctrina etiam in scholis Peripateticorum celebris extitit, quod nihil sit in intellectu, quod non prius fuerit in sensu; recentiori autem ævo a Cartesio ista sine ratione oppressa est, aduersus quem solide ANDREAS RVDIGER disputauit. ¹ *tertium* canones sextus & septimus edisserunt eleganter de definitione, quod omnis idea, quæ existat in mente, per definitionem sit explicanda, vt inde perueniamus ad solidum rationationis fundamentum. etenim omne argumentum deducitur ex propositione, siue aliquid adfirmet; siue neget; propositio autem componitur ex definitione & diuisione idearum,

¹ *disputat. de eo. quod omnes idea oriuntur a sensatione, Lipsia 1704.*

quarum indoles si nobis perspecta est, facile cognoscere possumus, num ideæ inter se cognatione quadam sint coniunctæ, an diuersæ, adeoque etiam pro ratione illarum aut adfirmare; aut negare. ceterum tantum abest, ut Epicurus omnia effecerit perfecte, ut multa momenta maxime necessaria atque utilia reliquerit intacta, etiam tradiderit quædam emendanda. sic non solum speciales regulas cognitioni veri & falsi inservientes minus attingit; sed & veritatis metaphysicæ & logicæ species inter se perturbavit, quum existimet; veritatem aliam esse *existentiæ*, quæ spectat ad metaphysicam; aliam *enunciationis*, quæ logicæ propria est. nec plane probare possumus ipsius criteria veritatis tria, sensationem, anticipationem & affectionem, siquidem partim criterium primum cum secundo confundit; partim vero aliquid habet veluti criterium veritatis, quod re ipsa non est. nam id satis exploratum esse putamus, quod sensio sit primum principium & ultimum criterium omnis veritatis, quidquid alii dicant; prænotio autem, anticipatio, idea est veritatis in genere principium secundum & criterium proximum, & quod ad affectionem siue appetitum adtinet, illam inter criteria referre haud possumus. voluntatis enim, ad quam pertinet hæc affectio, indoles tantum fert, ut cupiditate bonum adpetat; malum vero fugiat, siue sit vere bonum ac malum, siue speciem tantum quamdam præ se habeat; fundamentum autem cognitionis, num amplexi simus bonum verum, nec ne; aut nos a malo vero, nec ne abstineamus, haud in voluntate;

Mm 3

sed

sed in intellectu quærere debemus, quippe qui sentit, qua tranquillitate fruatur mens, hacque sensatione cognoscit, num bene sese habeat in desiderio rerum appetendarum; & odio fugiendarum. res moralis duplici ratione potest considerari: primum num sit bona, an mala; deinde num sit vere bona ac vere mala, nec ne? priori ratione spectat ad voluntatem; posteriore vero ad intellectum ac quidem iudicium. quod si igitur Epicurus adfirmat, adfectionem siue appetitum esse criterium veritatis, aberrat a vero, hocque modo præter causam voluntati adtribuit sensationem. equidem ANDREAS RÜDIGER¹ observat, quod hæc doctrina Epicuri non solum sit vera; sed & adæquata satis, si per *sensationem* intelligamus sensationem externam, per *passionem* internam; per *anticipationem* definitionem realem ac per *φανταστικὰς ἐπιβολὰς τῆς διανοίας* siue *arbitrarias mentis impositiones*, quas posterius addiderunt, definitiones nominales. sed quamvis hæc doctrina tali interpretatione inter se cohæreat; probari tamen non potest, quod ista cum mente conveniat Epicuri.

§. XVIII. Hactenus de studiis veterum græcorum, qui ante reparatam salutem coluerunt artem logicæ. *romani* succedunt, de quorum cultura disciplinæ huius iam dispiciamus. veteres romani minus sine philosophia fuerunt, neque tamen primis temporibus ita culta est, ut ab ætate Ciceronis, qui ipse² dicit: *sapientie studium vetus id quidem in*

¹ *philosoph. synthet. p. 24. edit. 3.*

² *Tuscul. quest. lib. III.*

cap. 3.

*nostris: sed tamen ante Lelii aetatem & Scipionis non reperio, quos appellare possim nominatim: & alio loco*¹ *philosophia iacuit usque ad hanc aetatem, nec ullum habuit lumen litterarum latinarum. quumque primas curas conferrent in eloquentiam, qua ut & poësi politiores litteræ maxime concludebantur, philosophiam præcipue ad artem oratoriam adhibuerunt, ad quam ipsius studia magnam habere vim merito existimabant. quapropter etiam faciebant professiones litterarias in Græciam, ut non solum rhetorum; sed & philosophorum scholas frequentarent ac sapientiæ colligerent opes, cui multi magnum habebant pretium. CICERO*² *quid est enim per Deos optabilius sapientia? quid præstantius? quid homini melius? quid homine dignius? hanc igitur, qui expetunt, philosophi nominantur: nec quicquam aliud est philosophia, si interpretari velis, quam studium sapientiæ. sapientia autem est, ut a veteribus philosophis definitum, rerum diuinarum & humanarum causarumque, quibus hæ res continentur, scientia. cuius studium qui vituperat, haud sane intelligo quid nam sit, quod laudandum putet. sic philosophiam græcorum intulerunt ve teri Latio atque in primis Romæ, quorum alii maxime sectati sunt Stoicos; alii Epicureos; alii academicos; alii Aristotelem. præcipue illam philosophiæ partem colebant, quæ agit de moribus atque officiis, cuius vsum cum in eloquentia; tum vita honeste instituenda habebant perspectum, quod argumentum*

¹ lib. I. Tuscul. cap. 3.² de officiis lib. II. c. 2.

pluribus persequitur PAGANINVS GAVDENTIS. ¹

§. XX. Quæ cultura fuerit veterum romanorum artis logicæ, id accurate definire haud possumus, quamvis magna veri specie liceat adfirmari, quod artis huius a græcis acceptæ non penitus rudes fuerint, eamque saltem in disputationibus vsurpauerint, etsi simile sit quoque vero, quod istam neq; in scholis, neq; scriptis tradiderint, adeoque nihil effecerint, quo illa magis potuisset ornari, ac post græcorum curas meliori studio perpoliri. colligimus id ex his TVLLII ² verbis: *didicisti enim non posse nos Amasianii aut Rabirii similes esse, qui nulla arte adhibita, de rebus ante oculos positis vulgari sermone disputant: nihil definiunt, nihil partiuntur, nihil apta interrogatione concludunt, nullam denique artem esse nec dicendi, nec differendi putant. nos autem præceptis dialecticorum & oratorum sic parentes, ut legibus, verbis, quamquam novis cogimur uti.* ALEXANDER SARDVS ³ putat, quod dialectica primum a M. VARRONE latinitate donata fuerit; cuius rei fides sit penes ipsum. saltem ex recensione librorum Varronis huius deperditorum, quam diligenter fecit IO. ALBERTVS FABRICIVS, ⁴ haud videre possumus, quod iste scripserit logicam, nisi istam libro de *philosophia* aut libris *disciplinarum* expositam fuisse dicere velimus. BARTHOLOMAEVS KECKERMANN ⁵ huc refert CIGERONEM, quando dicit:

¹ de philosophia apud romanos origine ac progressu. ² lib. I. cap. 2. acad. quæst. ³ de rerum inuentoribus lib. I c. 3. p. 4. ⁴ bibl. latin. lib. I. cap. 7. §. 4. p. 79. ⁵ præcogn. logic. tr. II. c. 2 §. 18.

primus inter latinos Cicero fuit, qui logicam ederet latinam; & paullo post: is incidit in secula illa oratoria, idcirco rerum contemplator usquequaque subtilis non fuit, nec potuit esse ob practicas siue politicas occupationes. non ergo logicam ad proprium finem direxit, & primarium, sed minus principalem, usum videlicet forensem: proinde non mirum, si sine obliquo constituto præceptorum etiam systema peccet: cui tamen plurimum debemus vel hac sola de causa, quod nobis Aristotelis reales locos & inuentionem medii realis (quam in hodiernis eius topicis ne quicquam habemus) voluit exprimere; atqui ipsum sequitur IACOBUS FRIDERICUS REIMMANNVS.¹ nec negamus, quod Cicero peritus fuerit dialecticæ, ac imprimis sit secutus præcepta Stoicorum, id quod obseruat GERH. IO. VOSSIVS,² quibus & meliora facile potuisset excogitare, si pro singulari per naturam sibi indita vi hac de re cogitasset intentius. sed tamen quod in gente romana primus logicæ auctor extiterit eiusque præcepta consignauerit literis, id est, quod firmioribus argumentis debet muniri. nam Ciceronis elegans liber *topicorum* præcipue vltui eloquentiæ est consecratus, quem si dialecticam velimus adpellare, & aliorum rhetorum opera, quæ de inueniendis argumentis differunt, huc referre debemus. aliud est, ex proposito conscribere logicam; aliud vero, partem quamdam illius ad eloquentiæ institutiones adhibere, eiusque utilitatem in hoc litterarum genere demon-

¹ *critischer geschichts-calender der logic* p. 20. ² *de natura ac consuet. logic. cap. VIII. §. 22, 23.*

strare. sic fata logicæ apud romanos haud prosperiora fuerunt, nec ipsius incremento-
rum facta est accessio.

§. XXI. Variæ fuerunt sectæ apud Iudæos, quas IOSEPHVS ¹ vt sectas philosophorum considerat, *Ιουδαίων*, inquit, *φιλοσοφίαι* τρεῖς ἦσαν, quod qua ratione possit admitti, ostendit IO. FRANCISCVS BVDDEVS. ² præcipue erant *Phariseorum*, *Essæorum* & *Sadduceorum*, de quibus ex instituto SCALIGER, SERRARIUS, DRVSIVS egerunt. quod ad ipsorum philosophiam adtinet, obseruant multi, quod fuerit similitudo morum & doctrinarum inter *Phariseos* & *Stoicos*, etiam *Pythagoræos* in doctrina ad animarum *μετεμψύχωσιν* spectante, quamuis verba IOSEPHI, ³ quibus nituntur, aliter possint intelligi, vt qui *μετεμψύχωσιν* inter doctrinas referunt *Phariseorum*, haud firmo muniti sint argumento. *Sadduceos* autem contendit cum *Epicuræis* GERH. IO. VOSSIVS: ⁴ *ex philosophis*, inquit, *gentium hanc Sadduceorum opinionem* (de mortalitate animæ) *amplexi sunt Epicuræi, imo longe deteriorem*; & tandem *Essæos* comparant cum *Pythagoræis*, confer IO. FRANCISCVM BVDDEVM. ⁵ cuiusmodi convenientiam inter sectas Iudæorum ac gentium ostendere quidem possumus, si modo iustum teneamus modum, nec maiora ac plura philosophiæ gentium vestigia in Iudæorum scholis quæramus. quapropter ad sententiam I A-

¹ lib. XVIII. cap. 2. antiquitat. add. lib. II. de bello Iudaico cap. 12.
² hist. ecclesiast. vet. test. per. II. sect. 7. §. 18. p. 1226. ³ de bello Iudaico lib. 11. c. 7. ⁴ de idololatr. gentil. lib. 1. cap. 10.
⁵ introd. ad hist. phil. Ebr. §. 19. p. 82. ed. 2.

COBI FRIDERICI REIMMANNI ¹ haud accedere possumus, qui etiam in studio logicæ artis Phariseos cum Stoicis; Sadducæos cum Epicuræis & Essæos cum Cynicis contendere instituit. nam neque de Sadducæorum, neque Essæorum logica quidquam legimus relatum; qua in re præcipue debet probari, quod ea tempestate in gente Iudæorum hæ litteræ floruerint, nec sufficit, causam suam solis coniecturis munire. quid quod perspicere haud possumus, cur clarissimus REIMMANNVS ex eo, quod Sadducæi disputandi artem haud felici successu exercuerint, efficiat conclusionem, illos in dialecticæ studio sectatos esse Epicurum, quasi philosophus hic omnem abiecerit disputationem, quum tantum ab ea, quæ in scholis Stoicorum erat recepta, abhorruit; ipse autem veræ ac genuinæ logicæ extitit æstimator. quod Pharisei more Stoicorum struxerint sophismata, ac sæpius disputando aduersus seruatorem nostrum fecerint fallacias ac fraudes, id satis clarum ex scripturis diuinis adparet. HIERONYMVS ² obseruat, quod ad speciem argumentationum Eubuldiis dictam *ὑπερβολὴν* pertineat argumentum, quod Pharisei obiecerant Christo: *de Galilæa*, inquit, *venerat ad Iudæam, idcirco Phariseorum scribarumque factio interrogat eum: vtrum licet homini dimittere uxorem suam qualibet causa? ut quasi cornuto teneant eum syllogismo & quodcumque responderit, captioni pateat. si dixerit: dimittendas esse uxores qualibet ex caus-*

¹ *calender der logic. p. 18, 19.*
² *ib. VI. app. p. 39.*

² *ib. III. in Matth. cap.*

DVM. ¹ mentionem faciunt illus PLVTARCHVS, ² ARRIANVS ³ THEMISTIVS ⁴ quorum testimonia collegit AEGIDIVS MENAGIVS. ⁵

V. ΟΤΤΙΣ, *nullus*, quod fallaciarum genus nomen habuit ab HOMERI ⁶ versibus, vbi interrogatus Polyphemus, cui Vlysses antequam ei effoderet oculum, persuaserit. quod ipse nominetur ΟΤΤΙΣ, respondet: ὅτις με κλένει δόλω, ἔδ' ἐ βιήφι. quæ verba dubiæ sunt significationis, siquidem ὅτις significare potest & *nemo* & nomen quoddam proprium. LACERTIVS adhuc alia harum argumentationum genera recenset, quæ omnia heic distincte exponere, spatii ac temporis ratio haud permittit.

§. XV. Ex his colligere possumus, quid sentiendum sit de dialectica Stoicorum. scilicet philosophi hi hanc doctrinam neque solide, neque distincte tradiderunt, quid quod inutilia atque aliena, inter se perturbata ipsos delectarunt, quumue vinculis prauorum affectuum capti tenerentur, vnice operam suam in struendis fallaciis consumferunt. sic illustris hæcce ars in Stoicorum scholis a prosperiori sorte remota, nulla accepit incrementa; quin etiam malo fato factum est, vt fere data fuerit obliuioni. BARTHOLOMAEVS KECCKERMANNVS ⁷ hæc vitia in dialectica Stoicorum notauit:

(1) *quod nullum certum logicæ finem definiue-*

¹ cit. loc. ² de sanitate tuenda & lib. I. sympos. ³ ad Epictetum lib. II. cap. 19. ⁴ orat. II. ⁵ ad Lactantium lib. II. sign. 108. p. 123. ⁶ odys. LX. ⁷ prin. logic. tr. II. cap. 2. §. 15.

runt,

runt, idcirco omnia ad ostentandum disputando ingenium contulerunt.

- (2) praecepta quaedam de syllogisticis formis ac captionibus pauca habuerunt. unde Cicero, Stoicorum alia sectator aperte dicat, Stoicos iudicandi partem diligentius persecutos; de inuentione non multa docuisse.
- (3) methodice artem non construxerunt ullam.
- (4) insignes & pueriles sophistæ circa vocabula fuerunt, & ut a reliquis sectis, inprimis Peripateticis differre viderentur, nouos excogitarunt terminos.
- (5) Stoicorum logica chaos fuit confusum ex syllogisticis formis & mirificis argumentandi speciebus.

§. XVI. Nunc dicamus de EPICURO eiusque dialectica siue potius canonica. natus traditur anno tertio olympiad. cVIII. & vita defunctus anno secundo olympiad. cXXCII. qui magno studio philosophiæ sese tradidit, quamuis nonnulli sint, qui Epicurum dialecticam parui fecisse credunt. sic de eo dixit CICERO: ¹ iam in altera philosophiæ parte, quæ est querendi ac differendi, quæ λογική dicitur, isle vester, plane, ut mihi quidem videtur, inermis ac nudus est. tollit definitiones, nihil de dividendo ac partiendo docet: non quo modo efficiatur concludaturque ratio, tradit: non, qua via captiosa soluantur, ambigua distinguantur, ostendit. iudicia rerum insensibus ponit: quibus si semel aliquid falsi pro vero probatum sit, sublatum esse omne iudicium veri & falsi putat: item: dum dialecticam, inquit,

¹ lib. I. cap. 7. de finib.

contemnit Epicurus, quæ una continet omnem
 & perspicendi quid in quaque re sit, scientiam,
 & iudicandi quale quidque sit, ac ratione ac
 via disputandi, ruit in dicendo, ut mihi qui-
 dem videtur, nec ea, quæ docere vult, ullâ arte
 distinguit, ut de aliis locis ¹ taceamus, quibus
 Epicurum hac de causâ perstringit. DIOGE-
 NES LAERTIUS, ² quum de Epicureis lo-
 quitur, dicit: τὴν διαλεκτικὴν ὡς παρέλκυσαν
 ἀποδοκιμάζουσαν, *dialecticam*, ut *superuaca-
 neam repudiant*. PLUTARCHUS apud A.
 GELLIVM ³ pronuntiat, *imperfecte atque
 præpostere atque inscite syllogismo esse usum
 Epicurum*. sed tales censuræ omnino æquo
 ac iusto sunt grauiiores. quod Epicurus non
 plane a studio logicæ fuerit alienus, quin et-
 iam meliora hac in arte tradiderit, quam alii
 philosophi, qui singularem dialectices glo-
 riam adfectabant, ex dicendis paullo post pa-
 tebit. quapropter merito censemus, quod
 Epicurus dialecticam Stoicorum, quæ tan-
 tum fraudibus ac vanis disputationibus infer-
 uiebat, reiecerit; etiam quum magistri huius
 sectæ nomen *dialecticorum* ac *dialecticæ* veluti
 iure quodam proprio sibi vindicarent, ipsam
 hanc adpellationem remotam esse voluerit.
 id quod satis confirmat SEXTUS EMPIRI-
 CVS, ⁴ & HIERONYMVS ⁵ dicit: *quoniam
 Stoici dialecticam sibi vendicant, & tu huius
 scientiæ deliramenta contemnis, in hac parte
 Epicureus es*, quæ verba satis fauere causæ E-
 picuri videntur; A. GELLIVS autem ⁶ ipsum

¹ lib. II. de finib. lib. IV. acad. quæst. lib. III & V. Tuscul.

² lib. X. segm. 31. ³ post. Attic. lib. II. cap. 8. ⁴ aduer-
 sus mathematic. p. 149. ⁵ aduersus Rufinum. ⁶ cit. loc.

defendit aduersus PLUTARCHVM. existimabat quippe, naturam veritatis cognoscendæ optimam esse magistratam, quæ si vlla arte esset adiuuanda, indigere paucis regulis atque obseruationibus: confer PETRVM GASSENDVM. ¹

§. XVII. Iam dispiciamus de ipsa logica Epicuri, qui istam dixit *canonicam*, teste LAERTIO, ² quoniam paucis canonibus siue regulis rationem declarabat, qua mortalium intellectus possit conformari ad cognoscendum verum, vt quamuis artem suam neque dialecticam, neque logicam adpellauerit, rem ipsam tamen retinuerit. at vero existimauit, omnem quæstionem in philosophia posse institui aut *de re*, aut *de voce*. in quæstionibus *de re* duo momenta, partim ipsa *veritas*, partim *criterium* eius, essent obseruanda. *veritatem* aliam esse dicebat *existentiæ* siue *existentiæ*; aliam vero *enunciationis*, siue iudicii. *veritas existentia* sit ea, qua unaquæque res in ipsa rerum natura existens sit id ipsum, quod sit, nihil aliud, cui veritati nulla opponatur falsitas. *veritas autem enunciationis* siue iudicii sit conformitas enunciationis ore factæ aut iudicii mente peracti cum ipsa enuntiata seu iudicata re, cui opponi possit falsitas, quod ad *criterium veritatis* adinet, obseruauit, quod res, cuius veritas quæretur, aut ad solam speculationem; aut ad vitæ actionem spectet. res naturæ percipiantur aut sensu aut mente; & res morales ipso affectu siue appetitu; sic tria veritatis criteria constituit;

¹ *de vita & moribus Epicuri lib. VIII cap. 4. & 10.* ² *lib. X. sign. 30.*

ex parte sensus *sensionem*; ex parte mentis *prænotionem* siue *anticipationem*; & ex parte affectus *affectiōnem* siue *passionem*. singulis criteriis posuit canones, etiam quæstionibus de voce institutis.

I. *Canones ad quæstiones de re spectantes.*

(1) primi criterii siue *sensionis*.

- α) *sensus nunquam fallitur; ac proinde omnis sensus, omnisque phantasia seu apparentia perceptio vera.*
- β) *opinio est consequens sensum, sensionique superadiecta, in quam veritas aut falsitas cadit.*
- γ) *opinio illa vera est, cui vel suffragatur, vel non refragatur sensus eidentia.*
- δ) *opinio illa falsa est, cui vel refragatur, vel non suffragatur sensus eidentia.*

(2) secundi criterii, siue *prænotionis*,
anticipationis.

- α) *omnis quæ in mente est anticipatio, seu prænotio dependet a sensibus idque vel incurfione, vel proportionem, vel similitudine, vel compositione.*
- β) *anticipatio est ipsa rei notio, siue definitio, sine qua quidquam querere, dubitare, opinari, immo & nominare non licet.*
- γ) *est anticipatio in omni ratiocinatione principium; quasi nempe id, ad quod attendentes inferimus, vnum esse idem aut diuersum, coniunctum, aut disiunctum ab alio.*
- δ) *quod inevidens est, ex rei eidentis anticipationem demonstrari debet.*

(3) ter-

(3) tertii criterii, siue adfectionis,
passionis.

- α) ea voluptas, quæ nullam habet adnexam molestiam, amplectenda est.
- β) ea molestia, quæ nullam habet adnexam voluptatem, fugienda.
- γ) ea voluptas, quæ aut maiorem voluptatem impedit, aut grauiorem molestiam parit, fugienda.
- δ) ea molestia, quæ aut maiorem auertit molestiam, aut uberiores voluptates creat, amplectenda.

II. Canones ad quæstiones de voce spectantes.

- α) dum loqueris, delige voces communes & perspicuas, ne aut ignoretur quid velis, aut interpretando tempus frustra teras.
- β) dum audis, id enitere, ut vim subiectam vocibus teneas, ne te aut præ obscuritate lateant, aut præ ambiguitate deludant.

in his canonibus explicandis atque illustrandis præcipue diligens fuit PETRVS GASSENDVS: ¹ adde THOMAM STANLEYVM ² & CHRISTIANVM THOMASIVM. ³

§. XVIII. Hæc canonica Epicuri breuior quidem est, nec ad logicæ finem siue intellectum ad sensum veri & falsi aptum reddendum sufficit; continet tamen non solum utiles; sed & solidas meditationes. quas alii philosophi, etiam ævo recentiori haud assecuti sunt, ut adeo in primis ratione temporis vetu-

¹ part. I. *Synagm. phil. Epicur. de origine & variet. logic. cap. VII & alibi.* ² *hister. philos. p. 913.* ³ *philos. aulic. cap. V. §. 18. 599.*

stioris nunquam satis laudari possit. generatim laudem meretur, quod sollicitus fuerit de criteriis veritatis, quod inter recentiores **CARTESIVS** quoque fecit, quamvis **Epicurus**, adhuc melius ac rectius hac de re senserit, quam **CARTESIVS**. nam si animum aduertimus ad ipsius meditationes ac doctrinas speciatim, *primum* præclare docuit, quod sensus, recte scilicet se habentes, nunquam fallaces sint, quodue ab ipsa sensatione distinguenda sit opinio hominum, quæ oriatur a iudicandi facultate ac sensationem sequatur. quo momento sensit melius, quam **Plato** ac **Cartesius**, qui quum certitudinem sensuum tollerent, viam planam atque expeditam aperuerunt scepticismo, cui tamen viribus genuinæ logicæ iure ac merito resistere debemus. *deinde* canon quintus insignem continet veritatem, quod omnis idea ortum suum habeat a sensatione, quæ doctrina etiam in scholis Peripateticorum celebris extitit, quod nihil sit in intellectu, quod non prius fuerit in sensu; recentiori autem ævo a **Cartesio** ista sine ratione oppressa est, aduersus quem solide **ANDREAS RVDIGER** disputauit. *tertium* canones sextus & septimus edisserunt eleganter de definitione, quod omnis idea, quæ existat in mente, per definitionem sit explicanda, ut inde perueniamus ad solidum ratiocinationis fundamentum. etenim omne argumentum deducitur ex propositione, siue aliquid adfirmet; siue neget; propositio autem componitur ex definitione & diuisione idearum,

disputat. de eo, quod omnes idea oriuntur a sensatione, Lipsia 1704.

qua-

quarum indoles si nobis perspecta est, facile cognoscere possumus, num ideæ inter se cognitione quadam sint coniunctæ, an diuersæ, adeoque etiam pro ratione illarum aut adfirmare; aut negare. ceterum tantum abest, ut Epicurus omnia effecerit perfecte, ut multa momenta maxime necessaria atque utilia reliquerit intacta, etiam tradiderit quædam emendanda. sic non solum speciales regulas cognitioni veri & falsi inseruientes minus attigit; sed & veritatis metaphysicæ & logicæ species inter se perturbauit, quum existimet; veritatem aliam esse *existentiæ*, quæ spectat ad metaphysicam; aliam *enunciationis*, quæ logicæ propria est. nec plane probare possumus ipsius criteria veritatis tria, sensationem, anticipationem & affectionem, siquidem partim criterium primum cum secundo confundit; partim vero aliquid habet veluti criterium veritatis, quod re ipsa non est. nam id satis exploratum esse putamus, quod sensio sit primum principium & vltimum criterium omnis veritatis, quidquid alii dicant; prænotio autem, anticipatio, idea est veritatis in genere principium secundum & criterium proximum, & quod ad affectionem siue appetitum adtinet, illam inter criteria referre haud possumus. voluntatis enim, ad quam pertinet hæc affectio, indoles tantum fert, ut cupiditate bonum adpetat; malum vero fugiat, siue sit vere bonum ac malum, siue speciem tantum quamdam præ se habeat; fundamentum autem cognitionis, num amplexi simus bonum verum, nec ne; aut nos a malo vero, nec ne abstineamus, haud in voluntate;

sed in intellectu quærere debemus, quippe qui sentit, qua tranquillitate fruatur mens, hacque sensatione cognoscit, num bene sese habeat in desiderio rerum appetendarum; & odio fugiendarum. res moralis duplici ratione potest considerari: primum num sit bona, an mala; deinde num sit vere bona ac vere mala, nec ne? priori ratione spectat ad voluntatem; posteriore vero ad intellectum ac quidem iudicium. quod si igitur Epicurus adfirmat, adfectionem siue appetitum esse criterium veritatis, aberrat a vero, hocque modo præter causam voluntati adtribuit sensationem. equidem ANDREAS RÜDIGER¹ observat, quod hæc doctrina Epicuri non solum sit vera; sed & adæquata satis, si per *sensationem* intelligamus sensationem externam, per *passionem* internam; per *anticipationem* definitionem realem ac per *φαντασµαὶς ἐπιβολὰς τῆς διανοίας* siue *arbitrarias mentis impositiones*, quas posterius addiderunt, definitiones nominales. sed quamvis hæc doctrina tali interpretatione inter se cohæreat; probari tamen non potest, quod ista cum mente conveniat Epicuri.

§. XVIII. Hactenus de studiis veterum græcorum, qui ante reparatam salutem coluerunt artem logicæ. *romani* succedunt, de quorum cultura disciplinæ huius iam dispiciamus. veteres romani minus sine philosophia fuerunt, neque tamen primis temporibus ita culta est, ut ab ætate Ciceronis, qui ipse² dicit: *sapientiæ studium vetus id quidem in*

¹ *philosoph. synthet. p. 24. edn. 3.*

² *Tuscul. quest. lib. III.*

cap. 3.

*nostris: sed tamen ante Lelii ætatem & Scipionis non reperio, quos appellare possim nominatim: & alio loco*¹ *philosophia iacuit usque ad hanc ætatem, nec ullum habuit lumen litterarum latinarum. quumque primas curas conferrent in eloquentiam, qua ut & poësi politiores litteræ maxime concludebantur, philosophiam præcipue ad artem oratoriam adhibuerunt, ad quam ipsius studia magnam habere vim merito existimabant. quapropter etiam faciebant profectioes litterarias in Græciam, ut non solum rhetorum; sed & philosophorum scholas frequentarent ac sapientiæ colligerent opes, cui multi magnum habebant pretium. CICERO*² *quid est enim per Deos optabilius sapientia? quid præstantius? quid homini melius? quid homine dignius? hanc igitur, qui expetunt, philosophi nominantur: nec quicquam aliud est philosophia, si interpretari velis, quam studium sapientiæ. sapientia autem est, ut a veteribus philosophis definitum, rerum diuinarum & humanarum causarumque, quibus hæ res continentur, scientia. cuius studium qui vituperat, haud sane intelligo quid nam sit, quod laudandum putet. sic philosophiam græcorum intulerunt ve teri Latio atque inprimis Romæ, quorum alii maxime sectati sunt Stoicos; alii Epicureos; alii academicos; alii Aristotelem. præcipue illam philosophiæ partem colebant, quæ agit de moribus atque officiis, cuius usum cum in eloquentia; tum vita honeste instituenda habebant perspectum, quod argumentum*

¹ lib. I, Tuscul. cap. 3.² de officiis lib. II. c. 2.

pluribus persequitur PAGANINVS GAV-
DENTIVS. ¹

§. XX. Quæ cultura fuerit veterum roma-
norum artis logicæ, id accurate definire haud
possumus, quamvis magna veri specie liceat
adfirmari, quod artis huius a græcis acceptæ
non penitus rudes fuerint, eamque saltem in
disputationibus vsurpauerint, etsi simile sit
quoque vero, quod istam neq; in scholis, neq;
scriptis tradiderint, adeoque nihil effecerint,
quo illa magis potuisset ornari, ac post græco-
rum curas meliori studio perpoliri. colligi-
mus id ex his TVLLII ² verbis: *didicisti
enim non posse nos Amasani aut Rabirii simi-
les esse, qui nulla arte adhibita, de rebus ante
oculos positis vulgari sermone disputant: nihil
definiunt, nihil partiuntur, nihil apta interro-
gatione concludunt, nullam denique artem esse
nec dicendi, nec differendi putant. nos autem
præceptis dialecticorum & oratorum sic paren-
tes, ut legibus, verbis, quamquam nouis cogi-
mur uti.* ALEXANDER SARDVS ³ putat,
quod dialectica primum a M. VARRONE la-
tinitate donata fuerit; cuius rei fides sit pe-
nes ipsum. saltem ex recensione librorum
Varronis huius deperditorum, quam diligen-
ter fecit IO. ALBERTVS FABRICIVS, ⁴
haud videre possumus, quod iste scripserit lo-
gicam, nisi istam libro de *philosophia* aut libris
disciplinarum expositam fuisse dicere veli-
mus. BARTHOLOMAEVS KECKERMANN
⁵ huc refert CICERONEM, quando dicit:

¹ de philosophia apud romanos o igine ac progressu. ² lib. I. cap.
³ acad. quest ⁴ de rerum inuentoribus lib. I c. 3. p. 4. ⁵ bibl.
latin. lib. I. cap. 7. §. 4. p. 79. ⁶ præogn. logic. tr. II. c. 2 §. 18.

primus inter latinos Cicero fuit, qui logicam ederet latinam; & paullo post: is incidit in secula illa oratoria, idcirco rerum contem-
plator usquequaque subtilis non fuit, nec po-
tuit esse ob practicas siue politicas occupatio-
nes. non ergo logicam ad proprium finem di-
rexerit, & primum, sed minus principalem,
usum videlicet forenses: proinde non mirum,
si sine obliquo constituto præceptorum etiam
systema peccet: cui tamen plurimum debemus
vel hac sola de causa, quod nobis Aristotelis
reales locos & inuentionem medii realis (quam
in hodiernis eius topicis ne quicquam habemus)
voluit exprimere; atqui ipsum sequitur IACO-
BUS FRIDERICUS REIMMANNVS. ¹ nec
negamus, quod Cicero peritus fuerit dialecti-
cæ, ac in primis sit secutus præcepta Stoico-
rum, id quod obseruat GERH. IO. VOSSIVS,
² quibus & meliora facile potuisset excogita-
re, si pro singulari per naturam sibi indita vi
hac de re cogitasset intentius. sed tamen
quod in gente romana primus logicæ auctor
extiterit eiusque præcepta consignauerit lit-
teris, id est, quod firmioribus argumentis de-
bet muniri. nam Ciceronis elegans liber *to-
picorum* præcipue vsui eloquentiæ est conse-
cratus, quem si dialecticam velimus adpella-
re, & aliorum rhetorum opera, quæ de inue-
niendis argumentis differunt, huc referre de-
bemus. aliud est, ex proposito conscribere
logicam; aliud vero, partem quamdam illius
ad eloquentiæ institutiones adhibere, eiusque
utilitatem in hoc litterarum genere demon-

¹ kritischer geschichts-calender der logic p. 20. ² de natura
ac consuet. logic. cap. VIII. §. 22, 23.

COBI FRIDERICI REIMMANNI ¹ haud accedere possumus, qui etiam in studio logicæ artis Phariseos cum Stoicis; Sadducæos cum Epicuræis & Essæos cum Cynicis contendere instituit. nam neque de Sadducæorum, neque Essæorum logica quidquam legimus relatum; qua in re præcipue debet probari, quod ea tempestate in gente Iudæorum hæ litteræ floruerint, nec sufficit, causam suam solis coniecturis munire. quid quod perspicere haud possumus, cur clarissimus REIMMANNVS ex eo, quod Sadducæi disputandi artem haud felici successu exercuerint, efficiat conclusionem, illos in dialecticæ studio sectatos esse Epicurum, quasi philosophus hic omnem abiecerit disputationem, quum tantum ab ea, quæ in scholis Stoicorum erat recepta, abhorruit; ipse autem veræ ac genuinæ logicæ extitit æstimator. quod Pharisei more Stoicorum struxerint sophismata, ac sæpius disputando aduersus seruatorem nostrum fecerint fallacias ac fraudes, id satis clarum ex scripturis diuinis adparet. HIERONYMVS ² obseruat, quod ad speciem argumentationum Eubuldiis dictam *νεπαλίμ* pertineat argumentum, quod Pharisei obiecerant Christo: *de Galilea*, inquit, *venerat ad Iudæam*, idcirco Phariseorum scribarumque factio interrogat eum: vtrum licet homini dimittere uxorem suam qualibet causa? *ut quasi cornuto teneant eum syllogismo & quodcumque responderit, captioni pateat. si dixerit: dimittendas esse uxores qualibet ex caus-*

¹ *catender der logic. p. 18, 19.* ² *lib. III. in Matth. cap. 19. tom. VI. app. p. 39.*

sa & ducendas alias, pudicitia prædicator sibi videbitur docere contraria. *si autem responderit*: non omnem ob causam debere dimitti, quasi sacrilegii reus tenebitur & aduersus doctrinam Moyſis ac per Moſen Dei, facere iudicabitur. *igitur Dominus sic responſionem temperat, ut decipulam eorum tranſeat ſcripturam ſacram adducens in teſtimonium & naturalem legem, primamque Dei ſententiam ſecunda opponens, quæ non voluntate Dei, ſed peccantium neceſſitate conceſſa eſt.* ſed illi, qui fallaces argumentationes proferre vult, non opus eſt arte quadam, ſi modo ingenii quadam vi valet, quam per prauam mentis indolem ad talia argumenta adhibere poteſt. quid igitur de dialectica Phariſæorum ſit ſentiendum, ex dictis patet.

§. XXII. His explanatis, fata quoque logica a nato ſeruatore generis humani uſque ad ſeculum ſextum perluſtrare, ordinis ratio iubet. quo temporis tractu fortuna diſciplinæ huius haud proſperior fuit, ſiquidem philoſophi Ariſtotelem tantum ſequébantur, ac ſatiſfecisse operi videbantur ſibi, quum ipſius ſcripta logica obſervationibus ac commentariis illuſtrarent. etenim notum eſt, Peripateticorum alios eſſe *textuales*; alios vero *methodicos*, uti vulgo dicuntur. illi ſunt, qui verba Ariſtotelis interpretantur eaque explanant commentariis; hi autem, qui ad certam tractandi rationem Ariſtotelis ſententias adcommodant. priores καὶ ἑξοχὴν adpellati interpretes præcipue hac tempeſtate floruerunt, quos quamuis BARTHOLOM. KE-

CKER-

CKERMANN, ¹ GERH. IO. VOSSIVS, ² DANIEL GEORGIUS MORHOFIVS, ³ IO. ALBERTVS FABRITIVS ⁴ aliique ⁵ commemorauerint; non ab re tamen erit, principes quoque illorum heic recensere. sunt illi vel *græci*, vel *latini*. ad græcos pertinent

I. ALEXANDER *Aphrodisiensis*, sic dictus ab Aphrodisiade Cariæ vrbe, qui audiuit Herminum & Aristoclem Messenium, peripateticos. scripsit commentarium in *primum priorum analyticorum*, qui prodiit græce Venetiis MCCCCLXXXIX. apud Aldum fol. etiam posthac sæpius; latine autem interprete IO. BERNARDO FELICIANO. porro composuit commentarium in octo *topicorum libros*, quem diserte ipsi quoque tribuit SVIDAS, quod contra FRANCISCVM PATRICIVM obseruandum, cuius obiectiones remouet IO. ALBERTVS FABRICIVS. ⁶ græce editus est ab Aldo Venet. MDXIII. latinam autem eius interpretationem fecerunt GVILELMVS DOROTHEVS, ac meliori cura IO. BAPTISTA RASARIVS; libri autem septimi MVRETVS. tandem scripsit commentarium in *elenchos sophisticos*, qui Venetiis MDXX. apud Aldum prodiit in lucem; latinis autem versionibus operam dederunt GVILELMVS DOROTHEVS, IO. BAPTISTA RASARIVS, GASP. MARCELLVS. præter hos editos commenta-

¹ *præcogn. logic. tr. II. c. 2. §. 21. seqq.* ² *de natura & consuet. logic. cap. 10. seqq.* ³ *polyhistor. t. II. lib. I. cap. 9. seqq.*
⁴ *bibl. græc. variis locis.* ⁵ *vid. supra §. VII.* ⁶ *bibl. græc. lib. III. cap. 25. p. 67.*

rios, adhuc alios elaboravit, qui partim perierunt; partim vero adhuc extare dicuntur, scilicet commentarium in Aristotelis *κατηγορίας* in librum *περί ἑρμηνείας*, in librum secundum analyticorum priorum & in libros analyticorum posteriorum. magnum nomen fuit inter Peripateticos, quem posteriores plerique libenter sunt secuti, nec solum græci, THEMISTIVS, AMMONIVS, PHILOPONVS, OLYMPIODORVS, SIMPLICIVS, MICHAEL *Ephesus*; sed & latini, vt BOETHIVS, quid quod Arabes, vt AVERRHÖES. quapropter ab aliis peculiari ratione adpellatur *ἐξηγητής*, *explanator*. BARTHOLOMAEVS KECKERMANN² dicit: *in philosophia Peripatetica magnum atq; illustre nomen habuit toto orbe terrarum usque adeo, vt nemo olim Aristotelei nomen consequi potuit, qui Alexandrus non haberetur.*

II. AMMONIVS, præceptor Simplicii, Io. Philoponi, & aliorum. ex ipsius monumentis quædam sunt conseruata atque in lucem edita, quæ huc spectant: *ὑπόμνημα* quippe in categorias Aristotelis, item in librum *περί ἑρμηνείας*, quorum commentariorum editiones, vt & aliorum diligenter recenset FABRICIVS.² interpres hic non tam sancte adhæsit Aristoteli, vt ab eo interdum discedere, sibi duxisset religioni, si, quidem etiam probat Platonis doctrinas, quem cum Aristotele conciliare conatus est. qualem autem interpretem Aristotelis oporteat esse, his verbis, quæ latine tan-

¹ *ant. loco.*

² *bibl. græc. lib. IIII. c. 26. p. 153.*

tum adferamus, tradit: ¹ *qui explicare Aristotelis libros velit, eum decet, neque beneuolentia adductum dare operam, ut falsas sententias defendat, neque eas perinde accipere, ac si ab Apollinis tripode manarent: neque ut quæ vere ac recte dicta sunt pro peruersis per odium capiat, sed incorruptum esse eorum, quæ dicuntur, iudicem, ac primum quidem auctoris debet explicare sententiam, & quæ illi probantur interpretari, deinde de eisdem ferre iudicium; quod monitum haud contemnendum est.*

III. THEMISTIVS, magnus quoque inter Peripateticos philosophus, qui præcipue scriptis, quæ obscuriora videbantur, Aristotelis operam dedit, ut ista per paraphrasim redderet clariora. inter omnia ipsius monumenta eminet paraphrasis in *posteriora analytica*, quam IACOBVS ZABARELLA omnibus aliorum operibus præfert.

III. SIMPLICIVS, Ammonii Hermæ & Damascii discipulus natione Cilix. extat ipsius commentarius in *κατηγορίαις*, qui imprimis elaborauit, sententias tam Aristotelis, quam aliorum, qui ab eo discedunt, diligenter enarrare.

V. IOANNES Philoponus, cuius extat commentarius in *priora analytica & posteriora*, de quo dicit KECKERMANN ² Simplicius eum acerbè nimis insectatur, cum tamen certum sit, Philoponum in logicis commentariis suis Simplicio magis sæpe perspicuum esse &

¹ comment. ad categ. p. 5.

² cit. loc. §. 27.

planiozem. interim systematicum & methodicum etiam nihil in logicis reliquit.

antequam vero hos græcos interpretes Aristotelis dimittamus, non possumus, quin etiam mentionem faciamus PLOTINI, qui doctrinam Aristotelis de prædicamentis censuræ suæ subiecit, ad cuius obiectiones respondit DEXIPPVS, Iamblichi discipulus, libris tribus quæstionum in prædicamenta Aristotelis, libro maxime secundo & tertio.

§. XXIII. Inter latinos interpretes principem locum tenet ANICIUS MANLIUS TORQUATUS SEVERINUS BOETHIUS, scriptor seculo post Christum natum sexto ineunte. scripsit in *Aristotelis categorias*; in librum de *interpretatione*; *analytica priora & posteriora*; in libros *topicorum* & *elenchorum sophisticorum*, item *introductionem ad categoricos syllogismos*, libros duos de *syllogismo categorico*; librum de *diuisione* & alium de *definitione*, nec non libros quatuor de *differentiis topicis*, qui cum aliis Boethii scriptis ad logicam disciplinam spectantibus prodierunt Venetiis MDLVIII. fol. & Parisiis MDX. MDXI. fol. vide IO. ALBERTVM FABRICIVM.² ceterum heic obseruari debet, quod interpretes græci Aristotelis omnibus sint præferendi, quoniam græcæ linguæ, sine qua heic nihil præclari effici potest, erant periti ac sententias Aristotelis percipiendi, largiorem habebant copiam; quum contra latini, posteriores præsertim, Peripateticam doctrinam corruperint vehementer, quia ob incitiam linguæ

¹ *emend.* VI. lib. I.

² *bibl. latin.* lib. III. cap. 15. p. 648.

græcæ ipsum Aristotelem adire haud poterant.

§. XXIII. Sic floruit logica Aristotelis, quam sunt interpretati, minus autem emendarunt nec auxerunt. equidem si multis credimus, hoc quoque temporis tractu disciplinæ hujus facta sunt incrementa. namque laudant & commendant GALENUM, qui non solum Aristotelis libros logicos explanauerit, & opere, quod composuerit *ἀποδείξεις*, omnes ipsius demonstrationes, quæ in libris physices existent, examinauerit; sed etiam scripserit *περὶ αἰετῆς διδασκαλίας*, de optima doctrina contra Fauorinum & alios, qui *κρίτηρον* veritatis tollebant; & adhæc monimentis medicis demonstrauerit satis, quam peritus fuerit artis logicæ. inprimis autem creditur, quod præter tres figuras syllogismi, quas commendauit Aristoteles, quartam adhuc excogitauerit, quæ etiam ab ipsius nomine adpellatur *Galenica*, id quod tradit AVERRHŒS, ¹ cuius fides si pondus quoddam haberet, omnino per hoc GALENVS incrementum quoddam logicæ effecisset. nam quamuis scholastici alique religiosi Aristotelis sectatores hanc quartam figuram reiecerint; ob ieiunas tamen rationes id factum est, quoniam modus ratiocinandi omnino distinctus est a tribus illis figuris, & producit elegantissimas conclusiones, quapropter AVCTOR artis cogitandi ² & ANDREAS RVDIGER ³ iure ac merito ipsi priorem dignitatem restituere elaborarunt. sed tamen alii dubitant, num GALENVS medicus figuræ huius sit auctor,

¹ Lib. I. prior. analyt. c. 8.

² part. III, cap. 8. p. 169.

³ philos. symbet. p. 127, ed. 3.

Nn

quis

quia in ipsius scriptis hac de re nihil deprehendatur, ac modo istam Arabi cuidam, modo Scoto adtribuunt, vide ROETENBECCIUM¹ & IO. CHRISTIANVM LANGIVM.² ceterum non negamus, quod GALENVS artem medendi coniunxerit cum philosophia, prout ex instituto opus quoddam litteris consignauit de eo, ὅτι ἄριστος ἰατρός καὶ φιλόσοφος, quod *optimus medicus sit quoque philosophus.* nec ex ipsius monumentis patet obscure, quod disciplinam logicam coluerit, ac in scriptis Aristotelis versatus sit diligenter, vnde etiam obseruante PETRO PETITO apud AEGIDIUM MENAGIVM³ dicitur a THEMISTIO Ἀριστοτέλης ἐξελασής. quid quod obseruat PETRVS RAMVS,⁴ quod GALENVS Aristoteli haud vnice addictus, ex omnibus optima ac rationi consentanea collegerit atque ea probauerit, quæ sibi viderentur meliora: *itaque, inquit, nulli sectæ se præcipue addixit, neque academicus, neque Aristotelicus, neque Stoicus, neque Epicureus esse voluit; sed electius tantum, ut & singulis eligeret, quæ placerent.*

§. XXV. Præter GALENVM nonnulli quoque inter eos, quibus quædam logicæ incrementa debeantur, referunt PORPHYRIUM. scripsit quippe librum, qui organo Aristotelico vbique præmittitur, περὶ γένους, καὶ ἑίδους, καὶ διαφορᾶς, καὶ ἰδίας, καὶ συμβεβηκότος, vt istum commemorat SVIDAS; BOETHIVS autem cōmentariis suis vocat librum de *generibus, speciebus, differentiis, propriis & accidentibus,*

¹ de modis syllogismorum indirectis sect. III. §. 17. ² nucleos logica Weisian. p. 236. ³ ad Laur. lib. III. segm. 44. p. 208. ⁴ schol. dialect. lib. I. cap. 8. p. 334.

vnde plerumque adpellatur *ἐσαγωγή*, siue libellus *περὶ τῶν πέντε Φωνῶν*, de quinque vocibus, siue de quinque predicabilibus, vniuersalibus, vti dicuntur in scholis. existimant igitur Porphyrium primum esse auctorem horum predicabilium, qua in opinione versatur IACOBVS FRIDERICVS REIMMANNVS; ¹ sed nullo fundamento hæc sententia nititur: nam bene obseruat LVDOVICVS VIVES, ² quod ab Aristotele hæc predicabilia iam tradita sint in topicis. ceterum Porphyrius scripsit quoque in *Aristotelis categoriarum expositionem per interrogationem & responsionem*, quæ edita est; item *commentariorum in categorias libros octo ad Gedalium*, quos commemorat SIMPLICIVS; BOETHIO autem memoriam debemus *expositionis libri Aristotelis de interpretatione*; & *commentariorum in Theophrasti librum de affirmatione & negatione*: confer LVCAM HOLSTENIVM ³ & IO. ALBERTVM FABRICIVM. ⁴

§. XXVI. Sunt quoque, qui quosdam ecclesiæ doctores, quos dicunt patres, veluti cultores logicæ speciatim nominant, ac primum quidem AVGVSTINVM, qui non solum libros ad dialecticam spectantes scripserit; sed & Cresconium grammaticum logicæ hostem, & academicos confutauerit. hinc BARTHOLOMAEVS KECKERMANN ⁵ dicit: *is ut omnium post apostolorum tempora theologorum præstantissimus habetur, ita logicus etiam (nemo enim vnquam magnus theologus, cui logica*

¹ I Geschichte-Calender der Logik p. 24. ² lib. III. de corrupt. art. ³ de vita & scriptis Porphyrii cap. VII. ⁴ bibliothec. græca lib. IIII. cap. 27. ⁵ loc. citat. §. 24.

non est magna) fuit præstans profecto & excellens. vix XX. annorum iuuenis Aristotelis categorias exposuit publice, nec vnquam tota sua vita logicam desit magnificere. hinc passim multa logica præcepta inspergit, passim logicam laudibus deprædicat summis. cui adiungunt HIERONYMVM, qui hanc disciplinam quoque magnis adficiat laudibus, ac de se ipse testetur, quod fuerit philosophus, rhetor, dialecticus, ebraeus, græcus, latinus, trilinguis: ¹ sic & tradit, ² se vertisse latine commentarios ALEXANDRI Aphrodisiensis in scripta logica Aristotelis, cuius verba adfert etiam RVFINVS contra Hieronymum disputans: frustra ergo Alexandri verti commentarios, ne quidquam me doctus magister per ἱεραγωγὴν duxit in logicam. idem RVFINVS: sic tibi Alexandri tui commentarii profuere, sic Porphyrii ἱεραγωγὴ? at vero si monumenta horum ecclesiæ doctorum aliorumque euoluamus diligenter, animum aduertentes ad eorum rationem tractandi proponendique materias; aliquid probandi, efficiendi conclusiones, errores confutandi, quæ omnia sine ope logicæ haud accurate fieri possunt; obseruabimus sane, artis cogitandi studia apud illos non adeo floruisse, quos maiori cura declamandi facultatem interdum sectatos esse, constat. ex quibus efficimus conclusionem; hæc christianorum sacrorumque cœtuum capita litteras logicæ aut plane non coluisse, aut quod maiorem præ se habet veritatem, a magistris eiusmodi dialecticæ præcepta hausisse, quæ nullam

¹ apolog. adversus Rufin.

² epistol. XXXII. ad Domnienum.

vim ad cogitationes rite formandas ac proponendas habuerint. pro qua temporis illius ratione, pro qua logicæ fortuna illius ætatis haud mirum est, quod hi doctores non distincte, nec ordinate omnia disposuerint; quod regulas, quibus ratiocinatio nititur, haud semper obseruauerint, ac interdum ieunas effecerint conclusiones attulerintque rationes. mirum autem est, quod nostra ætate sint, quum laudem in eo ponant, vt hisce doctoribus multa errorum genera exprobrent, discrimen studii logicæ illa & nostra ætate menti suæ haud proponunt. etenim si viri hi nostro vixissent tempore, quo ratio litterarum est expedita, quoue cogitandi ars præclare culta ac in maius meliusque prouecta, non dubitaremus, quin multo meliora effecissent, etiam errores, quos aduersus genuinæ logicæ præcepta admiserunt, editassent. illorum quidem institutum haud probare possumus, qui nimio erga tales doctores amore occupati, illos contra quasuis adcusationes defendere, ac veluti errorum immunes habere sustinent; sed mediam tenere viam, optimum esse existimamus. sic pro veritatis amplificandæ tuendæque dignitate decet, errores modeste obseruare; pro bona mente autem, quæ viris his inerat, illos magis excusare, quam perstringere. quod speciatim ad AVGVSTINVM adinet, libri dialecticæ, qui ipsi adtribuuntur, haud genuini sunt fetus.

LIBRI II.
DE
PROGRESSV AC FATIS
LOGICAE.

CAPITIS I.
DE
PROGRESSV AC FATIS AR-
TIS LOGICAE GENERATIM PER
VARIOS AVCTORES.

SECTIO II.
AETATE MEDIA.

ΣΤΝΟΨΙΣ.

*Dicendorum summa §. I. De Io. Damasceno, Mich.
Psello, Georg. Pachymerio eorumque scriptis
logicis §. II. De dialectica Arabum §. III. IIII.
Iudaeorum §. V. VI. VII. Scholasticorum §.
VIII. VIII. X. XI. XII. Raymundi Lullii
§. XIII. XIII.*

§. I.

Disputauimus igitur de progressu ac fati-
s logicæ ætate verustiori, ita ut historiam hanc
a tempore Platonis vsque ad sextum seculum
post reparatam generis humani salutem per-
fecerimus. qua operis parte ad finem perdu-
cta, nos conuertamus ad ætatem mediam, qua
inprimis doctores illi, quos dicunt scholasti-
cos, capita sua extollebant, ac fere summam
imperii tenebant philosophici.

§. II. Antequam vero ad historiam logi-
cæ

cæ scholasticorum adgrediamur, breuiter ea, quæ ante illorum ætatem in hac disciplina sint acta, attingere, muneris nostri esse censemus.

10. igitur DAMASCENVS scripsit opus de *dialectica*, quo ingenium quidem philosophia Aristotelis excultrum demonstrauit; ipsam autem artem nouis bonarum meditationum accessionibus haud iuuauit nec amplificauit. inter græcos Aristotelis interpretes locum quoque tenet MICHAEL PSELLVS; iunior, qui vt veterum philosophorum monumenta diligenter euoluit, cuius rei documento sunt ipsius liber *περὶ ἑνεργεῖας Δαιμόνων*, de *operatione demonum*; item *expositio in oracula chaldaica*; sic operam quoque suam in doctrinarum Aristotelis cognitione locandam esse putauit.

LEO ALLATIUS¹ commemorat Pselli huius *paraphrasin in Aristotelis librum περὶ ἑρμηνείας*, de *interpretatione*; nec non compendium in quinque voces Porphyrii sive Aristotelis *prædicamenta*; introductionem in sex philosophiæ modos; 10. ALBERTVS FABRICIVS autem, qui hanc diatriben LEONIS ALLATII bibliotheca sua græca recudi curauit & animaduersionibus illustrauit auxitque,

obseruat² adhuc Pselli huius *σύνοψιν εἰς τὴν Ἀριστοτέλους λογικὴν*, quam edidit græce & latine ELIAS EHINGERVS, distributam in quinque libros, monens, quod PETRI HISPANII summula ex hoc Pselli opere sit petita, id quod etiam BARTHOLOMÆVS KECKERMANN³ significauit. addunt quoque GEORGIVM PACHYMERIVM, qui philosophiæ

¹ diatr. de Psellis §. XXXV l. ² pag. 35. ³ citat. loc. §. 29.

Aristotelis perfecit epitomen, cuius inter alia hoc laudari solet pronunciatum: ἡ δὲν συμβεβηκὸς ἰστίαν ἀνεργάζεται, quod magnam utilitatem adferre in *disputatione de operibus artificialibus, an sint referenda ad ordines substantiarum, an vero ad qualitatuum categoriam*, dicit KECKERMANNVS: confer LEONEM ALLATIVM.¹ & DANIELEM GEORGIVM MORHOFIVM.²

¶ 6. III. Quum hac tempestate philosophiæ studia apud Arabes floruisse videantur, paucis quoque attingamus, quæ ratio fuerit dialecticæ in hac gente, quo in momento IO. PETER LUDOVICVS³ nobis clarissimum lumen præfert. scilicet observat, quod Arabes coluerint græcam linguam, ac philosophia e Græcia migraverit in Arabiam; quibus expositis, varios commemorat dialecticæ laude extellentes. atqui huc refert principem dialecticorum IACOBVM ALCENDIVM, de quo ABULFARAIUS:⁴ *Iacobus vero medicina, philosophia, arithmetica, dialectica, musica, geometria & Astronomia peritus fuit, ac in plerisque harum scientiarum libros celebres & tractatus longos composuit: nec fuit inter Muhamedanos, qui philosophia studio adeo claruit, ut philosophus nominaretur, præter istum Iacobum*; item eo parum inferiorem KOSTAM, THABET, scriptorem dialecticæ; MATTHAEVM, filium Yunesi, adpellatum ob excellentem artis hujus scientiam *dialecticum*; ALPHARABIVM, & ut de multis aliis tacea-

¹ *Attrib. de claris Georgii p. 366.* ² *polyhist. tom. II. lib. I. cap. 9. §. 9.* ³ *hister. ration. philos. apud Turcas.* ⁴ *dynast. VIII. p. 179.*

mus, quos recenset, etiam AVICENNAM & AVERRHÖEM, notissimos scriptores. ille, cuius nomen rectius scribitur ABU ALI AL-CHASIN IBN ABDALLA IBN SINA, vide NICOLAVM ANTONIVM, ¹ credidit, diuinitus ipsi datam fuisse scientiam logicæ, siquidem apud ABULFARABIUM ² de se ipso dicit: *deinde per sesquiannum libris legendis sedulo incubui. & quoties aliqua in questione perplexus essem, aut medium syllogismi terminum non inuenirem; ad templum me recepi & ad omnium creatorem preces supplex effudi, donec aperiretur mihi in eo, quod abstrusum & conditum erat. noctu domum meam reuersus, lucerna coram me posita, legendo & scribendo operam dedi; & quandoque inuasit me somnus, aut debilitatem aliquam sensi, acceptum vini poculum bibi, donec ad me redirent vires; deinde ad legendum reuersus sum. quodsi me occuparet vel leuissimus somnus, de ipsis illis questionibus somniabam adeo, ut multarum ex ipsis rationes mihi per insomnia notæ factæ fuerint, nec ita facere destiti, donec solidam dialecticæ & physices cognitionem acquisiuissem: de cuius scriptis, in quibus etiam logica est, videre possumus LEONEM AFRICANVM, ³ IO. HENRICVM HOTTINGERV, ⁴ PETR. DANIEL. HVETIVM ⁵ aliosque, quos collegit clarissimus IO. CHR. WOLFIUS ⁶. AVERRHÖES autem, siue rectius AVENRVSHD,*

¹ bibl. hispan. vet. tom. II. p. 6. ² dynast. VIII. pag. 230.

³ de viris quibusd. illustrib. apud Arabes p. 260. Hottinger. biblioth. quadrupart.

⁴ hist. ecclæs. secul. XI. p. 461. & analect. p. 295.

⁵ de clar. interpret. p. 228.

⁶ bibl. Ebr. p. 11.

Cordubensis, philosophus & medicus celebris fuit, qui ut Aristoteli maxime erat consecratus; ita quoque in ipsius scripta logica composuit commentarios, in categorías, de interpretatione, in priora & posteriora analytica, topica, item isagogen Porphyrii; nec non introductionem in logicam Aristotelis, de quo pluribus legere possumus NICOLAVM ANTONIVM, ¹ PETR. BAELIVM, ² BARTH. HERBELOTVM, ³ IO. HENRIC. HOTTINGERVM. ⁴ præter hos clarus est fama nominis ABV ACHMED ALGAZALI, qui scripsit etiam logicam, translata in linguam ebræorum, item *destructionem philosophorum*, cui AVERRHŌES opposuit *destructionem destructionis*, de quo videas LEONEM AFRICANVM ⁵ & POCCOCKIVM ⁶ aliosque.

§. III. Ut autem pateat, quæ ratio logicæ fuerit apud Arabes, non ab re erit, breuiter de ipsorum philosophia edisserere generatim. erant primum inter Arabes Muhammedanos christiani, græcæ philosophiæ periti, ac quamvis plura essent impedimenta, quo minus & Arabes Muhammedani scientiæ huius & græcæ linguæ fierent participes; ista tamen sensim ac sensim fuerunt remota, ac litteræ hæ benignius sunt susceptæ. id quod in primis sub *Al-Mamone* chaliphâ accidit, qui ipse litteris doctus erat, teste ELMACINO; ⁷ *didicerat*, inquit, *egregie astronomiam Almiamon, & ventorum stationes. unde & inter peritos huius scientiæ*

¹ bibl. Hisp. vet. tom. II. p. 240.

² dictionar. hist. p. 414.

³ bibl. orient. variis locis.

⁴ bibl. quadrup. p. 272.

⁵ apud

Hottinger. bibl. quadr. p. 262.

⁶ ad portam Mafsi p. 118.

⁷ hister. Saracen. lib. II. cap. 8.

etiam

etiam nunc notus est ventus Almamonis; atque homines græcorum philosophiæ addictos magnis adiciebat beneficiis, vti scribit I O. GRAVIVS: ¹ Almamon septimus in Abbasidarum familia Califa inter maximos principes ob doctrinam & insignem in viros eruditos munificentiam, iure celebrandus. is fuit, qui accersitis undique hominibus eruditione illustribus & emtis e græcorum bibliothecis libris præstantissimis, eisque in Arabicam linguam traductis, breui bonas artes apud Arabes prius armis magis, quam litteris addictos ad summum fastigium perduxit. cuius auspiciis debemus, quod adhuc multi e priscis Græciæ sapientibus, de quibus iamdiu inter ipsos Græcos conclamatum est, inter Arabes supersint. nec non magnum librorum adparatum ex Græciâ imprimis colligendum, & multos in arabicam linguam transferendos curavit. hinc LEO AFRICANVS ² dicit: tunc Mamon desiderio immortalis desiderabat intelligere antiquorum scientias, quoniam tunc nulla erat scientia arabice descripta; adeoque dictus Mamon congregavit ingentem numerum doctorum diuersarum linguarum & interrogavit auctorum nomina atque librorum, quæ scripta fuerunt in artibus lingua Græca, Persica, Chaldaea, atque Aegyptia, adeoque multa eorum nominata sunt volumina. misit tunc multos ex familiaribus suis in Syriam, Armeniam, atque Aegyptum, ut illos emerent libros, de quibus sarcinas infinitas & tulerunt & conduxerunt. tunc segregati sunt boni & utiles, sicut in medicina, in physica, in astronomia, in

¹ præfatione ad tabulas geograph. Abulfeda Ismaëli princip. Ham. p. 6. ² apud Hottinger. biblioth. quadrupartito. p. 248.

musica,

*musica, in cosmographia, & chronica descriptis
 & posuit supra traductionem linguae graecae Io-
 annem, filium Mesuah prae dictum, quoniam in
 illo tempore christicola graecis studebant litteris.
 posuit etiam supra traductionem graecam alios
 quam plures sub eodem Ioanne, & supra lin-
 guam Persicam Mahan, dictumque Mesuah, qui
 traduxerunt librum Galeni in medicina; post
 quae omnia opera Aristotelis arabice traduxe-
 runt, multis etiam aliis magistris auxiliantibus.
 sic cognoscimus ex hisce verbis, quod in his
 libris fuerint quoque opera Aristotelis, quae
 tum in arabicam linguam sint translata, quod
 quum acciderit tempore Almamonis, cuius
 aetas spectat ad annum Christi 1000. Aui-
 cenna vero & Auerrhoës post annum milesi-
 mum a nato seruatore nostro clari extiterint,
 inde quoque colligere possumus; quod his
 viris gloria translatae graecae philosophiae in
 arabicum sermonem haud vindicanda sit. at-
 qui hac ratione Arabes addicebant sese philo-
 sophiae Aristotelis, in qua cognoscenda, ex-
 plicanda atque illustranda summam colloca-
 bant operam, id quod simul significat nobis,
 quam coluerint logicam. sequi scilicet prae-
 cepta Aristotelis elaborabant, praecipue Auin-
 cenna & Auerrhoës, qui magnis quidem stu-
 diis erga philosophum hunc trahebantur, si
 modo veras Aristotelis sententias adsequi po-
 tuissent. etenim neque rerum philosophiae;
 neque graecorum linguae cognitionem tene-
 bant, qua inscitia occupati in interpretationi-
 bus haud felices progressus facere poterant,
 quid quod genuinam Aristotelis doctrinam
 perturbabant maxime. CAELIVS RHODI-
 GIVS*

GINVS ¹ de AVERRHÖE scribit: *cur commentator (Auerrhoës) tam saepe ab Aristotelis sui sententia videatur deuius, inde factum volunt, quod is in Hispania natus & Arabum idiomate imbutus, quum græcæ litteraturæ ne apices quidem imbibisset, Aristotelis libros in barbarum sonum non translato quidem, sed mutilatos, decurtatos peruersosque quum legeret, in iis, quæ altioris sunt scientiæ & interioris sensus, auctorem eminentissimum studio breuitatis ita saepe concisum, ut sensuum acuminæ sudantes philosophos distineant diu multumque, minus minusque consequi valuit: in primis autem studia hæc, quibus Arabes Aristotelem sunt sectati, ac bonas philosophiæ litteras in discrimen adduxerunt, magno dolore conqueritur* LVDOVICVS VIVES. ² quum igitur Aristotelem ducem suum eligerent, illi præcipue philosophiæ parti operam dederunt, quæ dicitur λογική, ita ut verborum studiosi essent maxime; de cognoscenda autem ipsarum rerum indole parum solliciti. quapropter periti siue domini sapientiæ verborum; passim quoque דיבורי vocantur, qua de re conferre possumus IO. HENR. HOTTINGERVM ³ & POOCKIUM; ⁴ ADAMVS TRIBBECHOVIVS ⁵ autem quum præcipua philosophiæ arabicæ momenta exposuerit, hæc addit: *ex hac philosophandi ratione tria potissimum consecuta, ut scilicet omnia terminis & conscriptis notionibus suis inuoluerent, tum quoque certis his consequentiis & principiis qualibet demon-*

¹ lect. antiqu. lib. III. c. 2. ² de corrupt. artib. lib. V.

³ histor. orient. lib. II. cap. 7. ⁴ not. ad Abulfarai. p. 194.

⁵ de doctoribus scholasticis, cap. III. p. 124.

strarent,

strarent, deinde vero hac ratiociniorum trutina in utramque partem res ipsas expenderent. de AVERRHÖE & AVICENNA adhuc legi potest IAC. GADDIVS. ¹

§. V. Sic logicæ fata in Arabum gente duriora fuerunt, quum Aristotelem, cuius doctrinam sequi instituebant, haud intelligerent & adhuc multa erronea atque inutilia adderent. ceterum hoc philosophiæ genus *Arabico-Aristotelicum* multis Iudæis in Africa & Hispania degentibus sese probavit, qui excitati ad litteras philosophiæ colendas mentes contulerunt. alii scribebant observationes in scripturas diuinas; alii studio talmudis sese tradebant; alii inquirebant in res absconditas artis kabbalisticæ; alii autem in philosophia Aristotelica locabant operam suam, vide IO. FRANCISCVM BVDDEV. ² quam diligenter in philosophia Aristotelis sint versati, ex multis constat ducumentis, siquidem non solum libros philosophi huius, atque Arabum ad sapientiæ huius studia spectantes in linguam transtulerunt ebræam; sed & commentariis atque adnotationibus illustrarunt, quorum auctorum notitiam petere possumus ex IVLIO BARTOLOCCIO, ³ IO. HENRICO HOTTINGERO, ⁴ IO. BVXTORFIO, ⁵ IO. IVLIO STRVVIO, ⁶ IO. FRANCISCO BVDDEO, ⁷ IO. CHR. WOLFIO. ⁸ vt & hæc momenta attingamus, ac fata logicæ inter ebræos hac tempestate illustremus, libros ac

¹ de scriptoribus non ecclesiasticis, tom. I. p. 50. seqq. ² introd. ad histor. phil. Ebr. p. 169. ed. 2. ³ bibl. rabbinic. tom. I. p. 480. seqq. ⁴ bibl. orient. cap. I. class. XI. p. 47. ⁵ bibl. rabbinic. p. 64. ⁶ rudim. logic. Ebraor. p. 10. ⁷ cit. loco p. 201. ⁸ bibl. Ebr. passim.

scriptores huc spectantes ea, qua decet breuitate, recensere instituamus. primum igitur fuerunt, qui scripta logica Aristotelis verterunt. sic testatur BARTOLOCCIVS, exstare MSS.

המאמרות 'ס *librum categoriarum*, interprete ignoto in B. Vatican. 4.

המליצה 'ס *de interpretatione*, interprete anonymo in B. Vrbinat. 4.

ההקש 'ס *librum analyticorum* per anonymum in B. Vatican. 4.

המופת 'ס *librum topicorum*. ibid.

ERPENIVS, vt patet ex catalogo ipsius librorum manu exaratorum, habuit *logicam Aristotelis cum isagoge Porphyrii & quibusdam commentatoribus arabicis lingua hebraica*. 4t. LAMBECIVS¹ autem recenset codicem Tegnagelium, quo continentur compendium logicæ Maimonidæ: Porphyrii isagoge in quinque voces cum expositione Auerrhois: categoriæ Aristotelis cum commentariis Auerrhois; Abu Nezar Alpharabi, philosophi arabis de syllogismo demonstratiuo lib. I. & II. cum commentariis Auerrhois, quæ omnia a R. IACOB. fil. Simson ANTOLI Hispano conuersa sunt, qui vixit seculo XIII. necnon MAIMONIDES testatur epistola ad R. Iehudam Aben Tibbon, quod R. ISAAC filius CHONAIM scripta Aristotelis verterit, quamuis nondum ex eo sit apertum, num in logica quoque monimenta eandem contulerit diligentiam.

§. VI. Non solum autem ipsa scripta Aristotelis; sed & Arabum commentarios, quibus philosophum hunc illustrare elaborauerant,

¹ tom. I. commentar. Vindebonenf. p. 183.

ac libros logicos transtulerunt Iudæi in linguam suam.

AVICENNÆ opera, quæ etiam logicam complectuntur, a MAIMONIDE, ut titulus fert, hebraice conuersa Bononiæ ostendi, testis est HERNHARD. de MONTFAUCON. ¹

AVERRHOIS scripta logica hebraico sermone exposita, quæ ad illustrandum Aristotelem pertinent, diligenter commemorat IO. CHR. WOLFIUS. ²

ABU ACHMED ALGAZALI, philosophus arabs scripsit logicam, quæ cum commentariis MOSIS *Narbonensis* hebraice extat manuscripta in bibliotheca Bodleiana. ³ WOLFIUS ⁴ clarissimus putat, hanc logicam eandem esse cum *מורה נבוכים de utilitate logica*, in quem tractatum magister VITALIS TOLOSANVS commentarios scripsit, hebraice a R. MOSE *ben Iosua Narbonensis* translatos, qui manu exarati cum scholiis exstant in bibliotheca Vaticana.

ABUNASAR ALPHARABI, magnus inter Arabes philosophus habitus, atque in primis a Maimonide probatus. hic scripsit librum de *elenchis sophisticis* constantem partibus tribus, quarum prima introductionem; secunda fallacias in dictione & tertia fallacias extra dictionem tradit: atqui hoc opus hebraice manu scriptum extat in bibliotheca Vaticana, ut de aliis taceamus.

§. VII. Verum Hebræi in eo adhuc posuerunt operam suam, ut & ipsi conscriberent logicas, quas a voce *חנה* *meditari*, plerumque

¹ cap. XXVII. p. 402. *diarii Italic.* ² *bibl. hebr. p. 18.*

³ vide catalogum illius n. 3720. ⁴ *bibl. hebraea p. 3. n. 6.*

יוני vocant, quia præcipue ad meditationem spectare debent. quo pertinent

R. ABRAHAM f. MEIR ABEN ESRA, qui seculo XII. post natum Christum vixit, atque cum inter iudæos, tum alios magnam consecutus est auctoritatem, siquidem illi κατ' ἐξοχήν יוני ipsum adpellant; a BARTOLOCCIO¹ autem vocatur *excellens philosophus, astronomus, medicus, poëta, grammaticus, kabbalista & S. Scripturæ famosus interpres*. ipsius יוני 'o liber logices manu conscriptus reperitur in bibliotheca Vaticana.

ELIAS BESCHITZI, *Kareus filius Mosis*, qui CPoli vixit, vnde & *Byzantini* adpellationem accepit, seculo XV. inclinante, cuius logicam illam, quæ in catalogo bibliothecæ Leidensis² recensetur, esse suspicatur WOLFIVS.³

R. IOSEPH f. GASPI seculo XIII. clarus, cuius logicam manuscriptam commemorat HOTTINGERVS;⁴ & WOLFIVS⁵ tradit, esse commentarium in X. prædicamenta Aristotelis.

R. LEVI filius GERSCHOM siue *Gerson*, qui philosophiæ Aristotelis consecratus erat, variis erroribus de æternitate mundi deque naturali diuinationum dono occupatus. BVXTORFIVS⁶ commemorat ipsius logicam Venetiis editam, quem sequitur IO. IVLIVS STRVVIVS;⁷ rectius autem WOLFIVS⁸ monet, illum scripsisse expo-

¹ *biblioth. rabbinic. tom. I p. 36.* ² *p. 289. n. 54.* ³ *cit. loc. p. 150.* ⁴ *ibid. orient. p. 47.* ⁵ *cit. loc. p. 543.*
⁶ *biblioth. rabbin. p. 64.* ⁷ *rudim. logic. Ebr. p. 11.* ⁸ *cit. loc. p. 729.*

sitionem breuem in Auerrhoë in logicam, siue X. prædicamenta Aristotelis, libros de interpretatione, analyticorum, de syllogismo, quod opus MS. extet in bibl. Vrbinat. ut adeo BVXTORFIVS per logicam Venetiis editam sine dubio intelligat eius notas in Auerrhois expositionem Aristotelis Venet. MDLII. lat. edit. 4.

R. MOSES filius MAIMON, qui Cordubæ in Hispania anno Christi MCXXXI. natus, & magnam ingenii atque doctrinæ laudem sibi peperit, præcipue quum & litteris philosophiæ operatus sit diligenter. certe in monumentis suis mentionem facit Aristotelis, Platonis, Galeni, Themistii, atque aliorum & ipse præfatione mischnæ testatur, quod *perlegerit omnes libros philosophicos.* sic libro, qui inscriptionem habet *doctoris perplexorum* multa attingit argumenta philosophica, atque Aristotelis Arabumque vestigia præmit, etiam more Aristotelicorum docet, ad sublimem rerum diuinarum notitiam nemini patere aditum, nisi in logica ac metaphysica probe animum atque ingenium exercuerit. RICHARD SIMON¹ de philosophia huius doctoris ita censet: *Rabbi Moses cognomine Maimonides seu Maimonis filius magnam existimationem sibi peperit, nedum apud Iudeos, sed & apud Christianos, qui in suis operibus vnum ex eius libris, cui titulus: moreh neuochim, frequenter citant. huius auctoris præcipuus scopus est, quæ in scripturis difficillima insunt, elucidare omniaque æquivoca in iisdem occurrentia tol-*

¹ *bisler. crit. veteris testamenti lib. III. cap. 4.*

lere. plurimi Iudaei in methodum eius illico insurrexerunt, & hoc scriptum damnant, quia suo ratiocinandi more gentis suae patrum traditionem euertere videbatur: ac sane R. Moses philosophum censerini nimis affectavit, ac quoddam ex Aristotelis & scripturae principiis miscellaneum parauit, quod omnium palato sapere non potest. eius metaphysica nimium subtilis est, & in sua plurimarum ebraicarum vocum genuinae significationis investigatione satis peritus grammaticus non videtur. praeterea fere semper quaestiones decedit ex propriis praedudiciis, quae quidem religionis, quam profitebatur, axiomatibus quandoque conformia sunt; sed saepius etiam accredit, ut Arabum philosophorum, quorum libros euoluerat, opinionibus mens eius imbuta sit. inter alia scripsit quoque logicam, quae in quatuor & decem capita distincta & manu exarata exstat in bibliotheca Vaticana, ubi etiam reperiri compendium eiusdem a R. MOSE ben TIBBON, qui floruit anno Christi MCCLXX. sub inscriptione: ספר לוגיקה *opus logicum*, testatur BARTOLOCCIVS, quale compendium logicum etiam deprehenditur in bibliotheca Vindobonensi, ut cognoscimus ex NESSELIO. ¹ extat adhuc opus quoddam sub titulo: ספר לוגיקה, *de distinctionibus logicis*, quod Maimonidi tribuitur, cum duplici commentario utroque אדונינו editum Venet. anno Chr. MDL. Cremonae MDL. & MDLXIII. quem postremum librum ספר לוגיקה a logica illa & compendio

¹ catal. n. 71.

logices distinguit BARTOLOCCIUS. sed clarissimus WOLFIVS¹ merito suspicatur, esse vnum eundemque librum, quia & ille in XIII. capita distinctus sit, quibus *logica* illa absolui dicatur; *compendium* vero, quod dicitur מלות הגיון ex titulo ipso מלות הגיון videtur ei adpellatum. BVXTORFIVS,² HOTTINGERVUS,³ STRVVIVS⁴ commemorant *logicam* R. SCHIMEONIS, quæ latine versa & punctis vocalibus illustrata a Munstero & excusa Basileæ per Frobenium prodierit anno MDXXVII. sed RICHARD SIMON⁵ probat, logicam illam esse Maimonidæ, quod obseruat quoque WOLFIVS.⁶

Atqui hæc sufficiant. quæ omnia aperte significant, magna quidem fuisse auctoritatem Aristotelem in gente ebræa; minus autem prosperiora logicæ fata. etenim sequebantur Arabes, qui ipsi Aristotelem haud intelligebant, & præcepta rationis cum scripturis sacris ac traditionibus adeoque summa imis permiscebant; quin etiam corruptis affectibus, qui prauas gignebant opinioniones, trahebantur. quam infelicitè interdum peripateticam philosophiam coniunxerint cum diuinis oraculis, MAIMONIDES suo exemplo demonstrare potest. de verbis enim MOSIS⁷ disputans: *Et sub pedibus eius erat velut opus albedinis lapidis sapphiri*, ista interpretatur de materia prima Aristotelicorum: ⁸ *dico ergo, inquit, sub pedibus*

¹ cit. loc. p. 862. ² *biblioth. rabbinic.* p. 64. ³ *bibl. orient.* p. 47. ⁴ *rudiments. log. Ebr.* p. 11. ⁵ *biblioth. critic.* tom. IV. p. 48. ⁶ cit. loco p. 863. ⁷ *Exod. XXIII. 10.*
⁸ *mor. menoch. p. I. c. 28.*

ejus, idem esse ac ex causa ipsius, hoc est per eum & propter eum, sicut explicuimus. quod autem apprehenderunt, fuit ipsa materia prima, quæ est a Deo benedicto (immediate scilicet) cuiusque ipse causa est efficiens. nam obseruandum est, quod dicat, sicut opus albedinis sapphiri: si enim voluisset denotare colorem vel speciem externam, simpliciter dixisset, sicut albedo sapphiri. verum addit, sicut opus, quia materia, ut nosti, natura sua semper recipit formas & patitur, nunquam vero agit, nisi per accidens, sicut forma semper agit per se, nunquam autem patitur, nisi per accidens, quemadmodum ista in libris physicorum explicantur. ex quo modo tractandi philosophiam, facile cognoscere possumus, quæ fortuna logicæ fuerit apud illos, quæ vsu genuino rationis humanæ, solido atque vnico fundamento nititur. de logicis talmudicis, quas vocant, heic nihil additnet dicere, de quibus si in censum horum librorum verius venirent, supra fuisset disferendum: ceterum videre possumus IO. HENR. HOTTINGERVMI & IO. IVLIVM STRVVIVM, cuius *rudimenta logica Hebraeorum* rationem argumentandi talmudicam exponunt, inprimis ex libro *Halichoth Olam*.

§. VIII. Quum Saraceni gens arabica magnam Africæ partem occupassent, & in Hispaniam transissent, hac ratione philosophiam arabico-Aristotelicam intulerunt in Europam, ac fundamentum *philosophiæ scholasticorum* posuerunt, solent tres classes scholasticorum

¹ bibl. orient. p. 13.

constitui. prima incipit a RVCELINO, vel
 vt alii putant a PETRO LOMBARDO, atque
 extendit sese vsque ad tempora ALBERTI
magni, qui ingenio nituit circa medium seculi
 XIII. secunda ætas deducitur ab ALBERTO
magno vsque ad DVRANDVM de *S. Portiano*,
 id est initium seculi XIII. qua ætate præcipue
 THOMAS de AQUINO, IO. DVNS SCOTVS
 famam sibi adquisuerunt. tertia ætas, quæ
 durauit vsque ad Christianæ doctrinæ refor-
 mationem, inprimis tulit GVILIELMVM OC-
 CAM & GABRIEL. BIEL, quas ætates con-
 stituit ALSTEDIVS, ¹ quod iam ante eum
 quoque fecit DANÆVS, ² & in quas accu-
 ratius inquiri IACOBVS THOMASIVS. ³ qui
 obseruat, quod si historiam scholasticorum a
 RVCELINO, cuius ætas incidat in annum
 MXCIII, vsque ad reformationem deduca-
 mus, hæc scholastica doctrina complectatur
 quatuor secula cum vno fere quadrante;
 quamuis aliter sit pronunciandum de illis, qui
 theologiæ scholasticæ originem deriuant a
 LANFRANCO, quippe qui ABELARDVM,
 discipulum RVCELINI, integro seculo ante-
 cessit. nec de his ætatibus omnibus vna eadem-
 que sententia est, ac inprimis disputant de pri-
 ma origine atque auctore philosophiæ ac
 theologiæ scholasticæ. alii hanc gloriam vin-
 dicant LANFRANCO; alii PETRO LOMBAR-
 DO, in quibus est ADAMVS TRIBBECHO-
 VIVS; alii ABELARDO, item RVCELINO;
 & IACOBVS THOMASIVS ⁴ existimat, RV-

¹ thesaur. chronolog. ² prolegom. in lib. I. Lombardi.

³ de doct. scholasticis, §. XIII seqq. ⁴ disp. de doct. scholasticis.

CELINVM esse auctorem philosophiæ scholasticæ; ABELARDVM vero theologiæ scholasticæ, quamvis ipsius discipulus PETRVS LOMBARDVVS maiorem nominis famam magistro suo fuerit adsecutus. quam controuersiam componere, ac quæ vera sit sententia, declarare, res omnino ardua est, inprimis quum ista quæstio, de qua disputant, varia ratione potest considerari. quod si enim respiciamus adpellationem & vocem *scholastici*, illius vsus iam ante frequens fuit, qua æuo medio significabant hominem litteris ac bonis artibus excellentem; posthac præcipue virum, qui doctoris ac professoris munereungebatur, qualis persona eo tempore lumen quoddam orbis eruditi habebatur, ut CHR. AVGVSTVS HERMANNVS¹ obseruat. si autem ad rem ipsam aduertamus animum, omnino discrimen inter philosophiam & theologiam scholasticorum ponere debemus, ac ratione philosophiæ respicere modum, quo ista ad exemplum Arabum culta fuerit; ratione theologiæ autem prima studia, quibus istam non solum publice sunt professi, sed &, quod princeps est momentum, ieiunam, aridam, inutilem, etiam impiam philosophiam coniunxerint cum ista, quorum quis primus fuerit, propter inopiam monumentorum historicorum definiri haud potest. ceterum si quæstionem ita ponamus, quis primus singulari studio & applausu ita genus hoc litterarum, præcipue theologiæ tractauerit, vt clarissimum nomen a se dederit; magna veri specie gloriam istam meretur LOMBARDVVS, qui facile celebritatem Abelardo

¹ *prof. ad Tribbeck, tr. de doctrin. scholasticæ.*

magistro suo præripere poterat, quoniam ille nomine *hereticarum opinionum* suspectus erat.

§. VIII. Quod speciatim ad scholasticorum dialecticam adtinet, illius historiam distincte tradere possumus, si primum auctores, qui in hac disciplina sunt versati; posthac autem ipsam rationem dialecticæ scholasticæ commemoramus atque exponimus. ex scholasticis igitur philosophiæ, etiam dialecticæ operati sunt

10. RUCELINVS, quem alii scribunt ROSCELINVM, & Henricus Gandauensis¹ RVZCELMVM, quod & rectius fieri, existimat IACOBVS THOMASIVS.² traditur primus nominalis, aut nominalis doctrinæ in logica Aristotelis inuentor: hinc OTTO Frisingensis³ dicit: *habuit* (Abelardus) *primo præceptorem Rozelinum quemdam, qui primus nostris temporibus in logica sententiam vocum instituit; & intelligit per sententiam vocum doctrinam nominalium.* noti quoque sunt versus in Rucelini doctrinam, qui leguntur apud AVENTINVM:⁴

*quas Ruceline doces, non vult dialectica
voces,*

*iamque docens de se non vult in vocibus
esse,*

res amat, in rebus cunctis vult esse diebus.

PETRVS ABELARDVS, Rucelini discipulus, qui philosophiæ laude clarus fuit, hinc Io. Sarisberienfis passim eum vocat nomine *Petripatetici Palatini*, quoniam sequebatur

¹ cap. V. de scriptorib. ecclesiast. part. I. eccles. bibl. Mirai p. 163.

² de doctoribus scholast. §. 6.

³ de gestu Friderici Barbarossa lib. I.

cap. 47.

⁴ lib. VI. annal. p. 498.

Aristotelem & in monte Genouefa, vbi erat insigne palatium, docebat, vide IACOBVM THOMASIVM. ¹ dialecticam quoque coluit, vnde ipsum dictum esse *dialecticum*, testatur HORNIVS. ² vitam eius exposuit nominatus THOMASIVS. ³

ALBERTVS *magnus*, qui philosophiæ Aristotelicæ maxime deditus erat, adeo vt adpellatus fuerit *Simia Aristotelis*: hinc dicit LANGIVS: ⁴ ob amplitudinem omnifariæ doctrinæ magnus dictus, fuit in omni philosophia peripatetica peritissimus. hinc & a plebisque simia Aristotelis adpellatus est, qui & nimium vino secularis scientiæ ebriatus sapientiam humanam, ne dicam philosophiam prophanam diuinis litteris copulare ausus est, quique dialecticam contentiosam, spinosam & garrulam sacratissimæ & purissimæ non pertimuit permiscere theologiæ, nouum & philosophicum modum sacras docendi & explanandi litteras suis tradens sequacibus: theologistarum secta, quæ ab eo Albertistarum dicitur, dux & monarcha excellens. scripsit hic Albertus in omnes libros, quos complectitur organon Aristotelis, commentarios, in quibus logicæ artis peritiam magnam ostendit, vt ait BARTHOLOMAEVS KECKERMANN. ⁵

THOMAS AQUINAS, qui a cultoribus philosophiæ & theologiæ scholasticæ magnis ac diuinis fere laudibus adficitur. dicitur *doctor angelicus*, plus quam Salomon, *interpres*

¹ de doct. scholastic. §. VIII.

² hist. philos. lib. VI. cap. 2.

³ vide Christiani Thomasi. histor. sap. & stultitia tom. I. p. 75.

⁴ chron. Citizenf. ad annum 1258.

⁵ præ. logic. tr. II. c. 2. §. 37.

diuinæ voluntatis, matutinus lucifer, quasi luna plena sapientia & moribus & veluti sol oriens mundo. scripsit commentarios in vniuersum Aristotelis organon, item summulam logicam de quatuor oppositis, de demonstratione, de fallaciis, de modalibus, de naturâ generis, de natura accidentis, de natura syllogismorum, a quibus quantum *ars logica incrementi capere possit, ii possunt experiri, qui cum iudicio sine præiudicio tenellarum aurium hæc talia ignei vere ingenii monimenta lubenter legunt,* vti dicit KECKERMANN. ¹ RENATVS RAPINVS ² existimat, quod AQUINAS primus arabicam philosophiam tractandi rationem obseruauerit.

PETRVS HISPANVS, qui conscripsit *summulas dialecticas*, quas, vt supra monuimus, MICHAELI PSELLO debebat. opus hoc tantam consecutum est auctoritatem dignitatemque, vt vsus illius in omnibus fere scholis fuerit frequens, ac insignis illorum copia extiterit, qui id obseruationibus ac commentariis illustrandum curarunt.

IO. DVNS SCOTVS, vir subtilis ingenii, cuius ope abstrusas quæstiones, quæ nullius sunt vtilitatis, proposuit, etiam auctor sic dictarum *hæceitatum* extitit, cuius indolem nemo elegantius expressit, quam IO. BALAEVS, ³ quando dicit; *Ioannes Duns natione Scotus, doctor subtilis adpellatus, portentosus artifex, ac litigiorum patriarcha, imposturarum labyrinthos ingenio dæ-*

¹ cit. loco. ² compar. de Plat. & d. Arist. ³ de script. Anglic.

dalino excogitauit contendendi formulas nouas verbis intricatis subtiliter adinuenit, & monstrifica conflictationum vocabula formauit, de suppositionibus, obligatoriis, insolubilibus, hæceitatibus, formalitatibus, modis intrinsecis, atque aliis sophistarum chimæ, ut Christus in contentione prædicaretur ac innumeris superstitionibus in ecclesia vestiretur. Stultior enim est ea sententiariorum papisticorum theologia sacra, ex centaurorum biformi conflata genere, quam sunt scripta fabulosa Hesiodi & Orphei theologorum gentilium. qua ingenii indole quum esset, ac nimis subtili cogitatione omnia expendere elaboraret, quid mirum, quod monumenta sua effecerit maxime obscura, ita ut de eo dicere possimus: quia non vult intelligi, non debet legi: ob quam causam adpellatus quoque est tenebrarum magister. scripsit questiones in logicam; de vniuersalibus, de prædicamentis; in posteriora analytica Aristotelis.

WILIELMVS OCCAM, qui heic ideo commemorandus est; quod sectam nominalium instaurauerit: composuit *summam totius logicæ, maiorem summam logicæ*, quibus illi, qui nugis scholasticorum delectantur, summum habent pretium, adeo ut **MARCVS DE BENEVENTO**, qui *Occami* opera edidit, præfatione testetur, quod si *apud deos nexus logicæ inuenirentur, nullius nisi Occami viri doctissimi solutione uti dignarentur*:

De quibus ut & aliis, quos de industria silentio præterimus, pluribus videri possunt **ADAMVS**

TRIB.

TRIBBECHOVIVS,¹ DANIEL GEORGIVS MORHOFIVS,² IO. IACOBVS A RYSSSEL,³ & illi, qui de scriptoribus ecclesiasticis egerunt, quorum notitiam debemus IO. ANDREAE BOSIO & THOMAE ITTIGIO.

§. X. Breuiter commemoratis principibus scholasticis, instituamus quoque, indolem logicæ scholasticæ perspicue exponere, quippe quam plenius intueri ac cognoscere possumus, si de ipsa philosophiæ huius ratione videamus generatim. quisque igitur, qui genuinæ sapientiæ & ingenio & mente operam dat, merito censet, illam scholasticam cum vera philosophia nihil habere commune. videamus, quid efficiat verum, rectum ac genuinum philosophum, id quod in duobus momentis positum est, prout omnes disciplinæ, adeoque etiam philosophia duplici ratione possunt considerari; partim ratione rerum, de quibus tractant; partim vero ratione formæ, qua disciplinarum naturam præ se habent. quod ad res adtinet, philosophus tales proponere debet, quarum cognitio vim habet ad felicitatem nostram, siue internam, siue externam; siue huius, siue alterius vitæ promouendam, adeoque eius muneris est, se abstinere a momentis inutilibus, quæstionibus disputationibusque vanis ac ieiunis. sed vero quem fugiat, quam plenissimæ scholæ horum doctorum ineptiarum fuerint, & quam cumulatissima monimenta illorum quisquiliis sint? ERASMVVS⁴ notat hæc portenta scholasticorum: *illa demum,*

¹ De doctoribus scholasticis.

² polyhist. tom. II. lib. I. c. 13. 14.

³ continuat. Voss. de sellis philos. cap. VIII.

⁴ moria encouio pag. 178.

inquit,

inquit, magnis & illuminatis theologis digna putant; ad hæc si quando incidunt, expergiscuntur scholastici, num quod instans in generatione diuina? num plures in Christo filiationes? num possibilis propositio: pater odit filium? num Deus potuerit suppositare mulierem, num diabolum, num asinum, num cucurbitam, num filium? tum quemadmodum cucurbita fuerit concionatura, editura miracula, figenda cruci? & quid consecrasset Petrus, si consecrasset eo tempore, quo corpus Christi pendebat in cruce? & num eodem tempore Christus homo dici potuerit & num post resurrectionem edere aut bibere fas sit futurum? iam nunc famem sitimque precauentes. sunt innumerales λεπτιδεσχίαι his quoque multo subtiliores, de instantibus, de formalitatibus, de quidditatibus, hæceitatibus, quas nemo possit oculis assequi, nisi tam lynceus, ut ea quoque per altissimas tenebras videat, quæ nusquam sunt. absurdas quoque quæstiones proposuerunt, quumque de istis acriter in vtramque partem disputarint, sæpius non solum ieiuna; sed & impia, quæ maiestati scripturarum diuinarum aduersa sunt, sua sibi fecerunt, id quod ADAMVS TRIBBECHOVIVS ¹ in hac quæstione: si mus aut aliud quodcumque brutum hostiam consecratam arrodatur vel comedat, quid de corpore Christi fiat? copiose demonstrauit, atqui eadem ratione veram ac genuinam philosophiam, cuius veritates nobis aditum ad felicitatem patefacere debent, corruerunt, quin etiam proscripserunt, suaque ingenia ac pecto-

¹ De doctoresibus scholasticis. p. 152.

ra impleuerunt nugis, quisquiliis, ineptiis, quorum disputationes ac certamina de vocibus tantum instituebantur, atque erant λογισμαχίαι, vt ostendit SAMUEL WERENFELSIVS.¹ quodsi autem philosophiam consideramus ratione formæ, qua ad artem disciplinæ accommodata complectitur genuina principia & inde deductas consequentias, ille nomen ac laudem veri philosophi tueri potest, qui partim ratione intellectus libertate cogitandi eo, quo decet, iure vtitur; partim voluntatem ab affectuum vinculis liberat, vt non solum prospiciat hac ratione intellectui; sed & studia & voluptas veritatum, item animus istas aduersus impetus prauæ sentientium defendendi fortiter, gignantur. quodsi ita est, sicuti est, scholasticos ne vllam philosophicæ laudis partem tenere posse, merito censemus: namque si ipsorum spectamus *intellectum*, quem excolere & ad formam sanæ rationis, qua omnis nititur philosophia, redigere debuissent, iste plane corruptus, ac in tetras tenebras inscitæ, falsarum opinionum, atque errorum deductus erat, qua conditione rebus philosophiæ haud consulere poterant. *primum* enim nimio studio auctoritatis cum Aristotelis, tum ecclesiæ romanæ tenebantur, hocque morbo laborantes haud apti erant ad veritates propagandas; sed fidem quamdam philosophicam, quæ omnem veram philosophiam frangit atque euellit, introducebant. Aristoteles tum eligebatur perpetuus dictator philosophicus, ac veluti Papa ecclesiæ philosophi-

¹ De *logomach.* erud. p. 24. 36. sqq.

cæ, cuius auctoritate omnia metiri solebant, adeoque propriam iudicandi facultatem penitus opprimi patiebantur. quin etiam ista ætate bonæ litteræ sepultæ iacebant ac tanta linguæ græcæ inscitia erat, vt Aristotelem græcum haud intelligerent; sed vt versionem facri codicis latinam habebant pro norma; sic Aristoteles quoque latinus, a græco multum discrepans erat, quem veluti oraculum philosophicum sequebantur. erant autem scholastici homines sacri & maximam partem monachi, quos tanta superstitio, tanta cœca erga pontificem romanum pietas occupauerat, vt quidquid postularet commodum atque ambitio Papæ, pro perfectissima haberent veritate, sicque & hæc auctoritas omnem cogitandi libertatem tolleret. *deinde* discrimen inter lumen gratiæ ac naturæ haud obseruarunt, ac scripturas sacras cum philosophia perturbauerunt, quod iterum duplici ratione fiebat, partim *obiectiue*; partim *formaliter*, vt his metaphysicorum vocibus utamur. *obiectiue* dum egerunt in philosophia de eiusmodi rebus, quas tantum sacer codex sibi vindicat, nec vllus homo naturalibus intellectus viribus cognoscere potest, quales sunt mysteria fidei christianæ, etiam momenta philosophica in disciplinas theologiæ intulerunt. *formaliter* vero philosophiam cum theologia confunde-
bant, quum istam theologiæ ancillam esse existimauerint adeoque in doctrinas theologiæ haud inquisuerint ac placita ecclesiæ, abiecto lumine rationis, promiscue vera habuerint, id quod plane absurdum est. nam si theologiam consideramus veluti disciplinam in formam
artis

artis redactam, quæ nitatur suis principiis ac contineat conclusiones, subest quoque legibus philosophiæ, inprimis artis logicæ, siquidem theologus de veritatibus cognoscendis, probandis, defendendis sollicitus esse debet, quæ sine beneficio logicæ haud præstare potest. aliud est sacer codex; aliud vero theologia; ille dependet ab auctoritate diuina & plane errorum immunis est; hæc vero efficitur ingenio humano, atque omnino periculo errandi exposita est, vt theologus quoque pariter ac philosophus in errore versari possit, nec errores theologici ac philosophici sua natura differant. quapropter putamus, quæstionem illam: num philosophia sit domina, an ancilla theologiæ? nullius esse momenti, siquidem philosophia est eruditio generalis, cuius species sunt theologia, iurisprudentia & medicina, si theologia vt disciplina arte humana concinnata consideratur. quæ duriora fata philosophiæ quum euenirent, atque omne studium veritates cognoscendi esset abiectum, quid mirum, quod *voluntas* scholasticorum fedes fuerit prauarum cupiditatum ac perditissimorum affectuum, quæ corrupta mens semper sequitur corruptum intellectum, prout omnis virtus nititur veritate, atque omne vitium errore. qui hanc miserrimam scholasticæ doctrinæ faciem vberius cognoscendi desiderium habet, ille legere potest ERASMV M ROTERODAMVM ¹ LYDDVICVM VIVEM ² FRISCHLINVM ³ ADAMVM TRIBBECHOVIVM ⁴ SAMVELEM PVFENDOR-

¹ *Encom. moria.* ² *de causis corruptar. anim.* ³ *Præstiano vapulante:* ⁴ *de defectibus scholasticis.*

FIVM, ¹ CHR. AVGVST. HEVMANNVM ² aliosque. nemo autem operi huic ita, vt decet, adhuc satis fecit, siquidem omnes generalia tantum vitia doctrinae scholasticae eorumque causas indicaverunt, ac multum operae in historia eorum litteraria consumserunt; in ipsas autem eorum doctrinas speciales, earumque inter se nexum nemo inquisivit, quale studium omnino esset optandum. etenim hac ratione posset demonstrari, quod scholastici non solum in inutilibus fuerint versati; sed & impiis sententiis, quae accedunt ad atheismum, qui manifeste in illorum monumentisprehenditur.

§. XI. Scholastici dialecticae summum statuerunt pretium, quoniam observabant, se non posse carere hoc instrumento, quum doctrinas sacras defendere atque cum aliis disputare instituerent. Ob quam causam multi quoque Arabum ad culturam huius artis sunt excitati, de quibus verba ABVLFARACII ³ memoria digna sunt: *cetus doctorum Basora subsistentium dixit: religionem pollutam esse & mixtam erroribus nec ablui ac mundari posse, nisi philosophiae ope; asserentes, ubi coniuncta fuerit philosophia graecanica & religio arabica, tum demum consecuturam perfectionem.* qualis autem fuerit scholasticorum dialectica, facile ex iis, quae de eorum philosophia diximus generatim, colligi potest. sequebantur Aristotelem male intellectum, nec adhibebant vires proprias intellectus, praecipue iudicii, sine quo nihil praecleari in hac disciplina effici

¹ Introd. in hist. Europa cap. XII. §. 34. ² praefat. ad Tüb-
bingenium. ³ dynast. VIII. p. 218.

potest. sic errores ac defectus Aristotelis haud emendabant; sed augebant, quum multas ipsius bonas meditationes minus assequerentur, ac magis vocabulis horridis, quam rebus delectarentur. namque abstractionibus nimio studio dediti erant, quas sæpius adeo subtiles fecerunt, ut præter nomen nihil concipere potuerint, quo factum est, ut eorum logica scripta plenissima sint vocabulorum inanium ac brutorum, quibus nulla inest vis significandi. disputabant multum ac copiose de prædicamentis, prædicabilibus, de principio individuationis, de radice futuritionis, de supposititalitate, personalitate & aliis huiusmodi infinitis nugis: quas mentis notiones, si modo quid mente sua concipere potuerunt, proponebant barbaris, obscuris ac portentosis vocabulis, qualia sunt *passionabilitas, ampliaciones, coëssentiationes, futuritiones, potentionabilitates, virtualitates, femineitates, bestieitates, equeitates, petreitates*. perstringit illos iure ac merito IO. BURCHARDVS MENCKENIVS, quando dicit; *quis ferat tot vanas & inutiles digladiationes: de formalitatibus, hæceitatibus, quidditatibus, intentionibus, suppositionibus, exponibilibus, reduplicatiuis, particularisationibus, suppositis, mediatis & immediatis, complexis & incomplexis, breuiter, tot intolerandis subtilitatibus, cum quibus si Cleanthis aut Chrysippi argutia una cum Daphite, Euthydemii, Dionysiodori circumuentiuiculis componantur, penitus crassa rusticanaeque futurae sunt. atqui talis philosophia, quæ inanium abstractionio-*

22. Declam. de charlat. eruditor. p. 149.

num portentis, obscuris vocabulis ac durioribus verbis absoluebatur, salutem ecclesiæ romanæ satis erat accommodata, quum errores maiori specie defendere ac propagare; plebi autem fucum facere possent. quid multa? talis erat scholasticorum logica, ut ista nihil aliud, quam doctrinam de syllogismis ad usum præberet, in qua dies noctesque ingenia sua exercebant, ac in variis figuris modisque syllogismorum grammaticam quamdam delectationem quærebant. BARTHOLOMÆVS KECKERMANN ¹ hæc notat vitia logicæ scholasticæ, quod

- 1) *finem & partitionem logicæ regulatam non ponant;*
- 2) *plenum & methodicum systema non formant theorematum & præceptorum necessariorum & perspicuorum, sed semper quæstiones inanes & fructu cassas vel super Aristotelis textu vel Hispani summulis in infinitum moueant.*
- 3) *in ipsa logica logicam negligant, metaphysica multa & sæpe physica admisceant.*
- 4) *præcepta inania confingant de suppositionibus, amplificationibus, restrictionibus, appellationibus distributivis, de incipit & desinit, de differt & infinito, de ita & sicut, de ascensu & descensu, in quibus omnibus parum sit boni succi, nec aliunde hæ inanissimæ præceptiuncularum inanum farragines natæ sint, quam quod otiosa ingenia nec præcepta nec usum loquendi habuerint.*

¹ *Præcogn. logic. tr. II. cap. 2. §. 40.*

§. XII. Speciatim doctrina de *vniuersalibus* magna atrocique bella inter scholasticos excitauit, qui præcipue in duas sectas *nominalium* & *realium* sese diuiserunt. *nominales* putabant, vniuersalia illa genus, speciem, differentiam. proprium & accidens non existere nec in re ipsa habere fundamentum, cuius opinionis auctor creditur RVCELINVS, qui vniuersalia nihil esse, quam *flatum vocis* docuit. quam causam præceptoris discipulus PETRVS ABELARDVS egit, nisi quod pro *flatu vocis* ista adpellauerit *conceptus significatos*, ita vt duo nominalium fuerint genera, quorum alterum vniuersalia non nisi flatum vocis, hoc est nomina esse contendit; alterum ea mentis potius, quam linguæ sermone absolui existimat. atqui hinc explicandi videntur, qui a *nominalibus* distinguunt *conceptuales*, ac ista adpellatione prius genus; hac autem posterius indicant. posthac GVILIELMVS OCCAMVS sectam hanc renouauit atque instaurauit, cui vtrumque, vniuersalia esse & conceptus & nomina, placuit, qui & a sectatoribus suis ob hanc causam dictus est *venerabilis inceptor*. nec solum adpellati sunt *nominales*; sed & *verbales*, *terministæ*, *connotatistæ*, *moderni*, *recentiores Peripatetici*, *noui lycei doctores*, *noui philosophi*, *tirones*. anno salutis christianæ MCCCCLXXIII. Ludouicus XI. edicto publico damnauit omnium nominalium doctrinam, cuius copia producitur a GABRIELE NAVDAEO; ¹ illi autem, qui post OCCAMVM sectæ huic addicti fuerunt, com-

¹ addition. ad histor. Ludouici XI. p. 703.

memorantur a DANIELE GEORGIO MORHOFIO. ¹ *reales* affirmabant; vniuersalia existere ac in re ipsa habere fundamenta, qui post Abelardum soli tenebant imperium nec nisi post Albertum magnum diuidebantur in Thomistas, qui dominicani ordinis, & Scotistas, qui Franciscani erant. IACOBVS THOMASIVS ² singulari industria demonstrare elaborat, quid nominalibus & realibus commune fuerit cum Platone, Aristotele & Stoicis. Plato enim ideas suas produxit, velut eorum, quæ sensu percipimus, exemplaria, quæ essent tanquam vniuersalia ante res; contra quas disseruit Aristoteles, ac ipsa vniuersalia quasi rebus immersa tradidit; stoici autem existimarunt, vniuersalia tantum ab operationibus intellectus dependere, quorum veterum doctrinæ varia ratione comparantur cum sententiis modo nominalium; modo realium, confer STEPHANVM CHAVVINVM. ³ quod si ea, quæ de hac controuersia sentiamus, liceat exponere, neque sectæ nominalium, neque realium plane fauimus. etenim in vniuersalibus, de quibus disputant, considerari debet partim ipsorum natura; partim fundamentum. natura sua sunt abstractiones mentis, nec ita, vt mente concipiuntur, in ipsa re existere possunt; fundamentum autem illorum in rebus singularibus positum est, id quod ex indole omnium abstractionum patet, quam si scholastici habuissent perspectam, tam grauissimas haud excitassent lites.

§. XIII. Antequam historiæ huius mediæ

¹ Polyhist. tom II. lib. I. cap. 13.

² de doct. scholast. §. XVIII.

³ lexic. philos. p. 704. ed. 2.

ætatis vltimam imponamus manum, non ab re erit, breuiter adhuc de RAYMVNDO LVLLIO, qui seculo quarto & decimo floruit, differere. *dialectica* ipsius siue *logica noua*, quam vocauit, scholasticum prodit ingenium, siue ipsas doctrinas; siue tractandi rationem; siue scribendi modum respiciamus; ista autem, quæ de *arte sua magna*, cuius compendium exhibet, in *parua*, nec non de *auditu Kabbalistico* pollicitus est, noua quidem sunt; exiguam autem præ se habent vtilitatem, adeo vt si rem ipsam inspiciamus penitus, logica illius studio nulla accepit incrementa. atqui ob hanc causam haud dubitamus, LVLLIVM æuo scholasticorum adiungere, nec ab isto initia logicæ reformatæ petere. ex ipsius sententia vtræque ars & magna & parua est differendi siue inquirendi ac respondendi de omnibus rebus, vnde & ipse dixit *generalem scientiam ad omnes scientias, per quam alia scientia facile possint acquiri*. ars illa complectitur partes tres & decem, quarum

I. inscribitur *de alphabeto*. delegit nouem litteras B. C. D. E. F. G. H. I. K. sub quibus disposuit senos ordines rerum ac conceptuum nouem. *primus* ordo continet prædicata *absoluta*, quæ sunt bonitas, magnitudo, æternitas siue duratio, potestas, sapientia, voluntas, virtus, veritas, gloria; *secundus relatiua*, qualia sunt differentia, concordantia, contrarietas, principium, medium, finis, maioritas, æqualitas, minoritas; *tertius* complectitur *nouem questiones*, ad quas ceteræ omnes referantur, scilicet: vtrum? quid? de quo? quare? quantum? quale? quando?

quando? vbi? quomodo & cum quo?
quartus nouem *subiecta*, quæ sunt deus, angelus, cælum, homo, imaginatiuum, sensitiuum, vegetatiuum, elementatiuum, instrumentatiuum; *quintus* nouem *virtutes*, vt sunt iustitia, prudentia, fortitudo, temperantia, fides, spes, charitas, patientia, pietas; *sextus* nouem *vitia*, quæ sunt auaritia, gula, luxuria, superbia, acedia, inuidia, ira, mendacium, inconstantia.

II. pars agit de *quatuor figuris*, quarum prima vocatur A, quod littera A illius centro sit inscripta, & eo tendit, vt intelligamus, qua ratione prædicata fieri possunt subiecta & de se inuicem prædicari, hoc modo: *bonitas est magna; magnitudo est bona; bonitas est durans; duratio est bona; secunda* figura adpellatur T ob litteram hanc centro quoque adscriptam, quæ eo spectat, vt per cuspidem differentia intelligamus, quo modo differat sensuale a sensuali, vt lapis ab arbore; sensuale ab intellectu, vt corpus ab anima; intellectu ab intellectuali, vt angelus a deo. *tertia* figura ex prima & secunda componitur, quatenus eadem litteræ vtrisque nouem prædicatis respondentes inferuiunt; & eo spectat, vt prædicata omnia non modo absoluta; sed etiam relativa & subiecta fiant & de se inuicem prædicentur ac plures rationes ad probandam eandem rationem adducantur; qui finis positus quoque est *quarta* figuræ.

III. pars est de *definitionibus*, qua definiuntur prædicata & absoluta & relativa hoc modo: *bonitas est ens, cuius ratione bonum agit bo-*

num; & sic bonum est esse & malum non esse. magnitudo est id, ratione cuius bonitas, duratio & cetera sunt magna, ambiens omnes extremitates essendi. duratio est id, ratione cuius bonitas, magnitudo durant.

III. pars est de regulis, quæstionibus quippe, quæ in alphabeto. docet regulam utrum habere tres species, dubitativam, affirmativam, negativam: regulam quid quatuor; quid est? quid habet in se coessentialiter? quid in alio est? quid in alio habet?

V. pars est de tabula, quam sequuntur alix;

VI. quippe de euacuatione tertiæ figuræ;

VII. de multiplicatione: quartæ figuræ;

VIII. de mixtione principiorum & figurarum;

VIII. de nouem subiectis; X. de applicatione;

XI. de quæstionibus; XII. de habitatione;

XIII. de doctrina, quippe quam

artem Lullianam pluribus recenset PETRVS

GASSENDVS.

§. XIII. Multi fuerunt, qui artem hanc commendarunt, commentariis illustrarunt, emendare atque augere elaborauerunt, quos studiose commemorat DANIEL GEORGIUS MORHOFIVS, ¹ qui ipse de illa sentit honorifice: adde THOMAM POPE-BLOUNT. ² neque tamen defuerunt, qui iudicarunt sinistre ac censuram aduersus Lullium fecerunt, quo pertinent BACO DE VERVLAMIO, ³ BARTHOLOMAEVS KECKERMANN, ⁴ BERNEGGERVS, ⁵ IO. BAPTISTA DU HAMEL, ⁶ quo-

¹ De orig. & variet. logic. cap. VIII. ² polyb. litterar. lib. II. cap. V. p. 280. ³ censura celebr. auct. p. 420. ⁴ de augment. scientiar. lib. VI. cap. 2. ⁵ pragmat. logic. tr. II cap. 2. §. 39. ⁶ orat. de paranda doctrina modus illegitimus. ⁷ de mente humana lib. III. cap. 2. §. 3.

rum omnium, quæ aduersus hanc artem dicta sunt, summam ad hæc capita reducit MORHO-
FIVS: ¹ *quod omnium scientiarum principia
misceantur, quæ ad illam generalitatem non
possint reduci; quod loci communissimi sint,
quorum non sit adequatus in dicendo usus, quum
in qualibet oratione ea rem conficiant, quæ e
prioribus argumentis petuntur; quod ordo
non sit accuratus, & in multis ille concinnior-
dari possit.* nec negare possumus, quod hæc
ars magis composita sit ad sermonis fecundita-
tem; quam veritatum cognitionem, ad quam
ista nihil adferre potest; ied ingenia veri ac
falsi cognoscendi studiosa perturbat, adeo ut
nunquam satis possimus mirari, nonnullos nu-
gis hisce existimationem quamdam habuisse.
quodsi voluptas animum cuiusdam occuparet,
artem hanc cognoscendi, necessaria esset fere
diuina memoria, quasi etiam omnes terminos,
omnes figuras teneret; illis tamen haud per-
venire posset ad cognitionem rerum, quoniam
sunt conceptus abstracti ex omnibus discipli-
nis inter se perturbati. id saltem ex tota hac
arte colligere possumus, Lullium fuisse homi-
nem secundo ingenio præditum, facultate au-
tem ac vi iudicii destitutum, id quod vel inde
cognoscimus, quod de diuina reuelatione, ut
operi suo maius auctoritatis pondus adiiceret,
se iactauerit. GABRIEL NAVDAEVS ² lo-
cum quemdam ex PETRO MONTVO ³ pro-
fert, quo Lullius plagii aperti crimine notatur,
quippe qui sua omnia Arabi Abezebron de-
beat, id quod relinquimus in medio. hæc

¹ cit. loco §. 13. ² apol. vir. mag. suspector. cap. 14.

³ de viuis legi auctoritate lib. V. cap. 5.

sufficiant de fatiſ artis logicæ ætate media, qua omnino duriora fuerunt, quorum neceſſitate factum eſt, vt magis ſit corrupta, quam culta atque ornata.

LIBRI II.
DE
PROGRESSV AC FATIS
LOGICAE.
CAPITIS I.
DE
PROGRESSV AC FATIS AR-
TIS LOGICAE GENERATIM PER
VARIOS AVCTORES.
SECTIO III.
TEMPORE RECENTIORI.

ΣΤΝΟΨΙΣ.

Dicendorum ſumma §. I. Diſſeritur primum de illis, qui reformandæ logicæ fundamenta poſuerunt, quorum alii ſe oppoſuerunt Ariſtoteſi, præcipue ſcholæſticiſ §. II. In quibus princeps fuit Ramuſ, de cuius logica eiſque fatiſ copioſe diſputatur §. III. IIII. V. VI. VII. VIII. Alii logicam Ariſtoteſiſ a nugis ſcholæſticiſ purgarunt §. VIII. X. Alii vero vnice ſectati ſunt Ariſtotelem, reiecta doctrina ſcholæſtica §. XI. XII. Deinde diſſeritur de ipſa reformatione logica generatim §. XIII. Speciatim de Bacon. de Verulamio §. XIII. De Cartefio §. XV. XVI. XVII. Cartefii ſectatoriſ §. XVI. Petro Gaſſendo aliſque §. XVIII. De logicis mathematiciſ §. XX. De aliſ ſcriptoriſ logicæ recentioriſ ecclēſiſ. §. XXI. XXII. XXIII. XXIII.

§. I.

§. I.

Accedimus ad ista tempora, quibus logica ars feliciori musarum fortuna sensim ac sensim a scholasticis sordibus purgata, ad pristinam dignitatem euecta, ac tandem ita culta atque ornata est, ut munera sua, quibus viam ad cognitionem veritatum monstrare debet, nunc præstet successu prosperiori. primum extiterunt viri grauissimi, qui præclaris studiis ac meritis fundamenta artis huius reformandæ posuerunt, quibus deinde alii, quum eclectica, uti dicitur, philosophiam tractandi ratio firmiores caperet vires, opus ipsum, siue felicissimam logicæ reformationem superstruxerunt. illi, quum cognoscerent, quam misere litteræ philosophicæ per scholasticos fuerint corruptæ, illarum saluti operam dederunt variis studiis, quum alii arma ferrent aduersus Aristotelem, præcipue doctores scholasticos; alii doctrinam Aristotelis ac scholasticam a labe tantum, quam iniuria temporis sibi contraxerat, purgarent; alii denique ipsos ac genuinos Aristotelis fontes, vnde pristina ac vetusta logica ars hauriri posset, aperire elaborarent. quæ omnia distincte explanare, e re esse censemus.

§. II. Quum felix fidus bonarum atque elegantiorum litterarum oriretur, ut istæ ad pristinam revocarentur pulcritudinem; musæ quoque philosophicæ, quæ adhuc per secula oppressæ & deprauatæ fuerant, ex tenebris in lucem prodire cœperunt. illi, qui philosophiæ, etiam dialecticæ purgandæ emendandæque operam suam addixerunt primi, politiorum atque elegantium artium singularem laudem

dem tenebant, quam adhuc ampliorem effecerunt, quum sapientiæ studiis ingenia sua consecrarent, sicque ostenderent, vtrumque doctrinarum genus ita copulatum fructus ferre amplissimos. namque si a cultura elegantium litterarum studia philosophiæ separamus, facile viam illi vitio, quod peregrina voce adpellatur pædantismus, parare possumus; quemadmodum cultus ille philosophiæ, qui cum politiori litteratura nihil habet commune, haud difficulter barbariem potest promovere, quæ incommoda per talem coniunctionem remouentur. atqui hac ratione de logica bene meritos laudare debemus LAURENTIVM VALLAM, RVDOLPHVM AGRICOLAM, LVDOVICVM VIVEM, MARIVM NIZOLIVM, PETRVAM RAMVM, de quibus accuratius ac plenius edisseramus.

LAURENTIVS VALLA, qui barbariem propulsare summa adnissus est ope, ac præcipue dialecticam scholasticam perstrinxit, editis hunc in finem *dialecticis disputationibus*, quibus multa dixit in Aristotelem ac scholasticos. PETRVS GASSENDVS¹ dicit: *Laurentius Valla conscriptis tribus dialecticarum disputationum libris licere ostendit ab Aristotele dissentire ac ipse in multis re ipsa, dissensit.* etenim omnes categorias ad substantiam, qualitatem & actionem retulit, etiam figuram tertiam syllogismorum reiecit; quæ emendatio non adeo bene quidem instituta est, siquidem nec Vallæ diuisio prædicamentorum legitimo nititur fundamen-

¹ de orig. & variis, logic. cap. VIII.

to, ac figura syllogismorum tertia præter rem proscibitur; demonstrat tamen Vallæ studium fortemque animum, quo ea tempestate Aristoteli, qui Papa erat ecclesiæ philosophicæ, sese opposuit. multi id in eo reprehendunt, quod æquo audacior ac vehementior fuerit, quapropter LUDOVICVS VIVES¹ dicit: *monet in quibusdam neutiquam prave, etsi ea sunt perpauca; in plerisque labitur, ut fuit vir ille vehemens & ad faciendum iudicium præcipitatus. nec solum in re dialectica falsus est; sed & in philosophia. nam hanc quoque attingit, & quod magis mirere, in præceptis latinæ linguæ.* sed ERASMVS² illis, qui ob hunc adfectum Vallam eiusque observationes parui faciunt, bene respondet: *verum esto, mordacior æquo fuerit. num ideo falsum dixit, quia verum mordacius dixit? usque adeo nobis odio est ista mordacitas, ut eius odio tam multa scitu digna necessariaque detestemur?*

RVDOLPHVS AGRICOLA, vir, cui bonæ literæ multum debent, quo Cisalpinus orbis nihil unquam, ERASMO³ iudice, omnibus litterariis dotibus absolutius produxit. nulla, pergit ERASMVS, erat honesta disciplina, in qua Agricola non poterat cum summis artificibus contendere: inter græcos græcissimus, inter latinos latinissimus: in carmine Maronem alterum dixisses, in oratione Politianum quemdam lepore referebat, maiestate superabat. oratio vel extemporalis adeo pura, adeo germana, ut non Frisium quempiam,

¹ de causis corrupt. artium lib. III. p. 231.

² lib. VII. epist. 3.

³ in adag. chil. I. centur. 4. p. 116.

sed urbis romana vernaculum loqui contenderes. eloquentia tam absoluta parem adiunxerat eruditionem. philosophia mysteria omnia penetrauerat: confer IACOBVM BURCKHARDVM.¹ atqui hic Agricola scripsit tres libros de inuentione dialectica, quos IO. MATTH. PHRISEMIUS obseruationibus illustrauit. opposuit sese inprimis nugis scholasticorum, ac verum vsum dialecticæ, quam præcipue eloquentiæ adplicauit, demonstrauit, nec sine feliciori applausu, quem & sua ætate in hoc litterarum genere consecutus est amplissimum. BARTHOLOMAEVS KECKERMANN² dicit: hi libri apud omnes semper in admiratione fuerunt, & merito quidem, ita ad vsum sunt accommodati loci, quos tradit. Ciceronem in plerisque secutus est, & idcirco rhetoricum finem diligentius intendit, quam vere logicum; tertius liber totus est rhetoricus, de affectibus mouendis. & DANIEL GEORGIUS MORHOFIUS³ Rudolphus Agricola, ait, vir suo tempore maximus & primus litterarum in germania restaurator, in libris suis de inuentione quasdam hypotheses ponit, quæ Ramisticis illis ita similes sunt, ut ex illo quasi depromsisse videatur.

10. LVDOVICVS VIVES, qui edidit libros XX. *de disciplinis*, ex quibus tertius agit de corrupta dialectica, quo grauitèr atque eleganter differit aduersus scholasticos. opus hoc, quod non solum inter ipsius monimenta; sed & seorsim prodiit, diuisum est in tres

¹ *comm. de fati lat. lingu. in germania p. 177.* ² *præcogn. logic. tr. II. cap. 2. §. 42.* ³ *polyb. tom. II. lib. II. c. 12. §. 1.*

partes ac complectitur alia scripta logica, siquidem de *explanatione cuiusque essentiae*; de *censura veri*, de *instrumento probabilitatis*, de *disputatione* tractauit, etiam peculiarem librum in *pseudo-dialecticos* edidit. erat vir non solum elegantioribus litteris maxime cultus, quarum summam sibi acquisiuit laudem; sed philosophiæ quoque magnus extitit auctor, quam in rem adhuc testatur ipsius liber de *initis, sectis & laudibus philosophorum*.

MARIUS NIZOLIVS, magno animo Aristotelem & philosophiam scholasticam aggressus est, quum ipsi lites essent cum M. ANTONIO MAIORAGIO. CALCAGNINVS scripserat *disquisitiones in M. T. Ciceronis de officiis libros*, aduersus quem MAIORAGIVS defendit Ciceronem atque edidit: *decisiones XXIII. quibus M. T. Ciceronem ab omnibus C. Calcagnini liberat criminationibus*, ideo a NIZOLIO maxime laudatus. sed quum ipse Maioragius posthac contra Ciceronis paradoxa antiparadoxa edidisset, multaque in Ciceronem dixisset acerbius, singulari atque incredibili erga Tullium amore excitatus NIZOLIVS ipsius egit causam atque epistolam contra Maioragium acerbam conscripsit, qua commotus Maioragius *libros reprehensionum. II. aduersus Nizolium* composuit. tandem Nizolius, vt tueretur auctoritatem Ciceronis, omnem philosophiam Aristotelis ac scholasticorum euellere atque infringere elaborauit, atque hunc in finem protulit in lucem librum huius inscriptionis: *Marii Nizolii Brixellensis*

sis de veris principiis & vera ratione philosophandi contra pseudo-philosophos libri IIII. in quibus statuuntur ferme omnia vera verarum artium & scientiarum principia, refutatis & reiectis prope omnibus dialecticorum & metaphysicorum principiis falsis, & præterea refutantur fere omnes M. Antonii Maioragii obiectiones contra eundem Nizolium, usque in hunc diem editæ, Parmæ MDLIII. quo opere nihil aliud continetur, quam logica quædam reformatæ & ad puram propriamque loquendi rationem reuocata, si quidem Nizolius deditissimus erat Ciceroni, ex cuius librorum assidua lectione comparauerat sibi magnam elegantis stili vim ac dignitatem, ita vt ex hoc opere inprimis modum cognoscere possimus, quo & philosophorum doctrinæ eleganter proponendæ sunt. nam si rem ipsam inspiciamus penitus, ibi tantum acerbiores adcusationes ac censuras deprehendimus, quibus Aristotelem, eius sectatores ac scholasticos perstringit vehementissime. anno MDCLXX. illustris LEIBNITZIVS noua facie indutum librum hunc exhibuit, cui dissertationem præmisit de alienorum operum editione, de scopo operis, de philosophica dictione, de lapsibus Nizolii; item epistolam ad exquisitissimæ doctrinæ virum de Aristotele recentioribus reconciliabili: confer DANIEL. GEORGIVM MORHØPIVM, ¹ 10. IACOBVM RYSSSEL, ² 10. CHRISTOPH. DORNIVM. ³

¹ polyb. litt. lib. I. cap. 25. §. 26. rom. II. lib. I. cap. 13. §. 13.

² contin. Vossii de sectis cap. VIII. §. 22. ³ add. ad Iensium lib. III. cap. 22. §. 9. 10.

§. III. Sed hi grauisissimi viri LAVRENTIVS VALLA, RVDOLPHVS AGRICOLA, IO. LVDOVICVS VIVES, MARIVS NIZOLIVS erant grammatici, qui magnam elegantioris doctrinæ tenebant existimationem, id quod pro hominum opinione effecit, vt ipso-
rum animaduersiones ac censuræ in philosophiam, etiam dialecticam Aristotelis ac scholasticorum tam prosperiori successu haud fruerentur, quasi ingenium quoddam tam felix esse haud possit, vt & humanitatis & philosophiæ studia capiat. ceterum colimus horum merita, quod in tanta superstitione philosophica, in tanta litterarum barbarie, in tantis sapientiæ tenebris reformationi maxime necessariae admouerint animos, ac suis exemplis libertatem cogitandi ab imperu vindicandam esse, demonstrauerint, quamuis interdum per motus prauorum adfectuum aliquid humani fuerint passi. sed tamen maiores concitauit controuersias, ac maiori successu sese opposuit Aristoteli PETRVS RAMVS, quum de re ipsa præcipue esset sollicitus. mirifice consecrauerat sese studio logico, quumue organon Aristotelis cupiditati ipsius haud satisfaceret, nec vsum quemdam in aliis litterarum disciplinis id præstare putaret Ramus, aliam viam ad dialecticæ cognitionem demonstrare, adeoque Aristotelis auctoritatem labefactare instituerat. quem infinem edidit quoque anno MDXLIII. libros *institutionum dialecticarum*, item *scholas dialecticas*, quæ libris XX. absoluuntur, hisque dialecticam non solum alia ratione, quam adhuc fecerant philosophi, tradidit; sed Aristotelem quoque eiusque

placita impugnanda est adgressus. etenim dixit, dialecticam esse *artem bene differendi*, eiusque duas partes constituit, *inventionem* quippe & *dispositionem argumentorum*. priore igitur parte tractauit de argumentorum inuentione, ac censuit, quod argumentum *ad aliquid arguendum affectum sit* idque debeat diuidi in *artificiale*, quod in locis dialecticis sit quaerendum, & *inartificiale*, id est testimonium. posterior autem pars de dispositione argumentorum, siue vt ipse dicit, de *iudicio* tradit, quod diuiditur in *axiomaticum* siue axioma, & *dianoëticum* siue dianoëam. axioma idem est ac enunciatio, quod RAMVS definit *dispositionem argumenti cum argumento, qua esse aliquid, aut non esse iudicatur*; dianoëa vero idem, ac syllogismus ac methodus. *syllogismus* dicit esse, *quo questio cum argumento, vt posito antecedente, necessario concludatur*; *methodus* vero sit dianoëa variorum axiomatum homogeneorum, pro natura sua claritate prepositorum, vnde omnium inter se convenientia iudicatur, memoriaque comprehenditur, quæ omnia poetarum, oratorum & historicorum exemplis illustrat RAMVS, vnde veluti profutura eorum scriptis recte intelligendis atque explicandis ista commendat CHYTRAEVS: ¹ confer CHRISTIANVM THOMASIVM, ² & RETRVM GASSENDVM. ³ atqui hac ratione multa, quæ Aristoteles tradiderat, reiecit, vt doctrinam de prædicamentis, de propositionibus modalibus, syllogismis mixtis, demonstratione, elenchis iohanniticis, item de prædi-

¹ de ratione discendi p. 74 ² philosoph. aulic. cap. I. §. 74. e. IV. §. 16. ³ de orig. & variis. logic. cap. VIII.

cabilibus, & adhuc multa alia Aristoteli exprobrauit, quod nullum ordinem seruauerit, dixerit multa inutilia ac falsa, easdem res sæpius repetere instituerit: quin etiam ipsi erat propositum, Aristotelem penitus e scholis eiicere. BARTHOLOMAEVS KECKERMANNVS copiose refert momenta logicæ Rameæ & inter alia eum plagii adculat, ¹ quod a libris 10. LVDOVICI VIVIS de disciplinis sua sit mutuatus, ac ne nomen quidem ipsius commemorauerit, quum tamen cuique auctori suum sittribuendum. at vero quamuis alter idem sentiat cum altero, id tamen talem accusationem non efficere potest iustam atque æquam; sed adhuc alia sunt necessaria, quæ de Ramo haud affirmari possunt.

§. III. Præuæ opiniones, quæ ab auctoritate aliorum pendent, sæpe firmissimis radicibus in animis hominum sunt defixæ, ut istas euellere ac veritatum promouendarum rationem habere, arduum sit negotium. Aristoteles ad summum existimationis fastigium euectus, adeo mortalium mentes occupauerat, ut quisque ex ipsius disciplina sapere, sibi gratularetur, eumque summo pietatis cultu, veluti oraculum philosophicum ac sapientiæ humanæ deum ac præsidem coleret. quæ lues quum esset illius seculi ac in primis quoque Parisiis sedem suam haberet, quid mirum, quod hæc reformatio Ramo, auctori suo tam grauissima adtulerit incommoda ac tandem ipsum in vltimum coniecerit discrimen? id quod etiam aliis posthac, qui philosophiam purgandam curauerunt, euenit. namque atro-

¹ *prac. logic. tr. II. cap. 4. extr.*

cissimæ ortæ sunt controuersiæ ac insignes excitati tumultus. sectatores Aristotelis religiosi non solum contra Ramum disputarunt, exclamantes: *scelus hoc igne expiandum esse*; sed & ad tribunal prætorium academici nomine traxerunt Ramum, accusantes ipsum, quod disputationibus aduersus Aristotelem in sacras disciplinas atque alias artes earumque dignitatem esset iniurius. atqui hic modus, aliis odia atque inuidiam conflandi multis est solemnis, ut illos, contra quos controuersam causam suam haud possunt tueri, sub specie quadam sacra de corrupta theologia suspectos reddere; multis fraudibus, fallaciis, etiam magna mendaciorum copia instituant. quapropter res Rami delata est ad senatum curiæ Parisiensis, & hinc ad Franciscum I. regem, quumue GOUVEANVS adcusatoris partes susciperet, ambo & Ramus & Goueanus a rege iussi sunt, eligere viros græcæ latinæque linguæ, etiam philosophiæ laude claros, ut iudices præessent certamini. Petrus igitur Danesius & Franciscus Vi-comercatus a Goueano; Io. Quintinus vero & Io. de Beaumont a Ramo lecti sunt, quibus rex quintum Io. de Salignac adiunxit. multis diebus disputationibus de definitione & diuisione dialecticæ consumtis, tandem contra omne ius atque æquum libros Rami damnarunt, & hanc sententiam anno MDXLIII. d. i. mart. aduersus ipsum tulerunt: *Ramum temere, arroganter, & impudenter fecisse, qui receptam apud omnes nationes logicæ artis rationem, quam ipse præsertim non teneret, damnare, & improbare ausus fuerit. ea autem, quæ in Aristotele reprehendat, huiusmodi esse, ut hominis cum*
igno-

ignorantiam & stuporem, tum vero improbitatem & malitiam arguant, cum & multa, quæ verissima sint, criminetur & pleraque tribuat Aristoteli, quæ is nunquam senserit. denique eo libro toto præter mendacia mera & scurrilem quamdam maledicentiam nihil contineri: ut reipublicæ litterariæ plurimum sententia sua interesse videatur, librum omni ratione suppressi, unaque librum alterum dialecticarum institutionum, quod is quoque aliena multa & falsa contineat. quam sententiam deferunt ad regem, qui edicto regio sigillo munito ac per omnes amplissimi regni provincias promulgato istam adprobat ac Ramus ne posthac doceat librique eius ne imprimantur, vendantur, aut ullo modo publicentur, mandat seuerissime: confer IO. LAVNOIVM ¹ BVLAEV M ² & illos, qui vitam ac fata Rami ex instituto exposuerunt, IO. THOMAM FREIGIVM, NICOLAVM NANCELIVM, THEOPHILVM BANOSIVM, PETRV M BÆLIVM aliosque, de quibus heic copiose, differere ratio dissertationis nostræ haud permittit.

§. V. Sic RAMVS adfligebatur fortuna duriori, quem ipsi aduersarii exercebant vehementer, inprimis dictus ANTONIVS GOVEANVS, IO. PERIONIVS, IACOBVS CARPENTARIVS; nec ex germanis defuerunt, qui ipsius philosophiam ac speciatim dialecticam destruendam penitusque proscribendam sibi proposuerunt, ita ut hac de re gravius bellum quoddam fuerit concitatum. in academia Tubingenfi Ramum confutare IA-

¹ de varia Aristotel. fortun. cap. XIII.
vrsens. p. 387.

² histor. academ. Pa-

GOBVS SCHEGKIVS; Argentoratensi DASYPODIVS; IuliacORNELIVS MARTINI, IO. CASELIVS, CONRADVS HORNEIVS, CALIXTVS, Altdorffina SCHERRIVS sibi fuserunt: ac quamuis in academia Liptiensi M. IO. GRAMERVS, physicæ doctrinæ professor publicus anno MDLXXVIII. Rami opiniones recitationibus suis & publicis & privatis tradere institueret; illi tamen, qui in ordinem philosophorum adscripti erant, omnes vires suas in id contulerunt, vt hanc Ramæam luem, quæ tum putabatur, eiicerent. quapropter inter alia philosophiæ candidatos de Ramæis doctrinis suspectos compulerunt promittere, vbi insignia ac priuilegia doctoris philosophiæ impetrauerint, se nolle quidquam tradere, quod a philosophia Aristotelicâ sit alienum. cuius obligationis formula ea fuisse videtur, quam orationibus duabus MATTHÆI DRESSERI de dialectica PHILIPPI MELANCHTHONIS cum responsione sua edita Francofurti ad Moenum anno MDLXXXVIII. adiecit M. THOMAS HAN, scholæ Islebiensis rector. sed distinctius de illis, qui aduersus Ramum arma sua tulerunt, differere, consultum esse censemus: quam ob rem congressus est cum Petro Ramo

IACOBVS SCHEGKIVS, cui Ramus quatuor epistolis respondit, a Schegkio in hyperaspista anno MDLXX. edito Tubingæ confutatis. DANIEL GEORGIUS MORHOFIVS. ¹ dicit: *cum Iacobo Schegkio ipsi quoque res fuit, in primis in dialecticis disputationibus.*

¹ polyhistor tom. II. lib. 1. cap. 32. §. 1.

NICOD. FRISCHLINVS, qui edidit *dialogum contra P. Rami sophisticam pro Aristotele*, Francof. MDXC. 8.

CORNELIVS MARTINI, qui Aristotelem eiusque philosophiam aduersus Ramum acerrime tueri instituit, quippe quem disputatione de *subiecto & fine logica*; item *analyfi logica* vehementer perstringit. hinc scribit MORHOFIVS: ¹ *Helmstadio continuis quasi disputationibus eam (hæresin Ramæam) in exilium misit Cornelius Martini pene vnicus tum temporis partium Aristotelicarum aduersus nouatores illos adsertor.*

CONRADVS HORNEIVS, qui diserte scribit: ² *quapropter etiam nos tanquam cynosuram doctrinam Aristotelicam sequemur, & ad eius principia ceterorum dogmata potissimum exigemus.*

PHILIPPVS SCHERBIVS, qui edidit disputationem pro philosophia Peripatetica aduersus Ramistas, quam adpellat MORHOFIVS: ³ *adeo breuem, neruosam, elegantem, neque sine flore eloquentiæ, vt vel vasto libro accuratius aliquid scribi non posset; vt de nonnullis aliis taceamus.*

§. VI. Neque tamen defuerunt, qui causas egerunt Petri Rami eiusdemque philosophiam aduersus Aristotelem ac sectatores eius defendere ac propagare, summa adnisi sunt ope. inerat philosophiæ Rami vis quædam, qua in multorum animos se insinuare poterat, ita vt breui tempore multos sibi conciliaret in gallia, scotia, germania, qui istam aduersus

¹ *cit. loco.* ² *philos. moral. lib. 1. cap. 1.* ³ *polyb. tom. II. lib. 1. cap. XI. §. 30.*

aliorum impetus tuerentur. quod ad germaniam adtinet, dicit IO. HERMANNVS ab ELSWICH: ¹ *in illam, si non primus, saltem inter primos philosophiam Rameam intulit Fabritius Marcoduranus. is namque motus celebritate nominis Ramei ad Ramum in galliam abiit, ut ab eodem coram philosophiam addisceret. atque hanc post aliquot annos in germaniam redux in schola dusseldorpiana, cui regenda erat admotus, cum discipulis communicavit, quorum opera latius per germaniam, sigillatim vero Westphaliā disseminata est. atqui in Westphalia multi extiterunt, qui præcepta dialecticæ ex Ramo haurire, eumque magna prosequi existimatione contendebant, id quod significat HERMANNVS NICEPHORVS. ² postquam enim quædam de studio philosophiæ Rameæ in scholis Westphalicis commemorauerat, addit: *sed quorsum nunc res scholasticæ nostræ prolapse sunt? nescio, quo fato iam pridem in antiquum tenebrarum chaos omnia ruere videantur. irrepunt enim in scholas passim cum applausu logici libelli (ne dicam de aliis) nugarum pleni, expellentes e possessione sua contra ius fasque logicam Rameam optimam, pulcerrimam, & simul usum eius ut amplissimum, ita accuratissimum: quæ verba quum dolorem de inclinante ad interitum philosophiâ Rameâ prodant, simul quoque significant, quæ existimatio ipsi habita fuerit. sic quoque CORNELIVS MARTINI, qui Ramum penitus eiicere ex societate philosophorum elaborabat, nactus est adueriarios FRI-**

¹ sched. de Arist. fortun. in schol. protestant. p. 55.
libr. de analysi logica.

² pref.

DERICVM BEVRHVSIVM, CONRADVM HODDAEVM, HEIZONEM BVSCHERVM, qui Martini dissertationem de *subiecto ac fine logica* confutarunt; ex superioribus vero constat, quod etiam Lipsiæ nonnulli sint sectati Ramum. sed principes illorum secundum ordinem litterarum diligentius commemorare instituamus, qui modo Ramum illustrarunt, modo defenderunt, modo ad ipsius mentem composuerunt compendia dialecticæ. quo pertinent

FRIDERICVS BEVRHVSIVS, scholæ Tremonianæ rector, qui scripsit *pædagogiam logicam*, in tres partes distributam, quibus præcepta Rami explicat, eorum vsum ostendit, dignitatemque aduersus obiectiones vindicat; nec non *defensionem dialecticæ Rameæ*.

HEIZO BVSCHERVS, qui præfuit scholæ Hannoueranae, ac Ramum aduersus accusationes Cornelii Martini defendit; de solvendi ratione sophismata ex Rami logica scripsit, etiam operam posuit in conciliandis Philippo Melanchthone ac Ramo, de quo studiorum genere paullo post dicamus copiosius.

GEORGIVS DOVNAMVS, qui conscripsit commentarios in Rami dialecticam, persuadens sibi, ante Ramum neminem fuisse, qui præcepta exemplis in usu primum sensu perceptis, tum observatione notatis, deinde inductione collectis, postremo experientiæ calculo approbatis, concinnata, ad exactissimas veritatis, iustitiæ ac sapientiæ leges, exegerit & pro naturæ suæ claritate disposuerit.

IO. THOMAS FREIGIVS, qui ipsius Rami institutione usus, ac posthac eiusdem philosophiam quoque sectatus est, prout scripsit *quaestiones dialecticas*, quæ Rameam doctrinam haud obscure produnt. BARTHOL. KECKERMANN¹ existimat quidem, quod suis quaestionibus expresserit doctrinam Aristotelis; sed satis apertum est, quod FREIGIVS disciplinam Rami coluerit, cuius quaestiones KECKERMANN haud legisse videtur. en iudicium FREIGII² de organo Aristotelis; *organum Aristotelicum nihil aliud, quam chaos logicæ artis est: tantum abest, ut methodus appellari possit: ex quo si duos libros posteriorum, in quibus utilitas immensa & generalissimus usus, & leges ad artium fines regendos sacratissimæ continentur, sustuleris, reliqua certe parum utilia & miris tautologiis & sophisticis elenchis plena reperies.*

ANDREAS KRAGIVS, professor physicæ ac artis medicæ doctor Hafniensis, qui edidit *scholam Rameam*, vel *defensionem P. Rami aduersus Georgii Liebleri calumnias*: etiam scripsit de *elenchis sophisticis Aristotelis*.

ANTONIUS NOTHOLDVS, qui contra dissertationem dictam Cornelii Martini edidit de Rameæ institutionis principiis & natura logicæ considerationem, a philosophia Rameæ studiosis in illustri academia Iulia institutam: quod licet falsum fuerit, certum tamen est, eo tempore in hac academia fuisse sectatores Rami. quum Cornelius Martini

¹ *Præogn. logic. tr. II. cap. V. §. 21.*

² *orat. p. 486.*

his philosophiæ Rameæ cultoribus programma quoddam opponeret, anno MDXCVII. id Notholdus cum responsione & animaduersionibus suis iterum edidit, quibus accessit anno MDXC VIII. eiusdem diatriba philosophica, qua doctrina de definitione & diuisione dialecticæ, de notionibus primis & secundis, de argumentis inventionis & prædicabilibus, de analysi logica Rameorum, de metaphysica & prædicamentis ad Philippi & Rami documenta iudicatur.

CASPAR PFAFFRADVS, cuius industriæ debemus commentationem de *studiis Rameis & legibus optima institutionis*; qua haud obscure animum philosophiæ Rameæ deditum significauit & istam præ Aristotelica & scholastica commendauit diligenter.

10. PISCATOR, cuius studio prodierunt *in P. Rami dialecticam animaduersiones*, exemplis sacrarum litterarum passim illustratæ, Franc. MDLXXX. quibus auctor explicat, illustrat, atque emendat, nec non interdum confutat Ramum, de quo iudicium 10. STURMII præmissum est, id quod dignum censemus obseruatione: *virum bonum, inquit, illum esse iudico: & hominem bene litteratum & iudicio expolito præditum: qui hac vita, ut vocant, scholastica & illius stipendio contentus ampliores opes aut honores non requirit. nam quod alios offendit, me non ledit: quoties liberius iudicat de Aristotelicis præceptis: alium in iis ordinem & viam requirens: quædam etiam desiderans,*
quæ

quæ de esse videntur. fecit idem Aristoteles is, qui ante ipsum scripserunt, dialecticis, rhetoricis, philosophicis scriptoribus. & schola ipsa in academiis, quas defendunt reprehensores Rami & ordinem immutarunt Aristotelicum & multa praterierunt multa-que de suo addiderunt: & Rudolphus Agricola istud ius sibi etiam arrogavit, & non idem, quod Aristoteles, sentit & tradit de locis inueniendi.

HENNINGVS RENNEMANNVS, qui edidit *enodationem totius philosophiæ Rameæ; item philosophiæ Rameæ insuperabile scitum*, quod opposuit Philippo Scherbio, & in illo ostendit fata quoque huius philosophiæ.

THOMAS RHAEDVS, qui in academia Rostochiensis philosophiam hanc propagare elaborauit, contra quem vindicias secundum veritatem pro Aristotele & sanioribus quibusque philosophis edidit Henningus Arnisæus.

GVIL. AD. SCRIBONIVS, cuius amor erga Ramum eiusque doctrinam patet ex *triumpho logica Rameæ*, quem ipse scripsit. præfatione censet auctor, *Petrum Ramum in militia philosophiæ logicæ optime absolutissimeque cuncta perfecisse palmamque in cunctis obtinentem solum præ vniuersis aliis verissime ornatissimeque triumphare*; quæ cum illis haud consentanea sunt, quibus aduersus Beurhusium contendit, Rami logicam adhuc emendari atque accessione auctiorem effici posse.

SEVER. SLVTERVS, cui debemus *anatomē logicæ Rameæ & comment. in Rami dialecticam*.

RYD. SNELLIVS, qui protulit in lucem *commentarium in Rami dialecticam*, per modum dialogi; ac *prælectiones* in eandem dialecticam, quarum appendice obseruat errores logicæ Philippi Melanchthonis. ceterum auctor in hoc philosophiæ genere magnam consecutus est existimationem, dum præcepta Rami accuratius explicat, illustrat ac vindicat.

AVDOMARVS TALAEVS, cuius *prælectiones* in Rami dialecticam multis sese commendarunt, quoniam clarum lumen præceptis Rami adferunt.

HIERON. TREVTLERVS, cui debemus rudimenta dialecticæ P. Rami, vt de aliis taceamus, quos collegit MARTINVS LIPE-
NIVS. ¹ extremo adiiciamus versus quosdam, qui in laudem Rami scripti sunt:

*Ramus odorifera curuatus ab arbore veri:
arboris est virtus inclyta summus apex.
arboris vt possis conscendere culmina, Ra-
mum
appendas manibus docta iuuenta tuis.
te feret aërias ad culmina summa per au-
ras
sacrum vbi virtutis est penetrabile situm.*

§. VII. Sed tantam auctoritatem philosophia Ramea haud consequebatur, vt Aristotelis doctrinam de dignitatis sede penitus dei-

¹ *biblioth. philosoph. p. 1283.*

cere potuisset, quæ nihilominus sese tuebatur, & incrementa capiebat haud leuiora. quod quum obseruarent sectatores Rami, & asseclæ Aristotelis ac Philippi Melanchthonis proba multa nec contemnenda in Rami monumentis inuenirent; excitati sunt ad studium conciliandi Ramum cum Aristotele ac Philippo Melanchthone, qui grauis auctoritatis Aristotelicæ defensor ac custos erat. nec solum studebant conciliationi, siue vt dicitur syncretismo philosophico, sed quoque ex vtriusque cum Aristotelis, tum Rami σύστημα aliquod conficiebant, qui posteriores dicebantur *mixti philosophi*. sic habemus PAVLLI FRISII *comparationes dialecticas*; BILSTENII *syntagma Philippo-Rameum liberalium artium*; BVSCHERI *harmoniam logicæ Philippo-Rameæ*; POLANI *syntagma logicum Aristotelico-Rameum*; LIBAVII *collationem dialectices Melanchthonis & Rami*, vt de aliis taceamus. inter mixtos philosophos refertur quoque BARTHOLOMAEVS KECKERMANN, cuius scripta philosophica sub *systematis systematum* inscriptione in summam redacta prodierunt cura IO. HENR. ALSTEDII, Hanou. MDCXIIII. nam quamuis existimauerit, *solam sectam Peripateticam Deum hac gloria & honore dignari voluisse, vt quæ Plato & alii confuse sine methodo & ordine semiplena. imperfecta per flosculos metaphorarum & fabularum inuolucra tradidissent, ea Aristoteles naturæ miraculum & auctor Peripateticæ familiæ primus humani generi traderet sub forma methodi dextræ, regulatæ & quoad partes omnes plena, id est vt cum logica, tum philosophiæ reliquæ*

*liquæ ordinata, methodica, acroamatica, atque ad intellectus humani vsum informata systemata diuino artificio conformaret;*¹ multa tamen in logica Peripatetica emendanda esse observauit, ac doctrinas Rami cum Aristotelicis coniunxit, quapropter a Peripateticis vocatur *Semi-Rameus*. ceterum IO. SCHARFFIVS² de mixtis his philosophis ita iudicat: *binc alia Ramistarum secta orta est, quæ vocatur mixta, seu mixta: scilicet nomine fatali. miscet enim omnia in vnum chaos, Aristotelem transformat in ramenta falsarii sui Petri, hoc est lucem in tenebras, calum in terram, arborem in ramos, ut suo loco demonstratur;* & ABRAH. CALOVIVS.³ *Rameis, ut & mixtis ne deleantur, si Peripateticæ logicæ informatione gaudere possint, quod consilium quam salubre sit, ipsi tum agnoscent, cum discernere poterunt, quid distent æra lupinis;* sed quis non videt, quod hæc iudicia profecta sint ab animo, Aristoteli maxime consecrato? CHRISTIAN THOMASIVS⁴ discrepantiam logicæ Rameæ a dialectica Philippi Melanchthonis his momentis notat: (1) *quod Ramus duas logicæ partes faciat, inuentionem & iudicium, ab inuentione incipiendo; Philippus contra methodum syntheticam secutus a iudicio ad inuentionem progrediatur:* (2) *Ramus omisit predicamenta; predicabilia vero alienis locis & sparsim inseuit ac parum sollicitus fuit de conditionibus bonæ definitionis & diuisionis.* (3) *Ramus replet omnia solis poëticis & oratoriis ex-*

¹ *præogn. logic. tr. II. cap. 2. §. 15.* ² *instit. logic. pag. 48.*

³ *pad. theolog. p. 111.* ⁴ *philosoph. aulic. cap. llll. §. 16.*

emplis;

emplis; at Philippus exempla adfert ex omnibus artibus & disciplinis.

§. VIII. Quodsi controuersiam hanc Ramorum cum Aristotelicis accuratius contemplari ac de ista sentire velimus, necesse est inter Ramum & sectatores eius ponere discrimen, nec de illis iudicare promiscue. Petrus Ramus non omnia quidem effecit perfecta; quin etiam existimamus, ipsum multa maxime necessaria atque vtilia logicæ momenta reliquisse intacta, quo inter alia spectat doctrina de definitione & diuisione, quibus omnis certa veritas nititur; nec non de diuersis veritatis generibus, demonstratione & probabilitate, de variis ratiocinandi modis; item ea, quæ tradiderit, adhuc posse emendari, etiam nonnulla momenta adtulisse, quæ sua carent vtilitate. attamen vel ideo singulari dignum habemus laude, quod primum seruituti philosophicæ sese obiecerit fortiter suoque demonstrauerit exemplo, veram philosophiam haud pendere ab auctoritate aliorum, qua si philosophiam tractandi rationem metiri velimus, ista tollit libertatem cogitandi, ruetur & propagat aliorum errores atque impedit, quo minus veritates inueniri, ac falsa remoueri possint. deinde Ramus in eo meliora præstitit, quod disciplinam logicæ ex elegantioribus litteris illustrauerit adeoque ipsius vsum declarauerit verius, quam scholastici, quorum dialectica semper in tenebris cogitationum erat defixa nec quidquam ad alias scientias aut vitam adferebat. quod si hoc modo recentiores quidam GERH. IO. VOSSIVS, ¹ DA-

¹ De natura & consuetudine logica cap. XII. §. 7.

NIEL GEORGIUS MORHOFIVS,¹ GEORGIVS PASCHIVS² aliique Rami studia in purganda logica collocata considerassent, nec tam multum affectui erga Aristotelem dedissent; benignius sane de meritis huius philosophi iudicassent. nam quamvis hac feliciori philosophiæ tempestate haud necesse sit, Ramum defendere ac commendare, aut censuram quandam in ipsum facere, quum vera philosophiæ doctrina ita culta & in aperto posita est, ut sectam Rameam iterum stabilire, aut impugnare, nefas fere haberetur; æquitas tamen postulat, cuique meritam laudem adtribuere, nec pro quavis adfectuum libidine quemdam perstringere. sufficit, Ramum idem ius ac eandem libertatem cogitandi habuisse, atque usurpasse, quam adhibuit Aristoteles, quum multa a præceptoribus tradita emendaret, ac propria iudicii facultate inquireret in veritates? ceterum neutiquam probamus, quod Ramus, præcipue ipsius sectatores studio pravorum adfectuum interdum abrepti, a veritatis via aberrauerint, nec solum fecerint *λογομαχίας*; sed & defenderint errores, neque in Aristotele bona sunt, videre voluerint. at vero hæc a Peripateticis haud iure quodam Rameis obiici possunt, siquidem iisdem vitiis, etiam adhuc gravioribus laborauerint, quum disputarent contra Ramum & philosophiam ipsius: confer SAMVELEM WERENFELSIVM.³

§. VIII. Hactenus disseruimus de illis, qui

¹ Polyhistor. tom. II, lib. 1. cap. 12. §. 1. ² de inuentis nou-
antiquis cap. II. §. 16. ³ de logomach. erud. cap. III. §. 6.
pag. 60.

Aristoteli, præcipue scholasticis se opposuerunt ac logicam imprimis a barbara labe, quam contraxerat iniuriâ temporis, purgare adnisi sunt summa ope. quos subsequuntur isti, qui tuendæ Aristotelis auctoritati addicti dialecticam ex antiquis fontibus iterum hauriendam, adeoque vetustiore renouandam atque instaurandam esse existimarunt, qui in certas ætates accurate haud distribui possunt, quum modo tempore Rami modo ante, modo post illum floruerint. duplex eorum genus fuit. alii sectati sunt doctrinam vulgarem eamque scholasticam, atque ex Aristotele aliisque antiquis dialecticis istam emendarunt, illustrarunt & ad veriore adcommodarunt vsum; alii vero a scholasticorum nugis plane abhorrentes, vnice Aristotelem eiusque græcos interpretes secuti, germanam Peripateticam dialecticam in pristinum dignitatis fastigium collocare omnibus adnitebantur viribus. prioris generis multi sunt, FRANCISCVS TITELMANNVS, IODOCVS WILLICHIVS, PHILIPPVS MELANCHTHON, IO. STURMIVS, IACOBVS ZABARELLA, AVCTORES collegii Conimbricensis, STAHLIVS, BECHMANNVS & plures alii, quorum nomina & scripta copiose recensere, non necesse est, præcipue quum KECKERMANNVS & bibliothecarum scriptores munus id præstiterint. quapropter sufficiat, breuiter adnotasse, quo studio PHILIPPVS MELANCHTHON dialecticam in altius prouehere contenderit, & quam multi alii per ipsum sint excitati ad culturam dialecticæ Peripateticæ. PHILIPPVS quippe MELANCHTHON

THO N logicæ magnum statuebat pretium, quam in rem testimonia collegit. IACOBVS MARTINI;² ac ducem sequebatur Aristotelem, quem quondam faciebat magni. at locis communibus, siue hypotyposis theologicis multa leguntur, quæ animum a philosophia Aristotelica alienum prode- re videntur, siquidem, si consulamus pri- mam editionem editam MDXXI. inter alia hæc legimus: *nam perinde atque his posterio- ribus ecclesiæ temporibus Aristotelem pro Chri- sto sumus complexi, ita statim post ecclesiæ at- spicia per Platoniam philosophiam christianæ doctrina labefactata est: item: Aristotelis do- ctrina est in vniuersum quedam libido rixandi, ut eum in parænetica philosophiæ scriptoribus ne postremo quidem loco numerare conueniat; nec non: id. ut conueniat cum Aristotelis phi- losophia non laboro; quid enim ad me, quid sen- serit ille rixator? sed tamen quum forsitan post- hac MELANCHTHON cognosceret, rem lit- terariam sine philosophia haud posse consiste- re; & persuaderet sibi, haud consultum esse li- bertatem philosophicam cuiusuis ingenio permittere, quamdam sectam ex vetustiori ætate reuocare instituit. ea tempestate præ aliis eminebant Platonica & Aristotelica, quam posteriorem priori præferebat PHILIPVS variis de causis, præcipue quoniam existima- bat, Platoniam deducere homines ad enthu- siasmum, nec quidquam solidi ex dialectica scientia continere; etiam aduersarii, a quibus tum vocabantur in disceputationem, haud le-*

² in *Vennsfta-Spiegel* lib. II. cap. 14. p. 847.

viore industria peripateticæ philosophiæ invigilabant. id certum est, quod eo tempore sinistre iudicauerint de philosophia Platonica. IO. VELCVRIO, ¹ postquam commemoraverit placita Platoniorum de virtutibus, addit: *Platoniorum vana somnia recensui ob id tantum, ut haberemus fere summam Platonice theologiæ, quam vocant, & ostenderem, quam fide dignis scilicet & iustis de causis quidam vaniloqui persuasi, Platonice philosophiam ausint comparare christianismo, quum reuera finiarum animi ac mores corporaque sint hominibus similiore, quam hæ quadruplices Platoniorum virtutes commentitiæ, aliquantillam christianismi veri exprimant umbram.* quid igitur mirum, quod posthac MELANCHTHON magnificerit Aristotelem, ipsius philosophiam professus eamque propagauerit atque effecerit, ut accessione non levis incrementi reddita fuerit splendidior, cuius rei testimonia ex ipso MELANCHTHONE collegit IO. HERMANNVS ab ELSWICH. ² atqui eundem ducem, Aristotelem quippe secutus est in arte logica, cuius dialecticam laudat & commendat mirifice, siquidem dicit: *philosophia Aristotelica recte describit genera doctrinarum, dialecticæ, physicæ, ethicæ, & dialecticæ habet veram, incorruptam, integram: qua laude haud dubio, omnibus aliis sectis antecellit.* alio autem loco perstringit Petrum Ramum: *quod autem gallus quidam, inquit, contendit, ne tabulas quidem ex illo Ari-*

¹ Cornu. physic. lib. III. c. 39. ² scholasticum. de varia Aristotelis in scholis Protestantium fortuna p. 36. sqq. ³ Dialect. lib. III. ⁴ erat. de Aristotele.

Aristotelis naufragio vllas receptas esse, ac prorsus amissos esse dialecticos libros: deinde hos, qui hoc titulo circumferuntur, rudera continere, non artis integræ exstructionem, seu vt ita dicam adificium, illum hoc suo somnio delectari sinamus. nos hæc monimenta, cuiuscunque sint, etsi Aristotelis esse multa sunt & graues coniecturae, amemus & eis fruamur. & hinc veram methodi formam in omni disputatione sumendam esse sciamus. primus sub reformationem doctrinæ christianæ libros quatuor *erotematum dialecticorum* scripsit, quæ sæpius MDXXVIII. & imprimis recognita ac dedicata IO. CAMERARIO, Ioachimi filio MDXLVII. Lipsiæ prodierunt: confer BARTHOLOMAEVM KECKERMANN. ¹

§. X. PHILIPPVS MELANCHTHON magister erat multorum discipulorum, qui magna copia ad ipsum, vt institutione eius vterentur, confluebant, ac posthac scholis præfecti philosophiam hanc longe lateque per Germaniam, Daniam, Sueciam, Hungariam disseminabant. hac ratione Aristoteles magna capiebat incrementa, præcipue quum multi instituta academix Witebergensis obseruarent & ad exemplum illius conderentur aliæ academix. in academia Lipsiensi constitutus est professor, qui adhuc organon Aristotelis publice debet interpretari, quo munere iam fungitur L. CHRISTIANVS LVDOVICI, cuius *logicæ Peripateticæ vestigia ab orthodoxis theologis innocue vtiliterque pressa & in publicis dissertationibus lustrata*, prodierunt Lipsiæ

¹ *præcogn. logic. tr. II. cap. V. §. 2.*

MDCCXIII. qua occasione IO. NELDENVS librum conscripsit de *usu organi Aristotelici*; sic & exstat constitutio academiarum Lipsiensis & Witebergensis ab Aug. an. MDLXXVI. edita, qua iubentur secundus professor philosophiæ, nec non septimus, octauus & nonus *solius Aristotelis libros in dialecticis, physicis, ethicis, & politicis prælegere, disputationes item & examina promouendorum ex Aristotelis libris instituere*: vide HVLSEMANNV. ¹ sic & in aliis academiis ac scholis hæc dialectices ratio erat solemnis, qua sequebantur Philippum, ac re ipsa, quum passim conficerent compendia, Aristotelis monimenta negligebantur, quod & in academia Witebergensi accidit, ubi maior ratio habita est librorum Melanchthonis, quam Aristotelis. id quod confirmat POLYCARPVS LYSEVS: ² porro, inquit, *ut quoque de Aristotelis philosophorum principis scriptis quid sentiam, scribam, tantum abest, ut illa ex scholis releganda esse statuam, ut nunquam dissimulauerim, me mirari, qui fiat, quod in hac schola nostra, qua cum reliquarum in Germania academiarum quasi communis mater esse statuatur, tantum compendia philosophiæ studiosæ iuuentuti prælegantur, Aristotelis autem libri prorsus negligantur. ego omnino iudico D. Ph. initio compendia philosophiæ saltem pro incipientibus scripsisse, idque non hoc consilio fecisse, ut Aristotelis libros ex manibus discipulorum prorsus excuteret; sed tantum ut eosdem ad legendum ipsum Aristotelem introduceret & quasi viam scerneret. iam vero dum Ari-*

¹ pref. ad dialect. pag. 12. sqq.
² pag. 287.

² vid. syllog. epistol. Lysen.

stoteles ab aliis negligitur, ego insimulor, quasi eius libros ceu inutiles reiiciam. cum statuam ex dignitate academiarum esse, ut in illis iuniores a compendiis ad fontes ipsos adducantur. sed tamen non defuerunt, qui in id conferebant studia sua, ut genuinos Aristotelis fontes aperirent, quo inde vera philosophia adeoque dialectica vnice posset hauriri. atqui hi sunt posterioris generis, de quibus disseramus.

§. XI. Alterum igitur genus est illorum, qui excitati cupiditate genuinam Aristotelis philosophiam cognoscendi, animos suos ad ipsius monimenta conferebant, & abiecta omni scholasticorum doctrina, vnice admittebant Aristotelis placita. atqui talem purum atque incorruptum Aristotelem reducere multi elaborarunt, ex quibus Itali quidam maxime iluxerunt, ANDREAS CAESALPINVS, CAESAR CREMONINVS, PETRVS VICTORIVS, CYRIACVS STROZZA, ALEXANDER & FRANCISCVS PICCOLOMINAEI; quorum exemplis germani quoque ad huiusmodi studia commoti sunt, inter quos eminent CORNELIVS MARTINI, PHILIPPVS SCHERBIUS, MICHAEL PICCARTVS, ERNESTVS SONERVS, CHR. DREIERVS, MELCHIOR ZEIDLERVS, HERMANNVS CONRINGIVS, IO. A FELDEN & alii. cuiusmodi ingenia maxime erant splendida, non solum splendore philosophiae; sed & elegantioris ac praecipue graecae doctrinae, quam prudentissimo consilio ac felicissimo instituto coniungebant cum sapientiae studiis, sique faciliiori atque expedita via ad penetralia phi-

lophiæ Aristotelicæ peruepiebant. nec obscure subinde colligi potest, quantam vim adferat politior litteratūra ad culturam philosophiæ, quam coniunctionem quum viri illi gravissimi facerent, multa sane præclara atque utilia, quæ bonas litteras iuuant atque ornant, præstiterunt. in ipsis enim philosophiæ doctrinis multo iucundiores atque utiliores sunt scholasticis, ita ut exiguus *γυμνάσιος* cuiusdam Aristotelici liber meliora contineat, quam decem volumina scholasticorum magnæ molis, ac quamvis nostra tempestate nec pura Aristotelis doctrina quidquid ponderis habeat, quum feliciora philosophiæ fidera exorta sint; horum tamen monimenta nobis in historia philosophica clarissimum lumen præferre possunt, id quod vel vnicum exemplum summi viri IACOBI THOMASII confirmat, cuius laus de hoc historiarum genere comes erit æternitatis.

§. XII. Quod speciatim ad dialecticam adtinet, illam quoque puriorem ex Aristotele restituere conati sunt hi vere Aristotelici. atqui huc pertinent

BARTHOLOMAEVS VIOTTVS, cuius libri quinque exstant de demonstratione, qui prodierunt primum Parisiis; posthac autem anno MDCLXI. istos recudendos curauit ANDREAS FROELINGIVS in academia Iulia logices professor, & hanc secundam tertiam editio secuta est Brunsvigæ MDCLXXXV. 4. cura HENRICI WIDEBVRGII, qui in margine præcipua operis analytici loca obseruauit & extremo

mo quoque adnotationes quasdam adiecit. HERMANNVS CONRINGIVS ¹ de opere hoc ita iudicat: *ea propter quum iuueni mihi in Batauorum academia degenti anno abhinc tricesimo secundo forte fortuna Bartholomæi Viotti de demonstratione inscripti libri in manus inciderent, dici non potest, quantopere letatus fuero. sed nec fefellit me omnis expectatio. reperi enim in hoc volumine iusta serie & perspicue tradita, quæ in Aristotelico sparsim & perobscure docentur; haud pauca etiam, quæ in Aristotelico desunt, utilia tamen, immo necessaria scientiam certam affectantibus. quamvis cum Aristotelica nonnulla tum & alia ad apodicticam pertinentia heic etiam prætermissa sint.* BARTHOLOMÆVS KECKERMANN ² censet, reperiri in his libris quidem errores non paruos nec paucos; tamen non deesse etiam utilia & proba. ceterum VIOTTVS scripsit quoque de balneorum naturalium viribus.

IACOBVS SCHEGKIVS, cuius iam supra fecimus mentionem, quum exposuerimus historiam logicæ Rameæ, cui sese opposuit. penitus animum tradiderat philosophiæ Peripateticæ, cuius singularem consecutus est laudem: hinc FECHTIVS ³ de eo scribit: *philosophiam Peripateticam perpetuo tamquam ἑγρον persecutus, ut e tenebris scho-*

¹ Epist. præmissa ad Frælingium.

² præf. logic. tr. II. cap. V. §. 7.

³ schædiasm. sacr. exercit. II. p. 448.

*lasticorum iterum erueretur, illiusque usus in omnibus disciplinis incomparabilis toti orbi pateret, legendo inque publicum meditationes suas edendo vnice operam suam impendit. scripsit libros XV. de demonstratione, item obseruationes in prædicabilia, prædicamenta, librum de interpretatione, priora analytica, topica, quæ monimenta ab illis, qui doctrina Peripatetica delectantur, in magno habentur pretio: confer MELCHIOREM ADAMVM.*¹

IO. BAPTISTA MONLORIUS, qui in libros priorum analyticorum commentarios scripsit, quo opere omnes veterum & recentium operas in illos Aristotelis libros ita superauit, ut qui iam post Monlorium in hac parte aliquid aggrediuntur, post Homerum Iliadæ scribere videantur, iudice KECKERMANNO.²

SIMON SIMONIUS, Italus qui ob religionem patria exul Lipsiam se contulit & magno studio philosophiæ Aristotelicæ tradidit, hinc MORHOPIUS³ dicit: *Lipsiam concessit, ubi academiam illam docuit ἀριστοτελῆν ac exemplo suo & præceptis ad solidiorem philosophiam analyticam viam monstravit; quamuis iam alii ibi fuerint, qui sectati sunt Aristotelis doctrinam. ipsi fuerunt controuersiæ cum Iacobo Schegkio, aduersus quem scripsit quæstiones dialecticas, iisque probare contendit, eum in commentariis logicis non subiectum, non ordinem, non*

¹ *vitæ medicor. germanor. p. 290. seqq.*

² *cit. loco §. 85.*

³ *polyb. t. II. lib. I. cap. XI. §. 28.*

finem, non naturam logicæ artis, quæ ab Aristotele traditur, explicasse.

FORTVNATVS CRELLIVS, qui edidit *isagogen logicam*, qua quum non omnibus satisfecerit, ac censuram quoque expertus, quod tam multa deberet Zabarellæ, obscuram de demonstratione doctrinam exemplis non satis illustraret, etiam religioni suæ nimis deditum se exhiberet; HENNINGVS ARNISAÆVS per observationes suas morbis his medelam adferre voluit.

10. NELDELIVS, Glogouia vrbe Silesiæ oriundus, philosophiæ Aristotelicæ doctor & in academia Lipsiensi professor, quiue anno MDCXII. mortalitatem suam finiuit. opus ipsius de *vsu organi Aristotelici* magnam consecutum est existimationem, quod invito & inscio auctore anno MDCVII. sub hac inscriptione prodierat: PRATVM LOGICVM organi Aristotelici septis inclusum iucundisque passim viridariis adeoque flosculis conspicuum: siue praxis & vsus organi Aristotelici genuinus in omnibus artium & facultatum disciplinis ex ore D. IO. NELDELI, academiae Lipsiensis professoris Aristotelici celeberrimi exceptus & non absque autoris comprobatione (quod falsum est) publici iuris factus. quæ editio quum multis vitiis maxime esset corrupta, M. HENRICVS CRELLIVS meliorem anno MDCLXVI. Helmstadii exhibuit, cui præmissæ sunt epistola HERMANNI CONRINGII ad IACOBVM THOMASIVM, quæ iudicat de NELDELIO, item SIMONE

SIMONIO; necnon GVERNERI ROLFINGII ad CRELLIVM, qua scribit: *organum Aristotelicum intellectu difficile est. Neldelius nucem frangit & cortice nudata nuce lectori apponit mellitissimos medullæ globulos. organum Aristotelicum tenebris est inuolutum, tyronibus remoram iniicientibus. has discutit Neldelius ordinis & methodi subsidiis & aliis euectus in altum & radiis dilucidæ explicationis dubia resoluit.*

IVLIVS PACIVS, qui non solum summe meritus est de organo Aristotelis, quod bene transtulit in latinum sermonem ac commentariis illustravit; sed etiam *logicas institutiones* edidit, quibus doctrinæ Aristotelicæ momenta tradidit feliciter.

PHILOSOPHI ALTDORFINI, qui magnam famam de philosophia Peripatetica, cui purgandæ singulari studio se se tradiderant, consecuti sunt, scilicet PHILIPPVS SCHERBIVS, ERNESTVS SONERVS, MICHAEL PICCARTVS, viri hoc litterarum genere nunquam satis laudandi. primus scripsit disputationem pro philosophia Peripatetica aduersus Ramistas, cuius supra fecimus mentionem; Helmstadii autem MDCLIX. prodierunt ipsius *theses philosophicæ in vnum corpus redactæ*, quibus inter alia agitur de *libris Aristotelis acroamaticis & exotericis; de differentiis analytices & dialectices; logices & dialectices; rhetorices & dialectices; de genere syllogismi; de definitione definitionis; de differentiis definitionum; de categoriis.* MICHAELIS PIC-

CAR-

CARTI autem *organon Aristotelicum in quaestiones & responsiones redactum* lucem vidit Lipsiæ MDCXIII. breuiores illorum disputationes in summam redactæ sub inscriptione: *philosophia Altdorfina* cura & studio IO. PAULLI FELWINGERI prodierunt. ac quem fugiat, quid præstiterint Regiomontani DREIERVS, ZEIDLERVS, HEDDLO; Helmstadienses HERMANNVS CONRINGIVS, CORNELIVS MARTINI, IO. A FELDEN, aliique, quorum omnium nomina ac scripta si distinctius recensere vellemus; opus magnæ molis quidem, sed haud singularis emolumenti conscribere necesse esset. quapropter sufficiat, nos ipsa logicæ fata attigisse ac principes viros, qui hac tempestate clarum præ aliis nomen a se dederunt, commemorasse.

§. XIII. Disseruimus itaque de illis, qui reformandæ artis logicæ posuerunt fundamenta. restat, vt videamus; quomodo ipsa reformatio sit subsecuta, ex quo eclectica philosophia, vti adpellatur, introducta; auctoritas autem præcipue Aristotelis magnum sensu detrimentum. quæ mutatio non vno temporis momento; sed sensim ac sensim euenit, ita vt in dies facta sit ars hæc ornatio ac pulcrior, postquam extiterint grauisissimi viri, qui ipsi magis adhuc expoliendæ curas suas adhibuerunt. ficalii viam pararunt ad huiusmodi logicam, qui nulla auctoritate, sed libertate cogitandi nititur; alii vero posito, semel fundamento opus ipsum struxerunt, quorum iterum varia sunt genera, siue propagationem, siue digni-

dignitatem, siue modum doctrinæ, quam in gratiam veritatis cognoscendæ tradiderunt, respiciamus. namque quod ad propagationem adinet, quorundam præcepta consecuta sunt tantam auctoritatem, ut multi ista veluti diuina coluerint adeoque iterum effecerint sectam, quod exemplo Cartesii eiusque sectatorum patet; ratione dignitatis autem non omnes pari successu opus hoc adgressi sunt. alii enim maxime alieni ab Aristotele, prorsus ipsius doctrinam reiecerunt, etiam interdum bonas meditationes, quas quum non satis maturæ essent, magis expolire & ad veriores scientiarum usum transferre potuissent. id quod patet ex doctrina de figuris & modis syllogismorum, quæ quum maxime a scholasticis esset deprauata, omnem amisit gratiam: ac posthac a plurimis recentiorum philosophorum penitus abiecta, veluti momentum, cui nulla insit dignitas, quod tamen si bene & recte tradatur, varios modos ratiocinandi suppeditat. alii contra omnem affectum erga Aristotelem, erga scholasticos abiicere, a se impetrare haud potuerunt, quapropter interdum retinuerunt doctrinas, quas eicere, nec propagare debuissent. sic & fuerunt, qui momentane maxime necessaria, de definitione, diuisione, de variis modis conclusiones efficiendi, de probabilitate vel minus, vel leuiore industria attigerunt, nec quod imprimis obseruandum est, discrimen inter ratiocinationem philosophicam & mathematicam, quod pro diuersitate obiecti & philosophiæ & matheseos itemque diuerso modo vtramque cognoscendi maxime clarum est, posuerunt. tandem modus quo-

quoque ac ratio, qua doctrinam logicæ proposuerunt, fuit diuersa, siquidem alii ex natura ac variis operationibus intellectus humani præcepta sua deduxerunt; alii vero considerarunt ipsum obiectum logicæ, quod est veritas generatim, item finem, siue cognitionem veritatis & ad vtrumque adcommodarunt ordinem doctrinarum. sed, de his dispiciamus nunc distinctius.

§. XIII. Ille, qui fundamenta logicæ ecclesiæ posuisse plerumque traditur, est FRANCISCVS BACO DE VERVLAMIO, cuius opera prodierunt anno MDCLXV. fol. inter quæ extat quoque *nouum organon*, quod primum in lucem emissum est anno MD CXX. atqui hoc libro elaborat commonstrare nouam logicæ rationem, quæ inprimis ad doctrinam rerum naturæ adplicatur & tribus momentis a vulgari logica diuersa, *sine quippe, ordine demonstrandi, & inquirendi initis.* finis ipsius logicæ propositus est, vt artes, non argumenta inueniantur: *huic nostræ scientiæ, inquit, finis proponitur, vt inueniantur non argumenta, sed artes; nec principijs consentanea, sed ipsa principia; nec rationes probabiles, sed designationes & indicationes rerum.* ad ordinem vero demonstrandi non adhibet syllogismum, sed inductionem, quæ a singularibus gradatim procedat ad generalia: hinc ita disputat contra vulgarem syllogismum: *atque cum huiusmodi sine conueniunt demonstrationum ipsarum natura & ordo. in logica enim vulgari opera fere vniuersa circa syllogismum consumitur. de inductione vero dialectici vix sero cogitasse videntur.*

dentur; leui mentione eam transmittentes, &
 ad disputandi formulas properantes. at nos
 demonstrationem per syllogismum reiicimus,
 quod confusius agat, & naturam emittat e ma-
 nibus. tametsi enim nemini dubium esse possit,
 quin quæ in medio termino conueniunt, ea &
 inter se conueniant (quod est mathematicæ cu-
 iusdam certitudinis) nihilo minus hoc subest
 fraudis, quod syllogismus ex propositionibus
 constat, propositiones ex verbis, verba autem no-
 tionum tessera & signa sint. itaque si notiones
 ipsæ mentis, (quæ verborum quasi anima sunt &
 totius huiusmodi structura & fabrica basis) ma-
 le & temere a rebus abstractæ & vagæ nec satis
 definitæ & circumscriptæ, denique multis modis
 vitiosæ fuerint, omnia ruunt. reiicimus igitur
 syllogismum; neque id solum quoad prin-
 cipia, (ad quæ nec illi eum adhibent) sed etiam
 quoad propositiones medias, quas educit sane
 atque parturit utcunque syllogismus; sed ope-
 rum sterile & a practica remotas & plane quo-
 ad partem actiuam scientiarum incompetentes.
 tandem in inquirendi initiis auctor principia
 in dubium vocat, ac in primis falsa ac prius,
 quam par est, facta iudicia remouere conten-
 dit, quæ vocat *idola mentis* & in quatuor dis-
 tribuit classes: prima complectitur *idola tri-
 bus*, quæ fundata sint in ipsa quasi tribu siue
 gente ac natura humana vniuersè spectata; se-
 cunda *idola specus*, quæ habeantur ex natura
 singulari; ipsa enim quasi quædam cauerna
 obscuret impressiones, quæ aliunde adueniant
 ob errores generales contractos ex consuetu-
 dine, lectione, auctoritate; tertia *idola fori*,
 quæ oriantur ex commercio cum plebe, ac
 quarta

quarta *idola theatri*, quæ ex philosophorum doctrinis ac peruersis demonstrationum legibus habeant originem, quæ omnia copiose recenset PETRVS GASSENDVS.¹ nisi post Verulamium alii philosophi manus suas emendandæ logicæ admouissent, ac feliciori successu opus hoc fuissent persecuti; sane novum ipsius organon tantum ponderis minus habuisset, quantum ad destruendam Aristotelicæ logicæ auctoritatem erat necessarium. nam præcepta ipsius neutiquam fini logicæ respondent, turbatim sunt proposita nec mediocrem prædunt obscuritatem, quod non aliter poterat euenire, quum auctori id esset solemne, ut obscuros mentis conceptus adhuc nouis atque obscuris verbis exprimeret. ceterum tantum abest, ut hoc summum litterarum decus honorifica existimatione minus colamus; ut ipsius studia, quibus libertatem cogitandi in altius fastigium prouehere adnitus est, magnificis laudibus digna esse censeamus. sufficit,² quod in Verulamio deprehendamus mentem libertatis philosophicæ maxime studiosam; a seruitute vero, quæ cum bonis litteris nihil habet commune, alienam. Verulamii vestigia secutus est IO. BAYERVS, qui lyceo Eperienti præfuit, ac logicam composuit huius inscriptionis: *filum labyrinthi, vel cynosura seu lux mentium vniuersalis cognoscendis, expendendis, & communicandis vniuersis rebus accensa*, Cassoulæ MDCLXIII. confer IO. FRANCISCVM BVDDEVM.²

¹ de origine & variet. logicae cap. X. ² introd. ad hist. phil.
Ebraer. §. XXXVI. p. 311. ed. 2.

§. XV. Quum defuncti simus hoc labore, ordinis ratio nos iubet, nos ad RENATVM CARTESIVM conuertere. PETRVS GASSENDVS ¹ dicit de eo: *is Verulamium ea in re imitatus est, quod nouam quoque philosophiam a fundamentis excitaturus, omne omnino præiudicium exuere, imprimis voluit; ac invento subinde quopiam principio solidissimo, ipsi vt fundamento super exstruere totam molem. non eandem tamen viam est, quam Verulamius ingressus, sed quum Verulamius auxilia a rebus ad perficiendam intellectus cogitationem petierit, ipse omni rerum cogitatione ablegata, censuit in ipsa cogitatione satis esse præsidii, vt intellectus possit vi sua in omnium rerum, etiam abstrusissimarum, hoc est non modo corporum, sed dei etiam ac animæ notitiam perfectam venire.* scripsit autem CARTESIVS dissertationem *de methodo recte vtendi ratione & veritatem in scientiis inuestigandi; meditationes de prima philosophia*, quæ multa argumenti logici continent, cuiusmodi res aliis quoque monumentis passim attigit. quæ fata philosophia Cartesii generatim subiit, iisdem quoque exposita fuit ipsius logica, quum alii istam laudarunt, expoluerunt, illustrarunt, & quomodo possit propagari, studiose sunt meditati; alii vero varias easque grauiores censuras in illam exercuerunt. posterioris generis inprimis est PETRVS GASSENDVS, qui edidit *disquisitionem metaphysicam seu dubitationes & instantias aduersus Renati Cartesii metaphysicam & responsa*, ², quo opere tantis

¹ de origine & variis. logic. cap. XI. ² tom. III. opp. Gassendi. p. 279.

viribus aggressus est Cartesium, ut neque Cartesius, neque alius ex sectatoribus ipsius istas opprimere seque tueri potuerint. hinc etiam GERHARDVS de VRIES¹ hortatur Cartesii asseclas: *confutandis tandem se accingant, si quid valeant, Gassendi instantiis.* PETRVS POIRET² quoque Cartesii dissertationem de methodo & meditationes confutare, errores demonstrare instituit, quæ censura multa præclara prodit ac significat, Poiretum in refutandis aliis esse feliciorum, quam in veritatibus ac præceptis suo ingenio expromendis: nec non PETRVS DANIEL HVETIVS³ multa hoc doctrinæ genere obseruauit aduersus Cartesium, ut de aliis, qui ei sese opposuerunt, taceamus, qua de re scriptores de vita ac fatibus Cartesii eiusque philosophiæ legi possunt, IO. TEPELIUS,⁴ PETRVS BORELLVS,⁵ ADRIAN. BAILLET.⁶

- §. XVI. Duo præcipue Cartesius sibi proposuit explicanda: alterum est, ut demonstraret viam, qua quis errores generales euellere atque vitare posset, quam in rem dubitationem commendauit maxime. ita enim de se⁷ loquitur: *animaduerti iam ante aliquot annos, quam multa incunte ætate falsa pro veris admiserim, & quam dubia sint, quæ istis postea super extruxi; ac proinde funditus omnia in vita esse euertenda, atque a primis fundamentis denuo inchoandum, si quid aliquando firmum & mansurum cupiam in scientiis stabilire.* V

¹ dissertationcul. de Cartesii meditation. a Petro Gassendo impugnata. §. 41. ² part. III method. inueniendi verum p. 89. de erud. triplic. ³ censura philosophia Cartesii. ⁴ histor. philos. Cartesianæ. ⁵ compend. vita Cartesii. ⁶ dans la vie de Mr. Descartes. ⁷ meditaz. 1. de prima philos.

autem dubitandi rationes ostenderet, istas a sensuum fallacia & somniorum ludificationibus deduxit, siquidem ita dixit: ¹ *nunc itaque cum tantum veritati querenda incumbamus, dubitabimus inprimis, an ullæ res sensibiles aut imaginabiles existant: primo, quia deprehendimus interdum sensus errare, ac prudentiæ est, numquam nimis fidere iis, qui nos vel semel deceperunt: deinde quia quotidie in somnis innumera videmur sentire aut imaginari, quæ nusquam sunt: nullaque sic dubitanti signa apparent, quibus somnum e vigilia certo dignoscatur. quum vero præter hæc, quæ cadunt in sensus externos, dantur adhuc principia, quæ omnino vera habentur, qualia sunt mathematicorum, & de illis dubitari posse existimavit Cartesius, quoniam aut deus hominem & in his rebus ad errores proclivem condere atque effingere potuerit, aut si hoc diuinæ sapientiæ ac benignitati repugnaret, quis facile sibi posset persuadere, esse genium quemdam malum, qui fraudes faceret, hominesque deduceret in errores, ut falsa haberent maxime vera & certa.* en verba Cartesii: ² *nam siue vigilem, siue dormiam, duo & tria simul iuncta sunt quinque, quadratumque non plura habet latera, quam quatuor; nec fieri posse videtur, ut tam perspicuæ veritates in suspensionem falsitatis incurrant. verum tamen infixæ quædam est meæ menti vetus opinio, deum esse, qui potest omnia, & a quo talis, qualis existo, sum creatus: unde autem scio, illum non fecisse, ut nulla plane sit terra, nullum calum, nulla res extensa, nulla figura, nulla magnitudo, nullus locus, & tamen*

¹ princ. philosoph. part. I. §. 4.² mediat. I.

hæc omnia non aliter, quam nunc mihi videantur exsistere? immo etiam quemadmodum iudico, interdum alios errare circa ea, quæ se perfectissime scire arbitrantur, ita ego ut fallar quoties duo & tria simul addo, vel numero quadrati latera; vel si quid aliud facilius fingi potest? at forte noluit deus ita me decipi, dicitur enim summe bonus; sed si hoc eius bonitati repugnaret, talem me creasse, ut semper fallar, ab eadem etiam videretur esse alienum permittere, ut interdum fallar, quod ultimum tamen non potest dici. ac paucis interiectis: supponam igitur, non optimum deum fontem veritatis, sed genium aliquem malignum eundemque summe potentem & callidum omnem suam industriam in eo posuisse, ut me falleret: putabo, calum, aerem, terram, colores, figuras, sonos cunctaque externa nihil aliud esse, quam ludificationes somniorum, quibus insidias credulitati meæ tetendit. quum igitur hac ratione omnia incerta, ac falsa secum reputaret, id unicum certum ac verum ipsi videbatur, quod quum dubitaret, necesse sit, se cogitare, quumue cogitaret, inde sequatur necessario, se existere, quia alias cogitare haud posset. quapropter putabat, principium hoc: ego cogito, ergo sum, esse maxime solidum ac prima veritas, quæ possit opponi dubitationi. alterum, in quo CARTESIVS singularem operam posuisse sibi videbatur, est doctrina de demonstratione, quam quatuor regulis¹ tradidit. prima illarum est: ut nihil unquam veluti verum admitteres, nisi quod certo & euidenter verum esse cognosceres; hoc est ut omnem præcipitantiam

¹ *dissert. de methodo.*

atque anticipationem in iudicando diligentissime vitares, nihilque amplius conclusione complecteris, quam quod tam clare & distincte rationi tuæ pateret, ut nullo modo in dubium posses reuocare. secunda: ut difficultates, quas esses examinaturus, in tot partes diuideres, quot expediret ad illas commodius resoluendas. tertia: ut cogitationes omnes, quas veritati quaerendæ impenderes, certo semper ordine promoveres: incipiendo scilicet a rebus simplicissimis & cognitu facillimis, ut paulatim & quasi per gradus ad difficiliorum & magis compositarum cognitionem ascenderes; in aliquem etiam ordinem illas mente disponendo, quæ se mutuo ex natura sua non præcedunt; quarta: ut tum in quaerendis mediis, tum in difficultatum partibus percurrendis, tam perfecte singula enumerares & ad omnia circumspiceres, ut nihil a te omitti esses certus.

§. XVII. Quamuis fateamur ingenue, **CARTESIO** magnam laudem iis de causis esse tribuendam, quod diligenter non solum sit meditatus, quo modo nimia auctoritatis studia, quæ cum vera philosophia eiusque prosperiori progressu nullum habent commercium, euellantur; sed & ipse libertatem cogitandi, quæ propria est philosopho, usurpauerit. quæ ratione id effecit, ut ab eius ætate musæ hæc maiora felicioraque ceperint incrementa; etiam alia ingenia grauissima sint excitata ad meliorem artis logicæ culturam promouendam. nam ipse **CARTESIVS** disciplinæ huic haud multa præclara adtulit, siue præcepta, quæ præcepit, siue propriam exercitationem, quam in cognoscenda demonstrandaque veritate

ritate

ritate adhibuit, respiciamus. regulæ eius ac præcepta iusto sunt breviora nec ingenium quoddam possunt aptum reddere ad sensum veri & falsi, præsertim quum nimis sint generalia, cuius rei eo maiori admiratione tene- mur, quo largior ipsi fuit occasio, logicæ Ari- stotelicæ vitia emendandi, modo per summam auctoritatem, quam dialectica Peripatetica longo temporis tractu tenebat; modo per ipsius apertos defectus atque errores; modo per proprii ingenii excellentiam ac modo de- nique per studium gloriæ philosophicæ, quo trahebatur CARTESIVS. sic nihil tradidit de ratione verum inveniendi, de probabilitate, de definitionis legitimæ indole, de variis ratiocinandi modis, nec quod inprimis ob- servare decet, discrimen inter ratiocinationem philosophicam & mathematicam cognovit, quin etiam vitium hoc auxit maximo opere. scholasticorum quidem malorum stirpem, id est nimium auctoritatis Aristotelicæ studium excindere elaboravit, quum de omnibus re- bus dubitare iuberet; sed veræ ac sanæ dubi- tationis modum tenere haud poterat, quam cum negatione confundebat quumque certi- tudinem sensuum tolleretur, viam scepticismo aperiebat. en dubitationem Cartesianam: *facile quidem*, inquit, ¹ *supponimus, nullum esse deum, nullum cælum, nulla corpora; nos- que etiam ipsos non habere manus, nec pedes, nec denique ullum corpus*, quæ non indicant dubi- tationem, sed negationem. nam primum du- bitare decet de argumentis ac probationibus, quæ si firmæ sunt, absurdum est, de re ipsa du-

¹ *princ. phil. part. I. §. 7.*

bitare, quod tum fieri potest ac debet, si deprehendimus, adhuc adlata argumenta nullum habere pondus nec vim quamdam probandi. nec ista, quæ tradit de criterio veritatis, quod positum sit in clara & distincta idea, recte sese habent, quoniam neque ad existentias rerum, quæ etiam ex idea confusa probari potest, neque ad probabilitatem adplicandum est, ut taceamus de eo, quod conceperit obscure claram ideam. namque dicit: ¹ *perceptionem claram voco illam, quæ menti attendenti præsens & aperta est; sicut ea clare a nobis videri dicimus, quæ oculo intuenti præsentia, satis fortiter & aperte illum mouent; qua definitione explicat claram ideam mathematicam, quæve omnes quoque idææ fictæ sunt claræ, quibus autem in philosophia nullus est locus. ipse sæpius contra regulas artis bene cogitandi peccauit, ac quamuis de omnibus dubitandum esse existimauerit; in doctrina tamen rerum naturæ maxime dubia posuit, veluti vera & summe certa, quum optimo iure instituere potuisset dubitationem.*

§. XVIII. CARTESII philosophia adeoque etiam ipsius opiniones, quæ ad logicam pertinent, nactæ sunt sectatores, qui non solum eius dissertationem de methodo ac meditationes; sed & alia monimenta, præsertim principia philosophiæ euoluerunt, ex illis præcepta collegerunt & ista ad certum artis ordinem adcommodata vberius interpretati sunt atque illustrarunt. alii studia sua contulerunt ad integram philosophiæ doctrinam, ac simul cum reliquis disciplinis tradi derunt logicam;

¹ *princip. part. I. §. 45.*

alii vero speciatim artem cogitandi explicandam sibi proposuerunt, quorum principes recensere instituamus, vt qui progressus logicæ Cartesianæ fuerint, pateat. atqui huc pertinent

ANTONIVS LE GRAND, cuius *institutio philosophiæ secundum principia Renati des Cartes noua methodo adornata & explicata*, prodiit MDCLXXXIII. ac diuisa est in decem partes, quarum prima continet logicam ad mentem Cartesii propositam. anno MDCCVIII. Vitembergæ prodiit *examen succinctum artis recte cogitandi Antonii le Grand*, auctore M. IO. IACOBO FERBERO.

IO. CLAVBERGIVS, cuius opera omnia philosophica cura IO. THEOD. SCHALBRUCHII Amstelod. MDCXCI. 4. prodierunt. inter hæc extat quoque *logica vetus & noua, modum inueniendæ ac tradendæ veritatis in genesi simul & analysi facili methodo exhibens*; ac quidem ex tertia editione primæ partis, & secunda reliquarum, quæ lucem vidit anno MDCLVIII. huic accessere prolegomena de causis errorum & imbecillitatum humanæ mentis & logica ipsa multis locis emendata fuit, cuius præfatione scribit: *meliolem fortassis logicam scripsissem, nisi veteris & nouæ coniunctionem hæc tempora postulassent*. diuidit CLAVBERGIVS logicam in partem *geneticam*, quæ mentem humanam ducat ad rectam genesin cogitationum; & *analyticam*, quæ ducat ad analysin cogitationum alienarum. vtramque iterum diuidit: *geneticam* in cogitantem,

quæ doceat, quomodo ipse homo quidvis rite debeat cognoscere; & loquentem, quæ dirigat hominem ad alios, ut cum illis de cogitationibus possit communicare; *analyticam* vero in *interpretantem* & *iudicantem*; confer CHRISTIANVM THOMASIVM.¹ hæc Claubergii logica in epitomen sub inscriptione: *logica contracta* redacta est, quæ etiam in operibus eius deprehenditur: nec non anno MDCLXXXVIII. prodit in lucem: Io. Claubergii *specimen logicæ Cartesianæ seu modus philosophandi*; ubi certa Cartesianorum veritatem inveniendi via ostenditur & in quibusdam nouæ introductionis in philosophiam aulicam veritas examinatur: studio Pauli Michaëlis Rhegenii. quod scriptum cur dicatur: *Claubergii specimen logicæ Cartesianæ*, non patet, quum neque Claubergius ipse sit auctor, nec illius præcepta in breuius compendium contracta exhibeat. ceterum contra illustri THOMASII introductionem in philosophiam aulicam disputatur, cui censuræ autem THOMASIVS solide respondit ac satisfecit.²

PETRVS SYLVANVS REGIS, cuius *cursus integer philosophicus siue systema generale secundum principia Cartesii*, continens doctrinam logicam, metaphysicam, physicam & moralem prodit Amstelodami ad exemplum Parisinum MDCXCI. 4. constans tribus tomis. in logica ordinem sequitur, qui ad quatuor mentis operationes accommodatus est, quales sunt perceptio, iudi-

¹ Phil. aulic. cap. III. §. 25.
 Phil. - Lehre.

² Prof. der Einleitung zur Vernunft.

tium, ratiocinatio ac methodus, atque existimat, partem hanc doctrinæ philosophicæ *AUCTOREM artis cogitandi* tam solide tradidisse, ut nulla accessio momenti cuiusdam fieri possit.

AUCTOR artis cogitandi, quod opus primum prodiit lingua gallica hac inscriptione: *la logique ou l'art de penser: contenant outre les regles communes, plusieurs observations nouvelles, propres a former le iugement*, ex editione secunda Parisiis MDCLXIII. 12. quam plures aliæ editiones lingua hac subsequutæ sunt, & iam accessionibus auctæ. posthac vero logica hæc translata est in sermonem latinum a variis, cuiusmodi versio edita est Trai. ad Rhenum MDCLXVI. hoc titulo: *logica siue ars dirigendi cogitationes, continens præter regulas vulgares plurima noua, quæ iudicio formando inserviunt, ex gallico traducta per CORNELIVM A ACKERSDYCK.* sed istam valde mendosam esse, obseruat VINCENTIVS PLACIVS; ¹ ac omnino probabile est, quod ex priori gallica editione minus perfecta fuerit translata. præter hanc adhuc aliæ sunt ornatæ editiones latine, Lond. MDCLXXIV. Lugduni Batauor. MDCXCIV. MDCCII. Amstelodam. MDCCVIII. ex quibus, ut de pluribus aliis taceamus, inprimis commemoramus versionem latinam, quæ Halæ Magdeburgicæ anno MDCCIII. & MDCCXVIII. prodiit. auctor illius est IO. CONRAD BRAVN, quæ prioribus

¹ *theatro anonym. p. 603.*

multum præstat, quoniam accessiones editionum gallicarum, in versionibus illis latinis omissæ heic quoque latine sunt additæ. de auctore libri huius disputatum est multum. plerumque Messieurs du PORT ROYAL dicuntur, opus hoc composuisse; quis autem speciatim heic industriam suam locauerit, id non satis apertum est. alii existimant, auctorem logicæ illius esse de TRIGNY, cui debemus *grammaticam generalem*; alii vero putant, opus hoc vindicandum esse ANTONIO ARNALDO, ut illustri LEIBNIZIVS litteris ad PLACCIVM conscriptis significavit, quod & publice professus est præfatione ad NIZOLII *antibarbarum*.¹ sunt quoque, qui auctorem libri esse le BON, item NICOLE credunt; in qua sententiarum diuersitate multi nihil definiunt, ac nonnulli obseruant, eum fuisse ex Iansenii discipulis, romanæ ecclesiæ sacris imbutum ac voluisse religionis, quam fuerit securus, vestigia hoc ipso in libro exstare. præmissæ sunt libro ipsi duæ dissertationes, quarum altera *novæ huius logicæ conscribendæ consilium explicatur*; altera vero *is obiectionibus occurritur, quæ contra hanc logicam factæ sunt*. pro diuersis mentis operationibus diuersas logicæ huius partes constituit, quumue illarum præcipue commemoret *apprehensionem, iudicium, discursum & dispositionem*, in quatuor quoque partes librum hunc diuisit, quarum *prima* proponitur doctrina de ideis; *secunda* de iudiciis & propositionibus; *tertia* de

¹ pag. 27.

discursu & ratiocinatione & quarta de methodo. nec negari potest, quod scriptor multa vtilia præcepta dederit, & in magnis tenebris, quibus ars hæc oppressa erat, clarum adtulerit lumen, quibus de causis etiam non mediocri ornatus est laude. PETRVS BÆLIVS ¹ adpellat auctorem hunc *un très grand maitre dans l'art du raisonnement*; DANIEL GEORGIUS MORHOFIVS ² dicit: *quisquis ille (auctor huius logicæ) sit, vir sane doctissimus fuit, plusque ingenii & iudicii ad hanc rem attulit, quam ceteri nouatores omnes*; GEORGIUS PASCHIVS ³ nominat librum hunc *egregium tractatum*, cuius auctorem NICOLE esse censet. præter hos IO. FRANCISCVS BVDDEVS ⁴ egregie quoque de hoc scriptore sentit, quando dicit: *procul ab horum errore abest auctor artis cogitandi, qui ubique in omnibus doctrinæ partibus, in omni vitæ genere consectari verum, fugere errorem, & præceptis & exemplis egregie condonet: & paullo post: sed ut cetera in compendium mittam, laudandum maxime auctorem censeo, quod tam sollicitè vtilia ab inutilibus, a superuacuis necessaria discernendo, exemplis selectis, iucundis, aptissimis præcepta illustranda, vsui certissimo tunc acc commodando, summa perspicuitate rebus cetera quodammodo obscuris lucem & claritatem affundendo, veri philosophi & prudentis pariter viri nomen impleuerit. nec præter-*

¹ *Repons aux quest. d'un Provinc. t. II. p. 293.*
² *II. lib. V. §. 3.*
³ *de iumentis non-antig. p. 35.*
⁴ *præfat. ad artem cogitand.*

² *polih. tom.*
⁴ *præfat. ad*

mittendum, quod ad ipsam naturam subinde cogitandi modos reuocando, longe felicius ostenderit, quæ sit ratio a recto prauum discernendi, quam ab ullo hac usque factum. CHRISTIANVS THOMASIVS ¹ iudicat, eo nomine auctorem hunc logicæ cultoribus commendandum esse, quod doctrinam de ideis proposuerit distincte & morbos intellectus, id est præiudicatas opiniones indicauerit. ceterum quamuis præclare in hoc instituto sit versatus; ipsi tamen operi non ita satisfecit, ut omnia essent perfecta nec quidquam posset desiderari. Cartesii sectator fuit, quo studio occupatus multa retinuit, quæ a veritate sunt aliena, quum exempli causa neget, quod omnes ideæ oriantur a sensu. nec discrimen inter rationationem mathematicam & philosophicam obseruauit, multisque exemplis mathematicis, quæ frequentiora adhibuit, obscuriora interdum reddidit præcepta. multi id in eo reprehendunt, quod nimium studium posuerit in multiplicandis figuris syllogismorum, quam censuram non magni esse momenti, censemus. quod si enim auctor veram indolem rationationis tradidisset, & ad illam figuras ac modos syllogismorum legitima ratione adcommodasset; hæc momenta omnino potuissent suppeditare varios modos ex principiis efficiendi conclusiones; at vero reipsum multis parauit viam, qua posthac cultum disciplinæ huius effecerunt meliorem. 10. SPERLETTE ²

¹ *Camel. circ. præf. inrupt. cap. X. §. 9.*

² *logic. nou. pag. 12.*

iudicat, quod IO. CLERICVS & PETRVS SYLVANVS REGIS, ille latino, hic gallico sermone logicas suas ex hoc auctore conscripserint, vt ipsi, quidquid boni in illis deprehendatur, acceptum referendum sit.

ARNOLDVS GEVLINX, qui edidit *logicam fundamentis suis, a quibus hactenus collapsa fuerat, restitutam*, Amstelodam. MDCXCVIII. 12. quæ logica in quatuor partes diuisa est, quarum *prima* agit de affirmatione & negatione deque affectionibus terminorum; *secunda* de enunciationibus earumque affectionibus; *tertia* de argumentis & *quarta* de instrumentis logicis.

REGNERVS A MANSVELT, cui debemus *rectæ ratiocinationis elementa*, quæ prodierunt Lipsiæ & Coburgi MDCXCIX. 12. pars *prima* tractat de distincta cognitione eiusdemque expressione; *secunda* de iudicio; *tertia* de discursu & *quarta* de methodo, qui liber conscriptus est per quæstiones & responsiones.

NICOLAUS MALEBRANCHIUS, cuius libri *de la recherche de la verité* omnibus, qui vel leuiore industria philosophiam eiusque historiam coluerunt, noti sunt. anno MDCLXXIII. edidit primum volumen huius operis, quod anno MDCLXXVIII. secundum & tertium sequebatur. variæ sunt editiones operis huius, siquidem prodit Amstelodami MDCLXXXVIII. item Parisiis MDCC, quæ editio quinta; & sexta Parisiis MDCCXII. quatuor voluminibus 12. quæ

quæ postrema omnium optima iudicatur. celeberrimus L'ENFANT opus hoc in latinum sermonem transtulit. complectitur sex libros; quorum *primus* de erroribus sensuum; *secundus* de imaginatione, *tertius* de intellectu puro; *quartus* de propensionibus; *quintus* de affectibus animæ & *sextus* de methodo agit. quibus omnibus expositis, additæ sunt quædam illustrationes & responsiones ad proposita dubia, quæ continentur tomo tertio. IO. GEORGIUS PRITIVS scripsit dissertationem de *Malebranchii enthusiasmo*; alias autem controversias, quæ imprimis inter ipsum & ARNALDUM agitatæ fuerunt, infra historiam doctrinæ de ideis explanaturi commemorabimus. atque hæc sufficiant de logicis Cartesianorum; quibus adhuc LUDOVICUS de la FORGE, PETRUS IENS aliique addi possunt.

§. XVIII. Nos convertimus ad virum magni ingenii PETRUM GASSENDUM, cuius merita in artem logicæ non mediocria sunt. scripsit primum opus de *origine & varietate logica*, quo historiam disciplinæ huius a prima ipsius ætate usque ad CARTESII tempora diligenter persecutus est; quod sequitur liber de *logica sine*, quo exponit criteria veritatis atque ex antiquis monumentis illustrat historiam scepticismi. præter hos libros ipsi quoque debemus *institutiones logicas*, diuisas in quatuor partes, iuxta vulgarem methodum, quarum prima differit de *simplici rerum imaginatione*; secunda de *propositione*; tertia de *syllogismo* & quarta de *methodo*, quæ tractandi ratio

ratio a multis obseruata est, qui persuaferunt sibi, quod ad methodum peculiaris intellectus humani facultas sit necessaria. sectator fuit EPICVRI, ad cuius imitationem canones quoque posuit, iisque ea, quæ videbantur vtilia præcepta logica, breuiter explanauit. at vero longe grauiora sunt merita, quæ in salutem artis huius contulit, quum contra ARISTOTELEM eiusque asseclas & aduersus CARTESIUM disputauerit grauiissime, atque illorum errores confutauerit feliciter, quo factum est, vt multi, qui auctoritate horum virorum capti, facile a via veritatis potuissent aberrare, accuratius in res ipsas atque earum momenta inquirere instituerint. sæpius enim accidit, vt quis in refutandis aliorum opinionibus erroneis multo felicior existat, quam in excogitandis suo studio veritatibus, ac illarum dignitate stabilienda, quum heic interdum affectus cum iudicio sese coniungant. edidit autem GASSENDVS *exercitationes paradoxicas aduersus Aristoteleos*, quibus integram Aristotelis philosophiam censuræ submittit, non instituto vulgari, quum tantum peculiare philosophi huius sententias examinent, nulla ratione habita principiorum, per quæ doctrinæ eius inter se cohærent. etenim libro primo inquit in doctrinam Aristoteleorum vniuerse & ostendit exercitatione

- I. quod homines Aristotelei ex germana philosophia sophisticen effecerint:
- II. quod immerito Aristotelei libertatem sibi philosophandi ademerint.
- III. quod rationes, nullæ sint, quibus secta Aristotelis videri potest præferenda.

Tt

III. quod

III. quod maxima sit incertitudo librorum doctrinaeque Aristoteleae.

V. quod apud Aristotelem innumera deficiant.

VI. quod apud Aristotelem innumera superfluant.

VII. quod apud Aristotelem innumera fallant.

VIII. quod apud Aristotelem innumera contradicant.

libro autem secundo singulari studio PETRVS GASSENDVS examinat dialecticam Aristoteleorum ac demonstrat exercitatione

I. quod nulla sit necessitas utilitasque dialectica.

II. quod in vniuersalibus seu prædicabilibus tradendis varie peccetur.

III. quod inepte categoriæ, ut rerum classes distinguuntur.

III. quod futiliter multa proponantur de propositionibus.

V. quod demonstratio non exstet, qualis vulgo depingitur.

VI. quod nulla sit scientia & maxime Aristoteleae.

atqui hac ratione opus hoc contra Aristotelem & eius sectatores tam solide & erudite persecutus est, ut ingenii magnitudinem GASSENDI, quæ in eo conspicua est, nunquam satis admirari possimus, ac omnino fateri debeamus, neminem præter GASSENDVM tam grauitè atque accurate aduersus Aristotelem disputasse. optandum esset, ut opus hoc eo consilio atque instituto, quod propositum sibi habebat GASSENDVS, fuisset perductum ad finem.

finem. namque ipsi erat animus, septem libros aduersus Aristotelem eiusque cultores scribere, ac libris tertio, quarto & quinto philosophi huius physicam; sexto metaphysicam & septimo doctrinam moralem accuratius examinare. at vero causa, cur haud propositum fuerit exsecutus his verbis extremo libri secundi additis indicatur: *si queras, beneuole lector, cur hac exercitatio ad umbilicum perducta non fuerit, curue libri quinque ceteri, quorum praefatio spem facit, non sequantur, scito, commune factum ab amicis auctorem, stomachari non parum Peripateticos, propter prioris libri editionem, idemque fere argumentum a Francisco Patricio in Peripateticis suis disquisitionibus, quarum tunc primum copia ipsi facta, prius pertractatum; hunc secundum librum ulterius persequi, & absolvere noluisse, ipsumque, ne delibatis quidem aliis, in museoli sui recessum cum blattis & tineis pugnantem, ab anno MDCXXIV. qualem iam habes, abiectisse atque neglexisse.* DANIEL GEORGIVS MORHOFIVS¹ de his libris minus bene sentit, quum dicat: *meras sane cauillationes in exercitationibus illis deprehendas, dum vel methodum incusat, vel contradictiones aliquas venatur, qualia sunt repertu facillima in omnibus scriptoribus;* atque obseruat, quod MICHAEL WATSONIVS, quondam professor academiae Kiloniensis reliquerit manu exaratum *apologeticum pro Aristotele* aduersus has exercitationes. sed tamen quid mirum, quod illi, qui auctoritate Aristotelica adhuc capti

¹ Polyb., tom. II. lib. I. cap. 12. §. 3.

sunt, GASSENDO, quum tanto philosopho bellum indixerit, eiusque existimationi minus faueant? prodierunt hæ exercitationes seorsim, ac quidem earum liber primus MDCXLIX. 8. & anno MDCLVI. Hag. Comitum; liber vero secundus MDCLIX. 4. etiam inter opera GASSENDI edita Lugduni MDCLVIII. in sex tomos diuisa, quorum tomo tertio p. 95--210. hæ exercitationes existant. idem iudicii acumen quoque prodidit GASSENDVS in disputationibus contra CARTESIVM, cuius *disquisitio metaphysica* opus plane consummata eruditionis, quæ in philosophum cadere potest, esse censemus. ipsi adiungimus THOMAM HOBBSIVM, qui etiam composuit logicam sub inscriptione *computationem*, quippe quæ extat inter opera ipsius edita Amstelodami MDCLXVIII. 4. continet logica hæc sex capita, quorum primo disseritur de *philosophia ipsius fine, utilitate, subiecto, partibus*; secundo de *vocabulis*; tertio de *propositione*; quarto de *sylogismo*; quinto de *erratione, falsitate & captionibus* & sexto de *methodo*, quæ omnia proponuntur breuiter, nec singularis sunt dignitatis. tandem heic mentionem facimus THOMAE CAMPANELLAE, qui quum seruitutem Aristotelicam ferre non posset, factum est, vt de Aristotelis doctrina dubitare, ipsum philosophum & interpretes eius adgredi atque alia via ad veram philosophiæ cognitionem peruenire instituerit, quam in rem ipse testatur: *quum doctores meis argumentis satisfacere non pos-*

De libris propriis cap. I. art. I.

sent, quæ contra ipsorum lectiones promebam; statui ipse libros omnes percurrere Platonis, Plinii, Galeni, Stoicorum & Democriticorum, præcipue vero Telesianos ac cum mundi codice primario conferre, ut ex originali & autographo, quid veri exemplaria habent, & quid falsi, agnoscerem. edidit philosophiam rationalem quatuor partibus, quibus deinde quoque quintam addidit, hisque tradidit logicam, rhetoricam, poëticam, historiographiam & grammaticam. logicæ tres partes constituit definitiuam, enunciatiuam & argumentatiuam, ac plura differuit subtili ratione, pro ingenii indole, quam vera atque vtilia.

§. XX. Fuerunt quoque, qui præcepta ex principiis mathematicis deduxerunt, istaque exemplis ad mathesin spectantibus illustrarunt, in eam adducti opinionem, quod mathesis optima atque promptissima remedia ad colendum intellectum humanum eumque ad veritatis cognitionem aptum reddendum adferat. atqui certo modo locum heic merito tenent CARTESIVS & eius sectatores, de quibus bene dicit IO. FRANCISCVS BVDDEVS: *sed quia Cartesius in physica fere tantum, non autem in reliquis doctrinae partibus emendandis ingenii sui vires periclitari voluit, discipuli eius magistri exemplo ceterarum fere rerum rudes & imperiti tantum ad naturalem doctrinam atque mathesin (modo & ad hanc) animum adiecerunt: parumque absuit, quin & ipsi in eam ingrederentur sententiam & alios inducerent, has demum doctrinae partes dignas*

1 *Præf. ad artem cogitandi.*

esse, in quibus veri & falsi confinium discernere-
tur. præter hos hæc pertinent:

ERHARDVS WEIGELIVS, cuius opera
prodiit *analysis Aristotelica ex Euclide resti-
tuta, genuinum sciendi modum & nativam
restaurata philosophia faciem per omnes di-
sciplinas & facultates ichnographice depin-
gens*, Ien. MDCLVIII. 4. quod opus diui-
sum est in tres sectiones, quarum prima agit
de *definitione & subiecto demonstrationis*;
secunda de *principiis demonstratiuis* & ter-
tia de *praxi demonstratiua*, quæ complecti-
tur duo membra, quorum alterum de *praxi
demonstrationum simplicium*; alterum ve-
ro de *praxi demonstrationum coniunctarum*
differit.

EHRENFRIED WALTHER & TSCHIRN-
HAYS, cuius studio prodiit *medicina men-
tis* cum medicina corporis Amstelædami
MDCLXXXVII. & Lipsiæ MDCXCV. quæ
posterior editio priore auctior est. illustri
auctori fuit propositum, tradere scientiam
generalem, qua quis probe instructus omne
incognitum, quod assequi potest suis viri-
bus intellectus humanus, certa & constanti
methodo inueniat. quam scientiam genui-
nam esse philosophiam censet, cuius munus
sit, non solum mortalium morbos & animæ
& corporis ostendere; sed & illis adhibere
remedia. prima parte demonstrare elab-
orat, quod in studio cognoscendæ verita-
tis posita sit omnium maxima hominum fe-
licitas; parte secunda vero tradit ipsam me-
thodum veritatem inuestigandi, his inni-
xam fundamentis, quorum certitudinem
quis-

quisque in se ipso per experientiam possit explorare; 1) *se variarum rerum conscium esse*, quod principium primum & generale nostræ cognitionis sit; 2) *se bene a quibusdam, a quibusdam male affici*, quod principium sit cognitionis boni & mali; 3) *quædam a se posse concipi*, siue cogitatione apprehendi; *quædam autem a se nullo modo posse concipi*, quod principium sit primum verum a falso discernendi; 4) *se varia sensuum externorum itemque imaginum internarum & passionum ope advertere*, quod principium sit primum, unde omnia, quæ experientiæ debeamus, emanent. quibus expositis, fusè tradit methodum mathematicam, etiam attingit impedimenta, quæ inquisitionem veritatis perturbant, ac tandem parte tertia commendat studia matheſeos & physicæ. cuiusmodi summam, quamvis copiosius libri huius exhibent AVCTORES *actorum eruditorum* ¹ & DANIEL GEORGIVS MORHOFIVS. ² censor ipsius extitit isque grauiſſimus illustris CHRISTIANVS THOMASIVS, ³ quamvis ingenue fateatur, quod liber hic effecerit occasionem, accuratius de cognitione veritatis acquirenda meditandi. id inprimis in TSCHIRNHAVSIO reprehendit ANDREAS RVDIGER, ⁴ quod ratiocinationem mathematicam perturbauerit cum philosophica, atque existimauerit per integrum librum erronea opinione, quod veritas philosophica

¹ Ann. 1695. p. 230. ² *polyh. litter. lib. II. cap. 7. §. 25.*

³ in *M-nats - Gespr.* 1688., *mens. mart.* ⁴ *de sensu veri & falsi lib. II. c. 4. §. 7. sqq.*

eodem modo cognoscatur ac mathematica. atqui hoc est princeps momentum, quo integrum opus nititur.

GOTTFRIED GVILIELMVS LEIBNIZIVS, cuius observatio de *cognitione, veritate & ideis*prehenditur *actis eruditorum*.¹ existimat hic illustris vir, quod cognitio sit vel obscura vel clara; clara vel confusa vel distincta; distincta vel inadæquata vel adæquata; item vel symbolica, vel intuitiva. *obscura* sit notio, quæ non sufficiat ad rem repræsentatam agnoscendam; *clara* vero, quum habeam, vnde rem repræsentatam agnoscere possim, quæ rursus sit vel confusa, vel distincta. *confusa*, quum non possim notas ad rem ab aliis discernendam sufficientes separatim enumerare, licet res illa tales notas atque requisita reuera habeat, in quæ notio eius resolui possit: ita colores, odores, sapes aliaque peculiaria sensuum obiecta satis clare quidem agnoscamus & a se inuicem discernamus, sed simplici sensuum testimonio, non vero notis enuntiabilibus. at *distincta notio* sit, qualem de auro habeant docimastæ, per notas scilicet & examina sufficientia ad rem ab aliis omnibus corporibus similibus discernendam. in notionibus autem compositis, quia rursus notæ singulæ componentes interdum clare quidem; sed tamen confuse cognitæ sunt, vt gravitas, color, aqua fortis aliaque, quæ auri notas ingrediantur, hinc talis cognitio auri licet distincta sit, *inadæquata* sit tamen. cum vero id omne, quod notitiam distin-

¹ Ann. 1684. p. 337.

etiam ingrediatur, rursus distincte cognitum sit, seu cum analysis ad finem vsque producta habeatur, cognitio sit *adæquata*. hisce traditis iudicat LEIBNITZIVS de dignitate argumenti pro existentia dei ab ipsius idea deducti, etiam extremo attingit controuersiam: num omnia videamus in deo?

CHRISTIANVS WOLFFIVS, celeberrimus Halensium mathematicus, qui an. MDCCXIII. lingua teutonica edidit logicam hac inscriptione: *vernünfftige Gedancken von den Kræfften des menschlichen verstands vnd ihrem richtigen Gebrauche in Erkenntnis der wahrheit*. opus hoc, quod plane mathematicis principiis superstructum est, continet capita quinque & decem, quorum primum disserit de *ideis*; secundum de *usu vocum*; tertium de *propositionibus*; quartum de *experientia*; quintum de *inventione propositionum ex definitionibus*; sextum de *rationatione*; septimum de *scientia, fide, opinionibus & erroribus*; octauum de *explorandis & propriis & aliorum facultatibus intellectus*, num sufficiant ad veritatem erudendam; nonum de *diudicandis & suis & aliorum inventionibus*; decimum de *scriptis diudicandis*, quæ & alia capita de ratione cum fructu libros legendi, de interpretatione scripturarum diuinarum; de arte disputandi, cetera, subsequuntur.

atqui multi tantam dignitatem habuerunt mathesi, ac speciatim geometriæ & algebrae, vt in eam ingressi sint sententiam, quod disciplinæ hæc promptissima remedia ad intellectum perficiendum adferant; ita vt per studium hoc ad

conceptus mentis, qui cum rebus materiæ nihil habeant commune, formandos apte ac digne fingeretur. ad hæc plenior animi consensione sibi persuadent, quod ratio cognoscendi veritates a mathematicis obseruata tam præclare se habeat, vt præcepta logicæ, quæ ex fonte matheseos hauriantur, maxime sint solida ac firma. varii quidem fuerunt, qui mathematicis nonnulla opposuerunt, ex quibus posset cognosci, quod eorum methodus non plane consummata perfectionis sit, nec ita comparata, vt ad omnia veritatum genera, in quibus cognoscendis noster intellectus versatur, possit adplicari, quo spectant HENRICVS CORNELIVS AGRIPPA, ¹ BACO de VERVLAMIO, ² IO. CLERICVS, ³ & ipse AVCTOR *artis cogitandi*, ⁴ quorum adulationes ac dubia remouere; matheseos autem dignitatem tueri, instituit IO. FRIDERICVS WEIDLERVS. ⁵ inter recentissimos, qui contra matheseos insignem auctoritatem ac vniuersalem vtilitatem, quam multi produnt, disputarunt, est illustris CHRISTIANVS THOMASIVS; ⁶ & IO. FRANCISCVS BVDDEVS ⁷ hac de re ita iudicat: *at quod per mathesein intellectum tam insigniter perfici, vt ad eam solam tandem res redeat, dicunt, id vero cum grano salis accipiendum puto. non abnuo, posse algebræ & geometriæ studio ita subigi velut ingenia, vt per illud ad conceptus quosdam sublimiores & cum rebus corporeis nihil commune habentes, formandos, longe reddantur*

¹ de vanitate scientiarum cap. XI. ² de dignitate & augmentis scientiarum lib. II. cap. 6. ³ logic. part. III. c. 12.

⁴ pars. IIII. cap. 4. seqq. ⁵ in disput. de vindictis mathematicum.

⁶ causet. circa præcogn. intrupr. c. XI. ⁷ præfat. artis cogitandi.

⁸ promptio-

promptiora. hoc autem, si recte ponamus calculum, quantumcunque est, non tam algebrae aut geometriae, quam exercitationi est tribuendum, mirificeque meam confirmat sententiam, exercitationem utramque in rationali philosophia facere paginam. nemo autem grauius aduersus methodum mathematicam disputauit, quam ANDREAS RVDIGER, quippe qui obseruauit, mathesin & philosophiam diuersas esse disciplinas, ita ut in his diuersa quoque ratio veritates cognoscendi locum teneat, & alia sit veritas mathematica; alia philosophica, hincque duplex esse debeat logica, alia mathematica; alia philosophica, cuius diuersitatis fundamentum deducit inprimis a diuerso obiecto matheseos & philosophiae. alii heic monent, quod controuersia hæc facile possit componi, si modo ratio methodi mathematicæ recte intelligatur. nam ista haud diuidenda sit ex obiecto matheseos, quasi tantum propria sit rebus quantitatum; sed sit methodus quædam generalis inueniendi veritatem, quæ ad varia obiecta possit adplicari, ac pro diuersitate obiectorum diuersa ratione debeat adcommodari, ut adeo adpellatio, quod dicatur *mathematica*, non ab ipsa mathesi eiusque obiecto; sed usu ipsius frequentiori apud mathematicos sit deriuanda.

§. XXI. Peruenimus ad 10. LOCKIUM, summum logicæ auctorem, quippe qui insignem existimationem ac dignitatem comparauit sibi, ex quo opus de *intellectu humano* in incrementa artis cogitandi publico tradidit vsui. nobis largissima esset copia, de libro hoc differendi, atque ex monumentis historię litte-

litterariis fata eius commemorandi verbosius; nisi tale institutum a proposita dissertationis nostræ ratione alienum esse iudicaremus, etiam clarissimus IO. GOTTLIEB KRAVSIVS¹ argumentum vberius explicandum illustrandumque sibi elegisset. quapropter id tantum obseruamus, quod LOCKIVS, antequam ipsum opus in publicam emitteret lucem, recensione illius fecerit, istamque ope IO. CLERICI in gallicum sermonem transferendam & *bibliotheca vniuersali*, diario gallico² edendam curauerit. quod quum factum esset, anno MDCXC. ipse liber prodiit Londini in fol. sub hac inscriptione: *an essay concerning humane vnderstanding, in four Books*, id est, *tentamen circa cognitionem humanam, quatuor libris comprehensum*. quid autem occasionem dederit, talem librum conscribendi atque accuratius vires intellectus humani explorandi, ipse indicat præfatione his verbis: *si tibi exponere haud ridiculum esset, quid tentamini huic scribendo occasionem primum dederit, dicerem equidem quinque aut sex amicos meum apud musæum conuenientes, & rem tractantes huic valde absimilem, in difficiles se nodos incidisse. statim deprehenderunt, quos soluere neutiquam poterant. cum nos post multum super eare & perplexum valde sermonem implicati adhuc erroribus essemus, in cogitationem hanc incidi (quam cum iis statim communicauimus) rectam nos haud methodum inuenisse; verum oportuisse, ut priusquam eiusmodi disputationes ingrederemur, vires expenderemus animorum*

¹ in *Bucher-histor.* t. I. p. 1. & tom. II. p. 206. ² tom. VIII. p. 49. seqq.

nostrorum & videremus, quibus disquisitionibus pares, quibus impares sint. annuere omnes & inter nos conuentum est, vt prima hæc inquisitio esset. præpropera quædam & incompressa cogitata, quorum argumentum nouum prorsus erat, & quæ in proximum nostrum conuentum scriptis ego tradidi; tentamini huic ortum dedere: quod casu hoc modo inceptum aliorum rogatu, horis subseciuis carptim & per interualla in maius auxi & tandem solitudinem nactus, quam incommoda valetudo desiderauit, ad eam, qua nunc est, molem redegi. cuius primæ editionis exempla breui temporis spatio distrahebantur, ita vt LOCKIUS de noua sollicitum esse necesse haberet, quæ etiam auctior atque emendatior anno MDCXCIII. prodiit, siquidem nouum caput de *identitate & diuersitate* adiciebat. anno MDCXCV. tertia editio facta est nullis accessionibus aucta, quibus autem quarta MDCXCIX. ornata fuit atque amplificata, dum caput XXXIII. libri secundi de *idearum consociatione*; & caput XVIII. libri quarti de *enthusiasmo* addidit. atqui hæc sunt editiones, quibus ornandis ipse LOCKIUS operam dedit. at vero post fata illius vltima, quæ anno reparatæ salutis nostræ MDCCIII. euenerunt, quinta editio obseruationibus quibusdam, quas manu sua LOCKIUS adnotauerat, illustrata anno MDCCVI. in lucem emissæ est publicæ, quumue MDCCXIII. omnia monumenta LOCKII cura & studio KINGII, cui *historiam symboli apostolici* debemus, collecta & coniuncta ederentur, opus hoc de *intellectu humano* primum obtinuit locum. præter has multiplices editiones libri huius

huius institutæ quoque sunt versiones, ex quibus haud obscure possumus colligere, quantum dignitatem ac quantum pretium operi huic habuerint philosophiæ cultores. sic PETER COSTE id in gallicum sermonem transtulit, quo labore functus est, singulari fide atque ingenio rerum philosophicarum maxime perito, quam versionem, quæ Amstelædami MDCC. prodiit, vel eo nomine magnificere decet, quod istam LOCKIUS, antequam publico vsui tradebatur, curatius perlustrauit ac effecit, vt omnia bene ac recte exponerentur. opus autem latinæ versionis tardius, quam multi optabant, prodibat in publicum aliorum conspectum, id quod ex penuria magna illorum eueniebat, qui & philosophiæ litteris satis culti, LOCKII opiniones accurate adsequi, easque recte intellectas latine eleganter ac bene poterant exprimere. tandem vero spes adfulgebat, fore vt expectatio diuturni desiderii, quo multi tenebantur, expleatur, quum BURREIDGE operæ huic admoueret manus, ac versionem latinam anno MDCCCL. orbi traderet erudito, hac inscriptione: *de intellectu humano. in quatuor libris. auctore IO. LOCKIO, armigero. editio quarta aucta & emendata & nunc primum latine reddita;* Londini MDCCCL. fol. quæ versio latina multo inferior est gallica, siquidem auctor interdum ab opinione LOCKII aberrauit, multaue dixit obscure, quæ facile potuissent emendari, si LOCKIUS eadem industria, quam in gallicam contulit, hanc latinam voluisset perlegere. iuxta hoc exemplum noua editio Lipsiæ MDCCCLX. 8. facta est, quæ a vitis operarum

in exemplo Londinensi occurrentibus summo studio purgata quidem traditur; sed multis aliis erratis iisque nouis corrupta prodiit. quum autem nonnulli existimarent, consultum esse, opus hoc LOCKII in breuius contrahere ac redigere, in illorum præcipue gratiam, quibus id integrum perlegendi, haud data sit facultas; WYNNE compendium ornavit atque anno MDCXCVI. edidit, quippe quod BOSSET gallice reddidit tanta industria ac fide, ut in versione hac nihil possit desiderari. ipsum opus LOCKII de *intellectu humano* quatuor absoluitur libris, quorum *primo* ostendit LOCKIUS, quod nulla principia nobis naturæ munere innata sint; *secundo* agit de idearum origine, natura, variis speciebus; *tertio* de orto ex ideis sermone, vocum, terminorumque proprietate & affectionibus; *quarto* de cognitione humana, diuersis eius gradibus, de veritate, probabilitate, ratione, fide & aliis argumentis; quæ huc pertinent. non est, quod momenta libri huius copiose recenseamus aut ipsius dignitatem multum prædicemus, quoniam vtrumque cultoribus philosophiæ genuinæ haud obscurum esse potest. ex quo LOCKIUS fetum hunc ingenii exclusit, multi omnino iique grauissimi viri inde collegerunt merito; ipsum hominem esse maxime acutum, ac iudicarunt, egregia eum dixisse, quibus doctrina hæc de intellectu humano præclare augeatur, ornetur ac in maius meliusque promoueatur. nec negari potest, si rem ipsam inspiciamus penitus, illum de ratione intellectus nostri, ipsius viribus, variis cogitandi modis disputasse grauiter ac meditationibus,

nibus, nulla aliorum auctoritate captum scrutatum fuisse summo labore argumenta hæc. at vero non omnia plane perfecta sunt, quæ præstitit LOCKIUS, ac siue res ipsas, siue tractandi rationem respiciamus, deprehendimus, quæ emendari ac meliora fieri possunt. nam quod ad res ipsas adtinet, ea, quæ tradidit, nimis sunt generalia & a vero logicæ fine longe absunt, qui quo specialiora sunt præcepta, eo facilius potest obtineri, id quod saltem ex hoc intelligi potest, quod de variis modis ratiocinandi, deque variis probabilitatis speciebus nihil præceperit. adhuc multa argumenta persecutus est copiose, quæ non singularem vim ad veritatem cognoscendum adferunt, ut de ipsius opinione, de principiis innatis ac de discrimine inter intellectum & voluntatem, item de libertate voluntatis taceamus, quæ quam sana sit ac veritati consentanea, iam alii eruditissimi viri exposuerunt. nec modus, quem in explanandis argumentis hisce observavit, vitis caret, dum partim multa, quæ iam dicta fuerant, repetiit, eaque, quæ breviter dicenda, verbose proposuit, id quod lectoribus efficit tædia; partim vero præcepta haud illustravit per clara exempla, horumque neglectu ista reliquit obscuriora. sed tantum abest, ut iniquus censor LOCKIUS existam, ut ipsius merita, quæ nunquam satis mirari ac laudare possumus, prout decet, magnificiam. quapropter talis censura per studium veritatis semper observandæ instituitur, ita ut modestiæ rationem habeamus, nec virum quemdam, qui tam præclara, tam utilia effecit, perstringamus, sed potius propter ingenii humani indolem,

indolem, quod nihil consummata & perfecta virtutis producere potest, excusamus. in *opusculis posthumis* LOCKII reperitur quoque scriptum quoddam huius inscriptionis: *recueil de remarques touchant la conduite de l'esprit, dans la recherche de la verité.*

§. XXII. Ex quo CARTESII sectatores, ac præcipue AUCTOR *artis cogitandi* ac IO. LOCKIUS, qui CARTESIVM haud secutus est, disciplinæ logicæ emendandæ atque ornandæ operam dederunt, magnus omnino illorum proventus exitit, qui compendia logicarum scripserunt, ea, quæ ab illis bene erant tradita, retinuerunt, nouis auxerunt accessionibus ac diuersis proposuerunt modis. minus nobis est propositum, omnes huiusmodi scriptores recensere; sed tantum partim principes eorum, partim recentissimos commemorare. atqui huc pertinent

CHRISTIANVS WEISIUS, qui præter monumenta artis oratoriæ, libros quoque philosophiæ composuit & in illis varia scripta logica, cuiusmodi sunt dissertationes de *curiosis logicis*, Zittau. MDCLXXVIII. item de *logica nobilium & politicorum*, ibid. MDCLXXXVII. nec non *doctrina logica*, Zittau. MDCLXXXI. 8. Lipsiæ MDCXCV. & MDCXCIX. *nucleus logicæ* MDCXCL ac *curiöse fragen über die logic*, Lipsiæ MDCXCVI. & MDCC. 8. equidem libri hiantæ dignitatis non sunt, vt inde solida ac vera præcepta de sensu veri & falsi consequendo possint hauriri; per rationem autem temporis, quo istos WEISIUS, qui &

Uu

doctri-

doctrinas Peripateticas perspicue ac distincte poterat tradere, composuit, laudem quandam merito illis adtribuere debemus. GOTTLIEB GERHARDVS TITIVS in arte cogitandi multa aduersus WEISIVM disputauit.

SAMVEL GROSSER, cui duplicem logicam debemus: altera latine scripta hanc inscriptionem præ se habet: *Pharus intellectus siue logica electiua methodo neo-veterum præceptis & sanae rationis vsui sano congrua ad captum iuuentutis scholastica digesta*, Lipsiæ ann. MDCXCVII. quæue MDCCIII. MDCCX. MDCCXIII. noua facie prodiit. altera teutonico sermone composita est, quamue auctor ita inscripsit: *gründliche anweisung zur logica vor adliche oder andre iunge leute, die sich ihres standes oder künfftigen profession wegen nicht in alle tieffsinnige subtilitäten stecken können, in deutlichen fragen vnd richtigen antworten vorgetragen*, Görlic. MDCCIII. 8. & MDCCXXI. præter hæc monimenta etiam huc referri potest ipsius *introductio ad eruditionem solidam*, teutonice scripta, quippe qua per modum dialogi præcepta omnis philosophicæ doctrinæ adeoque etiam logicæ exhibet.

10. CLERICVS, vir magni nominis, cui litteræ philosophicæ multum omnino debent. primum scripsit *logicam, ontologiam & pneumatologiam*, quæ editæ sunt MDCXCII. Amstelædami, & *logicam* consecrauit ROBERTO BOYLEO, quamuis hic fato functus fuerit, antequam exemplum hoc ad ipsum

ipsum perferretur; cetera autem duo opera, *ontologiam* quippe & *pneumatologiam* IO. LOCKIO, cui posthac tria hæc inscripsit anno MDCXCVII. quum iterum ederentur. atqui hac secunda editione adiecit THOMAE STANLEII *historiam philosophiæ orientalis*, quam anno MD CXC. ex anglica lingua translata seorsim ediderat notisque atque indice philologico auxerat. anno MDCXCV. edendam quoque seorsim curauit *physicam*, quæ duabus sequentibus editionibus partem tertiam & quartam operum philosophicorum absoluit, quorum quarta Batava, quæ prodiit anno MDCCX. omnium est optima & quod ad res ipsas adtinet, amplissima. nam quamvis opera hæc philosophica anno MDCCX. Lipsiæ ornata præfatione, qua de vita & scriptis CLERICI disseritur, cura GOTTL. FRID. IENICHEN in lucem sint edita; paullo post tamen, anno quippe MDCCXI. prodiit opusculum de vita & operibus IO. CLERICI, ipsius operibus philosophicis subiiciendum, quo multo curatius & copiosius fata ac merita celeberrimi viri huius recensentur, quam præfatione, quæ editioni Lipsiensi præmissa est, quæ omnia eo nomine obseruamus, vt inde notitia de variis editionibus logicæ huius possit hauriri. quod autem ad logicam ipsam pertinet, ipsius elegans præfatio disserit de *origine, natura, vsu & diuisione logices*; ac ipsum opus continet quatuor partes, quarum *prima* de ideis; *secunda* de iudiciis; *tertia* de methodo ac *quarta* de argumentatione agit. quod vsus

fuerit aliena opera in hoc logicæ opere conscribendo, ipse aperte fatetur, præsertim dedicatione ad LOCKIUM, cui se multum debere, grata agnoscit mente, quando dicit: *quum maxime vsui tua mihi scripta fuerint hac scribenti, & facem in obscurissimis questionibus saepe prætulerint; fateri in limine huius opella, per quem profecissem ingenui, ut ille ait, pudoris esse duxi. molienti mihi opuscula, quibus studiosa iuuentuti ad philosophiæ cognitionem via sterneretur, nihil commodius ac felicius accidere potuit aurei tui operis lectione: vnde innumeras in rem meam eximias obseruationes deriuare poteram. multa itaque hic videbis, quæ tibi deberi senties & nos ultro profitemur.* ac præfatione ad lectorem dicit: *ne in ingenuitatem peccemus ingratiue animi peccatum admittamus, eximio libro anglice scripto, cui tentamen de intellectu modestissimus, idemque acutissimus scriptor IO. LOCKIUS titulum fecit, plurima nos debere profitebimur.* quapropter non videmus, cur P. BUFFIER, ¹ minus honorifice sentiat de logica CLERICI atque affirmet, quod omnia hauserit ex LOCKIO eiusque præcepta tradiderit breuiora. nam quamuis negari haud possit, quod CLERICVS multa LOCKIO, nonnulla quoque AVCTORI artis cogitandi & MALEBRANCHIO debeat; vbique tamen partes philosophi, qui sectatur philosophiam eclecticam, expleuit, siue auctores, qui ipsi fuerunt adiumento; siue res ipsas; siue scribendi modum respiciamus. inge-

¹ *princ. du raisonnement, p. 453.*

nue professus est, quod multa ex aliorum scriptis deriuauerit; multaque momenta, ab aliis aut silentio transmissa; aut leuiore pertractata industria diligenter est persecutus, vt patet ex doctrina de *methodo disputandi Socratica* item dissertatione elegantissima addita de *argumento theologico ab inuidia ducto*. quid? quod tale obseruauit scribendi genus, quod perspicuum est, quam in rem bene CHRISTIANVS THOMASIVS¹ dicit: *Clericus Lockii doctrinas utilissimas ex specimine eius de intellectu multo clarius proponit, quam ipse celeberrimus auctor*. recte enim CLERICVS censet, quod elegans ac perspicua scribendi forma magnum decus afferat philosopho, qui etiam, vt scriptor vitæ ipsius² testatur, *si quid noui didicit ab aliis, continuo emendauit, quæ plus, quam oportebat, dicta videbantur, vel sua inde auxit; si quid minus recte expressum fuerat, id melius exprimere conatus est. quæ in re perspicuitatem potissimum spectauit, nec stili elegantiam captauit, nisi quia veterum latinorum constans ac certa dictio scholastica incerta ac varia proxime præteritorum seculorum multo clarior est. ceteroqui voces omnes & loquutiones usu consecratas adhibuit nec mutandas censuit, cum nullæ aliæ æque perspicuæ in antiquiore lingua latina essent*. obseruari quoque decet, quod CLERICVS editioni tertiæ ac quartæ præmiserit præfationem, qua quorundam opinionem, qui volebant mathematicas disciplinas logicæ loco esse oportere nec logica vlla

¹ cautel circa præf. c. X. §. 13. ² p. 69.

opuseffe, confutauit. SEBASTIANVS EDZARDVS edidit *examen logica Io. Clerici*, Hamburg. MDCXCIX, quod autem non magni ponderis est.

CHRISTIANVS THOMASIVS, vir illustris ac de philosophia maxime meritus, qui etiam hanc disciplinam purgauit, auxit atque ornauit. edidit enim *introductionem ad philosophiam aulicam, seu lineas primas libri de prudentia cogitandi & ratiocinandi, ubi ostenditur media inter præiudicia Cartesianorum & ineptias Peripateticorum veritatem inueniendi via*, Lipsiæ MDCLXXXVIII. & Hal. MDCCII. 8. completitur opus XVI. capita, quorum 1) de philosophorum sectis; 2) de philosophia in genere; 3) de homine & humanæ mentis essentia; 4) de prudentia cogitandi & ratiocinandi, 5) de veritate & eius criteriis, 6) de præiudiciis veritatis inquisitionem impredientibus eorumque extirpatione & primis cognoscendi principiis; 7) de obiecto ratiocinationis, 8) de modis ratiocinandi, 9) de mediis ratiocinandi, 10) de methodo & ordine ratiocinandi, 11) de prudentia meditandi, 12) de prudentia cogitata proponendi 13) de prudentia aliorum mentem intelligendi, 14) de prudentia iudicandi, 15) de prudentia contradicendi, 16) de pædantismo differitur. extremo addita est VLRICI HUBERI elegans oratio de *pædantismo*. multa proposuit THOMASIVS, quæ historiam philosophiæ ac speciatim logicæ illustrent, atque nugæ scholasticorum & errores Cartesii eiusque sectatorum reiecit & confutauit.

quibus

quibus de causis haud mirum, quod pro ratione ætatis illius, quum libertas cogitandi magnis tenebris adhuc esset oppressa, multorum odium atque invidiam sibi contraxerit, præsertim quoniam aduersus philosophiam christianam, quæ tum Lipsiæ a quibusdam magni habebatur, quoque disputauit. duo fuerunt, qui aduersus adulationes THOMASII dignitatem philosophiæ Cartesii tueri voluerunt, quorum alter est PAUL MICHAEL RHEGENIVS, qui edidit: *Io. Claubergii specimen logicæ Cartesianæ, seu modum philosophandi, ubi certa Cartesianorum veritates inueniendi via ostenditur, & in quibusdam nouæ introductionis in philosophiam aulicam veritas examinatur*, MDCLXXXVIII. alter vero est REALIS DE VIENNA, siue GABRIEL WAGNER, qui protulit in lucem: *discursum & dubia in Chr. Thomasi introd. ad philosophiam aulicam, in quibus de natura & constitutione philosophiæ disseritur, de ratione studiorum iudicatur & in quo consistat vera sapientia, ostenditur*, Ratisb. MDCXCI. 8. de priori disserit THOMASIVS præfatione introductionis ad philosophiam rationalem; posterior autem, cuius ingenium verioris philosophiæ ac logicæ haud capax & animus ab omni modestia remotus, nulla responsione dignus merito habetur. anno MDCCX. hæc *introductio ad philosophiam aulicam* germanice prodiit, quanquam versio hæc nec elegans est nec satis accurata. GOTTLIEB GERHARDT TITIVS *arte co-*

gitandi ¹ varia quoque aduersus hanc introductionem dixit. præter istam edidit THOMASIVS *Einleitung zu der vernunftlehre*, item *Ausübung der vernunftlehre*, Hal. MDCXCI. MDCXCIX. MDCCV. MDCCXI. 8. qui libri latine quoque sub inscriptione: *introductio ad logicam, praxis logices*, Hal. MDCXCIV. prodierunt. atqui hæc logica plane aliena est a nugis scholasticis, veriore ostendit viam perueniendi ad sensum veri & falsi satisque declarat, quod illustris THOMASIVS multam operam dederit meditandi studiis, nullius philosophi, ne ipsius celeberrimi patris auctoritate occupatus. quod si rationem temporis illius accurate cogitemus animo, atque expendamus, quæ philosophiæ faciès, quæ illius fortuna fuerit in natione nostra germana, non possumus, quin THOMASIO summas habeamus gratias ac merita hac in re veneremur, quod primus fortiter philosophiæ Aristotelicæ ac Cartesianæ earumque progressui obuiam iuerit, ac primus viam demonstrauerit, ex philosophica seruitute euergendi sibiue restituendi veram atque antiquam libertatem cogitandi.

PETRVS POIRET, qui edidit *veram methodum inueniendi verum*, diuisam in tres partes. *prima* exhibet sex methodi ad veritatem leges, quarum sit prima, *ad veritatem detegendam ordinem seruandum esse*; *secunda*, *mentem sinceram esse debere*; *tertia*, *quemlibet debere incipere a se & in se ipso*; *quarta agnoscendam esse unicuique corru-*

cap. XVIII.

ptionem

ptionem suam; quinta, sanationem mediis aptis esse nunc quidem ante omnia querendam; sexta, mentem ad incolumitatem recipiendam, agnita & deplorata egritudine, impotentiaque sua, abstinere debere ac quiescere ab actibus intellectus sui, quem offerat Deo passivum, solo desiderio sanitatis a Deo impetranda agentem, nec non firmiter decernentem se in posterum, si restituta fuerit, non recturam amplius facultates suas ad placitum proprium; sed ad voluntatem entis summi iuxta ordinem & proportionem, quæ debeat esse aterna inter & caduca, spiritualia & corporea, interna & superficialia, necessaria & accessoria, realia & umbratilia, diuina Dei placita & pessima proprii amoris se pro scopo statuentis cupita. pars secunda exhibet varias quæstiones & difficultates de intellectus impotentia, quiete, passivitate, de Dei in illo actione & lumine deque eius statu diuiniore & medio ad illum proximo; pars tertia ostendit, ob neglectum superiorum regularum Cartesium cum suis in multa incidisse errata. hæc methodus inueniendi verum præmissa est POIRETI libris de eruditione triplici, qui auctiores prodierunt Amstelæd, MDCCVII.

4. POIRET est philosophus mysticus, qui trinitatis clarissimam imaginem in mente humana quærit atque existimat, quod nulla alia sit via ad sapientiam, quam diuina illuminatio. nec negari potest, quod ipse complexus doctrinarum POIRET optime inter se cohæreat, ita ut positis ipsius principiis, omnia inde veluti conclusiones recte

efficiantur. quibus de caussis ille, qui cupiditate tenetur, doctrinas eius bene intelligendi, necesse habet, integrum systema diligenter atque accurate sæpius perlegere atque animum semper ad principia aduerte-
re. quod quum perpauci obseruauerint, haud mirum est, quod multi in confutan-
dis POIRETI opinionibus feliciori desti-
tuti fuerint successu, quod non fieri potest, nisi principales opiniones solide destruân-
tur, quæ quum sint ab omni ratione alienæ ac viam parant ad enthusiasmum, merito re-
iiciuntur. atqui ex his facile colligi potest, quod pretium ipsius *methodo inueniendi verum* sit habendum, quæ eam tantum le-
ctoribus adfert vtilitatem, vt inde varios er-
rores cognoscant. aduersus POIRET dis-
putauit GOTTLIEB GERH. TITIVS, E contra quem defensionem adiecit dictæ edi-
tioni librorum de *triplici eruditione*, quæ omnino magis digna est oratore sacro, quam genuino ac germano philosopho.

IO. FRANCISCVS BVDDVS, qui vir sum-
me venerandus edidit *elementa philosophiæ instrumentalis*, anno MDCCIII. quorum editio secunda MDCCVI. tertia MDCCIX. quarta MDCCXII. & post hac adhuc aliæ prodierunt. continent hæc elementa qua-
tuor partes, quarum prima de *ratione inue-
niendi verum*; secunda de *ratione verita-
tem ex aliorum scriptis eruendi*; tertia de *ratione veritatem cum aliis communicandi*
& quarta de *notitia terminorum philosophi-*

I. arte cogit. c. XIX. §. 26. sqq.

corum

corum agit. sic prima pars speciatim logicam complectitur, quæ methodo medica, quam & in aliis disciplinis philosophicis servavit, conscripta est. præcepta illius germanice proposuit MARTIN MVSIG parte prima *des Lichts der Weißheit*; & anno MDCCXV. IACOBVS GVILIELMVS FEVERLINVS edidit *medicinam intellectus siue logicam e venerandi Buddei logica suisque in eam prælectionibus academicis in theses breues redactam*. nec est quod copiose merita venerandi BVDDÆI in philosophiam commemoremus; de quibus vel ipse applausus, quem monimenta ipsius philosophica, quæ in plerisque academiis recitationibus explicantur, satis testari potest. venit quidem logica in varias reprehensiones iis de causis; quod venerandus BVDDÆVS sua hauserit ex CLERICO, nec auctores, qui ipsi opem tulerunt, nominauerit, cuiusmodi accusatio sane nullius est momenti, nec pectus ingenuum & a pravorum affectuum sensu alienum decet. non solum ex CLERICO; sed aliis quoque, AVCTORE *artis cogitandi*, LOCKIO, THOMASIO, TITIO ea, quæ veritati consentanea esse deprehendit, derivavit pro munere illius philosophi, qui eclecticam sequitur philosophiam. quando enim philosophus apud alios quædam deprehendit, quæ vera, etiam necessaria esse sentit; non potest non illa in librum suum transferre, quoniam una tantum est veritas; quæ autem non ab aliorum auctoritate; sed propria sententia dependet. qua propter talis philosopho-

losophus eo ipso præclare suo fungitur munere, quum ex variis ea possit colligere, quæ sunt vera atque vtilia; nugæ autem ac falsa reiicere. quid multa? ipse CLERICVS eandem secutus est rationem, ac multa doctrinarum momenta ex IO. LOCKIO, item AVCTORE *artis cogitandi* sua sibi fecit, quod adhuc de aliis, qui ad huiusmodi ieiunas ac malesanas reprehensiones, praua quadam animi libidine incitati proclives sunt, probare possemus, si id instituti nostri forma permetteret. quid? quod venerandus BVDDVS propriam sibi elegit tractandi methodum, multa suo ingenio suisque meditationibus inuenta, examinata ac probata adiecit, ac tale scribendi genus seruauit, quod elegans ac perspicuum. cur autem CLERICVM haud nominauerit, quando ex isto quædam retinuit, id consilio factum est. præfatione elementorum philosophiæ instrumentalis ipse dicit BVDDVS: *nomen autem illorum indicare, instituti ratio & conditio elementorum non permisit: quibus accedit, quod ipsis prælectionibus commodius hæc reseruentur.* præter hæc elementa præfationem elegantem præmisit *arti cogitandi*, quæ Halæ prodiit MDCCIV. item MDCCXVIII. quippe qua de fati studii logici, eiusque vera indole, adminiculis & defectibus edisserit. in plerisque, qui in studio logicæ versati sunt, hos defectus notat, quod *primum* nullam adiecerint medicinam, nec viam certam, planam & facilem indicauerint, quæ exui prauis affectibus & cum affectibus peruersæ opiniones possent;

possent; *deinde* quod non serio ostendant, inchoandum in veritatis inquisitione a voluntatis emendatione esse; *tertium* quod tam ieiuna, tam frivola sint, quæ de intellectus facultatibus & operationibus tradant, modo aliquid tradant; *tandem* quod de vera ratione illarum facultatum infirmitatibus medendi nihil præcipiant, quod trahat momentum.

GOTTLIEB GERHARD TITIVS, qui Lipsiæ anno MDCCII. edidit *artem cogitandi* 12. de qua auctores diarii Parisiensis ¹ ita iudicant: *on trouvera plus de bon sens dans cet ouvrage, que n'en promet le jeu de mots, qui paroît dans le titre. c'est un logique assez raisonnable, par rapport à celles, qui s'enseignent dans l'école, mais qu'on ne jugera peut-être pas fort nécessaire.* interdum felicius existit in confutandis aliorum sententiis, quam suo ingenio tradendis logicæ solidis præceptis, quamquam haud negari potest, quod sæpius de verbis, quam ipsa re aduersus alios disputauerit. varia contra TITIVM observavit EPHRAIM GERHARD. ²

10. FRIDEMANN SCHNEIDERVS, qui edidit *fundamenta philosophiæ rationalis ad recentiorum philosophorum mentem proposita*, Hal. MDCCIII. & ex editione secunda aucta atque emendata MDCCVIII. complectitur liber hic sequentia capita 1) de natura & constitutione philosophiæ rationalis, 2) de veritate eique opposita falsitate &

1 1704. p. 144. 2 delin. phil. rational.

fictione, 3) de veritatis impedimentis seu præiudiciis, 4) de adminiculis consequendæ veritatis & imprimis de definitione. 5) de diuisione, 6) de demonstratione; 7) de methodo, 8) de meditatione; 9) de interpretatione & 10) de disputatione. scripsit quoque SCHNEIDERVS dissertationem de *logica non otiosa*; item de *variis argumentandi methodis veterum & recentiorum*.

IOACHIMVS LANGIVS, cuius *medicina mentis*, sæpius prodiit, etiam apud Anglos recusa est. pars *prima* continet historiam philosophicam a mundo condito vsque ad nostra tempora; *secunda* agit de mentis ægritudine; *tertia* de ægræ mentis sanatione; *quarta* de sanæ mentis vsu in veritate inuestiganda; *quinta* de sanatæ mentis vsu in veri cum aliis communicatione & *sexta* de eruditione ac sapientia. varias expertus est liber hic censuras, ac multi id in eo notarunt, quod maiori studio, quam deceat, sectatus fuerit POIRETVM, nec discrimen inter naturam & gratiam, ac inter philosophiam & theologiam obseruauerit, ac præcepta dederit, quæ christianum formare possent logicum.

EPHRAIMVS GERHARDVS, cuius *delineationis philosophiæ rationalis variis observationibus illustrata, siue de intellectus humani vsu atque emendatione* libri duo prodierunt Ienæ MDCCIX. & iterum MDCCXVII. 8. liber *primus* tractat de conceptibus logicis communibus, ac speciatim quidem de eruditione, philosophia generatim, philosophia

phia rationali, intellectu humano, cognitione, ignorantia, veritate & certitudine, falsitate, verosimili & dissimili, obiecto cognitionis, cognitionis impedimentis. liber autem *secund.* differit de negotiis logicis specialibus, ac quidem de impedimentorum remotio-
ne; de experientia, meditatione, ratiocinatione, lectione & auscultatione, interpreta-
tione, opinionum diiudicatione, de veri communicatione generatim, de communicatione veri, quæ ore tenus fit, de libris scribendis, ac de arte disputandi & confutandi. atqui hæc omnia argumenta GERHARDVS perspicue exposuit & eiusmodi illustravit observationibus, quæ lucem in historia logicæ interdum nobis præferre possunt. præfatione fatetur, quod ex antiquioribus Aristotelis atque Epicuri præcepta haud neglexerit, etiam scripta recentiorum logicorum ad usum suum transtulerit, ita ut semper eligeret sibi, quæ probata videbantur. præter hanc delineationem scripsit quoque GERHARDVS dissertationem de *principiis sapientiae impedimentis*, Ienæ MDCCV. quæ logicæ addita fuit; item *unuergrifflichen Begrieff vom Verstand und Willen des Menschen und derselben Ausbesserung*, Hal. MDCCVIII. 8. & Ienæ MDCCXVII. *cogitationes logicas de veritatis cognoscendæ principio & criterio*, Ien. MDCCIX. 4. MDCCXV. 8. *prolusionem academicam de ratiocinatione Ictorum*, Ien. MDCCXI. 4.

10. CHRISTIANVS LANGIVS, qui edidit CHRISTIANI WEISII *nucleum logicæ additamentis interpolationum textualium* &

& formularum germanicarum, maxime vero adnotationum ita auctum atque illustratum, vt prout titulus libri huius loquitur, *veracis & solida logica Peripatetico-Scholastica purioris fundamenta detegantur & ratione mathematica per varias schematicas praefigurationes ad ocularem euidenciam deducta proponantur*, Gissæ MDCCXII. 12. præfatione logicam Peripatetico-Scholasticam puriorem contra adcusationes tueri instituit, & in additamentis omnino multam operam collocauit in momentis doctrinæ huius explicandis atque illustrandis, præcipue quod ad syllogismum adtinet, ita vt opus hoc non possit non cultoribus Aristotelicæ ac scholasticæ philosophiæ magnam adferre voluptatem. auctores *ætorum eruditum* * id commemorarunt, nec satis honorifice de industria a LANGIO adhibita senserunt, non obscure significantes, quod placitis Aristotelicorum & scholasticorum non magnum statuendum sit pretium, siue eorum necessitatem, siue vtilitatem; siue veritatem respiciamus. qua censura permotus LANGIVS de defensione cogitare cœpit, quumue anno MDCCXIII. ederet *inuentum nouum quadrati logici vniuersalis: in trianguli quoque formam commodè redacti*, adiecit *dissertationem apologeticam pro logica Aristotelica genuina maxime logica*, qua id omnibus viribus egit, vt dignitatem atque auctoritatem logicæ huius a contemtu variisque adcusationibus liberaret forti-

* 1713. p. 367.

terque tueretur. haud negamus, quod clarissimus LANGIVS significauerit ingenium subtile, vsuque meditationum exercitatum; sed num verum logicæ finem sibi propositum habuerit, hacque ratione viam rectam atque expeditam ad sensum veri & falsi demonstrauerit, id aliorum iudiciis permittimus. rectius opus hoc logicum inter Aristotelica scripta, de quibus supra disseruimus, locum suum tenere potest, idque ideo heica nobis commemoratur, quod paullo ante mentionem fecimus CHRISTIANI WEISII.

10. P. de CROVSÆZ, qui lingua gallica edidit *système de reflexions*, Amst. MDCCXII. cuius editio 2. quæq; multo auctior prodiit. pars *prima* considerat varias mentis facultates, & naturam ac diuersitatem idearum partim ratione obiectorum, partim ratione modorum, quibus istæ a nobis concipiuntur, tribus sectionibus. pars *secunda* agit de iudiciis & propositionibus, quæ quum propositiones diuise fuerint in veras & falsas, certas, incertas & probabiles, etiam disseritur de scepticismo. pars *tertia* complectitur doctrinam de *rationatione* ac *quarta* de *methodo*, quæ omnia distincte atque eleganter sunt proposita, vt non mirum sit, quod logica hæc non mediocrem sibi comparauerit existimationem. nam quamuis, si rem ipsam respiciamus, multa ex logica vulgari retinuerit, quæ emendari atque augeri potuissent; modus tamen tractandi, quem obseruauit, maxime elegans est ac vim habet ad animos lectorum capiendos.

NICOLAUS HIERONYMVS GVNDLINGIVS, qui edidit *viñ ad veritatem*, cuius pars prima continet *artem recte ratiocinandi, id est, logicam*, Halæ MDCCXIII. 8. diuisa est in tres partes. partis *primæ* caput 1) agit de intellectu & logica speciatim considerata; 2) de cognitione & ideis, quæ sunt illius fundamenta; 3) de ignorantia eiusque causis; 4) de nominibus; 5) historia logicæ vulgaris ac speciatim partis *primæ*. partis autem *secundæ* caput 1) de iudiciis; 2) de propositionum veritate & falsitate; 3) de principiis, præsumtis opinionibus, de vero simili & falso simili; 4) de propositionibus vniuersalibus & particularibus; 5) de propositionibus aperte & latenter compositis, vt & complexis seu incidentibus; 6) de diuisione; 7) de definitione; 8) de verbis ac particulis; 9) historia libri secundi logicæ vulgaris. partis *tertiæ* caput 1) de methodo eiusque diuisionibus; 2) de methodo analytica in specie; 3) de methodo synthetica in specie; 4) de pseudomethodis; 5) de syllogismis in genere eorumque vsu; 6) de syllogismis eorumque speciebus. 7) de vera methodo conuincendi ac confutandi dissentientes, 8) de dialogo; 9) de methodo legendi aliorum scripta eaque interpretandi; 10) de methodo soluendi sophismata; 11) historia logicæ vulgaris in parte *tertiâ*. de *salebris*, quas quidam in hac celeberrimi GVNDLINGII logica demonstrare voluit, non est, quod dicamus, præsertim quum a quodam auditorum ipsius responsio bene composita fuerit data.

P. BVFFIER, cuius *principes du raisonnement exposez en deux logiques* prodierunt Parisiis MDCCXIII. 8. quibus continetur multæ observationes ac præcepta vtilia. extremo quoque auctor iudicium tulit de variis logicarum scriptoribus.

IO. IACOBVS SYRBIVS, qui an. MDCCXVII.

Ienæ edidit *synopsin philosophiæ rationalis*; & eodem anno *institutions philosophiæ rationalis eclecticæ*, quarum pars prior agit de veritate cognoscenda; posterior vero de veritate adplicanda. præmissa est præfatio, qua historia logicæ breuiter exponitur.

præter hos, quos iam commemorauimus, adhuc alios possemus recensere. quo spectant *essay de logique, contenant les principes des sciences & la manière de s'en servir pour faire de bons raisonnemens*, qui liber, cuius auctor est MARIOTTE, prodiit Paris, MDCLXXVIII. & inter opera scriptoris huius edita Lugdun. Batauor. MDCCXVII. 4. item *ars cogitandi erotemática cum præludio philosophiæ*, Basileæ MDCCXV. 8. quam composuisse ZWINGERVS dicitur; nec non IO. HENR. ACKERI *scrutinium opinionis & scientiæ*, Rudolstadtii MDCCXV. qui ordinem vulgarem ac vetustum seruauit; in tractatione vero ipsa vetera cum nouis coniunxit, vt de aliis taceamus. at vero præcipue nobis est propositum, varias periodos historiæ logicæ distincte indicare, ac principes tantum scriptorum huc spectantium commemorare, inprimis quum neque sit vtile, neque per ingenii humani conditionem fie-

X x 2

ri possit, ut talis historia ad summum perfectionis perducatur.

§. XXIII. Verum enim vero heic adhuc commemorare debemus ANDREAM RVDIGERVM, cuius merita in logicæ artem omnino sunt amplissima, siue aliorum errores, quos solide confutauit; siue accessiones, quibus disciplinam hanc auxit, respiciamus. anno MDCCIV. edidit disputationem philosophicam *de eo, quod omnes idæ oriuntur a sensu*, qua Cartesianorum nugæ de ideis innatis erudite demonstrauit; eodem anno aliam dissertationem *de nouis ratiocinandi adminiculis* protulit; anno MDCCVII. *philosophiam syntheticam* in publicam emisit lucem, qua iam multorum logicorum vitia non solum observauit; sed etiam emendauit, cuiusmodi sunt, quod ipsorum præcepta sint nimis generalia; quod examen veri aliquo modo tradiderint; inuentionem autem veritatis haud attigerint; quod genuinam probabilitatis indolem haud proposuerint; quod de ratiocinio, quomodo deberet examinari, nihil dixerint, nec de multis ratiocinandi modis quidquam obseruauerint. anno MDCCIX. prodiit ipsius liber elegantissimus nec satis laudandus *de sensu veri & falsi*, quo hæc omnia copiosius & clarius explanauit, etiam discrimen inter ratiocinationem mathematicam & philosophicam tradidit, nec non præcepta definiendi, ac de ratiocinio grammatico disseruit. de quo discrimine inter ratiocinationem philosophicam & mathematicam posthac in *physica diuina*, quæ prodiit MDCCXVI, multo verbosius egit. quum anno MDCCXI. *philosophia synthetica*
iterum

iterum prodiret, adiecit *rationium a minori ad maius & a maiori ad minus*; & tertiæ editioni anno MDCCXVII. philosophiæ huius accesserunt necessaria duo rationandi genera, *rationatione diffusalis & practica*. qui ingenio valet philosophico, RVDIGERI monumenta logica diligenter legit, nec studio prauorum affectuum corrupti erga se ipsum amoris, inuidiæ atque odii tenetur, ille non potest non merita ipsius in logicam magnificare ac laudare. sed quam multi sunt, qui de eo sentiunt sinistre, quamuis aut scripta eius haud legerint, aut lecta minus intellexerint; aut cognita eorum præstantia ac dignitate, prauis tamen affectibus abrepti, istam publice profiteri recusent. persuadent enim sibi, se esse statores ac præsidia artis logicæ, cui creditæ existimationi magnum imminere periculum putant, quando RVDIGERVM laudare, commendare instituerent. sed tamen philosophum haud decet, corruptæ mentis libidini prauisque propensionibus indulgere. melius est, ignorantiam suam profiteri, & aliorum ope peruenire ad veritatum cognitionem, quam per inuidiam, eorum præcepta necessaria atque vtilia negligere, sicque inscitiam atque errores tueri.

§. XXIIII. Antequam parti huic vltimam imponamus maius, breuiter mentionem facere BENEDICTI SPINOZÆ, non ab re erit. prodierunt enim ipsius *opera posthuma* Amstelædam. MDCLXXVII. quibus extat quoque tractatus de *emendatione intellectus*, qui brevis nec per impedimenta auctoris ad perfectionem venit, siquidem hæc admonitio

ad lectorem præmissa est: *tractatus, quem de intellectu emendatione imperfectum hic tibi damus, beneuole lector, iam multos ante annos ab auctore fuit conscriptus: in animo semper habuit eum perficere: at aliis negotiis præeditus & tandem morte abreptus, ad optatum finem perducere non potuit. hætenus bene. at vero ea, quæ subsequuntur: quum uero multa præclara atque utilia contineat, quæ ueritatis sincero indagatori non parum e re futura esse, haud quaquam dubitamus, te iis priuare noluimus; cautionem quamdam postulant, siquidem multa huic libro insunt, quæ a uero sensu & affectu pietatis sunt aliena.* ipsius scriptor ABRAHAMVS IOANNES CVFFELERVS edidit *specimen artis ratiocinandi naturalis & artificialis ad pantoſophiæ præcepta manuſcens*, Hamburgi, ut titulus præ se fert, MDCLXXXIV. 8. cuius libri caput 1) agit de nomine; 2) de propositione, 3) de syllogismo; 4) erroribus, qui circa præcedentia committi possunt & 5) de methodo recte ratiocinandi. aperte satis significauit, quod SPINOZÆ impias sententias sit amplexus, dum statuit, mundum in ipsa essentia diuina contineri. ac quamuis inter deum & mundum hoc discrimen constituat, quod ad essentiam mundi non pertineat existentia necessaria, quæ tamen ad dei essentiam requiratur, reuera tamen hoc discrimen nullum est. adhuc vehementer laudat SPINOZAM, ueluti philosophum longe præstantissimum, ut pluribus demonstrat IO. FRANCISCVS BVDDEVS. ¹ hæc

¹ de atheismo & superstitione, p. 174.

igitur sufficiant pro proposita dissertationis forma, qua nostrum tantum est institutum, auctores recensere, quibus opera logica debemus, & magis res ipsas, quam librorum fata litteraria respicere, quæ omnino vberius ac copiosius potuissent illustrari, si id proposito nostro fuisset consentaneum. Scriptores, qui argumenta logica specialia seorsim sunt periecuti, commemorabimus capite, quod iam subsequetur, qui sunt multi generis.

LIBRI II.

DE

PROGRESSV AC FATIS

LOGICAE.

CAPVT II.

DE

ORIGINE, PROGRESSV ET
FATIS DOCTRINARVM LOGICAE SPECIATIM.

Σ Τ Ν Ο Ψ Ι Σ.

Dicendorum summa §. I. traditur historia doctrinae de natura & diuisione logica §. II. III. IIII. de intellectu humano §. V. -- XII. de principiis & criteriis veritatis cognoscende §. XIII. XIII. de ideis §. XV. -- XX. de definitione §. XXI. de diuisione §. XXII. de variis ratiocinandi modis §. XXIII. -- XXVIII. de demonstratione §. XXX. XXXI. XXXII. de probabilitate §. XXXIII. -- XXXVII. de praeiudicatis opinionibus §. XXXVIII. XXXIX. de dubitatione §. XL. XLI. XLII. de arte disputandi §. XLIII. -- XLVII. de methodo §. XLVIII. -- LII.

§. I.

Perlustrauimus igitur illorum studia, qui operam suam in arte logica tradenda, emendanda & in meliori statu collocanda posuerunt, quorum notitia si & plenissime a nobis esset exposita, historiæ tamen disciplinæ huius haud omnes expleret partes. etenim non sufficit, scire auctores, aut copiosam scriptorum recensitionem instituere, si quis historiam disciplinarum accuratius cognoscendi flagrat cupiditate; sed doctrinarum quoque fata explanare, e re est, atque aperire modos, quibus quisque momenta artis exposuerit. atqui heic tria necessaria sunt, vt expendamus, quis adiuuerit animum disciplinæ cuidam litterariæ promouendæ; quid suo studio ac cura præstiterit ac quam tractandi rationem sit securus, quæ auctoribus huiusmodi historiarum ante oculos proposita esse debent. quapropter cultoribus harum litterarum non ingratum fore, putamus, si elaboramus, vt hoc modo historiam hanc persequamur accuratius, ac per meliorem ordinis rationem parte prima exposita, ad secundam nos conuertamus, atque doctrinarum fata ex historiarum monumentis illustremus. nobis autem est propositum atque animi sententia, nobiliora momenta attingere, ac tantum adumbrare, sicque aliis viam parare, qua opus hoc perfectius efficere ac quæ desunt, redintegrare possunt, quoniam per varias causas studio tenemur breuitatis.

§. II. Logica, cuius fata iam exponamus breuiter, duplici ratione potest considerari: *partim* sua indole, qua est disciplina artis; *partim*

tim ratione materialium, de quibus tractat. ratione indolis, quæ est disciplina artis, duo momenta ex historiarum rebus possunt illustrari, quorum est: *quid sit logica?* alterum vero respicit ordinem tractandi ac complectitur *diuisionem illius*. dispiciamus igitur de priore momento; *quid sit logica?* quo cum nomen & alias illius adpellationes; tum ipsam rem debemus considerare. quod ad nomen *logica* adtinet, id dicitur ἀπὸ τῆς λόγῃς, quæ vox significat & rationem & sermonem, hinc disputarunt, quænam significatio heic sit admittenda, num ars hæc dicatur logica a ratione; an a sermone? plerique tuentur priorem significationem; qui autem posteriori fauent, iterum inter se discrepant, num intelligendus sit sermo internus, an externus? quamuis illi, qui notari putant sermonem internum, a prioribus non multum differant, si quidem sermone interno significant cogitationes, siue operationes atque actiones intellectus. quis primus usurpauerit vocem *logica*? id non apertum est. ARISTOTELES nomine hoc haud usus; voce vero λογικῶς, quam opposuit ἀναλυτικῶς, ideoque teste BOETHIO veteres peripatetici hanc adpellationem introduxerunt, ut observat GERH. IO. VOSSIVS. ¹ præter hoc nomen & alia sunt, quibus cum veteres, tum recentiores philosophi artem hanc adpellarunt. vetustiori ætate dicebatur *dialectica, canonica, critica*. vox *dialectica* a veteribus præcipue triplici significatione adhibita est: primum sententia ampliore pro ipsa sapientia ac cognitione rerum diuinarum a PLATONE; deinde

¹ de natura & confut. logic. cap. I. §. 2.

pro integra logicæ disciplina a Stoicis, & tandem pro ea logicæ parte, quæ agit de argumentis probabilibus, ab ARISTOTELE & Peripateticis, qui dialecticam opponunt analyticæ siue doctrinæ de demonstratione, vide CHRISTOPHORVM SCHEIBLERVM¹ & GERH. IO. VOSSIVM,² IO. WOWERVM.³ *canonica* dicta est ab EPICVRO, teste DIOGENE LAERTIO,⁴ quoniam tradebat *canones*, iisque præcepta de cognoscenda veritate exhibebat. PETRVS GASSENDVS⁵ dicit: *non desunt, qui hanc artem canonicam vocent; quod sit quasi canon siue regula ad bene cogitandum instituta. quia enim potest mens facile inter cogitandum errare, seu a vero desciscere, ideo errores suos agnoscens præcauereque ipsos volens, quemadmodum regulam faber, sic ipsa sibi artem hanc parat, qua opus suum, hoc est proprias operationes dirigat easque errore immunes reddens, ipsam veritatem seu scopum, ad quem collineat, assequatur.* tandem adpellata est *χρητική* propter munus, quod in cognitione veritatis vis iudicandi præstare debet, cuius adpellationis exempla inuenimus apud ATHE-NAEVM & LVCIANVM, VT VOSSIVS⁶ obseruat. recentiori tempore disciplinæ hæc philosophiæ præter *logicæ* nomen adhuc aliis notata est adpellationibus, quæ modo vtilitatem, quam reliquis litterarum scientiis adfert; modo res, de quibus differit, ac finem ob quem ipsius cultura suscipienda est, respiciunt. nonnulli enim logicam considerarunt commercii

¹ *logic. part. I. cap. 2.*² *cit. loc. cap. XII. §. 1. 2. 3.*³ *polymath. cap. XX. p. 184.*⁴ *lib. X. segm. 30.*⁵ *instit.**logic. pref.*⁶ *cit. loc.*

caussa,

caussa, quod cum aliis eruditionis partibus habet, in quarum emolumenta instrumenti fungitur munere, ideoque istam adpellarunt *philosophiam instrumentalem*, id quod fecit IO. FRANCISCUS BVDDEVS, ubi adnotare debet, quod logica ARISTOTELIS vocetur non solum *ὄργανον*, sed quoque *ὄργανον ὀργανῶν*, *instrumentum instrumentorum*, quam inscriptionem alii ipsi ARISTOTELI; alii vero eius interpretibus vindicant, saltim ista ex Aristotelicæ doctrinæ fontibus hausta videtur multorum opinione, vide IO. NELDELIVM ¹ & GERH. IO. VOSSIVM. ² quum autem Peripaterici censerent, instrumentum esse logicam; partem philosophiæ istam absolvere negabant, cuius rei alia sententia placebat Stoicis, qui artem hanc veluti philosophiæ partem æstimabant. ex recentioris ævi auctoribus est adhuc BACO DE VERVLAMIO, qui scripsit *nouum organum* ad Peripatericorum exemplum, quo logicæ præcepta exhibet. alii quum meditarentur, quo modo opera sua logica inscriberent, fundamenti loco posuerunt cum obiectum, tum finem logicæ. sic adpellata est

PHILOSOPHIA RATIONALIS, quæ aptam reddere debet rationem humanam ad cognoscendam capiendamque veritatem, ad quod genus referri debent IO. FRIDEMANNI SCHNEIDERI *fundamenta philosophiæ rationalis ad recentiorum philosophorum mentem proposita*; EPHRAIMI

¹ de usu organi Aristot. Part. I. cap. I. ² cit. loc. cap. VI. §. 4.

GERHARDI *delineatio philosophiae rationalis*; IO. IACOBI SYRBII *institutiones philosophiae rationalis*.

ARS COGITANDI, sic adpellata ab auctore haud nominato, cuius *ars cogitandi* peperit sibi multum existimationis; item a GOTTLIEB GERH. TITIO, cui quoque logicam debemus, quæ inscripta est *ars cogitandi*, quoniam logica viam monstrare debet, qua quis cogitationes suas ita dirigere ac formare possit, ut percipiat verum ac falsum.

MEDICINA MENTIS, quam inscribendi rationem adhibuerunt EHRENFRIED WALTHERATSCHIRNHAYS & IOACH. LANGIVS, quoniam princeps logicæ munus esse debet, ut intellectum humanum a vitiorum sordibus purget ac morbis ipsius medeatur, antequam fiat idoneus ad veritatum cognitionem.

CYNOSURA MENTIS, quam inscriptionem IO. BAYERVS logicæ suæ constituit.

SENSVS VERI & FALSI, quam adpellationem præ se habet logica ANDREAE RVDIGERI ita nominata, quoniam logicæ finis propositus est, ut cultores veritatis formet aptosque ad sensum veri & falsi reddat.

INTRODUCTIO AD PHILOSOPHIAM AVLICAM, quæ inscriptio placuit CHRISTIANO THOMASIO in primis propter tractandi modum, quapropter ipse præfatione dicit: *inscripsi vero hunc librum meum introductionem ad philosophiam aulicam, quia non tam ipsa præcepta ratiocinandi continuo nexu trado; (quæ admodum pauca futura essent, & vix plura, quam quæ Epicurus*

in sua canonica iam obseruauit) quam ipsos errores qua Cartesianorum, qua Peripateticorum ostendo. adeoque volui simul falsitatem doctrinae communis perspicue deducere & ita introductionem hanc meam primario in usum docentium dirigere, vt cognoscant, me non sine grauib. rationibus a doctrina consuetata recessisse, neque adeo ex studio innovandi hanc operam suscepisse. discantium enim & maxime aulicorum tanti non interest, scire errores aliorum, si modo ipsi in vera doctrina recte informantur, vnde poterit facile quis praecepta pauca a controuersis separare & paruo temporis spatio prudentiam ratiocinandi, in qua alias multiplici modo sudare cogitur iuuentus, auditoribus suis inculcare. de alijs inscribendi modis taceamus.

§. III. Dispiciamus de re ipsa atque breuiter exponamus, quo modo logica definita fuerit a philosophis. ARISTOTELES nullam dedit definitionem, cuius rei causa controuersia quoque erat inter Peripateticos & PETRVM RAMVM; quum multum diuque disputarent, num & qua ratione possit definiri logica? ceterum quamuis Aristotelis sectatores assererent, logicam esse artem; veritatem & opinionem inueniendi; multas tamen contentiones de definitionis huius partibus, inprimis de genere fecerunt, siquidem praecipue scholastici vehementer acriterque disputarent, num logica sit ars, an facultas, an scientia, an habitus instrumentalis? vide CHRISTOPHORVM SCHEIBLERVM¹ & GERH. IO. VOSSIVM.²

¹ *introd. logic. cap. 1. qu. 1.*

² *de natura & constit. cap. 2.*

cuius-

cuiusmodi disputationem nullius esse momenti censemus, quoniam logica varia ratione considerari adeoque etiam varia genera in definitione ipsius possunt admitti, vti ostendit ANDREAS RVDIGER. ¹ PETRVS RAMVS dicebat, logicam esse artem bene differendi, qua interpretatione a proprio logicæ fine discescit, atque vsum tantum, quem logica in eloquentiæ studiis præstat, ante oculos sibi proposuit. quo & spectat definitio PHILIPPI MELANCHTHONIS, quod sit ars siue via recte, ordine & perspicue docendi. recentiori ætate propius philosophi ad indolem artis huius accesserunt, quod ista spectet ad cognitionem veritatum, atque rationem de cognitis veritatibus communicandi cum aliis, qui quamvis verbis inter se discrepent; re ipsa tamen siue differentia logicæ, quæ eo absoluitur, quod sit doctrina de veritate in genere, quum aliæ philosophicæ disciplinæ exponant veritates speciales; plerumque conueniunt, nisi quod interdum alter altero clariorem dederit definitionem & ad intellectum; alter vero ad ipsam veritatem eiusque cognitionem respexerit. hinc AVCTOR artis cogitandi ² dicit: *logica est ars, bene vtendi ratione in rerum cognitione acquirenda tam ad sui ipsius, quam aliorum institutionem*, quæ definitio quidem vera est; sed nec satis clara; nec adæquata, quod & dicere possumus de definitione IO. CLERICI, ³ quod logica sit *ars bene ratiocinandi*, quoniam non omnis veritatis cognitio sola ratiocinatione absoluitur. nam veritas est vel certa, vel probabilis: certa nititur vel sola sensuum per-

¹ *instit. erudit.* p. 16. ed. 3.² *præf.*³ *præf. logic.* §. 10.

ceptio-

ceptione; vel idearum natura, quæ ope iudicii cognoscitur, quæ posterior autem absoluitur modo enunciatione; modo ratiocinatione, quarum illa pendet a definitione & diuisione idearum; hæc autem ab indole enunciationis, siue principii, vnde deducitur conclusio. vtramque autem veritatem & certam & probabilem cognoscimus duplici ratione cum inueniendo; tum diiudicando verum & falsum. ex quibus patet quoque, quid sentiendum sit de definitione, præcipue in scholis scholasticorum celebrata, quod logica sit *ars conficiendi syllogismum*, præsertim quum syllogismus non synthetice, veluti medium veritatem inueniendi; sed analytice, vti modus aliquid ratione quadam probandi consideratur. IO. BAYERVS¹ existimat, logicam esse *instrumentum quoddam vniuersale, modum monstrans menti res quascunque cognoscendi, expendendi & communicandi*; & IO. FRANCISCVS BVDDEVS² dicit: *prima pars philosophiæ instrumentalis, quam logicam dicere moris est, intellectus vitis medetur cumque optum reddit ad veritatem inueſtigandam & inueniendam*. EFHRAIM GERHARDVS³ censet, *logicam esse disciplinam cognoscendi, diiudicandi & communicandi veritatem*, qua definitione id tantum monemus, quod auctor sine caussa videatur distinguere rationem cognoscendi a ratione diiudicandi veritatem, quum cognitio sit idea generalis, quæ complectitur & inuentionem & iudicium veri & falsi. ANDREAS RVDIGER⁴ hanc tradit

¹ *cynosur. ment. pr. §. 2. p. 1.*² *part. 1. phil instrum. c. 1. §. 1.*³ *aplin. phil. rat. lib. 1. c. III. §. 20.*⁴ *institus. erud. p. 14. ed. 3.*

defini-

definitionem: *logica est doctrina recte rationis, de veritatis in genere natura & indole & hinc consequendo sensu veri & falsi*; vt de aliis taceamus, quas omnes recensere, opus esset superuacaneum, praesertim quum ex his, quae dicta sunt, liceat cognoscere, quod recentiori aetate indoles huius disciplinae in aperto posita fuerit verius.

§. IIII. Nunc videamus de *diuisionibus logicae*. ARISTOTELES nullam diserte exhibuit diuisionem, nec eo ordine scripta logica, quo organo continentur, composuit, quamvis inter cognitionem veritatis, certam & probabilem posuerit discrimen. interpretes ipsius ac sectatores, quum de meliori disciplinae conditione cogitarent, instituerunt diuisionem; sed non vna eademque ratione. alii enim, praecipue PHILOPONVS & SIMPLICIVS diuidunt logicam in *ἀναλυτικὴν* & *διαλεκτικὴν*, vtramque autem artem comprehendunt communi nomine *συλλογιστικῆς*. sed antequam haec discatur, debeat praemitti pars logicae *στοιχειολογικῆς*, quae comprehendat categoriarum librum & de interpretatione. analyticam autem & dialecticam habent pro diuersis artibus, quarum illa sibi proponeret verum; haec autem simile vero, qua in re peccarunt contra diuisionis regulam, quoniam vtrumque & certo verum & probabile veluti species veritatis vno comprehenduntur genere, id quod ex inscitia demonstrationis & probabilitatis, quam minus recte posuerunt in opinione, ortum est. quod si veritas logica, quae a cogitationum conuenientia cumensione pendet, non aliter diuidi potest, haud videmus, cur doctrinam de demon-

demonstratione a doctrina de probabilitate plane diuersam statuamus, quum tantum ratione gradus differant. vtraque doctrina vnā constituunt disciplinam, quamuis distincte propter diuersum cognoscendi modum proponendam esse, omnino fateamur, quo labore omnium felicissime functus est ANDREAS RVDIGER: cum hac diuisione conuenit illa GERH. IO. VOSSII,¹ quod logica diuidi possit in *σειρηολογικὴν* & *συλλογιστικὴν*: *συλλογιστικὴ* in *ἀναλυτικὴν* & *διαλεκτικὴν*: *ἀναλυτικὴ* in *ἁπλοτέραν* καὶ *ὕψεραν*: *διαλεκτικὴ* in *τυπικὴν* καὶ *σοφιστικὴν*. alii ex Peripateticis fundamentum diuidendi petunt a diuersis intellectus operationibus, quæ sint simplex perceptio, iudicium & ratio- cinatio, ad quas etiam libros logicos Aristote- lis accommodant, ita vt agant *primum* de præ- dicamentis, prædicabilibus, definitione ac di- uisione; *deinde* de enunciatione & *tertium* de syllogismo ratione cum formæ communis, tum triplicis materiæ. cum qua diuisione consen- tit illa, qua logica diuiditur in partem commu- nem, quæ absoluitur generatim libris de syl- logismo; & propriam, quæ speciatim tractet de syllogismo demonstratiuo, topico & sophi- stico. ex quibus Peripateticorum diuisioni- bus iterum cognoscere possumus, quod omnes curas ac meditationes logicas contulerint ad struendum syllogismum. STOICI duas lo- gicæ partes constituiebant *rhetoricam* & *diale- cticam*, quibus nonnulli tertiam addiderunt *definitiuam*: SENECA² dicit: *διαλεκτικὴ δι- uiditur in duas partes: in verba & significatio- nes: id est res quæ dicuntur, & vocabula, qui-*

¹ de natura & consist. log. cap. LX. §. 12.

² epist. LXXXIX.

bus dicuntur, quæ quod dicantur ex mente Stoicorum, patet ex DI O G E N E L A E R T I O.¹ quam diuisionem haud probare possumus, quamuis recentiori ætate quidam existimauerint, eloquentiam partem logicæ absoluere. non negamus, quod logicæ magister iure ac merito agere possit ac debeat de terminis, item demonstrare, quo quis suas meditationes aliis possit proponere, quæ omnia autem philosophica ratione debent fieri. scilicet terminos, qui considerari possunt modo grammatice, modo philologice, modo oratorie, modo philosophice, explicat veluti philosophus ratione idearum; in doctrina autem, quomodo veritas cognita proponenda sit aliis, considerat tantum talem expressionem, quæ cogitationibus nostris respondeat accurate, & talem demonstrationem, quæ methodo auditori & rei recte adcommodata nitatur. nec negamus, quod sine philosophia nemo veram eloquentiæ laudem consequatur; at vero iis de causis doctrinam oratoriæ, quæ pro sua propria indole peculiarem in litteris humanioribus disciplinam constituit, ad logicam referre, esset incongruum. verus philosophus de eo sollicitus est, ut cogitationum communicatio per sermonem fiat clara & adæquata; orator autem adhuc ornatum quemdam sectatur, quo & animos auditorum capere, commouere ac delectare possit, atqui id constituit eloquentiam. philosophus respicit intellectum aliorum; orator non solum intellectum; sed & voluntatem; philosophus & rebus earumque ordi-

¹ Lib. VII. *figm.* 41.

ne & verbis adstrictior, quam orator, cui vtroque maior est licentia. recentiori tempestate philosophi varias quoque logicæ diuisiones fecerunt. PETRVS RAMVS duas logicæ partes *inventionem & dispositionem argumentorum* siue *iudicium* constituit, quam diuisionem habet quoque CICERO, ¹ & illustrat GERH. IO. VOSSIUS. ² quum enim RAMVS persuaderet sibi, logicam esse artem differendi, adeoque disciplinam hanc inprimis ad eloquentiæ vsum adplicaret, illius quoque in hac diuisione habuit rationem. multi retinuerunt Peripateticam diuidendi rationem pro diuersis mentis operationibus, quarum tres, ideam, iudicium & ratiocinationem statuunt; alii vero adhuc quartam, methodum siue dispositionem addunt, & hinc quoque logicæ quatuor constituunt partes, quo pertinent AVCTOR *artis cogitandi*, IO. CLERICVS, PETRVS GASSENDVS, I. P. de CROVSANZ & alii. quam viam secutus quidem vir venerandus IO. FRANCISCVS BVDDEVS, ac secundum operationes facultatesque intellectus doctrinam de cognitione veritatis proposuit; sed vti integras philosophiæ disciplinas ad medicorum methodum adcommoauit; ita eandem in arte logica obseruauit, quapropter egit capite primo de *intellectu humano eiusque operationibus & facultatibus*; capite secundo de *intellectus humani vitiis & imbecillitatibus*; tertio de *intellectus humani sanitate virtutibusque* ac quarto de *mediis emendandi intellectum sanitatique restituendi*. ac quamuis ex

¹ Princ. topicor. ² de natura & constitut. logic. cap. IX.

§. 2. seqq.

antiquioribus iam PHILO, discipulus CLITOMACHI teste STOBÆO philosophum similem esse medico dixerit, vide THOMAM STANLEIVM; ¹ ex recentioribus vero VINGENTIVS PLACCIVS in doctrina ad mores spectante eundem tractandi modum sit secutus; venerandus tamen BVDDEVVS istum multo magis ornauit, atque ad omnes philosophiæ partes adplicauit. alii ipsam logicæ doctrinam eiusque finem fundamenti loco posuerunt, ac diuiserunt istam in logicam *theoreticam* & *practicam* quarum illa tradat præcepta de veritate cognoscenda; hæc autem ostendat, quomodo præcepta cum in meditatione, tum communicatione veritatum debeant adplicari: atqui hæc diuisio placuit CHRISTIANO THOMASIO & RVDIGERO. hic enim *parte theoretica* disserit de modis inueniendi & iudicandi verum, eamque iterum diuidit in duas sectiones, quarum altera naturam *demonstrationis*; altera *probabilitatis* persequitur; *parte practica* autem agit de meditatione synthetica & analytica. adhæc illustris THOMASIVS in *introductione ad philosophiam aulicam* prudentiam ratiocinandi diuidit in *partem communem*, quæ exhibeat doctrinas ad omnes eius partes speciales pertinentes; & *propriam*, quinque ratiocinationis momenta considerantem *meditandi*, *proponendi*, *intelligendi*, *iudicandi* & *contradicendi*. quam diuisionem instituerit IO. CLAVBERGIVS, iam superioribus ² exposuimus.

¹ *Hist. philos.* p. 408. ² *lib. II. cap. 1. sect. 3. §. 18.*

§. V. Placet nobis illorum diuīſio, qui logicam diuidunt in partem *theoreticam* & *practicam*. *theoreticam* autem iterum diuidimus in duas partes, quarum altera est *generalis*, ac tradit partim doctrinam de veritate generatim; partim media omni veritati, siue sit certa; siue probabilis, cognoscendæ necessaria, quo spectat doctrina de *recta ratione* veritatis subiecto; de *sensione*, veritatis in genere primo principio atque vltimo criterio; ac de *idea*, veritatis in genere principio secundo & criterio proximo; vel *specialis*, quæ ostendit modos speciales inueniendi & diiudicandi verum cum *certum*, quo spectat doctrina de definitione ac diuisione, de enunciationibus, de varijs modis ratiocinandi; tum *probabile*. ad partem *practicam* autem pertinet doctrina de meditatione ac ratione veritates proponendi. instituamus igitur, has doctrinas ex historiarum monumentis illustrare, atque initium capere a doctrina de *intellectu humano*, de quo plerique logicorum nec sine rationibus agunt. intellectus autem humanus duplici ratione debet considerari: *primum* secundum indolem suam naturalem, qua est tantum facultas cogitandi; *deinde* secundum institutam per regulas atque exercitationem culturam, qua est facultas bene cogitandi & dicitur *recta ratio*, quod vtrumque hac historia respiciamus. quod ad prius momentum adtinet, quum intellectus humanus consideratur vt lumen naturale, duplex quæstio illustranda, quarum altera est: *quid sit hic intellectus?* cuius indoles quum sit spiritui propria, ex eius operationibus patet, quibus cognitis, apertæ quoque

frunt ipsius facultates, a quibus operationes pendent. quapropter dispicere necesse est, quid de utroque senserint philosophi, id quod haud diligenter a doctoribus logicæ antiquis fuit expositum. nec pro sua opinione, in quam de indole animæ humanæ ingressi fuerant, quidquam bene ac recte poterant cogitare, aut meditationibus adferre, quod ad ornandam iuuandamque disciplinam logicæ robur haberet quoddam, quum animum humanum ex mente diuina haustum tractumque; corpus autem ac materiam mali fontem esse existimarent. quæ opinio animis præcipue Platoniorum ac Stoicorum erat insita; ac Aristoteles eiusmodi sententiam de intellectu agente fouebat, quæ impietatis plenissima ac tam magno philosopho penitus indigna. plerumque tres operationes intellectus numerantur, *simplex apprehensio, iudicium, syllogismus* siue *discursus*, quibus alii addunt quartam, *methodum*, siue *dispositionem*; nec desunt, qui & hunc numerum amplificant, quæ controuersia nullius est momenti, ac ideo a multis agitata, ut rationem tractandi logicam tuerentur. rectius itaque sentiunt, qui omne id, quod in intellectu fieri solet, cum *passione* siue *sensione*; tum *actione* siue *cogitatione*, modo *memoriæ*, modo *ingenii*, modo *iudicii* absolui putant. notum est, quod SCHOLASTICI triplicem animam *vegetatiuam*, *sensitiuam* & *rationalem* esse sibi persuaferint, ac putauerint, quod *media* fungatur *sensione* externa atque interna, ad quam posteriorem pertineant *sensus communis*, *phantasia* & *memoria*, qua doctrina perturbant actiones & passionem intellectus, siquidem

dem phantasia & memoria non sunt passionēs, qualis est sensio; sed actiones intellectus. memoriæ autem duplex officium adtribuunt, ut species omnes sensibiles iudicatas atque cogitatas, tanquam depositum recondat & seruet, easque, quum opus fuerit, expromat; ac phantasiā vocant, quæ species a sensu communi perceptas vel a se formatas diutius retineat, ac diligentius examinet. tandem sensus communis ipsis est, qui omnium exteriorum sensuum species adprehendit, a se inuicem discernit & cognoscit, quæ definitio satis declarat, quam obscure sibi & perturbatim mente sua proposuerint sensum communem, compositum exensione & iudicio. animam rationalem a vegetatiua & sensitiua ita distinguunt, quod ita instrumentis corporis haud utatur, cuius intellectus sit facultas animæ species intelligibiles intelligens, cognoscens atque diiudicans. recentiores philosophi quum obseruarent, quam male, obscure ac confuse doctrina hæc sit tradita, siue voces hæc scholasticorum diuersas substantias, siue diuersas facultates debeant significare; pro officii sui ratione istam reiecerunt ac de alia, quæ maiorem veritatem vtilitatemque præ se haberet, cœperunt cogitare. atqui labore hoc functus est

CARTESIVS, quamuis haud feliciori successu, quando de indole animæ, ac speciatim quoque intellectus ita sensit, ut grauissimis atque apertis erroribus, etiam si accuratius istos inspiciamus, impiis opinionibus se implicuerit. namque primum putauit, naturam mentis humanæ contineri in cogitandi viribus; ¹ dein-

de vero posuit duo cogitationum genera, quarum aliæ sũnt actiones animæ, id est cupiditates voluntatis; aliæ vero passionēs, per quas ipsum intelligit intellectum: ¹ quin etiam persuasit sibi, omnes actiones animæ nostræ esse voluntatis, siquidem dicit: ² *cupere, auersari, affirmare, negare, dubitare sunt diuersi modi volendi.* cuius confusionis summa in eo sita est, quod cogitationem perturbauerit cum sensatione & motibus voluntatis, siquidem ita ³ scribit: *sed quid igitur sum? res cogitans; quid est hoc? nempe dubitans, intelligens, affirmans, volens, nolens, imaginans quoque & sentiens,* quæ verba magnam produnt confusionem. etenim si vox *cogitare* apud Cartesium notat & passionem & actionem, est nomen duplicis significationis, quod Cartesius, quum naturam mentis absolui cogitatione existimat, minus potuit adhibere, nisi ipsum essentiam animæ æquiuocam statuisse dicere velimus, id quod esset absurdum. sic igitur cogitatio significat aut *actionem*, ex quo sequitur sensationem, quæ passio est, haud speciem esse cogitationis; aut *passionem*, hinc etiam ex Cartesii sententia cupiditas voluntatis minus referri potest ad cogitationem, siquidem existimat, actionem animæ tantum pertinere ad voluntatem. quid multa? quisque vi sensationis atque experientiæ certior reddi potest de Cartesii errore, quod intellectus semper patiatur; voluntas vero agat, nosque non intellectu; sed voluntate iudicemus de rebus. atqui constat ex superioribus, quod Cartesius iudicium

¹ De passionib. part. 1. art. 17.² princ. part. 1. §. 32.³ medit. II.

retulerit ad voluntatem, quod etiam ipsius sectatores fatentur disserte. 10. CLAVBERGIVS ¹ dicit: *vulgo iudicium referunt ad intellectum; sed male*; LVDOVICVS de la FORGE: ² *ut bene distinguamus duarum harum primarum & principalium potentiarum, intellectus & voluntatis, notemusque quousque se extendant fines earum ac limites, attende, quod quando concipimus rem aliquam, e. g. cogitationem, conceptus, quem de ea habemus, est actus nostri intellectus, hoc est potentia, quam habemus percipiendi: verum quando porro ex omnibus illis, quæ in ea percipimus, assentimur, cogitationem non esse extensam, assensus ille, quem damus, est actus nostræ voluntatis, non minus, quam quum indicamus, rem aliquam esse bonam aut malam, nosque propterea in animum inducimus, eam sequi aut fugere: adde ANTONIVM le GRAND, ³ PHILARETVM, ⁴ WITTICHIVM, ⁵ aliosque philosophiæ Cartesii æstimatores. quam falsa sit hæc sententia, aperte ex iudicii indole, propriaensione atque absurdis conclusionibus, quæ inde sequuntur, patet, ut non necesse esse putemus, multam operam in confutanda ista consumere. id autem nos deducit in admirationem, quod magistri philosophiæ Cartesii logicam morbis ac vitiis intellectus euellendis consecrent ac fateantur, quidquid arte hac contineri, ad intellectum, non ad voluntatem pertinere; at tamen de iudicio quoque hac disciplina tra-*

¹ Not. ad Cartes. princ. p. 1. §. 32. p. 501. opp. ² de mente humana cap. 8. §. 4. cap. 11. §. 17. ³ instit. philosoph. part. I. pag. 59. ⁴ ethic. cap. 11. §. 1. ⁵ theol. pacific. §. 47. anti-Spinos. part. 2. prop. 35.

ſunt. ſic ANTONIVS le GRAND quatuor logicæ partes conſtituit, quarum prima de ideis; ſecunda de iudicio ſive propoſitionibus; tertia de diſcurſu ac quarta de methodo agit: & IO. CLAVBERGIVS in *logica contracta* tres logicæ gradus facit, quorum primus intellectum ab obſcuritate & confuſione; ſecundus iudicium a dubitatione & errore, ac tertius memoriam ab obliuione liberet.

§. VI. Non poſſumus, quin mentionem faciamus IO. CLERICI, qui ¹ putat, ſeptem præcipuas mentis facultates eſſe, *intellectum, voluntatem; ſentiendi facultatem; libertatem, phantaſiam, memoriam, habitum*, ac per intellectum intelligit *eam mentis facultatem, quæ res prorsus incorporeas intelligat*; ac voluntati iudicia quoque adtribuit, aliaque a communi opinione aliena tradit. at vero clariffimus vir plures ſpecies præter neceſſitatem conſtituit, ac quum intellectum opponat phantaſiæ ac memoriæ, voce hac aliena vtitur ſignificatione, ſiquidem alias phantaſia & memoria habentur ſpecies facultatum intellectus. nec videmus, cur *habitum* inter mentis facultates, veluti peculiare earum genus referat, quum ille eiſmodi facultatum ſtatum ſignificat, quo per culturam exercitationemque aptiores ad efficiendum aliquid facilius ſunt redditæ, adeo vt nullus habitus eſſe poſſit ſine facultate naturali. adhæc *libertatem* quoque vt peculiarem facultatem conſiderat, quod & IO. LOCKIVS fecit, & inde deduxit conſuſionem, iſtam non poſſe vindicari voluntati, quæ & ipſa ſit facul-

¹ *Pneumatol. ſect. I. cap. 3. & 4.*

tas, nisi dicere velis, facultatis dari facultatem, quod risu sit dignum. ¹ sed venerandus IO. FRANCISCUS BVDDEVS ² bene hæc obseruat: *at id sibi sumit LOCKIVS, non temere illi concedendum a quibusuis, libertatem esse facultatem seu potentiam distinctam a voluntate. est enim proprietas quedam voluntatis, in eius operationibus conspicienda.* nec silentio dimittere possumus sententiam PETRI POIRETI ³ de mente humana eiusque facultatibus, quippe quas in diuinas & inferiores diuidit. *diuinarum* numerat modo tres, *desiderium infinitum, intelligentiam*, quam & appellat *intellectum passiuum*, & *adquiescentiam*; modo quatuor & addit *libertatem*; modo septem hoc ordine: *desiderium tenebrosum; agitationem inquietam; sensum viuidum ac discruciantem; impetum cum ardore; intelligentiam, adquiescentiam; subsistentiam animæ perfectam*, quibus facultatibus fundamenti loco ponit *fundum animæ*, de quo dicit: *Et hic quidem est ille animæ fundus tantopere nonnullis celebratus, quem nulla creatura, nec vero ipsamet creata mens, non modo replere, sed nec quidem mouere aut attingere possit: locus ideis vacuus, thronus Deo æterno sacer, eiusque solius æternas impressiones suscipere aptus.* facultatum vero *inferiorum* tres itatuit species, *rationem, imaginatricem, ac facultates sensibiles*; cuiusmodi doctrinam relinquimus POIRETO, nec forsitan sine rationibus existimamus, quod neque ingenium Poireti germanam

¹ De intellectu human. lib. II cap. 21. ² instit. theol. moral. p. I. c. I. §. 4. §. II. not. ³ accon. diuin. lib. I. cap. 15. 20. 23. ⁴ de erudition. lib. I. p. 4. §. 4. p. 147.

philosophiam; neque germana philosophia Poireti ingenium capiat. vulgaris philosophorum opinio est, quod intellectus humanus præditus sit triplici virtute, memoriæ, ingenii ac iudicii, quarum diuersitatem experientia, fidelis solidaque multarum rerum magistra confirmat. obseruamus enim, esse homines, qui grauiori pollent iudicio; in rebus autem memoriæ aut ingenii nihil præstare possunt præclari; quum contra alii aut memoria aut ingenio, aut utroque valent multum; sed in eiusmodi negotiis, quæ iudicii vim postulant, prosperiori destituuntur successu. anno MDCCXVII. prodiit *tractatus metaphysico-physicus de rationis natura, incremento, maturitate, decremento aliisque affectionibus* auctore FRIDERICO MVZELIO, quo multa momenta continentur, quæ doctrinas logicas pos- sunt illustrare; num autem auctor argumento huic satisfecerit, nec ne? id aliis iudicandum relinquimus.

§. VII. Nec defuerunt, qui singulas intellectus facultates speciatim explicare, atque in istas inquirere instituerunt, ad quam operam nonnulli *memoriæ causa* præcipue sunt adgressi. memoria diuiditur in *naturalem & artificialem*, quæ quum interdum sit infirmior, cogitare cœperunt de variis mediis modo medicis ac physicis; modo arte quadam paratis, quibus istam excitari ac firmari posse, sibi persuaserunt. atqui sunt, qui huiusmodi medi-orum varia recensent media, qualia sint logica, rhetorica, ethica, politica, & mnemonica speciali ratione sic dicta, quam in rem multi conscripti sunt libri, quos commemorant DA-

NIEL

NIEL GEORGIUS MORHOPIVS ¹ & GEORGIUS PASCHIVS. ² recentissimus argumenti huius auctor est MARIUS D' ASSIGNY, qui gente anglus opus breuius de arte memoriae composuit, quod etiam in teutonicum sermonem nostrum translatum atque observationibus fuit illustratum. alii de *imaginatio- nis* indole ac viribus explicandis extiterunt solliciti, quæ a plerisque quoque græca voce adpellatur *phantasia*, quamvis accuratius ac verius *imaginatio* ipsam facultatem; *phanta- sia* ipsius effectum significat, de qua mentis vi non vna eademque philosophis fuit opinio. PLATO duas facultatis huius posuit species, quarum altera sit *εικασική*, quæ veras efficiat similitudines; altera vero *φαντασική*, quæ in fictionibus versetur. STOICI quum differerent de rebus, quæ sint in anima, illas duplici ratione considerarunt, ac quidem vno modo quum sint impressiones quædam in principe parte, hoc est ipsa mente atque intellectu factæ, quas dixerunt *φαντασίαις*, ac per *phantasmata* intellexerunt *visa*, cuiusmodi sint ea, quæ in somnis aut per animi furores adpareant. qua ratione fiat phantasiæ impressio, hac de re discrepant sententiis; omnes autem facile inter se consentiunt, dari quamdam præcipuam phantasiam, quam *κατανοητικήν*, *comprehensionem* dicunt, quæue sit vna & veritatis regula: confer PETRUM GASSENDUM, ³ & THOMAM STANLEIVM. ⁴ PERIPATETICI putant, phantasiam esse *sensum internum*, qui

¹ Polyb. lib. II. cap. 6. ² de inuentis noui antiquis cap. II. §. 33. ³ de orig. & varietate logis. cap. VI. pag. 50.
⁴ hist. philos. p. 556.

species siue ideas a sensu communi oblatas vel etiam a se diutius retineat ac diligentius examinet. CARTESIANI quum animam diuiderent in *puram* atque *impuram*, factum inde est, vt animæ impuræ tres facultates, *imaginatio*, *appetitus sensitivus* & *memoria sensualis* a multis constituerantur, qui per imaginationem intelligunt facultatem mentis, imagines per sensus externos ope spirituum animalium impressas percipiendi, considerandi, separandi, componendi, dirigendi, aliaque ratione circa eas versandi: confer AVCTOREM *artis cogitandi*, ¹ IO. CLERICVM, ² IO. FRANCISCVM BVDDEV. ³ ceterum quum CARTESII sectatores actionem soli tribuunt voluntati, mirum non est, quod MALEBRANCHIVS ⁴ adfirmaverit, imaginationem dependere a voluntate. ANDREAS RVDIGER ⁵ existimat, quod ad memoriam pertineat *imaginatio*, quæ nihil sit aliud, quam receptio idearum ex visu enatarum; non confundenda cum phantasia, quippe quæ ingenii sit operatio: nec cum imaginatione magica, quæ sit imaginatio memoriæ cum firma persuasionem de successu intentionis. atqui experientia satis confirmat, esse quamdam occultam abditamque imaginationis vim, quam vehementem multi non solum in anima; sed corpore quoque perceperunt, qua de re egerunt FRANC. PIC. MIRANDVLA, ⁶ THO.

¹ Part. I. cap. I. ² pneumatol. sect. I. cap. 4. ³ phil. pract. p. I. cap. 2. sect. 2. §. 4. seqq. theolog. moralis part. I. cap. I. sect. 5. ⁴ de inquirenda veritate lib. 2. c. I. §. 2. ⁵ de sensu veri & falsi lib. I. cap. 2. §. 27. add. physicam divinam pag. 182. ⁶ tr. de imaginat.

MAS FIENVS, ¹ HONORATVS FABRI, ² CAESAR GRÉMÓNINVS, ³ GERH. IO. VOSSIUS, ⁴ GOTTL. FRIDERICVS SEELIGMANN, ⁵ IO. FRANCISCVS BVDDEVS, ⁶ LVDOVICVS CHRISTIANVS CRELLIVS, ⁷ IO. IACOBVS SYRBIVS. ⁸ quæ doctrina de occulta vi imaginationis haud spectat ad logicam, quibus de causis non est, quod argumentum illustremus copiose.

§. VIII. Quibus viribus quamvis cuiusque intellectus sit præditus; non una tamen eademque virtus illarum apud omnesprehenditur, ita ut modo memoria ingenio; modo ingenium iudicio; modo iudicium ingenio, aut memoria suo vigore sint superiora. atque inde gignitur diuersa indoles ingeniorum, quam & *temperamentum intellectus* dicere ac tria illius genera, *temperamentum corporis, intellectus ac voluntatis* ponere possumus. fuerunt quoque, qui operam suam in exponendis ingeniorum diuersis speciebus consumserunt cum generatim, quo spectant ANTONIVS ZARA, ⁹ IO. BARCLAIVS, ¹⁰ IO. CHRISTIANVS LANGIVS; ¹¹ tum speciatim ratione habita culturæ litterarum, ut ostenderent, quænam ad istam sint idonea, quænam minus apta, cuiusmodi sunt IANVS HVARTVS, ¹² EDMVNDVS RICHERIVS, ¹³

1 De viribus imaginat. 2 de homine lib. III. 3 de sensibus tr. II. lib. 4. 4 de idololatr. gent. lib. I. c. 8. 5 exercit. acad. n. XI. 6 thes. de atheismo & superstit. cap. X. pag. 778. 7 disp. de imagin. in mentem corpusque imperio. 8 philos. prim. pag. 445. 9 anatomia ingeniorum & scientiarum. 10 icones animorum. 11 protheoria erudit. human. cap. IV. quest. 40. 12 scrutinio ingeniorum cap. II. 13 obstetricia animor. cap. IV. §. 7.

NEVHVSIUS, ¹ DANIEL GEORGIVS MORHOEIVS, ² IO. FRANCISCVS BVD-DEVS. ³ nobilissimum est argumentum ac dignum, quod vberius ac pro rei dignitate explanetur, quum ex cognitione huiusmodi indolis magna pars prudentiæ adeoque felicitatis pendeat. diuersitas autem ingeniorum duplici modo debet considerari: primum generatim, vt obseruemus, quot illorum sint species, ac quænam naturalis bonitas sit æstimanda, quam non ex vigore facultatum; sed voluntate ac fine diuino debemus metiri. etenim Deus ideo beneficium rationis in nos contulit, vt illius ope veritates cognoscere harumque luce viam ad felicitatem inuenire possimus: quapropter iudicii virtus inter alias summa eminet dignitate, cui memoria, etiam in probabilitate ingenium inferuire, atque auxilium ferre debent. ex quibus colligimus merito, illum naturali eaque vera bonitate esse præditum, qui ad iudicandas res aptum se esse deprehendit, quum contra nimius vigor facultatum memoriæ & ingenii, quando iudicium debilius est, partim *confusionem*; partim vero *stultitiam* gignat. deinde vero hanc ingeniorum diuersitatem speciatim per culturam litterarum, quæ quum diuersi sint generis, varia quoque postulant ingenia, si felicius euenire debeat successus, exponendam esse censemus, cuius rei causa præcipue scholarum magistri officium suum deberent obire, vt ingenia candidatorum musarum explorarent studiose, nobis obicere quis posset, argumentum hoc

¹ theatro ingenii humani lib. I. cap. I. . . ² polyhistorum litterar. lib. II. cap. I. . . ³ de cultura ingenii cap. II. §. 8. §. 99.

de ingeniorum indole nullum habere commercium cum disciplina logica, nosque ideo attingere aliena a proposita dissertatione. sed quid respondeamus, iam habemus. nam quamuis logicæ doctores hac de re nihil fere adhuc disputauerint; meliorem ac præstantiorem tamen hac accessione effecissent doctrinam, si saltim demonstrassent, quod ingenium ad philosophiæ culturam sit aptum, quæue genuina ac salubris cogitandi libertas. multi sane auctores logicarum eam tractandi rationem obseruarunt, vt etiam de eruditione generatim disseruerint, qua occasione commode argumentum hoc attingere atque explanare potuissent. si quis autem materiam de eruditione eiusque culturâ a logicæ disciplina separare atque opera singulari cum de hoc argumento, tum de diuersitate ingeniorum disputare, consultius esse putaret, ei quidem repugnare nolumus: quin etiam fatemur, doctrinam de ingeniorum generibus varia ratione posse considerari, modo per cultum scientiarum; modo per prudentiam viuendi, si modo logicæ doctor exponat, quodnam ingenium aptum sit ad philosophiæ culturam.

§. VIII. Illustrauimus igitur doctrinam de natura intellectus humani. nunc videamus, *quomodo* ille a philosophis fuerit *diuisus*, quod est alterum momentum heic obseruandum. scilicet triplex illius diuisio in multorum doctorum scholas recepta est. *prima* est, qua diuiditur in intellectum *actiuum* & *passiuum*, quæ si mitiori ac sana sententia explicatur, ita vt actius respiciat cogitationem; passius vero *sensationem*, haud reiicienda est, siquidem

intellectus mouetur ac sese mouet. at vero quam male senserint veteres philosophi, id superioribus ¹ a nobis expositum est copiose. *secunda* diuisione est, quod intellectus sit vel *purus*, vel *impurus*, cuius fundamentum in eo plerique ponunt, quod anima agat modo instrumentis corporis adiuta; modo sine iisdem, hincque eius facultates diuidunt in puras & impuras siue mixtas, quas posteriores *imaginatio* & *adpetitus sensitivus* constituent. *tertium* intellectum vel *theoreticum* vel *practicum* esse dicunt, quorum ille res ad contemplationem tantum spectantes; hic vero momenta vitæ atque actionum humanarum consideret. at qui multi sunt, quibus hæ diuisiones sese commendarunt; nonnulli autem duas posteriores haud magnificerunt, iis de causis adducti, quod minus solido nitantur fundamento, cuius singularem rationem habere debeamus, ne pro arbitrio; sed pro veritate cognoscenda inueniendaque, cuius medium est diuisione, res diuidamus in partes ac species. namque dicunt, neque commercium corporis cum anima, propter quod diuiditur in puram atque impuram; neque diuersitatem rerum, cuius causa dicitur modo theoreticus, modo practicus, intellectus diuersitatem efficere; sed semper esse vnum eundemque intellectum. at vero, si inter membra diuisionis ne vlla quidem differentia essentia illius rei, quæ diuiditur, est, ista sane diuisione nullam habet vim ad cognitionem veritatis, id quod præcipue aduersus scholasticos decet obseruari: confer

ANDREAM RVDIGERVM ² & EPHRAIM

¹ pag. 302. seqq. ² de sensu veri & falsi lib. I. cap. 9. §. 33.

GERHARDVM. ¹ nam vltimum diuisionum genus PERIPATETICI in primis tradiderunt; secundum vero CARTESIANI, ac primi ipse ARISTOTELES dedit occasionem.

§. X. Haftenus de intellectu humano secundum indolem naturalem, quem quum sit facultas cogitandi, logica ad veritatum cognitionem formare & effingere debet, huncque in finem non solum præcepta de vero ac falso cognoscendo; sed & modum doctrinam adplicandi seque in meditatione exercendi tradit, vt inde gignatur *recta ratio*, siue facultas bene cogitandi. cuius solius ope ad sensum veritatis eruditæ ac philosophicæ peruenimus, quem vt cultores sapientiæ capiant, necesse est, in disciplina logicæ demonstrare partim *usum rectæ rationis ac veram cogitandi libertatem*; partim doctrinam de *meditatione* explanare diligenter, ac viam ostendere, qua quis rectam assequatur rationem. quid senserint philosophi de priori momento, siue de usu rectæ rationis legitimo, iam breuiter quidem exponere, ac primum quidem ipsum illius usum generatim; deinde vero speciatim ratione sacrarum scripturarum, siue luminis gratiæ respicere vellemus; nisi vtrumque momentum a plerisque logicarum scriptoribus, non sine artis huius atque inde sperandæ utilitatis detrimento silentio dimissum fuerit, quod quum obseruaret ANDREAS RVDIGER, ² quædam de *carteribus rationis* edisseruit. extitit quidam natione anglus ANTONIVS COLLINVS, auctor libri de *libertate cogitandi*, qui

¹ de len. phil. rat. lib. I. cap. 4. §. 57. ² de sensu veri & falsi lib. I. c. §. 16. seqq.

primum Londini MDCCXIII. lingua anglica; posthac gallica MDCCXIII. Londini & iterum MDCCXVII. Amstelædami sub inscriptione: *discours sur la liberté de penser* prodit, quippe quo COLLINVS maximo erga theologos odio occupatus id agit vnice, vt de industria omnem veram certisque limitibus circumscriptam cogitandi libertatem euertat, eamque cum licentia praua quiduis sentiendi confundat. sic illustre hoc argumentum, quod iure ac merito vindicat sibi logica, peruerse exposuit, ac vt improbitatis suæ atque aliorum ageret caussas, sectari se libertatem cogitandi, videri voluit; re ipsa autem fontem aperuit, vnde errores atque impiæ opiniones promanant. quapropter non immerito libidinem hominis huius in ipsa Anglia profligarunt, præcipue SAMVEL PYCROFT in breui *disquisitione de libertate philosophandi in rebus ad religionem spectantibus*, Cantabrigiæ MDCCXIII. RICHARD BENTLEIVS sub nomine PHILALEVTHERII LIPSIENSIS in *animaduersionibus in nuperum discursum de cogitandi libertate*, Londini MDCCXIII. præter quos aduersus ipsum disputarunt I. P. CROVSANZ in *exam. du traité de la liberté de penser*, Amstelodami MDCCXVIII. & ex germanis IO. FRANCISCVS BVDDEVS *commentatione de libertate cogitandi*, Ienæ MDCCXV. GÖTTLIEB SAMVEL TREVER *disputatione de limitibus libertatis cogitandi*, Helmstadii MDCCXIII. CORNELIVS DIETERICVS KOCHIVS *disquisitione philosophica de sententia media in dissertationem nuperam de libertate cogitandi*, Helmstadii MDCCXIII.

MDCCXIII. CHR. MATTH. PFAFFIVS
dissertatione priore de praeiudiciis theologicis
 §. XXIII. not. (i) quamuis autem præter PY-
 CROFTIVM & BENTLEIVM non solum in
 Anglia voluntatis divinæ interpretes aduersus
 librum hunc dixerint grauiter; sed viginti
 quoque scripta & adhuc plura a diuersis aucto-
 ribus composita contra COLLINVM in publi-
 cam emissâ sint lucem; fuerunt tamen, qui
 causas ipsius tueri ac in dissertationibus de-
 fendere instituerunt. ipse liber diuisus est in
 tres partes, quarum prima continet definitio-
 nem libertatis, *quod sit licitus mentis nostræ*
usus, quo elaboremus, sententiam cuiusuis pro-
positionis aperire, considerando rationes, quæ
istam aut confirmare aut infringere possent, ut
de ea feramus iudicium pro dignitate argumen-
torum. secunda parte commonstrare vult,
 quam necessaria sit cogitandi libertas; ac ter-
 tia obiectiones remouet ac varios commemo-
 rat, qui libertatem hanc usurpassent, SOCRA-
 TEM quippe, PLATONEM, ARISTOTE-
 LEM, EPICVRVM, PLVTARCHVM, VAR-
 RONEM, MARCVM CATONEM, CICE-
 RONEM, CATONEM *Vti censet*, SENECA, M,
 SALOMONEM, PROPHEAS, IOSEPHVM
histicum; ORIGENEM; MINVTIVM FE-
 LICEM; SYNESIVM, BAC. de VERVLAMIO,
 HORBESIVM, TILLOTSONIVM.
 ex definitione, quam adtulimus, haud obscure
 quis potest colligere, qualem libertatem cogi-
 tandi COLLINVS mente sua formauerit, quip-
 pe quæ ita comparata est, ut cum licentia qui-
 dem quiduis sentiendi; minus autem cum ve-
 ra cogitandi libertate conueniat. quam si

demonstrare ipsi fuisset animus, hæc inprimis momenta fundamenti loco debuisset ponere, primum *quod ratio nostra sit finita*, id est quum velit cogitare, debeat incipere a certis principiis, ac quum cogitauerit, in certo criterio adquiescere, ex quibus differentia intellectus diuini ac humani patet; deinde *quod deus talem cogitandi modum constituerit, ut absque ideis nulla cogitatio fieri possit*, quodue omnes *ideæ oriuntur a sensu*; tertium *quod sensus pendeat ab eo, quod deus nobis aliquid naturale aut morale manifestum fecerit*; quartum, *quod hoc fieri possit ratione modo existentie; modo essentie rerum*. ex quibus consequitur, deum intellectui humano posuisse terminos; quorum gradus ex natura sensus & idearum; harum autem gradus ex conditione reuelationis diuinæ siue per naturam, siue scripturam diuinam factæ dependere. qualis igitur reuelatio diuina; talis sensus; qualis sensus, talis idea; qualis idea, talis cogitatio; qualis cogitatio, talis meditatio & inde pendens libertas cogitandi. quæ si ad res ipsas adplicantur, ostendi potest, quod detur partim *ignorantia* sine culpa, quo spectant mysteria cum rationis, tum scripturarum diuinarum; partim *cognitio probabilis*, in quibus intellectus noster debet adquiescere, qui si quid supra vires suas per meditationem velit assequi, facile documenta stultitiæ prodere potest.

§. XI. Ad hanc doctrinam de usu rectæ rationis pertinet quoque illa disputatio specialis: *num sit pugna inter lumen naturæ & gratiæ?* quam etiam logicæ doctor attingere potest, quamuis id iterum a plerisque fuerit neglectum.

glectum. nonnulli tantam pugnam inter rationem & fidem prodiderunt, vt summam vim autrationi, aut religionis christianæ doctrinæ inferre necesse habuerint. alii, vt pugnam istam euitarent, rationis imperii longiores, quam par est, fines posuerunt, eique subiecerunt fidem, quod Socinianis, IO. LOCKIO, IO. TOLANDO, ANTONIO COLLINO aliisque solemne est, qui religionem christianam expertem esse mysteriorum putant. sunt quoque, qui vsum rationis nimis deprimere ipsique in doctrinis diuinis ac christianis nullum locum relinquere instituerunt, quo spectare videtur præcipue PETRVS BAELIVS, ideo inprimis a doctissimo IACQVELOTIO vocatus in disceptationem. etenim scripsit contra BAELIVM librum gallica lingua: *conformité de la foi avec la raison*, ad quas obiectiones ibi propositas quum responderet BAELIVS in libro: *réponse aux questions d'un Prouincial*; iterum edidit *examen de la theologie de Mr. Bayle*; ac quum & BAELIVS multa aduersus ipsum acerbius disserteret in libro: *entretiens de Maxime & de Themiste*; composuit *réponse aux entretiens*. sic & illustris GOTTFRIED GVILIELMVS LEIBNITZIVS disputatione de *concordia rationis & fidei*, quæ ipsius libro: *essais de Theodicée* præmissa est, contra BAELIVM solide disseruit, quod adhuc alii fecerunt, inter quos PETRVS POIRET¹ de ipso eiusque sententia bene iudicat: *unde, inquit, dum rationem videtur suppressimere velle, vt fidei soli detur locus, hanc potius pudendum in modum derisit & proculcauit,*

¹ præf. libr. fides & ratio collata p. 30.

ut alteram omni molimine in altum eueberet. ceterum hanc in rem legi possunt P E T R V S DANIEL H V E T I V S, ¹ I O. M V S A E V S, ² H E R M A N N V S W I T S I V S, ³ I A C O B V S B E R N A R D V S, ⁴ I O. F R A N C I S C V S B V D D E V S, ⁵ G E O R G I V S W O L F F G A N G V S W E D E L I V S ⁶ aliique.

§. XII. Antequam historiæ doctrinæ de intellectu humano ultimam imponimus manum, vnicum tantum momentum, quod de industria reseruauimus ad extremum, attingere, non ab re esse ducimus. disputatum est: *num intellectui humano peculiaris vaticinandi facultas possit adtribui?* quod argumentum commercium habet quoddam cum doctrina logicæ, in qua recta ratio, ut subiectum veritatis consideratur, ac ostendi debet generatim, quibus modis veritas possit cognosci. voces: *facultas diuinandi siue vaticinandi* non vna sententia sunt adhibitæ, siue res, siue fundamentum diuinationum respiciamus. A N D R E A S R V D I G E R ⁷ diuidit spiritum hominis in *mentem & animam*, quam posteriorem vi diuinandi præditam esse censet; eam autem tantum ad præsentia extendit. plerique contra vocem *diuinationis* ita vsurpant, ut respiciat ad futura, eaque arcana & abdita plane, cuiusmodi cognoscendi ac prædicendi num insit vis quædam naturalis? disputatur. ex vetustioribus S T O I C I adfirmabant, homines tali naturali virtute pollere, quæ modo in iplis

¹ *quest. Abnetan.* ² *de usu principiorum rationis & philosophia in consensu theologic.* ³ *de usu & abusu rationis p. 11. n. 8. miscell.* ⁴ *de l'excell. de la religion.* ⁵ *instit. theol. moral. part. 1. cap. 1. sect. 2.* ⁶ *diatr. de usu rationis in sacris.* ⁷ *physic. diuin. lib. I. cap. 1V. sect. 4. §. 43. 46. 47.*

dormien-

dormientibus, modo furore concitatis, accedentibus præsertim caussis vim hanc excitantibus, se proderet. eadem sententia fuit PERIPATETICIS, ac ipse ARISTOTELES rationes, cur Sibyllæ ediderint vaticinia, deduxit ex calore, quæ opinio quoque tribuitur AMMONIO, auctoritate PLVTARCHI; ¹ quamuis IO. IACOBVS SYRBIVS ² moneat, argumenta inde collecta non esse AMMONII; sed PLVTARCHI ipsius. sic probauit diuinationem præter XENOPHANEM atque EPICVRVM, de quibus testatur CICERO, ³ etiam alibi id de EPICVRO confirmat, quando dicit: ⁴ *nihil tam irridet Epicurus, quam prædictiones rerum futurarum*; item ⁵ *doleo, Stoicos nostros Epicuræis deridendi sui facultatem dedisse; non enim ignoras, quam ista derideant*: confer PETRVM GASSENDVM. ⁶ plerique negant, hominem vi quadam naturali providere ac prædicere posse futura; alii autem multorum exemplorum dignitate commoti hæc inter arcana & abdita animæ humanæ referunt, præcipue quum in aperto sit positum, diuinationes neque a Deo, neque a malo spiritu esse profectas. alii hominem per naturam accepisse peculiarem facultatem reuelationem a Deo, aut a genio quodam profectam recipiendi, asserunt, MOSES quippe MAIMONIDES, ⁷ BENEDICTVS SPINOZA, ⁸

¹ De defect. oracul. 1. II. opp. p. 429. ² phil. prim. pag. 453.

³ de diuinat. lib. I. ⁴ de natura deorum lib. II. ⁵ lib. II.

de diuinat. ⁶ syntagm. philos. Epicur. sect. II. cap. VI. ⁷ more neuoch. part. II. cap. 34. 36. 37.

⁸ tract. theol. polit. cap. II. pag. 18.

PETRVS PETITVS, ¹ quos confutauit IO. FRANCISCVS BVDDEVS. ²

§. XIII. Hactenus de intellectu humano ac recta ratione, subiecto veritatis, cuius doctrinæ historiam quum breuiter simus persecuti, varia quidem momenta attigimus, quæ vel minùs, vel breuiore industria a scriptoribus logicæ sunt tradita; sufficit tamen, ista cum arte hac summum habere commercium, inprimis quum simul demonstrare nobis sit animus, quibus doctrinarum accessionibus disciplinam hanc posse augeri atque emendari. iam conuertimus nos ad doctrinam de *principiis ac criteriis veritatis cognoscenda*, quæ quum ab omnibus fere philosophis distincta habeantur; de illis quoque disseramus separatim. quod ad *principia* adtinet, multum disputatum est, quodnam sit primum principium cognoscendi? per quod intelligunt eiusmodi propositionem, quæ sit vera, vniuersalis, euidens, nec possit demonstrari. PERIPATETICI putant, talem propositionem esse illud: *impossibile est, idem simul esse & non esse*, quos plerique philosophorum recentiorum sunt secuti: confer ARISTOTELEM ³ & CHRISTIANVM THOMASIVM. ⁴ GOTTLIEB GERH. TITIVS vero ⁵ non solum negat, daritale principium vniuersale, quod omnes conclusiones veritatum specialium contineat; sed existimat quoque, hanc a Peripateticis at-

¹ De Subyll. lib. I. cap. 9. ² dissert. an naturali homines polleant raticinandi facultate: adde theses de ath. & superst. pag. 281. histor. eccles. V. T. tom. I. p. 787. ³ lib. III. cap. 3. metaphys. ⁴ iurispr. diuin. lib. I. cap. 3. §. 18. philos. aulic. cap. VI. ⁵ ante egerit, c. III. § 75. sqq.

que ab aliis commendatam propositionem neque vniuersalem, neque vtilem esse, aduersus quem EPHRAIM GERHARDVS ¹ disputat. Iudæi traduntur, quod huius propositionis veritatem negent, ac statuunt, idem simul posse esse, & non esse, vide IO. FRISCHMUTH, ² cuius opinionis quoque sunt affectus pontificis romani. PAVLLVS SARPVS ³ adfirmat, Patauii multa scripti cuiusdam exempla inuenta fuisse, cuius regula decima tertia hæc fuerit: *credendum ecclesiæ hierarchicæ, etsi nigrum esse dixerit, quod oculis album videtur*: GREGORIUS DE VALENTIA ⁴ dicit: *quandoque potest contingere, ut quis teneatur conari ad eliciendum ad sensum fidei supernaturalem circa id, cuius contrarium verum est*. quam in rem adhuc illustre exemplum proferamus. disputatur quippe: *num Maria soror Lazari a Maria Magdalena fuerit diuersa?* quæ quæstio in primis FRANCISCVM TURRIANVM grauiter exercuit. quum enim constitutiones apostolicæ, ⁵ quas habet genuinas, Mariam Lazari sororem a Maria Magdalena distinguant; & tamen breuiaria romanæ ecclesiæ vtramque esse vnam eandemque dicant; pro veritatis ratione habuisset necesse, aut officium ecclesiæ romanæ; aut constitutiones apostolicas insimulare erroris. sed vtrumque per superstitionis ac stultitiæ morbos, quibus laborabat, ipsi nimis durum videbatur. quapropter ex apostolicis constitutionibus Ma-

¹ Delin. philos. rational. lib. I. cap. 7. §. 34. ² dissert. an Ebraei statuunt, idem simul posse esse & non esse. ³ lib. II. p. 48. hislor. interd. Venet. ... 4 tom. III. disp. 1. quæst. II. ⁵ lib. III. cap. 6.

riam Lazari sororem eandem esse cum Maria Magdalena negat; attamen se non errare putat, si cum ecclesia pie adfirmet, Mariam Lazari sororem eandem esse cum Maria Magdalena, quamvis sit falsum, quod dicat ecclesia: vide THOMAM INTIGIVM, ¹ cui addas TAVRELLVM, ² & IACOBVM THOMASIVM. ³ alii, nonnulli quippe scholastici atque inprimis SCOTI hoc principium probauerunt: *ens est ens*, quæ propositio quidem vera, etiam clara; sed quomodo inde aliæ veritates ac conclusiones possent deduci, haud videmus. sunt quoque, quibus hoc: *quodlibet est, vel non est*, placuit, aduersus quod varia monet IO. IACOBVS SYRBIVS; ⁴ nonnulli autem hoc cum illo: *impossibile est idem simul esse, & non esse* coniungunt: confer STEPHANVM CHAVVINVM. ⁵ ex recentioribus RENATVS CARTESIVS ⁶ principium hoc: *ego cogito, ergo sum*, commendauit, quod neque sua indole principium demonstrationi inferuiens est, neque ab ipso Cartesio tale habitum. etenim tantum sibi persuadebat, hanc esse primam eamque certam veritatem, qua quis contra dubitationem ac scepticismum se munire posset: id quod ex ipsis Cartesii verbis colligere possumus, quando dicit: *sic autem reiicientes illa omnia, de quibus aliquo modo possumus dubitare, ac etiam falsa esse fingentes: facile quidem supponimus, nullum esse Deum, nullum calum; nulla corpora; nosque*

¹ Opuscul. variis p. 328. ² triumph. philosoph. ³ prefat. n. XLII. pag. 237. ⁴ instit. phil. ration. part. 1. cap. III. §. 2. ⁵ toxic. philos. pag. 519. ad. 2. ⁶ princ. philos. part. 1. §. 7. & medius, II.

etiam

etiam ipsos non habere manus, nec pedes nec denique ullum corpus; non autem ideo nos, qui talia cogitamus, nihil esse: repugnat enim, ut putemus, id quod cogitat, eo ipso tempore, quo cogitat, non existere. ac proinde hæc cognitio: ego cogito, ergo sum est omnium prima & certissima, quæ cuilibet ordine philosophanti occurrat. quapropter mirum est, quod GEORGIVS PAVLLVS ROETENBECCIUS scripserit dissertationem huius inscriptionis: principii Aristotelici: impossibile est, idem simul esse & non esse, & Cartesiani: cogito, ergo sum, amica methodoque eclectica conformi collatio; principii simpliciter & absolute primi dignitatem ab utroque remouens; atque demonstrare instituerit, quod inter utrumque principium miræ quædam sit similitudo. P. BVFFIER¹ putat, primum principium esse hanc propositionem: quodlibet est id, quod est, nec aliud quid, persuadens sibi, esse adhuc clariorem ac priorem illa: impossibile est, idem simul esse, & non esse, quod autem sine causa affirmari videtur. nam ipsa hæc propositio, quam principii loco ponit, probari debet & potest per illam, quod non possit fieri, ut idem simul sit & non sit. NICOL. HIERONYMVS GVNDLINGIVS² existimat, huiusmodi principii vim inesse huic enunciato: quidquid sensibus ac definitioni rerum, id est ideis nostris congruit, verum est; & vicissim, quidquid non congruit, repugnat; quidquid repugnat, falsum est, aduersus quam sententiam disserit IO. IACOBVS SYRRIVS.³

¹ princ. du raisonnement. logiqu. 2. art. 21. p. 304.

tasem part. I. p. 50.

³ instit. phil. ration. p. 40.

² via ad veri-

§. XIII. Per *criterium veritatis* intelligunt notam certam atque indubitatam cognitionis cuiuslibet veræ, cuius doctrinæ historiam iam illustravit CHRISTIANVS THOMASIVS,¹ antiquioribus philosophis non vna fuit sententia de criterio veri, quæ discrepantia inde oriebatur, quod alii sensus fallaces esse, sibi persuadebant atque in sola mente fundamentum veritatis quærebant, id quod fecit PLATO; alii autem etiam sensus simul cum mente eiusque ideis admittebant, vt PERIPATETICI & STOICI. nemo autem tam sollicitus fuit de criterio veri, quam EPICVRVS, qui tria criteria *sensationem*, *anticipationem* & *passionem* posuit, de quibus iam supra disseruimus ac iudicauimus. recentiori tempestate eodem labore functus est CARTESIVS, qui notam veritatis in eo quærit, si quid percipiatur *clare & distincte*,² quæ sententia quamuis multorum iudicio sit probata; criterium tamen hoc Cartesii non in omni veritate officii partes explere potest. namque id neque ad existentias rerum, quæ etiam ex obscuris & confusis ideis vere cognoscuntur, neque ad probabilitatem, quæ cum clavis ac distinctis ideis nihil habet commune, potest adplicari. ceterum TSCHIRNHANSIVS³ principii, siue potius criterii loco ponit, *nos quædam posse, quædam vero nullo modo posse concipere*, quo fundamento in cognoscenda veritate si quis niti velit, rebus suis haud bene consulat, siquidem tantum diuersitatem rerum, quomodo se se ratione sensationis nostræ habeant, indi-

¹ *Philos. nyllic. cap. 5. part. II. sect. I. p. 37.* ² *medijs. III.* ³ *medic. ment.*

cavit: alia quæstio est. num obiectum quoddam perducì possit ad *sensionem*? quæ huc non pertinet; alia vero: vnde cognoscatur, quod hoc verum, illud vero falsum, quæ duo momenta maxime distincta haud perturbanda sunt: confer THOMASIVM. ¹ plerique recentiorum existimant, criterium veritatis positum esse in *evidentia*. ANDR. RVDIGERVS varia tradidit momenta, quæ a vulgari doctrina discedunt. discrimen illud inter principium & criterium, quod sibi persuadent, haud admittit atque existimat, quod principium sit in methodo synthetica, id esse criterium in methodo analytica. proinde rectius atque accuratius de diuersitate principiorum, quæ modo veritatem generatim, modo illius species certam & probabilem respiciunt, cogitauit, ideoque loco principii primi & criterii vltimi posuit *sensionem*, a qua oriantur omnes ideæ, quæ etiam *evidentia*, quam veluti criterium alii commendant, nitatur, qua ratione necesse habebat, vocem *principii* alia significatione usurpare. heic quoque doctrinam de *certitudine sensuum* ac *scepticismo* adtingere possemus; de qua autem infra disputabimus commodius.

§. XV. Sequitur doctrina de *ideis*, quæ in primis recentiori tempestate culta atque exposita fuit, ita tamen vt siue earum originem, siue naturam, siue species, siue coniunctionem respiciamus, vbique fere sententiarum diuersitatem deprehendamus. ex priscis seculis primum nominare decet PLATONEM, qui

¹ Philosoph. analic. cap. VI. §. 28. sqq.

multa quidem de ideis disputauit in Timæo & Parmenide; sed obscure. CICERO¹ dicit: *has rerum formas adpellat ideas ille non intelligendi solum, sed etiam dicendi grauissimus auctor & magister Plato: easque gigni negat & ait semper esse, ac ratione & intelligentia contineri: cetera nasci, occidere, fluere, labi, nec diutius esse vno & eodem statu.* scilicet PLATO ideas duplici ratione considerauit: priori retulit istas ad Deum, persuadens sibi, quod Deus istas ex sua mente produxerit, quod sint ab intellectu diuino separatæ, æternæ, haud possint mutari, ad quarum exemplar summum numen ea, quæ videmus sensibusque percipimus, condiderit. posteriori modo de ideis animæ humanæ disseruit, in eam ingressus sententiam, quod mens nostra ex diuino animo ipsoque Deo tracta ideas illas adeoque omnium rerum naturas cognouerit; ex quo autem tempore mens venerit in commercium ac societatem corporis, obliuionem harum idearum contraxerit. proinde iudicabat, intellectum humanum similem esse tabulæ rasæ, quod imagines, quas antea continebat, in eodem iam essent deletæ; atque in eo præcipuum philosophiæ munus atque officium ponebat, vt homo pristinas ideas reminiscendo sensim ac sensim recognosceret. ex quibus colligimus, hanc doctrinam magis propriam esse metaphysicæ, quam logicæ, quamuis re ipsa non solum absurda sit; sed & impia: conferri possunt ALCINOVS,² IACOBVS THOMASIVS,³ SCIPIO AGNELLVS,⁴

¹ De orator. num. 3. ² delin. doctrin. Platonice, cap. LX.
³ orat. de Platonice, ideis exemplar. num. XIII. orat. & præfation.
 pag. 375. ⁴ dissertationib. de ideis trib. lib. Vm, MDCXV. 4.

GEORGIUS PASCHIVS, ¹ omnesque illi, qui de trinitate Platonica disputarunt, quos commemorat IO. ALBERTVS FABRICIVS; ² ex vetustioribus etiam SENECA; ³ de ideis ex mente Platonis differit. a PLATONE eiusque doctrina de ideis plane discersit ipfius discipulus ARISTOTELES, siue ideas Dei, siue hominum respiciamus. nam primum ideas Platonicas ipse reiecit, ⁴ deinde aperte plane ab illis aliena tradidit; ex principiis autem doctrinarum, quæ sequitur, adhuc possumus colligere, quod Platonis placita haud probauerit. sic credebatur, mundum extitisse ab æterno, deumque tantum supremo cælo præsidere, cum qua opinione ideæ Platonice haud cohærent, quas Plato quidem admittere poterat, quum censeret, mundum ex libero Dei cum congressu extitisse, ut supra ⁵ copiose obseruauimus. Ne ideis autem intellectus humani sentiebat, illas esse immerfas rebus singularibus, quas mentem separare & sensim sibi effingere posse credebatur, adeo ut nihil sit in intellectu, quod non prius fuerit in sensu. quapropter quum Plato intellectum cum *tabula rasa* compararet; Aristoteles contra illum *tabula nuda* similem esse pronuntiauit. ⁶ in qua quum eiusmodi imagines nunquam fuerint depictæ, nec deleri deinde potuerint, atqui hac ratione bene quidem sensit, si modo hæc doctrina partim aliis ipsius opinionibus de anima atque intellectu agente accuratius re-

¹ Introd. ad rem litter. mor. vet. cap. I. §. 16. qua addis. libro de variis modis moralia tradendi p. 553. ² bibl. græca lib. III. c. I. pag. 39. ³ epist. 58. & 65. ⁴ lib. I. cap. 7. metaphys. § pag. 260. ⁵ lib. 2. cap. 4. de anima.

sponderet, siquidem Aristoteles sæpe plane sibi contraria & repugnantia tradidit; partim in scriptis logicis diligentius esset explanata. etenim neque idearum indolem ac species; neque illarum conditionem, quam propter veritatem cognoscendam habere debent, consideravit; sed vti sæpius grammaticorum; non philosophorum more agit; ita & hoc momentum de ideis proposuit grammatice nec de ipsis rebus & notionibus mentis; sed ipsarum signis ac vocibus fuit sollicitus, id quod patet ex eius libro *κατηγορίαι* inscripto, etiam *περί ἑρμηνείας*, de interpretatione. STOICI quoque disputarunt de ideis. verum istas neque cum Platone rebus ipsis habuerunt antiquiores; neque cum Aristotele rebus immerfas crediderunt; sed eas nihil aliud esse tradiderunt, quam rerum in animo nostro notionem atque resplendentes & impressas intelligentiæ imagines. IACOBVS THOMASIVS¹ inde obseruat, quod Stoicis vniuersalia fuerint ἕτινα, id est, *nulla* atque ex hoc deducit appellationem sophismatis dicti ἕτις, in quo scilicet ἐκ τῆ τινός πρὸς τὸν ἕτινα, hoc est a singulari ad vniuersale perperam progredetur argumentatio. plerique hac in re discrepantes fuisse Peripateticos & Stoicos sententiis existimant, quam diuersitatem non tanti esse momenti, quin etiam posse conciliari censemus. etenim ideæ considerari possunt partim ratione rei, sine obiecti, quod repræsentant; & heic bene sentit Aristoteles, quod positiuæ sint in rebus singularibus, id quod etiam

¹ De doctores scholasticis §. XVIII. not.

inde confirmatur, quoniam omnes ideæ oriuntur a sensatione; partim ratione ipsius formæ atque indolis, quæ sunt ideæ & a sola mentis operatione dependent, quod adfirmarunt Stoici.

§. XVI. Quod ad SCHOLASTICOS adtinet, differuerunt quidem de ideis diuinis; sed ieiuna ratione; nec meliora effecerunt, quum operationes intellectus humani considerarent, quo labore sequebantur Aristotelem & acerbissimas excitabant controuersias de *uniuersalibus*, quas supra attigimus, ut adeo haud necesse sit, istas heic iterum recensere. quam ob rem conuertamus nos ad tempora recentiora, quibus philosophi non solum censuram aduersus doctrinam Aristotelis fecerunt; sed & ista proscripta, meliorem de ideis disciplinam tradere elaborarunt. pars igitur illa logicæ Aristotelicæ, quæ primam mentis operationem respicere debet & complectitur doctrinam de *prædicabilibus*, *antepredicamentis*, *predicamentis* & *postpredicamentis* illis, qui adhibuerunt libertatem philosophicam, haud sese commendauit. sic GOTTLIEB GERH. TITIVS ¹ existimat, doctrinam de *prædicabilibus* nullum habere nexum cum genuina ac solida cogitandi arte; CHRISTIANVS THOMASIVS ² ita de ista iudicat: *quamuis mihi quidem confusissima videatur doctrina de tribus ultimis, quam proprio competat definitio accidentis & sit saltem nobilissima accidentis species, ac præterea nullum habeamus distinctum conceptum differentia ullius sine conceptu*

¹ *Arte cogitandæ*, cap. XVIII, §. 3, 4.

² *introd. ad phil. antic.*

cap. VII, §. 44.

accidentis, ne quidem in ipso homine, quippe quum cogitatio actualis sit accidens hominis, quæ abest in profunde dormiente; facultas autem cogitandi denotat conceptum confusum. ac IO. CLERICVS ¹ pronuntiat, hæc vniuersalia nullum nobis ad veritatem cognoscendam deducendis adferre præsidium, vt de aliis taceamus, qui huiusmodi instituerunt censuras. equidem cum IO. CHRISTIANO LANGIO ² hæc Peripateticorum placita omni ex parte bene se se habere, haud adfirmamus; penitus autem reiicere iis de causis haud possumus, quoniam si meliori emendantur cura & ad cognitionem veritatis rite adplicantur, non mediocrem nobis suppeditant vtilitatem. etenim vniuersalia non tantum debent considerari ratione rerum, multo minus rerum naturalium solum; sed adhibenda sunt in gratiam veritatis, ita vt idea *generis & differentia* definitioni; idea *accidentis* autem diuisioni constituendis debeant inferuire, quo instituto ideæ *speciei & proprii*, quod referri potest ad differentiam, haud necessariæ sunt. atqui id est, quod accurate ANDREAS RVDIGER ³ obseruauit. quod ad doctrinam de *predicamentis* adtinet, in ista modo inuenienda atque exponenda; modo confutanda; modo emendanda exercuerunt se philosophi cum veteres; tum recentiores diligenter. ARCHYTAS Tarentinus scripsit de decem prædicamentis; THEMISTIVS vero negat, illum esse Pythagoricum antiquum; sed iuniorem Peripateticum hoc nomine, qui nouo operi verustate

¹ *Logic part. 1. cap. 7. §. 10.*² *addit. ad nucleum logic.**Weisian. p. 452.*³ *de sensu veri & falsi lib. 1. cap. 5.*

nominis conderet auctoritatem. ARISTOTELES libro *κατηγορίαι* inscripto disseruit quoque de illis, ac quamvis solide omnia diuideret in *substantiam* & *accidens*; passim tamen hæc decem prædicamenta probauit, licet quatuor posteriora minori consideraret æstimatione. dicebantur græce *κατηγορίαι*, quæ vox forensis & proprie significat *iudicium*, *accusationem*, vide AELIANVM; ¹ transiit autem posthac ad scholas philosophorum, ex quibus præcipue ARISTOTELES istam vsurpauit pro serie rerum, quæ sub vno quodam genere continentur, & de aliis possunt prædicari. inter quam vtramque significationem nonnulli similitudinem quamdam obseruant. quemadmodum enim accusatio faciat indicium rei & aliquid de aliquo dicat; sic quoque *κατηγορίαι* in arte rationis indicet res, quæ de aliis possint prædicari, confer BARTHOLOMAEVM KECKERMANNVM ² & IOH. CHRISTIANVM LANGIVM. ³ atqui in hac doctrina scholastici, quibus summa studia erga Aristotelem erant, operas suas posuerunt, & ingenia diligenter exercuerunt, ita vt inuentis his præsidium ac munimentum quoddam inesse sibi persuaderent; quam in rem commentarii, interpretationes ac peculiare libri de prædicamentis compositi testantur: vide LIPENIVM. ⁴ at vero ex quo auctoritas Aristotelis detrimentum quoddam capiebat, ac philosophi imperii talis impatientes libertatem suam reuocabant, & in hæc prædicamen-

¹ *Varior. histor. lib. II. cap. 13.* ² *system. logic. maior. lib. I. cap. 2.* ³ *addit. nucl. logic. Welfian. c. 4. pag. 496.* ⁴ *bibl. philosophica p. 1239.*

torum momenta fecerunt impetus, quorum alii constitutum ipsorum numerum improbare; alii vero hæc omnia penitus reiicere instituerunt. sic LAURENTIUS VALLA ¹ tria tantum prædicamenta, *substantiam, qualitatem & actionem* admittebat, & adhuc multi ex illis, quos recentius tulit ævum, doctrinam hanc perturbatam esse pronuntiabant, cuius rei confirmandæ causa quædam colligamus testimonia. IO. CLERICVS: ² *quare Aristoteles substantiam in genere memorat, nulla eius addita specie; accidente vero in genere omisso, nouem eius tradit classes? debuisset etiam, si accuratus esse voluisset, omnes accidentium species memorare, non quasdam tantum pro arbitrio seligere. omisit autem, exempli causa quietem, accidens corporum; aliaque accidentia spirituum, quæ nequeunt referri ad hæc classes. vniuersales etiam idæ continentur hisce categoriis, ut species, genus, differentia &c. igitur ea diuisio nequaquam diuisio adæquata est ac proinde accurata haberi nequit.* CHRISTIANVS THOMASIVS ³ obseruat, has classes partim haud complecti entia moralia, res transcendentales & artificiales; partim continere relationem, quæ non explicet modum existendi; partim melius ad septem genera posse reuocari, his versibus inclusa:

mens, mensura, quies, motus, positura, figura

sunt cum materia cunctarum exordia rerum;

¹ Dial. lib. I. cap. 13. & 17.

² logic. part. I. cap. 3. §. 35.

³ introd. ad phil. aubr. cap. VII §. 35.

partim

partim quoque tradere multa aperte falsa atque in inquirenda veritate exiguum habere usum; cuius sententiæ quoque est GOTTLIEB GERH. TITIVS.¹ quin etiam hanc inuentionem inutilem esse declararunt, quando AUCTOR *artis cogitandi*² dicit: Aristotelis categoriæ *parum utiles sunt, tantumque abest, ut ad rite formandum iudicium prosint, ut etiam sapissime noceant*; cuius opinionis duas memorat rationes; & NICOL. HIER. GVNDLINGIVS:³ *quid vero his nugis, quaeso, lucrabatur philosophia? res vulgares & omnibus notas nouis & quidem obscuris vocabulis inuoluebant; de iis plures & innumeras fere regulas, quas nemo est negaturus, efformabant, eaque ratione ineptarum vocum dictionarium discentibus obtrudebant. unde contemptus logica in mores irrepsit ac doctoribus paedantissimi maculam affricuit. neque enim philosophia verborum, sed rerum est. nec negare possumus, doctrinam hanc Peripateticam multis laborare morbis. primum magna est confusio, quod conceptui generali substantiæ adiiciantur conceptus speciales accidentium, id quod contra regulas bonæ diuisionis, quæ iubent diuisionem & subdiuisionem haud permiscere: quapropter debuissent entia siue res diuidere in substantiam & accidens; accidens iterum in suas species: deinde genera accidentium perturbatim sunt proposita, quæ pro veritate vel absoluta sunt, vel relatiua: absoluta vel mathematica siue quantitates, vel philosophica, quæ sunt qualitates; tertium species*

¹ *Arte cogitandi cap. XVIII. §. 23.* ² *part. I. cap. 3.*

³ *via ad veritat. part. I. p. 40.*

accidentium a Peripateticis commemoratæ non sufficiunt ipsis rebus, quoniam discrimen ponendum est inter illa, quæ essentiam rei constituunt; & ea, quæ ad propriam indolem haud pertinent; tandem hanc doctrinam metaphysica maiori iure sibi potest vindicare, quam logica, in qua nullam præstat utilitatem.

§. XVII. Quum de prædicamentis Aristotelicorum edisserere instituerimus, pauca adhuc, quæ historiam hanc illustrare possunt, adiciamus. scilicet PLATO quinque entis genera numeravit, *essentiam, idem, alterum, statum & motum*: STOICI duplicem rerum classem constituebant, quarum altera complectebatur corpora; altera res materiæ expertes, *enunciatum, vacuum, locum & tempus*: EPICURVS dicebat, vniuersum constare ex *corpore & vacuo*, quæ pluribus exponit CHRISTIANVS THOMASIVS. ¹ PETRVS RAMVS peripateticam de prædicamentis disciplinam faciebat nihili ac *locis topicis*, vti dicuntur, auctoritatem conciliare adlaborabat, de quibus vtraque ætate diuersis iudiciis senserunt philosophi. ARISTOTELES scripsit octo libros *topicorum*, de quibus iam supra disputauimus; PETRVS RAMVS autem quum discederet ab hoc philosophiæ doctore ac maiori studio sectaretur CICERONEM, alio instituto hos commendauit locos, atque effecit, ut eloquentiæ magistri per longum temporis tractum illis artem suam dicendi superstruxerint, quamuis doctrina hæc non vno modo a logicæ

¹ dodec. quæst. promisc. q. 2. §. 1. §. 2.

& rhetoricæ disciplinæ auctoribus fuerit tradita, qua de re legere possumus IO. CHRISTIANVM LANGIVM. ¹ aduersus quos locos topicos, veluti causas eloquentiæ corruptæ disputauit NICOLAVS HIERON. GVNDLINGVS, ² quos contra tales adcusationes tueri voluit CHRISTIANVS IVNCKERVS; ³ & ANDREAS RVDIGER emendauit. ⁴ speciem quamdam prædicamentorum præ se ferre videntur decem classes principiorum oppositorum, quas hoc ordine exhibet CASPAR KNITTELIYS: ⁵ pro metaphysica *unum, plura; bonum, malum*; pro physica *lumen, tenebræ; motus, quies; masculinum, femininum*; pro mathematica *dextrum, sinistrum; par, impar; quadratum, oblongum; rectum, curuum; finitum, infinitum*. de arte RAYMVNDI LVLLII, qui etiam certas constituit classes substantiarum, principiorum, superioribus egimus. CARTESIVS eiusque sectatores septem rerum siue modorum genera ponunt, qualia sunt *mens*, seu substantia cogitans; *materia* seu substantia extensa; *mensura*, id est magnitudinis partium ratio; *positura*, seu partium ad se inuicem situs; *figura*; *motus*; *quies*.

§. XVIII. Non solum recentiores philosophi de doctrina Peripatetica iudicarunt, obseruantes illius vitia; sed meliorem quoque de ideis disciplinam excogitarunt, quamuis non vbique eandem amplexi sint sententiam.

¹ Addit. ad nucleum logica Weisian. p. 541. sqq. ² obseru. Hal. tom. 1. obseru. 17. p. 231. ³ dissertationib. apologeticis pro locis topicis. ⁴ de sensu veri & falsi lib. III. cap. 4. §. 6. sqq. ⁵ viar. part. IV. art. 15.

primum solliciti fuerunt de *natura ideæ* explananda. ex recentioribus CARTESIVS primus vocem *ideæ* adhibuit; nunquam autem clare definire istam instituit, quod solide in ipso PETRVS GASSENDVS ¹ reprehendit; quin etiam AVCTOR *artis cogitandi* ² dicit: *ideæ nomen est ex eorum numero, quæ adeo clara sunt, ut ulterius explicari per alia non possint, quia alia non habentur vel clariora, vel simpliciora.* sed latet anguis in herba. ideo enim definitionem ideæ dare noluit, ne illius originem a sensatione admittere sicque propriam de innatis ideis opinionem labefactare cogantur. ceterum plerique amplexi sunt definitionem IO. LOCKII, ³ quod *ideæ sit id obiectum, quod immediate menti nostræ observatur, dum cogitat, siue imaginationi subiiciatur; siue ab omni symbolo corporeo sit commune*, quamvis haud sit adæquata, dum indolem & naturam haud exponit, etiam complectitur diuisionem idearum, quod est contra regulas bonæ definitionis. rectius igitur & accuratius observat ANDREAS RVDIGER, ⁴ quod *ideæ* vox sumatur sententia modo ampliore, ut significet omnem intellectus actionem & memoriæ & ingenii & iudicii, sicque opponatur sensationi; modo strictiore pro sola actione memoriæ, ut adeo *ideæ sit actio intellectus, speciatim memoriæ, qua impressiones sensuum sine affirmatione & negatione, ut oblatæ fuerunt, concipit.*

§. XVIII. Nunc videamus, quomodo *ideæ a philosophis diuisæ fuerint in suas species?* quod quum diuersa ratione sit factum, princi-

¹ *disquisit. metaphys. p. 171.*
intellectu humano lib. II. cap. I.

² *part. I. cap. I.*

³ *de intellectu humano lib. II. cap. I.*

⁴ *institut. erudit. p. 26. seqq.*

pes tantum diuisiones obseruare, nobis est propositum. *primum* ideæ diuisæ sunt *ratione subiecti*, in quo gigni putantur, ac quidem 1) in ideæ *sensibiles & intelligibiles*, quæ diuisio solemnis est peripateticæ scholæ doctoribus, quumue nitatur doctrina & falsa & confusa de intellectu agente & patiente, cuius sit pretii, facile præuidere possumus. scilicet persuadent sibi, quod obiecta, quæ in sensus cadant, species seu imagines sui emittant: quas species a sensibus externis perceptas sensus communis adprehendat, a se distinguat & cognoscat; phantasia vel a sensu communi perceptas, vel etiam a se formatas diutius retineat, ac diligentius examinet, a qua facultate adpellantur phantasmata: quas species sensibiles siue phantasmata intellectus agens illustret, in gradum specierum magis subtilem euehat, & faciat intelligibiles, quas deinde intellectus patiens recipiat & cognoscat: confer IACOBVM THOMASIVM. ¹ *ratione subiecti* porro ideæ diuisæ sunt 2) in *innatas & adquisitas*, multumque de prioribus est disputatum, siue illarum essentiam, siue existentiam respiciamus. CARTESIVS hanc doctrinam produxit atque existimauit, triplex in nobis esse idearum genus, quarum aliæ sint *aduentitiæ*, cuiusmodi idea solis, quam ex conspectu solis quisque habeat; aliæ *falsitiæ*, cuiusmodi idea solis; qualem rationibus suis inueniant astronomi; aliæ nobis *ingenitæ*, cuiusmodi sint ideæ dei, mentis naturarum, quæ essentiæ vocantur, formarum geometricarum, axiomatum, quibus vtantur mathematici, aliarumque rerum simi-

¹ *physic. cap. XLIX.*

lium. ¹ quid autem sint ideæ innatæ, id CARTESIVS numquam declaravit diserte, quin etiam sibi ipse repugnat, dum illam dicit esse modo facultatem cogitandi; modo formam quamdam cogitationum. ² quibus de causis multi hæc ficta a Cartesio confutarunt, quo pertinent AVCTOR *obiectionum quintarum*; ³ PETRVS GASSENDVS; ⁴ PETRVS DANIEL HVETIVS; ⁵ IO. LOCKIVS; ⁶ IO. CLERICVS, ⁷ ANDREAS RVDIGER, ⁸ FRIDERICVS MVZELIVS, ⁹ alique. ¹⁰ quum autem CARTESIVS ad innatam ideam de deo prouocauerit, ipsum existere demonstraturus, hanc fecit ratiocinationem: *est in me idea entis summe perfecti & infiniti, idea huius entis non potest esse aliunde, quam ab ente summe perfecto & infinito: ergo datur ens summe perfectum*; cuiusmodi ratiocinandi ratio plane ieiuna est. primum enim prior propositio maxime falsa; deinde non necessario sequitur, ideam entis perfectissimi, quam mente mea concepì, esse ab ipso deo eiusque probare existentiam, quoniam talem ideam ex idea entis finiti quis sibi potest fingere. quamobrem fuerunt quoque, qui grauitè contra hanc probandi rationem dixerunt, MASTRICHT ¹¹ quippe, SAMVEL WERENFELS, ¹² IO. FRANCISCVS BVDDEVS. ¹³ quas ideas in-

¹ *medit. III. tom. II. epist. 54.* ² *tom. I. epist. 59.*

³ *in med. III.* ⁴ *disquisition. metaphys. p. 155.* ⁵ *in censura philosoph. Cartes. c. III. §. 9.* ⁶ *de intellectu humano lib. 1. c. 2. 3.*

⁷ *pneumatol. sect. I. c. 5. §. 16.* ⁸ *de sensu veri & falsi lib. I. c. 2.*

⁹ *de rationis natura sect. I.* ¹⁰ *vide diarium Parisiense 1710. mens. febr. p. 234.* ¹¹ *gangran. nouit. Cartes. p. 198.* ¹² *in iudicio de argum. Cartes. pro exist. dei ab eius idea petito.*

¹³ *selecta inuiriatur. p. 206. thesaurus de atheismo & superst. p. 369.*

natas Cartesii quamuis plerique proscripserint, qui in schola ipsius haud educati sunt; nonnulli tamen istas admiserunt; alia vero ratione, ac Cartesius istas formauerat animo suo. sic EPHRAIM GERHARDVS ¹ putat, dari vnicam tantum ideam connatam, ideam quippe *contradictionis* siue *contrarietatis*, ex qua gignatur axioma illud: *nihil posse simul esse & non esse*, cui sententiæ haud fauere possumus. nam ista idea, vti dicitur contrarietatis menti haud inesse potest, nisi quis antea res a se diuersas per sensus cognouerit atque inde hanc ideam collegerit. alii contendunt, inditam esse menti humanæ propensionem quamdam, quibusdam principiis statim præbendi assensum, quo sensu posse admitti ideas & principia innata, quod pluribus demonstrant IO. MVSÆVS noster, ² & IO. FRANCISCVS BVDDEVS ³ contra IO. LOCKIUM, quibus addas ZACHARIAM GRAPIVM. ⁴ hætenus de prima classe idearum, quam sequitur secunda, qua considerantur ratione *obiecti* ac diuiduntur 1) *in ideas puras & impuras*, quarum illæ ad res materiæ expertes; hæ vero ad corpora spectent & coniunctam habeant quamdam imaginem, cuiusmodi diuisionem CARTESII spectatores diligenter tradunt atque existimant, quod ideæ puræ sint clariores impuris, quorum sententiæ accedere viderur GOTT-LIEB GERH. TITIVS; ⁵ repugnat autem IO. FRANCISCVS BVDDEVS, ⁶ adfirmans,

¹ delin. philos. ration lib I. cap. 5 §. 6. ² introd. in theolog. cap. II. §. 19.

³ theol. moral. part. II. cap. 2. §. 5. not.

⁴ theol. recens controu. s. I. c. I. qu. 1. ⁵ arte cogitandi c. II. §. 9.

⁶ elem. phil. instrum. P. I. cap. I. §. 46.

ideas impuras maiorem præ se ferre lucem, quam puras: quin etiam CHRISTIANVS THOMASIVS ¹ plane negat, esse vere ideas puras. porro 2) diuiduntur in ideas *substantialium & modorum*, vbi obseruandum, quod recentiores philosophi adhibuerint vocem *modus* pro *accidens*, quoniam sit dubiæ significationis: quibus generibus nonnulli addunt tertium, idearum quippe *relationum*; cui autem alii nullum relinquunt locum. namque monent, quod fundamentum relationum positum sit in modis, quibus istæ non possint opponi; sed rectius debeant diuidi in modos absolutos & relatiuos. 3) in *ideas adequatas & inadequatas*, cum qua diuisione quidam & hanc coniungunt, quod sint vel *vera*, vel *falsa*, quas species alii iis de causis haud admittunt, quoniam in prima mentis operatione neque veritas, neque error detur. quam controversiam EPHRAIM GERHARDVS ² credit, posse remoueri per distinctionem inter veritatem mentis, quæ cadat in ideas, & propositionis, quod bene se haberet, nisi hac ratione veritas metaphysica cum logica confundi videretur. 4) in *ideas singulares, particulares & vniuersales*, vbi tantum obseruare decet, quod nonnulli logici recentiores occasione idearum vniuersalium Peripateticorum prædicabilia explicant, deque illis differant. tandem tertia classis complectitur ideas consideratas *ratione modi*, quæ diuiduntur 1) in *ideas claras & obscuras*. CARTESIVS ³ adfirmat,

¹ introd. ad phil. aulic. cap. III. §. 3. 4. philof. ration. c. III. §. 24.

² delin. philof. rational. lib. I. cap. 7. §. 3. ³ princip. philof. part. 1. §. 45.

ideam esse claram, *quæ menti attendenti, præsens & aperta est, sicut ea clare a nobis videri dicimus, quæ oculo intuenti præsentia satis fortiter & aperte illum mouent.* ANDREAS RVDIGER¹ autem monet, Cartesium claritatem idearum mathematicam perturbare cum philosophica: quum igitur philosophus hic poneret criterium veri & falsi in clara & distincta idea, quid mirum, quod etiam ideas fictas veluti veras admiserit in philosophia? præcipue quum claram & distinctam ideas esse vnã eandemque, existimaverit. P. BVFFIER² putat, nullam ideam sua natura esse obscuram & confusam, quæ affectio ab aliis causis externis proficiscatur. 2) in *ideas simplices & compositas*: cuius diuisionis fundamentum plerique deducunt ex diuersitate obiectorum, quod aliud sit simplex, materiæ expers; aliud vero compositum ac constans ex variis partibus; nonnulli autem discrimen positum esse in diuersa forma, qua tales ideæ concipiuntur, putant.

§. XX. Si historiam doctrinæ de natura ac variis generibus idearum illustrauimus: quapropter conuertamus nos ad aliud momentum, ac quid philosophi de origine notionum mentis senserint, videamus breuiter. *prima* sententia est Peripateticis & scholasticis, quod ex obiectis ipsis manent quædam simulacra iis similia, quæ ab illis adpellantur *species impressæ*, quia ab obiectis imprimantur sensibus externis, vnde deferantur ad sensum communem, & hinc ad intellectum agentem & patientem.

¹ *instit. erudit. p. 42. edit. 3.*

² *princip. du raisen. p. 428.*

secunda opinio est, quod mens producat ideas, ex quo instrumenta sensationis per obiecta fuerint commota. *tertia* est ANTONII ARNALDI, qui putat, quod ideae & perceptiones idearum differant tantum relationibus, & idea proprie ad obiectum referatur, quod mens consideret; perceptio vero ad mentem ipsam, quæ percipiat, ut adeo duplex illa relatio ad unam mentis modificationem pertineat. *quartam* commemorat MALEBRANCHE, ¹ quod idea a deo nobiscum producta, vel demum producantur, qui & ipse singularem hac de re fouet sententiam. etenim persuasit sibi, mentem nostram immediate coniunctam esse cum deo, quumue in illo omnium rerum proprietates contineantur, inde effecit conclusionem; nos omnium rerum ideas in deo eiusque substantia contemplari. quam sententiam fuse exponit ² ac putat, quod talis idearum origo menti diuinæ maxime sit consentanea, quodue generalem rerum a deo productarum teneamus cognitionem, antequam ista, quæ aspectu sentiantur, cognoscamus, quæ idea abstracta ex idea extensionis intellectu tantum percipiendæ in deo oriri possit. quæ opinio non solum omni destituta est fundamento, sed & facile viam ad errores non leuioris momenti parare potest, illique ingenio est propria, quod ad adflatus diuinos fingendos sibi procliue est. quapropter non defuerunt, qui MALEBRANCHIVM sunt adgressi ac vocarunt in disceputationem, ex quibus præcipue ANTONIVS ARNALDVVS multum grauiter-

¹ de la recherche de la vérité lib. III. cap. 4. & 6. ² lib. III. part. 2. præcip. c. 6. seqq. de inquir. veris.

que aduersus ipsum disputauit. princeps enim ipsi erat propositum, MALEBRANCHII doctrinam de *natura & gratia* euertere, quæ quum & hac sententia de ideis niteretur, istam confutare necesse habebat. quam ob rem edidit opus *des vraves & des fausses ideés contre ce, qu'enseigne l'auteur de la recherche de la verité, a Cologne MDCLXXXIII.* quo accusauit MALEBRANCHIUM falsarum opinionum & contradictionum atque obseruauit, admittendas esse in deo ideas particulares, si quis statuatur, nos in deo res cum materia coniunctas cognoscere. contra quas adulationes causam suam defendit MALEBRANCHIUS, ac scripsit librum huius inscriptionis: *response de l'auteur de la recherche de la verité ou liure de Mr. Arnaud des vraves & de fausses ideés, Roterodami MDCLXXXIII.* quo ARNALDI sententiam, quam de modo cognoscendi sequitur, examinat, & perceptiones animæ nostræ omnino ab ideis res materiæ repræsentantibus distinctas esse ostendit, repetitis fere illis argumentis, quæ libro de *inquirenda veritate* fuerant exposita. sed quamuis consultius fuisset, si controuersiam hanc composuissent; iterum tamen in certamen descenderunt. namque anno MDCLXXXIII. Coloniae prodiit *defense de Mr. Arnaud contre la response ou liure des vraves & fausses ideés*, quo libro continetur epistola quædam ad amicos, qua Malebranchio multa momenta Arnaldus obiicit, ac inprimis ipsius parte quinta responsionem eius examinat accuratius & XXIII. exemplis probat, Malebranchium difficultates haud remouere posse. contra quas easque nouas ad-

cusationes in lucem prodierunt *trois lettres de l'auteur de la recherche de la verité, touchant la defense de Mr. Arnauld*, Roterodami MDCLXXXV. quarum prima auctor aduersus Arnaldum probare contendit, *se in deo formalem quamdam extensionem haud quaquam ponere, nec deum adeo facere corporeum*; secunda vero & tertia controversiam hanc de ideis haud attingit ac quædam tantum vltima de origine certaminis huius commemorat. ¹ præter ARNALDVM, cogitationes hæc de origine idearum, quibus MALEBRANCHIVS sese tradiderat, reiecerunt PETRVS POIRET, ² IO. LOCKIVS, ³ IO. CLERICVS, ⁴ IO. GEORGIVS PRITIVS ⁵ alique. in tanta sententiarum discrepantia de idearum origine IO. CLERICVS ⁶ ignorantiam suam profiteri ingenue, consultum esse censet, quando dicit: *nos hoc in negotio ἐπέχει & naturam inter ea numerare, ad quorum cognitionem aut omnino peruenire non licet, aut adhuc saltem non licuit, tutius censemus. neque hoc mirum videatur, quando ne mentis quidem ipsius natura nobis nota est, qua ignorata, numquam omnes eius operationes satis plene noscemus.* id quidem satis apertum est, quod omnes ideæ oriantur a sensatione, recteque doceant Peripatetici, nihil esse in intellectu, quod non prius fuerit in sensu, id quod ANDREAS RVDIGER ⁷ ex instituto demonstravit; modum autem, quo ista origo

¹ confer. l'histoire de la vie & des ouvrages de Mr. Arnauld p 189.
² cogit ration. lib. III cap 10. contin § 51. 52. ³ opusc. posthum.
⁴ primum scilicet. I. cap 5. §. 12 13. ⁵ disput. de enthusiasmo Malebranchii.
⁶ cit. loc. §. 15. ⁷ diss. de eo, quod omnes ideæ oriuntur a sensatione.

fiat, haud facultas nobis est cognoscendi. tandem recentiores philosophi doctrinam de *associatione idearum* siue *imaginum* accuratius exposuerunt, ex quibus IO. LOCKIUS¹ primus istam tradidit atque obseruauit, hanc connexionem fieri vel arbitrio studioque hominum, vel casu; quem secutus & momentum hoc adhuc vberius illustrauit IO. FRANCISCUS BVDDEVS.²

§. XXI. Veritas, cuius cognitionem propositam sibi habet logica, est vel certa vel probabilis, quæ vtraque duplici ratione cognoscitur modo inueniendo, modo diiudicando verum & falsum, ad quem duplicem modum necessaria sunt principia & criteria his veritatis speciebus propria. *veritatis* igitur *certa* principium etiam criterium proximum constituunt *definitio* & *diuisio*, ex quibus formantur propositiones siue *axiomata* & ex his *conclusiones*. quod ad doctrinam de *definitione* adtinet, PLATO dialectici munus esse censebat, vt recte res diuideret & definiret, vide PETRUM GASSENDVM;³ ac STOICI idem quoque argumentum de definitione ac diuisione attingebant, quorum doctrinas tradit THOMAS STANLEIUS;⁴ nec non ARISTOTELES de definitione quidem disseruit,⁵ etiam species eius diuersas posuit; sed ita, vt neque illius veram indolem, neque genuinum vsum, neque modum definitiones accurate struendi demonstrauerit. nec poterat non grauissimum hoc logicæ momentum leuiore attingere in-

¹ de intellectu. hum. lib. II. cap. 33.

² theol. moral. part. I.

cap. I. sect. §. 9. not p. 233.

³ de orig. & variet. logic. cap. IV.

⁴ hister. philos. p. 569.

⁵ lib. II. cap. 10. anal. poster. & alibi.

duſtria, quum eiſmodi tantum traderet præcepta, quæ ad iudicium de vero & falſo; minus vero ad inuentionem veritatis pertinent: confer PETRVM GASSENDVM.¹ atqui his de cauſſis haud mirum, quod ſectatores Ariſtotelis & ſcholæſtici non meliora effecerint, quin etiam ſtudia ſua in diſputationibus inutilibus, ex quibus genuina ars cogitandi nulla cepit incrementa, conſuſerint, ac more ſuo tradiderint ieiuna. ſic multum ſeſe exercuerunt in quæſtionibus: num doctrina de definitione pertineat ad metaphyſicam, an logicam? quænam res definiantur? quænam ſint partes definitionis? num omnis definitio habeat genus? quomodo poſſint definiri ſubſtantia & accidentia? quænam ſit via compoſitiua inueniendi definitionem? aliisquæ, quæ ſi perſpicue & accurate expoſitæ fuiſſent, omniaquæ ad veritatis ſenſum accommodata, vtilitatem quidem potuiſſent adferre; ſed ab huiusmodi ingeniis quid boni poterat exſpectari? quapropter PETRVS RAMVS ſæpius & hanc doctrinam Peripateticorum perſtrinxit, nec non recentiores philoſophi purgare iſtam ab omni labe, quam contraxerat, eaquæ, quæ heic neceſſaria ſunt, meliori ſtudio exponere adlaborarunt. ſic obſeruarunt, duplicem eſſe definitionem, alteram nominis; alteram vero rei, in quarum priore explananda etiam IO. CHRISTIANVS LANGIVS² diligens verſatus eſt; ac tradiderunt, quibus partibus abſoluatur definitio, ac quænam res poſſint definiri? multi exiſtimarunt, quod idea ſimplex carens partibus haud

¹ exercit. parad. aduerſus Ariſtotel. lib. II. exercit. V.

² addis. nuclei logic. Hæſ. p. 589.

definitione explicari possit, vti præter alios
 10. CLERICVS; ¹ 10. FRANCISCVS RVD-
 DEVS; ² & EPHRAIM GERHARDVS ³ ob-
 seruarunt; quibus se 10. IACOBVS SYRBIVS
 opposuit: *qua de causa*, inquit, *neque cum*
recentioribus quibusdam facimus, qui ideas sim-
plices minime definiri posse autumant; Peripa-
teticis tamen in eo cautiore sunt; quod hi ideas
simplices cum rebus simplicibus confundere vi-
dentur; rectissime autem ac solide ANDREAS
 RVDIGER ⁴ omnia, quæ heic obseruare decet,
 breuiter comprehendit, quando dicit: *omnia,*
quæ nec infra eruditionem sunt, nec supra ean-
dem, definiri possunt: supra eruditionem sunt
res infinite, infra eandem res sensuales & vul-
gares. adhæc varias definitionis condiciones
 proponunt, vt sit prima, propria, adæquata,
 clara, vide AUCTOREM artis cogitandi, ⁵
 10. CLERICVM, ⁶ 10. FRIDEMANNVM
 SCHNEIDERVM; ⁷ multa autem maxime ne-
 cessaria atque inutilia non solum reliquerunt
 intacta; sed & ea, quæ deberent proponi di-
 stincte, perturbarunt. sic germanum defini-
 tionum vsum minus significarunt, & omnino
 10. LOCKIUS ⁸ a veritate aberrauit, quum
 definitionis munus in eo posuerit, vt res in-
 cognitas ante sensui, iam per sensum cognos-
 scamus, siquidem ideo res debemus definire,
 vt inde capiamus principia, & ex his efficiamus
 conclusiones. nec ea industria ac fide,

¹ logic. part. I. cap. 2. §. 14. ² philos. instrum. part. I. cap. 4. §. 7. seqq. ³ delineat. phil. rat. lib. II. c. 3. §. 37. ⁴ phil. ration. part. I. c. 10. §. 9. ⁵ instit. erudit. p. 58. edit. 3. ⁶ part. II. cap. 15. ⁷ logic. lib. II. cap. 13. ⁸ fundament. philosoph. rational. cap. III. §. 8. seqq. ⁹ de intellectu human. lib. III. cap. 4. §. 8. seqq.

qua decet, viam ad definiendi artem ostenderunt, ac satis habuerunt, præcipere de indole ac quibusdam proprietatibus definitionis: quæ omnia quam imperfecta esse, quum obseruauerit ANDREAS RVDIGER, ¹ hanc quoque doctrinam emendare, ornare, perpolire, nouisque accessionibus non leuioris incrementi augere instituit ac genuina definitionis fundamenta, id est ideas claras, distinctas atque essentielles rite indicauit; definitionem realem bene diuisit in logicam & causalem; & causalem iterum in physicam, & moralem, & adhuc quinque regulis actionem definiendi commonstrauit.

§. XXII. Ad historiam doctrinæ de *diuisione* inprimis pertinet illa controuersia: *num possit certus partium numerus constitui, quem semper in diuisione sequi debeamus?* cuius occasionem dedit illorum sententia, qui omnia in duo membra diuidenda esse censuerunt hacque ratione *dichotomiam* commendarunt, id quod præ aliis PETRVS RAMVS eiusque sectatores fecerunt. ² quæ opinio aliis inepta videbatur, qui iudicarunt, quod legitima diuisio certo partium numero haud adstringi possit, sed rei, quæ in species & partes debeat diuidi, naturam sequatur, vt pro ista tot partes totque species sint constituendæ, quot ipsa rei natura constituat, vide CHRISTIANVM WEISIVM ³ & CHRISTIANVM THOMASIVM. ⁴ at vero alii obseruant, dichotomias

¹ *insit. erudit.* p. 34. de sensu veri & falsi lib. I. cap. 9.

² vide Ramo *dialecticæ* & *Talæi practi.* lib. I. p. 337. 158. lib. II. p. 352.

³ *doctrin. logic. part. 2. lib. I. c. 2. thes. 13. p. 250.* ⁴ *causæ circa præcogn. iurisprud. c. X. §. 22.*

non ideo laudari, ac si diuifio non poffit fecundum naturam fieri per plura membra; fed quod in dichotomia fecundum quoque ipfam naturam fit omnium perfectiffima diuidendi ratio, nec vlla detur diuifio, quæ diffinctionem & oppositionem membrorum clariorem & firmiorem poffit præftare: confer DAVID SCHRAMVM, ¹ IO. PHILIPPVM TREIBERVVM, ² & IO. CHRIST. LANGIVM. ³ nonnulli delectati funt *trichotomia*, qua diuifio in tria membra inftituitur, quo pertinet præcipue IO. AMOS COMENIVS; ⁴ etiam *tetrachotomia*, cuius specimen dedit ERHARDVS WEIGELIVS. ⁵ nec de variis ipsius diuifionis speciebus philofophis vna eademque fuit fententia, quæ diuerfitas præcipue ex eo nata eft, quod diuerfa totius diuidendi pofuerunt genera. PERIPATETICI aliam diuifionem effe *nominum*; aliam *rerum* tradunt, & pofteriorem iterum in *primariam* & *fecundariam* diuidunt & varia primariæ genera conftituunt pro diuerfis totius speciebus, id quod fit vel totum integrale, vel effentiale, vel vniuerfale, confer IACOBVM THOMASIVM, ⁶ FRID. BECHMANNVM, ⁷ CHRISTOPHORVM SCHEIBLERVM ⁸ & alios. cui doctrinæ emendandæ recentiores operam dederunt. AVCTOR *artis cogitandi* ⁹ dicit, duplex effe totum; aliud *integrale*, cuius diuifionem adpellat partitionem; aliud vero *vniuerfale*, cuius diuifionis quatuor genera ponit, quando

¹ legibus philofophandi leg VII p. 244. ² logio. iuridis. part. I. cap. I. thef. 34. ³ addit. nucl. logic. Weif p. 704. ⁴ vide præludium panfophia. ⁵ in tetrachy. ⁶ erotemat. logic. c. 52. ⁷ inftit. logic. lib. III. cap. 8. ⁸ oper. logic. p. II. c. 29. ⁹ part. II. cap. 33.

genus diuiditur per species; per differentias; terminus communis per accidentia opposita, quorum sit capax; vel secundum subiectorum aut temporis diuersitatem; item quando accidens diuidatur in varia subiecta, quæ diuisionis ratio a GOTTLIB. GERH. TITIO¹ dicitur incongrua. STEPHANVS CHAVVINVS² putat, diuisionem ipsam diuidi posse ex parte hominis diuidentis; ex parte thematic, quod diuidatur, & ex parte modi, quo homo ille thema id ipsum diuidat; sic quoque IO. CHRISTIANVS LANGIVS³ varias diuisiones & subdivisiones diuisionis constituit, at vero plerique scriptorum logicorum verum & genuinum diuisionis finem haud considerauerunt, qui respicere debet, vt inde deducamus conclusiones, hinc quoque haud firmum diuidenti fundamentum posuerunt. nam aliud est: *quando diuisio sit consentanea rationi & ad sensum veri & falsi utilis*; aliud vero: *quando possumus diuidere?* quod discrimen quum haud obseruauerint, mirum non est, quod tam multas apud philosophos deprehendamus diuisiones, quæ sunt nullius momenti, nullius utilitatis.

§. XXIII. Conuertamus nos ad doctrinam de *variis ratiocinandi modis*, cuius historiam tradamus breuiter. non differimus de naturali facultate ratiocinationes efficiendi, quippe quæ omnibus inest hominibus; sed de arte conclusiones ex ante positis propositionibus deducendi, de qua præceperunt philosophiæ magistri, quippe quam ab antiqua ætate longe

¹ arte cogitandi cap. VIII. §. 25.

² lex. phil. p. 195, ed. 2.

³ addit. meth. logic. Wesfian. p. 702.

reperere possumus, quamvis sapius per prava hominum adfectus ad fallacias struendas; minus vero ad veritatis incrementa fuerit adhibita. in schola Eleatica ZENO tradidit artem *consequutionum* deducendarum ex quadam posita propositione, ut ostendit PETRVS GASSENDVS; ¹ & Megarica EVCLIDES *methodum*, uti dicitur, *hypotheticam* introduxit. scilicet LAERTIVS ² commemorat, quod aliorum demonstrationes ἔκαστα λήμματα, ἀλλὰ κατ' ἐπιφορὰν, id est per absurdas conclusiones, quas ex aliorum sententiis collegit, confutauerit. quam rationem argumentationis IO. FRIDEMANNVS SCHNEIDERVS ³ ita explicat: *est nimirum methodus hypothetica modus quidam argumentandi, quo assumptam aduersarii hypotheseos conclusionibus continuis impugnare solemus eo usque; dum absurda inde nascatur conclusio; a qua retrogrediendo ad ipsam hypotheseos dicimus: atqui absurda est ultima conclusio; ergo absurda est penultima, ergo antepenultima & sic porro, ergo tandem absurda est ipsa aduersarii hypotheseos.* adhuc EVCLIDES argumentum ductum a comparatione censebat esse minus firmum, siue id a similitudine, siue dissimilitudine sumeretur. successor Euclidis EVBVLIDES multa fallaciarum genera, superioribus iam a nobis exposita protulit, iisque ut vera argumentationum doctrina corrumpere, effecit. nec non de PLATONE obseruauimus, quod in primis commendauerit *inductionem*, argumentationis speciem, & existimauit, quod sit λόγος διὰ τινων ἀληθειῶν τὸ ὅμοιον ἑαυτῷ ἀληθές

¹ De origine & varietate logic. cap. II.

² lib. II. segm. 166.

³ de variis argumentandi methodis sect. 6. p. 33.

ὁικείως ἐπιφέρειν, *oratio ex veris quibusdam simile sibi verum proprie colligens atque inferens*, cuius duas species admisit. altera fuit κατ' ἐναντίωσιν, quæ fit *ex contrario*, quum interroganti in omni responsione inferatur contrarium, exempli gratia: *pater meus aut alius est, quam pater tuus, aut idem. si igitur alius est pater meus, quam pater tuus, quum sit alius patris, non erit pater. si idem est, qui pater meus, idem existens qui pater meus, meus erit pater.* quæ inductionis species non ad veros argumentandi modos; sed ad sophismata pertinet, quare ista usus est PLATO, quum rixæ fuerit locus. altera species erat ἐκ τῆς ἀκολουθείας, *ex consequenti*, quæ iterum duplex fuit, altera quidem id, quod in parte quæritur, per id, quod est in parte, demonstrat: altera, quod vniuersaliter per id, quod in parte est, probat, vt habet DIOGENES LAERTIVS, ¹ qui autem obseruat, prius genus rectius pertinere ad scholas rhetorum. ALCINOVS ² autem tradit inductionem vel a simili ad simile, vel a singulis transire ad vniuersa, qui etiam putat, Platonem syllogismos fecisse iuxta tres figuras ab Aristotele expositas: confer PETRVM GASSENDVM ³ & IO. FRIDEMANNVM SCHNEIDERVM, ⁴ qui etiam in auctorem huius argumentationis inquit. atqui hoc genus ratiocinationum etiam ARISTOTELES explanauit, & nouam adhuc speciem addidit, qua conclusio fit ab vno singulari ad vniuersum; ⁵ vt adeo tres species inductionis sint

¹ lib. III. *figm.* 53. *sqq.* ² de Platon. *doctr.* c. 5. ³ de *origi-
gine & variat. logic.* c. 4. ⁴ de *variis argumentandi modis* *sect.* IV.
⁵ de *calo* lib. II. c. II. adde ZEIDLERVM *anab.* p. 407.

celebrata: *prima* conclusio instituitur a simili ad simile; *secunda* a partibus singulis ad totum & a singularibus collectis ad vniuersale; & *tertia*, ex vna singulari specie ad vniuersale, ex quibus diuersis speciebus præcipue vsu logicorum celebris est *secunda*; ita vero a plerisque tradita, vt omnino emendatione & maiori cura egeat. primum enim discrimen inter inductionem mathematicam, quæ procedit a singulis partibus ad totum; & philosophicam, qua ex speciebus colligitur conclusio de genere, haud obseruant: deinde nonnulli diuidunt inductionem in *perfectam* & *imperfectam*, qua posteriore haud omnes partes & species enumerarentur, quod sine causa fieri solet. nam inductio imperfecta, si etiam formula: *non datur exemplum contrarium*, addatur, non efficere potest conclusionem certam; sed tantum probabilem. tandem quidam inductionem ad certum syllogismorum ordinem reducere elaborarunt, vide STEPHANVM CHAVVINVM; ¹ id quod partim per terminorum multitudinem; partim per vulgares syllogismorum regulas fieri non potest.

§. XXIII. Quod ad ARISTOTELEM adinet, constat, quo in honore ipsi fuisse syllogismum & qua cura industriaque hanc doctrinam eum exposuisse, siquidem princeps erat propositum, vt artem syllogismorum demonstraret, id quod pleniori opere PETRVS GASSENDVS ² exposuit. quæ hanc in rem dederit præcepta, non est, quod heic recenseamus, quum ista longiori & frequentiori philo-

¹ Lexic. philos. p. 315 ed. 2.

² de orig. logic. c. 3. addo exercit.

parad. aduer. Aristot.

sophorum vsu sint celebrata adeoque satis cognita. quapropter id tantum obseruamus: num gloria artis huius inuentæ Aristoteli vindicanda sit, nec ne? FRANCISCVS PATRICIVS ¹ loca Platonis collegit, ex quibus pateat, philosophum hunc eadem ratione, qua Aristoteles vocem *syllogismi* vsurpauerit, adhibuisse nomen hoc, & adhuc dixit: *syllogismos, inductiones, exemplum, τεκμήρια* apud antiquiores habemus vsu & adpellatione; sic etiam ALCINOVS syllogismoꝝ formas & figuras ex Platone commemorat, vt paullo ante a nobis fuit adnotatum. Verum de hoc momento nulla est controuersia: num Plato fecerit syllogismos? siquidem & alii homines; quamuis arte dialectica haud exculti sint, tales argumentationes struere possunt; sed ea est princeps causa, de qua disputare debemus: num quis, ante Aristotelem manum industriamque negotio huic admouerit, vt artem ac præcepta de syllogismis eosque struendi ratione adferret, cuiusmodi nostro iudicio nullus produci potest. quamuis studia ipsius, quæ in hanc logicæ partem contulit, non sunt mediocria, præsertim si conditionem disciplinæ huius illa tempestate reuocamus in mentem; non omnia tamen effecit perfecta, ac prout inueniendi veritatem modos haud demonstrauit; ita syllogismum quoque ad examen tantum veri & falsi adcommodauit, etiam multa ratiocinationum genera eaque maxime vtilia transmisit silentio. post excessum Aristotelis THEOPHRASTVS & EVDEMVVS ad-

¹ *Difenss. Peripateticæ, tom. II. lib. I. pag. 188.*

cliderunt doctrinam de *sylogismis hypotheticis*,
 VITEXBOETHIO probat GERH. IO. VOSSIVS.¹
 STOICI multum ingenia sua in variis argu-
 mentorum generibus exercuerunt, quorum
 λόγος a syllogismo Aristotelis tribus modis
 differt: primum enim syllogismus Aristotelis
 saltem duas præmissas propositiones postulat;
 ad λόγον vero vnica sufficere potest, v. g. *viuis*
E. respiras: deinde in syllogismis aliud quid
 conceditur in conclusione, quam in præmissis
 erat; sed in λόγον conclusio eadem esse potest
 cum præmissarum vel vtraque vel vna. prius
 si fiat, λόγοι dicuntur διαφορεμένοι, v. g.

si dies est, dies est

atqui dies est

E. dies est.

secundi generis syllogismi ἀδιαφορώς περαιόνον-
 tes dicuntur, v. g.

vel dies est, vel nox est

sed dies non est.

E. dies non est.

tandem in syllogismis conclusio necessario se-
 quitur conditionem præmissarum; Stoici
 vero tria genera λόγων habebant, quibus con-
 sequentia ex indole præmissarum haud pen-
 debat. duo autem erant genera argumen-
 torum, *concludentia* & *non concludentia*. *con-*
cludentia ratione habita *materiae* sunt vel *vera*,
 quæ ex sumtionibus veris veram illationem
 instituunt; vel *falsa*, in quibus res se se haber
 contraria ratione; verorum autem argumen-
 torum alia sunt demonstratiua; alia minus;
 ratione autem habita *formæ*, concludunt vel

¹ De natura & constit. logic. cap. VIII. §. 8.

sylogistice, vel minus: nomine syllogismorum comprehendunt tantum *hypotheticos*, qui vel connexi sunt, vel disiuncti, vel coniuncti, & disponuntur iuxta modos, quorum duo sunt genera. primum simplicium est & vocatur proprie *τέλειος*; qui sit genus figuræ argumenti; alterum genus est compositorum modorum, quales *λογότροποι* vocantur, quod ex argumento pariter modoque componantur. argumenta, quæ *sylogistice* non concludunt, sunt illa, quæ via syllogismorum conclusionem non eliciunt: v. g.

Et diem esse & noctem falsum est:

sed dies est

E. non nox est.

denique *argumenta non concludentia* sunt, quibus oppositum conclusionis repugnat nexui functionum, quorum quatuor sunt genera, quum sint talia vel per diremptionem; vel per redundantiam, vel eo quod sint in figura incommoda, vel per defectum, quod pluribus persecutus est THOMAS STANLEIVS. ¹ EPICVRVS doctrinam de syllogismo haud dignam cultura censebat, rem exigui momenti esse sibi persuadens, *sive* quis dicat, omnis homo est animal ratione præditum, Plato est homo, ergo animal ratione præditum; *sive*: Plato est homo, ergo animal ratione præditum; *sive*: Plato est animal ratione præditum, quoniam homo est; *sive* omnis homo est animal ratione præditum, igitur & Plato; *sive* quia Plato est homo, igitur est animal ratione præditum, vide CHRISTIANVM THOMASIVM. ²

¹ *Hist. philos. p. 583.*

² *philos. antia. cap. LX. §. I.*

§. XXV. Tempore *scholasticorum* & *Peripateticorum* omnis logica arte componendi syllogismum absoluebatur, de qua multum disputarunt; re autem ipsa nihil ad incrementa disciplinæ huius contulerunt. etenim generatim obseruare possumus, quod hi doctores syllogismum non adhibuerint, veluti medium inueniendæ veritatis; quod de isto more grammaticorum, non ea ratione, quæ decet philosophum, differuerint; quod de aliis ratiocinandi modis excogitandis non fuerint solliciti, quodtæ in nugis & inutilibus disputationibus diligenter se suaque ingenia exercuerint adeoque doctrinam subtilem, spinosam ac vtilitatis expertem tradiderint. quod ad syllogismum *simplicem* eumque *absolutum*, vti dicitur, adtinet, acriter disputarunt de definitione, quam dedit Aristoteles, ac primum quidem de genere ipsius, num λόγος significet *rationem*, an *orationem*, prout quoque alii generis loco posuerunt *argumentationem*; alii *habitus instrumentalem*, *instrumentum*, *dispositionem*. differentiam vero huius syllogismi plerumque in scholis significant per principia *materialia*, *formalia*, *canonica* & *perfectiua*, vti adpellantur. ad principia *materialia* referuntur termini & propositiones, vbi ratione conclusionis varias quæstiones nullius momenti proposuerunt: *num conclusio possit dici propositio? num sit pars syllogismi? num sit illius effectus, aut forma?* ratione principiorum *formalium* instituerunt varia exercitia grammatica ope figurarum & modorum syllogismorum, quum genuinum meditationis huius Aristotelicæ finem haud assecuti sint, nec
in

in illis fundamenta diuersarum argumentorum rationum cognouerint. per principia *canonica* intellexerunt canones & regulas, quas ad bene formandos syllogismos magna copia constituerunt, quorum alia dicuntur *prima-ria*, quo spectat *dictum de omni & dictum de nullo*; alia vero *secundaria*. tandem principiis *perfectiuis* comprehendunt doctrinam de reductione atque expositione syllogismorum. syllogismus simplex *determinatus* diuiditur in modalem & exponibilem, de quibus multas fecerunt disputationes, nec non de syllogismis compositis, & elenchis sophisticis. quæ omnia distincte recensere, non necessarium est, præcipue quum ex libris logicis, quorum incredibilis extat copia, peti possunt & cognosci. etenim non solum hanc doctrinam in scriptis logicis copiose exposuerunt; sed seorsim quoque pertractarunt, quales commemorarunt SPACHIVS, ¹ BOLDVANVS, ² DRAVDIVS ³ LIPENIVS, ⁴ MORHOFIVS. ⁵

§. XXVI. PETRVS RAMVS duas dialecticæ partes constituit, quarum altera de argumentorum inuentione; altera vero de iudicio differuit, ac iudicium in *axiomaticum* & *dianoëticum* diuisit, & ratione dianoëtici etiam tractauit de syllogismo, quo *questio cum argumento, ut posito antecedente, necessario concludatur*. syllogismi autem duas partes fecit, antecedens, quod propositione & assumptione constet, & consequens, quod sit ipsa conclusio. si alterutra antecedentis pars desit, sit enthy-

¹ Nomenclat. philos. p. 233. ² bibl. philos. p. 126. ³ bibl. philos. pag. 1496. ⁴ bibl. philos. pag. 1446. ⁵ tom. II. 45. n. 4.

mema; si qua accedat, prosyllogismus. di-
 vinit syllogismum in simplicem & compo-
 situm: simplicem in *contractum* & *explicatum*.
contractus sit, quando argumentum quasi in
 exemplum assumatur, v. g. *quædam confidentia
 est virtus, ut constantia*; *explicatus* vero,
 quando omnes eius partes deducantur, v. g.
*constantia est virtus, quædam confidentia est
 constantia; ergo quædam confidentia est vir-
 tus*. explicati duas species siue figuras facit:
 alteram, quando argumentum tam in propo-
 sitione; quam in assumptione sequatur; alte-
 ram vero, quando argumentum antecedit in
 propositione & in assumptione affirmatum se-
 quatur. ad priorem refert quatuor modos
 secundæ figuræ Aristotelicæ; ad posteriorem
 quatuor primæ, etiam nonnullos proprios ad-
 dit. syllogismus compositus dividitur in *con-
 nexum* & *disiunctum*. *connexus* sit duorum
 modorum: aut enim assumat antecedens &
 concludat consequens, v. g. *si dii sunt, divi-
 natio est igitur*; aut tollat consequens, ut tol-
 lat antecedens, v. g. *si nulli rei sapiens assentie-
 tur unquam; aliquando etiam opinabitur:
 nunquam autem opinabitur; nulli igitur rei
 assentietur*. *disiunctus* vero duorum etiam sit
 modorum. nam vel vnum tollat, ut reliquum
 concludat, veluti: *aut dies est, aut nox est; at
 dies non est, nox igitur est*; vel assumat vnum,
 ut reliquum tollat, ut: *aut dies est, aut nox est;
 at dies est, non igitur nox est*: CONFER PETRUM
 GASSENDUM. ¹ FRANCISCUS BACO DE
 VERVILAMIO inductionem multum com-
 mendavit, & syllogismum reiecit.

¹ De origin. logic. cap. IX.

§. XXVII. Recentiores philosophi doctrinam quoque de syllogismo attigerunt, quamvis non vna eademque ratione, siquidem *alii* aduersus istam fecerunt censuras; *alii* vero eam simul ad veriolem vsu transulerunt aliosque adhuc ratiocinandi modos excogitarunt: & *alii* denique placita Peripatetica retinuerunt, contra adcasationes defenderunt, nouisque auxerunt accessionibus. *primum* genus est illorum, qui in dignitatem doctrinæ Aristotelicæ & scholasticæ de syllogismo accuratius inquisuerunt, cum generatim, tum speciatim. generatim obseruarunt, syllogismum haud medium esse veritatis inueniendæ; sed ad inuentam veritatem, quæ in conclusione sita est, probandam & certa quadam ratione proponendam facere. 10. LOCKIUS¹ dicit: *syllogismus magis ad victoriam in disputationibus consequendam, quam ad veritatem inueniendam accommodatus esse videtur*; & paullo post: *syllogismus cognitione posterior & proinde inutilis est*; item: *syllogismus ad summum ars tantum est, pauilla ista, quam habemus, cognitione cum aliis dimicandi, sine vltiori quouis argumento*. quod iudicium adprobat ANDREAS RVDIGER,² si intelligatur de vulgari doctrina: nec non CHRISTIANVS THOMASIVS.³ & NICOLAUS HIERONYMVS GVNDLINGIVS⁴ bene obseruat, quod, antequam struatur syllogismus, nota sit conclusio adeoque veritas, &

¹ De intellectu humano lib. IIII. cap. 17. §. 4. 6. ² philos. synth. p. 114. ed. 3. ³ caut. circ. prac. iurispr. c. X. §. 3. not. 6) & introd. ad philos. ration. cap. XII. ⁴ via ad verit. part. I. pag. 109. sqq.

hinc dicit: *quod vero iam notum est, id sane interueniente forma syllogismi nec noue detegendum est, nec noue detegitur; & quibusdam interiectis: ergo si quid conducat syllogistica forma, disputantibus sane conducat, atque aduersarium impudenter apertas consequentias negantem confundet.* Speciatim vero nonnulla momenta doctrinæ Aristotelicæ examinarunt, & quid illis insit, demonstrare elaborarunt. Peripatetici igitur laudant tres figuras syllogismorum; CHRISTIANVS autem THOMASIVS ¹ dicit: *figuras syllogisticas quod adtinet, possemus carere secunda & tertia, tantum abest, ut quartam prioribus putemus esse superaddendam, quia conclusiones tam affirmatiue, quam negatiue, tam vniuersales, quam particulares comprehenduntur sub modis primæ figuræ; & GVNDLINGIVS: ² eminet inter omnes figuras prima. ceteris tuto caremus: adde TITIVM. ³ quartam figuram, quæ vocatur galenica, non solum Peripatetici, sed & recentiorum philosophorum plerique reiecerunt; nonnulli autem, AVCTOR quippe artis cogitandi; ⁴ TITIVS; ⁵ IO. CHRISTIANVS LANGIVS; ⁶ ANDREAS RVDIGER ⁷ istam probarunt, quumue vulgares illius modi sint barbari, calentes, dibatis, fespamo, fressom, duos tantum RVDIGERVS retinuit, quoniam calentes, fespamo, fressom pertineant ad secundam figuram, & pro bar-*

¹ Philos. aulic. cap. IX. §. 12. ² cit. loco p. 120. ³ arte cogitandi cap. X. ⁴ part. III. cap. 8. ⁵ arte cogit. c. X. §. 3. ⁶ addit. nuel. logic. Weis. p. 215. ⁷ phil. symb. p. 117. de sensu veri & falsi lib. II. cap. 6. §. 36. diff. de variis ratiocin. admodic. c. III. §. 11. sqq.

bari posuit *barbara*, sicque fecit conclusionem pro particulari vniuersalem. conditores logicarum peripatetici magnam regularum copiam ad struendos syllogismos proponunt, quibus recentiores philosophi haud æquale posuerunt pretium. sic generatim IO. CLE-
 RICVS ¹ de illis ita iudicat: *verum quidquid dicant dialectici, hæc regulae inanes sunt, sine rei, de qua agitur, cognitione; quoniam sapissime sensum vocabulorum intelligere non possumus, adeoque an ad regulas exactum sit argumentum dignoscere, nisi rem aliunde noscamus. contra re cognita sine regularum usu haud difficile falsitatem ratiocinationis deprehendimus; unde colligere licet, inania esse logicorum pollicita, qui se effecturos spondent, ut quispiam ope solius dialectices possit quidlibet defendere & oppugnare: confer GUNDELINGVM ² & GERHARDVM. ³ speciatim vero regulam illam vulgarem, quod medius terminus non ingredi debeat conclusionem TITIVS ⁴ pronuntiauit, frustra esse positam: & IO. LOCKIUS ⁵ item ANDREAS RVDIGER obseruarunt, quod canon ille, nihil sequi ex propositionibus particularibus, sit falsus. nec minori industria doctrinam de syllogismis compositis examinandam emendandamque esse censuerunt. nonnulli putarunt, syllogismos compositos duplicis esse generis: vel constet ex propositione composita, quo spectet syllogismus *conditionalis, disiunctiuus, copu-**

¹ *Logic. part. IV. cap. 5. §. 2.* ² *cit. loc. p. 121.* ³ *delin. philos. ration. lib. II. cap. 4. §. 26.* ⁴ *de intellectu human. lib. III. cap. 17. §. 8.* ⁵ *de sensu veri & falsi lib. II. c. 6. §. 34-35. philos. synth. p. 126.*

latius, & comparatiuus; vel constet ex pluribus syllogismis simplicibus, cuius generis sit *dilemma & sorites*: vide IO. CHRISTIANVM LANGIVM.¹ TITIVS² constituit duplicem syllogismum compositum: vel enim eundem syllogismum bis exhibeat, sed imperfecte; vel plures syllogismos simplices, occultata vna aut altera propositione, contineat. ad priorem classem spectet syllogismus *copulativus, disiunctiuus*, qui & complectitur *dilemma, & conditionalis*; ad posteriorem vero *sorites*: cuius sententiæ quoque est IO. FRANCISCVS BVDDEVS.³ NIC. HIERON. GVNDLINGIVS⁴ existimat, quod syllogismus compositus in prima statim propositione subiecti & prædicati collationem cum media idea ostendat; sitque vel *coniunctiuus*, vel *disiunctiuus*, illeque iterum vel *conditionalis*, vel *copulativus*. ANDREAS RVDIGER⁵ obseruauit, quod ratiocinatio disiunctiua & comparatiua non admittant formam syllogismorum, quia plures quam quatuor termini occurrant; conclusio non sequatur partem debiliorem, & hinc in nulla figura nulloque modo sit.

§. XXVIII. *Secundum* genus est illorum, qui vulgarem doctrinam de syllogismo non solum emendarunt & ad vsum veritatis cognoscendæ adcommodarunt; sed de aliis ratiocinandi modis excogitandis solliciti quoque fuerunt. atqui huc spectat ANDREAS RVDIGER. nam quum obseruaret, quod claris-

¹ addit. ad nucl. log. Weis. p. 187.

² arte cogit. cap. XII. §. 1.

³ philos. instrum. part. I. cap. I. §. 36.

⁴ via ad veritat. part. I.

p. 121. ⁵ philos. synth. p. 134.

simi viri CARTESIVS, CLAVBERGIVS, AVCTOR *artis cogitandi*, TSCHIRNHAVSEN, CLERICVS, THOMASIVS, aliique, qui in purganda hac doctrina a sordibus scholasticis multum operæ ac studii posuerant, partim nimis generalia præcepta tradiderint; partim modos inueniendi veritates haud demonstrauerint; animum adpulit ad negotium hoc logicum, idque magna fide & industria in incrementum disciplinæ huius egit. quam in caussam anno MDCCIII. Lipsiæ edidit dissertationem de *nouis ratiocinandi adminiculis*, cuius capite primo disserit de *principiis demonstratiue ratiocinandi proximis* ac fundamenta ostendit, quibus propositiones, quum adfirment quid, aut negent, sint vniuersales, aut particulares nitantur; secundo de *modo ratiocinandi simpliciori, receptis doctrinis haud adcommodato*; tertio de *modo conclusiones nouas eliciendi receptis doctrinis accommodato*; & quarto de *usu huius doctrinæ*. qua disputatione multas quidem emendationes doctrinæ Peripateticæ & accessiones non leuioris incrementi fecerat; curis tamen & meditationibus, quibus animum penitus consecrauit, posterioribus meliora & præstantiora præstitit omnia. quapropter quum anno MDCCVII. ederet *philosophiam syntheticam*, ei inprimis curæ fuit; quemadmodum viam non solum ad examen veri; sed inuentionem quoque commonstraret; præcepta de examinandis ratiocinationibus exhiberet & ratiocinationem quatuor terminorum & obiectiuam exponeret. sed anno MDCCVIII. librum de *sensu veri & falsi* emisit in lucem publicam, quo

quo omnia pleniore & clariore ratione explanavit, atque inprimis discrimen inter ratiocinium mathematicum & philosophicum ostendit, etiam de ratiocinatione grammatica egit. anno MDCCXI. iterum *philosophia synthetica* publici usus fiebat, qua editione addidit ratiocinium a maiori ad minus, & a minori ad maius; & anno MDCCXVI. prodibat ipsius *physica diuina*, qua copiose differuit de differentia ratiocinii mathematici & philosophici. tandem tertia editione *philosophia synthetica* anno MDCCXVII. duo ratiocinationum genera, *causalem* & *practicam* adiecit, etiam de *possibilitate*, *cognitione vulgari*, *ratiocinatione negatiua consequentiae adparentis* & demum *composita* egit, cuius doctrinae de variis ratiocinandi modis a RVDIGERO tradita iam exhibebimus summam, secuti editionem tertiam philosophiae syntheticae. diuidit igitur veritatem ratiocinativam in *sensualem*, *idealem* & *grammaticam*. *sensualis* siue mathematica ex circumstantiis quantitatis applicatione sensuum immediata colligitur, quod discrimen inter ratiocinationem mathematicam & philosophicam RVDIGERVS primus distincte exposuit, praesertim *physica diuina*,¹ quae causa quoque, cur saepius aduersus Cartesium, eius sectatores ac plerosque mathematicos differat. quam differentiam alii quidem ante RVDIGERVM obseruarunt, ISAACVS NEWTON,² IO. CLERICVS,³ GVIL. GILBERTVS;⁴ nemo tamen istam tam copiose & distincte exposuit. *idealis* veritas ratioci-

¹ Lib. I. cap. 1. §. 40 p. 13 sqq. ² *philos. natur. princ. math. logic. part. III. c. 13.* ³ *de magnet. lib. VI. cap. 3. 9.*

natiua siue philosophica, est vel generalis, vel specialis. *generalis* vel duobus solum constat terminis, vel tribus & quatuor, vel pluribus. quæ duobus solum constat, diuiditur in *conversionem* & *oppositionem*, quas in speciebus ratiocinationum numerat, quum a Peripateticis habeantur adfectiones propositionum. veritas ratiocinatiua idealis, quæ constat tribus & quatuor terminis, est syllogistica; considerat autem RVDIGERVS syllogismum synthetice, veluti medium inueniendi nouas veritates. quibus de causis fundamenti loco ponit propositionem, & inde deducit nouam ideam, quam complectitur conclusio, quæ noua idea si coniungitur cum illa idea, vnde deducta est, efficere potest propositionem minorem adeoque formam syllogismi. dicitur igitur hæc ratiocinatio *assumptiua*, quia nondum positus terminus siue idea assumitur: quæ idea deducitur modo ex subiecto, modo prædicato tantum, modo simul ex subiecto & prædicato propositionis fundamentalis, vt inde duo genera veritatis ratiocinatiuæ assumptiuæ, alterum per *tres terminos*; alterum vero per *quatuor terminos* gignantur. qua doctrina exponit momenta de figuris & modis syllogismorum, eaque ita explanat, vt variis ratiocinandi modis ad inueniendas veritates debeant inferuire. quibus traditis, explicat veritates ratiocinativas, quæ ad syllogismorum formas haud possunt adcommodari, quales sunt *transsumptiua*, quam diuidit in *disiunctiuam* & *comparatiuam*; *obiectiua*, *præctica*, *caussalis*, & addit doctrinam de diuersis ratiocinatiuæ assumptiuæ formis. tandem differit de veritate ratiocinatiua

natiua *verbali*, qua rectum verborum vsum concludimus.

§. XXVIII. *Tertium* genus est illorum, qui placita Peripatetica ac scholastica retinuerunt, notisque illustrarunt & accessionibus auxerunt. quo spectat vir clarissimus IO. CHRISTIANVS LANGIVS, qui additamentis ad *nucleum logicæ Weisianæ* multam operam doctrinæ huic de syllogismo dedit, varias imagines ad modos syllogismorum facilius percipiendos spectantes exhibuit, & omnino admodum subtilis regularum extitit auctor, vt non omnis ingenii esse censeamus, ipsius præceptis animum ad artem hanc cognoscendam exercendamque præparare. equidem Peripateticorum placita non tam sancta considerauit æstimatione, vt ab illis nonnunquam discedere, nefas atque impium esse credidisset; in explicandis tamen atque illustrandis doctrinis inutilibus maxime fuit diligens, easque retinuit, quarum magnam partem potuisset dimittere silentio, etiam confutare, nisi forsan singulari quadam causa adductus tale seruauerit institutum. quos modos syllogismorum tradiderit IO. CHRISTOPHORVS STVRMIVS, iuuen doctissimus LANGIVS¹ obseruat.

§. XXX. Perueniamus ad doctrinam de *demonstratione*, quæ vox non vna sententia vsurpatur a philosophiæ magistris. notat enim generatim probationem, siue sit certa, siue probabilis; speciatim vero probationem certam, modo illam, quæensione ipsa nititur; modo eam, quæ ex indole idearum siue notionum mentis deducitur, quæ posterior a ple-

¹ p. 398.

risque *demonstratio*; prior autem *ostensio* appellatur. quodsi philosophorum monimenta perlustramus, non obscure ex illis colligere possumus, quod per longum temporis tractum doctrina Aristotelis multis in magno fuerit pretio atque honore; tempestate vero, qua noua lux philosophiæ orta est, magna cepit detrimenta, & quæ de demonstratione tradi debent, ratione plana, euidentij atque vtili sint exposita. ARISTOTELES quippe ex omnibus philosophis, quos ætas vetus protulit, in hoc logicæ argumentum incubuit diligentissime, ideoque ab assueclis suis singulari æstimationis cultu est adfectus ac creditus, quod cælesti motu quodam incitatus ad opus hoc adgressus, eiusque partes diuinis auspiciis peregerit felicissime. scripsit autem ARISTOTELES libros duos *priorum analyticorum* & libros totidem *analyticorum posteriorum*; ἀναλύειν autem est *resoluere questionem ad propriam causam*, vt ex THEMISTIO¹ colligi potest. erat enim ipsi princeps propositum, artem syllogismum componendi tradere, cuius tres species, *demonstratiuum*, *dialecticum* & *sophisticum* constituebat, quam in causam quum syllogismus compositus sit ex propositionibus; & propositiones constent ex terminis, præmisit libros de enunciationibus & categoriis. de syllogismo igitur demonstratiue egit libris analyticorum, ac quidem *prioribus* de syllogismo generatim; *posterioribus* de demonstratione speciatim, quam dicit esse syllogismum ἐπισημονικόν, confer PETRVM GAS-

¹ lib. 1. *poster. analyt.*

SENDUM. ¹ quapropter GALENVS ² indicat, veram & antiquam inscriptionem analyticorum priorum fuisse *περὶ συλλογισμῶν*, quod etiam confirmat BOETHIVS: ³ *scripsit autem duos resolutorios libros de syllogismo*; posteriorum autem analyticorum antiquum titulum fuisse *περὶ ἀποδείξεως*, de demonstratione. demonstrationem, cuius effectus sit scientia, diuisit Aristoteles in demonstrationem *τῆ διότι*, & *τῆ ὅτι*, quarum prior est, qua probatur effectus per causam propriam, & dicitur quoque demonstratio *a priori*, quæ secundum Aristotelem constare debet *ἐξ ἀληθῶν, καὶ πρώτων, καὶ ἀμίσγων καὶ γνωριμωτέρων, καὶ προτέρων, καὶ αἰτίων τῆ συμπεράσματος*. atqui hac ratione quatuor proprietates principiorum, quibus nitatur demonstratio, posuit. primum enim dicit, hæc principia debere esse *vera*, quoniam ex falso verum haud possit cognosci, ac quidem *necessario vera*, cuius necessitatis tres gradus ex ARISTOTELE obseruant, *κατὰ πάντος, καὶ αὐτὸ & καθόλου*. principia *κατὰ πάντος* dicuntur, vbi prædicatum de subiecto omni semper vere dicatur; *κατ' αὐτὸ*, si prædicatum comprehendat notionem differentię subiecti; & *καθόλου*, si prædicatum ratione *subiecti* ita se habeat, vt reciprocando possit efferri. secundum principia debent esse *prima & immediata*, quæ per alia non sint demonstranda; diuiduntur autem ista in *axiomata* ac *theses* & has in definitionem & hypothesin. tertium putauit Aristoteles, demonstrationem esse instituendam ex *principiis notioribus &*

¹ De origin. & varietat. logic. cap. V. tom. III. p. 367.

³ II. de interpretat.

² de libris propriis

prioribus,

prioribus, non nobis; sed natura. scilicet alio loco ¹ tradit distinctionem inter notiora natura & nobis, inter γνωριμώτερα κατὰ τὸν λόγον & γνωριμώτερα κατὰ τὴν αἰσθησιν, id est, *notiora secundum rationem* & *secundum sensum*, illa vero longissime a sensu abesse & esse maxime vniuersalia docet. ² quæ omnia si colligamus, deprehendimus, quod notiora natura siue secundum rationem sint *vniuersalia*; notiora nobis vero siue secundum sensum *singularia*, quam sententiam plane falsam & erroneam cur amplexus sit Aristoteles, definire non possumus: ac quamuis nonnulli crediderint, ipsum per PLATONIS doctrinam, quod ideæ veri fuerint in mente, antequam sit coniuncta cum corpore; in hanc opinionem esse deductum; constat tamen ex aliis locis, Aristotelem his Platoniciis nugis nullum præbuisse assensum. ceterum non mirum, quod existimauerit, cognitionem nostram incipiendam esse ab vniuersis & ducendam ad singularia, ³ quoniam totum sit notius suis partibus, & vniuersale sit totum, hincque aliis adhuc adductis causis physicam tradiderit ad rationem metaphysicorum. sed tamen confundit philosophus hic totum logicum siue vniuersale cum toto physico. de hoc verum est, quod sit notius suis partibus, quoniam propius adpositum est sensibus, quam eius partes, quod autem nemo dicat de vniuersali. tandem principia huius demonstrationis debent esse *conclusionis causæ*. quod autem ad demonstrationem τῆς ὁτι adtinet, illa ignobilior priore habetur ac defini-

¹ *phys. lib. I. c. 5.*² *analyt. poster. lib. I. cap. 2.*³ *physic. auscult. lib. I. c. 1.*

tur, quod sit *scientia*, qua cognoscatur *scientifice*, hanc vel illam adfectionem huic vel illi *subiecto* inesse, cuius tria genera EX ARISTOTELE numerant Peripatetici & adhuc multas speciales regulas tradunt.

§. XXXI. Non defuerunt, qui hanc Aristotelis doctrinam commentariis illustrarunt, explicarunt, ac per longum temporis spatium propagarunt, ea mentis opinione occupati, quod in ista summum logicæ præsidium positum sit. ex vetustioribus in posteriorum analyticorum libros utrosque scripserunt THEMISTIVS & IO. PHILOPONVS; in librum secundum EVSTRATIVS alique, quorum opera haud servata sunt, nec non AVERRHOËS, confer GERHARDVM IO. VOS-SIVM¹ & IO. ALBERTVM FABRICIVM.² posthac præcipue tempestate scholasticorum hanc quoque logicæ Aristotelicæ partem coluerunt diligenter, nec solum istam in scriptis logicis exposuerunt; sed & seorsim tradiderunt ac de demonstratione peculiare scripserunt libros. ex quibus præ aliis VIOTTVS & SCHEGGIVS celebritatem ac famam nominis sibi compararunt, quamvis non omnia, quæ Aristoteles ea de re sensit, consensione sua confirmauerint, uti de hisce operibus iam supra disseruimus. præter quos alii idem argumentum sunt persecuti, SEBAST. FOXIVS, IO. LVD. HAVENREVERTERS, ANDR. LIBAVIVS, ANDREAS PLANERVS, quorum monumenta recensent BOLDVANVS,³

¹ De natur. & const. logic. c. XII. §. 7.

² bibl. Sac. lib. III.

c. 6. p. 114.

³ p. 130.

DRAVDIVS,¹ & LIPENIVS² bibliothecis suis philosophicis.

§. XXXII. At vero qui philosophiam Aristotelis non sancta & deuota animi religione coluerunt, ac suo ingenio veritates sapientiæque arcana perscrutari instituerunt, de hac quoque doctrina iudicarunt liberius, ipsamque diligenter examinatam non adeo grauiorem esse pronuntiarunt. PETRVS RAMVS³ multa in Aristotelis præceptis de demonstratione atque in libris analyticis de assidua obscuritate queritur; quum contra PROCLVS⁴ Aristoteli vitio vertat, quod ipsius analytica nimis sit perspicua, vt a quouis non plane stupido possit intelligi. atqui huiusmodi censuram aduersus rem laude omnino dignam merito rejecit GERHARDVS IO. VOSSIVS;⁵ qui autem, quum obseruasset, quod in analytica posteriora nemo melior Zarabella & Crello scripserit, de RAMO ita iudicat:⁶ *Rami furiosa conuitiâ in demonstrandi artem, quam non intelligit, nec asse emptitem. sane dum inutiles herbas se ex logicis runcare velle promittit, euellit longe vtilissimas, dumque arborem totam pollicetur, ramum tantummodo exhibet: Thessali & aliorum similis, qui vt Galenus primo methodi libro ait, haud exquisitè accurateque instituendo morborum diuisiones, perinde faciunt, ac si litteras dispecerent in vocales & consonas, ac sic belle se defunctos putarent, quasi non & illa suas habeant differentias ac species, nostro iudicio & RAMVS & VOSSIVS affecti-*

¹ p. 1324.² p. 376.³ scholi dialect. lib. IX.⁴ scholi ad Platonis Cratyl.⁵ de natura & constit. logic.

c. XII. §. 3.

⁶ cit. loc. §. 7.

bus aliquid dederunt, & humani quid passi sunt. ille, quod acerbius interdum Aristotelem perstrinxerit; hic vero, quod nimio erga philosophum hunc amore incitatus vehementer differuerit aduersus Ramum, nec discrimen inter res ipsas, & modum disputandi fecerit, qui reprehensione quidem dignus esse potest, quamuis res ipsa suum pretium habeat. PETRVS GASSENDVS vt grauissime de integra Aristotelis philosophia sensit ac iudicauit; ita & in hoc argumentum ad demonstrationem spectans animaduersiones instituit accuratius. etenim ¹ obseruat non solum generatim in hac doctrina multa deesse; multa haud vtilia; sed inania, quin etiam sibi contraria & repugnantia proponi; sed & speciatim singulari industria magnaue iudicii vi demonstrat, neque talem demonstrationem, neque scientiam dari, qualem exposuit Aristoteles, cuiusmodi obseruationes dignæ omnino sunt, quas omnes diligenter legant mentisque meditatione assidua contemplantes expendant. CHRISTIANVS THOMASIVS ² quum breuiter placita Aristotelis de demonstratione attigisset, addit: *his omnibus missis, partim vt euidentibus, partim vt inutiliter subtilibus, partim vt falsis*; & IO. FRANCISCVS BVDDEVS ³ dicit: *cetera, quæ prolixè de demonstratione præcipiunt, dum de questione, quæ demonstrari possit, de immedietate rationum probantium, de gradibus necessitatis operose disputant, futilia sunt & inepta. sicut & illud*

¹ exerc. parad. aduersus Aristot. lib. I. exerc. V. seqq. p. 125. tom. III. opp. lib. II. exerc. V. de VI. ² introd. ad philos. aulicam cap. VIII. §. 4. ³ philos. instrument. p. 1. c. 3. §. 26.

inepte satis & ridicule asseritur, quod in demonstratione apex scientiæ humanæ, immo omnis felicitatis consistat. veritas enim indemonstrabilis præstat demonstrabili: & vero similitudinis interdum maior est utilitas, quam scientiæ.

ANDREAS RVDIGER¹ obseruauit, quod principia, quæ Aristoteles ad demonstrationem τῷ διότι necessaria esse putauit, aperte significant confusionem demonstrationis mathematicæ & philosophicæ; alio autem loco² ostendit rationem, qua hæc doctrina sit exponenda. nec negari potest, quod Aristotelis præcepta non solum perturbatim & sæpe obscure sint proposita; sed & multa contineant, quæ in nugis numeranda, & mōmenta haud leuiora silentio prætermittant. nam ante omnia ignorantiam veræ indolis veritatis cum certæ, tum probabilis deprehendimus, nec non discriminis demonstrationis, quæ modo immediate ex sensu; modo ex definitionibus idearum est instituenda. multæ dantur demonstrationes maxime firmæ ac solidæ, quæ haud principiis immediatis ac primis nituntur, nec niti possunt. nec in gradibus necessitatis, quos tradidit Aristoteles, verum adsecutus est fundamentum, siquidem necessarium nexum inter subiectum & prædicatum, ex quibus enunciatio composita est, ex subordinatis & diuersis ideis, num idea prædicati pertineat ad essentiam subiecti, an accidentia, nec ne? demonstrare debemus, ex quibus facile potest colligi, num propositio sit pronuntianda vniuersa, an particulares. quod si ita est,

¹ *phys. divin. lib. I. cap. I. sect. 2. §. 67. seqq.* ... ² *de sensu veri & falsi lib. III. cap. 4.*

sicuti

sicuti est, hanc doctrinam rectius ac verius tradendam esse putamus, quod hac ratione nostro iudicio fieri potest. demonstratione philosophica vel adprobamus, vel refutamus conclusiones. priori modo conclusiones nostras probamus per definitiones nostras, quæ est demonstratio *a priori*; definitiones autem & alias veritates demonstramus per sensationem, quæ est demonstratio *a posteriori*. refutamus autem aliorum conclusiones ex definitionibus ipsius ac diuisionibus, quas si ipsi quoque admittimus, est demonstratio κατ' ἀλήθειαν, sin minus, κατ' ἀνθρώπων. definitiones vero ac diuisiones aliorum refutamus vel per sensationes, quæ est *deductio ad impossibile*; vel per conclusionem manifeste falsam, quæ est in theoreticis *deductio ad absurdum*; in practicis *deductio ad incommodum*: confer ANDR. RV-DIGERVM: ¹

§. XXXIII. Ratio ordinis postulat, vt doctrinam de *probabilitate* ex historiarum monumentis illustremus breuiter. veteres philosophi ante Aristotelem nihil tradiderunt de hac specie veritatis, siquidem satisfacisse aliis persuadebant sibi, quando argumentandi artem demonstrarent. ARISTOTELES differentiam constituabat inter *analyticam*, id est, doctrinam de demonstratione, cuius finis sit scientia; & *dialecticam*, quamuis hæc vox a Peripateticis non vna adhibeatur sententia. quando enim dialecticam opponunt analyticæ, dialectica apud Peripateticos est ars ex probabilibus differens: hinc a ΣΥΝΙΔΑ quoque definitur, quod sit μέθοδος δι' ἐνδόξων περί

¹ *Philos. syncheton*, p. 228. ed. 3.

παντὸς τῆ προκειμένης συλλογιστικῆς, *methodus*, quæ per probabilia de qualibet proposita questione ratiocinatur. at vero quum aliquid vel vere sit probabile, vel tantum tale adpareat; vocem *dialecticæ* vsurparunt modo ampliori sententia pro vtraque specie probabilitatis, quæ ratione dialectica in organo Aristotelis complectitur ipsius libros *topicorum* atque *elenchorum sophisticorum*; modo vsu strictiori pro ea doctrina, quæ tantum vere probabilia tractet, & octo libris topicorum exponatur. quibus Aristoteles proponit syllogismum probabilem, dialecticum, quem adpellat *epichirema*; probabile autem ipsi est *propositio*, quæ omnibus, aut plerisque, aut sapientioribus, iisque vel omnibus, vel plerisque, vel celeberrimis vera videtur. ¹ id, de quo instituitur heic disputatio, dicitur *problema*, item *quæstio*, vt adeo dialectica tradat artem de rebus vere probabilibus differendi, bene interrogando, apteque ad interrogata respondendo, vsque dum deducatur probabile: atqui hæc est caussa, cur doctrina talis dicatur *ἐρωτασικὴ καὶ ἑξετασικὴ*. quapropter Aristoteles multa dat præcepta cum *interroganti*, tum *respondenti*, atque existimat, quod hæc logicæ pars animam præparare debeat ad argumenta, quæ gignant scientiam. nam ipsi dialectica est *πρώτη ἀνάλυσις*; & analytica est secunda & ἀνάλυσις vera: triplicem autem vsum speciatim commemorat dialecticæ, ² ad *exercitationes*, ad *colloquia* & ad *philosophiæ scientiam*. at vero quum existimat Aristoteles, omnem disputationem institui de *problemate* & *quæstione*, ad quam possit re-

¹ Lib. I. top. cap. I.² Lib. I. cap. II. top.

sponderi *est* aut *non est*; omne problema pertinere putat ad rei, de qua quaestio instituat, aut definitionem, aut genus, aut proprium, aut accidens, confer GERH. IO. VOSSIVM¹ & PETRYM GASSENDVM.² existant e græcis commentaria in libros Aristotelis *topicorum* ALEXANDRI *Aphrodisæi*; THEMISTII autem commentarius periit: e latinis huc spectant CICERONIS *topica*, quæ libris septem exposuit BOETHIVS, cuius latina interpretatio *topicorum* Aristotelis quoque existat, confer IO. ALBERTVM FABRICIVM.³ sophistæ & rhetores transferebant vsum *topicorum* ad studia eloquentiæ, & corruptam exercebant artem, qua de re quadam in vtramque disseruerunt partem, id quod GERH. IO. VOSSIVS⁴ quoque observauit, quamuis alieno a mente nostra iudicio. namque tale institutum probat vehementer, quod nos iis de causis reprehendendum esse censemus, quoniam genuina disciplina & logicæ & eloquentiæ inde multum cepit detrimenti: illa quod dialecticam siue doctrinam de probabilitate ad oratoriam præcipue pertinere existimauerint; hæc vero, quod mutata fuerit in sophisticam artem de omnibus rebus disserendi in vtramque partem, id quod munus quidem est sophistarum; minus vero germanorum oratorum ac rhetorum. veteres STOICI quidem discrimen posuerunt inter *scientiam*, *opinionem* & *comprehensionem*: *scientia* erat firma ac stabilis comprehensio, quam ne ratio quidem

¹ De natur. & constit. logic. cap. XII. ² de origin. & variet. logic. c. V. p. 47. ³ bibl. græc. lib. III, cap. 6, p. 115.

⁴ cit. loc. §. XI, XII.

mutare possit: *opinio* autem imbecilla & falsa assensio & *comprehensio* assensio visi comprehensibilis, quod ita verum, ut non possit esse falsum. hinc colligitur, in solis sapientibus scientiam; opinionem vero in stultis esse; vtrisque autem communem esse comprehensionem, ut quæ sit id, per quod verum diiudicatur: confer THOMAM STANLEIVM.¹ sic quoque Stoici argumenta vera diuiserunt in demonstratiua & minus demonstratiua; sed indolem genuinam probabilitatis minus exposuerunt.

§. XXXIII. Peripatetici non adeo solliciti fuerunt de hac logicæ parte, qua de re queritur GER. IO. VOSSIVS: ² *pars hæc logices negligenter admodum tractari in scholis solet, siue ut facilis & obuia, siue ut inutilis.* atqui omnino hæc Aristotelis doctrina, si iudicare velimus ex veritate, est inutilis & admodum lubrica, quæ nullo fundamento nititur. etenim quærit Aristoteles probabilitatem in opinione aliorum, quæ cum veritate nihil habet commune, quum potius quærenda sit in ipsa re: quin etiam si posita est in opinionibus hominum, opiniones debent iam esse cognitæ, quarum si nulla est probabilis; ex cogitanda quidem esset noua, quod autem secundum hæc principia haud fieri potest. nam vbi nulla est opinio, ibi nulla est probabilitas. nec solide illos determinat, quorum opinionem in cognoscenda probabilitate debeamus amplecti, quando dicit: *probabile est, quod videtur omnibus, vel pluribus, vel sapientioribus.* quis

¹ Hist. philos. p. 565. ² cit. loc. §. VIII.

enim plures coniungat cum sapientibus? idem esset ac si quis de vita pie instituenda consulere Christum & Belial iuberet, siquidem plures affectibus dediti longe absunt a sapientia, ut adeo mens nihil probabile possit adsequi, si plures quid affirmant; sapientes autem negant. quando autem Aristoteles opiniones sapientum probabile quid efficere censeret; error hic ipsi communis fuit cum Stoicis, quos lepide perstringit CICERO: ¹ *quod dicunt, omnia se credere ei, quem iudicent fuisse sapientem; probarem, si id ipsum rudes & indocti iudicare potuissent: statuere enim, quid sit sapiens, vel maxime videtur esse sapientis.* ceterum corruptæ eloquentiæ cultoribus, qui id in summa laude ponunt, quando in utramque partem differere aliisque fucum facere possunt, hæc Aristotelis placita non possunt non placere.

§. XXXV. Merito igitur recentiores nonnulli philosophi, quibus inerat summa iudicii vis studiumque veritatis, peripateticam doctrinam hanc examini suo submiserunt, inter quos PETRVS GASSENDVS præcipue negotio hoc functus est feliciter. primum observat, libris topicorum Aristotelis omnia magna confusione esse perturbata; ² deinde ³ dicit: *nugas, quibus libri topici scatent, commemorare quis valeat? observari dumtaxat velim doctrinam vanissimam, quæ libris præsertim IV. V. VI. per negationes traduntur. tertium ⁴ notat multa erronea & in illis præcepta duo, quorum alterum est, ut in disputatione loqua-*

¹ Lib. IV. quasi, acad. ac. 5. p. 127. t. III. opp. t. VII. p. 138.

² exerc. parad. advers. Aristot. lib. I. ³ exercit. VI. p. 133. ⁴ ibid. exerc. VII. p. 138.

mur ambigue; ut potius quidquid obuenerit animo, effutiamus, quam ut cedamus aduersario nobis. in eodem quoque censu habet, quod doceat, disputationem cum plebe instituendam esse non per syllogismos; sed inductionem, quasi homo plebeius ac rudis vim syllogismorum haud capere possit; item quod orationem, quæ concludat additis detractisque quibusdam, vitiosam pronuntiet, quasi enthymema sit vitiosum, cuius tamen longe frequentior sit usus, quam integri syllogismi. tandem¹ ostendit, multa hisce libris contineri, quæ sibi sint repugnantia & contraria, cuiusmodi censura satis est iusta & firma, quamuis ad rem ipsam probabilitatis speciatim haud spectet, nec significet, quam ieiuna & arida, etiam falsa heic sint præcepta Aristotelis.

§. XXXVI. Qua cura & industria RAMVS & ipsius asseclæ *locos topicos*, veluti sedes argumentorum tradiderint, satis notum & iam supra a nobis obseruatum est. recentiori tempestate philosophi magnis quidem studiis logicæ artem emendare, illamque nitidiore ornatam facie exhibere elaborarunt; sed pars hæc de probabilitate aut a plerisque logicarum scriptoribus minus exposita; aut leuiori industria neopro rei dignitate tradita. atqui omnino est, quod talem miremur negligentiam. probabilitas est species veritatis, ex cuius præstantia de illius quoque excellentia debemus iudicare, præcipue quum plurium rerum, quæ ad cognitionem nostram possunt venire, probabilis tantum sit notitia, adeo ut ope eius neque homo doctus, neque rudis li-

¹ Cit. loc. citatis, VII. p. 144.

terarum carere possit. sic doctrina, quæ res naturales explicat, quæue præcepta de consiliis & prudentia viuendi tradit, probabilitate nititur, quod celeberrimi ac grauissimi physicae doctores professi sunt ingenue. nec historiarum studia felicius possunt coli, aut interpretationes scriptorum prospere institui, nisi doctrina hæc de probabilitate lucem præferat suam, vt multa alia taceamus momenta, in quibus illius utilitas maxime est insignis ac conspicua. pauci igitur sunt, qui accurate copioseque disputarunt de probabilitate. PETRVS GASSENDVS¹ putat, in eo consistere naturam probabilitatis, quod plus habeat euidentiæ, quam obscuritatis: siquidem dicit: *sylogismus suasorius, probabilis, opinabilisque talis dicitur propter notitiam confusionis, quam ita persuadet, probatque, vt tametsi plus euidentiæ, quam obscuritatis habeat, relinquat nihilominus hæsitationis aliquid* & idcirco dici opinio mereatur. opinio quippe, quatenus volunt eam differre a scientia, nihil aliud est, quam notitia non plane certa, sed cum quadam formidine imbecillitateue assensus. heinc ὑπόληψις etiam græce dicitur; quasi sit suspicio, ne forte fallamur. sed hac ratione GASSENDVS probabile quidem distinguit ab eo, quod haud probabile est; minus vero a demonstratiue vero, de quo etiam dicere possumus, quod plus habeat euidentiæ, quam obscuritatis. IO. LOCKIUS² duobus fundamentis probabilitatem niti, adfirmavit, quod alterum sit rei cuiusvis conuenientia cum cognitione, obseruatione &

¹ Infit. logic. part. III. canon. 18. p. 117. 1. 1. opp.

² de intel.

lect. human. lib. IIII. cap. 15. §. 4.

*experientia nostra; alterum testimonium aliorum, quo ea confirmant, quæ obseruauerunt atque experti sunt; quæ principia LOCKII vera quidem sunt; minus vero adæquata. etenim experientia pertinet tantum ad probabilitatem medicam, & testimonium ad probabilitatem historicam; præter quas adhuc aliæ sunt species, quæ hæc principia haud admittunt. ceterum quum testimonium, velut principium generale probabilitatis posuerit, videtur procliuis ad sententiam Aristotelis, qui vult, ut in studiis probabilitatis consulamus omnes, plures & sapientes. CHRISTIANVS THOMASIVS¹ censet, quod probabilitas sit *assertio per connexionem non necessariam*; & alio loco² duo criteria probabilitatis commendat, alienam quippe experientiam probam; & propriam notionem mentis accidentium. IO. CLERICVS³ putat, quod probabilitas nitatur aliena auctoritate, rei natura, cognitione ac experientia nostra siue vera, siue falsa, animique nostri adfectione & ratiocinationibus, quem sequitur IO. FRANCISCVS BVDDEVS.⁴ EPHRAIM GERHARDVS⁵ differit quoque de hoc veritatis genere ac putat, ea, quæ cognitionem reddant verosimilem, versari vel circa propositiones singulares, vel circa vniuersales; ac singulares effici partim per experientiam, partim per testimonium, quæ est vulgaris doctrina.*

§. XXXVII. Nemo autem ex omnibus philosophis tam solide, accurate ac diligenter ex-

¹ Phil. autic. c. VIII. §. 5.

² introd. ad phil. ration. cap. X.

³ logic p. II. c. 8.

⁴ philos. instrum. part. I. c. 3. §. 32.

⁵ delin. phil. ration. lib. I. cap. 9.

posuit

posuit hanc doctrinam, ac ANDREAS RVDIGER; qui non solum indolem ac genuinum probabilitatis fundamentum indicauit; sed diuersas ipsius species distincte quoque posuit. scilicet¹ ab ipso definitur probabilitas, *quod sit ratiocinatio, qua ex eo, quod plures sensationes in suppositione aliqua seu hypothesei sensui immediate haud obuia, conueniunt, concludamus ad veritatem hypotheseos, ea certitudine, qua omni exceptione haud sit maior*; qua definitione bene ac perspicue probabile distinguit ab eo, quod fieri potest, a fucio oratorio, a prouerbis, auctoritate, similitudinibus. diuidit probabilitatem in *theoreticam & practicam*; & theoreticæ duas constituit species, quarum altera spectet ad memoriam, quæ sit probabilitas *historica*; altera vero ad iudicium, quæ sit vel *physica*; vel *politica*; vel *hermeneutica*; per practicam autem eam intelligit, *qua ex concursu plurium causarum futurum aliquem prædicamus euentum*, quæ sit vel *physica*, vel *moralis*. atqui hæc omnia copiose explanat, exemplis illustrat & aliorum præcipue Peripateticorum ac CARTESII errores feliciter omnino non solum obseruat, sed quoque in refutandis illis singularem ostendit industriam. cuius expositæ doctrinæ præstantiam posthac in physica demonstrauit, ac partim generatim istam esse doctrinam probabilitatis, firmis confirmauit argumentis; partim speciatim argumentationes erroneas Cartesii eiusque asseclarum, qui sæpius id, quod fieri potest, veluti probabile amplectuntur, coarguit grauiter.

¹ Inssit, erudit. p. 164. ed. 3.

§. XXXVIII. Peruenimus ad doctrinam de *meditatione*, ac speciatim de *præiudiciis*, uti dicuntur, & *dubitatione*, ex quibus illa sunt eiicienda; hæc vero legitime instituenda, si meditatio suos ferre debeat fructus. primum igitur dispiciamus de *præiudiciis*, de quibus philosophi præcipue a tempore BACON. de VERVLAMIO vsque ad nostram ætatem multum ac copiose disseruerunt, siue ad illorum adpellationes; siue indolem, siue ad diuersas species, siue ad originem & occasiones, siue denique ad effectus, qui inde gignantur, respiciamus. quod ad *adpellationem* adtinet, obseruarunt primum varias significationes vocis *præiudicii*. etenim præiudicia interdum notant principia generalia & propositiones vniuersales, quas gallica voce *préjugés* adpellare solent, siquidem plures fuerunt ex ecclesiæ romanæ doctoribus, qui methodo quadam generali placita protestantium, uti dicuntur, refutare atque argumentis generalibus illorum religionem euellere sunt conati, de quo instituto & scriptis ad id pertinentibus disserit CHRISTOPH. MATTHÆVS PFÄFFVS.¹ apud interpretes iuris ciuilis præiudicium notat vel eiusmodi iudicium, quod institui debet, antequam ad aliud procedamus; vel rem quamdam iudicatam, cuiusmodi lata sententia posthac iudicibus in pari causa exemplum præbet ad consequentiam, vide ASCONIUM PEDIANVM apud DIONYSIUM GOTHOFREDVM.² quod si vocem hanc ratione originis consideramus, significat iudicium, quod

¹ Dissert. I. de præiud. theol. § 2.
pag. 1362.

² auctoribus latin. lingu.

ante legitime institutam meditationem fertur, siue sit verum, siue falsum, quæ significatio autem in philosophorum scholis haud recepta est. illi enim intelligunt per præiudicia principia maxime generalia eaque erronea, ex quibus alia iudicia erronea gignantur, quæ quamuis a plerisque dicantur *præiudicia*; aliæ tamen adhuc illorum sunt adpellationes. sic appellantur *opiniones præiudicate*, *præconceptæ*, vide IOH. CLAVBERGIVM; ¹ *idola mentis* a VERVLAMIO; ² *opiniones præsumptæ*, a GVNDLINGIO, ³ vt de aliis taceamus. quamuis hæc præiudicia a philosophis varia definiantur ratione; re ipsa tamen, quod sint errores generales, ex quibus alia iudicia erronea veluti conclusiones proueniant, vnius sunt sententiæ, nisi quod alter altero accuratius dederit definitionem. varia præiudiciorum genera a philosophis numerantur. CHRISTIANVS THOMASIVS ⁴ duo principalia ponit præiudicia, alterum *auctoritatis*; alterum *præcipitantia*; IOH. FRANCISCVS BVDDEVVS ⁵ in tribus vitiis voluntatis quærit originem præiudiciorum, ita vt oriantur ex voluptate & ignauia voluptatis filia præiudicia *auctoritatis* & *præcipitantia*; ex ambitione præiudicium *electæ* aut *receptæ hypotheseos*; ex avaritia *obsequiositas*. IOACHIMVS LANGIVS ⁶ ista deriuat ex intellectu & voluntate, vt adeo sint vel *intellectus*, vel *voluntatis*: prava vero voluntas respiciat vel *personas*, qui-

¹ *Logic. proleg. cap. I.* ² *organ. lib. I. aphor. 38.* ³ *viâ ad verit. part. I. p. 52.* ⁴ *introd. ad phil. ration. c. XIII. §. 41.*
adde introd. ad phil. aulic. cap. VI. ⁵ *phil. instr. part. I. cap. 2. §. 30. fgg.* ⁶ *medicin. mentis p. 2. c. 4. §. 7. 12.*

bus homo vel nimium *confidat*, vel *diffidat*; vel *res ipsas* & sic regatur a tribus illis vitiis cardinalibus, cupiditate honoris, opum & voluptatum. hinc quatuor classes constituit præiudiciorum, *ignorantia*, *nimia confidentia*, *nimia diffidentia* & *prauarum cupiditatum*, ANDREAS RVDIGER, ¹ præiudiciis illis *auctoritatis* & *precipitantia*. addit adhuc duæ alia, *planitatis* & *subtilitatis* ratione obiecti, de cuius natura duplex datur persuasio. BARTHOLOMÆO de VERVLAMIO ² in quatuor classes distribuit idola mentis siue præiudicia, quum alia sint *tribus*, alia *specus*, alia *fori*, alia *theatri*: confer IO. BAYERVM ³ & PETRVM GASSENDVM, ⁴ vt de aliis taceamus. nec minori industria philosophiæ doctores elaborarunt, causas & occasiones præiudiciorum ostendere, & quum inde magna impedimenta, quo minus studia veritatis possint promoueri, proficiscantur, viam commonstrare, qua ista sint euellenda hisque morbis adferenda medicina.

§. XXXVIII. Scriptores, qui huc pertinent, sunt vel *generales*, vel *speciales*: illi argumentum hoc de præiudiciis generatim exposuerunt modo ex instituto; modo vero simul in scriptis logicis. prioris generis sunt THOMAS BROVNE *pseudodoxia epidemica*, IO. de HISPANIA, siue *Iean d'Espagne* libro gallico de *erroribus popularibus*; ABRAHAMVS HEIDANVS de *origine erroris*; HERBERTVS de *caussis errorum*, de quibus iudi-

¹ De sensu veri & falsi lib. IIII. cap. I. ² nou. organ. lib. I. aphor. 39. ³ cynosura mentis p. 2. cap. I. sect. I. part. I. p. 139. ⁴ de orig. & variat. log. cap. X.

CAT CHRISTIANVS THOMASIVS; ¹ illis autem adicere possumus BALTHAS. SCHVPPIVM, inter cuius scripta germanica extat quoque opus de hisce falsis opinionibus. nec non huc referri possunt, qui peculiare dissertationes de hoc argumento conscripserunt, quales sunt IO. GABRIEL DRECHSLER dissertatione de *præiudiciis*; IO. CHRISTIAN. LANGIVS de *præiudiciis*; ROMANVS TELLER de *præiudiciis ex ignoratione sui ortis*; HENRICVS BALTHASAR SELLMANN de *præiudiciis*; GOTTLIEB SAMVEL TREVER de *principiis & remediis præiudiciorum*; ZWINGERVUS de *præiudiciis*; SCHROEDERVS de *præiudiciis merito & falso suspectis*. posterioris generis sunt, qui in scriptis suis logices disseruerunt de hoc argumento, quo inter alios spectant IO. CLAVBERGIVS, ² MALEBRANCHE, ³ AVCTOR *artis cogitandi*, ⁴ CHRISTIAN. THOMASIVS, ⁵ IO. FRANCISCVS BVDDEVUS, ⁶ IO. LANGIVS, ⁷ GOTTLIEB GERH. TITIVS, ⁸ NIC. HIER. GYNDLING, ⁹ EPHRAIM GERHARD, ¹⁰ IO. LOCKIVS, ¹¹ IO. FRIDEMANN SCHNEIDER, ¹² IO. P. de CROVSANZ ¹³ aliique. Speciatim vero nonnulli explicarunt præiudicia ac falsas opiniones, quibus homines de rebus sacris ducuntur, siue ad doctrinas, siue vitæ

¹ Cant. circ. præcogn. iurispr. cap. X. §. 33. not. ² prolegom. logic. c. 2. §§. p. 770. opp. & part. I. cap. II. p. 799. ³ de inquirenda veritate variis locis. ⁴ part. III. cap. 20. ⁵ introd. ad phil. rat. c. XIII. & phil. aul. c. 6. ⁶ phil. instrum. part. I. c. 2. §. 29. ⁷ med. ment. part. 2. c. 4. ⁸ art. cogit. c. 4. §. 19. ⁹ via ad verit. p. I. pag. 52. ¹⁰ delin. philos. ration. lib. I. cap. II. ¹¹ de intellectu humano lib. III. cap. 20. ¹² fundamentis philos. ration. c. III. ¹³ syst. de reflex. p. II. c. 6. & 7.

actiones spectent, cuiusmodi labore functi sunt in primis IO. HENRICVS BARTHIVS, qui disputationes theologicas edidit *de præiudiciis* & CHRISTOPHORVS MATTHAEVS PFAFFIVS duabus dissertationibus *de præiudiciis theologicis*, quippe quæ multa præclara continent & cultoribus sacrarum litterarum, præcipue hac tempestate commendandæ sunt diligentissime.

§. XL. Recte ac vere sentiunt philosophi, quod animus ad veritatis cognitionem possit præparari per dubitationem, si modo legitima instituaturs ratione. namque duplex dubitandi modus est, quorum alter, quando sine causa aliquid vocamus in dubitationem, nec tam de probationibus, quam de ipsa re sine rationibus dubitamus, id quod sceptici fecerunt; alter vero est, quum dubitandi causæ nobis sunt, qualis dubitatio dicitur sobria & duplici modo fit. primum enim in rationes, quæ in probationem rei cuiusdam proferuntur, inquirimus, num sint solidæ, nec ne? deinde vero si deprehendimus, rationes productas haud esse firmas, de melioribus ac vere solidis exco- gitandis sumus solliciti, quorum prius si faci- mus, dubitamus *de probationibus*; posterius autem, *de ipsa re*. vetustiores philosophi exer- cuerunt quidem dubitationem modo sobrie ac continenter; modo vero licentius, quam par erat. prioris generis sunt, qui philoso- phiæ rationem eclecticam, vti dicitur, sunt se- ctati, in quibus principem locum tenet meri- toque occupat SOCRATES, qui a scriptori- bus antiquæ ætatis singulari adficitur laude & dicitur *philosophia parens, rex philosophorum, doctissi-*

doctissimus omnium philosophorum. celebre quidem habuit hoc prouerbium: SE NIHIL SCIRE, NISI HOC VNVM, QVOD NIHIL SCIAT, ¹ quod nonnulli ea sententia intellexerunt, vt ipsum inde infimulauerint opinionis, quasi nullam dari scientiam humanam, existimasset. sic LACTANTIVS ² de effato hoc Socratis ita differit: *Socrates vt ceterorum argueret inscitiam, qui se aliquid tenere arbitrantur, ait, se nihil scire, nisi vnum, quod nihil sciret. intellexit enim doctrinam illam nihil habere in se certi, nihil veri.* quam sententiam autem LACTANTIUS doctrinæ Socratis ex XENOPHONTE, PLATONE, STOBÆO aliisque scriptoribus ATHOMAS STANLEIO ³ collectæ haud probabilem esse, confirmant. vt itaque ab accusatione scepticismi Socratem absoluerent, existimarunt nonnulli, ipsum hoc prouerbio per ironiam vsum fuisse, id quod obseruat MORHOFIVS; ⁴ quam coniecturam cum ipsius satis celebrata modestia haud conuenire, alii monent, ac credunt, Socratem effatum hoc adhibuisse, vt tumorem sophistarum, qui se omnia scire gloriabantur, redargueret. ceterum sæpius euenit, vt verba ab hominibus bona mente prolata ab aliis modo prauis affectibus, modo inscitia, modo imprudentia adductis in malam transferantur partem, quod non modo exemplum Socratis, sed & Epicuri, nec non secta Sadducæorum testantur. namque quum Antigonus Sochæus

¹ *Arist. elench. soph. lib. II. c. 14. Lucian. Hermot. t. I. p. 34. opp. Laert. lib. II. segm. 32. Cicer. lib. I. ac. quest. Murec. Fel. in Octau.*
² *de ira Dei cap. I.* ³ *hist. phil. p. 116.* ⁴ *polyhist. tom. II. lib. 2. c. 9. §. I.*

doceret, Deo non ita obediendum esse, vt ser-
vi dominis, spe mercedis commoti præstant
obedientiam; Sadok pariter & Baithus hæc ita
intellexerunt, ac si dixisset, Deo esse seruien-
dum sine spe retributionis, & hinc porro col-
legerunt, nullas pœnas, nulla præmia post hanc
vitam esse exspectanda, animas hominum cum
corpore interire, vide IO. FRANCISCVM
BVDDEVM. ¹ præter Socratem dubitationes
adhibuerunt PLATO, ARISTOTELES, EPI-
CURVS, alique, quoniam alias nihil inuenire
nec quidquam diiudicare potuissent; sed re-
mota penitus dubitatione, omnes præcepto-
rum doctrinas sancte conseruare ac propagare
habuissent necesse. posterioris generis sunt;
qui licentius iusto de rebus præter necessita-
tem dubitationes instituerunt, aut, vt rectius
iudicemus, ea quæ in aperto fuerunt posita,
negarunt, id quod solemne erat scepticis, de
quibus paullo post disseramus. aduersus quos
alii quidem disputarunt, veritatem eiusque
certitudinem defendentes ideoque adpellati
dogmatici; ipsam autem dubitationis genui-
nam indolem, aut modum, quo in salutem &
gratiam sensus veri & falsi debeat ista fieri rite,
minus demonstrarunt.

§. XLI. Recentiori tempestate præcipue
CARTESIVS doctrina de dubitatione largis-
simam disputandi dedit occasionem, etiam
apud nonnullos excitauit suspicionem atheis-
mi aut scepticismi. de præiudiciis cognoscen-
dis atque eiiciendis leuiore egit industria, nec
grauiter atque accurate de illorum indole, ve-

¹ Introd. ad hist. phil. Ebr. p. 86. ed. 2.

ra origine ac modo, quo illis medicina possit adhiberi, differuit. præcipue vero doctrinam de dubitatione, in qua multum momenti positum est, si rem ipsam accurate inspiciamus, omnino corrumpit, atque ea tradidit, quæ cum genuina dubitandi ratione ac cognoscenda veritate nihil habent commune. nam commendavit cultoribus philosophiæ talem dubitationem, quæ non est dubitatio, sed negatio: hinc dicendi genera *dubitare, reiicere, habere falsa, euertere* & alia vsurpat promiscue, quasi sint eiusdem significationis; quin etiam aperte indicat, quid per dubitationem intellexerit, quando dicit: ¹ *quin & illa etiam, de quibus dubitabimus, utile erit habere pro falsis, ut tanto clarius, quidnam certissimum & cognitu facillimum sit, inueniamus; & alio loco: ² illa omnia, quæ prius ut vera quam maxime credideram, propter hoc unum, quod de iis aliquo modo posse dubitari, deprehendissem, plane falsa esse supposui.* at vero quum CARTESIUS certitudinem sensuum negaret, quid mirum, quod dubitationem ad eiusmodi quoque res traxerit, quæ per sensus & vere & clarissime percipiuntur, ut de illis dubitandi nobis neutiquam relicta sit facultas. quapropter dicit: ³ *facile supponimus, nullum esse Deum, nullum calum, nulla corpora, nosque etiam ipsos non habere manus, nec pedes, nec denique ullum corpus.* ex quibus patet, quod etiam de Deo dubitationem institui posse, existimauerit, quod & aliis locis confirmat, siquidem ⁴ *supponam, ait, non optimum Deum fon-*

¹ Princip. part. I. §. 3. ² meditat. 1^a.

³ princ. part. I. §. 7. ⁴ med. I.

tem veritatis; sed genium aliquem malignum, eundemque summe potentem & callidum omnem suam industriam in eo posuisse, ut me falleret: item: ¹ num quid est aliquis Deus, vel quocunque nomine illum vocem, qui mihi has ipsas cogitationes immittit? quare vero hoc putem, quum forsitan ipsemet illarum auctor esse possim. præcipue dubitationem iis de causis commendavit, ut hoc medio falsæ opinionis generales eiicerentur ex mente, etiam animus posset præparari ad puriores cogitationes & notiones concipiendas.

§. XLII. Propter hanc doctrinam de dubitatione RENATUS CARTESIUS varias censuras expertus est. alii ipsum adcurarunt atheismi, quod fecit LOENIVS ² ex ea ratione, quoniam Cartesius de omnibus dubitaverit, etiam, ut expresse ipsius verba adhuc testentur, de existentia Dei; quum autem ipsius dubitatio nihil aliud fuerit, quam negatio, sequeretur inde, illum negasse Dei existentiam. MARTINVS SCHOOCKIVS, professor philosophiæ Grœningensis, eandem instituit accusationem, quamvis posthac coram magistratu, se Cartesio fecisse iniuriam, profiteri coactus fuerit, id quod commemorat ADRIANVS BAILLETTVS: ³ nec non GISBERTVS VOETIVS huiusmodi grauioris censuræ extitit auctor, ex cuius discipulis quidam edidit *admirandam methodum nouæ philosophiæ Renati des Cartes*, qua Cartesium non solum occulti atheismi accusat; sed etiam comparatio-

¹ *Medit. II.* ² *select. phil. proem. dissert. I. §. 25.* ³ *vita Cartesii tom. II. p. 252.*

nem inter ipsum & Vaninum instituit. alii accusarunt ipsum scepticismi, quod omnem sensuum fidem remouerit & easdem dubitandi rationes, quibus vsi sunt sceptici, adtulerit, in quibus adcusatoribus est SAMVEL PARKER¹ aduersus quem causas Cartesii egit ANTONIVS le GRAND:² adde PETRVM DANIELEM HVETIVM.³ alii quidem negant, Cartesium iure ac merito in atheis ac scepticis posse numerari, siquidem, si spectamus ad atheismum, existentiam Dei tantum in dubium vocauerit, quum ista ex lumine naturæ sit cognoscenda, & inter dubitationem ipsius ac scepticismum hoc discrimen sit positum, quod sceptici semper in dubitatione permaneant, id quod Cartesius minus fecerit. at vero necesse omnino habent profiteri, quod Cartesius talia de dubitatione tradiderit, quæ facile quemdam in atheismum ac scepticismum possent deducere, vide IACOBVM GVILIELMVM FEVERLINVM:⁴ adde VALENTINVM ALBERTI,⁵ MASTRICHT,⁶ GEORGIVM PASCHIVM⁷ GOTTLOB FRIDERICVM SEELIGMANNVM,⁸ IOH. FRANCISCVM BVDDEVN.⁹ nec defuerunt ex sectatoribus CARTESII, qui ipsius auctoritatem tueri elaborarunt, obleruantes, quod haud serio dubitauerit, video IO. SCHO-

¹ De Deo & provid. disp. 6. ² apolog. pro Renato Cartes. contra Parkerum. ³ censura philos. Cartesian. cap. I. §. 15. ⁴ dissertationibus de dubitatione Cartesianâ; item: in quantum Cartesio atheismus atque scepticismus possint imputari. ⁵ disp. de Cartesianismo. & Coccei. cap. I. §. 9. c. II §. 3. ⁶ gangr. novis. Cartesian. pag. 29. ⁷ de inventii non-antiqu. p. 150. & introd. in rem litter. mor. vet. c. VI. §. 9. ⁸ exerc. acad. p. 697. ⁹ de atheismo & superstitione p. 152.

TANVM. ¹ at vero, qui alienus est a studio prauorum affectuum ac partium Cartesii, remque accurate ac solida meditatione considerat, omnino potest cognoscere, quod Cartesii dubitatio fuerit negatio, quæ nihil habet commune cum veritate, sed viam parat ad atheismum & scepticismum.

§. XLIII. Variæ autem doctrinæ sunt, quarum historias tradere, e re esset, si id per spatii rationem ac temporis fieri posset. quapropter vt nobis propositam breuitatem obseruemus, paucis tantum de *arte disputandi ac methodo* ex historiarum monumentis edisseramus, præcipue quum nobis sit in animo, specimen modo huiusmodi historiæ logicæ exhibere. quod ad prius momentum adtinet, varii modi disputandi celebrati apud philosophos possunt commemorari, quorum principes recensere instituamus. non est, quod dicamus de oratione continua, quam in disputationibus adhibuerunt antiquissima ætate, vt pluribus ostendit IO. FRIDEM. SCHNEIDER; ² quoniam artem logicæ ex historiis illustramus adeoque artem quoque disputandi respicere, necesse habemus. apud veteres græcos celebris extitit modus disputandi per *dialogos*, de cuius auctore diuersa ratione disferitur. etenim inuentio eius vindicatur modo ALEXAMENI TEIO; modo ZENONI *Eleati*, qui scripserit dialogos; modo SOCRA TI, modo PLATONI, quæ diuersæ opiniones facile inter se possunt conciliari, si dicamus, quod post ZENONEM hoc scribendi

¹ *Discuss. censura Huetian. cap. I. art. I.*

² *de variis argumentandi methodis sect. II.*

ac disputandi genus maiori cura coluerint atque ornauerint SOCRA TES AC PLATO. in primis autem obseruamus, rationem hanc disputandi præcipue adtribui a scriptoribus SOCRATI, etiam adpellari *methodum Socraticam*, quoniam istam Socrates præcipue contra sophistas, qui illa frequentissime vsi sunt, adhibebat felici successu. hinc & alias leges præcipiebat, ac sectatores fallaciarum, siquidem vnicuique liberum relinquebat respondere, quidquid ipsi videretur, quin etiam iubebat alios, cum quibus disputabat, opiniones suas explanare. methodi huius exempla reperiuntur in PLATONIS dialogis, & in XENOPHONTE, qui plurima refert Socratis colloquia, vere, vt videtur, habita, quum PLATO multa finxerit, ex quibus IO. CLERICVS¹ regulas heic obseruandas collegit diligenter. sic ante Aristotelem sine ope syllogismorum fiebat disputatio per dialogos, quod colloquia quoque, quæ Iobus cum amicis instituit, confirmant: nec non post ætatem Aristotelis modus hic adhuc vigeat, quam in rem saltim disputationes seruatoris nostri cum iudæis, pharisæis & sadducæis testari possunt. recentissimo tempore CHRISTIANVS THOMASIVS² magnum pretium modo huic disputandi statuit eumque cultoribus logicæ commendauit studiose: ANDREAS RVDIGER³ vero de isto hoc tulit iudicium: *vt non dicam, methodum per quaestiones conclusiones solum efficere κατ' ἀνθρώπον, non κατ' ἀλήθειαν, τὰ δὲ διαβολὰ ἀμβάγibus ideo est, quod alter non potest*

¹ Logic. part.^a III. cap. 9.

² cautelin circa præc. inu. præc. cap. X. §. 60.

³ de sensu veri & falsi lib. IV. cap. 5. §. 12.

obligari, ut perpetuo aiat vel neget, sed ipsi utique etiam permittendum, ut se nescire quæsiti rationem respondeat. iam si callidus sit, tamdiu ait & negat, donec ad quæstionem palmariam perueniat alter; ad hanc per τὸ nescio respondet: sic noua series quæstionum alteri erit instituenda, ad quarum principalem si processum denuo sit, iterum eodem modo eludere eum potest: confer CAROLYM SIGONIVM,¹ GEORGIYM PASCHIVM,² IO. ANDREAM SCHMIDIVM,³ IO. PHILIPPVM TREVNERVM,⁴ IO. FRIDEMANNVM SCHNEIDERVM.⁵

§. XLIII. Apud veteres celebris quoque exitit *modus disputandi Megaricus*, cuius inuentio tribuitur EVCLIDI, conditori sectæ Megaricæ. namque teste LAERTIO,⁶ philosophus hic aliorum sententias ac conclusiones confutauit per conclusiones, quæ varia continebant absurda & incommoda, prout iam supra⁷ verba LAERTII sumus interpretati. confer PETRVM GASSENDVM⁸ & IO. CASPAREM GVNTHERVM.⁹ in primis vero ratio disputandi per *sylogismos* longo temporis tractu in scholis celebrata fuit, cui ARISTOTELES præcipue multam dedit operam. etenim quod ad illius inuentionem adtinet, discrepant auctores sententiis suis, cui hæc laus debeat, siquidem alii hac in causa fauent Aristoteli; alii vero obseruant, quod non so-

¹ De dialogo. ² diatr. de vstis. veterum exempl. ratione tradendi per dialogos. ³ de processibus disputandi diuersis.

⁴ de antiquo interrogandi modo. ⁵ de variis argumentandi modis sect. III. ⁶ lib. II. figm. 106. ⁷ p. 509.

⁸ de origine & variis. logic. cap. III. ⁹ dissertatione de modo disputandi Megarico, Iena 1707.

lum vox *sylogismi* more Aristotelico adhibita deprehendatur in Platone; sed & res ipsa, prout ALCINOVS perfectas syllogismorum formas ex eo demonstrauerit: confer IO. ANDREAM SCHMIDIVM,¹ & IO. FRIDEMANNVM SCHNEIDERVM.² quidquid sit; modus hic disputandi vsum multorum seculorum obtinuit, adeo vt & nostra ætate, qua philosophia per operam atque industriam clarissimorum virorum a sordibus purgata est, consuetudo ista per syllogismos disputandi, præsertim in academiis, sit stabilita & confirmata. atqui multi persuadent sibi, eam vim arti huic disputandi inesse, vt nulla alia ratione veritas inuestigari atque in lucem proferri possit, etiam ægro ferunt animo, si quis a more isto discedere atque alio modo ad disceptationem adgredi velit. recte iudicat de methodo hac ANDREAS RÜDIGER:³ *sylogistica methodus etsi hoc non labore, laborat tamen grauiore incommodo. opponenti enim licet argumentari a baculo ad angulum & respondentem si non pondere, saltem copia inanium argumentorum tamdiu laceffere, donec tempus præstitutum sit elapsum. respondentem conceditur ad maiorem vel nihil respondere, sed thesin modo suam probare, vel ineptis distinctiunculis vim argumentorum tamdiu eludere, donec iure suo excipere queat, animum iam esse in patinis, & differentiam adeo huius rei disceptationem in aliud tempus esse.* adhuc ex antiquioribus commemorare debemus DIOGENEM Cynicum, qui ad-

¹ *Disquisitione de diuersis disputandi processibus.* ² *de variis argumentandi methodis sect. XII.* ³ *de sensu veri & falsi lib. IV. cap. 5. §. 3.*

versariis sibi non ratiocinatione quadam; sed actione ipsa, qua ipsos deducebat ad sensationem, obuiam ire solitus est. quapropter DIOGENES LAERTIUS ¹ de eo tradit, quod ratiocinanti cuidam & concludenti, illum habere cornua, manu frontem palps dixerit, *equidem illa non video*: & dicente quodam, non esse motum, exsurgens ambulauerit. cuiusmodi ratio disputandi in illis rebus, quæ ipsa nituntur sensatione, potest adhiberi, si modo cum illis agendum est, qui certitudinem sensuum admittunt, qua remota, ne hoc quidem disputandi genus pondus quoddam habere potest.

§. XLV. Ceterum plerique veterum philosophorum studio altercandi aliisque fallacias struendi tenebantur, seque tradebant contentionibus non in gratiam veritatis, sed pravorum adfectuum libidinem. sic in schola Eleatica ZENO auctor disciplinæ *eristicae* a quibusdam habetur, quamuis etiam artem dialogorum coluerit. PROTAGORAS scripsit *artem contentionis* & libros *contradictionum* & ipse adhibuit sophismata. Megarici dicebantur *ἰεῖσιμοι* siue *contentiosi*, & inter discipulos EVCLIDIS erat EVBULIDES, qui varia argumenta captiosa produxit, supra ² a nobis commemorata atque illustrata: cuius auditor ALEXINVS Eliensis dicebatur *elenxinus* a contradicendi studio, teste LAERTIO. ³ auctor scholæ Eretriacæ MENEDEMVS vehemens adeo fuit disputator, ut liuida sæpe facie discederet, quod observat THOMAS STAN-

¹ Lib. VI. segm. 39.² p. 510.³ lib. II. segm. 109.

LEIVS; ¹ STOICI autem fallaciarum plenis disputationibus fuerunt addictissimi. duplex illis erat genus disputationis: alterum breue, subtile, spinosum, ipsisque proprium; alterum vero vulgare, quod vel continua oratione, vel interrogando vel respondendo absoluitur, vide THOMAM STANLEIVM. ² non est, quod de hoc argumento disseramus, quoniam id superioribus satis est expositum ac dignis testimoniis confirmatum.

§. XLVI. Recentiori ætate plerique scriptorum logicorum operi huic satis fecisse sibi videntur, quando demonstrant, quomodo ars disputandi per syllogismos possit institui atque exerceri: quapropter pauca sunt, quæ in gratiam historiæ huius a nobis observari debent. IO. CLERICVS edidit dissertationem philosophicam *de argumento theologico ab invidia ducto*, qua hanc argumentationem, quum ad aduersariorum sententias non solide respondeant; sed idagant, ut erga illos excitent inuidiam eoque imperitos ab inquisitione rerum controuersarum auocent & ad assensum perducant; elegantissime exposuit. recenset varios modos, quibus efficitur inuidia, quando *sententia, quæ oppugnatur, male explicatur: nominibus inuidiosis infamatur: cum inuisorum hominum dogmatibus confertur: exaggeratur momentum quæstionis: inuisi redduntur boni, quod vocibus nonnullis a theologis inuentis uti nolint: studiose occultantur rationes, quibus refutanda sententia nititur: tacentur incommoda, quibus premitur sententia defendenda: prætermittuntur ea, quæ inuidiam amoliri*

¹ Hist. phil. p. 275.

² cit. loc. p. 589.

possent: inuidiosa conſectaria deducuntur ex ſententia eorum, qui oppugnantur; malignis ſuſpicionibus premuntur: nouitas illis obiicitur, quaſi crimen: conſenſu hominum potentiorum opprimuntur: miſcentur in diſceptationibus, quæ cum iis habentur, multa, quæ ad rem nihil faciunt, ſed quæ inuidia creandæ apta ſunt: in deteriorem partem accipiuntur indifferentia: prouocatio ſit a peritis iudicibus ad imperitos: aduerſarii denique quaſi immorigeri magiſtratribus infamantur. ANDREAS RVDIGER¹ præcipue commendauit modum diſputandi per *enthymemata*, vbi ſic dicta minor propoſitio omittitur. tandem huc quoque referenda eſt ars illa diſputandi, quam nonnulli ex doctoribus eccleſiæ romanæ in præſidium malæ cauſæ adhibent, quippe quæ tribus præcipue momentiſ abſoluitur. *primum* ſolas ſcripturas ſacras a nobis & illis, qui eccleſiæ reformatæ ſe addicunt, veluti vnicum probandi fundamentum poſtulant, nec permittunt, vt conſequentiis vtamur; ſed iisdem verbis propoſitiones noſtras, quibus iſtas pronuntiemus, ex diuinis oraculis demonſtrems. *deinde* officium probandi tantum ad aduerſarios, cum quibus diſputant, pertinere aſſerunt; ſibi vero eſſe integrum, de rebus religionis affirmare, nec affirmationis vllam vel ex ſcripturis, vel antiquitate eccleſiaſtica adferre probationem. *tandem* adtribuunt ſibi quoddam priuilegium, quod ſint in poſſeſſione opinionis ſuæ, qua de re legi poſſunt GEORGIUS CALIXTVS,²

¹ De ſenſu veri & falſi lib. IV. cap. 5. ² de arte noua, quam commentus eſt Bartolæus Nihusiſius.

IO. MVSÆVS, ¹ & GEORGIUS PASCHIVS. ²

§. XLVII. Scriptores, qui artem disputandi exposuerunt, sunt vel *generales*, quo spectant illi, qui logicæ præcepta recentiori ætate tradiderunt, quorum notitiam ex superioribus possumus haurire; vel *speciales*, qui ex instituto argumentum hoc persecuti sunt, modo peculiaribus libris; modo disputationibus academicis. prioris generis sunt ANDREAS KESLERVS *methodo disputandi*, quam I. P. FELWINGER edidit; CONR. HORNEIVS libro de *processu disputandi*; FRID. DEDEKINDVS *artificio disputandi contracto*; IO. CONRAD. DANNHAVERVS *idea boni disputatoris*; IACOBVS THOMASIVS *processu disputandi*; IVSTVS HENNINGVS BOEHMERVS *succincta manu ductione ad methodum disputandi & conscribendi disputationes iuridicas*; IO. FRID. HEINE *methodo disputandi hodierna*: quibus etiam adiungimus *regulas bene disputandi preparantes atque in ipso conflictu adiuuantes* IV. tabulis expositas cura IACOBI GVILIELMI FEVERLINI, item *theses de ratione errores oppugnandi & veritatem defendendi*, quarum auctor est CAROLVS FRANCISCVS BVDDEVS, affinis noster optimus. posterioris generis sunt varii scriptores disputationum huc spectantium, ex quibus tantum commemoramus dissertationes CHRISTOPHORI WEISSENBORNI *de arte disputandi*; WOLFF. CHRISTOPHORI WIGANDI *de detractatione disputationum nonnum-*

¹ De usu principiorum rationis & philosophia in controversiis theologicis. ² de inuentis non-quiquis p. 37. seqq.

quam iusta; IO. BERNHARDI WIDEBVRGII de *variis disputandi modis*; IO. IACOBI LEHMANNI de *certaminibus eruditorum rite instituendis*, vt de multis aliis taceamus.

§. XLVIII. Extremo dissertationis huius attingamus quoque breuiter historiam doctrinæ de *methodo*. voces *methodi* & *ordinis* sunt plerumque vnius significationis, quamuis Përipatetici istas interdum a se distinguant, ita vt methodi officium sit demonstrare; ordinis demonstrationes disponere; ordo pertineat ad integram disciplinam; methodus ad singulas partes: hinc etiam dicunt ordinem iuuare & promouere cognitionem; methodum vero eandem gignere atque efficere, vide CHRISTIANVM THOMASIVM.¹ sed hæc differentia est nullius auctoritatis, siue respiciamus rem ipsam; siue vsum. methodum diuidimus in *uniuersalem* & *particularem*: illa respicit eruditionis partes generatim & ostendit, quo ordine sint cognoscendæ; hæc speciatim veritatem, quæ duplici ratione consideratur, prout ista vel cognoscitur; vel cognita ac percepta aliis proponitur: vnde duplex oritur methodus; altera *meditationis*; altera vero *didactica*, vti adpellatur. de *methodo meditationis* omni fere tempore philosophi solliciti fuerunt, vt ostenderent, quo ordine meditatio sit instituenda hacque cognoscendum verum & falsum, quamuis non omnium labor feliciorem habuerit successum. ex antiquioribus ARISTOTELES libris τῶν ἀναλυτικῶν doctrinam hanc attigit, ac quidem multorum iudiciis solide exposuit, si modo interpretes

¹ Intr. ad phil. analic. cap. X, §. 10.

ipsius opera sua functi fuissent felicius. quapropter ERHARDVS WEIGELIVS, qui magnum decus academix nostræ fuit, edidit *analysin Aristotelicam ex Euclide restitutam, quæ genuinum sciendi modum & naturam restauratæ philosophiæ faciem per omnes disciplinas ichnographice depingeret*, atque in eo inprimis fuit, ut opus ἀναλυτικῶν explicaret recte ac verum illius usum demonstraret. NIZOLIVS ut generatim magno studio philosophiæ Aristotelicæ sese opposuit; sic & censuram in hanc doctrinam exercuit: ¹ quam ob causam DANIEL GEORGIUS MORHOFIVS ² de eo minus honorifice sentiatque obseruat, quod studio partium abreptus multa disputauerit aduersus ipsam veritatis rationem, per occasionem litis cum MAIORAGIO institutæ. SCHOLASTICORVM libri plenissimi nugarum sunt de hac doctrina. primum enim distinctionem fecerunt inter *notiora natura & notiora nobis*, qua posita disputant: *num bona methodus debeat incipere a notioribus natura, an a notioribus nobis?* his expositis, tradunt diuisionem methodi, quæ sit vel *analytica*, vel *synthetica*, vel *definitiuæ*, quam vltimam nonnulli diligentes Aristotelis affectu reiciunt & duas priores retinent. *synthetica* sit, quæ progrediatur a principiis ad principiata, a simplicibus ad composita, a partibus ad totum, & propria sit philosophiæ theoreticæ ac præcipue physicæ; *analytica* vero, quæ a fine progrediatur ad media ac propria sit philosophiæ practicæ. tandem proponunt regulas specia-

¹ De vera ratione philosophandi.

² *polyth. lüster. lib. II. cap. 7.*

les de methodo, quod debeamus agere de nomine, de quaestione an sit? quid sit? quotuplex sit res, de quaestione ὅτι & περὶ τῆ διότι, cuiusmodi praecepta merito perstringit CHRISTIANVS THOMASIVS. ¹ ex doctoribus hisce praecipue IACOBI ZABARELLAE libri quatuor de methodis laudantur, de quibus BARTHOLOMAEVS KECKERMANN ² dicit: *in libris Zabarellae eminent illi quatuor de methodis, quibus lumen omnis methodi, ut & demonstrationis, immo praecipuarum doctrinarum logicarum maximum in germania accendit.* extant illi in operibus ipsius, quae prodierunt MDLXXXVII. fol. vbi etiam legitur apologia aduersus FRANCISCVM PICCOLOMINAEVM, qui ³ Zabarellae doctrinam labefactare adnissus fuerat. alios autem auctores huc spectantes recenset SPACHIVS. ⁴

§. XLVIII. PETRVS RAMVS ⁵ dicit: *methodus est dianois variorum axiomatum homogeneorum pronaturae suae claritate praepositorum, unde omnium inter se conuenientia iudicatur memoriaque comprehenditur.* hinc ut ex ipsius sententia spectatur in axiomatica veritas & falsitas; in syllogismo consequentia & inconsequentia; sic in methodo consideratur, ut per se clarius praecedat, obscurius sequatur, omninoque ordo & confusio iudicatur. atqui ex hac ratione definitio generalissima prima erit: distributio sequetur, quae si multiplex fuerit, praecedet in partes integras partitio, sequetur diuisio in species: partesque ipsae &

¹ Intr. ad phil. antic. cap. X.

³ introd. ad phil. ciuilem p. 24.

⁵ dial. lib. II. cap. 17. seqq.

² prac. logic. tr. II. p. 40.

⁴ nomenclator. philos. p. 247.

species

species eodem ordine sunt rursus tractandæ ac definiendæ, quo distributæ fuerint: & transitionum vinculis, si longior inter eas interfit explicatio, colligendæ sunt. hisce igitur exponit sententiam suam RAMVS ac declarat, quod vnica tantum sit methodus, de qua doctrina BACO de VERVLAMIO¹ hoc tulit iudicium: *de vnica methodo & dichotomiis nil attinet dicere: fuit enim nubecula quædam doctrinæ, quæ cito transit: res certe simul & leuis & scientiis damnosissima. etenim huiusmodi homines, cum methodi suæ legibus res torqueant, & quæcunque in dichotomias illas non apte cadant, aut omittant, aut præter naturam inflectant, hoc efficiunt, vt quasi nuclei & grana scientiarum exilient, ipsi aridas tantum & desertas siliquas stringant. itaque inania compendia parit hoc genus methodi, solida scientiarum destruit.*

§. L. Dictus BACO de VERVLAMIO ipse² in hac doctrina de methodo inuenisse noua sibi visus est: quamuis nec satis distincte, nec perspicue sententias suas declarauerit, vt bene DANIEL GEORGIUS MORHOFFVS³ obseruat & summam ipsius doctrinæ exhibet, quam heic repetere, non necesse est. in primis extitit CARTESIVS, qui peculiarem dissertationem scripsit de *methodo*, qua illius duas species *analyticam* & *syntheticam* proposuit, ac præcipue artem hanc ad mathesin adplicavit. ex quo tempore mathematici methodum dictam *mathematicam* singulari cura & studio coluerunt, qua principia quædam generalia

¹ *Augm. scientiar. lib. VI, cap. 2.* ² *cit. loc.* ³ *polyb. lister, lib. II, cap. 7. §. 45.*

ponuntur, id est definitiones, axiomata & postulata, ex quibus deinde certissimæ conclusiones deducuntur, cuius regulas ex scriptoribus logicæ AUCTOR *artis cogitandi*¹ & IO. CLERICVS² tradiderunt. quod ad inuentionem illius adtinet, methodus ipsa iudicatur antiqua, quum ALCINOVS³ Platonem adhibuisse ἀνάλυσιν & σύνθεσιν commemorat: confer PETRUM GASSENDUM.⁴ inter σύνθεσιν vero veterum & methodum mathematicam hæc differentia fuisse videtur, quod illa ex quibuscumque principiis efficiat conclusiones; hæc vero certa principiorum genera certumque eorum ordinem requirat. atqui hanc EUCLIDI mathematico, veluti auctori adtribuunt, teste STURMIO:⁵ *Euclides autem primus est, qui omnia Geometrica collegit, collecta in quindecim elementorum libros digessit, negligentiusque probata accuratius demonstrauit*: adde GERH. IO. VOSSIVM.⁶ præ aliis istam diligentissime exposuerunt TSCHIRNHAVSIUS⁷ & celeberrimus CHRISTIANVS WOLFFIVS:⁸ nec non fuerunt, qui istam ad alias disciplinas adcommodarunt, VTPETRVS DANIEL HVETIVS *demonstratione evangelica*; & HERMANNVS CONRINGIVS *concussione fundamentorum fidei pontificiæ* ad res sacras; SAMVEL vero PVFENDORFIVS ad iurisprudentiam vniuersalem. at vero nostra ætate ANDREAS RVDIGER prout magnum

1 Part. IV. 2 part. III. cap. I. seqq. 3 de doctrina Platonis cap. V. 4 de orig. & variat. logic. cap. IV. 5 mathes. iuuen. part. I. p. 369. 6 de scientiis mathematicis. 7 medicin. mentis part. II. 8 commentatione de methodo mathematicæ, & in logica.

studium in id contulit, ut differentiam mathematicos & philosophiæ demonstraret; sic quoque observauit, quod methodus mathematica non omnibus disciplinis possit adplicari ac ratiocinatio philosophica & mathematica maximo pere differant. tradidit quoque methodum, quam adpellat *mathematica æmulam*, quippe qua observatur primum sensio, siue interna, siue externa, siue vtraque; deinde vero definitio, rum diuisio, item axiomata, conclusiones & scholia, secundum quem ordinem syntheticum conscripsit *institutiones eruditionis*. nec negari potest, quod multi magno cum detrimento veritatum abusi fuerint methodo mathematica, id quod exempla CARTESII, BENEDICTI SPINOZAE in *ethica*; RAPSONI *demonstrationes de deo* satis confirmant. ceterum fuerunt, qui diuisionem methodi in *syntheticam* & *analyticam* non magni fecerunt, quo spectant CHRISTIANVS THOMASIUS¹ & GOTTL. GERH. TITIVS.²

§. LI. Haftenus de methodo meditationis, quam sequitur *methodus didactica*, cuius doctrina græca voce quoque adpellatur *methodologia*. recentiores præcipue scriptores logicæ elaborarunt, non solum viam ad cognitionem veritatis commonstrare, sed quoque ostendere, quomodo per officia humanitatis obligati debeamus cum aliis communicare de cognitis veritatibus, quibus commoda mortalium vita promouetur. quapropter doctrinam hanc logicæ vindicarunt BAYERVS,³ IO. CLAV-

¹ *Introd. ad phil. ration. c. XII. §. 31.*
³ *cynosura mentis part. III. p. 373.*

² *art. cogit. c. XV. §. 8.*

BERGIVS, ¹ CHRISTIANVS WEISIVS, ² CHRISTIANVS THOMASIVS, ³ IO. FRANCISCVS BVDDEVS, ⁴ IOACHIMVS LANGIVS, ⁵ EPHRAIM GERHARD, ⁶ ANDREAS RVDIGER, ⁷ IO. FRIDEMANN SCHNEIDER, ⁸ CHRISTIANVS WOLFFIVS ⁹ aliique. methodus hæc considerari potest vel ratione obiecti, quod tractandum nobis elegimus; vel ratione auditorum ac discipulorum, quorum conditioni istam accommodamus. ratione auditorum diuiditur methodus in *acroamaticam* & *exotericam*, cuius discriminis vestigia in antiquis monumentis deprehendimus, quo spectat distinctio scriptorum ARISTOTELIS in *exoterica*, quæ CICE-RO adpellat *populariter scripta*, & *acroamatica*, qua de re legi possunt MELCHIOR ZEIDLERVS, ¹⁰ OCTAV. FERRARIVS, ¹¹ GOLDASTVS, ¹² & alii, quos recenset IO. ALBERTVS FABRICIVS. ¹³ ad exotericam docendi rationem *paranetica* quoque & *paradigmatica* refertur, quas aptas nonnulli iudicarunt ad mouendos animorum adfectus ideoque in primis in tradenda doctrina de moribus adhibuerunt. præter has methodos adhuc aliæ sunt: methodus quippe per *dialogos*, quam diligenter illustrauit GEORGIVS PA-

¹ *Logic. part. II.* ² *doctr. logic. P. II. lib. II.* ³ *introd. ad phil. aulic. cap. XII.* ⁴ *phil. instrum. part. III.* ⁵ *medic. ment. part. IV.* ⁶ *delin. phil. rational. lib. II. cap. 8. seqq.*
⁷ *de sensu veri & falsi lib. IV. c. 4.* ⁸ *fund. phil. rat. c. 7.*
⁹ *von den kräften des menschlichen verstands cap. XIII.*
¹⁰ *de genuino veterum docendi modo exoterico & acroamatico.*
¹¹ *libr. II. de sermonibus exotericis.* ¹² *de cryptica veterum philosophorum disciplina.* ¹³ *biblioth. græc. lib. III. c. 6. p. 176. & bibliograph. cap. XLX. §. 3. p. 606.*

SCHIVS; ¹ item per *symbola*, qua ex vetustioribus præcipue vius est PYTHAGORAS, per *fabulas*, quibus & veteres & recentiores doctrinas morales proposuerunt, vide IO. ALBERTVM FABRICIVM, ² quo & spectant scriptores rerum publicarum fictarum & commentitiarum, quod argumentum persecuti sunt GEORGIVS PASCHIVS ³ CAROLVS ARNDIVS, ⁴ & IO. ALBERTVS FABRICIVS. ⁵

§. LII. Sed hæc sufficiant speciminis loco. nobis enim neutiquam fuit propositum, pleniore stilo historiam omnium doctrinarum, quas complectitur logica, tradere; sed tantum elaborauimus; per exempla quædam commonstrare, quomodo talis historia consignanda esset litteris, hancque in rem adiumenta quædam indicare. ceterum ex illis, quæ diximus, non obscure possumus cognoscere, quæ fata fuerint doctrinarum logicæ, quid debeamus antiquis, quidue præstiterint recentiores.

¹ De variis modis moralia tradendi cap. I.

² bibl. grac. lib. II. cap. 9. §. 14.

³ diatrib. de fictu rebus.

⁴ bibl. politic. herald. p. 400.

⁵ bibl. antiqu. cap. XIV. §. 16. p. 490.

LIBRI II.
DE
PROGRESSV AC FATIS
LOGICAE.
CAPVT III.
DE
VARIIS MODIS LOGICAM
TRADENDI SPECIATIM.

Σ Τ Ν Ο Υ Ι Σ.

Dicendorum summa. §. I. Varii modi logicam tradendi generatim indicantur. §. II. modus, logicam tradendi per symbola. §. III. per hieroglyphica. §. IIII. per exempla. §. V. VI. quid sentiendum sit de his commemoratis modis. §. VII. de syncretismo logico. §. VIII.

§. I.

DUO sunt momenta, ad quæ in hac logicæ historia animum debemus aduertere, quorum alterum spectat ad scriptores, qui arti huic manus operasque admouerunt; alterum ad ipsam doctrinam, quæ duplici ratione potest considerari, partim ratione obiectorum, quæ proponuntur; partim ratione formæ siue modorum, quibus materiæ explanantur & traduntur. de priori disseruimus breuiter capite superiori: quapropter ordo postulat, ut ad posterius quoque momentum adgrediamur.

§. II. Varii sunt modi disciplinas adeoque etiam logicam tradendi, quos cum methodis
haud

haud confundere debemus. methodus enim respicit præcipue ordinem doctrinarum, quo istæ inter se connectuntur ac proponuntur, id quod variis modis, quamuis vbiq̃ue vna atque eadem methodus obseruetur, fieri potest, quemadmodum diuersis methodis eundem modum possumus adplicare. quod ad methodos adtinet, quibus logicæ conscriptæ sunt, de illis supra disputauimus: quibus de causis iam nobis in animo est, dispicere tantum de variis modis logicam tradendi a nonnullis obseruatis. GEORGIUS PASCHIVS edidit librum omnino elegantem de *variis moralia tradendi modis*, cuius exemplo incitatus IACOBVS GVILIELMVS FEVERLINVS cœpit, quibusdam dissertationibus eadem ratione de variis modis logicam tradendi edifferrere, atque obseruauit, ¹ logicam proponi posse vel ornate, vel nude sine quodam ornatu; ornamenta vero petenda esse vel ex loco similia, quo etiam spectent *symbola, emblemata, hieroglyphica*; vel ex loco exemplorum, vel testimoniorum.

§. III. Logica igitur tradita est per symbola, id est per effata translata, grauiora & breviora, quorum sententiæ non facile intelligi ac præcipi possunt. quamuis nemo quidem integrum compendium logicæ per symbola conscriptum vsui publico tradiderit; FEVERLINVS tamen existimat, quod ex symbolis PYTHAGORAE quædam eligi possent, quæ huc spectarent, e. g. quum dixerit: *vias publicas declinato*, quod symbolum ita explicant:

¹ *Dissert. de variis modis logicam tradendi cap. I. §. 4.*

non debemus sequi opiniones plebis, quippe quæ certo iudicio carent neque extra controuersiam sunt posita, vide THOMAM STANLEIVM. ¹
ad cuiusmodi sensum logicum alia possent accommodari, aut ad ipsorum imitationem quædam fingi, cuius logicæ symbolicæ ipse FEVERLINVS specimen exhibet:

symbolum I. *Palladis effigiem atque caput Medusæ ob oculos tibi pone,*

id est, perfectiones atque imperfectiones, siue vitia intellectus humani animo tuo probe considera.

symbol. II. *ollæ vestigium ab cinere tollito,*
h. e. obscuros atque confusos conceptus euitato, eosdemque a mente remoueto.

symbol. III. *augustum annulum ne gestato,*
i. e. caueas tibi a philosophia sectaria omnibusque præiudiciis.

symbol. IV. *cum ea, quæ aurum habet, ne congregitor ad liberos procreandos,*
hoc est, præiudicia auctoritatis extirpato.

symbol. V. *per viam publicam ne vadas,*
h. e. præiudicia a multitudine idem sentientium desumpta exue.

symbol. VI. *in Chænice non sedendum,*
id est, præiudicia avaritiæ sunt deponenda.

symbol. VII. *Apollinem Pythium ex animo tuo eiicito,*
h. e. præiudicia ambitionis e mente tua deleta.

symbol. VIII. *sine lumine ne loquitor,*
h. e. de rebus non satis intellectis iudicium suspende, siue sobrie dubita.

symbol. VIII. *in meridie somno ne indulge,*

¹ *Hist. philos. p. 794.*

id est, in rebus euidentibus non amplius est dubitandum.

symbol. X. *non nisi Apellis picturas in atrio tuo suspendito,*

h. e. operam dato, vt accuratas, veras atque distinctas ideas animo complectaris.

symbol. XI. *in poculi fundo residuum non relinquendum,*

h. e. scientiæ omnesque illarum partes solide sunt pertractandæ.

symbol. XII. *cogita, cibum in matulam non iniici,*

i. e. perpendas, eruditionem veram & quæ cum sapientia coniuncta est, mentem non impuram requirere, atque hinc non tantum intellectum; sed voluntatem quoque expurgare studeas.

§. III. Adhæc logica tradita est per *hieroglyphica*, id per imagines rerum creatarum modo sculptas, modo pictas sine quadam inscriptione, quibus res, quæ in logica exponuntur, per similitudinem quamdam indicarunt. quo referri potest STANISLAVS MINK VON WEINSHEVN, quo ficto nomine intelligendus est IO. IVSTVS WINCKELMANNVS, vt DANIEL GEORGIUS MORHOFIVS¹ & VINCENTIVS PLACCIVS² obseruarunt. hic præcipuas antiquioris logicæ doctrinas per diuersas figuras & *imagines turpes, atroces, terribiles, absurdas, incredibiles, inauditas, nouas, raras, visu delectabiles, ridiculas*, vt ipse præfatione dicit, vnica tabula repræsentauit, cuius interpretationem

¹ Polyb. lister. lib. II. c. 6. §. 48. ² theatro anon. & pseud.
pag. 444.

fecit libro quatuor plagularum huius inscriptionis: *logica memoratiua, cuius beneficio compendium logica Peripatetica breuissimi temporis spatio memoriae mandari potest*, Hal. Saxon. MDCLIX. 12. vt exempla quædam inde exhibeamus, definitionem logicæ his figuris repræsentauit: *Aristoteles sedens meditabundus* indicat, logicam esse habitum animi, non corporis: *clauis*, quam dextra sua tenet, significat, logicam non esse scientiam; sed clauem scientiarum: *malleus* sinistræ manus, logicam esse habitum instrumentalem; *ungula solida & bifida incudi imposita* notant, logicam verum a falso accurate discernere. atqui hac ratione speciales logicæ doctrinas per tales imagines tradit: sic genus inter prædicabilia indicatur per *columbam*, quia columba sit inter animalia multæ generationis; vniuoca pinguntur *capite humano*, e cuius ore vna cum sono vocis centaurus emittatur, quia animal dicatur de homine & bruto: quatuor proprii modos per *medicum, duos pedes, caput canum & faciem ridentem* delineat, vt de aliis taceamus. huic adiungimus THOMAM MURNERVM, cuius charitulum hac inscriptione in lucem publicam emissum est: *charitulum logica seu logica poetica vel memoratiua R. P. Th. Murner, Argent. ord. Minorum; opus, quod centum amplius annos in tenebris latuit, erutum & in apertam seculi huius curiosi lucem productum opera, notis & coniecturis Ioann. Balesdens, Parisiis MDCXXIX. confer MATTH. BERNEGGERVM.*¹ tertius sit IO. SEOBALDVS FABRICIVS, professor quondam Hei-

¹ Orat. II, de paranda doctrina modis illegitimis,

delbergenſis, qui anno MDCLXV. edidit *theatrum hieroglyphicum*, quo continetur idea hieroglyphica vniuerſæ philoſophiæ, in quinque partes diſtributæ, quarum prima philoſophiam vniuerſalem; ſecunda rationalem; tertia naturalem; quarta poſologiam & quinta moralem complectitur. tandem IACOBVS GVILIELMVS FEVERLINVS peculiari diſſertatione *de logica hieroglyphica* ſpecimen illius dedit, Lipſiæ MDCCXII.

§. V. Commemorandæ quoque ſunt logicæ *paradigmatica*, quarum ſcriptores præcepta exemplis modo ex variis litterarum diſciplinis ſimul; modo ex peculiari quadam doctrina petitis illuſtrarunt, ita vt, ſi poſterius genus illarum reſpiciamus, recensere poſſimus logicas cum *theologicas*, tum *iuridicas*. laudatus IACOBVS GVILIELMVS FEVERLINVS anno MDCCXV. Altdorſii edidit programma *de logicis paradigmaticis theologis, iuridicis aliſque*, quod quum idem argumentum breuiter perſequi, nobis ſit propoſitum, adiumento fuiſſe, ingenue profiteamur. ſcriptores logicarum theologicarum ſunt

ANDR. GERHARDVS HYPERIVS, theologus Marpurgenſis, qui ſcripſit *topica theologica*, quæ edita ſunt poſt obitum auctoris cura CHRISTOPHORI FROSCHOVERI, Witteb. MDLXV.

CASPAR OLEVIANVS, cui debemus *fundamenta dialectica*, quæ exemplis ex ſacra diſciplina deſumptis illuſtrauit.

IACOB. RENECCIVS, qui ſcripſit *clauem ſacro-ſanctæ theologiæ*, cuius libro priore
Fff 5 conti-

continetur dialectica exemplis sacris illustrata.

IO. HENR. ALSTEDIVS, cuius studio prodiiit *logica theologica*.

SALOMON GLASSIVS, qui reliquit *logicam sacram*, quæ post ipsius fata cura IO. GOTTFR. OLEARII philologiæ sacræ, quam huic summo theologo debemus, accessit.

PHIL. ZEISOLDVS, cuius *logica sacra noui testamenti* lucem vidit publicam.

IO. PAVL. HEBENSTREIT, cuius heic mentionem facimus propter *institutiones logicæ sacræ*, quas edidit.

REINH. HENRICVS ROLLIVS, qui conscripsit *breuiarium logicæ sacræ*.

IO. ANDR. SCHMIDTIVS, cui adtribuitur *logica sacra*, quæ Helmstadii cura CORN. DIETERICI KOCHII prodiiit.

IUSTVS WESSELVS RVMPAEVS, cui debemus *institutiones logicæ sacræ latino-germanicas*.

præter quos adhuc possemus commemorare SELDII *topica Caluiniana*; KESLERI *examen logicæ Photiniana* & multos alios huiusmodi scriptores; nisi breuitatis studio teneremur, quam iam lubentius sectamur, quum opere hoc clarissimus FEVERLINVS functus fuerit feliciter. quapropter id tantum obseruamus, quod hoc genus scribendi logicam ideo a multis fuerit adhibitum, vt philosophiæ ac speciatim disciplinæ, quæ functiones intellectus dirigit, dignitatem ac pretium restituerent ac cultoribus musarum sacrarum demonstrarent, quam utilis ac necessaria ipsis quoque sit

fit cultura logicæ. nam quum felici tempore ac diuinis auspiciis cælestis doctrina, quæ multas sordes contraxerat sibi per summam hominum malitiam, purior redderetur ac philosophia scholastica de dignitatis suæ sede deiiceretur, factum est, vt omnes philosophiæ literæ suam amitterent gratiam. quo nomine de mediis ad conseruandam philosophiæ, etiam logicæ auctoritatem cogitare cœperunt, ex quibus tale institutum, quo hæc doctrinas ad scripturas sacras adcommoabant, fructuosum esse censebant.

§. VI. Eodem instituto nonnulli scripserunt *logicas iuridicas*, id est præcepta artis cogitandi ad iurisprudentiam adcommoabant & exemplis huc spectantibus illustrarunt, quorum principes commemoramus. sic recensentur

NICOLAI EVERHARDI *topica iuris*, siue *loci argumentorum legales*, quos nonnulli breuiores ediderunt, & inter hos GEORGIVS ADAMVS BRVNNERVS in *synopsi locorum legalium Euerhardi*.

FRANCISCI HOTOMANNI libri quatuor *dialectica institutionis*, quibus adhuc præter exempla ex iurisprudentia depromta, alia occurrunt.

IO. THOMÆ FREIGII libri duo de *logica iure-consultorum*.

MARTINI SCHICKARDI *logica iuridica*, complectens regulas, præcepta & modum argumentandi per inductiones & interpretationes legum.

IO. SCHILTERI *praxis artis analytica in iurisprudentia*.

ADRIANI BEYERI *logica iuridica*.

CHRI-

CHRISTIANI WEIDLINGII *philosophia iuridica*, tabulis comprehensa, qua etiam deprehenduntur praecepta logica;

ut de aliis taceamus, quos iam collegerunt GEORGIVS PASCHIVS,¹ BVRC. GOTTHELF. STRUVIVS,² IACOBVS GVILIELMVS FEVERLINVS,³ & IO. HENR. ACKERVS.⁴ a studio erga PETRI RAMI dialecticam institutum hoc, quo conscripserunt logicas iuridicas, manasse, non immerito iudicat CHRISTIANVS THOMASIVS.⁵ etenim quum magnus impetus fieret aduersus RAMVM, iuri consulti praecipue causae ipsius favebant, amplectebantur praecepta eius dialecticae, componebant ad illius methodum compendia iuris, defendebant RAMVM contra assecclas & sectatores Aristotelis, quod exempla RENNEMANNI, TREVTLERI atque aliorum confirmant, atque hac occasione cogitabant de logicis iuridicis conscribendis & *locis legalibus topicis*, uti dicuntur.

§. VII. Nunc breuiter exponamus, quae de adhuc commemoratis modis logicam tradendi, sentiamus. quod ut fiat accuratius, ponimus ante, quod bona tractandi ratio debeat esse consentanea & indoli rerum, quae proponuntur, & conditioni auditorum & discen-
tium, quod utrumque efficit, ut ratio haec sit cum solida, tum facilis, quorum illud respicit res; hoc vero discentes. quod quum ita est, sicuti est, non possumus probare rationem logicam tradendi per *symbola* & *hieroglyphica*,

¹ De inuentu non-antiquis p. 26.

² bibl. iurid. cap. VI. §. 2.

³ cit. progr.

⁴ suppl. bibl. phil. Struvii p. 48.

⁵ canst. circa praecogn. iurisp. c. X. §. 17. seqq.

quæ

quæ ex ipsa horum scriptorum sententia infer-
vire debent imaginationi & per hanc memo-
riæ; hinc ipse IO. IVSTVS WINCKELMAN-
NVS, cuius tabulam supra commemorauimus,
profiteretur, se istam composuisse in gratiam
puerorum, quorum *memoria ad retinendas di-
ctiones & res per tales imagines representatas
præclare afficiatur*; & appellat interpretatio-
nem illius tabulæ *logicam memoratiuam*. at
vero, si ad genuinæ logicæ artem spectamus,
ista sane non pertinet ad memoriam; sed opus
est iudicii, quod bene quoque DANIEL
GEORGIUS MORHOFIVS¹ obseruat, *cum
enim*, inquit, *iudicii vim potissimum talis di-
sciplina requirat, æque ideo a pueris apprehendi
satis possit, eius per phantasiam nouis imagini-
bus imprægnatam turbabuntur circuli*. si etiam
logica præcipue memoriæ subsidio addiscenda
esset, quod de scholasticis nugis, quæ contine-
bant tantum terminos, certa ratione dicere
possumus; minus tamen adiumenta, quæ
WINCKELMANNVS & MVRNERVS dede-
runt, debent laudari. hæc enim via, aliquid
memoriæ tradendi, difficilis est admodum
multisque circumsepta incommodis, quippe
qua necesse est, primum significationes ima-
ginum ac figurarum percipere ac posthac vi
imaginationis istas menti repræsentare ac reti-
nere memoria cum ipsas imagines, tum res,
quæ illis significantur. quibus rationibus &
hanc addere possumus, quod imagines, quas
exhibuerunt WINCKELMANNVS & MVR-
NERVS, sint horridæ, absurdæ, nullam ha-

¹ *Polyh. litter. lib. II. cap. 6. §. 48.*

bentes

bentes similitudinem cum rebus, quas debent indicare: quapropter MATTHAEVS BERNEGGERVS¹ de chartiludio MVRNERI ita iudicat: *huius farinae videri queat Monachi cuiusdam ordinis minorum Thomæ Murneri Argentoratensis doctoris theologiæ chartiludium scriptum annis abhinc centum, & quod excurrit: cuius ope intra spatium vnius mensis etiam indoctos ac rudes artis logicæ miraculum vsque peritos effecisse se iactat, vt suspicio suboriretur, aliquid magicarum artium interuenisse. pollicitus etiam est, se daturum quatuor libros institutionum Iustinianearum in similem chartularum lusoriarum formam redactos. quo præclaro munere an studiosos iuris beauerit, mihi non constat, nec enim vidi. logicum chartiludium vidi stoliditatem artis vanissimæ detestatus. institutum autem illorum, qui logicas exemplis sacris & iuris illustrarunt, vt PETRVS RAMVS exempla ex scriptis poëtarum atque oratorum adferebat; penitus reiicere nolumus, siquidem exemplis interdum magna vis inest ad præcepta facilius capienda; si modo propter hæc ornamenta logicas haud inscripssissent theologicas & iuridicas. inscriptiones enim librorum respicere debent rem ipsam principalem, aut simul methodi rationem, quorum neutrum per exempla mutatur. ceterum & hodie multi vtuntur hoc instituto in academiis, quum litterarum studiosis polliceantur, se in recitationibus interpretari velle logicas iuridicas, item theologicas, eum in finem, vt iuuenes maiori copia*

¹ Orat. II. de paranda doctrina mediū illegitimum.

confluant ad audiendas lectiones, id quod sæpe cum fraude quadam coniunctum esse, censemus.

§. VIII. Nonnulli instituerunt conciliationes inter diuersos philosophos, etiam inter philosophos & sacras scripturas, quod fecerunt in omnibus fere philosophiæ partibus, ut paullo post generatim obseruabimus. idem quoque accidit logicæ, quum quidam Ramum cum Aristotele & Philippo Melanchthone conciliare elaborauerint, cuiusmodi scriptores supra ¹ commemorauimus. sic quoque GEORG. PAULL. ROETENBECCIUS, logicæ & politicæ in academia Altdorfina professor quondam clarissimus, edidit *logicam veterem & nouam*, quæ prodiit MDCCIII. nec tale institutum, talem logicam scribendi modum probare possumus, quoniam multa incommoda ex conciliandi studio oriuntur. nam aliud est, num possimus instituere conciliationes; aliud num istæ sententiis auctorum, quæ inter se conciliantur, respondeant, quod posterius plerumque haud respiciunt, præcipue quum in talia studia sæpe per prauos adfectus deducantur. quo nomine trahunt philosophorum placita in sententias ab ipsorum mente omnino alienas, atque ea, quæ sibi contradicunt ac repugnant, quorum omnino aliud debet esse falsum; aliud verum, inter se volunt conciliare, quo fit, ut errores propagentur, nec nouæ veritates possint excogitari.

¹ Lib. II. c. I. sect. 3. §. 7.

LIBRI III.

DE

VARIA EXISTIMATIONIS
LOGICÆ FORTVNÆ.

CAPVT I.

DE

FORTVNÆ PROSPERIORI.

ET NOYIS.

Dicendorum summa. §. I. de fortuna prosperiori logicæ tempore vetustiori. §. II. III. tempore recentiori, ubi ostenditur, quid ad hanc felicitatem reformatio doctrinæ sacre per Lutherum contulerit. §. IIII. felicitas logicæ, quum a nugis scholasticorum fuerit purgata. §. V. illius fortuna per philosophiam ecclasticam. §. VI. VII.

§. I.

QUod non omni tempore eadem fata fuerint artis logicæ, ex dictis colligi potest haud obscure: quam factorum diuersitatem iam breuiter exponamus, & simul in causam illius inquiramus. disputabimus igitur de varia logicæ fortuna, quæ fuit modo prosperior, modo aduersa, quod vt fiat distincte atque accurate, necesse est, breuibus interpretari, quid per hanc duplicem fortunam intelligamus. prospera logicæ fortuna haud dependet tantum a cultu illius ac magno illorum numero, qui tradunt se eius culturæ, ac scripta logica in publicam emittunt lucem, quod si ita esset, ars hæc tempore scholasticorum in summum felicitatis fastigium fuisset euecta. quapropter
felix

felix potius pronuntianda est disciplina quædam, si secundum suam indolem ita colatur, ut utilitatem, quæ inde debet proficisci, cultoribus possit præbere. quod si ita est, sicuti est, prosperiorem logicæ fortunam a modo istam tradendi & colendi merito deriuamus, qui naturæ atque indoli eius consentaneus esse debet. dantur autem gradus huius felicitatis: prospera quidem fruitur logica fortuna, si viri negotio huic sese consecrant, qui & iudicio & animo veritatis studiosissimo valent; prosperior tamen ista erit, si per rationem status civilis & ecclesiastici ista, quæ acutissimus philosophus excogitavit bene, possint feliciori propagari successu. quod si hæc a se velimus distinguere, possumus priorem adpellare fortunam *priuatam*; posteriorem vero *publicam*, quam utramque respiciamus.

§. II. Tempore vetustiori interdum logicæ erat fortuna prosperior priuata; minus autem publica. nam quamuis multi ex philosophis græcis eclecticam philosophiam tractandi rationem sequebantur, quod exempla SOCRATIS, PLATONIS, ARISTOTELIS, EPICVRI & aliorum confirmant; ipsi tamen hoc philosophiæ genus discipulis suis haud commendabant, sed ut isti in verba sua superstitioso cultu iurarent, elaborabant. quapropter primus omnino fuit POTAMON ille *Alexandrinus*, qui scholam eclecticam constituit, quam differentiam si obseruamus, facile possunt conciliari diuersæ sententiæ, quod nonnulli originem philosophiæ eclecticæ, quam LIPSIVS & VOSSIVS *electiuam* dicunt, nominato POTAMONI vindicent; alii autem

Ggg

istam

istam a vetustiori ætate repetendam esse censeant. nam quamvis ARISTOTELES, EPICVRVS a doctrinis suorum magistrorum discesserint; ipsi tamen haud scholas eclecticas constituerunt, id quod fecit POTAMON, quam in rem pluribus legi possunt WESENFELD, ¹ IO. CHRISTOPHORVS STVRMIVS; ² GOTTFRIED OLEARIVS, ³ IO. HENRICVS ZOPFFIVS. ⁴

§. III. Prosperior igitur fortuna logicæ multum debet primum SOCRATI, qui quamvis nihil scripserit; studio tamen veritatis occupatus sophistis atque auctoribus fallaciarum sese opposuit, & acuta iudicii facultate præditus, viam monstravit ad veritatem eruendam cognoscendamque. cui addimus ARISTOTELEM, quippe qui de meliori artis huius facie multum meritus, ac primus operi huic manus admouit, vt illud ad certam formam redigeret, etiam præcepta non penitus contemnenda dedit, si modo eius sectatores atque affectæ pari fide, eruditione atque industria salutem huius disciplinæ promouere atque augere voluissent. tertius est EPICVRVS, cuius canones, quamvis sint breuiores, superioribus iure ac merito multa adfecimus laude, quoniam solida atque vtilia contineant præcepta, a multis aliis philosophis haud cognita, multo minus tradita. atqui hi sunt, quos ex antiqua ætate nominare possumus. plures quidem adhuc logica præcepta scripserunt

¹ Dissertationibus de philosophia sectaria & eclectica.

² dissert. de phil. electu. t. 1 diff. academ.

³ diff. de philof. eclectica addita Stanleii hist. phil.

⁴ de origine philosophia eclectica,

aliosque docuerunt, quorum & supra copiosum fecimus indicem; illis tamen prosperior disciplinæ fortuna non multum debet, quoniam plerumque sequebantur magistros, atque accessiones, quibus nonnulli istam auxerunt, leuioris erant momenti.

§. III. Tempore medio fortuna logicæ erat durior; quam autem felicius sidus ortum sequebatur; quum cælestibus auspiciis LUTHERVS noster doctrinas diuinas purgare ac pristinam lucem restituere nobis institueret, quo factum est, vt non solum religio christiana; sed & bonæ litteræ, & in his musæ philosophicæ priorem dignitatem, puritatem ac splendorem reciperent: ab hoc tempore sanæ libertatis cogitandi, per tot secula penitus oppressæ & in perniciosissimam seruitutem immutatæ fundamentum ponebatur, quæ posthac sensim ac sensim redire cœpit, in quo maximum fortunæ logicæ momentum positum esse, iudicamus. ipse LUTHERVS alienus fuit a studio sectarum, ac præcipue philosophiæ Aristotelicæ. iam anno MDXVI. Iodoco Isenacensi epistola quadam multas dubitandi rationes aduersus Aristotelem & Porphyrium significauerat; & anno MDXVII. ipso præside disputatio quædam a M. FRANCISCO GVNTHERO habita, in qua Lutherus de Aristotele ita sentit: *tota fere Aristotelis ethica pessima est gratia inimica. error est, Aristotelis sententiam de felicitate non repugnare doctrinæ catholicæ. error est, dicere, sine Aristotele non*

Tom. I. l. 1. c. 1. p. 8.

fit theologus. immo theologus non fit, nisi id fiat sine Aristotele. nulla forma syllogistica tenet in terminis diuinis. non tamen ideo sequitur, veritatem articuli trinitatis repugnare formis syllogisticis. si forma syllogistica tenet in diuinis, articulus trinitatis erit scitus & non creditus. breuiter, totus Aristoteles ad theologiam est tenebrae ad lucem. bonum erat ecclesiae, si theologis natus non fuisset Porphyrius cum suis vniuersalibus. vnitatioues definitiones Aristotelis videntur petere principium, vt de aliis testimoniis taceamus, ex quibus patet haud obscure, quod Lutherus Aristotelis logicam, ethicam & physicam minus probauerit. nec deerant, qui hac in causa ad Lutheri sententiam accedebant, vt demonstrat IO. HERMANNVS ab ELSWICH. ¹

§. V. Non negamus, quod Lutherus interdum iusto vehementior fuerit erga Aristotelem; quæ in re autem facile per temporis illius rationem & nimia ac bona studia in puriorem doctrinam debet excusari. ceterum quamquam Aristoteles non penitus de sede auctoritatis ac dignitatis deiiciebatur, præcipue quum PHILIPPVS MELANCHTHON ipsi multum esset addictus; philosophia tamen scholastica magnum capiebat detrimentum ac noua illius facies oriebatur, ex quo logica quoque multa bona liberali spe sibi poterat polliceri. alii operam studiumque collocabant in humanioribus litteris resuscitandis & barbarie scholasticorum profliganda, IO. LVDOVICVS VI-

¹ Sched. de varia Aristot. in schol. profligant. fortuna §. 10, pag. 9.

VES, LAURENTIUS VALLA, MARIVS NIZOLIVS; alii reiecta scholastica philosophia, Aristotelem ipsum eligebant, in quibus Itali imprimis eminuerunt. ac quamvis PHILIPPVS MELANCHTHON compendia philosophica ex Aristotele ita componeret, vt interdum ornamenta quædam ex elegantiori doctrina adferret & a magistro ac duce discederet, quæ multorum adplausum nacta sunt; fuerunt tamen alii ex germanis, qui exemplis Italorum purum Aristotelem reuocare voluerunt, quales sunt PHILIPPVS SCHERBIVS, MICHAEL PICCARTVS, ERNESTVS SONNERVS, CHRISTIANVS DREIERVS, MELCHIOR ZEIDLERVS, IO. ZEISOLDVS. equidem seculo sexto & decimo PETRVS RAMVS ab Aristotele magno strepitu discessit, suoque exemplo præclare demonstravit, ab vnius auctoritate haud veram pendere philosophiam; minus tamen de Aristotelis sectatoribus potuit triumphare.

§. VI. Hac ratione logica a nugis scholasticorum liberata fuit, quæ felicitas non exigua quidem; nondum autem consummata erat, quum disciplina hæc neutiquam ea ratione coleretur, vt munus de cognoscenda veritate potuisset præstare. quapropter seculo decimo septimo feliciora adhuc tempora oriebantur, quibus accessiones maximi momenti logicæ fiebant, hæcque ars nobilissima noua induebatur facie: scilicet FRANCISCVS BACO DE VERVLAMIO in philosophia naturali viam monstrabat ad eiusmodi illius culturam, quæ non aliorum auctoritate; sed propria observatione & meditatione absoluebatur, quem

alii & ex Germanis præcipue DANIEL SEN-
NERTVS & qui ipsius causam egit IO. SPER-
LINGIVS, secuti sunt. accedebant opera
magnorum virorum PETRI GASSENDI &
RENATI CARTESII, quippe qui in philo-
sophiam Aristotelis magnos impetus institue-
bant multaque adferebant ad stabiliendam
eclecticam rationem philosophiæ, quamvis
GASSENDI merita adhuc ampliora esse,
quam CARTESII censeamus. præter hos,
iuris naturæ doctores multas operas ac labo-
res in libertatem philosophicam, libertatem
cogitandi e exilio reuocandam contulerunt,
hocque ipso solidum ac verum fundamentum
prosperioris logicæ posuerunt. HVGGO GRO-
TIVS magni quidem fecit Aristotelem, ac va-
rias doctrinas scholasticorum retinuit; ita ta-
men vt simul libertatem cogitandi vsurpaue-
rit; hinc dicit: *nobis propositum est, Aristote-
lem magnificare, sed cum ea libertate, quam
ipse sibi in suos magistros veri studio indulsit.*
quid multa? GROTIVS tempori inseruiebat,
& vt operi suo multorum fauorem concilia-
ret, discerebat varia ex mente scholasticorum,
quamvis animo suo ista nullius esse momenti,
nulloque niti fundamento cognosceret. hu-
ius exemplo incitati THOMAS HOBBSIVS,
SAMVEL PVFENDORFIVS, CHRISTIA-
NVS THOMASIVS, IO. FRANCISCVS
BVDDEVS in eo studia collocabant, vt ve-
ram cogitandi libertatem ab omni vi vindicarent.

§. VII. Sic propulsata seruitus philosophi-
ca fuit: sicque genuina ars cogitandi sensim &
sensim coli, scriptis monumentis tradi, in aca-
demiis

demiis explicari, adeoque fortuna prosperiori eaque publica frui cœpit. sectatores CARTESII elaborabant, præcepta logicæ litteris consignare, quumue CARTESIVS sibi effecisset sectam quandam, haud deerant, qui ab omni parvum studio cum Aristotelis, tum Cartesii alieni ad opus hoc adgrediebantur ac solam rationem secuti logicæ disciplinam explicare ac perpolire connitebantur. quo litterarum genere meritorum laude summa omnino digni sunt ex germanis CHRISTIANVS THOMASIVS & ANDREAS RVDIGER, qui & viribus ingenii & fortitudine animi, quod vtrumque hac in causa necessarium est, operi huic satisfecerunt. illustris THOMASII merita, quæ in veram philosophiæ rationem contulit, numquam satis possumus laudare, quippe qui primus ex gente nostra de saniori logica cogitare cœpit & per varios casus, per multa rerum discrimina effecit, vt in academiis Saxoniae eclectica philosophia fuerit culta. ANDREAS autem RVDIGER diligentius errores Aristotelicorum & Cartesianorum emendavit, ac noua multa, studioso veritatis maxime necessaria atque vtilia excogitavit.

LIBRI III.
DE
VARIA EXISTIMATIONIS
LOGICÆ FORTVNA.
CAPVT II.
DE
FORTVNA ADVERSA.

ΣΤΝΟΨΙΣ.

Varia genera fortunæ aduersæ logicæ generatim recensentur. I. de illis, qui logicam coluerunt, sed peruersa ratione, generatim differitur, II. quo spectant primum, qui verum logicæ finem haud cognouerunt. III. deinde, qui finem quidem vere cognouerunt, minus tamen genuino modo istam coluerunt propter prauos affectus, quo pertinent sectarii & cultores syncretismi philosophici. §. IIII. de illis, qui logicæ studium reiecerunt, cum fundamentum eius euertendo, vt sceptici. V. tum philosophiam omnem damnando, quo pertinent Daniel Hoffmann & eius affectæ. §. VI. omnes cultores philosophiæ theosophicæ. §. VII.

§. I.

Quid per fortunam logicæ aduersam intelligamus, facile illis, quæ paullo ante diximus, potest colligi. aduersa illi sunt fata, quando ipsi non debita dignitas habetur, quod duplici ratione fieri solet, quando illius cultura aut peruersa ratione instituitur, aut plane reiiciatur ac negligatur, id quod ex historia-
rum

rum monimentis illustrabimus, rationem habentes fortunæ huius aduersæ cum priuatæ, tum publicæ.

§. II. Quod ad prius fortunæ aduersæ genus adtinet, quod logicæ cultura peruersa ratione instituta fuerit, ista peruersa culturæ ratio in eo consistit, quod quamuis disciplinæ huic operam dederint; proprium tamen ipsius finem, id est sensum veri & falsi haud potuerint assequi, id quod duplici ratione euenit. *alii* enim proprii logicæ finis nullam habuerunt cognitionem, vt adeo haud mirum sit, quod eiusmodi tradiderint præcepta, quæ cum vera ac solida cogitandi arte nihil habebant commune; alii vero, quamuis ipsis esset cognitum & perspectum, quod logicæ munus in eo sit positum, vt intellectum nostrum ad sensum veritatis reddat aptum; minus tamen genuinam rationem, ista mentem excolendi obseruarunt, de quo utroque genere iam differamus distincte.

§. III. Prioris generis sunt, qui verum logicæ finem haud cognitum habuerunt, quorum iterum duas nominare possumus species. *alii* enim peruerso sensu existimabant, logicam respicere facultatem differendi, quumue sophistæ veteres id imprimis agerent, vt de quacunque re differerent in vtramque partem, hunc quoque finem logicum sibi propositum habere, censebant. atqui hæc opinio vniuersam fere græciam oppleuerat, quo euenit, vt logica publica fatorum acerbitate adstricta iaceret, id quod breuiter atque eleganter IO. FRAN-

CISCVS BV D DEV S¹ tradit: *apud græcos quum litterarum studia maxime efflorescerent, dialecticæ satis plerique eum in finem operabantur, vt promte persuadere populo possent, quod eum credere, e re sua esse arbitrabantur, que tutissima ratio erat & honores, & opes & potentiam pariter ac auctoritatem indipiscendi. in prima profecto sua origine dialecticæ nihil aliud erat, quam ars de re qualibet verba faciendi, nullaque veritatis habita ratione, ad cupiditates suas fictis in veri speciem argumentis, impellendi populi animum: quam in rem adhuc legi potest LVDOVICVS CRESOLLIVS.² quibus de causis hoc proposito fine, non poterant non talia tradere præcepta, quæ ad fallacias struendas tantum accommodata adeoque a vera cogitandi arte longissime erant remota. in idem vitium incidit RAYMVNDVS LVLIVS, de cuius arte grauissimi viri obseruarunt, quod magis ad sermonis copiam; quam rerum cognitionem fuerit comparata. nec negari potest, quod PETRVS RAMVS dialecticæ vsum in eo præcipue quæsiuerit, vt ope eius iuvenes in civili oratoria arte fierent exercitati, quamuis iis de causis magnam mereatur laudem, quod auctoritati Aristotelicæ ac scholasticorum quisquiliis forti animo sese opposuerit. alii putabant, logici munus esse, vt soli speculationi sese traderet ac componeret syllogismum, quæ sententia fuit doctoribus scholasticis, quorum ætate excellentissima cogitandi doctrina durissima satorum sorte adflata erat. proscribatur omnis sentiendi li-*

¹ Prefat. ad artem cogitandi.

² theatro rhetorum, oratorum & sophistarum.

bertas:

bertas: eligebatur veluti oraculum philosophicum Aristoteles, non græcus, sed latinus: omnis litterarum elegantia sepulta iacebat: scholæ plenæ erant barbararum vocum, nugarum, quibus nulla dignitas, nulla vis ad veritatem cognoscendam inerat.

§. IIII. Posterioris generis sunt, qui cognitionem logicæ, veluti finem quidem constituerunt; de mediis autem siue præceptis, ad illum perueniendi haud recte sentientes a vera aberrarunt via. media enim ista haurienda sunt ex sana ratione, & partim ad naturam veritatis; partim ad modum cognoscendi, quem Deus nobis præscripsit, ad commodanda, quo patet, quod hac in causâ omne momentum positum sit in recta cogitandi libertate. qua sublata, logicæ incrementa haud promoueri possunt, nec illi, qui ius sentiendi a Deo hominibus datum neutiquam exercent, quidquam ad artis huius salutem adferunt. quapropter logicæ durior fortuna illata est ab illis, quibus talis philosophiæ cultura placuit, ut magistrum quemdam vnice sequerentur, omnesque eius sententias, quamuis haud fuerint exploratæ per iudicandi facultatem, sancte ac religiose venerarentur. id quod cum antiquiori, tum recentiori ævo multis fuisse solemne, constat, aduersus quæ sectarum studia alii iure ac merito disputarunt grauiter. nam quamuis DANIEL GEORGIUS MORHOFIVS¹ dicat: *non male suis rebus quædam academiæ consuluerunt, quæ veteres Peripatetica philosophiæ terminos mo-*

¹ Polyh. litter. lib. II, c. II, §. 28.

vere prudenti instituto prohibuerunt. quod etsi quibusdam asperum nimis & durum videtur, qui libertatem philosophicam crepant, sciant illi, publicam philosophandi formam necessario tenendam esse; & IACOBVS THOMASIVS¹ eiusdem sit opinionis, qui his verbis philosophiam eclecticam reiicit: *retinenda sane forma regiminis monarchici, qua nulla potest esse pro statu corrupti hominum ingenij litterariae reipublicae salubrior*; rectius tamen posterioris filius CHRISTIANVS THOMASIVS² observauit, quam multa incommoda ex sectaria philosophia oriri. atqui huc quoque referri possunt cultores *syncretismi philosophici*, qui intempestivæ pacis studiosi diuersa philosophorum placita inter se conciliare elaborarunt, etiam eorum sententias cum oraculis divinis conferre, quod argumentum exposuerunt IACOBVS THOMASIVS,³ GEORGIUS HORNIVS,⁴ & IO. FRANCISCVS BVDDEVS.⁵

§. V. Haftenus breuiter de illis, qui logicam peruersa ratione coluerunt. nunc de eis quoque disputabimus, qui artem hanc neglexerunt, & iam aperte reiecerunt. quo pertinent *sceptici*, quorum præcipue duo genera constituuntur, dum alii certitudinem sensuum, adeoque omnis cognitionis, omnium philosophiæ doctrinarum tollunt; alii vero in sola eaque perpetua dubitatione permanent, ac ne hoc quidem: *nihil datur certum*, sciri posse

¹ Progr. XLI. p. 469. ² introd. ad philos. aulicam cap. I. §. 91. seqq. ³ oratione de syncretismo Peripatet. ⁴ histor. philos. lib. 6. c. 13. ⁵ obseru. Hal. t. III. obseru. 13. & 14.

contendunt, quam in rem legi possunt cum illi, qui historiam scepticismi ac scepticorum sunt persecuti, GERH. IO. VOSSIVS, ¹ DANIEL GEORGIUS MORHOFIVS, ² THOMAS STANLEIVS, ³ GEORGIUS PASCHIVS, ⁴ IO. ALBERTVS FABRICIVS; ⁵ tum isti, qui errori huic confutando morboque expellendo operam dederunt, quales sunt MERSENNVS de *veritate scientiarum aduersus scepticos & Pyrrhonios*; SEHOOKIVS de *scepticismo*; PETRVS de VILLEMANDY in *scepticismo debellato*; PETRVS GASSENDVS de *sine logica*; IO. FRANCISCVS BVDDEVSVS *thesibus de atheismo & superstitione*. variae sunt scepticismi species, si modo res ipsas, quarum cognitionis certitudinem tollunt; modo rationem, qua id fieri solet, respiciamus. quapropter alii rationi omnia, reuelationi diuinæ nihil: alii contra reuelationi omnia, nihil rationi tribuunt, quod posterius magno studio fecit HIERONYMVS HIRNHAIM edito libro de *typho generis humani, siue scientiarum humanarum inani ac ventoso tumore, difficultate, labilitate, falsitate, iactantia, presumptione, incommodis, periculis*, quo omni labore id egit, vt philosophiæ fundamenta subuerteret. sed tamen quum hæc a proposito dicendi argumento aliena sint, id tantum obseruamus, quod scepticismus magnam vim logicæ in maius meliusue promouendæ inferat, quin etiam ipsam fundamentum, quo recta cogitandi ars nititur, id est sensuum certitudinem euertat. etenim

¹ De *reliq. philof.* c. XX. n. 8. ² *polyb. rom.* II. lib. I. c. 6. t. II. lib. 2. c. 9. ³ *hisor. phil. part.* XI. p. 918. ⁴ *introd. ad rem litterar. mer. voss.* cap. VI. ⁵ *bibl. græc. lib. III. cap. 33.*

sensio est primum principium atque vltimum criterium omnis veritatis.

§. VI. Hoc loco mentionem quoque facere debemus DANIELIS HOFFMANNI, hostis omnis philosophiæ adeoque, etiam logicæ. namque philosophiam, quam antea magno studio profecutus fuerat, veluti prauarum cupiditatum opus damnauit, eamque contrariam esse sacris scripturis dixit, ad cuiusmodi sententiam non paucos pertraxit, in quibus erant IO. ANGELVS WERDENHAGENIVS, IO. MULLERVS & alii. posthac controuersiam hanc excitauit iterum WILHELMVS SCHILLINGIVS, quorum studiis & alii fortiter sese opposuerunt. aduersus DANIELEM HOFFMANNVM arma sua tulit IO. CASELIUS, cum quo faciebant CORNELIYS MARTINI, OWENVS, GVNTHERVVS, *Caselianorum* nomine adpellati, quibus accessit ALBERTVS GRAWERVS, edito libro aduersus Hoffmannum hunc de *unica veritate*. sic causa ipsius ita cecidit, vt publice errorem suum profiteri eumque emendare, habuerit necesse. contra SCHILLINGIVM vero & SCHRADERVM venerunt integer ordo theologorum academiz Vitebergensis, quorum scripta hac in causa composita continentur *consiliis Vitebergensibus*,¹ & IACOBVS MARTINI libro lingua ættonica conscripto: *speculum rationis*, quo vsum ac vires rationis humanæ, quæ mortalibus post lapsum primorum parentum relicte sunt, copiose declarat, etiam ad loca illa, quæ

¹ P. I. pag. 817. seqq.

alii aduersus philosophiam ex oraculis diuinis proferunt, responder. liber hic editus est Vitebergæ MD CX VIII. 4. diuisus in duas partes, quarum prior de *ratione*; posterior vero de *philosophia* agit. etenim illi, qui reiciunt philosophiæ studia, inprimis prouocant ad verba apostoli PAVLLI: ¹ βλέπετε, μή τις ὑμᾶς ἐξαί ὁ σὺλαγωγῶν διὰ τῆς φιλοσοφίας, quāi his apostolus omnem philosophiæ doctrinam inutilem & perniciosam esse pronuntiaret, id quod erronea opinione sibi persuadent. nam PAVLLVS respicit tantum ad falsam philosophiam, siue doctrinas veterum græcorum; siue ex iudæis pharisæorum, ac præcipue Essæorum intellexerit, in primis quum ex EVSEBIO, IOSEPHO, SCALIGERO, DRVSIO sit apertum, quod doctrina sectarum Iudæorum, Pharisæorum, Sadducæorum & Essæorum dicta fuerit *philosophia*.

§. VII. Præter DANIELEM HOFFMAN-NVM huc quoque pertinent *fratres rosacru- ciani*, quippe qui philosophiam in theologia non solum inutilem esse; sed plane etiam perniciosam contendunt omnemque rationis humanæ vsum remouent, dum reuelationes diuinas sibi fieri credunt, de quibus copiose disse-ruit CHRISTOPHORVS STEPHANVS KAZAVERVS. ² quid multa? locum heic merito tenent cultores omnes philosophiæ *mystica* & *theosophica*, quam dicunt, ROBERTVS

¹ Coloss. II. v. 8.

² disp. de rosacru- cianis.

FLVDDVS, VALENTINVS WEIGELIVS,
 teutonicus ille philosophus IACOBVS BÖH-
 MIVS, IO. BAPTISTA VAN HELMONT
 cum filio FRANCISCO MERCVRIO & alii.
 ac quis dubitaret, hos omnes veræ logicæ bel-
 lum indixisse, dum rationem humanam, per
 quam ope logicæ veritates cognoscere de-
 bemus, penitus proscriptam esse
 voluerunt.



DIATRIBE

DIATRIBE
DE
ORATIONIBVS
PANEGYRICIS
VETERVM.

Hhh



Σ Τ Ν Ο Ψ Ι Ε.

Varia dicendi genera apud veteres recensentur. §. I. vox panegyricus explicatur. §. II. origo orationum panegyricarum. §. III. prima classis orationum panegyricarum. §. IIII. num sermo Plinii nomen panegyrici possit tueri. §. V. secunda classis orationum panegyricarum, quæ continent laudationes. §. VI. de laudationibus veterum sophistarum generatim. §. VII-XII. quis auctor sermonum vere panegyricorum. §. XIII. quæ nam declamationes ex laudationibus ad panegyricos debeant referri. §. XIII. veteres panegyrici græci recensentur. §. XV. ratio horum panegyricorum. §. XVI. XVII. de panegyricis latinis. §. XVIII-XXII.

§. I.

PRO tribus causarum generibus tres quoque declamandi rationes fuerunt apud veteres, quum modo in demonstratiuo; modo deliberatiuo; modo in iudiciali versarentur. hinc dicit QVINCTILIANVS: ¹ *est vnum genus, quo laus & vituperatio continetur; alterum est deliberatiuum: tertium iudiciale, quem controuersiarum siue causarum numerum etiam adprobant ARISTOTELES & DIONYSIVS Halicarnassens: confer GERH. 10. VOSSIVM.* ² quod ad genus deliberatiuum attinet, illud continebat præcipue suasionem, quo quum vterentur oratores, adhibebant argumenta vera; post hac autem mutato imperio etiam ficta, quo declamandi studio & viri & iuuenes exercebant sese diligenter, vt ex QVINCTILIANI, aut quæ sub illius nomine

¹ Instit. orator. lib. III. c. 4.

² institut. orator. lib. I. c. 3. p. 16.

circumferuntur, & MARCI SENECAE declamationibus patet. quapropter PETRVS FRANCIVS¹ dicit: *hoc itaque modo declamandi se studio exercebant, & ad veram eloquentiam viam sibi per hanc umbraticam muniebant græci illi veteres ac romani, quod ab adolescentia inchoatum, nullo vnquam tempore intermissum, tam bello, quam pace, tam in negotio, quam otio, princeps ille gentium populus, & eloquentiæ non minus laude, quam bellica virtute clarissimus summa semper industria ac vigilantia excolebat. nec enim iuuenile hoc tantum exercitium fuisse censendum est. viri & viri principes illud sibi opera iniungebant, neque hoc declamandi vnquam studium intermittebant.* genus autem iuridiciale in controuersis forensibus, adcusationibus & defensionibus versabatur, quarum aliæ erant veræ, aliæ vero fictæ, quas *πλάσματα* dictas primus inuenisse traditur AESCHINES. per quam simulatam eloquentiam ad veram illam ac forenssem ascendere contendebant, vnde etiam QVINCTILIANVS² hanc declamandi rationem pronuntiat vtilissimam, quam ad eloquentiam efformandam prope solam sufficere dicit. tandem in demonstratiuo genere principem locum tenebant *orationes panegyricæ*, quarum rationes ex antiquis monumentis explanare atque illustrare, nobis est propositum.

§. II. Non ab re erit, si ante omnia de ipsa adpellatione, qua orationes dicuntur *panegyricæ*, dispiciamus. atqui ista originem suam deducit a græca voce *πανηγυρις*, quæ apud veteres græciæ auctores præcipue significat cele-

¹ *Orat. de ratione declamandi p. 9.*

² *lib. II. cap. 20.*

britatem, conuentum, concionem hominum
 ſolemnm ſiue per ludos publicos, ſiue per
 nundinas, ſiue per alios dies feſtos inſtitutam.
 primum magna celebritate frequentabant lu-
 dos publicos, quales apud græcos præſtantiſ-
 ſimi habebantur *Olympici*, quibus vires cor-
 poris confirmabantur, quorumue primus in-
 ſtaurator credebatur Hercules, in cuius hono-
 rem etiam talia certamina ſunt repetita; *Py-
 thii*, celebrati primum elapſo nouem anno-
 rum ſpatio, deinde & quinquenniis ſingulis
 redeuntibus, quibus iuuenes pugna curſuque
 certabant; *Nemei*, qui ex communi ſententia
 inter Phliuntem & Cleonas Achaïæ ciuitates
 ſunt celebrati & tandem *Iſthmii*, quorum ma-
 gna apud græcos erat dignitas, de quibus plu-
 ribus egerunt HIERONYMVS MERCVRIA-
 LIS, ¹ PETRVS FABER, ² VOSSIVS, ³ IO.
 POTTERVS, ⁴ GEORGIVS NICOLAVS
 KRIEGK⁵ & interpretes eruditi PINDARI.
 conuentus ad talia certamina dicebatur πανή-
 γυρις, vt DEMOSTHENES ⁶ ſcribit: ἀποθεῖ-
 λαι δὲ καὶ δωρεὰς εἰς ταῖς ἐν τῇ Ἑλλάδι πανηγυρίας
 Ἰσθμια, καὶ Νέμεα καὶ Ολύμπια, καὶ Πύθια, mit-
 tendenda etiam eſſe munera in celebres græciæ con-
 uentus, *Iſthmia*, *Nemea*, *Olympia* & *Pythia*: &
 PHILOSTRATVS ⁷ de GORGIA: ἐμπρέπων
 δὲ καὶ ταῖς τῶν Ἑλλήνων πανηγύρεσι, τὸν μὲν λόγον
 τὸν Πυθικὸν ἀπὸ τῆ βομᾶ ἤχῃσεν, in *græcorum*
 vero etiam ſolemnnibus conuentibus conſpicuis
Pythicam orationem ex ara pronuntiauit. ſic

¹ De arte gymnastica. ² in agonistiæ. ³ de quatuor artibus
 popularibus. ⁴ archaeol. græc. lib. 11. 12. ſqq. ⁵ de inclaro-
 ſcendi modis apud græcos veteres §. 14. ſqq. ⁶ de corona p. 487. opp.
⁷ de vitii ſophiſtarum lib. I. n. 9. §. 2.

quoque vox hæc vsurpata est de celebritate mundinarum, cuius significationis exemplum nobis suppeditat CICERO: ¹ *res agebatur in circo Flaminio: & erat in eo ipso loco illo die mundinarum* πανήγυρις, quæ & deprehenditur apud DIONYSIVM Halicarnasseum & GREGORIUM NAZIANZENVM. nec non adhibetur de aliis celebrioribus conuentibus, ad sacra quippe celebranda Eleusinia, Panathenæa, item spectacula & conuiuia, quæ publice a regibus principibusue exhibentur, πανηγύρεις vocantur ab ATHENÆO, HERODIANO, XENOPHONTE, vide HENRICVM STEPHANVM ² & CAELIVM RHODIGINVM, ³ quæ omnia comprehendit IVLIVS POLLUX. ⁴ vox enim πανήγυρις oritur ab ἄγυρις, quod nomen significans multitudinem collectam & congregatam factum est ab αἶγορά æolice ο in υ mutato. erat quippe apud græcos consuetudo, multis verbis, quibus vniuersitatem rei cuiusdam volebant indicare, nomen πάν addere, vti nota sunt nomina παμβασίλειος, πανδεχέες, παμπόνηρος, πανέλληνες, & apud Athenienses celebrata sunt παναθηναῖα. ab hoc nomine alia verba sunt deriuata, πανηγυρικὸς, hinc apud PLUTARCHVM πανηγυρικὴ θεά, πανηγυρικὸς κόσμος, πανηγυρικὰ πράγματα & apud ISOCRATEM πανηγυρικὸς ὄχλος, item πανηγυρίζω id est πανήγυριν ἄγω, nec non πανηγυρισμός, πανηγυριστής, de quibus auctores lexicorum græcorum consuli possunt. HESYCHIUS ⁵ dicit: πανήγυρις, ἑπαινος, ἑορτὴ, θεάτερον, & de prouerbio: κακῶν

¹ Lib. I. epist. 14. ad ATTICVM. ² appendic. thes. græca lingua p. 1583. ³ lection. antiquarum lib. XXIX. c. 12. ⁴ onomat. lib. I. cap. I. n. 30. p. 10. ⁵ lexico. p. 725.

πανήγυρις, *malorum panegyris* differit ERAS-
MVS. ¹

§. III. Occasione igitur huiusmodi conuen-
tuum solemnium & publicorum adpellatio,
qua orationes dicuntur *panegyrica*, orta est,
ita vt dicamus *orationem panegyricam*, etiam
substantiue, suppresso λόγος vel sermonis vo-
cabulo, *panegyricum*: CICERO: ² *Isocrates*
fecit panegyricum; & QVINCTILIANVS: ³
panegyricum Isocratis decem annis dicunt esse
elaboratum. etenim veteres oratores, quum
in græcia instituerent panegyres seu conuen-
tus solemniores, ac multitudo esset congrega-
ta, diligenter dicebant, vimque suam ac co-
piam eloquentiæ ostentare, summo annite-
bantur studio. quamobrem ISOGRATES ⁴
Athenas laudibus ad cælum vsque tollit, eas-
que non solum propter congressus salutis pu-
blicæ causâ institutos commendat, sed ob cer-
tamina quoque oratoria, quando scribit: ἐπεὶ
δ' ἀγωνίας ἰδεῖν, καὶ μὴ μόνον τάχους καὶ ῥώμης,
αἰδέας καὶ λόγων καὶ γνώμης, καὶ τῶν αἰδῶν ἔργων
αἰπαιντῶν, καὶ τέτων ἀθλῶν μέγιστα, *præterea*
non tantum celeritatis & roboris, sed & elo-
quentiæ & mentis ac operum ceterorum omnium
certamina, & horum præmia maxima hic cer-
nuntur: adde DIONYSIVM Halicarnasseum. ⁵
ex recentioribus autem IVLIVS CAESAR
SCALIGER ⁶ hac de re testatur: *veteres gra-*
cos tenuit consuetudo, certis vt celebritatibus
unum in locum vniuersi conuenirent, vt eorum
animi vel præceptionibus sapientum, vel for-

¹ Adag. p. 378. ² de oratore cap. 11. ³ lib. X. cap. 4.
instit. orat. ⁴ panegytr. p. 96. opp. ⁵ περὶ τῶν παλαιῶν ἱστοριῶν
p. 33. t. II. opp. ⁶ poetic lib. III. cap. 108. p. 367.

tium amulatione componerentur atque colerentur, vel ludorum festiuitatibus laxarentur. namque tum poeta, tum oratores, tum aretologi, tum historici suas recitabant lucubrationes. sic apostolus PAVLLVS; vt exemplum ex scripturis diuinis petamus, dicebat ἐν τῇ ἀγορᾷ κατὰ πᾶσαν ἡμέραν πρὸς τὰς παρατυγχάνοντας,¹ in foro quippe, quod erat in Ceramico & ἀπλῶς adpellabatur ΑΓΟΡΑ, vt PAVSANIAS² commemorat DEMOSTHENIS statuam in Ceramico positam eamque ἐν τῇ ΑΓΟΡΑ ἔσσε confirmat. ac quamuis forum in Eretria etiam tantum diceretur ΑΓΟΡΑ, prout PAVSANIAS³ *misericordiae aram*, eo loco conspicuam ἐν τῇ ΑΓΟΡΑ ἰ tradit; constat tamen,⁴ quod ætate imperatoris Augusti ex Ceramico translata fuerit ΑΓΟΡΑ in Eretriam, vbi illo tempore magnus fuit concursus eumentium, vendentium, atque aliorum hominum, qui negotia huius generis tractabant: confer GOTTFRIED OLEARIVM.⁵

§. III. Orationes panegyricæ vi primæ originis, qua hæc adpellatio nata est, illæ erant, quæ in celebriori conuentu ac concione hominum recitabantur, siue argumentum laudis, siue suasionis, siue adcusationis & defensionis complecterentur, vide HERMOGENEM.⁶ sic GORGIAS *Leontinus* recitauit orationem olympicam de *concordia*, adeoque de argumento ad suasionem spectante, auctore PHILOSTRATO:⁷ ὁ δὲ ὀλυμπικός λόγος ὑπὲρ τῆ

¹ *Act.* XVII. v. 17.

² *Attic.* cap. 8.

³ *Attic.* cap. 17.

⁴ STRABO lib. X. p. 447.

⁵ de rebus gestis Pauli in urbe

Atheniensium §. 9.

⁶ περὶ ἰδιῶν lib. II.

⁷ de vitis septi-

βάρης lib. I. n. 9. §. 1.

μεγίστη αὐτῷ ἐπολιτεύθη. *ἑασιάζουσιν γὰρ τὴν Ἑλλάδα ὁρῶν, ὁμονοίας ξύμβολος αὐτοῖς ἐγένετο, olympica vero oratio de re maxima multa civili prudentia ipsi elaborata fuit. dissidentes quippe græcos conspiciat concordiam ipsis suasit:* sic ANTIPHON Sophili rhetoris filius, Atheniensis, pago Rhamnufius sermonem quoque ὑπὲρ τῆς ὁμονοίας, de concordia elaboravit, quem PHILOSTRATVS ¹ σοφιστικώτερον fuisse pronuntiat, cuiusue etiam auctor etymologici magni ² mentionem facit. pari ratione ARISTIDES edisseruit περὶ ὁμονοίας ad ciuitates Asiæ Pergamum, Smyrnam Ephesumque, ut colerent concordiam, nec de primatu inter se contendendo mutuum sibi afferrent exitium exemplo Athenarum & Lacedæmonis, confer IO. ALBERTVM FABRICIVM. ³ ex quibus ANTIPHONTIS atque ARISTIDIS exemplis patet, quod sermo GORGIAE de concordia neutiquam ad genera orationum, quæ argumenta laudis continent, pertineat; attamen PHILOSTRATVS illum refert ad sermones panegyricos. quin etiam IYSIAS Atheniensis scripsit panegyricum in Dionysium Siciliæ tyrannum, quem suadet interfici, & ISO-CRATES panegyrico suo græcorum animos aduersus barbaros summa excitauit opera: hinc *suasionem* vocat CICERO ⁴ & SYRIANVS in HERMOGENEM ⁵ obseruat, illum constare duplici genere cum ad laudem, tum ad suasionem pertinente. equidem DIONYSIVS *Halicarnassæus* ⁶ iudicat, princeps ISO-

¹ Cit. loc. lib. I. n. 15. §. 4.

² voce Σοφιστικός.

³ bibl. græc. lib. IV. cap. 30. p. 385.

⁴ de oratore cap. II.

⁵ pag. 18.

⁶ Isocras.

GRATI fuisse propositum, Athenienses magnificis ornare laudibus, quas & illum per speciem suasionis, ut græci contra barbaras gentes susciperent expeditionem, dixisse. & GERH. 10. VOSSIVS dicit: ¹ nam *Isocratis panegyrica*, quæ exstat, hortatur græcos ad suscipiendam expeditionem aduersus barbaros. verum nullo negotio eximus hunc ictum, si *Halicarnassensem* audimus, qui suasionem negat esse primum *Isocratis* finem. nam ait, eum per speciem suasionis laudes persequi *Atheniensem*.

§. V. Disputatur quoque, num sermo *PLINII* *Neræ Traiano* Augusto dictus *panegyrici* nomen tueri possit, necne? sunt, qui existimant, quod hæc oratio potius dicenda videatur gratiarum actio, cum quod *PLINIVS* ipse ² dicat: *sed parendum est senatus consulto, quo ex utilitate publica placuit, ut consulis voce, sub titulo gratiarum agendarum, boni principes, quæ facerent, recognoscerent; mali, quæ facere deberent;* tum etiam, quod *AVSONII* ad Gratianum principem pro accepto consulis munere oratio inscripta sit non *panegyricus*, sed gratiarum actio. quo nomine dicit GERH. 10. VOSSIVS: ³ at *Plinius* plane *abusus panegyrici* nomine: quippe quo orationem suam titulo redderet augustiorem, eam *πανηγυρικὴν* inscripsit, qua solum, conuocatis patribus *Traiano* pro consulatu gratias agit. sed vero *BERNEGGERVS* nomen hoc *Plinii* sermoni vindicat ex materia, loco, dicendi genere, quanquam non negat, aliquid satyricum esse admixtum, dum

¹ *Institus. orat. lib. 1. cap. 5. p. 44.*

² *panegyrr. cap. 4.*

³ *Instit. orat. lib. 1. cap. 5. pag. 44.*

ita optimum laudat principem, vt alios perstringat acriter, qui antecesserunt. saltem antiquæ nouæque editiones hanc vocem præ se ferunt, quæ siue ipsi orationi vindicetur, siue minus, vnum idemque esse censemus. etenim orationes, vt ex superioribus constat, dici possunt *panegyricæ*, quamuis princeps argumentum non laude absoluator, si modo in conuentu quodam celebriori siue per multitudinem, siue per auctoritatem ac splendorem auditorum recitentur. sic dixit PLINIVS in senatu amplissimo virorum ordine, breuius quidem, quem sermonem postea plenius elaborauit, antequam ederet, vt ex quadam ipsius epistola¹ cognoscimus. nec solum orationes a voce *πανηγυρίς* dictæ sunt *panegyricæ*; sed & *panegyres*, vti CLAVDIANVS panegyrim Serenæ reginæ coniugi Stiliconis consecratam scripsit. eadem ratione apud romanos auctores vox *concio* significat & cœtum conuocatum, item quamlibet temere confluentem turbam; & orationem, quæ habetur ad cœtum, immo locum ipsum, de quo dicitur sermo, vt ex A. GELLIO² patet.

§. VI. Atqui hæc est origo orationum panegyricarum, quarum argumenta in primis ad rationem conuentuum solemnium erant composita, ac plerumque continebant varia laudum genera. etenim talis orator auspiciū sermonis faciebat a laude Dei, siue præsidis in panegyri, qua exposita, effuse prædicabat urbem illam, vbi celebrabatur conuentus, ac post hac differebat de certamine ac præmiis, quæ victoribus erant proposita, ita vt vbique fere

¹ Lib. III. epist. 18.

² not. Attic. lib. XVIII. cap. 7.

sectaretur laudationes, qua de re videas DIONYSIVM *Halicarnasseum*.¹ attamen & alia argumenta orationis lumine illustranda sibi elegerunt, non per rationem conuentuum siue ludorum aliarumque rerum solemnium occasionem; sed celebritatem & splendidam populorum concionem excitati, ita vt de quacumque re, quæ se ipsis offerebat, dicerent. sed post hac quum eiusmodi orationum consuetudo exoleuerit, factum est, vt quæcumque in laudem splendidissimarum personarum præcipue fierent, dictæ sint panegyricæ, quæ est causâ quoque, cur tales sermones a magistris artis oratoriæ, qui tria causarum genera constituunt, referantur ad demonstratiuum, quibus oratores laudationem sibi habeant propositam. hæc est veluti altera classis orationum panegyricarum, de quibus ea, qua fieri potest, breuitate dicamus, rationem habentes oratorum cum græcorum, tum romanorum.

§. VII. In græcia præcipue fuerunt sophistæ, qui sermonibus ad laudem compositis multam dederunt operam, quorum rationem si cognoscere velimus penitus, obseruare decet, quod orationes panegyricæ, de quibus iam disseramus, ad laudem quidem spectent; sed ideo non quilibet sermo, qui continet laudationem, in numero panegyricorum debeat haberi. quapropter non ab re erit, diuersa laudationum genera, in quibus sophistæ versati sunt, commemorare, iisque expositis, ipsarum orationum panegyricarum rationem habere. tres in primis species fuisse laudationum, ex antiquis monumentis cognoscimus, quo-

¹ Περὶ τῶν πανηγυρικῶν.

niam prædicabant aut deos & heroas; aut claros viros; aut illustres ciuitates. primum laudabant Deos & heroas, Iouem, Herculem, Minervam, Bacchum, Aesculapium & alios, cuius rei exemplum exhibemus ARISTIDEM. hic enim scripsit orationem in *Iouem*, quum ex magna tempestate esset seruatus; in *Minervam*, quæ ex precibus & hymno composita est; in *Neptunum* dictam in Isthmiis Neptuno sacris, qua Corinthum laudat & adpellat græciæ ἀγορὰν καὶ κοινὴν πανήγυριν, in *Bacchum*, quem prædicare a Baccho in somnis iussus fuerat, in *Herculem*, *Aesculapium*, cuius beneficia sibi exhibita effert: vide IO. ALBERTVM FABRICIVM.¹ in hisce exercitationibus studebant tantum ostentationi, nec multum habebant dignitatis apud boni rectique cultores: hinc QVINCTILIANVS² dicit: *neque inficias eo, esse quasdam ex hoc genere materias ad solam compositas ostentationem, vt laudes deorum virorumque, quas prima tempora tulerunt.* PLVTARCHVS³ autem tradit, quod sophista quidam quum laudare voluerit Herculem, responsionem acceperit: τίς γὰρ αὐτὸν ψέγεις; *quis enim eum vituperat?* confer LVDOVICVM GRESOLLIVM.⁴ porro extollebant magnos homines, reges, principes, duces eorumque pronuntiabant laudes, quas modo in conspectu ipsorum dixerunt, modo orationes litteris consignatas ad eos transmiserunt, quod a se factum esse, THEMISTIVS⁵ testatur. plerique ita laudarunt principes, vt vitio adula-

¹ Bibl. græc. lib. IV. c. 30. §. 5. p. 377.

² lib. III. cap. 9.

³ Lacedæmoniaci apophthegm.

⁴ theat. rhetor. lib. III. cap. 7.

⁵ orat. XIII.

tionis se contaminauerint ac tantum gratiam
 plaususque sint sectati: LACTANTIVS: ¹
acceſſerunt etiam poëtae, & compoſitis ad volu-
ptatem carminibus in cælum vsque ſuſtulerunt.
ſicut faciunt, qui apud reges etiam malos pane-
gyricis mendacibus adulantur. quod malum &
græcis ortum eſt, quorum leuitas inſtructa di-
cendi facultate, incredibile eſt, quantas men-
daciorum nebulas excitauerit. hinc PESCEN-
 NIVS Niger, qui de ſumma rerum cum SE-
 VERO Pertinace dimicauit, apud AELIVM
 SPARTIANVM ² illi dixit, qui panegyricum
 ſibi dedicare conſtituerat: ſcribe, inquit, lau-
 des Marii vel Hannibalis vel alicuius ducis opti-
 mi vita functi, & dic quid ille fecerit, vt eum
 nos imitemur. quæ VOX ALEXANDRO Mam-
 mææ filio ita placuit, vt teſte LAMPRIDIO ³
 oratorum & poëtarum panegyricos ſibi dictos
 audire exemplo Nigri Peſcennii ſtultum dixe-
 rit: confer CHRISTOPHORVM CELLA-
 RIVM. ⁴

§. VIII. Neque vero ſolum viuos, ſed etiam
 mortuos orationibus funebribus ad laudem
 compoſitis ornarunt. ſic GORGIAS recita-
 vit orationem ἐπὶ τοῖς ἐκ τῶν πολέμων πεσόντι,
 ὅς οἱ Ἀθηναῖοι δημοσίᾳ ξὺν ἐπαινοῖς ἔθαψαν, de his,
 qui bello ceciderant, quos Athenienſes publice
 cum laudibus ſepultura honorauerant, auctore
 PHILOSTRATO. ⁵ apud PLATONEM eſt
 ΜΕΝΕΖΕΝΟΣ, ἡ ἐπιτάφιος, vbi exhibetur
 oratio in defunctos pro patria in variis præliis
 Athenienſes veluti ſcripta ab ASPASIA Mi-

¹ Inſtit. diuin. lib. I. cap. 15.

² vita Peſcenn. cap. XI.

³ vita Alexandri cap. XXXV.

⁴ program. n. XXXIII. p. 231.

⁵ de vitis ſophiſtarum lib. I. n. 9. §. 2.

lesia; ¹ dicta a PERICLE, quam CICERO ² respicit, quum de PLATONIS dicendi genere iudicat, quod secutus sit *non solum in his sermonibus, qui dialogi dicuntur, ubi etiam de industria id faciendum fuit, sed in populari oratione, qua mos est, Athenis laudari in concione eos, qui sint in præliis interfecti: quæ sic probata est, ut eam quotannis, ut scis, eo die recitare necesse sit.* extant adhuc POLEMONIS duo contrarii ἐπιτάφιοι λόγοι parentum nomine dicti in *Cynægirum* & *Callimachum* Athenienses, qui in pugna Marathonica pro patria aduersus Medos fortiter pugnantes obierant, ubi Cynægiri pater suum filium Callimacho, pater Callimachi filium Cynægиро præfert, quas declamationes binas græce edidit HENRICVS STEPHANVS. talem quoque sermonem debemus ISOCRATI in laudem EVAGORÆ regis Cypriorum ³ interemti a Thraſydæo eunucho olymp. CI, 3. item DEMOSTHENI in eos, qui in Chæroneæ clade forti animo pro patria pugnantes obiissent, cuius orationis habitæ olympiad. CX, 3. meminit PLVTARCHVS, quamuis hanc quæ exstat, DIONYSIVS, LIBANIVS, PHOTIVS ab iudicent DEMOSTHENI. nec non ARISTIDES laudationem dixit funebrem in Eteoneum, nobilem Cyzicenum discipulum in flore ætatis defunctum; & LONGINVS ⁴ de HYPERIDE scribit: τὸν ἐπιτάφιον ἐπιδεικτικῶς, ὡς

¹ Vide PLVTARCHVM *Pericle* p. 165. 169. *ATHENÆVM* XIII. p. 569. *LVCIANVM*, *HARPOCRATIONEM*, *SVIDAM* & alios. ² *de oratore* cap. 44.

³ vide MEYERSIUM *Cypr. lib. II. cap. 12.* ⁴ π. εἰς ἑξῆς *sect. XXXI.*

ἐκ οὗδ' ἔτις ἄλλος, διέδετο, *funebrem orationem cum tanta composuit ostentatione, ut, an quispiam alius talem concinnare potuerit, nesciam.* qui HYPERIDES magnam eloquentiæ habebat existimationem, ita vt DIO Chrysostomus¹ inter omnes oratores præ DEMOSTHENE & LYSIA legendos commendet viro ciuilis facundiæ studio HYPERIDEM & AESCHINEM.

§. VIII. Num a græcis, an romanis origo sermonum funebrium sit petenda? de eo disputant historiarum auctores. DIONYSIVS Halicarnassæus² commemorat orationem in funere Bruti habitam a Valerio, & quamuis haud affirmet, tum ne, an a regibus romanis talis mos fuerit institutus; hæc tamen paullo post addit: *sero Athenienses funerum legibus laudationem addiderunt; siue id in iis primum fecere qui ad Artemisium, ad Salaminem & ad Plataas pro patria pugnantes occubuerunt; siue in iis, qui Marathonico prælio periere. & ut demus, morem hunc cepisse a Marathonensi pugna, hæc quoque sedecim annis funere Bruti est posterior;* cuius verba de industria latine tantum attulimus. quæ quum ita se habeant, romanis omnino hæc inuenta consuetudo orationes funebres recitandi, vindicanda est; at vero alii græcorum gloriam hac in re tueri contendunt. etenim muniunt sese testimonio quodam ANAXIMENIS qui auctore PLUTARCHO³ tradat, quod Solon huius ritus apud Athenienses sit auctor, qui quum floruerit sub Tarquinio Prisco; Valerius Poplicola autem depulsis regibus, colligunt exinde, quod ro-

¹ Dissertat. XVIII. siue epistola πρὸς Ἀδελφὸν Ἀπκλήσιον.
² antiquit. rom. lib. V. p. 291. l. 1. opp. ³ in Poplic.

mani hanc consuetudinem græcis posteriores acceperint. nec sententiæ huic deesset dignitas, si partim testimonium ANAXIMENIS probam præ se ferret fidem; partim exploratum esset, quod nemo ante Poplicolam in gente romanorum orationem dixerit funebrem. id ex veterum monumentis & supra adductis exemplis cognoscimus, quod græci præcipue viros militia & fortitudine claros his honoribus adfecerint, vti dicit DIONYSIVS *Halicanassæus*:¹ *Athenienses iis tantum, qui in bellis periissent, funebres laudationes instituisse videntur; & SOCRATES apud PLATONEM*:² *videtur apud plurimas gentes præclarum esse, in bello occumbere. etenim, qui sic e vita migrat, funere ac sepulcro magnificentissimo honoratur, & siue pauper quis ita decedat, laudatione non caret; siue etiam vilis quispiam & ignauus a sapientissimis viris laudatur.*³ attamen interdum præter hanc ordinariam consuetudinem & alii hoc supremo honoris genere fuerunt ornati, cuius rei exemplum habemus in ZENONE, de quo legimus apud PHILOGENEM LAERTIVM: ⁴ *τύχη τῇ ἀγαθῇ δόχθαι τῷ δήμῳ, ἰπαινέσαι μὲν Ζήνωνα Μνασεὺς Κεττία, καὶ στεφανῶσαι χρυσῷ στεφάνῳ κατὰ τὸν νόμον, αἰρετῆς ἐνεκα καὶ σωφροσύνης. οἰκοδομῆσαι δὲ αὐτῷ καὶ τάφον ἐπὶ τῇ Κεραμεικῇ δημοσίᾳ, βοηθὰ fortuna visum est plebi, laudare Zenonem Mnasei filium Cittieum & aurea corona rite ac legitime ornare propter singularem eius virtutem & temperantiam. prætereaque construere illi*

¹ *Cit. loc.* ² *in Menexeno p. 521.* ³ *conf. THYCTIDIDEM lib. II. p. 133. seqq.* ⁴ *lib. VII. segm. II.*

Sepulturam in Ceramico publice. ad huiusmodi laudandi munus sæpe eligebantur viri eloquentissimi, quibus inerat summa dicendi copia, ut merita defunctorum pronuntiarent ore grauiissimo. hinc apud PLATONEM SOCRATES & MENEXENVS hoc inter se instituerant colloquium, quod latine tantum huc transferamus: Socr. *e foro venis, Menexene? an vnde?* Men. *e foro, Socrates, & a senatu.* Socr. *quid tu ad senatum?* Men. *id circo ad consilium profectus sum, quoniam audiueram, deligendum esse aliquem, qui laudibus defunctos ornet. nam, ut scis, inferias facturi sunt.* Socr. *audiui equidem; sed quem potissimum elegerunt?* Men. *nullum: nam in crastinum distulerunt; arbitror autem Archinum vel Dionem electum iri.* atqui tales orationes dicebantur in conuentu nobilissimo, siquidem in huiusmodi funerum ac laudationum celebritate insignis auditorum copia confluebat, qui aures ac mentes sermonibus, quos oratores recitabant, admouerunt. LVCIANVS¹ adhuc ritus huius testimonium dicit: καίτοι καὶ αἰγῶνας ἐνίοι διέδεσαν, καὶ λόγους ἐπιταφίους εἶπον ἐπὶ τῶν μνημάτων, ὥσπερ συναγαγέοντες, ἢ μαρτυρῶντες παρὰ τοῖς κάτω δικασαῖς τῶ νεκρῷ, sunt vero, qui ludos quoque instituerunt ac funebres orationes ad sepulcrum habuerunt, tanquam patrocinantes ac testimonium mortuo perhibentes apud iudices infernos: confer. IO. PHILIPPVM PFEIFFERV. ²

§. X. Tandem sophistæ atque oratores in

¹ De lullu p. 307. t. II. opp. cap. 57. p. 760.

² antiquitat. grecis lib. IV.

amplis-

amplissimas ciuitatum nobilium effundebantur laudes, cuiusmodi sermones ARISTIDES plures dixit. etenim laudauit urbem & imperium *romanum* oratione disertissima, & quum romanorum imperium contulerit cum persico & græco, ostendit illo nihil vnquam par fuisse, nihil secundum. ad hæc prædicauit *Smyrnam* & subito quoque recitauit orationem in laudem *Cyzici* vrbs in dedicatione magnifici templi *Cyziceni* iussus per somnium ab *Aesculapio*. alii pleniore ore laudarunt *Athenas*, vnde artes eloquentiæ, litteras, leges, doctrinas, religionem in omnes terras distributas esse putabant; item *Rhodum*, vbi musæ colebantur diligenter, etiam eloquentiæ studia, quæ *AESCHINES* quum *Rhodum* exilii locum deligeret, intulit, atque artis oratoriæ aperuit ludum; *Neapolim*, quæ præter bonas litteras certamina quoque, quibus iuuenes bello nati exercebantur, instituit, & *Massiliam* sedem studiorum aliasque ciuitates. sed tamen de nulla re tam cupide disseruerunt sophistæ, quam de *Marathone*, *Salamine*, *Platæis*, vt *CICERO*¹ dicit: *hinc rhetorum campus de Marathone, Salamine, Platæis, Thermopylis, Leufris*. etenim hæc argumenta, quæ *Atheniensium* laudes ac merita bellica continebant, ipsis erant grata atque accepta, quæ sophistæ explicanda eo maiori cura eligebant, quo vehementiori gloriæ ac plausus studio tenebantur. atqui *Marathon* victoria *Atheniensium*, *Miltiade* duce locus erat illustris: *POMPO-*
NIVS:² *Marathon magnarum multarumque*

¹ De offi. lib. 1. cap. 18.² lib. 11. cap. 3.

virtutum testis iam inde a Theseo Persica maxime clade pernotus, de qua pugna etiam disse-
runt CORNELIVS NEPOS, IVSTINVS,
PLVTARCHVS, PAVSANIAS, CONFER CHRIS-
TOPHORVM CELLARIVM. ¹ in pugnae
ac victoriae huius memoriam multa Athenien-
ses moliti sunt opera, si quidem in illo campo
posuerunt insigne monimentum & tropaea,
aedificauerunt templum structura magnificum at-
que elegans; indixerunt celebritatem perpetuam & solemnem, etiam hominum eloquentium declamationes instituerunt. *Salamis* autem clarior facta Themistoclis victoria & Persarum clade: POMPONIVS MELA: ² *in Attbide Helene nota stupro Helenae & Salamis excidio classis Persicae notior*: CICERO: ³ *citetur Salamis clarissima testis victoriae*, item: ⁴ *ante Salaminem ipsam Neptunus obruet, quam Salaminii tropaei memoriam*. sic etiam apud *Plataeas* fuit nobilissimum proelium, ut adeo haud mirum sit, quod sophistae, qui singulari arte atque incredibili studio in aliorum affectus sese insinuare elaborabant, eloquentiam suam ad talia argumenta contulerint: confer LVDOVICVM CRESOLLIVM. ⁵

§. XI. Sic varia laudationum genera, quibus veteres sophistae sese addixerunt, commemorauimus, quibus traditis, muneris nostri est, ut ad orationes panegyricas nos conuertamus. supra iam obseruauimus, quod non quaeuis laudatio, quam protulerint sophistae, ad ora-

¹ Not. orb. ant. lib. II. cap. 13, p. 1159.

² lib. II. cap. 7.

³ lib. I. de officiis c. 21.

⁴ quaeß. Tusc. lib. I. cap. 46.

⁵ theatr. rhetor. lib. III. cap. 8.

tionēs panegyricas debeat referri, id quod partim ex harum indole ab antiquis artis oratoriae doctoribus tradita; partim ex ipsa laudationum, quas consecrati sunt, conditione aperte cognoscimus. namque ex veterum rhetorum praeceptis colligere possumus, duobus praecipue momentis absolui panegyricum sermonem, argumentorum quippe splendore, quae magnificas atque illustres personas respiciant, ac artis oratoriae decenti gravitate, elegantia ac pulcritudine. sed vero haud ubique in sophistis, quum laudauerint, deprehendimus utrumque. primum praedicarunt personas ac res non adeo illustres, id quod in primis in celebritatibus funerum accidit, prout orationes veterum graecorum LYSIAE, DEMOSTHENIS, GORGIAE, PERICLIS, ASPASIAE in memoriam fortium virorum dictae a priscis eloquentiae magistris DIONYSIO *Halicarnasense*¹ & THEONE² ab *ἐγκωμίοις* siue panegyricis distinguuntur. quanquam rem hanc ita enarrat MENANDER rhetor, graece apud ALDVM cum aliis graecis rhetoribus editus,³ ut existimet, sermones funebres diu post mortem eorum, quorum memoriae sunt consecrati, habitos non posse dici *ἐγκώμια* siue panegyricos: recitados autem non diu ab illorum obitu adpellandos esse *ἐγκώμια*, sed tale discrimen suo carere fundamento videtur. ad haec saepius dixerunt eiusmodi laudes, quamuis sermones ad artis leges minus composuerint, id quod etiam de romanis testatur CICERO:⁴ *nostra*

¹ Περὶ τῶν πανηγυρικῶν.² *progymnasmi.*³ περὶ ἐπιτάφιος. p. 63a.⁴ *de oratore lib. II. c. 84.*

laudationes, quibus in foro utimur aut testimonii breuitatem habent nudam, atque inornatam, aut scribuntur ad funebrem concionem, quæ ad orationis laudem minime adcommodata est. paullo ante autem dixerat: ipsi enim græci magis legendi; & delectationis aut hominis alicuius ornandi, quam utilitatis huius forensis causa, laudationes scriptitauerunt: quorum sunt libri, quibus Themistocles, Aristides, Agesilaus, Epaminondas, Philippus, Alexander alique laudantur; & alio loco ¹ de GORGIA: quod idem fecisse Gorgiam quum singularum rerum laudes vituperationesque conscripisset: quod iudicaret hoc oratoris esse maxime proprium, rem augere posse laudando, vituperandoque rursus affligere: quæ iterum nostram sententiam confirmare videntur. nam quamuis commemorati sermones Gorgiæ, qui non tam in personis, quam rebus laudandis ac vituperandis versabantur; etiam illi fere græcorum libri, qui ex CICERONIS testimonio laudationes clarorum virorum continebant, ad posteritatem haud propagati sint; satis tamen ex CICERONIS verbis colligere possumus, quod haud fuerint orationes ex illo genere, de quo disserunt rhetores, *ἐπίδεικτικῶν*, nec ad artis regulas compositæ. quo nomine simile est vero, veteres auctores hisce libris laudes regum aut ducum apud Græcos vel Macedonas more historicorum commemorasse, qualis hodie exstat XENOPHONTIS *Agesilaus* & de *Cyri* non tam institutione, quam perpetua laudatione: confer EZECHIELEM SPANHEMIVM. ²

¹ Bruto cap. 12.

² observ. ad Iuliani orationem I. p. 6. seqq.

§. XII. Quid multa? sophistæ sæpius res le-
uissimas prædicarunt, etiam malas ac pernicio-
sas ad laudem sibi proposuerunt. sic DIO Pru-
sæus laude ornauit psittacum, POLYCRATES
mures; LUCIANVS muscam; SYNESIVS cal-
vitiem; CLITARCHVS scripsit laudes tere-
dinis, quæ exiguum est animal api simile; PHA-
VORINVS febris, Eliensis adolescens poda-
græ, vt de aliis taceamus. nec defuerunt æuo
recentiori, qui eloquentiam suam in huius-
modi argumentis leuioribus consumserunt, vt
præter alios BIRCHAIMERVS, CARDANVS,
PONTANVS laudibus prosequuti sunt poda-
gram; IO. PASSERATIUS cæcitatem, HE-
GENDORPHINVS, TURNERVS ebrietatem,
HEINSIVS asinum, confer CASPAR. DOR-
NAVIVM, ¹ LVDOVICVM CRESOLLIVM, ²
IACOBVM PROVST, ³ GEORG. NICOL.
KRIEGK, ⁴ ZACHAR. GOEZIVM. ⁵ quum
igitur sophistæ de hisce rebus declamauerint
exercendi ingenii causa, vel potius copiæ, qua
pollerent, ostentandæ; quis sibi persuadeat,
tales orationes locum inter panegyricas iure
vindicare sibi posse? iam antiqua ætate inge-
nui eloquentiæ germanæ æstimatores a tali in-
stituto abhorruerunt atque hanc oratoriæ artis
depravationem ægro tulerunt animo, recteque
obseruarunt, princeps sophistis fuisse propo-
situm, vt ostentarent ingenia, plaususque ca-
ptarent populares. LACTANTIUS ⁶ dicit:
quid dicam de iis, nescio qui, quum semel aber-

¹ Amphitheatr. sapientia Socratico iocofer.

² theatr. rhetor.

lib. III. c. 9.

³ ad rhetor. ad Herem. l. I. c. 6.

⁴ de sophista-

rum eloquentia §. 64. p. 88.

⁵ dissert. de numis p. 33. seqq.

⁶ lib. III. cap. 24. instit. diuin.

rauerint, constanter in stultitia perseuerant, & vanis vana defendunt; nisi quod eos interdum putò aut ioci causa philosophari; aut prudentes & scios mendacia defendenda suscipere, quasi ut ingénia sua in malis rebus exerceant vel ostendent.

§. XIII. Quæ sententia nostra, quod haud quauis veterum sophistarum laudatio tueri possit nomen orationum panegyricarum, in duplicem quæstionem inquirendi, nobis offert occasionem. altera est: quis auctor sermonum vere panegyricorum, quorum indolem veteres rhetores explanarunt, haberi debeat? cuius rei primas laudes attribuimus ISOCRATI. hic enim culturæ eloquentiæ multam dedit operam, cuius domus cunctæ græciæ quasi ludus quidam patuit atque officina dicendi: magnus orator & perfectus magister, quamquam forensi luce caruit, intraque parietes aluit eam gloriam, quam nemo quidem meo iudicio est postea consequutus, vt CICERO¹ dicit: opposuit sese magno studio fraudibus ac fallacijs sophistarum, aduersus quos dixit etiam orationem, qua istos inter alia hoc nomine reprehendit, quod promitterent, se tradituros rationem tractandarum litium forensium, quum longe plura sint,² in quibus orator maiori dignitate possit versari. quod autem speciatim attinet ad orationes panegyricas, scribit anonymus HERMOGENIS enarrator:³ καὶ οἱ παλαιοὶ ῥήτορες τὸ παραπαν ἔκτελουν τὸ αὐτῷ τῷ τρόπῳ, ὡν οὐκ ἔχοντες. ΠΡΩ-

¹ Bruto cap. 3. ² conf. MURETVM var. lect. lib. III. cap. II.

³ p. 413.

ΤΟΣ Ἰσοκράτης νεώτερον ἔγραψεν ἐγκώμιον, & *prisci quidem oratores plane eo, panegyrico quippe, non sunt vti ad eum modum; quo nunc utuntur.* PRIMVS *Isocrates recentius scripsit encomium.*

§. XIII. Altera quæstio est: quanam sophistarum declamationes ex diuersis laudationum generibus, quæ a nobis commemorata sunt, ad panegyricos sermones debeant referri? heic iterum obseruare decet, quod haud differamus de iis orationibus panegyricis, quarum vsus fuit in ludis & aliis celebritatibus græciæ, quæue a conuentibus solemnibus ita sunt adpellatæ; sed eas intelligamus, quæ contineant laudes principum aut aliarum illustrium personarum. quales sermones recitandi multiplex est occasio, siue illi, quorum honori consecrati sunt, in viuentium cœtu adhuc versentur, siue e vita excesserint, adeo ut orationum funebrium nonnullæ possint esse panegyricæ. etenim quamuis orator principi cuidam gratuletur modo ratione solemniori de suscepto imperio, de rebus feliciter gestis, quarum præcipuæ sunt victoriæ & triumphi; modo ratione minus solemniori propter natalium nuptiarumque celebritatem; pleniori tamen ore laudes ipsius prædicare adeoque sermonem panegyricum dicere potest, id quod etiam ex DIONYSIO *Halicarnasseo* patet. ex quibus colligimus, quod laudationes deorum dearumque, quas susceperunt sophistæ, nullum locum in hisce orationibus panegyricis habere possint, præcipue quum prima ætate sermones panegyrici in ludis & cele-

britatibus græciæ in honorem deorum deorumque recitarentur. nec orationes funebres in memoriam pro patriæ salute defunctorum promiscue hanc adpellationem tueantur, nisi constet, quod sermo partim ad artis oratoriæ leges fuerit compositus; partim laudes principis cuiusdam personæ explanauerit. & quod ad laudationes amplissimarum ciuitatum adtinet, istas e sede panegyricarum orationum penitus eiicere, durius forsân videri posset, præcipue quum nihil impediât, quominus sermo panegyricus præter personas etiam in rebus magnificis verletur.

§. XV. Hisce antea positis, haud alienum erit a proposito dissertationis argumento, præcipuos oratores, quorum sermones panegyrici adhuc conseruati sunt, commemorare. primus est ISOCRATES Theodori filius, Atheniensis, natus olympiad. LXXXVI. i. archonte Lyfimacho, qui audiuit PRODICVM Ceum, PROTAGORAM, GORGIAM Leontinum & alios, ac tantam eloquentiæ laudem consecutus, vt sua ætate princeps hominum eloquentium haberetur. inter orationes ipsius, quarum LX. ferebantur ætate PLUTARCHI; CAECILIUS vero XXVIII. & DIONYSIUS Halicarnasæus XXV. pro genuinis habebant, existant nonnulli λόγοι ἐγκωμιαστικοί, quo pertinent Ευαγόρας, siue oratio funebris in laudem Euagoræ regis Cypriorum, cuius iam mentionem fecimus; item Ελένης ἑγκώμιον, de quo sermone ita iudicat VOSSIUS: ¹

¹ 193 *Instit. orator. lib. I. cap. 5. p. 51.* O. Vossii.

22nd

7 114

/

114

ita Isocrates in Helenes encomio plura habet
πάρεργα, quam *ἔργα*. nam quod argumentum
 natura sua sterile foret, magnam orationis
 partem consumit in reprehensione sophistarum,
 laudatione Thesei, excusatione Paridis ac lau-
 de pulcritudinis; item Βούρεις, siue laus Busi-
 ridis crudelissimi Aegyptiorum tyranni, ab
 Hercule interemti, quod argumentum omni-
 no erat *παράδοξον*, prout etiam VIRGILIUS
 dixit Busiridem illaudatum; porro ISOCRA-
 TES oratione, quæ inscribitur *παναθηναϊκός*,
 extollit Athenienses eorumque beneficia in
 græcos præ Lacedæmoniis prædicat. hunc
 sequitur AELIUS ARISTIDES, Eudæmonis
 filius Adrianensis, quiue sub Hadriano & An-
 tonino Pio floruit, & quoties diceret, insigni
 cum plausu semper est auditus, cuius oratio-
 nes iam supra enarrauimus, quas in honorem
 ciuitatum recitauit; heic autem inprimis men-
 tionem habemus sermonis *εἰς βασιλέα*, quo
 laudatione M. Antonini imperatoris fungitur,
 eiusque pietatem, iustitiam, æquitatem, tem-
 perantiam, fortitudinem, prudentiam ac feli-
 citatem celebrat. tertius est IULIANVS, Iu-
 lii Constantii & Basilines filius, qui primum
 formatus ad cultum christianum; posthac au-
 tem annos viginti natus, quum Maximum
 Ephesium, philosophum & Libanium sophi-
 stam Nicomediæ audiuisset, ab isto desciiuit.
 inter scripta ipsius & orationes exstat primum
ἐγκώμιον πρὸς τὸν αὐτοκράτορα Κωνσταντίον, in
 Constantii imperatoris laudem, qui sermo ex

1 Georg. III. v. 5.

orationum genere, quæ βασιλικὸς λόγος a graecis rhetoribus adpellantur, prout de iis MENANDER rhetor¹ ait: ὁ βασιλικὸς λόγος ἐγκώμιον ἐστὶ βασιλέως, qui etiam² meminit scripti a CALLINICO sophista sub Antonino Pio μεγάλη βασιλική. hic autem CALLINICVS Syrus, vel vt alii habent, ex Arabia petræa oriundus docuit Athenis Galieno imperante, inter cuius scripta commemorat SVIDAS περὶ τῆς Ρωμαίων ἀνανεώσεως καὶ ἄλλα τινὰ ἐγκώμια καὶ λόγους. porro IVLIANVS dixit περὶ τῶν αὐτοκράτορος πράξεων ἢ περὶ βασιλείας, de eisdem Constantii imperatoris rebus gestis siue de regno, quam vtramque orationem circa annum seruatoris nostri CCCLVIII. compositam respicit IVLIANVS ipse³ & ZOSIMVS;⁴ sic & scripsit Εὐσεβίᾳς τῆς βασιλίδος ἐγκώμιον, encomium imperatricis Eusebiæ, Constantii coniugis, cui plurimum debuit IVLIANVS. quartus est LIBANIVS natus Antiochiæ, qui plurima scripsit, & cum in demonstratiuo, tum deliberatiuo genere orationes varias composuit, etiam fictas declamationes & controuersias. huic pertinent βασιλικὸς, panegyricus in Constantium & Constantem, quo & laudat Constantinum magnum; item προσφωνητικὸς, adlocutio panegyrica ad Iulianum, cui hanc iucundam fuisse, ipse indicat LIBANIVS:⁵ καὶ ἔειπον παρακληθεὶς ἐκ ἐνοχλήσεως. ὁ δὲ ἐτέρεπετο βεβαιῶν μοι τὸ προόμιον. ἔφη γὰρ αὐτὸν ἐν προοιμίῳ πάντα τὰ μὰ καλὰ νομίζειν ὑπὸ τῷ

¹ Ab initio capituli περὶ ἐπιδεικτικῶν p. 612. ² p. 613.

³ epist. XLI.

⁴ lib. III. cap. 8.

⁵ epist. VIII. ad Celsum p. 22. edit. Wolfii.

ἐξᾶν καὶ ὅτως ἐξέβη, *persuafus autem habui orationem, nec molestus fui: ipse vero delectatus sermone proœmium meum confirmabat. in hoc enim dixeram, eum omnia mea putare eximia ex mei amore; atque ita quidem euenit:* nec non εἰς Ἰουλιανὸν, panegyricus dictus Iuliano imperatori consuli, in quem & dixit orationem funebrem panegyricam. tandem etiam commemoramus THEMISTIVM, qui non solum philosophiæ, sed & eloquentiæ meritis clarissimus fuit, ac dictus εὐφραδῆς, atque ob panegyricum sermonem imperatori Constantio sacrum donatus est statua ærea. inter ipsius orationes, quas nitide atque optimo studio edidit IO. HARDVINVS, varii sunt panegyrici laudibus imperatorum consecrati, quos cum aliis studiosissime atque erudite recenset IO. ALBERTVS FABRICIVS. ¹

§. XVI. Breuiter commemorauimus oratores, quorum sermones panegyrici adhuc exstant, qui quum etiam adpellati sint ἐγκώμια, non ab re erit, de voce hac quædam disserere. de origine nominis huius variæ sunt sententiæ. alii ex priscis grammaticis & rhetoribus tradunt, ortum id esse, quum laudes ἐν κώμας, in vicis dicerentur, vel vt existimat græcus & anonymus APHTHONII enarrator διὰ τὸ τηνικαῦτα τὴν Ἑλλάδα κατὰ ΚΩΜΑΣ οἰκῆσθαι, *quod tum VICATIM græcia habitaretur*, quod etiam adprobat HESYCHIVS: ἐγκώμιον, ἐνδημον· κῶμα γὰρ τὰ τῷ δήμῳ συστήματα, *encotium, populare. κῶμα enim sunt populi ca-*

¹ Bibl. græc. lib. V. cap. 18, §. 3. p. 7. seqq.

tus: alii vero putant *ἐγκώμιον* dici ἀπὸ τῶν τοῖς ΚΩΜΟΙΣ καὶ συμποσίοις ἀδεδῆαι, quod ea in commessionibus & epulis canerentur, vide THEONEM¹ & EZECHIELEM SPANHEMIVM.² qua sententiarum diuerfitate omnino simile est vero, quod prima ΕΓΚΩΜΙΩΝ origo a variis laudationum generibus in epularum celebritate recitatis sit deducenda, id quod non solum ex PINDARO & PLATONE patet; sed & CICERO³ dicit: *atque utinam exstarent illa carmina, quæ multis seculis ante suam ætatem in epulis esse cantata a singulis conuiuiis de clarorum virorum laudibus, in originibus scriptum reliquit Cato.* præter hæc disputatur, quomodo differant *ἔπαινος* & *ἐγκώμιον*. ARISTOTELES⁴ adfirmat, *ἔπαινον* esse virtutum, *ἐγκώμιον* factorum; *μαχαρισμὸν καὶ εὐδαιμονισμὸν* significare quemdam propter virtutem prædicare felicem, de quo discrimine etiam disserunt THEO, APHTHONIVS ac in primis MENANDER rhetor, & inter alia tradunt, quod *ἐγκώμιον* sit viuentium, non mortuorum, quod autem refutat ISOCRATIS *ἐγκώμιον* dictum Euagoræ vita functo; aut vnius singularis virtutis, vt iustitiæ in Aristide, aut rerum gestarum solum, non autem virtutum illius, de quo agitur, laudatio, vt de aliis momentis taceamus. de cetero recte observat IVLIVS CAESAR SCALIGER: *ὁ ὅτις ἐγκωμιάζων ἐπαινεῖ, non autem e conuerso. ac*

¹ Progymnasim. p. 75.

² nos, ad orat. I. Iuliani p. 5. seqq.

³ Bras. cap. XVIII.

⁴ rhetoricor. lib. I. cap. 9.

⁴ poetic. lib. III. cap. 109.

sane

sane πρῶτος videtur ἑγκωμῆς pars: confer
GERH. 10. VOSSIVM. ¹

§. XVII. Hactenus de oratoribus græcis, qui conscripserunt ac dixerunt orationes panegyricas, quarum rationem & structuram, item dicendi genus, quod sunt sequuti, si inspicere velimus, consultum est, hac de re consulere priscos rhetores, qui præcepta artis oratoriae litteris consignarunt, de quibus legantur DANIEL GEORGIVS MORHOFIVS, ² IO. ALBERTVS FABRICIVS. ³ inprimis tali desiderio satis facere potest ALDI MANVTII collectio rhetorum, ⁴ qua præter APHTHONII, HERMOGENIS, ARISTOTELIS, SOPATRI, CYRI, ALEXANDRI & aliorum scripta rhetorica continentur DIONYSII *Halicarnassei τέχνη περὶ τῶν πανηγυρικῶν* & MENANDRI rhetoris *περὶ γενεθλίων & διαίρεσις τῶν ἐπιδεικτικῶν*, siue de diuisione caussarum in genere demonstratiuo, quamuis obseruet HENRICVS VALESIVS, ⁵ quod altera pars huius libri rhetori ALEXANDRO sit vindicanda; in editione Aldina autem ex duobus operibus MENANDRI & ALEXANDRINIUS liber perperam fuerit conflatus. dissertationis enim modus haud permittit, hæc etiam explanare atque exponere, præcipue: quum princeps nobis sit propositum, orationum panegyricarum originem declarare, & ea, qua fieri potuit breuitate, illarum exempla ad-

¹ Institution. orat. lib. I. cap. 5. p. 45. ² polyhist. litterar. lib. VI. cap. I. ³ bibl. græc. lib. IV. cap. 31.
⁴ Venetie 1508. fol. ⁵ ad Eusebium p. 28.

tingere.

tingere. de cetero ex iis, quæ disputauimus, facile fata huiusmodi sermonum in græcia cognoscere possumus, etiam obseruare varias illorum ætates, quum modo prosperiori, modo duriori fortuna vterentur pro ipsis variis eloquentiæ fatis. equidem monet scriptor antiquus argumenti in ARISTIDIS panathenæicum, tres oratorum græcorum veterum *φοῦροι*, siue prouentus potissimum enituisse, quorum primo PERICLES, THEMISTOCLES, ALCIBIADES & alii floruerunt eloquentia; nihil autem litteris tradiderunt: secundo eminent decem illi celeberrimi, ANTIPHON, ANDOCIDES, LYSIAS, ISOCRATES, ISAEVS, LYCVRGVS, DEMOSTHENES, AESCHINES, HYPERIDES & DINARCHVS: tertio in Asia, nec minus Athenis clarissimi *σοφισταὶ* extiterunt, quorum memoriam celebrauit PHILOSTRATVS. sed vero tam accurate classes orationum panegyricarum ponere & ipsarum fata pro diuersis temporibus distincte explanare, res esset omnino ardua & difficilis, præcipue quoniam plurium monimenta oratoria ad posteritatem haud propagata fuerunt.

§. XVIII. Nunc ordinis ratio ac promissi fides iubet nos, animum quoque ad latinos auctores conuertere. romanis studium eloquentiæ fuit princeps, cui omni industria ac vigilantia ita sese consecrarunt, vt istam philosophiæ & disciplinæ, quæ cognoscendis legibus absoluitur, anteferrent. multiplex eius erat vsus atque exercitatio, quum modo suaderent

derent aut dissuaderent, modo adcusarent aut defenderent: modo laudarent aut reprehenderent, ex quibus exercitationum generibus ista secundi ordinis fuit omnium fere nobilissima. qua propter adolescentes, vt præpararent animum ad eloquentiam forensem, adcusarunt viros, id quod fecit Lucius Crassus, qui adcusauerat eloquentissimum hominem C. Carbonem: CICERO: ¹ *sed quum sint plura causarum genera, quæ eloquentiam desiderant, multique in re publica adolescentes & apud iudices & apud senatum dicendo laudem sunt adsecuti, maxima est admiratio in iudiciis: quorum ratio duplex est. nam & ex adcusatione & defensione constat: quarum etsi laudabilior est defensio, tamen etiam adcusatio probata per sepe est:* confer PAVL-
LVM MANVTIVM ² & CHR. ADAMVM RVPERTVM. ³ genus demonstratiuum causarum etiam adhibuerunt, ita vt laudauerint splendoras personas ac res; in primis autem apud illos in more positum fuit, vita defunctos funebri laudatione prosequi. quis primus viros claros post fata laudare instituerit? de eo iam superioribus quædam obseruauimus, quo nomine heic alia ritus huius momenta, ea qua decet breuitate, ex antiquis monumentis colligamus. scilicet primis temporibus viros tantum eosque illustres in concione funebri laudarunt, quo referunt fragmentum illud apud CICERONEM: ⁴ *honoratorum vi-*

1 De officiis lib. II. cap. 14.

2 de legibus romanis cap. 21.

3 obseruat. ad Vellei. Patere. lib. II. cap. 43.

4 de legibus lib. II. cap. 24.

rorum laudes in concione memorentur: easque etiam cantu ad tibicinem prosequatur. cui nomen neniam. neniam enim generatim significat quamlibet cantionem; speciatim vero laudis, etiam funebrem, & rectius scribitur neniam vocali simplice, quam neniam per diphthongum, vti obseruat THOMAS REINSEIVS.¹ erat autem apud antiquos consuetudo, vt in celebritate funerum musica vsus adhiberent, eamque modo tibia, modo tuba, modo alius instrumenti ope exercerent, cuius rei in antiquitatum historiis multa exstant vestigia: vide ALEXANDRVM ab ALEXANDRO² & CASPAR. BARTHOLINVM.³ posthac vt eodem honore mulieres etiam adficerentur, a senatu decretum fuit, quoniam singulare liberalitatis ediderunt documentum atque aurum, quo vrbs a gallis capta liberari posset, adtulerunt, auctore LIVIO:⁴ quamquam PLVTARCHVS⁵ aliam causam commemorat; in ipsa autem re a LIVIO haud discrepat. ab initio mulieres ætate grauiores sunt laudatæ; sed quum prædicandi cupiditas ceperit incrementa, iuniores quoque matronas laudatione funebri ornauerunt, qualis supremus honor habitus est Iulii Cæsaris filia, Cn. Pompeii vxori;⁶ Octauia sorori Augusti;⁷ Livia Augustæ⁸ & aliis. quod ad infantes, pueros atque adulescentes adtinet, il-

¹ *Variar. lectien. lib. I. cap. 20. p. 80.* ² *lib. III. cap. 7. diar. genial.* ³ *de tibis veterum lib. II. cap. 14. 15.*
⁴ *lib. V.* ⁵ *tom. I. p. 133.* ⁶ *DIO CASSIUS lib. XXXVIII.* ⁷ *ibidem lib. XIII.* ⁸ *SVETONIUS vita Caligula c. 10. TACITVS annal. lib. V. cap. 10.*

lorum funera dicebantur *acerba*, siue *imma-
tura*, atque omiſſis ceremoniis ſubtrahebantur oculis, qua de re teſtatur TAGITVS: ¹ *feſtinationem ex ſequiarum edicto Caſar defendit, id a maioribus inſtitutum referens: ſubtrahere oculis acerba funera neque laudationibus aut pompa detinere.*

§. XVIII. Laudationes funebres habebantur pro roſtris, vbi duplex erat cathedra, alia ſuperior, quam nemo, niſi ex publica permiſſione aſcendere poterat; alia vero inferior. hinc dicit LIVIVS: ² *Fabium deductum de roſtris Papirius in partem inferiorem iuſſit. ſecutus pater, bene agis, inquit, quum eo nos deduci iuſſiſti, vnde & priuati vocem mittere poſſemus.* hæc honorum officia præſtabant propinqui ſuis propinquis, vt liberi parentibus: HIERONYMVS: ³ *moris quondam fuit, vt ſuper cadauera parentum defunctorum in concione pro roſtris laudes liberi dicerent, & inſtar lugubrium carminum ad ſletus & gemitus audientium pectora concitarent.* ſic Q. Metellus in ſupremis laudibus L. Metelli patris ſui locutus eſt, teſte PLINIO: ⁴ Tiberius novem natus annos defunctum patrem pro roſtris laudavit; ⁵ Auguſtus adoleſcens prædicavit auiam Iuliam defunctam pro concione, ⁶ vt de aliis exemplis taceamus. neque vero tantum propinqui munere hoc laudandi fungebantur, ſed & amici, qui hæc officia amicis

¹ Ann. lib. XIII. cap. 17.

² lib. VIII. cap. 33.

³ epitaph. Nepotian.

⁴ lib. VII. cap. 43.

⁵ SVETON:

Ner. cap. 6.

⁶ id. Aug. c. 7.

& maxime viris illustribus, quorum memoriam haberent sanctam, exhibebant. quin etiam interdum grauitissimi atque eloquentissimi viri defunctos laudarunt, vt tradit PLINIVS ¹ de Virgino Rufo: *huius viri exsequia magnum ornamentum principi, magnum seculo, magnum etiam foro & rostris attulerunt; laudatus est a Consule Cornelio Tacito: nam hinc supremus felicitati eius cumulus accessit, laudator eloquentissimus.* de funere autem Paulli romani consulis SILIVS *Italicus*: ²

*iamque Annibal vnus
sat decoris laudator erat.*

ad hæc sæpe numero senatus consultum munus hoc imposuit magistratibus, in primis quum quis pro patriæ salute in bello defunctus fuerit laudandus, id quod fatetur QVINCTILIANVS: ³ *genus quod laude constat, videtur Aristoteles atque eum secutus Theophrastus a parte negotiali, hoc est pragmaticis remouisse. sed mos romanus etiam negotiis hoc munus inseruit. nam & funebres laudationes frequenter pendent ex publico aliquo officio atque ex senatus consulto magistratibus sæpe mandantur: confer IO. KIRCHMANNVM, ⁴ IACOBVM GVTHERRIVM, ⁵ FERRARIUM, ⁶ CAROLVM SAMVEL. SENFIVM. ⁷ sed tamen vt de laudationibus funebribus veterum græcorum obseruauimus,*

¹ Lib. II. ep. 1. ² lib. X. v. 570. ³ lib. III. cap. 9. institut. orator. ⁴ de funer. roman. lib. II. cap. 18.
⁵ de iuremanium lib. I. cap. 25. ⁶ de concion. veterum.
⁷ dissertationibus de concionibus funebr. veterum.

quod

quod non promiscue in orationibus panegyricis debeant numerari; ita quoque de laudibus, quas romani in defunctorum memoriam dixerunt, sentimus. huiusmodi enim laudationes minus semper præ se habebant ornamentum artemque oratoriam, quod vel ex hoc colligere possumus, quoniam iuvenes, quibus tanta facundia aut eloquentiæ virtus haud inerat, mortuos in ipsorum funeribus prædicarunt. quid multa? CICERO sententiam nostram satis confirmat, cuius verba iterum commemorare haud inconsultum esse ducimus: *nostræ laudationes, quibus in foro utimur, aut testimonii breuitatem habent nudam atque inornatam, aut scribuntur ad funebrem concionem, quæ ad orationis laudem minime adcommodata est.*¹ quod si ita est, sicuti est, facile causam deprehendere possumus, cur antiqua oratorum monimenta non multas contineant orationes panegyricas. plerique enim, ut iam obseruauimus, versabantur in causis forensibus, quum defenderent aut adcusarent alios, id quod satis ex sermonibus CICERONIS pro Milone, Roscio Amerino, Archia poëta; contra Verrem, Catilinam patet.

§. XX. Ceterum quædam orationes panegyricæ ex antiqua ætate adhuc conseruatæ sunt, quas breuiter recensere instituamus. principem locum tenet PLINII *panegyricus* Traiano dictus in frequenti senatu anno ipsius imperii tertio V. C. DCCCLIII. seruatoris nostri C. ætatis XXXVIII. erat quippe PLI-

¹ De oratore lib. II. cap. 84.

NIVS orator clarissimus, vt nemo facile illi præferatur, prout vndeicesimo anno in foro dicere cœpit ¹ & per omnem ætatem causas egittam apud centumuiros, ² quam in senatu nobiliores, quas hisce verbis ³ collegit in summam: *adfui Baticis contra Babium Massam. quæsitum est, an danda esset inquisitio: data est. adfui rursus, iisdem querentibus de Cecilio Classico. quæsitum est, an provinciales vt socios ministrosque proconsulis plecti oporteret; pœnas luerunt. accusaui Marium Priscum; qui lege repetundarum damnatus, utebatur clementia legis, cuius seueritatem immanitate criminum excesserat: relegatus est. tuitus sum Iulium Bassum; dixi proxime pro Varenò.* hic excellens orator elegantissimum quoque dixit panegyricum, qui commodè in tres partes, exordium, ipsam tractationem & conclusionem diuidi potest. exordium declarat partim rationem, cur initio deos precetur, quod hæc consuetudo sit instituta a maioribus, quam a nemine sanctius obseruandam esse, quam a se dicit, quia consulem deceat religio & Traianus datus sit a diis; partim ostendit hanc laudationem susceptam esse propter senatus consultum. ipsa tractatio continet laudes vitæ Traiani cum publicæ, tum privatæ: quod ad vitam publicam adtinet, laudat PLINIVS Traianum, ac recenset ipsius præclara opera in salutem patriæ, ita vt ordinem temporis sequatur, ab adoptione faciat auspiciū & in tertio consulatu desinat. altera

¹ Lib. V. ep. 8. n. 8.

² lib. I. ep. 18. n. 3. lib. VIII. ep. 23. n. 1.

³ lib. VI. ep. 29. n. 8.

parte ad vitam priuatam spectante prædicantur Plotina Traiani coniux, & Marciana soror, item Traiani in colendis amicitiiis constantia. tandem concludione compellat Neruam & Traianum patrem, quibus de filii virtutibus gratulatur, item senatores, a quibus dicendū munus sibi impositum erat, ac Traianum imperatorem, cui gratias agit, nec non custodes imperii Deos, præcipue capitolinum Iouem, quem orat pro æternitate imperii & principis, atque iterum senatores, quibus pollicetur obsequium. hic **PLINII** panegyricus vna cum ipsius epistolis editus est cura **CATANEI**, **IANNI GRVTERI**, **BOXHORNII**, **A. C. ROTHII**, **TH. HEARNE**, **CHRISTOPHORI CELLARII**; seorsim vero studio **IUSTI LIPSII**, **GEORG. CASP. KIRCHMAYERI**, **DOM. BAUDII**, **TAN. FABRI**, **IACOBI de la BAYNE** in vsum serenissimi Delphini, & **GODOFREDI LVDOVICI**, confer **I. A. FABRICIVM**.¹

§. XXI. Ex seculo a Diocletiano ad Theodosium superstites duodecim illi panegyrici veteres, quorum indicem exhibere & varias obseruationes addere instituamus:

I. est panegyricus **CLAVDII MAMERTINI** senioris Maximiano Herculeo dictus, qua oratione celebrauit natalem vrbs Romæ in Treuerorum ciuitate, præsentē Maximiano.

II. eiusdem **MAMERTINI** genethliacus eidem Maximiano consecratus in natali die, non imperii, sed vitæ Maximiani, vt diserte²

¹ Bibl. latin. lib. II. cap. 22. §. 4. & suppl. p. 220.

² cap. XVIII. §. 2.

prodit: *sole cum nascentibus pariter oriuntur pietas atque felicitas*; item quod nascentes vos ad opem generis humani bona sidera & amica viderunt; ex quibus cognoscitur, non posse panegyricum hunc de natalibus imperii intelligi. vocat natalem *geminum* seu geminos natales, ¹ vtriusque quippe principis Diocletiani & Maximiani, non quod eodem die ambo augusti nati fuissent, sed quod fratres censebantur, & vnus natalis etiam ab altero, non secus ac si vtriusque proprius esset, celebrabatur, vt dicit CHRISTOPHORVS CELLARIVS. ² dixit hanc orationem a. Chr. CCXCII. non diu post Maximiani quinquennalia, vt ipse dicit: ³ sermonem *tuis quinquennialibus preparaueram*; quinquennalia autem, decennalia, vicennalia ab annis imperii sui imperatores augusti vocabant ludos & festos dies votorum solutione nouorumque nuncupatione celebrandos. orator hic ab adulatione haud vacuus est, nec potest excusari, Maximianum Herculeum principem malis moribus, etiam Diocletianum supra modum mortalitatis extollens, siquidem dicit: ⁴ vos *diis esse genitos & numinibus quidem vestris*. numina quippe, quæ heic intelligit, sunt Iuppiter & Hercules, ex quorum stirpe se progenitos prædicabant, vnde pro sua vanitate Diocletianus *Iouii*, Maximianus *Herculei* sibi cognomen adsumserunt, quod etiam ex priori panegyrico ⁵ patet, & in nummo apud EZECHIELEM SPANHE-

¹ Cap. I. n. 1. cap. 2.

² argumento huius orationis p. 25.

³ cap. I. n. 1.

⁴ c. 2. n. 4.

⁵ cap. I. n. 4. cap. II. n. 3.

cap. II. n. 5.

MVM de eisdem imperatoribus: IOVI & HERCVLI AVGG.

III. EVMENII pro restaurandis scholis ad præsidem galliæ sub Constantio Cæsare nondum augusto. EVMENIVS hic rhetor fuit Augustoduni in gallia, non vero Cluuiopoli ad Rhenum, vide IO. BRAVNIVM¹ & IO. ALBERTVM FABRICIVM;² quam urbem Augustodunum TACITVS³ prædicat inque præcipuis ornamentis numerat *nobilissimam galliarum sobolem studiis ibi operatam*: confer CHRISTOPHORVM CELLARIVM.⁴ ex Augustodunensi rhetore EVMENIVS constitutus est magister sacræ memoriæ in aula Constantii cæsaris, cuius munus erat, adnotationes omnes dictare atque emittere & precibus respondere, vide GVTHERIVM:⁵ quo honore se functum esse, ipse fatetur, quando scribit: ⁶ *nunc quod in secundum locum distuli, quemadmodum id sine sumptu publico & cum laude sacræ largitionis fieri possit, ostendam. salarium me liberalissimi principes ex huius reipublicæ viribus in sexcentis millibus nummum accipere iusserunt, non quoniam non amplius tribuere commodis meis vellent, in quem multo maiora & prius & postea præmia contulerunt, sed ut terrena illa sesteritia, quæ sacræ memoriæ magister acceperam, in honore priuati huius magisterii addita pari forte geminarent. sed rursus ad scholam eodem honore & duplicato salario, quo in aula frui consueuerat, reuocatus hac oratione a perfectissimo prouinciæ Lugdunen-*

¹ De vestitu sacerdotum Hebraeor. lib. II. cap. 3. ² suppl. bibl. lat. p. 222. ³ lib. III. ann. c. 43. ⁴ dissertat. acad. p. 368.
⁵ de officio domus. Aug. III. 3. ⁶ cap. XI.

sis præside petit, vt commendet principibus Mænianam scholam instaurandam. Bagaudæ enim, ZOSIMO¹ Βαγᾱυδαί, rustici galliæ propter iniquitatem præfectorum turbas seditio- nemque fecerant, vt SALVIANVS² tradit; EUTROPIVS³ *factionem* vocat, quæ Bagaudarum nomen sibi imposuerit; quo tumultu etiam schola Mæniana vastata fuit. quæ instauratio vt feliciorem haberet successum, sumtus ipse pollicitus est ex abundantia salarii sui conferre, quamquam pater sobolis numerosæ.

IIII. eiusdem EVMENII Constantio Cæsari dictus recepta Britannia A. C. CCXCVI. quo gratulatur Constantio Cæsari de vindicata, eiectis Francis, Batauia & maxime de Britannia, oppressis Carausio & Allecto tyrannis adserta in libertatem, cuius rei historiam habet EUTROPIVS. ⁴ quod autem EVMENIVS auctor sit huius sermonis, patet ex ipsius principio, quo dicit se versari *in quotidiana illa instituenta iuuentutis exercitatione*: & paullo post: *sed quum ex vetere illo curriculo me aut inter adyta palatii vestri alta quedam sermonis arcani ratio demouerit.*

§. V. est epithalamius incerti auctoris Maximiano & Constantino in huius & Faustæ nuptiis dictus A. C. CCCVIII. & vt adparet, in Treuerorum vrbe, nuptiarum loco. Maximianus bis focer fuit & Constantii per Theodoram priuignam & Constantini per filiam Faustam, qui Constantinus eodem tempore AVGVSTI nomen adsumsit, antea CAESARIS

¹ Lib. VI. cap. 2.

² de gubern. V.

³ lib. IX. c. 13.

⁴ lib. VIII. cap. 13. 14.

contentus dignitate. cæsarum enim potestas fuit minor, quam augustorum, etiam insignia & ornamenta minora: inprimis abstinebant cæsares diademate, ac quamuis vterentur purpura, sine auro tamen, siquidem ab augustis prudenter sunt constituti, ut tum gerendis rebus, tum maxime successioni prospiceretur.

VI. EVMENII Constantino augusto dictus A. C. CCCVIII. qui Augustodunensis rhetor filio Constantino, adolescenti imperatori, antequam Augustodunum venisset, in Treueris ipso vrbis huius natali die hanc orationem habuit. ita enim ¹ dicit: *hic video hanc fortunatissimam ciuitatem, cuius natalis dies tua pietate celebratur.* priori parte huius sermonis laudat patrem Constantini Constantium; altera vero ipsum Constantinum imperatorem, quem precatur, ut urbem Augustodunum inuiat: ² *dii immortales, inquit, quando illum dabitis diem, quo presentissimus hic deus, omni pace composita, illos quoque Apollinis lucos & sacras sedes & anbeia fontium ora circumeat?* etiam commendat liberos suos quinque imperatori, præcipue illum iam summa fisci patrocinia tractantem. ³

VII. EVMENII gratiarum actio Constantino augusto Flauientium nomine dicta Treueris A. C. CCCXI. quia ipsis magnam census partem remiserat; Flauientes autem sunt Augustodunenses. namque Augustodunum princeps Aeduum ciuitas, quæ vel accepit vel adsumsit nomen Flauiae in memoriam acceptorum a Constantino beneficiorum, cuius prin-

¹ Cap. XXII.² c. XXII.³ cap. XXIII.

cipis nomen hoc fuit gentile, & omnium, qui ex familia eius post ipsum imperarunt.

VIII. incerti auctoris Constantino Augusto consecratus sermo, & habitus in vrbe Treuerorum, quum Constantinus Maxentio victo in Gallias & ad Rhenum reuertisset anno Chr. CCCXIII.

VIII. panegyricus NAZARII Constantino Augusto dictus CCCXXI. quo de bello aduersus Maxentium & Constantini clemente victoria Romæque liberatione disserit facunde; laudatur autem hic insignis rhetor ab AVSONIO,¹ cuius etiam mentionem facit HIERONYMVS² item filia ipsius *Eunonia*, virginis christianæ & eloquentiæ laude celebris: adde TILLEMONTIVM.³

X. MAMERTINI pro consulatu gratiarum actio Iuliano augusto: qui Mamertinus diuersus est ab illo, cuius supra duas orationes ad Maximianum Herculeum commemorauimus, quoniam septuaginta anni intercedunt. ille enim Mamertinus recitauerat suos sermones A. C. CCXCII. huius autem panegyricus dictus est Romæ calend. ianuar. A. C. CCCLXII. quo primum Mamertinus Iuliani victorias laudat, eiusdemque virtutes singulares; deinde ipsi gratias agit, consulis atque aliis honoribus ab eodem ornatus, ac iterum amorem, quo fouebat bonas litteras, etiam modestiam, clementiam, humanitatem prædicat.

XI. MAGNI AVSONII pro consulatu gratiarum actio Gratiano augusto sacra & dicta A. C. CCCLXXIX. quum Ausonius Burdigala-

¹ Commendat, Professor. Burdigalens. XIV. v. 9.

² in chron.

³ histor. imperator. t. lIII. p. 385.

lensis

lenſis rhëtor & poëta a Gratiano, cuius præceptor fuit, magnis honoribus adfectus eſt, poſt quæſturam præfecturamque prætorii etiam conſul prior in caſtris ad Sirmium declaratus. vt igitur animum beneficiorum memorem declararet, hoc ſermone Gratiano egit gratias, atque ipſius virtutes domeſticas maxime laudibus ornauit.

- XII. LATINI PACATI DREPANII Theodoſio auguſto dictus A. C. CCCXCI. Romæ ſpectante ſenatu, quum imperator interfecto Aquileiæ Maximo triumphans in urbem reuertiffet, quo DREPANIVS Theodoſio victoriam de hoc tyranno gratulatur, ipſius virtutes & priuatas & publicas imperii prædicans, vide FABRICIVM. ¹

§. XXII. Alii alium horum panegyricorum ordinem ſequuntur, etiam addunt PLINII panegyricum, haud ſubiuncta gratiarum actione AVSONII. HENRICVS STEPHANVS adiunxit quoque panegyricos CLAVDIANI verbis ſcriptos, quorum heic nullam habemus rationem; in aliis autem editionibus deprehenditur adhuc panegyricus ENNODII Italiæ regi Theodorico dictus circa A. C. DVII. vel DVIII. qui etiam occurrit tum inter ENNODII opera a IACOBO SIRMONDO illuſtrata, tum in quibusdam CASSIODORI editionibus. hi panegyrici veteres in lucem prodierunt curab. RHENANI, LIVINEII, IANIGRUTERI, IACOBI DELA BAVNE, AVGVSTI BVCHNERI, CHRISTOPHORI CELLARII, nec ſine elegantioris eiſque latinæ litteraturæ emolumento. nam quamuis

¹ *Supplem. bibl. latin. p. 224.*

ætas, qua ingenia horum oratorum nituerunt, inclinaret ad barbariem & latinus sermo per barbaros homines magis magisque corrumpetur; tempore tamen illo, quo cælestis doctrina liberius erat propaganda, etiam latinitas magis restituta & exulta fuit, non solum a profanæ superstitionis hominibus, in quibus hosce rhetores merito numeramus; verum etiam ab ipsis christianis ARNOBIO *Afro* & FIRMIANO LACTANTIO. quapropter hos panegyricos vsui scholarum & cultoribus eloquentiæ omnino commendamus, qui pro ratione illius temporis latinitate elegantes sunt, & adhuc suppeditant modum atque indolem laudandicum varia & recondita eruditione, etiam arcanae historiæ momenta continent insignia. extremo dissertationis huius id fortasse vocari potest in disceputationem: num quævis oratio, quam commemorauimus, iure ac merito nomen *panegyrici* tueri possit, nec ne? præcipue quum pateat ex superioribus, quod nonnulli adpellationem hanc ipsi sermoni PLINII abiudicent. princeps disceputationis momentum in eo positum est: qua sententia vox panegyricus sit sumenda, quæ si tantum laudationem principum ac maxime illustrium personarum aut rerum deberet complecti; cuiusmodi significatio satis etiam est confirmata, necesse omnino esset, varias orationes horum rhetorum e numero panegyricorum eiicere. sed vero hæ inscriptiones auctoritatem multam præ se habent ac facile per rationem

crisis se possunt tueri.

FINIS.

INDEX



INDEX RERVM.

A.

ABELARDI		AMMONII	
dialectica	584	studia logicæ	555
ABRAHAMI		ANAGNOSTAE	
logica	480. 488	veterum Roman.	77
ACADEMIA		ANALYSEOS	
Atheniensis	169	Species ex Platone	517
ADAMVS		ANAXIMANDRI	
ipſius logica	477	atheismus	239
libri	485	ANIMAE HVMA-	
ADCLAMATIONES		NAE	
veterum ſophiſtarum		origo ex ſententiis	
	134	veterum philoſo-	
ADSCENSVS		phorum	212
Pythagoræ & Plato-		indoles ex doctrina	
nis	214	veterum præſertim	
AESCHYLI		Ariſtotelis	299
varii recensentur	191	ipſius immortalitas	
AGNOMINA			314
veterum eruditorum		ANIMA MVNDI	
	132	quid veteres philoſo-	
AGRICOLAE		phi de ea tradide-	
dialectica	605	rint	262
ALBERTI M.		ANTIOCHVS	
dialectica	585	Aſcalonita	181
ALEXANDER		ANTONINVS	
Aphrodiſienſis negat		philofophus conſti-	
animæ immortali-		tuit ſalarium rhe-	
tatem	320	toribus	122
ipſius ſtudia logicæ		ΑΠΛΘΕΙΑ	
	557	Stoicorum	331
AMBITIO		ΑΡΙΣΤΟΤΕΛΕΙΑ	
quod ſit cauſſa atheis-		celebrarunt Stagiritæ	
mi	359		358
		APOL-	

APOLLONIA
sedes eloquentiæ [70](#)

AQVA
Thaletis quid significet [236](#)

ARABICORVM
hæreticorum error [323](#)

ARABVM
studia logicæ [495. 568](#)
ratio philosophiæ [570](#)

ARCHYTAE
Tarentini logica [507](#)

ARISTIDIS
orationes panegyricæ [875](#)

ARISTO
Chius reiciebat logicam Stoicorum [535](#)

ARISTOTELES
eius disfidium a Platone [356](#)

nimia diligentia in colendis litter. [356](#)

valet magna auctoritate apud Christianos [299](#)

apud Judæos quoque [202](#)

accusatur atheismi [204](#)

Judæorum fabulæ de eo confutantur [223](#)

qualis cognitio ipsi fuerit de Deo [247](#)

ipsius principia physica examinantur [250](#)

æternitatem mundi credidit [257](#)

num Spinocismi errore captus fuerit? [260](#)

num auctor sit libri de mundo [272](#)

quid senserit de providentia Dei [277](#)

it. de indole animæ humanæ [299](#)

de intellectu agente [300](#)

de immortalitate animæ [315](#)

ipsius libri philosophiæ moralis [325](#)

negat certitudinem doctrinæ moralis [327](#)

vnde deducat originem iustitiæ & honestatis [328](#)

philosophia moralis Aristotelis quo spectet [329](#)

iudicia de ista recensentur [348](#)

doctrina eius de summo bono [334](#)

probabili ratione fuit atheus [352](#)

scriptores de eius vita recensentur [354](#)

eius indoles animi [355](#)

ipsius ambitio probatur [356](#)

adula-

ARISTOTELES

adulationi est deditus

359

voluptati sese tradi-
dit

361

num aduersus se aucto-
ritas patrauerit?

362

ipſius ſcripta logica

521

præcepta logicæ diui-
dicantur

529

ARTIS

cogitandi auctor quis
ſit

651

ASIA

muſarum doctrinis
floruit

70. 185

ASIARCHARVM

veterum ratio quæ
fueſit

152

ASIATICVM

dicendi genus

186

ASSYRIORVM

imperii origo

2

diuturnitas

3

reges

4

ASTAROTH

quid ſignificet

35

vocis huius origo ib.

ATHEISMVS

quid ſit

227

quotuplex ſit

229

quomodo de atheis-
mo veterum philo-
ſophorum debeat

mus iudicare

233

atheismus Ariſtotelis

197

Sabæorum

233

Chaldæorum ibid.

Socratis

234

Thaletis Mileſii

236

Pythagoræ

238

Anaximandri

239

Diogenis Sinopen-
ſis

241

vocis huius vera ſi-
gnificatio

ibid.

ATHENAE

ipſarum laus

70. 168

ATHENAEVM

quid fueſit

64

ATTICVM

dicendi genus

190

AVERRHOES

negat immortalita-
tem animæ

321

quid præſtiterit in lo-
gica

569

AVGVSTINVS

num quid præſtiterit
in logica?

563

AVINCENNAE

logica

569

B.

BABYLONIS

muri

77. 12

ambitus

14

origo

44

BAELII PETRI

controuerſiæ de con-
cordia rationis &

fidei

227

LII BELVS

INDEX RERVM.

BELVS aum primus Assyrio- rum rex 3 varii huius nominis 45	CARTESIVS quid praestiterit in lo- gica 642 ipsius sectatores 649
BESTIARVM cultus diuinus 9 alimenta hominibus praebentium exem- pla 38	CATHEDRA veterum 65
BEVRHVSIVS sectator Rami 617	CHALDAEORVM atheismus 233 doctrina de daemoni- bus 289 de anima 307
BIBLIOTHECAE veterum imaginibus ornatae 146	XAPIENTIEMOΣ veterum 433
BOETHII Studia logicae 560	CHRESTVS sophista 124
BONVM SVMMVM. de eo opinio Stoico- rum 333 Epicuri 334 Aristotelis ibid.	CHRYSIPPI Stoici dialectica 534
BVDDEI IO. FRANC. scripta logica 682	CICERONIS iter litterarium 164 vita 166 studia philosophiae 172 eloquentiae 177 praecipitores, quibus Athenis vsus est 181 studia logicae 553
BVRSII ADAMI Ciceronis dialectica 467	CLAVERGII IO. logica 649
BVSCHERVS HEIZO sectator Rami 617 C.	CLEANTHIS studia in logicam 334
CAINI & Abelis logica 478. 488	CLERICI IO. scripta logica 674
CAMPANELLAE logica 660	COGITANDI libertas 723
CANONICA Epicuri 543	COLLINI ANTON. controuersiae de li- bertate cogitandi 723
	CON-

CONCINNITAS		eorum officium	ib.
orationis	188	varia genera dæmo-	
COOPERTVS		num	ib. 289
sophisma	511	dicuntur quoque an-	
CORNVTVS		geli	287
sophisma	512	DAGON	
CORONAE		quem Deum signifi-	
veterum oratorum	138	cet	31
poëtarum	139	DAEMONIA	
CRELLIVS FOR-		quid significant	235
TVNAT.		DAMASCENVS	
genuinus Aristotelis		quid præstiterit in	
sectator	635	logica	567
CRITERIA		DECLAMATIONVM	
veritatis ex mente		veterum ratio	59
Epicuri	545	DECLAMATORES	
quid de iis tradide-		quid apud veteres	
rint philosophi	735	fuerint	113
CROCODILVS		DEFINITIO	
sophisma Stoicorum		doctrinæ de ista histo-	
	540	ria	755
CROVSAZ I. P.		DEI	
logica	689	veterum simul mares	
CTESIAS		& feminæ	33
quis fuerit	26	DEMOCRTI	
ipsius scripta	ib.	logica	504
auctoritas	27	DEMONSTRATIO	
fabulæ	39	doctrinæ de ista histo-	
CVFFELERI ABRAH.		ria	777
IO.		DERCETO	
logica	694	quæ fuerit dea	31. 199.
CYNOSARGES		DIALECTICI	
gymnasium	171	vocantur Stoici	533
D.		DICHEARCHVS	
DAEMONES		negat immortalita-	
apud veteres quid		tem animæ	311
fuerint	286	LII	DI-

INDEX RERVM.

DICENDI GENERA	ELIAE
apud veteres Græcos	corui 32
186	ELOQVENTIA
varia erant apud ve-	comparatur natura &
teres 851	arte 368
ΔΙΑΚΤΡΟΝ	eius fata apud Græcos
quid fuerit 121	& Romanos 105
DILIGENTIA	istam colendi variâ
veterum in colendis	veterum modi 180
litterarum studiis	EMENDATIONES,
93	veterum Romano-
DIONYSIVS	rum 86
Magnes vnde dicatur	ENTELECHIA
191	Aristotelis quid sit
DISPVTANDI	299
modi apud veteres 88	ΕΝΘΕΟΣ
varii philosophorum	quid significet 372
modi 804	ΕΝΘΥΣΙΑΣΜVS
DIVISIO	quid sit 372
doctrinæ de ista histo-	quotuplex sit 375
ria 759	poëtarum 377
DRACHMA	sophistarum 381
quid sit 125	ΕΠΙCΤΕΤΙ
DOVNAMVS	Christianismus 207
GEORG	ΕΠΙCΥΡΙ
sectator Rami 617	doctrinæ moralis
DVBITATIO	summa 331
doctrinæ de ista hi-	eius doctrina de sum-
storia 798	mo bono 334
E.	eius doctrinarum
EBRAEORVM	conciliatio cum
doctrina de intelle-	scripturis sacris 207
ctu agente 306	eius doctrina de pro-
studia logicæ 574	videntia Dei 280
ELECTICAE	ΕΥΒΥΛΙΔΙS
philosophiæ origo 833	sophismata 509
ELECTRA	ΕΥCΛΙΔΙS
sophisma 510	Megarensis logica 508
	ΕΥ-

EVMENII

rhetoris dignitas [64.](#)
[127](#)

orationes [889](#)

EXCERPENDI

consuetudo apud ve-
teres Romanos [75](#)

F.

FALLENS

sophisma [510](#)

FELICITAS HUMANA

vera in quo sit posita
[296](#)

FERVILARVM

vsus apud Romanos
[66](#)

FIGVRARVM

rhetoricarum vera
indoles [438](#)

FORMA

quid sit apud Aristo-
telicos [252](#)

assistent & informans
num sit Deus [260](#)

FREIGIVS IO. THOM.

sectator Rami [618](#)

FVNEBRIVM

sermonum origo [864](#)
exempla Romanor.
[881](#)

G.

GALENVS

quid præstiterit in lo-
gica [561](#)

GASSENDVS PETR.

eius historia logicæ
[461](#)

eius merita in logi-
cam [656](#)

GENVS

familiarum à Diis de-
ductum [36](#)

GERHARDI

scripta logicæ recen-
sentur [686](#)

GEVLINCK ARNOLDI

logica [655](#)

GRAECAE LINGVAE

studia apud Romanos
[178](#)

GRAMMATICORVM

veterum varia genera
[56](#)

præmia [118](#)

Le GRAND ANTON.

logica [649](#)

GRONOVIVS IO. FR.

refutatur [346](#)

GROSSERI SAMVEL

scripta logicæ [674](#)

GVNDLINGII N. H.

logica recensetur [690](#)

H.

HERCVLES

præses facundiæ [117](#)

HERMES

præses eloquentiæ [116](#)

HERMIAE

Aristoteles scripsit

præana [362](#)

HERODIS

Atheniensis sophistæ
dignitas [155](#)

HIERONYMVS

num quid præstiterit
in logica [564](#)

HISTORIARVM

veritas vnde pendeat [23](#)

LII 3

HOB.

INDEX RERVM.

HOBBSII THOMAE	item Ebraei	305
logica	Chaldaei	307
HOFFMANNI DAN.	Plato &	
controuerſiae de pre-	Pythagoras	ib.
tio philoſophiae	Stoici	311
HORNEIUS CONRAD.	INTELLECTVS	
oppoſuit ſe Ramo	HVMANI	
HORTI	operationes	710
penſiles	temperamentum	719
I.	quomodo a philoſo-	
IDEAE	phis fuerit diuiſus	721
quid de iis dixerit	INTELLIGENTIAE	
Plato	quid de illis dixerit	
Ariſtoteles	Ariſtoteles	264
Stoici	IOBI	
Scholaeſtici	logica	480. 488
quomodo idea ſit de-	ISOCRATIS	
ſinita a recentiori-	orationis pretium	126
bus philoſophis	orationes panegyricae	874
it. diuiſae	IVDAEI	
quid ſenſerint de ori-	num fuerint cultores	
gine illarum	logicae	554
IMAGINATIO	IVLIANI	
doctrinae de iſta hi-	orationes panegyricae	875
ſtoria	IUSTITIAE	
IMITATIONIS	origo vnde a nonnul-	
ſtudia apud romanos	lis philoſophis ſit	
	deducta	328
INDUCTIONIS	K.	
platonicae ſpecies	KECKERMANN.	
INFINITVM	BARTHOL.	
Anaximandri quid ſi-	cuius hiſtor. logica	460
gnificet.	KOCHIVS CORN.	
INTELLECTVS	DITERIC.	
AGENS	refutatur	472. ſqq.
quid de eo tradide-	KUPI-	
runt Ariſtoteles		

ΚΤΡΙΕΤΩΝ
sophismaStoicum 541

L
LANGH IO. CHR.
scripta logica 687

LANGII IOACH.
medicina mentis re-
censetur 686

LEGATIONES
veterum sophistarum
148

LEIBNIZII G. G.
obseruatio de cogni-
tione, veritate &
ideis 664

LIBANII
orationes panegyricæ
876

LIBERAE CIVITATIS
ius apud veteres Græ-
cos 155

LIBRARIJ
veterum 73

LIBRI
veterum romanorum
72
in Ana apud veteres
21

LINGVAE
Mercurio sacræ 105

LIPSIJ
nimia studia in philo-
sophiam Stoicam
206

LOCKII IO.
libr. de intellectu
hum. 667

LOGICAE
vox quid significet 464

indoles 455
historia quomodo sit
scribenda 457
historiæ scriptores

origo falsa 472
vera 494

num sit a deo deriuan-
da 473

de logica angelorum
474

de logica mythica 476
Adam 477

Caini & Abelis 478
Noachi 479

Abrahami 480
Iobi 1 ib.

Mosis 481
Salomonis 483

quid de logica patri-
archarum sit sen-
tiendum ibid.

de logica veterum A-
rabum 495

Pythagoræ 496
Zenonis Eleati 498

Parmenidis 501
Protagoræ 503

Democriti 504
Socratis 505

Archytæ Tarentini
507

Euclidis Megarensis
508

Eubulidis 509
Clinomachi Thurii
512

Platonis 515
LII 4 **LOGI.**

INDEX RERVM.

Platoniorum 520

Aristotelis 521

Aristoteliorum 532

556

Stoicorum 533

Epicuri 543

veterum Romano-

rum 550

Galenii 561

Porphirii 562

Augustini 563

Hieronymi 564

Io. Damasceni 567

Mich. Pselli ibid.

Georgii Pachyme-

rii ib.

Arabum media æ-

tate 568

Iudæorum 574

scholasticorum 581

Raymundi Lullii

598

Petri Rami 690

Philippi Melanch-

thonis 626

genuinorum Ari-

stoteliorum 632

Bacon. de Verula-

mio 639

Renati Cartesii 642

Cartesii sectatorum

648

Petri Gassendi 656

Thomæ Hobbesii

660

Thomæ Campanel-

læ 660

mathematicorum

661

Io. Lockii 667

eclecticorum 673

logicæ doctrina-

rum fara 695

varie adpellatio-

nes logicæ 697

quomodo definita

fuerit a philo-

sophis 701

item quomodo de-

vifa 704

varii modi logicam

tradendi 829

logica per symbola

821

per hieroglyphica

823

per exempla 825

varia existimatio-

nis logicæ fortu-

na 832

LVCVRATIONES

veterum 94

LVDVICI IO. PETR.

historia logicæ Tur-

carum 468

LULLII RAYMVNDI

dialectica 598

LVTHERVS

reiecit libros Aristo-

telis ethicorum 348

ipsius merita in phi-

losophiam 814

LYCEVM

LYCEVM		MEMORIA	
Atheniense	171	doctrinæ de ista histo-	
LYCIARCHVM		ria	716
ratio quæ fuerit	154	MENIPPI	
M.		uarii recensentur	190
MAGNIFICENTIA		MENS	
Aristotelis quid sit	346	humana num sit di-	
MALEBRANCHII NIC.		stincta substantia ab	
logica	655	anima	303
eius controuersia de		MENSAE	
origine idearum	752	vox quid significet	159
MALI		MENTIENS	
origo ex sententia ve-		sophisma	510
terum philosopho-		METENS	
rum	213	sophisma Stoicum	540
MAMERTINI		METHODVS	
panegyrici	887	doctrinæ de ista histo-	
MARTINI CORNELIVS		ria	812
opposuit se Ramo	615	MINERVA	
MATERIA		quid fuerit	121
quid sit ex mente Ari-		MIRACVLA	
stotelis	352	num ista frequentio-	
ipsius æternitas	358	ra velit Deus edere	297
MATHEMATICORVM		MITYLENE	
studia logicæ	665	domicilium littera-	
MEDIOCRITAS		rum	185
virtutis Aristotelicæ		MOLO	
examinatur	339	Ciceronis Præceptor	
MEDITATIO			194
ipsius utilitas	72	MONLORIVS Io. Bapt.	
veterum Romano-		sectator Aristotel.	634
rum	80	MORALIS PHILOSO-	
MELANCHTHON		PHIAE	
est sectator Aristotelis		certitudo negatur ab	
	349	Aristotele	326
ipsius studia logica	626	ista confirmatur	327
		MOSIS	
		logica	481. 487
		LII §	
		MOTVS	

INDEX RERVM.

MOTVS
doctrinam quomodo
expofuerit Aristo-
teles 253

MVSEI
Alexandrini hiftoria 157

N.
NELDELIVS
genuinus Aristotelis
feftator 635

NIMRODV
num primus Affyrio-
rum rex 3

NIZOLII MARII
ftudia aduerfus Ari-
ftotelem 607

NOACHI
logica 479

O.
OCCAMIGVIL.
dialectica 587

ORATIONIS
duplex genus 104
orationum panegyri-
carum hiftoria 851

ORATOR
num differat a rheto-
re 110

eor. fata duriora 114
v. fophift.

ORATORIAE
vis 420

ORBILIVS
ipfilingenium 67

ORGANI
Aristotelis hiftoria &
pretium 525

OTTIE 1
fophisma Stoicum 542
PACHYMERIVS Georg.
quid praestiterit in lo-
gica 567

PANEGYRICVS
vocis huius origo 852
orationum panegyri-
carum origo 856
auctor fermonum ve-
re panegyricorum

872
exempla talium feb-
monum graecorum

874
latinorum 880

PARMENIDIS
logica 501

PAVLLVS
Apostolus Hermes
habitus 117

PEREGRINATIONES
litterariae veterum 68
163

sanitatis cauffa infi-
tuta 162

PERGVLA
quid fuerit 65

PERSARVM
doctrina de demoni-
bus 289

gens libidinofa 21

PHAEDRV
philofophus Epicu-
reus 185

PHARISAEORVM
fophismata 555

PHI-

PHILOPONI		PORPHYRII	
studia logicæ	559	scripta logicæ	562
PHILOSOPHORVM		POSIDONII	
paganorum concilia-		uarii recensentur	195
rio cum sacris scri-		PRAEDICABILIVM	
pturis	206	doctrina a nonnullis	
quæ philosophia ipsis		relicitur	739
fuert	210	PRAEDICAMENTA	
PISCATORIO.		doctrinæ de illis hi-	
sectator Rami	619	storia	740
PLATONIS		PRAEMIA	
doctrinarum conci-		veterum sophistarum	
liatio cum scriptu-		& oratorum	118
ris diuinis 206. 211.		PRAEIVDICIA	
	215	doctrinæ de illis histo-	
doctrina de provi-		ria	749
dentia Dei	278	PRINCIPIA	
de anima	308	veritatis cognoscen-	
doctrinæ moralis sum-		da	730
ma	330	PROBABILITAS	
logicæ præcepta	535	doctrinæ de ista histo-	
PLAVSVS		ria	785
veterum sophistarum		PROTAGORAE	
	134	logica	503
PLINII		PROVIDENTIA DEI	
sermo num dicendus		vnde cognoscatur	227
fit panegyricus	858	quid veteres philos.	
ipsius argumentum		de ea senserint	279
	885	rationes, cur ista ne-	
POETARVM		getur	294
veterum præmia	139	PSSELLVS MICHAEL	
POIRET PETRI		quid præstiterit in lo-	
scripta logicæ	680	gica	567
POLEMONIS		PYTHAGORAE	
sophistæ auctoritas	160	logica	496
POMPONATIVS		atheismus	238
num negauerit im-		doctrina de demoni-	
mortalitatem ani-		bis	290
mæ	315	de anima	308
		Q. QVIN.	

INDEX RERVM.

Q. QVINCTILIANVS primus scholam pu- blicam accepit <u>63</u>	scholæ <u>62</u> peregrinationes lit- terariæ <u>68</u> libri <u>72</u>
R. RAMVS PETR. eius scholæ in libera- les artes <u>459</u> scripta dialecticæ <u>609</u>	anagnostæ <u>77</u> recitationes <u>81</u> disputationes <u>88</u> lucubrationes <u>94</u> secessus <u>97</u> tituli propter elo- quentiam <u>130</u>
fata <u>611</u> aduersarii <u>613</u> sectatores <u>615</u>	ratio cognomina im- ponendi <u>133</u> studia logicæ <u>551</u>
RATIOCINANDI varii philosophorum modi <u>760</u>	RVCELINI IO. dialectica <u>584</u>
RECITATIONES veterum Romanorum <u>81</u>	RVDIGERI ANDR. scripta logicæ recen- sentur <u>692</u>
REGVISH PETR. SYLV. logica <u>650</u>	S. SABAEORVM atheismus <u>233</u>
REIMMANNVS IAC. FRID. eius historia logicæ <u>462</u>	SADDVCAEORVM religio in quo sit po- sita <u>323</u>
RHETORIS adpellatio quid signi- ficet <u>108</u> differentia ab <u>oratore</u> <u>110</u>	SALOMONIS logica <u>483</u> <u>489</u> SALARIA veterum sophistarum & oratorum <u>119</u>
RHODVS domicilium littera- rum <u>192</u>	SCEPTICISMVS quid & quotuplex <u>844</u>
ROMANORVM præceptores littera- rii <u>53</u>	SCHEGKIVS IACOB opposuit se Ramo <u>614</u> <u>633</u>
cultura eloquentiæ quomodo sit insti- tuta <u>58</u>	SCHERBIVS PHILIPP. opposuit se Ramo <u>615</u> SCHNEIDERI L. F. scripta logicæ <u>685</u> SCHO-

SCHOLAE	eius indoles corporis
litterariæ veterum	& animi 18
Romanorum 62	extrema fata 20
SCHOLASTICI	sepulcri monimen-
disi sunt eloquentiæ	tum 22
præceptores 113	SENECÆ
quid adpellatio hæc	christianismus 207
significauerit 583	SEXTVS CLODIVS
SCHOLASTICORVM	accepit præmia elo-
philosophorum variæ	quentiæ 125
ætates 582	SIMILITVDO DEI
dialectica 584	ex sententia Pytha-
philosophiæ ratio 588	goræ ac Platonis 211
sectæ 596	SIMONIVS SIMON
SCHRAMMII IO.	genuinus Aristotelis
CONR.	sectator 634
eius dialectica Cabb.	SIMPLICII
466	studia logica 559
SCOPELIANI	SOCRATIS
soph. legationes 149	atheismus 234
fuit Asiarcha 152	logica 505
SCRIPTVRARVM SA-	sophisma 514
CRARVM	SOPHISTARVM
notitia inter gentes	adpellatio quid signi-
218	ficet 107
SECESSVS	eloquentia quæ fue-
litterarii veterum	rit 109
Romanor. 97	fata duriora 115
SEMIRAMIS	præmia 118
eius origo 5	salaria 119
educatio 8	quis eorum primus
expeditiones 17	acceperit merce-
matrimonium 9	dem priuatam 129
merita 12	honoris tituli 130
quomodo regnum As-	adclamationes &
syriorum tenuerit	plausus 134
10	coronæ 138
num condiderit Ba-	statuæ 143
bylonem 12	SO-

INDEX RERVM.

SOPHISTARVM

legationes	148
magistratus	151
fraudes	415
arrogantia	418
orationes promptæ	422
argumenta orationum	427
elocutio	428
orationum vis in animis hominum	441
laudationes	360

SOPHISTICAE

logicæ origo	503
sophismata Eubulidis	510
sophismata Stoicorum	539

SORTES

sophisma	511
----------	-----

SPINOZAE BEN.

logica	693
--------	-----

STATVAE

sophistis positæ	143
in bibliothecis locatæ	146

STOICORVM

doctrina de summo bono	333
doctrinarum conciliatio cum scripturis diuinis	206
doctrina de providentia Dei	278
de anima	311
doctrinæ moralis summa	331
studia logicæ	533

STRVVI IO. IVL.

historia logicæ Ebraeorum	465
---------------------------	-----

SVBLIMIS

oratio veterum Sophistarum	445
----------------------------	-----

SYMPOSIA

veterum sapientum	159
-------------------	-----

SYLLOGISMVS

Aristotelis quomodo differat a λέγῃ Stoicorum	538
doctrinæ de isto historia	763

SYRI

cultores columbarum	8
T.	

THALAEVS

sectator Rami	621
---------------	-----

THALETIS

Milesii atheismus	236
doctrina de demonibus	290

THEMISTII

orationes panegyricæ	877
eiusd. studia logicæ	559

THEOPHRASTVS

quomodo amplificaverit logicam	532
--------------------------------	-----

THOMASII CHRIST.

scripta logicæ	878
----------------	-----

THRONVS

triplex Atheniensis Sophistarum	122
Tl.	

TIMAEVS
quod dicendi genus
secutus sit 189

TITII G. G.
logica 685

TITVLI
honoris veterum so-
phistarum & rheto-
rum 130

ipforum exempla a-
pud veteres 133

TSCHIRNHAUSII
medicina mentis 662

V.

VALLAE LAVRENTII
dialectica 604

VATICINANDI
facultas naturalis num
homini inest 728

VERITAS
quotuplex sit ex men-
te Epicuri 545

VERSVS
in oratione soluta 441
de **VERVLAMIO**
FRANC. BACO
quid praestiterit in lo-
gica 639

VESPASIANVS
constituit salarium
rhetoribus 120

VIOTTI BARTHOL.
libri de demonstra-
tione 632

VICTVS PVBLICVS
veterum sophistarum
157

VIRTVS
quid sit ex mente Ari-
stotelis 339
quod vna tantum sit
virtus 342
ipsius species secun-
dum Platonicos 343

secund. Aristot. 344

quae doctrina Aristo-
telis examinatur 345

VIVIS IO. LVDOVICI
studia logica 606

VOSSIVS IO. GERH.
eius historia logicae
460

W.

WEIGELII ERH.
analysis Aristotelica
662

WEISII CHRIST.
scripta logicae 673

WOLFFII CHRISTIAN.
logica 665

X.

XENOCRATES
Platonis sectator 520

Z.

ZENO
Eleat. num sit auctor
logicae 498

Epicureus, Ciceronis
praceptor quis fue-
rit 182

Citticius coluit logi-
cam 533

ZOROASTRIS
oracula 233

F I N I S.

ERRATA OPERARVM.

Pag. 14. lin. 31. lege *opere*. p. 36. lin. 23. *cubili*. p. 44
 lin. 20. *origine*. p. 63. lin. 26. *Antoninus*. p. 160. lin.
 14. *quo circa*. p. 247. lin. 18. *ἀνέμυτος*. p. 265. lin. 15.
quum. ib. lin. 19. *pro*. p. 295. lin. 9. *perturbari*. p. 302.
 lin. 24. *adeoque*. p. 312. lin. 2. *in homine*. p. 354. lin. 11.
quod. p. 360. lin. 31. *exprimit*. p. 386. lin. 2. *Scalige-*
rum. p. 410. lin. 16. *errat*. p. 450. lin. 13. *pondus*. p.
 455. lin. 23. &. p. 461. lin. 16. *quorum*. p. 466. lin. 1.
Comradus. p. 483. lin. 30. *artem*. p. 531. lin. 16. *diindi-*
candi. p. 658. lin. 19. *distinguantur*. p. 672. lin. 15.
cognoscendam. p. 680. lin. 25. *emergendi*. p. 693. lin.
 5. *ratiocinatio*. p. 729. lin. 20. *prauiderere*. p. 749. lin.
 27. *sectatores*. p. 784. lin. 33. *particularis*. *que vi-*
tiosa, me absente, in typographia posita sunt ac facili
 negotio possunt emendari.

MAG 2018326



